

HB-22-3-67

PL
248
U34E9
1895

ʾUbeydī, Abdurrahmān
Evsaf-ı ve muʾcizāt-ı
Nebī

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

(25)

1- EVSAF ve MUCİZATI NEBİ

ABDİ 1313

2 - CENANÜL CENAN 1313 VAHİDİ

3 - MİR'ATÜL MEMALİK 1313 SİYDİ REİS

4 - AHSENÜL HADİS 1313 OKSUZADE

5 - KEMAL PAŞA ZADE DIVANI 1313

6 - OSMANLI TARİH VE MÜVERRHİLERİ 1314 CEMALİDDİ

کتابخانه اقدام

عدد ۱
'Ubeydī, Abdurrahman, d. 1572

آثار اسلافدن
Evşāf-ı ve mu'cizāt-ı Nebī

أَوْصِيَاءُ مَعَ النَّبِيِّ

ناظمی

عیدی

طابع و ناشری

اقدام غزته سی صاحب امتیاز و باش محرری

احمد جودت

معارف نظارت جلیله سنک رخصتیه طبع اولنمشدر

در سعادت — اقدام مطبعه سی


۱۳۱۳

PL

248

U34 E9

1895



1085702

بِسْمِ اللَّهِ الرَّحْمَنِ الرَّحِيمِ

حمد آکا کیم عالمی وار ایلدی	کیزی کنجن آنده اظهار ایلدی
کنت کنتراً پرده سندن آچدی راز	ایستدی کیم بیلنه اول بی نیاز
مظهر اولدی بو جهان آیاتنه	جمله ذرات اولدی شاهد ذاتنه
چون دیدی (احیت ان اعرف) خدا	عارف اولان اولدی شکمر محتبا
مصطفی در چونکه تاج العارفین	اولدی پس محبوب رب العالمین
حق آنک دینن مؤبد ایلدی	چار یار ایله مؤید ایلدی
هر نفس یوز بیک صلاتیله سلام	اول شه والایه تایوم القیام
هم دخی اولادینه احبابنه	تابعین و امت واحبابنه
لحظه لحظه دمبدم تایوم دین	رحمة الله علیهم اجمعین

مناجات

ای خدای کار ساز و بی نیاز	آشکارا در سکا هر کیزی راز
عالم اسرار و ستار العیوب	فاعل مختار و غفار الذنوب
مخشکدر جمله بی علت سنک	نعمتک یر بونجه بیک ملت سنک
خود از لده کلدن بز دن عمل	ایتدک احسان ای قدیم لم یزل
ینه سن ای رختی چوق لطفی عام	فضل ایدوب انعامکی قلغل تمام
ایلدک انعام بی منت بزه	هر نعمده قیلمدک صنت بزه
قاصر ز شکر نده ای ذات قدیم	چونکه سنسن رب ذوالفضل العظیم
نعمتکدن چرخ اخضر تره در	رحمتکدن شمس انور ذره در
حق شکرک کیم قیله اجرا سنک	شکرک اولدی نعمت اخری سنک
نعمت شکری بزه قیلسهک عطا	ینه هم اول شکر شکر ایستر جزا

پس نه یوزدن ای کریم ذوالجلال
 سن مکر لطفکدن احسان ایده سین
 قیله سین تقصیر من عذرین قبول
 کرچه قیلدک بر نیجه احسان بزه
 اول ایتدک نور ایماندن نصیب
 ربنا اتمم لنا انوارنا
 جرم من چوقدر حضورکده بلی
 کون سنک لطفکدن آتش بر اثر
 نور آلور آندن صحاری و قلل
 کوکلر آتش فیض عامکدن نصیب
 کوندر آکا زمین اهلی غبار
 یر بولوب بر ذره حلمکدن نشان
 رحمتکدن اوکرنوب بر شمه خو
 ذکر ایدرکن لطف بی پایانکی
 بی ادبک کورینور ای پادشاه
 نفس من باشند باشه چون جرمدر
 جرمزدن عذر من مذمومدر
 لطف ایت ای انعام ایدن هر نعمتی
 مبتلا ایکن بو نفس شوم ایله
 بولماشکن علمله راه هدا
 قیلدی کوکلم بر عجب کاره هوس
 یازمق ایستر مصطفی اوصافی
 نعمت شکرینه بولاوز جمال
 فضلك ایله جبر نقصان ایده سین
 لطفله ای نعمت و احسانی بول
 رایکان عقلیله جسم و جان بزه
 صکره قیلدک بونجه احساندن نصیب
 واعف عنا بالکرم اوزارنا
 رحمتک دریاسی یحدر ولی
 پرتوندن پاک اولور بونجه قدر
 ایر من آنک نورینه نقص و خلل
 بونجه رفعت برله دیر انی قریب
 دائم آنک شانی احسان و نثار
 خار زار ایچره بتورر کلستان
 پاک ایدر مرداری هر قنده یسه صو
 قوللره یحدر وعد احسانکی
 حضرتکه عرض اوله جرم و کناه
 آنی ذکر ایتک قنکده غرمدر
 بنک آکمق حضرتکده شومدر
 نوره تبدیل ایله کل بو ظلمتی
 باز جان همخانه ایکن بوم ایله
 طولمش ایکن سربسر حرص و هوا
 سن عنایت ایله ای فریادرس
 معجزات و مولد و الطافی

ای عجب قیلجه لیاقت یوغیکن
 یو نه سوزدرر خدایا قیل مدد
 بن نیجه فهم ایلم قدرین آنک
 شو شهک کیم مدحتی لولاک اوله
 آکا کیم مداح اوله رب جلیل
 اولکه سن مدح ایده سین ای دادکر
 لیک لطفکدن عنایت او مرمر
 دردمند بی دلم درمان سنک
 اول حبیبک حرمتنه ای کریم
 چون آنی عاصیلره قیلک شفیع
 امتی ایلک خیر الامم
 ایسترم بو بنده پر معصیت
 مصطفی اوصافی شرح ایلم
 چون انکچون یارادلدی جسم و روح
 واجب اولدی مدح و شکر مصطفی
 اول سیدن اوردم اشبو کاره ال
 طوت الم ای پادشاه کردکار
 کیم آنی ورد ایدینوب اهل صفا
 بن ضعیفی خیر ایله یاد ایدلر
 انلرک سن قیل دعاسن مستجاب
 یا الهی فضل و لطفک عامدر
 نعمت خاصکدن ایت بزه نصیب

او شهک مدحینه طاقت یوغیکن
 رحمتک بی حد و لطفک بی عدد
 قاب قوسین ایلک صدرین آنک
 عقل و دل فهمنده انک چاک اوله
 اولور ادراکنده عاجز جبرئیل
 هیچ اولورمی مدحی مقدور بشر
 بو کنه کاره رعایت او مرمر
 مستمند و عاجزم احسان سنک
 بن لئیمه قیل عطا قلب سلیم
 انبیان قدرینی قیلک رفیع
 تابعینه ایلک بونجه کرم
 بولوبن فضلك یوزندن تربیت
 قدرتک فیض ایتدوکنجه سویایم
 عقل و قلبه ایردی فیضندن فتوح
 جسم و روح عقل و قلبه بی ریا
 صوندم ای حق سن غنی جباره ال
 با که احسان ایله برخوش یادکار
 پرسرور ایده چو نور مصطفی
 خوش دعادن روحی شاد ایدلر
 جمله یه آج رحمتکدن فتح باب
 حضرتک ذوالفضل و الانعامدر
 فضلك ایله یا قریب و یا مجیب

مقدمهٔ مولد مفخر الكونين وغيث الثقلين محمد مصطفیٰ عليه
(افضل الصلوات واكمل التحیات)

آفتاب حق و سلطان مبین فخر عالم رحمة للعالمین
کن فکان بازارینک سرمایہ سی اونی سکزیبک عالمک پیرایہ سی
روح پاکي مبدأ کون و مکان جسم صافی خاتم دور زمان
ظاهراً جسمی جهانک جانیدر باطناً روحی حقک برهانیدر
بر منور کوندر اول نور خدا سر بر عالم لرہ صالمش ضیا
فضل حق دن هر کیم اولدی اهل دید اول کونش نور دن اولدی مستفید
هر کیمک وار ایسه عینده رمد قالدی محروم اول ضیادن تا ابد
دفتر عالم آنک منشوریدر عالمک اسراری هپ منظوریدر
دفتری دیباجه سی لولاک در متی هپ مفهومی اعطیناک در
کون عالم دن وجودیدر غرض جوهر آنک ذاتیدر عالم عرض
صبح آنک وجهی بیاضدن خیر کیجه هم زلفی سوادندن اثر
لطف رویندن مشرفدر بهار زلفی عکسندن شتار تار مار
چون آنک چون یار اولدی بو جهان مولیدر هر زمان ایله مکان
آفتاب روح طوغدی اولاً لا ممکنده نه الست و نه بلی
بونجه یوزیبک بیک عوام قیلدی سیر هپ شئونات وصفات ایدی نه غیر
قالدی آنده نیجه بیک بیک ماه و سال اول شهودیلہ قیلوب کسب کمال
قیلدی آنده ذات بیچون اقتضا کاول کهر دن خلق ایدہ ارض و سما
مظهر اوله تا آنک آیاتنه مولد اوله هم مبارک ذاتنه
ایلدی پس آکا قدرت دن نظر صاف و نورانی صواولدی اول کهر
رشحه سندن خاک و افلاک ایلدی لمعسن ارواح و املاک ایلدی

جمله اولدی مولد و مظهر ا کا هپ صلاتیه سلام ایلر ا کا
جمله سی ایلر ثنای مصطفی اولدی فرع اصله قیلمایه ثنا
فی خاتمة مظهر کلمات النبی ابی البشر آدم الصفی علیه السلام

قالدی پس بوحالیه بیک بیک زمان اقتضای حق ایرشدی بعد زان
ایستدی بو کونی جامع ایلیه احمد انوارینی لامع ایلیه
مولد اوله هر کالینه انک مظهر اوله حال و قالینه انک
اوله اول مخلوق هم اضداددن آب و خاک و آتشیله بادن
تا کمال صنعن اظهار ایلیه آب و بادی مونس نار ایلیه
پس بواضدای مرکب ایلدی متمرج قیلوب مذهب ایلدی
قرق ییل پس ایلیوب تخمیر انی دست قدرت ایلدی تظہیر انی
دوزدی پس بر هیکل عبرت نما کا کا حیران اولدی هپ ارض و سما
خالقتینی احسن تقویم ایدوب نفخ روح ایتدی ا کا تکریم ایدوب
ایردی چون تشریف کرما ا کا خلعت اولدی علم الاسما ا کا
مولد اولدی علم نور احمده دولت دائم سرور سرمده
طوغدی وجهنده جمال مصطفی هم دروننده کمال مصطفی
عاشق اولدی حسنه حور و ملک ارض مبهوت اولدی چرخ اوردی فلک

فی مولد اسم النبی علیه السلام

حمد ایله قیلدی کلامه ابتدا هم بوحمد ایدی ظهور مصطفی
میم جسمی هم ظهور ایتدی انک حمد حق جسمینی نور ایتدی انک
جسم پا که حمد ایله چون طوله نور ایلیه اسم محمد پس ظهور
چون الف و ش قامتی قیله قیام اسم احمد بوله حمد ایله
خود جهان کارینه اورما دین رقم لوحه یازمشدی آنک آ دین قلم

فی تعظیم نورالنبي الامین بسجود الملائكة اجمعین

ماحصل چون آدم اولدی پرکال
سجده نیوردی اکارب ودود
ایتدیلر تعظیم نور احمدی
بولدیلر حقدن سرور سרمدی
لیک سجده قیلمدی دیو لعین
کورمدی انوار دینی کوردی ظین
مظهر اولدی قهره ابلیس خسیس
تا ابد قهر اهلنه اولدی رئیس

فی ولادة جلال النبی صلی الله علیه وسلم

مصطفی بولشدی چون حقدن کال
مظهر اولشدی جهاننه جهان
لاجرم باش چکدی ابلیس لعین
حق تعالی ایندیروب ایکی علم
ایزدی اول نورانی سنجق آدمه
کوردی آدم کیم یازلمش رایتی
دولت اهلنک ذخیریدر بوسوز
حجته آغاز ایدوب دیو دنی
پس ایدیندیلر رئیس اول احقی
انده قونمشدی کمالینه جمال
ایستدی مظهر جلال بی امان
مظهر اولدی قهرینه تا یوم دین
بری نورانی بریسی پر ظلم
دوشدی ظلمانی بلیس پر غمه
ربنا انا ظلمنا آیتی
مولد الفقر فخریدر بوسوز
بی ادب دیدی بما اغویتنی
مظهر قهر اولوب اولانلر شقی

فی انتقال نورالنبي علیه السلام الى الاصاب والارحام

(وفي خلقه ام البشر حوی)

قال الله تعالى : هو الذي خلقكم من نفس واحدة وخلق

منها زوجها ليسكن اليها

بولدی چون اول کائناتک مفخری
ایستدی حق کاول شه عالی کهر
هی جلالینه جمالک مظهری
ایلیه اصلاب وارحامه سفر

اول سفردن هم بوله یحد کمال
 پس یراتدی برمه شیرین لقبا
 کیم اوله ذریت ونسله سبب
 اولدی اندن شیث ونوح محترم
 بولوبن ذریت آدم وفور
 یوزلرنده برق اوروب نور حیب
 مولد اولدی انیا انوارینه
 دور دور وقرن قرن ایتدی کذر
 قیلدی سیران بونجه ییک عالمیری
 هر دم ایرشدی ترقی و کمال
 بوتانی لر قو تعظیم ایدی
 کندی بیلور حکمتن اول بی زوال
 نفس آدمدن آدی حوا آنا
 بوله قیلدی اقتضا تسیب رب
 داخی ابراهیم واسماعیل هم
 انیا واولیا قیلدی ظهور
 آلدیلر اول نخت و دولتدن نصیب
 مظهر اولدی اصفیا آتارینه
 بونجه صلب ورحمدن اول خوش کهر
 هر برنده بولدی بونجه دملری
 بی نهایت در جناب ذوالجلال
 اول مکرم روح ایچون تکریم ایدی

فی ظهور آثارالهی قبل ولادته الجسمانیة فی الالباء کلها

انتظار ایچره جهان اولمشدی پیر
 طوغمشیدی کرچه نوری عالمه
 عشقی قیلمشیدی کوکلرده اثر
 ذکرین ایلردی طیور صافیات
 ذکر صالمشیدی جهانده دمدمه
 ذره لر بولمشدی مدخنده زبان
 کلر آچاردی جمالندن خبر
 کون ویرردی خوش نشانندن نشان
 شرح ایدردی نور و جهندن قمر
 اولمشیدی بویدی افلاک هم
 کایره ناکاه اول بشیر واول نذیر
 ثابت اولمشدی ظهوری عالمه
 اولمشیدی وصفی دللرده خبر
 وردین او قوردی زیاح عاصفات
 وصفی ویرمشدی زمانه زمزمه
 مولندن خوش قیلورلردی بیان
 روضه لر ویرردی لطفندن اثر
 اولمشیدی عالمه کوهر فشان
 اکا هم کوکبلر اولمشدی حشر
 رفعتندن هم صفاسندن عیم

حلمنه دوشمشدی مظهر نورین کاول نی در رحمة للعالمین
 کیکجهر و صاف زلف مصطفی کونلر اوصاف جمال والضحی
 ایتشیدی چون ظهور اول نور رب جبهه آبا واجدادنده هپ
 ایلر ایدی نسل بر نسل انتقال ارتقا بولدجه بولمشدی کمال
 چونکه عبداللهه کادی اول ضیا خوش سنابرق اوردی نور مصطفی
 چون امینه اولدی اول دره صدف جبهه سندن اولدی انور هر طرف
 فی وصف ولادته الجسمانية وفي تناسب المولد الروحاني بالجسماني

اول کوزی مازاغ و قلبی ماطنی وقت ایرشدی چون کونش کی طوغا
 اعتدالیله شرف بولدی جهان روح و راحت طولدی کون ایله مکان
 اولی چون بوربیع عالمک مولد روحی در اول شیرین دمک
 هم ربیع الاول ایدی مولدی جسم صافیسنه فضل ایزدی
 مظهر اول که عالم در صمد اوردی بنیادین انک یوم الاحد
 مظهر ثانی روح مصطفی اولدی جسم پاک و مرآت صفا
 مولدینه یوم اثنین اولدی آد فهم قیل والله اعلم بالسداد
 اول کون ایچره بردم محبوبده ساعت ایتمده وقت خوبده
 طوغدی چون جسم شریفی ناز ایله اولدی عالم غلغل و آواز ایله
 نور برق اوردی جهانیه سربسر قاجدی قیلوب لشکر شیطان حذر
 چون جلالة مظهر اولمشردی هپ پس جمال ایروب بولر قیلدی هرب
 استراق سمعه قیلدجه هجوم انلری دفع ایلدی کوکدن رجوم

قال الله تعالى : وانا كنا نقعد منها مقاعد للسمع فمن يستمع
 الآن يجد له شهاباً رزداً . صدق الله العظيم

دوشدی بتلر یوزلری اوزره قو چونکه کوستردی حقیقی قلبه رو

تخت کسری ایلدی هم اضطراب
چونکه جمله انبیا و مرسلین
دولتیه باصدی چون تخته قدم
لابد اولدی جمله نك ادیانی نسخ
منهدم اولدی قو معبدلری
شمس ایروب نور کواکب اولدی محو
خوش شرف بولدی وجودندن جهان
بیلدی هپ اهل سماوات وزمین
چوق کلیسا قبه سی اولدی خراب
اولمشیدی نایب شاده امین
اولدیلر اول حضرته جمله خدم
سر بسر آیینی وارکانی فسخ
جمله نك زیرا بودر مقصدلری
مست و حیران ایدی عالم بولدی محو
طولدی نورندن زمین و آسمان
کیم بودر اول ختم جمله مرسلین

﴿ في توجه النبي عليه السلام الى حضرة العزة ﴾
(والربوبية من حين الولادة الى آخر عمره)

چونکه طوغدی اول حبیب و اول ودود
باصدیغی دم عالم ملکه قدم
ایستمزدی بر دم اولمق محتجب
قیلیدیلر حور و ملکلر احترام
باطن اهلی ظاهر اهلی سر بسر
خدمت امر نده قیلوب جمله قیام
صاغ ایدی هم جدی عبد المطلب
امر مالا بده اقدام ایلدی
هم حلیمه اولدی خوش دایه اکا
خودا کا خدمت قیلوردی جبرئیل
اکا ظله یدی عنایت سایه سی
روحنه یدی چون غدا نور خدا
ربنه اول نفس قیلدی سجود
اصلنه یوز طوتدی اول فرخ قدم
ذات حقندن اول حبیب و اول محب
یوکر شردی چون جوارى و غلام
بغلنوب جانیله حرمتده کبر
قیلیدیلر اول شاهه بیك بیك احترام
حقى انی قیلدی. هوادار و محب
احتمام ایدوب هپ اتمام ایلدی
صالدی برپاره بلوط سایه اکا
حافظی و ناصری رب جلیل
سود و یرردی فضل و رحمت دایه سی
جسمنه هم طیبیات اولدی غدا

هر نه یرسه جسمنه اولماغه قوت	آز تیرردی ذکر حی لایموت
دوشمندی بر لحظه حقدن غفلته	قیل نظر بو خصلته بو دولته
عین عبرتدن نظر ایلردی اول	هجر و فرقتدن حذر ایلردی اول
جمله اشیاده کوروب آثار حق	طوغمشیدی قلبه انوار حق
ایرمدی بر لحظه حضر تدن نظر	کلمدی مرآت طبعنه کدر
ایرسه اول مرآت بر ذره غبار	دفعه استغفار ایدردی یشمار
ایستمزدی اول جمالی آفتاب	آفتابه اوله بر ذره حجاب
غیر تندن غیره قویمازدی مجال	جاننه طولمشدی نور ذوالجلال
کوکلی حقه چون او یانمشدی تمام	اول سبیدن دیردی قلبی لاینام
اتصال لی مع الله دن خبر	حسبی الله قل کفی بالله یتر

﴿﴾ فی بیان علم الانفع ﴿﴾

قال النبی علیه السلام فی دعائه : اللهم انفعنی بما علمتني و علمنی بما یتفنی و زدنی علماً و الحمد لله علی کل حال . و فی دعائه الآخر : اللهم انی اعوذ بک من الاربع من علم لا ینفع و من قلب لا یخشع و من نفس لا تشبع و من دعاء لا یسمع

انییادن حق اکا اعلم دیدی	علمک مالم یتکن تعلم دیدی
چون اکا تعلیم ایدن الله ایدی	جمله سردن لاجرم آگاه ایدی
پس نیچون امی اوله اول خوش خطاب	چونکه فیض اولدی اکا ام الکتاب
ما عرفناک ایله نیچون اورده دم	ما عبدناک ایده اول صاحب کرم
حاصل اولدی بزه پس بو معرفت	مقتضای علم ایمش بو خوش صفت
کیم خدانک کبریاسن فکر ایده	علم مالا انتهاسن ذکر ایده
قدرت ییچون وبی کیفیتن	ییلدوکن جمله قلوبک نیتن
حافظ و رافع معز و هم مذل	قابض و باسط ییلوب بی غش و غل

غفتیله قلمیه ترك ادب کیم ادب اهانه در الطاف رب
 عالم اولدر خوف حقدن قیله آه انما یخشی الله اول حاله **کواد**
کیم دیه عالم اکا ای لودعی کیم اوله فیاض علمه مدعی
 حجت اغاز ایلوب شیطان کبی خالقیه بحث ایدن نادان کبی

فی بیان تمثیل فیض علم و سبب انقطاع ان

کرکونشدن دوشسه پرتو براود اولسه مغرور اول اواسی پرتود
 کندونی صاحب ضیاعد ایلسه اول کونشدن روزنن سد ایلسه
 هیچ اثر قالورمی اول کوندن اکا سرعلمی خوش بیان ایتدم سکا
 علم اولورمی شول زباندن لقلقه صاته خلقه ترهات و فشرقه
 علم اکا دیرلرکه مسکین ایلیه آدمی بی کبر و بی **کین** ایلیه
 وارلغدن دمدم قیلوب **کذر** جان و دلدن ایلیه حقه سفر
 چون **یحبههم** یحونه درر طالب عشق اولور اول کاکه درر
 علم انکچوندر یقین ای دین ازی کیم اوله عشق و محبت رهبری
 عاشق اولق بیلکه موقوف اولور عالم اولان عشقله موصوف اولور
 ایکی حال اولمشدر بیل شرط عشق اول ایکدن حاصل اولور فرط عشق
 حسن معشوقک شعاعیدر بری عاشقک هم اطلاعیدر بری
 هر نه دکلو کولسه دلبر بی نظایر اولمین کسه سمیع ویا بصیر
 اولدی عاشق جمالینه انک عالم اولماز چون کمالینه انک
 کلبه بو عالم ایردی عاشق ایلدی کهنف اصحابنه لایق ایلدی
 مکه ساداتندن ایکن بوالحکم چون ابوجهل اولدی سکدن اولدی کم
 جهلدر بیل عشق حقک مانعی یوقسه صنع اولماز که سومن صانعی
 هرکه عشقندن حقک خالیدر اول علم صانور دیوک اضالیدر اول

صورت استكمال نفس

قال النبي عليه السلام : لا يكون احدكم مؤمنا حتى يكون الله
ورسوله احب اليه مما سواهما

عشق اودندن هر که بولدی بر قبس	نور اولور اندن بو ظلمانی قفس
پس دیر اول موسی صفت آنست نار	خود حقیقت نور ایمش اول خوش نزار
نفس کاو لمشدر چو جمال الخطب	نار عشق اور مق کرک ذات لهب
عشق اودندن بر ذباله ایرسه کر	اولور انده مختلط دود شرر
که شراره غالب اولور که دخان	صورت لوا مه در بو خوش بیان
چون یانوب کلی تمامت نور اوله	مطمئه اولو بن مسرور اوله
قالمز اندن صکره ظلمتدن اثر	آدیدر اول خطب آخر شرر
وارانی صرف ایده جک مصرف بودر	نکته احبیت ان اعرف بودر
علم شاهی و معارف معدنی	فضل و فیض اسی حقایق مخزنی
انبیا سر دفتری کان صفا	حضرت احمد محمد مصطفی
چون بو علمی اکندی حضرتدن اول	غیری بی ترک ایلدی غیرتدن اول
اعلم ایدی جمله دن اول پاک ذات	راه حقه علمه بولدی ثبات
جمله کاری حقه تسلیم ایلدی	امته بو علمی تعلیم ایلدی
هر ایشی تفویض قیلدی حضرته	هم بزی تحریر قیلدی حضرته
دیدي موتوا قبل موت اول رسول	هم عبادتده بودر اصل الاصول

فی استعداد الرسالة والبلوغ الى درجتها

قرق بیل چون بولدی علم ایچره رسوخ	عشق و شوق و صبر و حلم ایچره رسوخ
ایردی پس بو قدره کیم پایانی یوق	دیالر ایله وصفنک امکائی یوق
بر مقام ایتدی خدا احسان اکا	عقل سرگردان وجان حیران اکا

حق انك قدريني غيره ويرمدى
ايلدى حضرت اكا برفيضا خاص
فقرايله فخر ايتدى بين الانبياء
هركه وارلق ظلمتندن دور اولور
غير حق لايله نفى ايتدى اول
كندو حولندن تبرا ايلدى
چون بوشالدى وارلغندن طولدى حق
قدرت حقه وجودى اولدى بيت
انده كاتخاب اكه بيعت ايلدى
كىمسه انك منزله ايرمدى
حقه اول فيضايله بولدى اختصاص
اول سببدن طولدى نور كبريا
آفتاب حقدن اول پرنور اولور
بولدى پس الايله توحيدده يول
التجاي حول مولا ايلدى
لايد اولدى پرمغندن بدر شق
اكا شاهد مارميت اذرميت
حق يدالله فوق ايديهم ديدى

﴿ في بيان احكام النبوة وتبليغ الرساله ﴾

بعدزان امرايردى كاول صاحب قران
خلقه تبليغ رسالت ايله
جهلله قالمشاره ظلمتده دون
اكلدى چون جمله وصلت يونلارين
ايلدى پس اول مه شيرين مقال
باشلدى تبليغ احكام ايلدى
وحى حقدن هر نه كيم آله نصيب
اول انا افصح روضه سينك بلبل
سكرين لبدن اولوب كوهر فشان
قيديغجه قلبنه انزال وحى
آچوبن حكمت سوزندن نكته لر
حقك ايمان اهلنه انعامنى
پرتو حق خاتم پيغمبران
قوللارين حقه دلالت ايله
اولدنور علم احمد رهنمون
حقه ارشاد ايتدى حقت قوللارين
امر شاه لايزاله امثال
نعمت خاصن حقت عام ايلدى
قومنه ايلردى تعليم اول حبيب
اول انا املاح كلستانينك كلى
كوستوردى عالم حقدن نشان
روح قدسى طائر ايدى بال وحى
خوش ويرردى راد و صلمدن خبر
فضل بى پايان ولطف عامنى

باش چکنر قهره مظهر اولدوغن اویمسه فرع اصله ابتر اولدوغن
 بودنی دنیاده روحک غربتن بوفراق و هجر ایچنده کربتن
 غفایله اصانی اونوتدوغن کل شکر صانوب زهرلر یوتدوغن
 سویلر ایدی بونلره اول مقتدا رفقاه تعلیم ایدوب راه هدا

❦ صفت صحابه کزین رضوان الله علیهم اجمعین ❦

برنجه جانلرکه فرقت کار ایدوب جانن وجسمن تزار وزار ایدوب
 اکلامشاردی دل و جان عالمن ایستمزلردی بو هجران عالمن
 دائم ایستلردی برخوش پیشوا کالیوب اول رهنایه اقتدا
 قیلر اصل وطندن یانه سیر نیجه بر محبوس ایده بر کهنه دیر
 چون ایستدیلر بو حکمت سوزلرین قیلدیلر تسایم فی الحال اوزلرین
 کوردیلر کاول آفتاب پرضیا نور مطلق پرتو ذات خدا
 پیشوای راه حق بی اشتباه کندو نوری صدقه اولمش کواه
 سوزلری سرچشمه آب حیات کون یوزندن برق اورر تاب حیات
 صدق و تمیز و حیا و علمله تابع اولدیلر سکون و حلمله
 لاجرم صدیق و فاروق اولدیلر حقه عاشق خاقله معشوق اولدیلر

❦ فی سائر الصحابة رضی الله عنهم ❦

بر بلوک قوم ایستدیلر معجزات کیم اوله صدقه انک بینات
 کوردیلر معجز بولر رام اولدیلر کفری قویوب اهل اسلام اولدیلر
 ایردی چون بونلاره دیندن فتح باب اولدیلر میراث اورثا الکتاب
 کیمی ظالم نفسه کیمی مقتصد کیمی سابق خیره دینده مجتهد
 جمله بونلر آلدیلر حقندن مرام بولدیلر راه سداد ایچره مقام

قال الله تعالى : ثم اورثنا الكتاب الذين اصطفينا فنفهم ظالم لنفسه ومنهم مقتصد ومنهم سابق بالخيرات باذن الله ذلك هو الفضل الكبير . (في اوصاف الدين) ختم الله على قلوبهم وعلى سمعهم وعلى ابصارهم غشاوة

بريلوك داخی	كروه . اشقيا
كبرو كين وشهوت وعجب وحسد	تايع شيطان طولو حرص وهوا
جانلرنده مهر رحمتدن نه ذوق	باغلمش قلبك چو جبل من مسد
هپ بولر دنياه ويرمشلردی دل	دلرنده نور ايماندن نه شوق
قاپلمش كوكلارين محنت دونی	دامه چكمشدی هواي آب وكل
سربسر خودبين ومغرور وكفور	جانلرينه طوغلمش دولت كونی
مظهير قهر اولمشیدی چون بليس	باطله مائل قو حمتدن نفور
نه سوزندن اول شهك ذوق آلدیلر	اويدیلر ابليس به بوقوم خسيس
معجزه كوردكه منكر اولدیلر	يوزی نورندن نه خود شوق آلدیلر
ينه تكرار ايليوبن امتحان	سحر در بوديو كافر اولدیلر
ليك خير ايله دكل نيتلری	ايستديلر معجز اول قوم مهان
معجزاتی كوروب انكار ايتديلر	لهو ايله لعب ایدی امنيتلری
	حقه تابع اولمغه عار ايتديلر

﴿ في معجزات النبي صلى الله عليه وسلم ﴾

سويادكه معجزاتيله	حجر
براشارتدن كه ماه اولدی دونيم	طاش كوكلارينه قيلمادی اثر
سويلوب حنانه خوش كشف ايتدی راز	بولمادی برپرتو اول قوم لئيم
سوسمار ايلردی اول شاهه سلام	قيلمادی بولر حنينيله نیاز
خوش شهادت ایلدی اكا جل	لوم ايدرلردی اكا قوم لئام
جمله حيوان ونبات ومعنی	اولدی وصفی بونلرك بل هم اضل
	دينه دعوت ايتدی اول شاه سنی

دعوتی قیلدیلر جمله قبول
 کلدی معجز کافر تبتیک ایچون
 واردرر معجزده بی حد فائده
 معجزه یدی فعل وقولی سربسر
 چونکه ذاتی خالقه محبوب ایدی
 شفقت ورفقیله اول سلطان دین
 دیردی جورایتدجه قوم اول رهنمون
 قیلندی اول قوم بدبخت وفضول
 اولدی مؤمن قلبه تثیت ایچون
 لیك اولور اول اهل حقه عائده
 انلره کیم بولدیلر حقدن نظر
 لاجرم اوصافی هپ مرغوب ایدی
 اوگردردی بونلره ارکان دین
 اهد قومی انهم لایعلمون

فی قوله تعالى : النبي اولی بالمؤمنین من انفسهم .

قال النبي علیه السلام : انا اناکم مثل الوالد لولده .

مؤمنه نفسندن اولی در نبی
 چون صبی سود وزیائن اکلامن
 اود وعودن ایلمز پرهیز اول
 آنا آنا شفقتدن لاجرم
 رفقه اولمازسه ممنوع اول پسر
 لطف اولور هپ رفق و عنف امواب
 جمله عالم فی المثل بر بوستان
 پردر اول بستانده اعناب وخیل
 شول بوداقلر کیم ویرر برک وثمر
 تربیتلر ایلیوب ویرر هم آب
 شول بوداقلردن که گلز برک وبار
 قهر و لطف باغبان حکمتدر
 چون اب و ام اولدی اولامت صبی
 نفع وضر جسم وجانن اکلامن
 بولدی چون عقله تمیز اول
 حفظ ایدر لر شور و شردن دمبدم
 عنف ایدر لر مهر وشفقتدن بولر
 لطف وقهر احمده بودر سبب
 جانب حقنددر احمد باغبان
 وار بوداقلرنده جو مرد وخیل
 صاقلار انی باغبان باخبر
 سبز وخرم اولوب ارتار فروتاب
 انلری قطع ایدوب ایلر تارومار
 جمله ککاری مورت نعمتدر

فی معراج النبي صلی الله علیه وسلم

معجزاتندن بری معراجیدر خاکپایی فرق چرخک تاجیدر

اکا رام اولمشدی چون جمله جهان
چون مصور روح ایدی جسمی انک
جسمنه کلمشدی چون اوصاف روح
پس چیقوب سیر سماوات ایلدی
رغمه هر منکرک اول پادشاه
شول نشانلر کیم دیدی بولدی ظهور
یرده کوکده مطلبی حقدور انک
هر کیمک کیم مقصدی الله اولور
قیلدی پس طی مکان بسط زمان
رفت اولدی لاجرم قسمی انک
فتح ابواب سما اولدی فتوح
معجزاتن خلقه اثبات ایلدی
سویلدی معراجنه بیک بیک کواه
طولدی غم کفار ومؤمنلر سرور
قدری عالی کوکلی آچقدور انک
آلق و یوکسک اکاهپ راد اولور

قال النبی علیه السلام : لا تفضلونی علی یونس بن متی

دیر عروجده بنم قیل ایله مهک
کاول بالق قرننده معراج ایلدی
چون منزهدر مکاندن کردکار
کرچه تفضیل ایتمز معراجده
لیک تفضیل ایلز رؤیتده بز
یونس متییه تفضیل ایله مهک
فرق عرشه حق بنی تاج ایلدی
فوق و تحت اولدی همان براعتبار
موصل حضرت اوله منهاجده
کاولور انده کیم اعز و کیم عزیز

تمثیل فی تفضیل النبی علیه السلام علی سائر الانبیاء

(عایهم السلام)

فی معنی قوله تعالی : تلك الرسل فضلنا بعضهم علی بعض

دعوت ایتسه بکلرن بربادشاه
جمله دارالدعوته داخل اولور
کرسن ایسترسهک بوتفضیله دلیل
کر نبوتده قو بر نوردر
لن ترانی کلدی موسایه جواب
کایلسه تزیین تحت و برکاه
لیک صحبت مختلف حاصل اولور
وار اوقو تلك الرسل بنی قال وقیل
لانفرق صحفه مسطوردر
من رآنی مصطفایه فتح باب

هر زمان اول شاهدك مشهودی حق
 داخی حقدن قلبی چون اگاه ایدی
 جانی بولمشدی لقاییه بقا
 کوکاری سیر ایلدیکندن مراد
 چونکه ذاتی مفخر آفاق ایدی
 جون انکچون یارادلمشدی جهان
 یریوزن قیلدی قدومی مفتخر
 هپ قیلارلردی تمنا حالله
 یوزلری اوزره باصوب تا که قدم
 برکون ایردی اقتضای ذات حق
 مکه دن قدسه واروب سیران ایده
 که براق و که پر جبریل ایله
 نردبان اولوب طباق آسمان
 کوردی یولده نیجه بیک نقش و نکار
 دام دنیا خودندر باغ جنان
 زین اولوب اشجارله ازهار ایله
 کندویی عرض ایلدی اول حضرت
 حق ایدی مقصود مطلق چون اکا
 مانسوادن قیلدی چون کوکلی کذر
 پس مقام قاب قوسینه قدم
 خلوت خاص اولدی اول جانه نصیب
 شول یوزی کیم کورممشدی انبیا
 آچوبن جاندن کوز اول صاحب هم

جمله یر مسجد اکا مسجودی حق
 قبله کاهی ثم وجه الله ایدی
 هر دم ایلردی عروج و ارتقا
 بواوله والله اعلم بالسداد
 جمله آفاق اول شهه مشتاق ایدی
 بوجهان بر جسم و اول اولمشدی جان
 آسمان و اهلی آ که منتظر
 کیم محمد دولت و اقبالله
 خوش مشرف قبله اول نور قدم
 کایده سیر اول مظهر آیات حق
 بعد از ان عرش اوسته جولان ایده
 کونه کون تکریم ایله تجلیلله
 کچدی اندن قیلدی سیر لامکان
 اولمدی اول پهلوان کوکلی شکار
 اول همایه اولمغی چون آشیان
 حورله انهارله انوار ایله
 قیلمدی میل آ که باق بو عبرته
 پس مقید اولمدی او کدن صوکا
 حق دیدی حقنده مازاغ البصر
 باصدی و دیکدی او ادناده علم
 اول ایدی زیرا محب وهم حیب
 کوردی بی شک اول رسول کبریا
 کوردی بچون وجهنی بی کیف و کم

حق اکاوجهینه لایق ویردی کوز
 رؤیت معبود چون بی کیفدر
 ایردی محبوبینه اول محبوب حق
 آنده علم اولین و آخرین
 سویلشدی آنده طقسان بیک کلام
 ابتدای سیردن تا انتها
 اول هدایایله اول شاه امین
 آنده فرض اولدی بزه بش وقت نماز
 جمع ایدوب اهل سمانک خدمتن
 کوکدن ایندی بیزه بوحبل المتین
 چوقدر انک لطف و انعامی بزه
 کالیوب طاعت بولاوز قرب حق
 حقه یوز بیک شکر و اول شاهه سلام
 کوردی بی نقصان جمالن ایتمه سوز
 بونده کیفیت کلامی حیقدر
 او قودی حسنی کتابندن سبق
 حاصل اولدی قلبه حق الیقین
 بهره بولدی تا که اندن خاص و عام
 سویلشدی بر دم ایچره ماجرا
 دولتیله ایلدی عزم زمین
 لاجرم معراج مؤمندر نیاز
 بزه فرض ایتدی حفت کور نعمتن
 انی اعلام ایتدی قرآن مبین
 جمله دن یکدر بواکرامی بزه
 آله وز اول سبق رحمتدن سبق
 کایتدی بز بی دلره انعام عام

در کمال قدرت باری عزاسمه

سن انک معراجنه شک ایلمه
 آی کانک بر پر مغدن اولدی شق
 شرقدن غربه وارر هر کیجه اول
 حق تعالی قادر مطلق درر
 طوطونو آثار قدرتدن جهان
 نخله وحی ایدوب عسل تعلیم ایدن
 اشرف مخلوقنه بونجه کرم
 دولت انک کیم خمیر پاکی وار
 دفتر دیندن آدک حک ایلمه
 انی خوش سیر ایتدیرر رب الفلق
 نوله بر ساعتده سیر ایتسه رسول
 قدرته انکار ایدن احق درر
 سر بر سر عبرتدرر کون و مکان
 عنکبوته نسج و صنعت او کردن
 ایلمه اولور می قدرت بحری کم
 قدرتی فهم ایتکه ادراکی وار

قدرتند هیچ انك نقصانی یوق
 پریقان باغ جهانی برک وبر
 میودلر ضمتند لذتلر قویان
 ورد وریحان یارادوب مسکین ختام
 خلق ایدن عالمده خوب آوازملر
 عقل ویرن فهم معقولات ایچون
 جان ویرن عشق وشوقدن اثر
 سر انسانی به وصل اعما ایدن
 کر سکا قدرت یوزن تفهیم ایده
 کورمیسر هیچ برایشی حقه محال
 کوش ایدوب تسبیح اشیایی صریح
 نور ایدوب نصرت بوله جانک یوزی
 ایردسک سن چون بو علم اشرفه
 بولهسک سنت جماعت مذهب
 نور اولوب قلبک بوله شکدن فراغ
 حق اوله حلال جمله مشکک
 کوستروب ظلمتده قالمشلاره راه
 بعدازان طالبلره جان اولهسک
 بولیانلر عقدۀ شکدن خلاص
 اندن ادراک ایسته کیم احسانی چوق
 خوش تماشا قیلمغه ویرن نظر
 ذوقله هم اکا عزتلر قویان
 انی ادراک ایتکه ویرن مشام
 اکا قولاقدن آجان دروازملر
 مدرکات جسمی محسوسات ایچون
 قلبه ویرن علم وفهمندن خبر
 اصله فرع وفرعه اصل اعطا ایدن
 سر کرمنایله تیکریم ایده
 هر محال عالم اوله سا که حال
 فهم ایدمهسک ذکر ذراتی فصیح
 هر دم اوله تازه ایمانک یوزی
 رفع اولهسندن مزاج فلسفه
 اولیا واصفیانک مشرب
 مهر حقدن یا نه جانکده چراغ
 مخزن علم لدن اوله دلک
 خوش قلاغوز اولهسک بی اشتباه
 جمله درد اهلینه درمان اولهسک
 غیره ارشاد ایدمه می راه مناص

فی اوصاف قرآن العظیم کلام الله القدیم نفعنا الله بصراطه المستقیم
 معجزاتی ککرچه بی پایان درر جمله سینک اعظمی قرآن درر
 ظاهریدرر فصاحت معدنی باطنی نور هدایت مخزنی

دیدي حق گرانس و جن اولسه ظهير
بودر اول ظلم و ضلالت قامی
فلک نوح اولدیه طوفاندن مناص
اولدی فتح ادریسه کر علم نجوم
کر خلیله ورد و ریحان اولدی نار
اولدی کر موسی عصاسی اثردها
سوزده سحر ایدن عرب شاعر لری
بیلدیلر کلز بشردن بوسکلام
اهل هوده کر چه خوش بزم اولدی باد
بولدی قرآنیه مؤمنلر نجات
قیلدی عیسی کر چه احیای ممات
هیچ اولور می بوندن اظهر معجزه
نیجه کیم قصد ایلدی هر بوالفضول
حفظ حق در بود کل سحر و فسون

بر برینه دیسه من بوکا نظیر
معجزات انبیانک جاهی
فته موجندن قیلور قرآن خلاص
انجم قرآن شیاطینه رجوم
دوزخ ایلر اهل قرآندن فرار
سحرنی ساحر لک قیلدی هبا
کوردی چون قرآنی دوردی دفتر ی
وحی حقدر حکمت رب الانام
هم هلاک اولدی انکله قوم عاد
خوار و مقهور اولدی کفار و طغات
ویرر اولمش دلره قرآن حیات
حجت روشن بویتزمی بزه
بولدی بر حرفنی تحریفه یول
نحن نزلنا اوکو تا حافظون

قال الله تعالى : اننا نحن نزلنا الذکر و اناله حافظون

برق و ش پیدا اولور دی معجزات
طوغدی قرآن آفتاب بی محاق
ایردی چونکم بوضیای لایزال
ظاهر احکامی شرایع در لری
نظم الفاظی شفا موملره
صفحه بیضاده خطی زلف حور
سطر لر هر صفحه ده معراج روح

طولنوردی ینه بولمزدی ثبات
نووی ثابتدر الی یوم التلاق
ظلم و ظلمت محو اولوب بولدی زوال
باطنی مملو حقایق کوهزی
نور معناسی صفا موقبلره
کحل و ش باقدجقه ویرر کوزده نور
کیم اولور هر پایده یوزیات فتوح

هر کیمک کیم قوندی جاننده وفا اولدی قرآن اکا مرات صفا
 کچوبن مهر و وفادن جان کوزین انده عاشق سیرایدن جنان یوزین
 چاه ظلمتدن بوقرآن مبین خوش خلاص ایچوندر رحیل المین
 ایادی هر کیم بوجله اعتصام قورتیلوب جهلدن بولور عالی مقام
 هر کیمک کیم وار النده بوکمند اولدی جانی فضل حقندن بهره مند

قال الله تعالى : اناعرضنا الامانة على السموات والارض والجبال فبين ان يحملنها
 واشفقن منها وحملها الانسان انه كان ظلوماً جهولاً

شول امانت حملی کالده ظهیریکه کیم سبیدر جمله لطف وقهرکه
 خوف ایدوب ارض وسموات و جبال اجتاب ایتدی سن ایتده احتمال
 انی محکم قید قیل بوجبل ایله کایلمه سکت خوش یوز صویله منزله
 چیتمسون سر رشته الدن کد صقین تا اولنجه اوقو یأنیسک الیقین

قال الله جل جلاله : واعبد ربك حتى ياتيك الیقین

شکر ایدک ای رهروان راه حق کیم شب دنیا ده طوغدی ماه حق
 فکر ایدک بوفضل واحسانی بزه رحمتدن ویردی قرآنی سزه
 اولاً کوندردی اول نعم المعین مصطفای رحمة للعالمین
 چون جوارنده اکا ویردی شرف ویردی قرآنی بزه نعم الخلف

مقدمه انتقال حضرت حبیب رب العالمین سید الانبیاء والمرسلین
 (جامع کلمات الاولین والآخرین محمد المصطفی صلی الله

(تعالی علیه وعن آله وسلم)

نازل اولدی سچون کلام الله تمام بولدی پس عالم نظام وانتظام
 هر جهتدن بولدی دین امری کمال اولدی اجرا امر و نهی ذوالجلال
 ثابت اولدی کون کبی نمرع قویم خوش عیان اولدی صراط مستقیم

کونترلدی نهیسه طاعت یوللری ربنه یول بولغیچون قورری
اولدی هم جمله ضلالت راهی کم کلدی پس الیوم اکمت لیکم

قال الله تعالى : الیوم اکمت لیکم دینکم واتمت علیکم نعمتی
ورضیت لکم الاسلام دینا

کیم سزه انعامی عام ایتدم بوکون دینکز امرین تمام ایتدم بوکون
کیم بوقرآن ایجره درج اولدی یقین جمله عالم اولین و آخرین
جبرئیل ایندردی چون بوآتی ایزدی اسلامک سایه راتی
اکلادی اصحاب ایریجک بوکال کول حیب حق قلیسر انتقال
دولتیه یوز طوتیسر اصلنه جانی اویمشدر حیبی وصلنه
کیم اکا اصل وطن بوسفر بودنی منزله کی قیلمق کذر
آنک ایچون اولمشیدی بی خلاف کیم جهان دردین سوزوب خوش قیله صاف
قوللرین رینه ارشاد ایلیه دفع ایدوب هجران غمن شاد ایلیه
بیلمشیدک اول خدانک جودنی کون عالمدن آنک مقصودنی
کنت کنزادن آچوب معنی یوزین اکلادک احییت ان اعرف سوزین
لطف وقهری قیلمغه حقک ظهور ایلمشدی عالمی دارالغور
صفحه دنیای قیلمش پرنگار هم قومش اهلنده جزوی اختیار
کوره کیمدر عاشق نقش چکل کیم کچر اندن ویرر نقاشه دل
یلنه بوابتلادن خاص وعام ظاهر اوله فرقه نور وظلام
فرق اوله اهل نعیم اهل جحیم کندوبیلور حکمتن رب حکیم
احمدی بوامره کوندرمشدی اول رحمتدن کوستره تازره یول
نازل اولدی چون اکام الکتاب روشن اولدی هر خطا ایله صواب
دین عروسی ایلدی کشف جمال عین جاندن قیلدیلر رشف زلال

چون قوم مقصود حق اولدی عیان
بال آچوب جانیه جولان ایلدی
کرچه جانی حق ایلیدی هر نفس
فرجه دن اولان تفرج یاشهود
عاشق ایستر چشم اوله سرتا قدم
کرچه اولمشدر جهان مرآت دوست
منتظر اولمشدی اول اهل وصال
وحیه بیلدی پس اول خیر البشر
اون ایکنجی سنده هم ائنین کون
بردم اولدی بوجهانک عمری چون

ایستدی پس اول های لامکان
موطن اصلی یه سیران ایلدی
لیک اولمشدی بوتن جانه قفس
ایلمز عاشق لک جانیه سود
هر طرفدن کوره تانور قدم
مطلب عشاق اولویدر ذات دوست
کیم نه وقت اوله بوردن انتقال
مولد آیدرینه وقت سفر
اکا کشف اولدی بو علم من لدن
انتقال ایده یه طوغدینی کون

قال النبی علیه السلام : من بشر فی بخروج صفر بشرته بالجنة

ارزو ایلردی جانی اول دمی
ایلدی اصحابنه برکون خطاب
دیددی سزدن با که هر کیم موشتولر
جنت ایله مژده ویرم جانیه
برحابه وارایدی عکاشه نام
موشتولق چیقدی صفر کلدی ربیع
چونکه اولدک بوند سن یارم بنم
بری داخی کلدی اصحابک مکر
دیددی اول عکاشه یه اولدی نصیب
بن ضعیفک آتاسی بیچاره قول
دیردی اسلام ایچره اعلا جدمز
اندن ایردی بزه بومیراث دین

کیم نه وقت ایره بووصلت عالمی
لطفله اول حضرت عالیجناب
کیم تمام اولدی بوکون ماه صفر
ایره حقک بی حساب احسانه
دیددی برکون اکه کای خیر الانام
دیددی ای عکاشه سا که بن شفیع
اوله سن جنتده هم جارم بنم
دیددی ای سلطان بوکون چیقدی صفر
قسمت حقدن بوکون بولدی نصیب
نقل ایدوب آبا واجدادندن اول
حضرت عکاشه در سرحد مز
اولور اول سرچشمه ماء معین

خطاب النبی صلی الله علیه وسلم لاصحابه رضوان الله علیهم
(اجمعین بالملة والموعظة الحسنة والقرآن وانتقاله بالروح والرضوان)

چون بشارت ایلدی عکاشه‌یه
انتظار ایچریدی دایم اول حبیب
یولدوغی چون بدر اولوب روحی کمال
حقدن اصحاب ایچره اول چون نور ایدی
اولمشیدی جمله شیطانہ رجوم
بولمشیدی هربری راه هدا
خوش تخلق ایلمشلردی قمو
نور قرآنیه طولمشلردی هپ
چونکه حقدن یاکه عزم ایتدی رسول
امتن اصمرلدی یاراننه
دیددی بن کیتدم سزه قرآن یتر
امر دینی امته تعلیم ایدک
ایتمسونلر بوفایه اعتماد
چون دکلدر بوجهان دارالقرار
ضقلسونلر حق حضورنده ادب
انلرم اولسه‌م کرک اول کون شفیع
اول کونی یاد ایلسونلر جانله
ایایوب بو وعظه اصحاب کبار
دکلدیلر لفظ کوهر باریخی
بعد از آن اول حضرت عالی کهر
لطفله جان ویردی پیر لاشه‌یه
وقت ایروب اول وعده که اولدی قریب
جسم پاکی ضعفله اولدی هلال
جمله‌سی اول نورله مستور ایدی
اول سبدن دیردی اصحابی نجوم
اولمشیدی دین ایچنده مقتدا
اول شهک اخلاقی ایله مو بمو
رهبر راه حق اولمشلردی هپ
خوش وصیت قیلدی اول صاحب اصول
افرین اول حضرتک احساننه
حقک امر ونهینه برهان یتر
حکم شرعی جانله تعظیم ایدک
ایلسونلر دین یولنده اجتهاد
بی ثباته اولور استظهار عاز
کیم کلیسر سنجغم آتته هپ
حق بکا ویرمشلدر قدر رفیع
ایتمسونلر معصیت نسیانله
کوزلرندن در وکوهرلر نثار
جانله حفظ ایتدیلر آناریخی
ایستدی محبوبنه قیلمق سفر

خوش توجه ایلدی حقدن یکا فاعل مختار ومطلقدن یکا
قیلدی شسه اول ضیا وصل آرزو فرع اولورمی کایمه اصل آرزو

ایردی اول محبوب حق مطلوبنه

واصل اولدی جانله محبوبنه

بزه دکنز داخی بویرده کلام
کر مراد اولسه بووصف اظنا بله
آنی یازمشدر سیر اهلی قو
خودکیم ایلر اول شهک وصفن تمام
ارض وافلاک اولسه دفتر سربسر
اولسه آغاچلر قلم دریا مداد
خود بودفتردن بزم مقصودمن
اشبو در کاول کائناتک مهتری
جان عالمدر کانکچوندر جههان
انکیچوندر زمین افلاکله
روحی خلق اولمشدر اواک افلاکدن
هپ کمال مظهریدر بوجههان
بدأ عالمدن الی یوم المعاد
مولیدیر سربسر اکوان انک
اکه کونیله مکان محتاجدر
معجزاتیدر انک هم بردوام
خاص سرین نجه بیلسون خاص وعام
خوش مرتب شرحی فصل و بابله
شرح وتفصیل ایلمشدر موبمو
ماورای عقاقد چون اول مقام
کاتب اولسه جن واملاک وبشر
وصفی یازماز الی یوم التصاد
بذل مجهود ایلمشدر سودمن
انیا دیواننک سر دفتری
انکیچون خاق اولوبدر انس وجان
نابت اولمشدر بوسوز لولاکله
آب وباد وآتشیه خاکدن
اول آخر آشکارا ونهان
جملهدن انک وجودیدر مراد
هم نبات ومعدن وحیوان انک
هرقدمده اول شهه محتاجدر
فعل وقول ووصفی معجزدر تمام

فی آثار النبی وانواره وبعد انتقاله الی انقراض الدوران

حالیاً عالم طولو آناریدر ذره ذره مظهر آثاریدر

دین اوی قرآن ایله معمورد
 هم احادیث ایله هپ پرنورد
 بر مصایحه مشکات اولدی کون
 هم مشارق ایله مرآت اولدی کون
 هر طرفدن کوستر نور جمال
 حشره دك هم قاليسردر لایزال
 علمسك عالمی اولدی مظهری
 اولیا اسرارینك سر دفتری
 شرع اوین قیلدی عمارت بعضیسی
 شهر نفس و دیوی غارت بعضیسی
 حکیم کلام الهی تفسیر ایلدی
 قدرتی یتدجکجه تقریر ایلدی
 کیسی یازدی احادیثه شروح
 بولدیغنجه جانب حقندن فتوح
 مناک احمد بو حنیفه شافعی
 مظهر الدین اصمعی و نافع
 ایلدیلر دین یولنده اجتهد
 بیت دینه هربری اولدی عماد
 جمله اول شاهك کالیدر بولر
 امرو حکم ذوالجلالیدر بولر
 خوش مظاهر در مشایخ حالنه
 زمره اهل صلاح افعاله

فی حکمة الشرایع والحقایق وحکمة حبس الارواح فی الابدان

اولسه کر صورت شرع مبین
 سرله بولمزدی حال اهلی یقین
 اولسه هم اهل ایقان وثقات
 علمه بولمزدی شرع امری ثبات
 روح پاکی بوبنده قید ایدن
 اوله های بر قیلله صید ایدن
 ایلش سیمرغ عشق بی جدال
 حکمتیه پاینه عقلی عقال
 بوقفسسز مرغ جان بولمز کمال
 عشق ستر ایتمزسه عقل اولور وبال
 صورت شرع ایچره جاندر عشق حق
 مغز خوبك قشر دندر عصمتی
 قشر بی مغزك خود اولمز قیمتی
 حکمتندن اول حکیم لایزال
 عدل حقندن هرکیم ایلرسه عدول
 شرع ظاهر در، نهاندز عشق حق
 ظالم اولور شبهه سز اول بوالفضول
 عدله ویرمش بولاره اعتدال

در اوصاف اولیاء کمال که مظاهر با کمال پیغمبرانند علیهم السلام

وارد در هم نیجه دین سرور لری	حضرت پیغمبرک مظهر لری
علم ظاهر علم عشق و علم حال	جمع اولوب انلرده بولمشلر کمال
شیخ محی الدین و صدر الدین کبی	حضرت منلا جلال الدین کبی
آچوبن خوش فقر احمد دن خبر	مثنوی ایچره نهلر یازمش نهلر
مرشد راه هدادر اول کتاب	حق بودر هریتی در فصل الخطاب
هم بیورمش کندو اول صاحب هنر	مثنوی دکان فقرست ای پسر

در اوصاف فضائل فقر

فقرله فخر ایلدی چون مصطفی	فقر اولوبدر شبهه سز کان صفا
فقردر اصل اصول راه دین	فقردر هم مورث عین الیقین
علم و اعمال اولدی مرآت صفات	فقر اولوبدر مظهر و مرآت ذات
قلبه ویرر تصفیه علم و عمل	فقردر محض صفای بی بدل
حاصل علم و عمل جنت درر	آخر فقر و فنا وصلت درر
اولی در بوفنانک بذل مال	بذل جاندر عاقبت آکه مآل
مسکنتدر فقر اوینه فتح باب	پا کدر بنائک کوتورمن بوحساب
فقر آزار سهك نفسه ذلت یشه قیل	راه فقری بعد از ان اندیشه قیل
کیم ایشتدک آدمک خوش خصلتن	ربنا انا ظلمنا دولتین

در بیان آنکه حضرت مولانا جلال الدین قدسنا الله بسره الغریر

(در مثنوی فرموده است که حق سبحانه و تعالی کبر و طوع خلایق را)

(امتحان کرده است بوجود انبیا و اولیا علیهم السلام . زیرا)

(بمحضرتش هیچ کبر نتوان کرد)

بر تر از و قورمش اول سالار دین کاوله فرق اشرارله اخیار دین

کیم اطاعت ایلرو کیم باش چکر
 مثنوی مغنوده سویلمش
 کیم خدا چون خالق عالم درر
 قدرینه کیمسه انکار ایلمز
 پس بیلنمدی که کیم انصاف ایدر
 ایلدی بریوزدن اول شاه ابتلا
 تا کوره حقه کیم ایلر انقیاد
 برزمان انکله اولدی امتحان
 صکره قوت طوتدی انوار نبی
 طولوب کندو جهانندن اول قمر
 عالمه زین اولدی خلقه نورعین
 پس بیلنمز اولدی حال خاص وعام
 پس ینه کوندردی اول سلطان عدل
 هم مشایخ زمره سینی بی ریا
 بونلری کوندردی اول سلطان محک
 امتحان حق تمام اولدی بوکون
 بونلره هرکایتدی جانندن احترام
 دوشدی ایاقندن شولر کیم چکدی باش
 مسکنت کیم پیتر کیم کبر اکر
 اشویوزدن انی خوش شرح ایلمش
 قادر مطلق شه اعظم درر
 پس اکا باش امکه عار ایلمز
 حقه اویمغه کیم استکاف ایدر
 کوندروب جنس بشردن انیسا
 کیم اولور شیطان کبی اهل عناد
 اهل خیر و اهل شر اولدی عیان
 قیلدیلر تعظیم اکاشیخ وصی
 طوتدی آفاق کالی سر بر سر
 آ که اویمق کلز اولدی نفسه شین
 کوستروب کندوبی هپ صاحب مقام
 اولیا و اهل علم و اهل فضل
 کیم بولردر وارثان انیسا
 قالمیه تاطوع و کبر نفسه شک
 امتیاز خاص وعام اولدی بوکون
 حق قتنده بولدی اول عالی مقام
 دشمن اولان سرله خوار اولدی فاش

در فضائل اتباع مشایخ و علما رحمهم الله تعالی

اهل حقه مسکنت دولتدر
 دائم ایت تعظیم اخیار کرام
 عجب کبرک حاضلی ذلتدر
 حقه در انلره اولان احترام
 مسکنت قیل خاقه شول امیدله
 کایره سک انلرده بر اهل دله

تابونه سگ سایه سنده نور حق آله سگ علم لدنیدن سبق
 آینی طوپراغی دولت تاجی در مسکنت انلره جان معراجی در
 مسکنتدن ایلمز کیسه زیان کر اولورسه قدری مثل آسمان
 مسکنتدن کورمدی هرگز ضرر دوشورر نورین یرد شمس و قمر
 قتلرنده بر درر درویش وبای تک همان اولسون بولر روزن کشای
 اولدیلر لابد ضیا اندر ضیا پرقیلوب انلری نور ککریا

قل نبي عليه السلام : مامن آدمي ألا وفي رأسه سندان سلسلة الى السماء السابعة
 وسلسلة الى الأرض السابعة فإذا تواضع رفعه الله الى السماء السابعة وإذا تكبر وضعه
 الله الى الأرض السابعة - نقل من شهاب الاخبار

بوحدیث ایچره بیور مشدر یقین فقرله فخر ایلین شاه کزین
 کیم کچوبدر حکمت قدوسله باشنه هر شخصک ایکی سلسله
 مسکنتدن هرکه قیلدی نفی پست خوف حقدن کندوی قیلدی شکست
 مرتفع فوق العالیه بیرسی صارقوبن اینمش ثرایه بریسی
 قالدرر پس آئی حق فوق الفلک اولدی چونکم خویله جنس ملک
 عجبله باش قالدروب هرکاوله کرم قیلمیه حقدن تکبر ایله شرم
 ایندیرر آئی خدا تحت الثرا ایلدی چون دیووش عجب ومرا

﴿ موعظه در معنای این حدیث ﴾

چون ایشدتک بوحدیث احمدی آلق اول رفعت دیلر سه کسرمدی
 باژ کونه بوجهانک کاری هپ رنجی راحت راحت در رنج وتب
 قدرت ایرسه نفسه استدراج بیل ضعف وعجز ایرسه اکامعراج بیل
 کردنددن نفسک آله بنیدینی آرزودن کس انک پیوندینی
 اول خر اومار دائم اوتلقدن خبر آما مشدر حسن مطلقدن خبر

هر نفس كاوك مرادی كاه اولور كلشكردن اول چقن آكاه اولور
كنج او مرسهك حقدن ايت نفسی خراب كل بتورمك ايسته سهك اولغل تراب
مصطفانك چون شعاری فقردر عالم اوزره افتخاری فقردر
حقك ايرمك ايسته سهك رضوانه اتباع ايت انبيا سلطاننه
قيل نظر اول كائناتك شاهنه هر دم ايلردی دعا اللهنه
ديردي مسكين ايت حياتمه بنی ايله مسكين هم ممامده بنی
هم ينه عقاده مسكين نشر قيل زمره مسكينلر اچره حشر قيل

قال عليه السلام : اللهم احني مسكينا وامتي مسكينا واحشني
في زمرة المساكين

❦ في اختياره الفقر والمسكة ❦

حقا كاوير مشدی چونكيم بونجه قدر هم مقام قرب اوا داناده صدر
بيلدیرو بدی نكته لولا كله كانكي چوندر زمین افلا كله
ما تقدم ما تأخر ذنبی
پس نیچون اول سید سادات کون مغفرت قيلمش ایدی اول شه غنی
عرشدن اعلا ایکن جاهی آنك عرض ایدردی حقه عجز وضعف وهون
بو ایدی الله اعلم حکمتی اولدی فقر و مسكنت راهی آنك
شكر ایدوب اول منعكم احسانه حق آکا چون ویردی بونجه نعمتی
هر نه درلو حقه خاص اولسه کشی طاعتن منت بیلوردی جاننه
براو لو سلطاندر اول خلاق کون طاعت و شكر و نیاز اولور ایشی
اکلا دقجه قدرتن ایلر خضوع هر کیمه کیم ویرسه قربت قیلسه عون
بی نهایتدر خدانك درکهی هر ندکلو کارته علم آرتار خشوع
آرتیرر خوفن بویابك آکهی

فی اوصاف العشق وحالاته

بردخی بودر که اول شاه رسل
 اولسه کامل خوبده حسن و جمال
 لازم اولور آ که پس فقر و فنا
 عاشقه دائم نیاز و مسکنت
 عاشق شولدم بولور جانی حضور
 عاشق ایستر وارلنی تاسر قدم
 خوارلق عاشقارک معراجی دز
 دردو غمدن غمکساری عاشق
 راحت اولمز چکمینجه دردوتب
 وارلغک هر دم هلاک ایتک دیلر
 طور عشقی کیمسه بیلمز عقله
 رمز عشقی هم ینه عاشق بیلور
 اولمشیدی عاشق و معشوق کل
 عاشقک عشقی هم اولسه برکال
 عشقه لابددر غم ورنج و غنا
 دشمنی در عز و جاه مفخرت
 تن لباسندن اوله عریان و عور
 نار عشق اوروب قیله یکسر عدم
 خار و خاره سندس و دیباجی در
 عقله صغمز کار و باری عاشق
 طوتمز آرام اولسه رنج و تعب
 خار و خسندن راهی پاک ایتک دیلر
 فهم اولمز اول کتتاب و نقلله
 خلق بیلمز سرنی خلق بیلور

غزل در وصف عشق

عشق در اولکم ریا بنیادی ویران ایدر
 عشق در اولکم زمینی پست و مال ایلوب
 آفتاب عشق چون بر ذره یه پر تو صالار
 عشق چونکم شهر آچار سیر او ادنی ایچون
 چاغرر سلطان عشق فقر فخری دمبدم
 کل شیء ما خلا الله باطل طمان چالوب
 بو عبید پر بلایی کور آنک بر شمه سی
 عشق در اولکم دل و جان ملکنی آباد ایدر
 مهر و ماه و انجم و افلاکی سرکردان ایدر
 آدنی عیسی ابن مریم موسی عمران ایدر
 جبرئیلی الی یوز بیک باله حیران ایدر
 یعنی سرتاپا سوای حق دست افشان ایدر
 کلشن توحید ایچنده رقص اورر جولان ایدر
 راه پر خونده نیجه ییلر درر غلطان ایدر

غزل دکرهم در وصف عشق

مراهل هوا عشقه کی رازی نه بیلسون
شول کوش که تسویل شیاطینه پردر
هر سرد کوکل کیم اوله پرلهو و ملاهی
عشق اهلنی عشق اهل ییلور ظاهر و باطن
دنای دنی جیفه سنه کر کس اولانلر
هر مزبله ده دانه طلب خانکی قوشلر
درد ایسته کل وقشر علومی قوعیدا
هر پشه ها قیلدوغی پروازی نه بیلسون
جان سمعنه حقدن ایرن آوازی نه بیلسون
سوز اهل سماع ایلدوکی سازی نه بیلسون
محمود صفت اولمین آیازی نه بیلسون
سلطان ایلنک لایقی شهبازی نه بیلسون
بحر ایچره نه ذوق ایلدوکن قازی نه بیلسون
بی درد کشی دردده کی رازی نه بیلسون

خطاب بحضرت در کمال استغای او و عجز و تقصیر مداح

ای نیلر زمره سینک زبده سی
حاصل کون و مراد امرکن
تاج فرق عرش و کرسی و سما
عالمک جانی و جانک عالمی
مظهر قدرت مناط نصر و عون
لیک دنیا ده یوزک بدر الدجی
حسنک آشفته سیدر جان و دل
رایتک نصر من الله در سنک
جانکه مشکات تنده نور زیت
مبداء عالم وجود کدر سنک
انیا دیواننک مختاریسک
قول و فعلک جمله معجزدر سنک
چونکه لولاک اولدی مدحت شانکه
عالمک فخری جهانک عمده سی
مخزن اسرار علم من لدن
نور و برق ماه و خورشید و سها
محرمک شاهی و شاهک محرمی
مرکز عالم مدار هر دو کون
روز محشر طلعتک شمس الضحی
طولودر عشقک هواسی آب و کل
وصف حالک لی مع الله در سنک
ضوء حقدر مارمیت اذرمیت
جمله وارلق فیض جود کدر سنک
اولیانک قافله سا لاریسک
انس و جن مدحکده عاجزدر سنک
کیم بوله یول وصف بی پایانکه

آند ایچرکن عمرکه خالق سنک
 اولکه مبدأ هم مآب ایتش سنی
 طولش انک شعله سی شیب و فراز
 ککندو نوریدرینه مداح اکا
 اولکه مدح ایتک دیلر انوارکی
 مدحدن اقصای مقصودی آنک
 یوخسه مستغنی سین ای محبوب حق
 شرح اولنسه بیک بیک اوصافک سنک
 شمس انوردن همان برذرده در
 عاجز ایکن جمله مدحکدن جهان
 نیجه قیلسون وصفک ای شاه بلند
 آغزیمی بیک کز کلابیلله یوسم
 بوتکفدن مرا می بنده نک
 ذره وصف آفتاب ایتک دیلر
 آکه یعنی اتساب ایتک دیلر
 مدحکی کیم ایلینه لایق سنک
 برمنور آفتاب ایتش سنی
 مدح و وصفدن جهانک بی نیاز
 نفس ایلر قدح اولان قداح اکا
 فضل وجود خلق دریا بارکی
 ذکر نامکدر همان سودی آنک
 مدح ایدر چون نورکی رب الفلق
 حسن خالق وجود والطاقک سنک
 روض ازهردن همین برترده در
 سر بر سر هرذره اولمشکن زبان
 بو عید درمند و مستمند
 لایق اولمز مدحکه ای پرکریم
 مبتلا و بی دل و افکندنه نک
 آکه یعنی اتساب ایتک دیلر

حکایت

یوسف صدیق کاولدر خوش نهاد
 کیمی ویرمش بدره بدره سیم وزر
 زهره طالع برزحل سیرت قاری
 برکلاوه ایلیکیله اول عجوز
 خلق انی تعیب ایدیجک اول قاری
 آکه قیمتی اولوز بوسیم وزر
 قیمینه چونکه لایق نسنه یوق
 صاتمغه مصر ایچره قیلمشلر مزاد
 کیمیلی بش آغری مسک و کهر
 اولمش اول کون یوزلو ماهه مشتری
 خوش طلب قیلمش انی پرشوق و شور
 دیمش ای شمس اولانلر مشتری
 کر طولرسه جمله عالم سر بر سر
 بر در رپس آکه نسبت آز و چوق

مشتري اولمقده مقصودم بنم هم بوسودا ايجره خوش سودم بنم
 كمر بنم كمر قاريلردن برى عد اولم همم مشتريلردن برى
 بنده نك هم ياشفيغ المذنبين مدح وصفكدن مراى بوهمين
 شول سنى وصف ايلين آصفارك سركه واقف اولان عارفلك
 پيرونده عد اولم بن مبتلا لطف ايدوب معذور طوت اى پادشا
 نماه جات برجل من جراد سن قبول ايت اى شهنشاه جواد

غزل هم در خطاب حضرت رسالتناه صلى الله عليه وسلم

عقل و جان آشفته وجه بسيمكدر سنك حور و رضوان بند زلف خوش نسيمكدر سنك
 كعبه سر خدادر قبله كاهك لاجرم انبيا ارواحى زوار حريمكدر سنك
 سيم و زردن طوغره ميل ايتسك اولم عجب فقر له كنج قناعت زرو سيمكدر سنك
 جان و دل عالملى سركه معمور اولدى هپ هر دوكونك عمده سى شرع قويمكدر سنك
 امتكده نوردين نار جحيمي محوايدر موصل جنت صراط مستقيمكدر سنك
 ايتك ايمان اهله انعام خاصكدن نصيب خود و جودى عالمك جود عيمكدر سنك
 ثابت اولمشدر كمالك نكته لولاكه حق ديلىنده بو خبر مدح قديمكدر سنك
 ذاتك اى شاه اسم اعظم اولديغنه دالدر وجه قرآن زينتى چون حاوميكدر سنك
 نعمت نوركه پر اى آفتاب معنوى سر بر سر بر سفره بر خوش اديكدر سنك
 جمله آفاقه اگر چه لطف و انعامك ايرر دولت اول جانك كه كويكده مقيمكدر سنك
 خاص حقدر مهرله بر كره نامك ذكر ايدن بحث جاه و عزت آنك كيم نديمكدر سنك
 ايشك افتاده سيدر عرش عاليدن بلند خوش بولور قلب سليم اولكه سقيمكدر سنك
 جزأت ايتك مدحكه بواضع الناسه سبب اعتماد وسعت خلق عظيمكدر سنك
 مجرم و عاصيلروبي دلره اميد جان جود و لطف و شفقت ذات كريمكدر سنك
 قيل شفاعت بو عيده ياشفيغ المذنبين دردمند و خواص و افتاده يتيمكدر سنك

شکروثنای حق تعالی بنعمت وجود محمد مصطفی علیه السلام

مژده ای یاران و اخوان صفا کیم جهانندن کیتیمشدر مصطفی
جسمله کرچه طولندی اول قمر قودی بزیدلله نور و اثر
حقه یوزبیک منت وشکروسپاس حمد بی پایان ثنای بی قیاس
کامت اولدق اول حیب حضرته نور اسلامیه ایردک نصرته
بزه تشریف ایلدی ایمانله بیلدرر احکامنی قرآنله
ضعف ناسی قدرت حق تمام اکلدوب قیلدی بزه انعامی عام
خیرو شری جمله عرض ایتدی بزه شری نهی وخیری فرض ایتدی بزه
ایلیه لم اول امامه اقتدا اهتدا قیلن بولور چونکم هدا
اتباعیه اکا یول واردلم عرض ایدوبا کسکلکی یالواردلم
کسه مزده چونکه یوقدر اقتدار شکرحقه پس ککرکدر اعتذار
بزده یوقدر چون اکالایق عمل ایشمز باشند باشه نقص وخلل
نفسمز اکسکلکن بیلمک کړک ژنک نفسی عذرله سیلمک کړک
چون یاراتدی بزی من ماء مهین کندو لطفندن قودی انوار دین
ویرمسه بزقوللره راه هدا بزنه یوزدن ایلرایدک اهتدا
حکممز یوق جسممزده قیل قدر آنی کیمدر یاقره یا آق قیلر
حاکم مطلق بزه چون حقددر کندوی حاکم صانان احمقددر
بزنه یوزدن کبرله کرم اولهوز پس کړک حالیه پرشرم اولهوز
ایدهوز اول حضرته عرض نیاز
عفو ایده تاجر ممز اول کارساز

مناجات

یا الهی لطف بی پایان سنک مجرم وعاصیلره احسان سنک

رحمتك درياسيدر مواج وپر
 لطفه غرق ايتدك اكرچه بندهكى
 فضلك ايله قیلدك اى شاه بلند
 رحمتكده یوقدر اى سلطان قصور
 نه دلم وار ذكركه لایق سنك
 نه یوزم وار عذر ایدم دركاهكه
 چون بیلورسین حالمى بی قیل وقال
 هر نفس كیم سندن احسان اولیه
 لطف ایدوب اى حافظ ارض و سما
 هر كنه كم قیادم اى حق ككريم
 چونكه قیلدك احمده امت بزی
 اول حبیك حرمتینه یاغفور
 خوش عمل ارزانی قیل قرآنله
 حشر قیل تحت اللواسنده بزی
 چونكه اذنكه اولور اولكون شفیع
 ایلکل احسان بزه حسن المآب
 لطف ایدوب قیل بودعامی مستجاب

.....

احباب فضل و کمالدن اولوب ادبیاتمیزك عتیقنه ده جدیدینه ده وقوف
تامی اولان ادیب لیب ولد افندی حضرتلرینك بورساله حقنه رأی
استفسار ایدلش ایدی . مومی الیهك طابعه کوندردیکی بر التفاتنامه
مطالعه مصیبه ایله مشحون اولدیغندن بروجه زیر عیناً درجنه
مسارعت ایدلدی :

قرداشم جودت بك افندیه

(عبیدی) نك اوصاف و معجزات نبی حای منظوم رساله سنك
تصحیحیه ترجمه حالك نهایتنه علاوه سنی امر ورق پاره دادرانه لرینی
النجه انقاد و جیهیه مسارعت ایتدم . تصحیح خدمتی ادا ایلدم
مأمورلرینه ویردم . شمدی ده عقم ایردیکي ، و سعم یتدیکي قدر ترجمه حالنه
متعلق خدمته شتاب ایدیورم .

اگر محض تلخیص اولمیوب ده جداً بنده کزی عثمانی ادبیاتنه
واقفلردن عد بیوریورسه کز ملاحظات آتیة فقیرانه می دیکله میه تنزل
بیورمکزی نیاز ایدرم .

فقیر کز منظورم اولان تذاکر شعرا ده (عبد) ك مصیغری اولمق
اوزره ایکی شاعر اسمی کوردم که بریمی ادرنه لی (عبیدی) دیکری
مثنوی نویس شهر (عبید دده) در .
اولا (عبیدی) یی اله آله لم :

« حسن چلی » نك روایتنه کوره (عبیدی) ادرنه لی ، اسمی
عبدالرحمن ، پدری (نبی حایفه) دیکله مشتهر بر عابد صالح و واعظ
ناصر ایش .

تحصیل علوم و معارفدن سوکره قاضی زاده افندی یه ملازم اوله رق منصب قضایه نائل ونهایه الامر زغرده یوز الی آقچه قاضی ایکن طقوز یوز سکسان سنه سی نعیم ابدی یه واصل اولشاردر .
مسلك شاعرانه سی حقنده دیرکه :

« حقا که شعرای بلاغت عنوان میاننده تفوق اقران ایله معین و ممتاز کمنه در اکثر اشعاری آه عاشق دردناک کبی سوزناک والفاظ در رباری آب روان مثالی غایتده لطیف و پاکدر فن معمارده دخی شهرت تامه سی واردر بوفی همشهریسی مشهور امریدن تحصیل و تکمیل ایله مشدر » .

حسن چلینک پدری قنالی زاده علی افندی ادرنه قاضیسی ایکن عبیدی ایله خیلی زمان مصاحبه و مشاعره ایتشار مرقومک فوق العاده حلیم و سلیم ونهایتله اوتانغچ اولدیغنی سویلیور .
شو :

نه آچدق فضای کلشنه کل پیرهنلرله
نه صالدق مرام اوزره بونی سروسمنلرله

و :

صاتمه بنی ناله یله جهانندن کذر ایتدم
کوردم سنی ای غافل او یورسک خبر ایتدم
بیاتلری کندیسنه منسوبدر . انشاد ایلدیکی مرابعار خوشخو انان
زمانی آرهنده خیلی شهرت و رواج حاصل ایله مشدر .
کتابخانه لرده بولنان اسکی مجموعه لرده زماننه کوره متوسط
واستادانه خیلی غزلیاتی منظورم اولدی .

عیدالله دده

قوله قو مولوی خانہ سی مشایخندن کامل شیرشیخ غالب ددہ نک
آشجی باشیسی صاحب دیوان (درویش اسرار) شعرای مولویہی حاوی
اولہ رق تدوین ایلدیکی تذکرہ دده دیرکە :

« عیدالله دده — عارف کزیدہ سخن جناب شیخ محمد فدائی قدس
سرہ حضرت تلرینک پروردہ نظر تربیہ لری اولوب اشعارندہ « عید »
تخلص بیوردر سرعت کتابتہ موفق اولوب نیچہ مثنوی شریف تحریر
بیوردمشردر وخط دستاری اولان مثنوی شریف لر حضرت چلبی
حسنا المین قدس سرہ المین جنابلرینک خط شریف لریلہ اولان مثنوی
شریفدن مقابله اولمشدر »

استاد الشعراء حضرت شیخ ثاقب مولوی دخی کلین عرفای
مولویہ نک مناقب شریفہ سنی حاوی جمع ایلدیکی اوچ جلد « سفینہ
نفیسه » ده دیرکە :

« حضرت عیدک عاشقانه قصائد و عارفانه مدایح و نعوت سید المرسلین
و نیاز نامہ سند العاشقین [۱] و مقطعات و رباعیات سفین المعارف عشاق
و احبابده مانند حر زجان محفوظ و مضبوطدر و استنساخ بیوردقلری
کتب جلیلہ نک مواضع مشکله سنہ تعلیقات مفیدہ لرینک اکثری نسخ
کلک لطائف نکار لریلہ مطالعه و مشاہدہ اولمشدر .

شیخ کلمات پرورینک و فتندن صوکرده شور مذاق کندونی سر
بصحرای سیر و سیاحت ایدوب قدہ بر مرد صاحب درده دوچار اولسه
انکله جلیس حضر و انیس سفر و مقام خدمتده شد کمرایله سیاح بحر و بر
اولوب اقامت و سیاحت لرندہ کتابت آثار جلیلہ کبار حقیقی وظیفہ لازمه

[۱] جناب مولایہ عائد اشعارینہ اشارتدر .

ایذنبوب احیای آثار و تکثیر سواد اسرار ایتمه‌لریله مجمع کتب نفیسه و مجموعه علوم شریفه و کتابی وسیله مطالعه ایتمه‌که انفاص لطیفه‌لری لوامع المطالع ارواح قدسیه و اطوار شریفه‌لری مطالع الشوارق اسرار انسیه اولمشدر»

ایشته‌عید دده‌نک قدرت ادبیه‌سنه‌دائر «سفینه‌نک» عبارده‌سی بوندن عبارتدر .

مناقب شریفه‌لرینه‌عائد ده‌ا برچوق تفصیلات وارددر . بعضلرینک خلاصه‌سی شودرکه : قونیه‌ده حضور مولاناده حجره‌کزین انزوا اولدقلری هنکامده یاران باصفا هر نه زمان تفرج باغ مرام [*] ایلسه‌لر عید دده حضرت‌لرینک اثر قلم حکمت رقلری اولان نوادر آثار اولیاء کرامدن برنجیه تحفه نفیسه و نسخه لطیفه‌ی زین مجلس ایلمکی التزام ایتمه‌لریله بر روز فیروزده عادت معهود اوزره منطق الطیر حضرت فریدالدین عطار قدس سره العزیزی التماس ایدوب کندیلرنده نسخه موجوده اولمه‌مغله و جواب یاسی دخی موافق شیئه عارفان کورمدکلرندن همان (سز کیده طوریکز بن آرقه‌کزدن کلیر و کتاب ملتسمی کتیریرم) بیورده‌رق قوه قدسیه ایله برق‌اچ ساعت ظرفده کتب خانه مولویه‌دن درحال بر نسخه استنساخ ایدرک اوکون مجمع اخوان الصفایه یتشدر مشلرددر .

حضرت فدائی‌یه اوائل ارادت‌لرنده طرف مرشددن خدمت سقاییه تعیین اولمشلری . کندیلری مربیه‌لر النده انواع ناز و نعمته پرورده اولمش ایکن بو خدمت شاقه‌ی هزاران مسرت و شکرانه درعه‌ده قیلوب خدمت مردان خداده خزانه وجود موجودینی خرج راه صدق و اخلاص ایله مکله کمال ذات و جمال صفات ایله مزین و جواهر معارف

[*] «مرام» قونیه‌نک غرب جهتنده و بر ساعت بعدنده انواع ریاض و انبهارى و آثار و اشجاری حاوی برقصه دلارا اولوب اشراف محلیه‌نک صیفیه‌لریله مزیندر .

عوارفه محلی بر مرد صاحب تمکین وعاقبت دستار استوا دار مشیخته
نائل مقام کلین اولملر در .

خدمت سقایته بولند قلی ائاده ایکی اللرنده ایکی سبوا یله صوکتیر لر کن
شکل عجیب و طور غریبندن جنونه قائل اولان اطفال منکرین سنکبار
تمسخر اولملریله هماندم حضرت عبید سنک جفادن سبوی آستانه محافظه
ضمننده سماعه آغاز و بوییتی انشاد بیورملر در :

کوی عشق مولوی دیوانه سی اولمش عبید
سنک اطفال رهی حصن حصیندر آنک

آخر عمر لر نده اسپارته مضافاتندن اکیردیر قصبه سنده نورالله
دده مرقد شریفی زاویه سنده حجره کزین مشیخت اولوب عاشقان
درویشانک تربیه و تسلیکیله امرار زمان ایله مکده ایکن آستانه حضرت
مولانا ناک اشتیاقی غلبه ایدرک مشرف زیارت اولدقدده هزاران غرام
واحتراقله مجاورت ابدیه نی نیاز ایله مکله تیر طلب واصل هدف واجابت
اولوب قبه خضر سایه سنده ته دیوار رحمت استوارده آسوده اولملر در .
وفاتی طموز یوز طقسان بش حدودنده اولدغنی درویش اسرار
(تذکره) ده تصریح ایدر .

ایشته بوایکی شاعرک ترجمه حالی بوندن عبارتدر .

کتابک باش طرفنده ناظمی (عبیدی) اولمق اوزره کوستر مشسکر
بنده کزده اثنای تصحیحده اکا تعرض ایتمده فقط ازاله شبهه ایچون
(عبیدی) نکده ترجمه حالی درج ایدرک عظم ایردیک قدر براییکی سوز
سویله مکه مجبور اولدم .

اسکی مجموعهلرده (عبیدی) نک خلی غزلیاتی کورددم . جله سی متین

و بی قصور و اکثری عاشقانه در فقط زینت الفاظ و قوت خیال جهتندن
شعری متوسطدر .

ایضاح مرام ایچون اوزمان شعراسنک بعض مشاهیرینی عرض ایدیم :
شهرزادجم — صاروجه کمال — احمدپاشا — نظامی — نجاتی —
۹۱۴ ۹۰۲ ۹۰۰—۸۶۴

لامعی — کلشنی — ابن کمال — اصولی — ذاتی — شاهدهی دده —
۹۳۸ ۸۳۰—۹۴۰ ۹۴۰ ۹۴۵ ۸۷۶—۹۵۴ ۸۷۵—۹۵۷
خیالی چلبی — فضولی — عیدی — ابوالسعود — یحیی بک — آذری
۹۶۴ ۹۷۱ ۹۸۰ ۸۹۶—۹۸۲ ۹۹۰ ۹۹۳

عیدالله دده

۹۹۵

ایشته بوشاعرلر ایچنده (عیدی) موازنه عاجزانه بجه (لامعی)
درجه سنده و (عید دده) ایسه (اصولی) مرتبه سنده در .

عیدی بتون اشعار نده (عیدی) یازار. حال بوکه بو کتاب دروننده
بش آلتی یرده ناضیک اسمی عید اوله رق کورولور. انفاس مولویدیه آشنا
اولان عرفای اسلامیه شمس تابان کی در خشان اوله جنی و جمله بو کتاب
نفیسک دروننه زیور بخش اولان بتون نکات حکمیه و لطائف غیبیه اسرار
مشویه نک عیندر . موجب تطویل عظیم اولمه سیدی مقابلی در خاطر
ایتد کلریمی برر برر تشریح ایدردم . هله برقچ محلنده نام مولانانی
وانفاس پیر دستگیری تصریح ایله مشدر کداز جمله :

واردد هم نیجه دین سرورلری

حضرت پیغمبرک مظهرلری

علم ظاهر علم عشق و علم حال

جمع اولوب آنلرده بولمشدر کمال

شیخ محی الدین و صدر الدین کی
 حضرت منلا جلال الدین کی
 آچو بن خوش فقر احمد ددن خبر
 مشوی ایچره نه لر یازمش نه لر
 مرشد راه هدا در اول کتاب
 حق بودر هر یتیدر فصل الخطاب
 هم بیورمش کندو اول صاحب هنر
 مشوی دکان فقرست ای پسر

یتلرنده اولاحضرت پیرک مصاحب و معاصر لرندن و علوم حقایقه
 معین و ناصر لرندن شیخ اکبر و ربیبی صدر قونوی بی یاد ایدوب بعده
 حضرت شمس الدین تبریزینک احوال و مقاماتی حاوی اولان مشوی
 شریف صاحبی مولانا ناک اثناسنه کیرشمشدر .

بعده (در اوصاف فضائل فقر [*]) سرخندن اعتباراً احکام
 مشوی بی نقله آغاز ایدر . درت صحیفه قدرینی او یولده املا ایتدکن صوکر
 (فی اوصاف العشق و حالاته) سرخیله باشقه یوزدن بر صحیفه دن زیاده
 نقل حقایق ایدر و احکام فقر و عشقی حاوی اولان ایکی غزلنک مخلصی
 دخی (عبید) در . آندن صوکره جابجا ینه نقله دوام ایدوب بر صحیفه دن
 عبارت اولان :

مژده ای یاران و اخوان صفا

کیم جهان دن کیمه مشدر مصطفی

معارفی دخی بو یولده قلمه آلمشدر .

بو کتابک مندرجاتی بو اسلوب اوزره در . شعر نقطه سندن مزیتی ایسه

[*] فقر تام لسان اهل الهمده اک عالی مقام دن عبارتدر .

(سليمان دده) نك مولد نبوي سي طرزنده اولوب نفاستده اكا ايكنجي
اوله بيلير .

مؤلف اولمق اوزره قرار ويره جكمز ايكي ذات اولوب بريسي يعنى
— درون كتابده مخلصه موافق اولان عبيد دده — هم شاعر لكجه
(عبيدى) دن دها متين ، هم ده مولوى شيخي وانفاس مولويه نك يكانه
آشنالرننددر . مدت حياتنده — سائر كتب نفيسه دن ماعدا — برخيلي
مثنوى شريف يازوب جابجا تعاليقات علاوه ايله مشدر . چلبى حسام -
الدين حضرت تارينك نسخه لرندن استنساخ اولنش وعلى الخصوص بر مثنوى
خوان الندين چيقمش اولمغله عبيد دده خطيله اولان مثنويلر مثنوى
خوانلر نرذنده برنجى درجه ده معتبر واشتراسى هر كسه ناميسردر .
دوت بش نسخه سى منظور فقيرانه نام اولدى .

بواثر معتبر (عبيد دده) نك اولديغى وقتيله رجال مولويه بيننده معلوم
ومعين اولمليدركه نسخه لرى ايكنجي درجه ده معتبر اولان مثنوى نويس
شهير (جورى) دده دخى مسلكداشك (اوصاف ومعجزات نبى)
سنه قارشى (حليه چاريار) ي نظم ايتمش وشيخ الشعرا مثنوى خوان
شيخ نشاطى مولوى دخى (حليه انبيا) ي يازمش و درويش نقشى ده
(حليه مولانا) ايله بو وادى مقدسك منتهاسنه ايرمشدر .

ايسته قرداشم بو كتاب مستطاب ايله مؤلفى حقنده عجاله يازه بيلديكم
سوزه ختام ويريورم . اكر مؤلفى (عبيدى) ايسه مغنويآنده هر جهته
حضرت عبيداللهك نظيرى بر عارف مولوى نهاد اوله جغندن يالكز
اشباحده آيرى اعتبار اولنش اولورلر .

بواثر مقدسه عبيدالله اولان بتون شاعرلر اشتراك ايدجك اولسه لر

جمله سی فیوض مالا نہایہ سندن بالغاً ما بالغ مستفیض اولورلرینہ بوخوان
بی زوالدن ذرہ اکیلمز .

جمله سنک روحی شاد اولسون .
الفقیر
چاکر آل محمد ابن مولانا ولد

جواب

محترم برادرم اقدام

اقدامی تابدا یندن بری معاونت تحریریه ایله وایہ دار مباحات
ایلین فاضل مدقق نجیب عاصم افندینک برادری - کہ خدمت معارفی
سونلدند - بو اثرله برابر برقاج اثری دها شام صحا فلرندن اله کچوردنک
برر صورتی ده بزه کوندرمش ایدی . آنک اوستندہ «ناظمی : عیدی»
دیه محرر ایدی . فقط صاحب اثر کندینی «عید» دیه اتیان ایلور .
بزده حالیلہ ابقایہ مجبور اولدق . هر کیمہ صوردق ایسه بو اثرله
صاحبی حقندہ بزده معلومات مقنعہ ویردمدی ایدی . بزده کوندریلن نسخه ناک
قابندہ «هذه الرسالة فی اوصاف النبی صلی اللہ تعالی علیہ وسلم و معجزاته
ومولده الروحانیة والنورانیة والجمانیة والاثاریة من المبدأ الی المعاد
وبالله التوفیق والسداد وبه الاعتصام وعلیه الاعتماد» عبارده سی وار
ایدی . اندن استدلالاً بزده رسالہ یه «اوصاف و معجزات نبی» نامنی مناسب
کوردنک . شرقت اوچ لسان عظیمی حقندہ تتبعات و تدقیقاتلری
آثار ایله ثابت اولان ذات عالی فاضلانہ لرینک لطفاً رجامزی تلقی
بالقبول ایدرنک اعطاسنه همت بیوردقلری ایضاحات و تفصیلات
حقیقه مغنی کورلدیکی ایچون بروجه بالا درجیلہ تزیین صحایف ایدلدی .
قارئارمزی مستفید ، روح مؤلفی ده شاد ایتدکلری ایچون ذات عالی لرینک
همت لرینہ هر کسدن اول بو محب مخلصاری عرض تشکرات مخصوصه
ایلمکی متحتم ذمت بیلور اقدام
بندہ : احمد جودت

کتابخانہ اقدام

عدد ۲
Vāhidi, Abdūlvāhid, 16th cent.

آثار اسلافدن
Cenān ül-cenān

جَنَانُ الْجَنَانِ

ناظمی

واحدی

طابع و ناشری

اقدام غزته سی صاحب امتیاز و باش محرری

احمد جودت

معارف نظارت جلیله سنک رخصتیه طبع اولمشر

در سعادت — اقدام مطبعه سی

بِسْمِ اللَّهِ الرَّحْمَنِ الرَّحِيمِ

دربیان توحید حق تعالی

اسم حق برله برایش کیم ابتدا
 باشلادم بن بنده ای عالی نسب
 تا که اولوب خیرایله بوایش تمام
 ثابت ایتدم حمدی راهنده قدم
 جمله اشیا حمدی برله زنده در
 حمد آکا کیم واحد مطلق در اول
 خالق بی مثل و بی همتا اودر
 دائم و دیان و دادار قدیم
 ذات محفیی صفاتندن عیان
 رأی انساندن مبرادر اوزی
 زارو سرکردان و عاجزدر عقول
 سامع کفقتار موجوداتدر
 شامخاتی ارضه اوتاد ایلدی
 صانعیدر جمله مصنوعاتک اول
 ضابطیدر اون سکر بیک عالمک
 طاهر ایتدی آدمک قلبن که تا
 ظاهرا کرچه قودی قابی نهان
 عین انسانده قودی چون آینه
 غیره یعنی ایده اوزی تک نظر
 اولسه بولور خیرایله اول انتها
 بوایشه یاد ایلوب اسم جلب
 بوله رغبت در میان خاص و عام
 زنده اولدجه اودم حمدنده دم
 کر اوکو کده در بویر یوزنده در
 آکا هرشی شاهد برحقدر اول
 رازق سر جمله اشیا اودر
 قادر و ستار و غفار و رحیم
 هم صفاتی پاک ذاتندن عیان
 وصف و اصفدن معرادر اوزی
 وصفنک اداسنه بولمقده یول
 عالم اسرار مخفیاتدر
 یریوزین آنلرله آباد ایلدی
 جامعیدر جمله مجموعاتک اول
 حافظیدر سر قلب آدمک
 آنی ذات سرینه محرم طوتا
 لیک اسرارندن ایدر آندن عیان
 تا که کوره عینی هر آینه
 ایرمیه تا اوزینه اندن ضرر

فتح اولدر جمله بسته در نری
قدرتی دریایی ایتدجه خروش
کامل اولدر کیم هراشی بر کل
لم یزل بر پادشاه در بی نظیر
ملکی در آنک دو عالم بی کان
ناقل اولدر کندینک گفتارینی
وارایدر یوغی و واری یوق ایدر
هیچ احد یوق کورینور الا احد
لادرر اعداد احد سزدر عدد
یا احد عدایت عباد کدن بی

ناجدار ایدن اودر سرور لری
کورینور هر دمده بیك در لونقوش
هیچ ایرشمر هم کالینه زوان
بی شریك وبی وزیر وبی مشیر
قوللریدر وحش وطیروانس وجان
کندیدر فاش ایلین اسرارینی
بری بحر ایلر دیلر سه بحری بر
کرچه فی الدارین بی حددر عدد
اولدی اعداده سبب زیرا احد
کیم سنکله بیلمشم بندن سنی

در بیان محمد مصطفی صلی الله علیه وسلم

مصطفانک پاک روحنه مدام
کیم اودر موجب جهان ایجاده
اولمیدی بوجهان اولماز ایدی
آنکی چون اشبو خلقی کردکار
آنی کندوسنه محبوب ایدی
آنکی چون رحمه للعالمین
الحق اولدر انبیانک مهتری
فخر ایدیر آنکیله انبیا
کرچه بونده انیادن کلدی صوکه
اول نفس کیم اورده اسرافیل صور
طوره اول اول رسول کردکار

بژدن اولسون هر نفس بیك بیك سلام
اول سبیدر بوسرای بنیادینه
آدمی زاده شرف بولماز ایدی
ایلدی کتم عدمدن آشکار
خلق طالب آنی مطلوب ایدی
ایلدی حق آنی ایدوب برکزین
اکملی وافضالی و بهتری
روز محشر اولیا و اتقیا
لیک آنده قویسر آنلردن اولک
دپرنه یردن قو اهل قبور
بعدزان جمله نیلر بی شمار

زوره آندن صكره امت بی عدد
 وارده حق درگاه حقه انبیا
 كچه آنلردن مؤخر در رسول
 قیلدی یتیم بیک ییل او ك نورین اوجق
 انبیا ارواحن آندن ایتدی رب
 روحی ابدر انبیا ارواحنه
 اولیه اولسه جمله دن مهتر اودر
 جمله سینه اول اولیسردر شفیع
 اول شفاعت ایتمینجه کیمسه یه
 رحمت ایدوب حق کیردمز جنته
 قیل حبیبك ربنا بیزه شفیع
 نور دیدارك میسر قیل بزه
 اومیلور اوجق حیپندن مدد
 مصطفی اولور اولاره پیشوا
 لیك معنی ده مقدمدر بیل اول
 عالمی خلق ایلمزدن آل سبق
 اول سبیدندر اولاره احداپ
 بیلدك اصلن انبیا ارواحی نه
 حق قتنده افضل وبهتر اودر
 بولسه لر در مقامات رفیع
 اوكلرنجه کیتمینجه کیمسه یه
 حوزیلرله آنده ایرمز وصلت
 بوله وز جتده تا جای رفیع
 کیم کرکدر آنده روشن دل بزه

در بیان چاریار رسول الله رضی الله عنهم اجمعین

هر نفس ازما درود باصفا
 چارر كن خانه دین رسول
 اول شریعت ملكنك مالكلری
 اول ولایت پیشه سنده شیرلر
 آدی برله هر برین یاد ایدلم
 بیریسیدر حضرت بوبكر پیر
 حضرت عثمان ولیدر بیریمی
 رحمت حق جمله سینك جاننه
 قیل بزی یارب اولارك پیروی
 برره آن چاریار مصطفی
 آن نكهداران آیتن رسول
 اول طریقت سنكنك سالكلری
 اول دیانت مایه ستنده میرلر
 انلك ارواحنی شاد ایدلم
 بیریسیدر حضرت عمر دلیر
 تکرری ارسالنی علی در بیریمی
 احداك آینه و یاراننه
 تا كه اوله هراشیمز اخروی

در بیان مناجات الی قاضی الحاجات

یا آله العالمین بی چاریم نفس و شیطان ایکسی ال برایدب
 قیلدیلر رنک کئنهله روسیاه نفس اماره بنی ایدوب زبون
 نفس و شیطانک ائده بن اسیر قوللرک ایچنده عاصی اولشم
 دستگیر اولمز ایسهک ای واکا بکا آکا کیم اوله حواله نفس دیو
 قیل حواله نفسه یارب سن بنی انییا واولیا ایچره بنی
 بیگ بر آدک بیرى ستار العیوب ککرچه بر آدک دخی قهاردر
 قهریکى قیل منکر و کافرله بن موحد مؤمن بی شک وریب
 پادشاهاکرچه مجرم بنده کم بن کورورم نور وحدانیتک
 حق بیلورم هم جمیع مرسلی روزحشر اولدقده سن قاضی بزه
 وای آکر وزن ایده سین اعمالمز بنم اعمال قبیحه خود ککران
 جمله مرسل حرمتیچون یاغفور تیه حیرتده قالوب آواردیم
 اشبوین مسکین ایچون تدبیر ایدوب آب عفوکله یومزسهک یوزم آه
 ایلدی پامال اولدم سرنکون اولشم یاربنا اول دستگیر
 غرق دریای معاصی اولشم دوزخ ایچره اولیسر مأوا بکا
 ایلر اضلال آنی ایدوب درلو ریو تاکه هر دم ذا کر اولم بن سنی
 ائمه رسوا روز محشر یاغنی داخی بر آدکده غفار الذنوب
 لیک قهرک لایق کفاردر نور وحدانیتک سائرله
 کلشم درگاهک پر جرم و عیب لیک مؤمن اوغلی مسلم بنده کم
 جان کوزندن مهر فردانیتک آسماندن درت ککتاب منزلی
 ایستزکیم اوله سین راضی بزه پس مکدر اولیسر احوالمز
 اولیسردر جمله سندن بی ککان بن کنهکاری قپو کدن ائمه دور

مغفرت قيل مصطفانك عشقه هم جميع انبيائك عشقه
 ويربكا سن انبيادن نور وفر تايددم جسر صراطكدن كذر
 نامه لر ياغدده كوكدن ربنا صاغ طرفدن نامه مي ورسن بكا
 كچ كناهمدن ندكو چوق ايسه كرسكا لايق ايشنده يوق ايسه
 چونكه سنسين ارحمي راحلرك خوش كوررسين عذريني نادملرك
 نادم اولوب جرمه عصيانمه عذرمي عرض ايلدم سلطانمه
 بحر الطافكه خود بي ريب وشك جمله خلك جرم جرمي قطره تك
 (واحدى) مسكينى يا ذى المن لطف ايدوب دركاهدن ردايمه سن
 قيل آنى سن زمرة اصحابه تاكيره جنتلره احبابه
 جنت فردوسده ديداريكي كوره ديدار كده هم انواريكي
 غرقه دريائى انوارك اوله ناظر انوار ديدارك اوله
 كچه يوق آنده لياقت اى چلب ليك جانى وصلكي ايلر طلب
 برلكك حقى مناجاتن روا ايله يارب جمله حاجاتن روا
 مصطفانك حرمتيچون قيل قبول كيم سكا اولدر حبيب وهم رسول

در بيان سبب تأليف كتاب

اول آله بي نظير واول پادشاه بي وزير بوبنده لريني سبب آب صلب پدر
 آسمانى برله - كيم اول نطفه آدمدر - شكم مادر زمينى دن - كيم اول ورطه
 عدمدر - عالم شهوده كتوردى يعنى جهان وجوده كه نتیجه باد
 و آتش و آب و كلدر و درجه عقل و جان و دلدر .

(بيت)

نطفه كيم دوشه ورطه شكمه

غرق اوليسر در اول يم عدمه

و اوزمزه سرویروب و کوزمزه نورویروب حجب غفلت جهلیه بی
کو توردی که کوروب انک ذات قدیمین وصفات کریمین ، انعام بی غایتین
واحسان بی نهایتین ، وحدانیتین فردانیتین ، قدرتن ، حکمتن ، عظمتن ،
نعمتن ، شفقتن ، وصلتین ، رؤیتین ، سمیعکن ، بصیرکن ، علیمکن .
حلیمکن ، کریمکن ، جالین . جلالین . کمالین . نوالین بیلوب اکاکوره
شکر قیلهوز .

(بیت)

شکر آ کا کیم اول ازل برشاهدی

جهله اشیا برلکینک شاهدی

و عرش و فرشن ، کرسی سن ، لوحن . قلمن . املاکن . افلاکن ، نجمین .
شیطانہ رجین ، جنتین ، جهنمین . عذابین . حسابین . صراطین .
میزانین ، سؤالین ، جوابین اکالیهوز .

(بیت)

آدم دکلدرد اولدخی کیم جامداتدن

ذات خداسن اکلامیه بوصفاتدن

وانیاسن . واولیاسن ، یرلرن ، طاغلرن ، ایرماقلرن ، دریالرن ،
ایچندکی جانورلرین . وحوش و طیورن ، انس و جنن ، دیو و پریسن
ادراک ایدوب عبرت آلهوز .

(بیت)

مرد خداشناس آ کا دیر مرد معتبر


که اولشی کمتربدن آله عبرت و خبر

بوذ کراولنان مخلوقات مختلفه که واردر بونلرک جهله سی اهل فنالردر .
بقالری بردمدر و بنالری دخی بردمدر . مأوالری ینه عدمدر . غدالری

درد و غمدر . باقی همان اول سلطاندر . بونلری کتوروب کیدرمدن
غرضی قوللرینه برلکن بیادیروب قوللغی طریقنده پویاندر . آنک دخی
قوللایدن قولنه احساندر . یعنی دیدار و حور و قصور و جناندر .
بوسیدن اول حبیب رحمان و طیب درد دل و جان کمال لطفدن « الدنیا
مزرعة الاخرة » بیورمشدر . اولیه اولسه بوبنده فقیر و افکنده حقیر
بومزرعهده تخم کردار امکده قاصر . اما زمین قلوبه تخم کشتارا امکده
فی الجملة قادر اولدیغی اجلدن دیله دیکه احادیث قدسیه دن واحادیث
مصطفویه دن — صلی الله علیه وسلم — و کلمات اصحاب بزرگواردن — رضی الله
عنهم اجمعین — و گفتار مشایخ کباردن — رحمهم الله — جمع ایدوب اول
کلمات طیبه لری و اول نکات غریبه لری نظم ایلیوب ترکی دیانسه ترجمه
ایدوب بر اثر قویه . یعنی عربی دیلن بیلمینلره خبر ویره . اندن صکره
کلن مؤمن قرنداشلا بصر صدقه نظر ایدوب آخرت عاشدن خبر
آلوب صاحب اثری دعای خیره یاد ایلیوب روحنی شاد ایدولر . دخی
بومزرعه نك حاصلی خرمنندن توشه دار اولوب جانب آخرته کیدولر
انالله وانا الیه راجعون . چون بودرویشک . تیغ حوادث زمانه دن
دلریشک دلنه فیض باری جاری اولوب بو اثرک بزمن یعنی بودرونه
نظمین تمام ایدیجک یوزن خا که قویوب واوزن یزدان پا که طوتوب نام
طلب ایتدی . هاندم آسمان جان طرفدن بو کتابة « جنان الجنان » دیو
آد قونلدی . بودرویشک دخی روحی شاد و کولکی شهری آباد اولدی .

(بیت)

رحمت ایتسون حق تعالی آ که کیم
بوفقیری بردعادن آ که کیم



حدیث قدسی

(اولیائی تحت قبای لا یعرفهم غیری)

حق تعالی حضرتی محبوبنه لطفلر ایدوب دیدی مطلوبنه
دوستلرم واردر بزم کیم ای صفی بوقباب رشکم آلتنده خفی
کیمسه ییلمز بندن اوزکه آنلری بندن آرو بردم اولمز جانلری
آنلرک هر دمده افکاری بزم قنده اولورلر سه اذکاری بزم
هر نیه کیم قیلسه لر آنلر نظر جان ودلدن بندن آلورلر خبر
باقمز آنلر جنت وانهارمه واله وحیرانلر دیدارمه
چاک ایدرلر هر نفس تن جبه سن ایدینیرلر جبه رشکم قبه سن
بنده ایتدم مخزن سر دللرین حل ایدرم جمله مشکلرین

حدیث قدسی

(اذا احببت عبداً كنت سمعاً بصرًا ولساناً فی یسمع)

(و بی یبصر و بی ینطق)

مستمع اولکیم اوشاه بی نظیر احمد مختارینه کورکیم نه دیر
هر قن بر بنده می سوسهم آنی ایلرم بو خلق عالمدن غنی
کنج وصلمله انی شاه ایلرم جان ودل ملکندن آگاه ایلرم
اولورم هم چشمی و کوشی آنک کوکلی دریاسنده هم جوشی آنک
هم اولورم آنکیله هم زبان ایلرم هر سوزده تقریر و بیان
اولدخی سویلر بنمله ایشیدیر هم بنمله کورز اول هم ایشیدیر

نه سعادت اول قوله کیم خان آکا هر نفس وصلن ایده احسان آکا
ای زهی دولت که حق یاری آنک جمله احوالده دلداری آنک

قال النبی علیه السلام

﴿ یا ابا بکر ایمانک امانک اخلاصک خلاصک ﴾

حضرت ابو بکر صدیقه رسول دیدیکم ایمانه اولک کلشدر اول
بلکه ایمانک امانکدر سنک اولک کیرن هم خلده جانکدر سنک
هم خلاصک بلکه اخلاصکده در بوسوزم اولسون دلک بحرنده در
هر کیمک کیم اولسه ایمانی درست جته آنک کیدر جانی درست
هر کیمک اخلاصی واری مردخاص آتش دوز خدن اول بولور خلاص
بیلمک ایسترسه کاکر ایمان نه در یا کیرن خلد برینه جان نه در
بردییه حق کوکلدن صدقه آنی کورر کبی هرامرین قیله
حشره نشره ایلیه پاک اعتقاد امر شرعه جاندن ایده انقیاد

قال النبی علیه السلام

﴿ الایمان عریان ولباسه التقوی ﴾

چون رسول ایمانه عریاندر دیدی آکا تقوی خوب قفتاندر دیدی
بیلدیکز ایمان تن عریانمش کیم آکا زهد و ورع قفتانمش
اولدیگزسه سزا کرا ایمان شناس زهد و تقوادن آکا ایلمک لباس
اولدیکز ایمانی چون علامه لر کیه رک امدی ورعدن جامه لر
آدم اولسه عالمک غلامه سی اولور احقر اولمزایسه جامه سی
هم دیمشدر حضرت احمد که ناس اوله زیبا کیسه لر درلو لباس
اکلایک بوندن که ایمان ای عزیز اولسه ایمان اولمزمش تمیز

چونکه ایمان زهدله اولدی شریف اولمیانك زهدی ایمانی ضعیف

قال النبی علیه السلام

(ان لله عباداً قلوبهم انور من الشمس وفعلمهم فعل)

(الانبیاء وهم عندالله بمنزلت الشهداء)

حضرت احمد بیوردیکیم حقت	قولاری وار اول کریم مطلق
کوندن انوردر اولارک دلاری	اولسون زائل زمیندن ظلری
آنلرک فعلی چو فعل انیا	قودی آدین آنلرک حق اولیا
بولدیلر الله قسندده مرتبت	چون شهیدان حق اعلى منزلت
حق قسندده بولدیلر بورتبتی	آکا دائم ایتمک ایله خدعتی
قولاییز اول شاهه یعنی بزخی	قوللغندن قاچوب اولدق دوزخی
قوللق ایدن شاهنه دولت بولور	یعنی اول مولاسنه وصلت بولور
اولدر اولاسی که بیوردی رسول	قوللغن بیلوب اوله قوللقدده قول

قال النبی علیه السلام

(آفة السباح المن)

دیدى پیغمبرکه ای مردان حق	چون سزه هردم ایرر احسان حق
سزده احسان ایلمکز مسکینلره	هم فرح ویرک دل غمکینلره
لیک اولردن هیچ منت ایستمک	ایلاک ایتدک دیو منت ایستمک
یوقسه متدن قوپار باد خزان	کلشن جوده ایرر افت همان
اوده یاقارسین سخا کلشنلرین	باده ویررسین وفا خرمنلرین
کوکلکزده بومیدر پندارکز	کیم اوله ضایع سزک بوکارکز
حق بیلور نیتلرین مؤمنلرک	ضایع ایتمز اجرینی محسنلرک

برلرینه اون ویرر آکا بدل هم ایدر آنده عوضلر لم یزل

قال النبی عمیه السلام

﴿ اطلبوا الخیر عند حسان الوجود ﴾

لطف ایدوب بیوردی اول شادرسل	امتینه کوستروب روشن سبل
خیر اکر ایسترسه کز وار ایستکز	خوب رولردن که اول دل بسته کز
تاسزک ایستدیککزدن زیاد	ویردلر ایدوب سزی اول دمده شاد
بد لقالردن ولیکن زنهار	استمک اولمز اولر حاجت کذار
اسخیا دیرلرکه ویرمک خوبدر	طالینه آنی کیم مطلوبدر
اول سبیدندر بلا شبهه اخی	کورمییسر آنده روی دوزخی
حق صفاتنددر زیرا عطا	معطی کیرر دوزخه دیرسهک خطا
کر بهشت ایسترسهک اولهک اخس	آلمخی قویوب ویرمکه ایلک هوس

قال علی کرم الله وجهه

﴿ اکرم النسب حسن الادب ﴾

دیدی اول شیر خدا یعنی علی	اول ولایت عالنده حق ولی
اول کشی زاده اولور اکرم نسب	کیم اوله اول صاحب حسن ادب
یوقسه کیم اولسه ادب سزای نسیب	اصی ایتمز آکا تعلیم ادیب
خوی بد زیرا جبلیدر آکا	کندی عاجز نیلسون نیتسون سکا
کیم که اولسه بدلقا و بد فعال	قدرین اکر اولسه ده اهل کمال
کامل اولدرکه اوله خلقی پسند	خلق خویله قلوبی ایده بند
آکا دیر صاحب نسب مرد خدا	کیم اوله اول باوقار و باوفا
وای آکا کیم نسلی اوله متقی	کندی اوله شوم و بد بخت و شقی

قال علی کرم الله وجهه

(با کر تسعد)

لطف ایدوب بیوردی اول شیر خدا	اول شجاعت صاحی میر خدا
عادت ایدین هر سحرده طور منی	ذکر ایدوب سجاده ده او طور منی
تاکله صبحک نسیمی یانکه	بوی خوش ویره مشامی جانکه
طوغه هم مهر سعادت باشکه	دم بدم ایره تطاول باشکه
کیم سحر خیز اولسه آکا لاجرم	اول کریم الله دن ایرر کرم
رزقه وفرت ویرر رزاق آنک	هم ایدر هر ایشده یوزین آق آنک
جبهه سنده نور سعد اشراق ایده	کیم کوزر سه آنی استغراق ایده
حق میسر ایلیه مؤمنلره	کیم سحر خیز اولمنی هم آنلره

قال علی کرم الله وجهه

(بع الدنيا بالآخرة ترج)

اول شه مردان حق کور کیم سکا	نه بیوردی کوش هوشک طوت آکا
چونکه کلدک بو فنا بازار نه	ایمدی کور اول بونک بازاری نه
آکا کوره سن ده قیل افکاریکی	باری پندم طوت آتوب بازاریکی
ویر بوفانی ملکی باقی ملکی آل	بویعهده فائدهک چوق ایته آل
بوندن اولی اوله می بیع و شرا	کیمسه بویعه دیمر چون و چرا
کیم که ویردی آخرت سرمایه سن	آلدی بر لحظه بو دنیا وایه سن
کوردی آخر خسری چوق بازارینک	نفی اولمز صکره آه وزارینک
مفلسک خود حبسکاهیدر جحیم	اکل و شربی آنده زقوم و حیم

قال علی رضی الله عنه

(بشر نفسك بالظفر بعد الصبر)

اول سخا کانی نه دیدی ایله کوش وارسه کر سنده جانا کوش هوش
نفسکه ایله بشارت ای پسر کیم بیلورسین صبردن صکره ظفر
روژ کارک تلخنه ایله صبر هر شکستی چون صبر ایلر جبر
کرچه صبرک چاشنی اولدی مر لیک هضمیدر لذیذ ای مرد حر
اول بلاکش صبرایدوب ایوب وار اوله سین تا مقبل پرور دکار
قوله کیم مولادن ایرسه بر بلا صبرایدوب جانندن آکاراضی اولا
صابر اولق انیسانک کاریدر راضی اولق اولیا کر داریدر
آنلری سنده سورسهک ای خلف تیر صبره سینه کی ایله هدف

قال علی رضی الله عنه

(تدارک فی آخر العمر مافاتک فی اوله)

نه دیدی ایشیت اومرد کارزار ذو الفقارک صاحبی دلدل سوار
ایردی عمرک آخره ای پیر مرد ایتدک بر صکره نفسکله نبرد
آکا مغلوب ایلدک کندو اوزک آچدک سن خواب غفلتدن کوزک
اولدی بونجه سال وماه وروز فوت کلدی بردم دیلیکه یاد موت
ساکه شمدن صکره کارای دردمند دوکه در سرد آخی چون نعلبند
بومحقق کیم ینه عودت شباب ایتمز ای شیخ ایله کل حقدن حجاب
فوت اولان خود اولدی پس باری بودم قیل تدارک قوره حقدده قدم
تادم آخرده حق یارک اوله جنت ایچره مصطفی جارک اوله

قال علی رضی الله عنه

(توکل علی الله یکفیک)

لطف ایدوب اول مرد میدان صفا شیر یزدان ابن عم مصطفی
دیدى صدقیله توکل قیل حقّه هر ایشکده اول کریم مطلقه
اول ایشک اتمانیه پس حق یتیر خیر لرله شبهه سز ایشک بیتیر
کیم توکلت علی الله دیسه اول هر عمله بوله حقّه طوغری یول
کندیینه حق توکل ایدنی درلو احسانلر ایدوب ایلر غنی
کیمسه یه هیچ آنی محتاج ایلمز فوت اولنجه بر نفس آج ایلمز
بلکه آکا غیری نی محتاج ایدر خاکپاین عالمه سر تاج ایدر
سندد ای دهقان بوکشتک خرمنن ایستریسه ک طوت توکل دامنن

قال علی کرم الله وجهه

(تأخیر الاساءة من الاقبال)

نه بیوردی کورینه کرچک ولی یعنی اول تکرینک ارسلانی علی
ایشانیر اولسه اگر برکار زشت انی تأخیر ایلین بولور بهشت
شری تأخیر ایلین خیره ایرر حور لرله روضه ده سیره ایرر
وار تأخیر نده بدکارک ثواب حق قتنده بی قیاس و بی حساب
کیم که بر شر ایشه نیت ایلسه ینه اول ایشدن فراغت ایلسه
بونده اول حق آنی خوش حال ایلیه آندد ایلکلرله اقبال ایلیه
شویله ایلکلر ایدد رحمان آکا قاله حیران کور یجک هر جان آکا
خیره سرعت ایله شردن عودت ایت سندد ایشده او یله بویله نیت ایت

قال علی کرم الله وجهه

(تکاسل المرء فی الصلوة من ضعف الایمان)

دیکله نه دیر اول ارنلر سروری اول حقیقت پیشه سی شیرنری
 کیم نمازنده تکاسل ایلسه یا ادا سنده تغافل ایلسه
 اول تکاسل ضعف ایماندرر اول تغافل پس دل و جاندرر
 یوقسه مؤمنلر تکاسل ایلمز حقت امرندن تغافل ایلمز
 امر حقدر اول رسولک سنتی کوستررمی آنده مؤمن غفلتی
 هم دیمشدر اول حبیب بی نیاز مؤمنک معراجیدر بش وقت نماز
 مؤمن اولدی لاجرم محتاج حق کونده بش کره ایدر معراج حق
 دولت انک کیم حقه محتاج اوله کونده بش کر صاحب معراج اوله

قال علی کرم الله وجهه

(تطرف بترك الذنوب)

کور نه دیر اول صادقینک اصدقی اول قویرده کورن حاضر حقی
 کل بری ترك ذنوبه چاره قیل نفسه اویوب اوزک یتر آواره قیل
 توبه ایدوب مغفرت حقدن دینه کیمدر توبه آچیق صادق دله
 توبه کی قیل چون نصوح ای مرد دین تا کیدوب شک اوله حاصل یقین
 ایتمیجه سن ذنوبک بر طرف ساکه ایرمنر جانب حقدن شرف
 قومه دلدن هر دم استغفار کی تاکه محو ایده خدا اوزار کی
 حق سور اذنا ب ایچون تابیلری بابنه دونوب کلن صابرلری
 توبه نک معناسی باطلدن حقه دونمک اولدی کریم مطلقه

قال النبي صلى الله تعالى عليه وسلم

(تهادوا تحابوا)

کور نه بیوردی رسول مجتبا اول کرم کافی ودریای سخا
 کر سویشمک ایتسه کز ای مؤمنان کوندرك بر بیریکزه ارمغان
 آره کزده بر کدورت وارسه اول ایدر اصلاح انی دشوارسه
 اول تصحیح ایلر سزک ماینکز روشن ایلر آینه تک عینکز
 چون هدیه اولدی هادی خله ویریشک امدی ایریشک وصلته
 ایکی مؤمن کیم سویشه حق ایچون اولسه لیک اول سویشمک دق ایچون
 حق ایدر احضار جتنده قصور انلر کچون حورلر سر جمله نور
 شویله اعزاز ایده الله آنلره اهل جنات ایده رشک اول جانلره

قالی النبي علیه السلام

(تخلقوا باخلاق الله)

نه دیدی شمس شفاعت مطالعی کور اول اخلاق حمیده منبعی
 حق تعالی خویلریله خویلانک بر بریکزله چو کل قوقولانک
 کارکز لطف وکرم اولسون سزک وارکز باغ ارم اولسون سزک
 بر بریکزله وفالر ایلشک صفده صافی صفالر ایلشک
 خوب خنقیله بوکون اولک سرشت تا که یارین اوله سز اهل بهشت
 خلقی خوب اولان قولن مولی سور هر دم احسان ایتکه اکا اور
 بر بریکزدن اولک خشنود سز چون عباد باب بر معبود سز
 بنده لر سز پس دکل آزادده لر آشنالر سز دکل سز یاده لر

قال علی رضی الله عنه

(ثلث مهلكات بخل و هو و عجب)

اول رسول حق قتنده محترم	ديکله نه دیدی ادب لطف و کرم
پس اولردن دور اولان جاننه نه پاک	آدمی اوچ نسنه ایلردر هلاک
آدم اولان بونلری کورمنز روا	پیری عجب و ایکیسی بخل و هوا
ایرمیسر وصلتیه اولوب ذلیل	کیرمیسر جتنه مرد بخیل
دست مزدی انلرک لغت درر	معجب ابلیسیله هم صنعتدر
آنک ایچوندنر هوایی بی نوا	هم هو اییده اولرله هم هوا
لاجرم اول فعلدر شیطان ایشی	شیطندر کندین کورمک کشی
ترک یولنده قوشاغنی برک ایدن	جتنه کیرر هوایی ترک ایدن

قال علی رضی الله عنه

(ثلث الایمان حیاء و ثلثه صبر و ثلثه جود)

دین و ایمان ایچره اول مردم تمام	نه دیدی دیکلهینه پس اول هام
بوله سز تا اهل ایمان پایه سن	بیلاک ایمانک بو اوچ سرمایه سن
پیریسی داخی آنک اولدی حیا	پیریسی صبر و پیریسیدر سخا
بولور ایمانده مماتنده زیان	کیم حیا سزدر حیاتنده اوجان
هر بلاده نفسنه جبار اوله	مؤمننه لایق بودر صبار اوله
هم بوله باب شه ایمانه یول	تا کیم ایره پایئه ایوبه اول
هر نیه مالک ایسه ایشار ایده	هر وجوده جودینی اظهار ایده
پس بو وجهله ایشی احسان اوله	ایتمیه در هم یوزین خندان اوله

قال علی رضی الله عنه

(ثلثة الدین موت العلماء)

کور نه دیر اول باب بیت علم دین	هر علمده ماهر و صاحب یقین
اولسه عالمدر دیریلور فتنه لر	دین حصارنده ایدرلر رخنه لر
پس کیره هر رخنه دن جند فتن	غارت اوله مال ایله ایمان جملة
امدی سز عالمدره تعظیم ایدک	چون پیبر آنلره تکریم ایدک
هم بیورمشدر او شاه مرسلین	عالمه تعظیم باکادر همین
هم دیمشدر اتم عالمدری	علمله عامل اولان سالمدری
اوله لر سجاده اوزره نائم	ایدلر اجرای شرع صائم
کر اولردن قالمسه هیچ ای پسر	بیلکم اول ساعت قیامت قوپسر

قال علی کرم الله وجهه

(ثوب السلامة لایبلی)

کورینه اول اوستای حق شناس	قد گفتاره نیجه بیجر لباس
روحه مغیده بدن چون جامه در	بویله بیلن آنی کیم علامه در
اسکیمز زیبا و نوردر خلعتی	جسمک اولورسه دمام صحتی
قدری بیانمز بوزیبا خلعتک	اولینجه خسته لابد صحتک
اسکیر اولورسه کرفتار بلا	جامه تن بر مرضله مبتلا
بیلدی ادریس نبی کیم بو لباس	یرده اسکیر کوکی ایتدی التماس
صحت اوزره در تنک آسایشی	کهنه اولور اولیجق آسایشی
حقه شکر ایت کهنه جامه ک اولسون	جسمکه یعنی مرض یول بولسون

قال علی رضی الله عنه

(من احسانك بالاعتذار)

نه بیوردی دیکه اول دریای جود شیر یزدان اول شناسان وجود
چونکه اولدک صاحب لطف و کرم ایله احسان اول عزیز و محترم
کیمه احسان ایلسک اولدم همان استیوب عذرن قتندن اول روان
تا ثوابن حق فراوان ایلیه یعنی احسانک دو چندان ایلیه
بویله در محسنلرک عادتلیر ییبدروب مسکنلره نعمتلیر
یینه ایلرلر اولاره اعتذار عرض تقصیرات ایدوب یوزلر نثار
کیمکه احسان ایتسه اومه منت اول حق قتنده اولمز اول احسان قبول
محسن اولدر کیم مذام احسان ایده چشم مردمدن آنی پنهان ایده

قال علی رضی الله عنه

(ثوب الآخرة خير من نعيم الدنيا)

دیکه کور نه دیر او مرد آخرت اولق ایسترسهک عمارت آخرت
روز و شب کسب ایت ثواب اخروی کیم اولور خیرک ثوابک پیروی
نعمت دنیا و دنیادن لذت آخرت خیریدر اکا طوت امید
خیر دنیادر رباط و آب و بل کوچه بونلدر ثوابات سبیل
لیک اولادر عمارات قلوب بوندن اعلادر رعایات قلوب
دل عمارت ایلین دلدار اولور کل عمارت ایلین کلدار اولور
یعنی دلدن کورینور دینار حق آب و کادن کورینور کلزار حق
خیر کلدن حاصلک جنات اولور خیر دلدن نور وجه ذات اولور

قال علی رضی الله عنه

(ثبات النفس بالغذاء وثبات الروح بالغناء)

دیکله نه دیر اول علی مرتضا	کوسترن حقک قضاسینه رضا
قوتی نفسک غذا برله اولور	قوتی روحک غنا برله اولور
دل غناسندن بولور روحک ثبات	چون غدادن نفس مجروحک ثبات
پس ندر بونلر ثباتندن مراد	روحه شکر ونفسه طاعت ایله یاد
جان آدم حقه شاگرد اولسه	مخت ودرد ایچره صابر اولسه
اولینر اکا غنای دل غنا	چون بهایم بیلیمه نفع غذا
اکل وشرب ایدوب نته حیوان کبی	حقه شکر و طاعت ایتمز جان کبی
یو غدادن آدمه مقصود ینه	شکر و طاعتدر همین معبودینه

قال علی رضی الله عنه

(جمال المرء فی الحلم)

ته بیوردی دیکله اول میر کلام	کیم جمال و حلمدن ویرر پیام
آدمک حلمی جمالیدر دیدی	اول جمال انک کالیدر دیدی
کرخلم اولورسه نفسی آدمک	اوله محبوبی جمیع عالمک
اول حایم اول سنده محبوب القلوب	عالم ابدانده مطلوب القلوب
حلیه ایدک حلمی عقلک وارسه	کر دل و جان بربرینه یارسه
کیم که اولسه حلمه آراسته	هردل انکله اولور پیراسته
سیرتیدر احمدک زیرا حلم	صورتیدر سیرتک زیرا علم
کیمده کیم حلم و علم جمع اولسه بیل	بولوب اول کیمسه جمال اولور جمیل

قال علی رضی اللہ عنہ

(جد بما تجد)

تہ دیدی دیکلہ اوشاہ اسخیا اول کرم سرچشمہ سی کان حیا
 ہرنیہ مالک ایسہک بوکون تمام قیل انی بذل مساکن ای ہمام
 قومہ یارینہ صاقن برحبہ سن کیمکہ قور اوددن کیر اول جبہ سن
 کیم ذخیرہ قورسہ فرداسنہ اعتقادی کم درر مولاسنہ
 قوبوکاری کیم سکا شرکت کلور روز فردا ہم سکا ذلت کلور
 مؤمنہ لایق دکلدر بو عمل کافرہ لایقدر انحق بوامل
 سن موحدسین قوفردا فکرینی قومہ دلدن حق تعالی ذکرینی
 کیم سکا ہر دم ویررسہ تازہ جان غم یمہ ویرر سکا اول آب ونان

قال علی رضی اللہ عنہ

(جد بالکثیر واقع بالقلیل)

کورنہ دیر کنج سخاوت خازنی نیجہ کشف ایلر قناعت رازی
 چون غنا ویردی سکاپس اول غنی سندہ بیلوب ہر دم اول شا کر آنی
 چوق یدر چوق ویر درل سن آزلہ ہمدم اولہ بردم اہل آزلہ
 تاکہ سن راہ قناعت رہ روی اولہ سن ہر فعلک اولہ اخروی
 طالب اولورسہک سخاوت کنجنہ مالک اولورسک قناعت کنجنہ
 چون قناعت کنز لایفی درر آکہ مالک جلدن اغنادرر
 کثرتی ترک ایلوب لیل ونہار جان ودلن ایلہ قلت اختیار
 عالم قلدہ بول کثرت دمن روحدن اور دمبدم وحدت دمن

قال علی رضی الله عنه

(حیا المرء ستره)

کور نه دیر دیکله اودریای حیا اول سرسالار جند اصفیا
جان لباسیدر حیا ای آدمی عیبی اورتر چون قبا ای آدمی
بی حیا اولان کشی عریان یورر عورتی مکشوف سرکردان یورر
بی حیانتک اولماز ایمانی صحیح جنته کیرمز انک جانی صحیح
بی حیا مشهور درر بی دین اولور کاری دائم ذم و کبر و کین اولور
قننی آدم کیم حیا سز اولسه اول سومز آنی هم خدا وهم رسول
ایمدی کل سن اول حیا سزدن بعید هرکیجه اول باقدر هرکون بعید
جانکه کیدیر حیا خلعتلرین کوکلکه کیدیر صفا خلعتلرین

قال علی رضی الله عنه

(حدة المرء مهلكة)

ینه سوزین شیر یزدانک ایشیت عاقل ایسک اکه کورده وارایش ایت
مهلیکدر آدمک حدت صاقین ایتمه انی کندیکه خصلت صاقین
خوی ایدینورسهک هلاک ایلر سنی آتسه لایق ایدر جان وتی
نار محرق اولدی حدت فی المثل استنه انک اولور دوزخ محل
حدت ایلر مرد چون کلب عقور حدتی قو آدمیسین اول وقور
چونکه حدت کلبه اولمشدر صفات آدم اول بدفعله ایتمه التفات
آدم اولمزسک یرنده معتکف عمری نقدی انده اولمز منصرف
آدمه لایقیمدر کلبک یری اولمش ایکن حق تعالی مظهری

قال علی رضی الله عنه

(حرم الوفاء علی من لا اصل له)

کورنه دیر اول خواجه مردان حق کوش هوشکله ایشیدوب آل سبق
آکا کیم اوله وفا ایتک حرام دائم اول اولور جفا کار ای هام
حق قودی انک نهاده جفا سن توقع ایلمه اندن وفا
ضایع ایتمه عمرکی آندن کسل بروفاداری بولوب اول متصل
روحدر هر دم وفادارک سنک نفسدر دائم جفا کارک سنک
روحکیله همدم اول ایر دولته یعنی اول مولا کله ایر وصلته
نفسله همدم اولان اولور شقی تا ابد بولمیسر وصل حقی
کیم بونفس شوم و بدبخت و اخس هر نفس ابلیسه اولور هم نفس

قال علی رضی الله عنه

(حسبک من الدنيا ما یسد خلقک ویستر عورتک)

کورنه دیر ملک قناعت مالکی دیکلیوب اول سن اوسلکک سالکی
نه که دنیادن مقدردر سکا حاصلی آنک میسردر سکا
جدو جهدا یتسه کرا ی خوش نهاد بوله مزسین اول مقدردر زیاد
طوته لم اولدک جهان کنجینه شاه قور کیدرسین آخرا یدوب آدو آه
کیدیککه بیدیکک ای حق طلب اوسنکدر غیرین ایتمه طاب
آنی کیم روزی قیلوبدر سا که حق راضی اول اکا ایدین سدره حق
شولقدر دنیاده اولسون غیرتک برعبا آل ایله ستر عورتک
باقی سعیک خدمت مولا اوله تا که فردا مرتبهک اعلی اوله

قال ابو حنیفة رحمة الله علیه

(حفظ الادب فی حق الرب)

کور نه دیر اول حافظ آداب حق	جان و دلدن ساجد محراب حق
چار چیزی بریره ترتیب ایدوب	جان و یروب قرآنله تأدیب ایدوب
سنی بویوزدن مربی ایتدی رب	سنده حقکده انک صاقله ادب
چون حقوق سابقه وار آزده	هر نه دیلر سهک دیله اول یارده
هر نفس کیم و یروب آلور سین مدام	سن دکلسین اول و یروب آلور تمام
بردم اولر سندن آیری اول خدا	ایده مزسین برایشی آنسر ادا
حافظ کدر ناظر کدر هم سنک	همدم کدر هر نفس هر دم سنک
زی ادب سنرک حیا سنرلک که سن	جرم ایدر سین اول سکا ناظر ایکن

قال النبی علی السلام

(حسن اسلام المرء ترک ما لا یغنیه)

کور نه دیر خالق و خلقی حسن	کوش هوشکله کل امدی دیکله سن
چون سکا اسلامی روزی قیلدی حق	آل کتاب حسن اسلام دن سبق
حسن اسلام اولدر ای مرد خدا	اوله سین شیرین کلام و خوش ادا
هر سوز کدن نور اسلام اوله برق	دیکلین اوله ضیا بحرینه غرق
قنغی مؤمن کیم کلامک کوش ایده	کوش هوشه در کبی منکوش ایده
چونکه سندن اوله آیر و اول نفس	ایده معناسی اداسنه هوس
سویار اولور سک چوهزلیات اکر	سندن اسلام اهلی اعراض ایدر
کر کر کسه سا که اسلام ای جوان	ترک ما لا یغنی ایله کل همان

قال علی رضی اللہ عنہ

(حسن الخلق غنیمۃ)

کور نہ دیر اول حسن خلق ایچره فرید
حسن خلقی اوزیکه خصلت ایدین
کیم که اولدی حسن خلقیله سرشت
خلق کوکچک اولان اولور بیکفال
یعنی تخت دلدہ آنی شاه ایدر
هم حیینه ایدر جسته جار
حسن خلقک منبعی زیرا اودر
حسن خلقی بیل غنیمت ایمدی سن
دیکه که اوله حسن خلقک برمزید
کندک آنی خلعت دولت ایدین
اولیسر انک یری لابد بهشت
حق آنی ایلر سزای احتفال
تاج حرمت کیدیروب اکاد ایدر
ایلیوب آکا هزاران اعتبار
شمس حسنک مطلبی زیرا اودر
وارکسب ایت روزو شب خلق حسن

قال علی رضی اللہ عنہ

(حلم المرء عونہ)

کور نہ دیر اول شهر حلمه شاه اولان
حلیہ حلمیاه اول آراسته
هر بلادن رسته در مرد حلیم
اولسه حلمک اولسه علمک سنک
حق سور نفس حلیمی هم رسول
سومسونمی حلم آنک شاننده در
امدی حلمی سنده سو آنک کبی
کیم سکا حلمک اولیسر در معین
حلمی برله مقبل درگاه اولان
کیتک ایسترسک طریق راسته
سندہ دیارسک سلامت اول سلیم
عیب جهلک اورتراول حلمک سنک
هم سور قلب سلیمی جاندن اول
مهر حلم آنک دل وجاننده در
دلدہ صاقله مهرینی جانک کبی
روز محشر نزد رب العالمین

قال النبي عليه السلام

﴿ خير الناس انفعهم للناس ﴾

نه بيوردي دیکله اول خير الانام اول جميع انيا ايجره بنام
 في الحقيقه ناسك اولدر انفي ناس ايجون اول اوله نفعك منبجي
 هر نه کیم آندن توقع ایدلر آلون آندن تمتع ایدلر
 بلکه آندن ایستمز سیزین اولر ایلله خیراتی اول اولر
 آدمک معنیده اولدر بهتری حق قنده افضل و بهتری
 یوقسه آنک کیمسه نفعن کورمه عمری ايجره هیچ جمعن کورمه
 یمسه ییدرمسه کیدرمسه خیرینی مسکینلره ار کرمسه
 بیلکز کیم اول کشیدر شر ناس ایلک آنک کبی آدمدن هراس

قال علی رضی الله عنه

(خير الاصحاب من ذلك على الخير)

کور نه دیر اول ره روراه جلیل اشبو بز کمرهله اولوب دلیل
 یار اودر کیم برضالنده سنی قومیه کورسه او حالنده سنی
 راه خیراته دلالت ایلله یولکه جان ودل آلت ایلله
 جان ودلدن اول آنک بابنده قول کیم ایل تور حقه سنی باطلدن اول
 یوقسه شول کیم برضالنده سنی کورسه وقورسه او حالنده سنی
 راه خیراته دلالت ایتسه یولکه جان ودل آلت ایتسه
 همنشین اوله آنکله ای جوان یوقسه آندن سن کورسین چوق زیان
 کیم سنی یلترسه خیره وار آکا پاینه یوزلر سوروب یلوار آکا

قال علی کرم الله وجهه

(خالف نفسك تسترح)

کور نه دیر اول مرید راه حق ینه	طوت آنک گفتار ینه قولاق ینه
اختلاف ایت نفسك امرنده مدام	ایستریسهک استراحت بالتام
نفسک امرن طوته سین بر دم اکر	ایلیه هر دم سنی زیر وزیر
ایامه نفسك هواسینه هوس	یوقسه کور رسین فضاحت هر نفس
کیم که اولسه نفسك امرنده چست	اولور اول شیطانک امرنده درست
بولیسر تا ابد اول حق یولی	اولیسر شیطانله نفسك قولی
ای جوان نفسك خلافتن کوزله سن	هر نه امر ایتسه خلافتن اوزله سن
بویله در زیرا ولیر خصاتی	سندہ ایله بول اولرله وصلتی

قال علی کرم الله وجهه

(خف الله تأمن غیره)

کور نه دیر اول خائف الله ایشیت	سندہ گفتندن اولوب آکاد ایش ایت
ایله خوف الله دن هر یرده سن	کر اولور سهک در درون پرده سن
اول کورر زیرا آکا اولز حجاب	جرم آب و آتش و باد و تراب
ایتمه اما خوف ایدن غیردن	اوله سن تا مرد راه خوف سن
لیک خوقه اوچ نشان وار آشکار	روی زرد و دیده کریان تن تزار
کیم خدادن خائف اولسه ای جوان	خوف ایدر اندن جمیع انس و جان
امدی سندہ خائف الله اول	هیئت الله دن آکاه اول
تا که سندن انس و جن دیو و پری	ایلیوب خوف اولرله سندن بری

قال علی کرم الله وجهه

(خوف الله ینجی القلوب)

کور نه دیر دیکله ینه اول مرد حق	باب خوف حقدن آچوب بر ورق
طوتسه دل مر آتی ژنک هوا	خوف حق ویرر آکا هر دم جلا
فی الحقیقه خوق حق اولدی بلی	جاون ودل آینه سنک صیقلی
خوف حقدن هر کیم اول کریان اولور	خدی آنک چون کل خندان اولور
یاغسه زیرا برکاستانه مطر	لابد ایلر کلرینی تازه تر
خوف حقدن کیم اولور سه تن نزار	روی ورد زرد و جسمی شاخ وار
اولیسر اول مردمک کوزی یاشی	جنت ایچره نیچه حور مهوشی
دولت آنک کیم خدادن خوف ایده	خوف حق برله بودنیادن اکیده

قال علی رضی الله عنه

(خابت صفقه من باع الدین بالدنیا)

کور نه دیر اول تاجر بازار دین	عرض ایدوب صرافه در ثمن
کیم که دینن صاتی دنیا آلدی اول	بویعه اولدی مغبون اول فضول
جهل او جندن غبن فاحش ایلدی	المر ایتمز کندویه ایش ایلدی
چیقدی الدن عمرینک سرمایه سی	الدی بر لحظه بودنیا وایه سی
صاته سن دنیا به دینک ای جوان	یوقسه آخر کوریسرسین چوق زیان
دینک آل دنیا کی ویر اول حق شناس	ایده سین تا سود بی حد و قیاس
اولمه دنیا دار اول دیندار سن	بوله سین جتنده تا جای حسن
طالب دنیا بولور جای کلاب	طالب دین بوله جتنده مأب

قال علی رضی الله عنه

(خلیل المرء دلیل عقله)

کورنه دیر دیکه شه مردان دین	اول خلیل و عاشقین و صادقین
بیللمسه کُر بر کشینک عقابی	فرعی واصلنی و نقلنی
همدمندن آنی استدلال قیل	آکا کوره آکا استقبال قیل
کر اولورسه همدنی صاحب کمال	حائنه و قالنه اولور او دال
وار اولورسه همنشیننی بی هنر	آندن استدلال اولور اول بدکهر
روشن اولور مذهب و دینی آنک	همنشینندن هم آیینی آنک
امدی سعی ایت همنشینک ای غلام	سندن اولسون اعلم و افضل بنام
تا که جهلمک اوله سندن نابدید	علم و دینک اوله هر دم بر مزید

قال علی کرم الله وجهه

(خلوص الود من حسن العهد)

کورنه دیر اول کشور جسمک شہی	اول مودت آسما نینک مہی
چونکه حسن عہده دندر ای پسر	دوستلق یوزنده اولان نور و فر
امدی ایله دائماً عہده وفا	تا مودتله اوله صدق و صفا
اولمه صدق و صفا حسن عمل	دوستلق دشمنلکه اولور بدل
اولیجق سن صادق الوعد الامین	یار اولور سکا قمو اهل زمین
سنکه صدقه یار اوله سین ای جوان	هیچ برشیدن سکا ایرمز زیان
کیم صداقت انیانک کاریدر	هم مودت اولیا کر داریدر

قال النبی صلی الله علیه وسلم

(دم علی الطهارة یوسع علیک الرزق)

کورنه دیر اول سید سادات حق اول سپهر سرده مهر ذات حق

اول طهارت اوزره دائم ای جوان	تا کیم ایره رزقکه وفرت هنر آن
کیم طهارتله آکار رزاقی	آرتیر رزاق آنک ارزاقی
کیم طهارت برله ارضه قور قدم	بولیسر طاعت ثوابن دم بدم
پس طهارتده ایکی نوع اوزره در	ایدهیم روشن بیان بربر چو در
یری صو برله بدن پاک ایلمک	بری باطندن حق آدن یاد ایلمک
یعنی ظاهرده شریعت برله اول	حکم باطنده حقیقت برله اول
درد جسمه امر شرعیدر دوا	درد روحه هم دوا ترک هوا

قال علی رضی الله عنه

(دواء القلب الرضاء بالقضاء)

کور نه دیر اول دل طیبی دیکله بیل	وارسه کر سنده جانا درد دل
قوس چرخ چکسه چون دست قدر	مسکن تیر قضادر سینه لر
کله قوس چرخدن تیر قضا	هیچ اکا اولمز سپر الا رضا
اول رضا اولدی دوا درد دله	درد در عین دوا دردی دله
طوت قضا تیرینه کچسون سینه که	داخی نه ایشه یارار سینه نکه
سینه کی تیر قضایه ایت سپر	سینه ک موین قیل اول مویه سپر
حق قضا سینه که راضی اوله سن	لاجرم سن دل دواسن بوله سن
چون قیامت کونی حق قاضی اوله	بورضا کی کور یحک راضی اوله

قال علی رضی الله عنه

(دواء الاوزار الذم والاستغفار)

اول طیب درد جان و دل سکا	کور نه درینه قولاغک طوت اکا
صادر اولسه ناکهان سندن کنه	نادم اولوب ایله استغفار و آ

چون ندامت مرهم اوزار در کارك استغفار و آد و زار در
معصیتدن خالی اولور می بشر لابد ایلر معصیت اولان بشر
وزر کیچون سن که نادم اوله سین روز محشر بلکه سالم اوله سین
که کھی یاد ایلدجه وزر کی باب حقدده اکسک ایتمه عذر کی
قول اودر کیم جرم وعصیانن بیله روزو شب ایتدوکی طغیانن بیله
نادم اولوب عذر ایده مولی سنه اوکده مولا ایدر اولاسی نه

قال علی رضی الله عنه

(داء النفس فی الحرص)

دیکله نه دیر اول طیب جان ینه دیلرایسهك دردکه درمان ینه
حرصی قو معلولسك ای جان دله جان طیبندن یوری درمان دله
علت نفس اولدی بیلکم آزده تحت تن شرب و اکل آزده
حرصدندر چونکه نفسك عاتی امدی چکمه انکیچون ذاتی
ترك حرص ایله یوری ای مرد خاص علت نفسکدن اول بودم خلاص
حرصی ترك ایتدکسه صحت جانکه گیه برداخی علت یانکه
حرص زیرا آدمه حرمان ویرر پس حریص ایرمز مرامه جان ویرر
صاحب حرص ای جوان مذموم اولور هم مراداتندن اول محروم اولور

قال علی کرم الله وجهه

(دواء النفس ترکه)

کورنه دیر اول تارك افعال نفس دیکله کیم تا بیلنه احوال نفس
طوت سوزم ای جان کل ایت نفسه دوا یعنی یوری وار قیل ترك هوا

چون دوا نفسه هوا سی ترکیدر هم هوا سینک دوا سی ترکیدر
 انیانک کاریدر ترک هوا اولیا کر داریدر ترک هوا
 نفسی ترک هوا ایدن بیلور ترکی نفسینه دوا ایدن بیلور
 نفسی کیم بیلسه بیلور زخی بویله بیوردی رسول ذوالغنی
 سنده ربک بیلیمک استرسهک اکر ترکله ایت نفسکی زیر و زبر
 قوی آنی ترک هوا زندانه تیغ جوعله جزا ایت جانکه

قال علی رضی الله عنه

(دلیل عقل المرء قوله ، دلیل اصل المرء فعله)

کور نه سویلر دیکله اول اهل خرد بیاسک استرسهک اکر اصل خرد
 آدمک نطقی دلیل عقلیدر بیلدیرن ماهیتی نقلیدر
 اصله خود فعلیدر روشن دلیل فعلی قوله اویمه اولور دلیل
 قیلدی حق چون ناطق حیوان سنی یعنی ایتدی صورت انسان سنی
 سنده سویله سوزکی انسان کی هروچود ایچره عزیز اول جان کی
 اولسه انسان کی سوزک سنک کورینه حیوان کی اوزک سنک
 خوب سویلرسهک کرامت بوله سین زشت سویلرسهک ملامت بوله سین
 سوزدن ایرمشدر کرامت آدمه سوز ایچون کشدر آدم عالمه

قال علی کرم الله وجهه

(دوام السرور برؤیة الاخوان)

کور نه دیر دیکله ینه اول مرد حق کلستان جان ودله ورد حق
 شادمان اولمق دیلرسهک ای جوان جانب یارانه که که اول روان
 انلرک دیداری ویرر چشمه نور هم ویرر جان ودله دایم سرور

غم غباری تیره مرآت دلی ایتسه روی دوست ویرر صیقلی
 قیل زیارت که کھی اخوانکی درده انلردن دله درمانکی
 چون خرا طاغنده که که مصطفی دیردی شوقاً هانی اخوان صفا
 عرض ایده یعنی اولاره درد دل کیم ایدر تسکین بعضی دردی دل
 سویلمک زیرا دلی تسکین ایدر سویلمزسه ک جانکی غمکین ایدر

قال علی کرم الله وجهه

(دم علی کظم الغیظ یحمد عواقبک)

کور نه دیر اول کاظم خشم و غضب دیکله کوش هوشله اوکرن ادب
 هرچن کلسه سکا خشم ای جوان عاقل ایشه آنی هضم ایله همان
 تا که سنک آخرک محمود اوله هر ایشک شایسته معبود اوله
 هضم غیظ ایدن کوکل پرنور اولور سر سبحانیله هم مسرور اولور
 کیم سوار اولسه غضب تازیسنه حقیقه جولانه چوره یازیسنه
 اولیه خیر آخری اول کشینک عاقبت شرینه اوغرار ایشینک
 آورده اول اسب غضب آنی یره کیره اول ساعت انک جانی یره

قال علی کرم الله وجهه

(ذکر الاولیاء ینزل الرحمه)

کور نه دیر اول ذا کر یزدان ینه دیکله قیل درد دله درمان ینه
 قتده کیم اولورسه ذکر اولیا عن صمیم القلب اما بی ریا
 رحمت رحمان ایدر آنده نزول هر دعا کیم اولنه اولور قبول
 آنده اولان دردینه درمان بولور غرق بحر رحمت رحمان بولور
 قتده کیم بر شمع جمع حق ینز آنده کوکدن رحمت رحمان اینز

فی الحقیقه شمع رحماندر ولی اول جهتدن نور یزداندر ولی
 قدہ کیم اولسه ولی پر نور اولور منکر اولان آکا حقندن دور اولور
 کیم ولیر آدینی یاد ایلیمه ناردن حق آنی آزاد ایلیمه

قال علی رضی الله عنه

(ذکر الموت جلاء القلوب)

کور نه دیر دیکله او مرد دل ینه سا که حل ایتسون او بر مشکل ینه
 موتی ذکر ایتمک جلا ویرر دله هم فنا بو قالوب آب وکله
 موتکی ذکر ایت اوزو که قیل ولا تا بوله آینه دل انجلا
 روی مرآت دلی ژنک کنه هپ احاطه ایلیمه قیلیمه سیاه
 یاد مرک اولدی او ژنک صیقلی روشن ایلر روی مرآت دلی
 عاقلیسه ک ایلیمه مردم یاد موت چون اولور سین بر نفس نا کاه فوت
 باری دل ژنک کنه اهل کیتسون اول یره روی سیاه کیتسون
 موتکک یادیمه مردم ای جوان ایلیمه دل آینه سن روشن هر آن

قال علی رضی الله عنه

(ذر الانام تتجوا من الانام)

کور نه دیر اول صاحب عزلت ینه پس اول فتاح در دولت ینه
 عزلت ایلیمه ناسدن ای مرد خاص معصیتدن اولمق استرسه ک خلاص
 واز کل سن اختلاط عامدن بوله سین تا سن نجات آثامدن
 ایلیمه ک افطارده خلط طعام بر مرض اولور یا استقراغ تام
 اختلاط عام اکا بکزر همان اول بو عالم خامدن سن بر کران

یار بر اولور جهانده ای نکار ایکی خریز بر بغلده ایتمز قرار
عارف اول سن وار بریار کزین اول آنکه روزوشب خلوت نشین

قال علی رضی الله عنه

(ذرا الطاعی فی طغیانه)

کوز نه دیر دیکله اوشاد عارفین	آسمان دلدہ ماہ عارفین
کور یحک بر طاعی بی طغیانه	ارمہ بیرکدن قوآنی آنده
پندکی زیر سنک ایتمز قبول	کندویه مغرور اولوب اول بوالفضول
کندیمی بیلدم دیوب اول خود پسند	حاصل ایتدم دیر مقامات بنامد
بن فریدم دیر اوخر مردم کچر	دم بریده نا بریده دم کچر
بیلمدی معینده اول کوندوزنی	نه کیجه سن بیلدی نه کوندوزنی
آکلایان کیسه کیجه سن کوندوزن	کیسه یه بیلدر مزاول پس کوندوزن
کوندوزن بیان کشی بیلدم دیمز	ایشار ایشن لیک ایش بیلدم دیمز

قال علی رضی الله عنه

(ذنب واحد کیر والف طاعة قليل)

دیکله کورینه نه دیر اول عشقاری	اول معادین حقیقت سروری
صادر اولسه سندن اکمزهر کنه	اول کنه ایچون وارایه هرکون آد
بر کناهی آز کورمه ای جوان	کیم آنکچون چوقینار دوزخده جان
مردحق بر ذره کورسه جرمی	طاغ کبی کورر او جرم جرمنی
بر کنه اهن بیك کورر بیك طاعتن	برده کور مزطوت آنک سن خصلتن
طاعتن زیر قبولن کیم بیلور	پس قبول جرمی هر مسلم بیلور

چون قبول طاعتك مجهول در هیچه صایق پس آنی معقولدر
جرم خود نفسك قبولی ای پسر اول جهتدن بیرینی بیک کوردیلر

قال علی رضی الله عنه

(ذل المرء فی الطمع)

کورینه اول مرد مردان جهان نیچه ایلر دیکله ذلتدن بیان
ای جوان سعی ایله اول اهل ورع سورکوکلدن واریسه حرص و طمع
کیمده کیم اولسه طمع اولور ذلیل کنیچ عزلتدن یکا بولمز سبیل
زار و سرگردان اولوب عاجز قالد ذلت ایچنده اوله باقوب اله
طامع اولور می دم عاقل اولن نیلسون بو مال دنیای اولن
لیک اکل و شرب و ابسنجه طمع ایتسون اما غیریدن قیلسون ورع
انیانک اولیانک عادتق بویله در سن ده ایدین بوخصالتی
تا که دارین ایچره عزت بوله سین هم محمدن شفاعت بوله سین

قال علی رضی الله عنه

(ذلیل الفقر عندالله عزیز)

کور نه دیر اول قیمت مردم شناس نیچه اورر سوز بناسینه اساس
چون غناویردی سکا اول ذوالغنا سنده یوری دایم اول شا کر آ کا
شکر آ کا اولدر که طوروب هر صباح نیتک خیر اوله کارک بر صلاح
بر ذلیل فقری کور سهك حرمت ایت باقمه آنک فقرینه سن همت ایت
تا سکا ده ایله اعزاز حق کوکله که هم ایدد کشف راز حق
حق قتنده هر فقیرک رتبی شاه دنیا دکلو اولور دولتی

کیم اوخلافی بر و بحر و بشر قلبه ایتمز نظر قابه ایدر
امدی سنده تلی قو قلبه بق اولمق ایسترسهک جهانده مرد حق

قال علی رضی الله عنه

(ذلالة اللسان رأس المال)

کور نه دیر اول جمله علمک ماهری علمی عامل باطنی و ظاهری
بخشش حقد زبانی روشنلکی لطف رحماندر جنان روشنلکی
بو کوکل کیم روشنادر دائما بیل اودر آینه معنی نما
معنی زیرا کورینور دلدن دله بعدزان شایع اولور دیلدن دیله
چونکه اولدن خسرو شیرین کلام قیل بو خاقی رأس مالکله غلام
هر کلامک لیتیله قیل ادا دیکلین ایتسون سکا جانن فدا
لطفله سنویله دل آزار ایلمه آدکی ای جان دل آزار ایلمه
برزبانکم اولسه اول روشن بیان اولور اول سرمایه جان وجهان

قال علی کرم الله وجهه

(راقب لله فی السر فانه من افضل البر)

ینسه اول فتاح باب کنج سر کوش هوشکله ایشیت کور کیم نه دیر
اول سوزمدن ای جوان آکاه سن سر ایشنده ایله خوف الله دن
کیم اوخوفه جانله قیل اعتبار افضل البردر اوایش ای هوشیار
یعنی هراشیدن ایورکدر اوایش عاقلیسک یوری اول ایشه طورش
مؤمن اولدرکه حق حاضر بیله هراشندن آنی هم ناظر بیله
مؤمن اوئز حق حاضر بیامین هراشندن آنی ناظر بیامین

حق حاضر بیلن ایتمز معصیت آنی غایب بیلنکدر اول صفت
امدی غایب بیلمه حاضر بیل حق مؤمن صادق ایسه اول متقی

قال علی رضی الله عنه

(راع ابالك یراعك ابنك)

ای جوان دیکله سن اول پیرک سوزن باب حقهده یعنی اول شیرک سوزن
جان ایله ایله رعایت آتاکه بی مجال اولورسه اول سن آتاکا
یعنی خوش چکسون سنک ارقه کده اول قول کیدر آتایه زیرا اوغول
آتاکه اول سن ظهیر و دستگیر تاسکا دخی اوله اوغلك ظهیر
نیك و بدهرنه ایدرسهك سن- آکا لاجرم اوغلك ایدر آنی سکا
چونکه بولور هرکشی ایتدوکنی امدی ایتمه خلقله ایتدوکنی
آدمیسین آدمی اولسون ایشک آدم اولسون اولسون برایت ایشک
ایت کشینک نفسیدر ای آدمی آدم اولان اولمز ایتک همدی

*
* *

کورینه جانان او مرد حق شناس نیجه اورر سوز بناسینه اساس
زننده اولدقجه جهانده ای خلف والدینک ایتمه حقینی تلف
آتاک طوت پندین اوله اکاعاق یوقسه چون فرزند نوح اولور فراق
آتاکه خود بیک کون ایتسهك خدعتی آکا دکمز برکیجهنک زحمتی
حج ثوابی تحت اقدامنددر ساکه ایلک آنک اقدامنددر
حق قبول ایتمز جمیع طاعتک اولمسه اذنی آنک بر ساعتک

هر نه ایلکله کیم ایتسه ک آنلره ضایع ایتمز حق ایریشور جانلره
حرمت و عزت ایدر معبود آکا والدینی اولیجق خشنود آکا

قال علی کرم الله وجهه

(رؤیة الحبيب جلاء العين)

دیکله نه سویلر او یوزی کل سکا روشن اولسون ایکی کوزک طوطا کا
هر چنکیم خیره دیده تیره دل اولسه آساندر اوصافه مشکلی
غصه چکمه دوشمه کار مشکله دوست یوزیدر جلا چشم دله
عینکه عین جلادر روی دوست کولکله صافی صفادر روی دوست
چشمکه چون نوردر دیدار یار قنده ایسه یارکی کور یوری وار
لاجرم عاشق ککرکدر عارسر اولیه تا بر نفس اول یارمز
یاردن مقصود پس دیداردن هم غرض دیداردن انواردن
امدی ای دل سنده اول بریارله روشن ایله دیده کی انوارله

قال علی رضی الله عنه

(رتبة العلم اعلی الرتب)

دیکله نه سویلر اوباب علم دین هر علمده ماهر و صاحب یقین
علم دیندر جان و دل سرمایه بی آنددر یعنی دو عالم وایه سی
جهله عالمدن علم اولی درر پایه سی هر پایه دن اعلی درر
حق قنده آندن اعلا مرتبت اولمز ای جان علمله اول هم صفت
علم کیمی کیم مزین ایلدی کون کی آفی معین ایلدی
آندن ایردی هر وجوده روشنا انکیله اولدی هر یار آشنا

شاه علمك حكيمى جارى عر شده صنانه كيم جاريدر انجق فر شده
علم ديكدى آسمان اوزره علم جهل فى تحت الثرا قودى قدم

قال، على رضى الله عنه

(رزقك يطلبك فسترح)

ديكله سن اول طالب رزاقى كور نيجه شرح ايلر سكا ارزاقى كور
رزقكيچون سن جوانا چكمه غم كيم ويرر رزاق رزقك دم بدم
روزوشب رزقك سنى جويندهدر در پيكجه كوى تك پويندهدر
سن آنى بولمزسه اول بولور سنى نيته كيم هر دم بولور جانك تى
ابله اوله يورى وار آسوده اول كيم سكا رزقك بولور البته يول
سن همان ياد ايله اول رزاقكى ايركورر لابلد سكا ارزاقكى
هر نه كيم قادر مقدر ايلدى بى عرسا كه ميسر ايلدى
دستك ايردى دامن مقصوده كيم ايمدى عابد اول يورى معبودكه

قال على رضى الله عنه

(رسول الموت الولادة)

كور نه دير ديكله او مرد معتبر عالم جانندن سكا ويرر خبر
كلدى نا كه عالم ابدانه جان بر نفس طوروب ينه اولدى روان
كيتمه سینه كلى اولدى رسول يينه ايستر اصلنه بولمق وصول
بوكلوب كيتمك اشارتدر سكا آكلادكسه كه بشارتدر سكا
يعنى بيوردى سكا يوقدر طراغ اول وارا جاغك يره ايله يراغ
هر نفس كيم ويروب آلور سين مدام اول سكا كل كيت ديمكدر اى هام

چونکہ کلدک کیتمکی تقدیر قیل جانب جانانہ جان تسلیم قیل
چونکہ تن قصرینہ بردمدر تمل پس نیچوند ر یہ بوطول امل

قال علی کرم الله وجهه

(روایۃ الحدیث نسبتۃ رسول اللہ)

اول محدث کورنہ دیردیکہ سکا آ کلا یوب سوزنی نسبت ایت آ کا
کیم کہ راویدر حدیث احمدی بولور احمدلہ وصال سرمدی
کیم حدیث احمدی نقال اولور احمدیہ ہم زبان حال اولور
ہر فعلدہ اکا اولور نسبتی اول جہتدن بولور اعلا رتبتی
سندہ ای جان احمدک کفتارینی سویلہ دائم ایشلہ آنک کارینی
تاسنکدہ اولہ اکا نسبتک اول سبیدن اولہ اعلا رتبتک
جان وادلن نسبت ایلہ احمدہ کہ ایرہ سین آنک لہ وصل سرمدہ
دولت آنک کیم اکا نسبت ایدہ بلکہ دنیادہ بولوب وصال ایدہ

قال علی کرم الله وجهه

(راع الحق عند غلبات النفس)

کورنہ دیر اول قاتل نفس پلید اول میادین جہان ایجرہ فرید
دغدغہ ایتدکچہ نفسک کاه کاه سندہ درکاه حق ایدین پناہ
قصدی بونفسک کہ ملک دینکی بوزہ باطل ایلیہ آیینکی
ایتمسون دیرسہک بونفسک دغدغہ آنی باقدرمہ صاقین صول وصغہ
باشنہ اور اول خرک افسار جوع ہم اور آرقاسینہ زین بی هجوم
بعدزان اول اوستہ آنک سوار یوری ایلہ عزم باب کردکار

اول سوار اولسه سکا اوخ سکا بلکه آخر اوله جای دوزخ سکا
سن سوار اولسه اکا دولت سنک جنت ایچره حقله وصلت سنک

قال النبی صلی الله علیه وسلم

﴿ زرنی غباً تزدد حباً ﴾

کورنه بیوردی رسول کردکار دیکلیوب قیل کوش هوشه کوشوار
برحبه اول حبیب ذوالغنی حبک آرتار دیدی که که کور بنی
دوست کورمک دوسته خوشدر بلی قاتی مطلوبدر آنک ولی
کثرت رؤیت اولورسه دوستی دوستی قورده کورر سین پوستی
کورسه زیرا چوق کشی بریارینی دم دم اکسر حبنی وزارینی
دیده بولماز اولقدر نوریتی که که اولدقه کبی دوست رؤیتی
ایله که که رؤیت یاری جواد لیک هر دم حبن ایت دلده زیاد
که که ابرک مه وراسنده ظهور ایتسه جان ودل بولور نوروسرور

قال علی رضی الله عنه

﴿ زرا مرء علی قدرا کرامه ﴾

کورنه دیر دیکله او مرد حق کذار جان ودلده سوزینی قیل استوار
کیم سنی که که زیارت ایلسه جسم ویرانک عمارت ایلسه
سنده اعزاز ایت اکا قدری قدر تابوله روی مودت زیب وفر
حرمت ایتسه لیک قدرندن زیاد ریش خند اولور او حرمت ای جواد
ریش خند کدن کر آگاه اولسه اول سد اولور اول آ که بولمز سا که یول
یاد اولور سندن سنی یاد ایلمز دوستلق قصرینه بنیاد ایلمز

ریس خندی قو حقیقت کوزله سن کوزله هر شخصی صداقت کوزله سن
تا که دلر تحتہ شاه اوله سن جان ودل ملکندن آکاد اوله سین

قال علی کرم الله وجهه

(زیارة الحبيب المرء المحبة)

کورنه دیر دیکله ینه اول عشق اری اول محبت کشورینک سروری
دوستک که که زیارت ایله وار جسم ویرانن عماری ایله وار
دوستلق بولسون تجدد دم بدم شوق و ذوق اولسون تردد دم بدم
تا طولہ نور صفا ماینک کز اول وجهدن اوله روشن عینکز
دو جهان آسایشیدر دوستلق بو بدن آرایشیدر دوستلق
دوست جانکدر بندر دوستک پوستی قو ایسته یوری دوستک
پوسته آلدانه ایسته دوستی بولمز سون بو پوستی
تازمار ایله دیریکن ترک پوست تاسنی حق حضرتی ایدینه دوست

قال علی رضی الله عنه

(زیارة الضعفاء من التواضع)

کورنه دیر اول مصطفانک همدی دیکله کیم اورر تواضعدن دمی
قنده کیم وار برضعیف و ناتوان کورمکه که کاه آنی اول روان
یوقلمق انی تواضعدن درر بلکه معنی ده تطوعدن درر
هر قدم کیم قویه سین اول یولدسن اون ثواب امر اولنه الله دن
واروب اکا لطفله ایدوب کلام کوکلنی آلسه که اله سن ای هام
ایلسه که شیء قلیل احسان اکا ایره اولدم رحمت رحمان سکا

ایده اول احسان بلا کی رد سنک عفوایه حق جرمکی بی حد سنک
اوله سین غرق بحار مغفرت بوله سین جتده اعلا مرتبت

قال علی رضی الله عنه

(زوایا دنیا مشحونه بالرزایا)

کور نه دیر شیخ زوایای جهان کر مرید یسه ک ایشین با کوش جان
عالمک هر کوشه سی ای مرد حر محنت ورنج و غم و دزدیله پر
واریکن بویه جهانک فسحتی بوعجب یوق هیچ جای راحتی
جست وجوایتسه ک سراسر بویری بولمز سین هیچ بر راحتی یری
اول جهندن کشت ایدنلر عالمی بولمدیلر هیچ بی غم آدمی
اول وجهندن بوکه فخر کائنات دیدی سخن مؤمنین و مؤمنات
مؤمن اولان کیمسه بوزندانده نیجه راحت اولیسر اول آنده
امدی راحت ایستمه سن مؤمن اهل زندانک غداسیدر عنا

قال علی رضی الله عنه

(زهد العامی مضله)

دیکله سن کور کیم نه دیر اول رهنا آب دانشدن بولان نشوونما
اولکه عامیدر جهالتدر ایشی روزوشب آنک ضالتدر ایشی
زهدی و تقواسی باطلدر آنک حق ییلمز جانی جاهلدر آنک
جاهلک زهدی و تقواسی نه در تکیه سی - نه یرکه تقواسی نه در
طانیوب تقواسی کبر وریا کوسترر مؤمنلره اول کبریا
عرض ایدر شیطان کی تقواسی لیک تنهاده ایدر اغواسی

اومضل اغوا ايدوب اضلال ايدر نيجه ساده دللری اضلال ايدر
زاهد جاهلدن اول دور ای عزیز کیم کفردن ایتز اول ایمان تمیز

قال علی رضی الله عنه

(زینة الباطن خیر من زینة الظاهر)

کور او مرد ظاهر و باطنینه دیکله کیم نه سویلر اول ظاهرینه
کیم که نفس شومله هم خانه در طیشی معمور و ایچی ویرانه در
کیم که روح پاکله هم خانه در ایچی معمور و طیشی ویرانه در
باطنک قیل ایدی سن آراسته علمله اعماله پیراسته
لیک ایله ظاهرک ویرانه سن اوله سین شایسته تا یزدانه سن
کیم او یزدان ظاهره ایتز نظر باطنه ایلر نظر ای معتبر
چونکه اولدی زینت باطن شها زینت ظاهر دن اولی و بها
خور باقه ظاهری ویرانله عزت ایله جانله اول جانله

قال علی رضی الله عنه

(زحمة الصالحین رحمة)

کور نه سویلر اول امام صالحین پیشوای لشکر مردان دین
زحمتی رحمتدر صالحلرک دائماً مؤمنلره ناصحلرک
دنیا ده صالحلرک زحمتلری اوله جنتده ايدر رحمتلری
بونده هر کیم یانسه زحمت اودینه یانیموب آنده ایرر مقصودینه
بونده کیم یانماسه نار زحمت آنده یانار بلکه نار تقمته
زحمتی رحمت ییلور صالح اولان رحمتی زحمت ییلور طالح اولان

قویسر جناہ حق صالحی قویسر در دوزخہ طالحی
طالح اولہ صالح اول سن ای جوان کردیلر سہک حور و رضوان و جان

قال علی کرم الله وجهه

(سادة الامة الفقهاء)

کور نہ دیر دیکلہ علی مرتضا کویستن حقک قضا سندن رضا
اول محمد امتینک مہتری افضلی واکلی و بہتری
اول کشیلر در کہ علم دیندہ برقیلی قرق آیردیلر آیندہ
قومدیلر شرعدن طشرہ قدم ہرنہ ایسہ قیلدیلر امر قدم
کلدیکنجہ جانب حقدن قضا ویردیلر آکا دل وجاندن رضا
علم دیندن ناسہ تعلیم ایتدیلر احمدک شرعینہ تعظیم ایتدیلر
نقد عمری جملہ صرف ایتدیلر راد علم دین ایچندہ کیتدیلر
رحمت حق آنلرک ارواخہ نور اینسون دائماً اشباحہ

قل علی رضی اللہ عنہ

(سلامة الانسان في حبس اللسان)

کور ندسویلر دیکلہ اول عالم وجود جملہ آفتدن سالم وجود
ہر وجودہ کیم ایرر اکثر زیان کیمسہ ایر کرمز آنی الا زبان
ساکن اولسہ دیل دل آسایش بولور اولمز ایسہ دیل دل آسایش بولور
راحتی زیرا دلک دیلدندر ہرنہ محنت کورسہ دل دیلدن کورر
کر دہانہ اورہ سین مہر سکوت دلہ اولان کشف سر لایموت
ای جوان آنلر کہ سالم اولدیلر حق بودر حبس لساندہ بولدیلر

سن ده قوی حبسه لسانک سالم اول بولیه تا کیم بلالر ساکه یول
کر زبانن ایتمهک حبس ای خلف اوله سین تیر بلایه سن هدف

قال علی رضی الله عنه

(سیرة المرء تنبی عن سریره)

کور نه دیر دیکله او محبوبی ینه صورتی و سیرتی خوبی ینه
چون سکا حق و یردی انسان تن و یرمدی شکرایت که حیوان صورتن
اولمه کر سنده انسان صورتی اوله بو صورت چو حیوان صورتی
سیرت اوزره صورتی زیرا خدا ایلمشدر خانه جسمه بنا
کرچه رازی آدمک اولور نهان لیک ایلر سیرتی آنی عیان
بیلن اول رازی فراستله بیلور صائمه کیم آنی قرابتله بیلور
کیزلی برایش هیچ اولمز عارفه حق یولنده نقد جانی صارفه
ایمدی سن کل کوچک ایله سیرتک چونکه و یریرمش خبر بو صورتک

قال علی رضی الله عنه

(سرورک بالدنیا غرور)

کورینه اول تارک دنیا نه دیر دیکله کیم اول طالب عقبانه دیر
ایتمه بو دنیای فانیده سرور که اول سرورک اولدی معنی ده غرور
پس نه که مغرور سین بیلسم سنی یانیه مسرور سین بیلسم سنی
یوقسه اعمالک قبول حق میدر جمله احوالک حقه الیق میدر
یوقسه یوقیدر زبانی هیبتی یاجهنم آنشینک حدتی
بونجه اعمال قیچک وار ایکن نفسله شیطان سنکله یارایکن

بوسروريله غرورك پس نهدن يوقسه يانمزدى طموده بوبدن
 كر سكا ياريسه عقلك اى جوان اوله بوماتم سراده شادمان

قال على كرم الله وجهه

(سمو المرء فى التواضع)

كور نهدير ديكله او مرد هوشمند حق قنده قيمت و قدرى بلند
 اولسه بر شخصك تواضع خصاتى دم بدم اوله زياده رفعتى
 رفعتى زيرا كشينك اى جوان اولدى مغنده تواضعدن نشان
 بر كشي ده كيم تواضع اولسه سن تعجب ايمه رفعت بولسه
 رفعت ايسترسهك تواضع ايله وار طفل رفعت چون تواضعدن طوغار
 صانمه رفعت اوله دنيا رفعتى رفعت اولدر كه اوله عقبا رفعتى
 كيمده كيم اولسه تواضع مسكنت بوليسر اول آخترده سلطنت
 حق سور زيرا تواضع ايدنى درلو احسانلر ايدر اول غنى

قال على رضى الله عنه

(سوء الظن من الحزم)

كور نهدير ديكله او مرد هوشيار كور دكار
 اى جوان هر نسنه دن ايله حذر اول دكلدر عيب اودر بلكه هنر
 كاريدر زيرا حذر عاقللرك پيشه سى غفلتدرر جاهللرك
 خواب غفلت اولدى حيوانلره كار لايق اولدر اوله انسان هوشيار
 هوشيار اولان كشي بيدار اولور مردم بيدار مرد كار اولور
 مردكار اول سن ده ايله احتياط بيلكم اولدر عاقله طوغرى صراط

احتیاط ایتمز کشی دیوانه در جنبشی زیرا آنک دیوانه در
پس نه بیلسون دیواولان پروانه در نار جهله یانمغه پروانه در

قال علی کرم الله وجهه
(سکر الاحباء سوء الخلق)

کور نه دیر دیکله ینه اول یار حق اول دلیر قاتل اغیار حق
خلق بددر دوستلر سکری بایق احتراز ایت اول فعلدن اول آیق
قطع ایدر زیرا او حبک حبلی دلدده قومز فرغنی و اصانی
مجلس احبابده بر خلق بد اولسه سعی ایدوب قیلارلر آنی رد
کر آنی رد ایدمه زلرسه اولر تلخ ایدر مجلسلرن لابد اولر
اولسون بر دوستک خلقی قییح یوخسه تصحیح اولر اول بیل سن صحیح
خلقتیدر خلق بد زیرا اکا عاقبت برکون ایرر شری اکا
اوله آنک کبی دوسته متصل غفلة کر اولدکیسه وار کسلیل

قال علی رضی الله عنه
(سوء الخلق وحشة لا خلاص منها)

کور نه دیر اول خلقی و خلقی حسن کوش هوشکله کل امدی دیکله سن
خلق بد وحشتدر ای مرد خاص بلکه تحقیق اندن اول بولمز خلاص
طوته کلشدر ازلدن اول انی هم سرشت اولمشدر آنکله تنی
کلدی آنلر بطن اُمدن تو اُمان بربرندن ایرو اولمز لر هر آن
بر کشینک خلقتنده خلق بد اول آنی ایدمه زلر سعیله رد
تادیری اولدقجه اول ینله اولور هر قچنکم اولسه اول بیلله اولور

کلینجہ تاکہ اول پیک ممت خلق بددن بولہ مز کیمسہ نجات
خاکی بد کیمسہ کور رسہ کای جوان ویر سلامک یل کبی کج کیت همان

قال علی کرم الله وجهه

(شرف المرء فی الادب لافى النسب)

کور ینہ اول صاحب فضل وادب دیکلہ کیم نہ سویلر اول عالی نسب
بی ادب اولہ صاقین سن ای خلف یوقسہ بولمزین اولنجہ سن شرف
اولدی زیرا کہ شرف آدابده پس سنکچون اولمدی انسابده
کر سنک اولماسہ نفسکده ادب فائده ایتمز سکا فضل نسب
اولسہ بر یرده درخت میوددار اولسہ اما کہ بر شاخنده بار
آتی قطع ایدوب همان صاحب شجر نارلہ هیزم کبی احراق ایدر
آ کہ بکزر فی المثل هر بی ادب فخر ایدر یاد ایلہ اصل ونسب
کرچه کوزہ کور ونور مردم کبی لیک مردم کورر اول هیزم کبی

قال علی کرم الله وجهه

(شر الامور اقربها من الشر)

کور نہ دیر دیکلہ ینہ اول شیر مرد نفس کافرلہ ایدن هر دم نبرد
بیل اودر شر امور اتی مرد دین کیم قیاساً اولہ اول شرہ یقین
سن اول ایشدن کندوکی دور قیل چون قضا لشرہ اقرب اولدی بیل
قنده شرایش اولسہ شیطان آندہ در صائمہ سن شیطانی جسم و جانده در
بر ایشک کیم آخرنده اولہ شر عاقل اولان ایلر اول ایشدن حذر
قنده خیر ایش اولسہ رحمان آندہ در ایشلر یسک آتی رحمن جانده در

کیم که شر ایش ایتسه شیطانی اولور کیم که خیر ایش ایتسه رحمانی اولور
امدی سن خیر ایشله شردن اول بعید ایده تا رحمان سنی مرد سعید

قال علی رضی الله عنه

(شمر فی طلب الجنة)

کوز نه دیر اول ساقی کوثرینه کوش هوشه طاقدی بر کوهرینه
طالب جنت اول ای مرد قوی جد و جهد ایت ایله کار اخروی
کوکلك آلمش فانی دنیا لذتی الدامش بر دم هوانک شهوتی
لذت دنیای فانی ای پسر زهر قاتلدر ایدر جانیه ضرر
کیم که نوش ایتدی هلاک اولدی اودم کیتدی طوتوب راه اقایم عدم
کل عدم اقلیمی راهن طوتمه سن طوت طریق ملک باقی اول حسن
طاعت و تسبیح و تهلیل و صیام روز و شب ایله جوانا بردوام
اوله سین تا لایق جنات سن کورده سین دیدار حق بالذات سن

قال علی رضی الله عنه

(شح الغنی عقوبة)

کورنه سویلر اول جوانمرد جهان دیکله آتی ای جوان با کوش جان
چون سنی حق اهل نعمت ایلدی وجه دنیا برله حرمت ایلدی
سن ده بذل ایت اهلنه یوقسه عذاب کوریر سین لاجرم روز حساب
بخل و امساک ایلوب ایتمز ایسه ک بذل و احسان یولنه کیتمز ایسه ک
روز محشر اولیجق وقت حساب کوریر سین چوق عذاب و چوق عقاب
بونده ده حفظنده مالک دم بدم اولیوب راحت چکر سین درد و غم

یه ، یدیر کی کیدیر اول سن مرد خاص بول عذابله حسابندن خلاص
عقرب اوله کورده مالک سنک نولیسر اول حفرده حالک سنک

قال علی رضی الله عنه

(شمة من المعرفة خير من كثير العمل)

ینه اول غواص بحر معرفت درلر اخراج ایلر اول دریاصفت
معرفتدن سنده بر شمه اکر اولسه یکدر چوق عملدن ای پسر
معرفتدن آدمی عزت بولور چوق عملدن کشی چوق ذلت بولور
اول جهتدن کیم کوزوب اعمالنی یک بیلر هر کسهدن احوالی
صاحبن زیرا عمل خودین ایدر آز عمللو شخصه کبر وکین ایدر
ایدهمی شیطان قدر کیمسه عمل کورکه آخر نیجه اولدی مبتدل
معرفت ویرر کشی یه مسکنت ویرر اعمال کثیره شیطنت
حق قتنده معرفت مقبولدر معرفتسز کسهلر چون غولدر

قال علی کرم الله وجهه

(شیک ناعیک)

کور نه دیر ینه او مرد معتبر کوش هوشکله ایدوب کوش آل خبر
چونکه لویه کده اوله بر موسید زند کانیدن همان قطع ایت امید
اول منادیدر سکا ایدوب ندا دعوت ایلر دیر سنی یعنی خدا
سنده ای پیر ایله یوری ترک راه بعد ازان قیل عزم درگاه آله
ساکه اما نوله بویولده یراق کیم اوله اول بایده مقبول حق
بیل سکا اولدر یراق ای پیر مرد روزوشب ایت نفسکیله سن نبرد

حاصل ایله اوز که فقر و فنا روحه ویر حب خدا، قلبه غنا
چون عدمدن کلدک اشبو عالمه اول دمکدن بر سفردر صوک دمه

قال علی رضی الله عنه

(شفاء الجنان قراءة القرآن)

کور نه سویلر دیکله اول صاحب صفا بولمق ایسترسه ک اکر قلبه شفا
ایله قرآن قدیمه اعتبار اعتبار ایده سکاده کردکار
کیم آنی ایتسه قرائت روز و شب اوله اول قول مقبل درگاه حق
قیل تلاوت دایما قرآنی سن غصه و غمدن خلاص ایت جانی سن
کیدرر قرآن دو عالم غصه سن آرتیرر جنتده جانک حصه سن
اوقیانه اولیسر قرآن شفیع اول مشفع بولیسر قدر رفیع
سن ده قرآن اوقوهر کون ای جوان اوله سین تا صاحب حور و جنان
بولور ایتدجکه تلاوت جان صفا هم ایرر درد دله هر دم شفا

قال علی کرم الله وجهه

(شخیخ غنی افقر من فقیر سخی)

کور نه دیر دیکله او مرد کام کیر هر کلامیدر چو خاص و عام کیر
صاحب نعمت کیم اول اوله بخیل بخلی آنک فقیرینه اولور دلیل
بر فقیر اولسه سخی بیل ای بنی آندن افقردر بخیل اولان غنی
اکله شربه مال کیم صرف اولیه صاحبی آنکله راحت بولیه
خاک در اول مال یاتور یا حجر پاسبان اسی اکاشام و سحر
روز محشر اولیجق حین حساب کوریسر اول مال ایچون در لو عذاب

واريمزك اور دهانن مشت ايله وارايسه يا وارثينه موشته
وارثي يوغيسه آني روزكار ايدہ ذرات جهانك تار مار

قال على كرم الله وجهه

(صدق المرء نجاته)

كورنه دير اول صادق الوعدالامين	شير يزدان اول امير المؤمنين
اي جوان چون ناكهان بولدك حيات	بوليسر سين ناكهان ينه ممات
ايمدى كل طوت جبل حب حقى برك	حب حقدن غريس وارايله ترك
حق تعالى حضرتينه عاشق اول	يورى راه عشق ايچنده صادق اول
دامن صدقى قومه الدن صاقين	صدقله اولدى اولان حقه ياقين
قنى جان وددله كيم صدق اولميه	اول دو عالمده مرامن بولميه
اولميه بردله كر صدق آتشي	نخته اولماز خام اولور اول دل ايشي
صادقه پس صدقدر ويرن نجات	نيته كيم جسمه ويرر روحى حيات

قال على رضى الله عنه

(صحة البدن الصوم)

كور نه دير ديكله ينه سن اول هام	نيجه كشف ايلر كرامات صيام
صحتن جسمك ديلرسهك صايم اول	راه صوم ايچره يورى وارصايم اول
يعنى اكل و شربكى ايله قليل	كه اولدى بونلر صحت جسمه دليل
قيل قليل اكلك سبك روح اول يورى	جسمكى صحتده هر دم بول يورى
شول كشي كيم اكل و شربن آزايدہ	مرغ روحى عرشده پرواز ايدہ
آز ايدن اكلن ملك سيرت اولور	هم بمعنى مصطفى صورت اولور

اکلن از ایلردی زیرا مصطفی بوله تا مرآت دل صافی صفا
روشن ایلر روزه مرآت دلی هم بیورمشدر خدا الصوم لی

قال علی رضی الله عنه

(صلاة الليل بهاء النهار)

کوزنه دیر اول مردم اسرار دان قلبی سردان قالی اسرار دان
قیل ادا ورد صلاتن هر دونک تا که کوندن روشن اوله هر دونک
دون نمازی قیلمغی عادت ایدین جانه هر شب طور آنی خلعت ایدین
عید روزه اوله تا روزک سنک هر مرامنه ایره جان وتنک
وارسه مشکل ایشک آسان اوله غم کیده دلدن یوزک خندان اوله
هم کیجه ایتشدی معراجن رسول کیجه بولدی حضرت حقه وصول
کیجه کوردی نورحق موسی دخی کیجه ایردی حضرت عیسی دخی
اول وجهنددر رسول سرفراز مؤمنک معراجی اولمشدر نماز

قال علی رضی الله عنه

(صبرک یورث الظفر)

کوزنه دیر دیکله او مرد صابری هر نفس نفس خسیسه جابری
هر بلایه صبر ایدن بولور ظفر سن ده صبرایت بول ظفر اول معتبر
حق معیندر قو صابرلرک هر نفس نفس سکه جابرلرک
صابر کرم بلای روزکار بوله پایه عاقبت ایوب وار
کرچه صبرک چاشنیسی اولدی تاخ لیک اولور صوک هاضمی چون شاه باخ
یعنی چون شاه ایریشور مقصودینه عابد اولور دائماً معبودینه

ایریشور مقصودینه صبار اولان هر نفس نفس سکه جبار اولان
صبرله قطره در شهلا اولور صبرله اکشی قوروق حلوا اولور

قال علی رضی الله عنه

(صلاح البدن فی السکوت)

کورنه دیر دیکلهینه پس اول امیر نه بشارت ایدیسردر اول بشیر
کر صلاح تن دیلر سهک ساکت اول کیم نه دیر ایه دیسون سن صامت اول
صنعت ایدین صمتی سن کل ای جوان فتنه دور زماندن بول امان
عالم ایچره بوشر و شور و فتن دل اوچندن قویار آنلر آکله سن
صدهزاران سر دمام هر زمان قطع ایدر تیغ زبان خون فشان
کرندیم شاه ایدر سه کشف سر سر ویرر زیرا که سرن غیره دیر
سن ده همسر سین بوکون شاه دله ایمدی سر شاهی کشف ایتمه دله
یوقسه باشک قطع ایدر اول تیغ دل کلامش کبی اولوسین دهره بیل

قال علی رضی الله عنه

(صمت الجاهل ستره)

کورنه دیر دیکله اول دانای دهر یعنی اول علامه بروبجر
صمت کشف ایلر کمالن کاملک لیک ستر ایلر عیوبن جاهلک
صامت اولمق جاهله خوش پرده در بیلمین صانیر بهشت پرورده در
مرد جاهل سویلنه آچوب دهان ظاهر اولور جهلی اولدمده همان
کورینور یریر عیوبی سوزینک جهلی دوکر ارضه عرضن اوزینک
دوشر اولدم عزت واکرامدن کیم کورر لر هم آئی انعامدن

چون دیدی احمد که هرشی شی در لیک عالم اولیان لاشی در
ای جوان جهد ایله جاهل اوله سن علمه سعی ایت اولدوغنجه جان یتن

قال علی رضی الله عنه

(صاحب الاختیار یأمن الاشرار)

دیکله جاندن اول سر اختیار کور نه بیوردی قاتل اشراری کور
همنشین اول دائماً اختیارله اوله بر دم هم نفس اشرارله
قرب اشرار اولدی چون نارسقز کیم یاقین اولسه اکا جانن یاقار
کیم جدا اولماز اینسه اختیاردن ایمن اولور شرت اشراردن
شرت اشراردن جاننه ضرر نیجه جاننه دین و ایمانه ضرر
دین و ایمان جان کرکسه ای جوان اوله سن اشرارله بر دم بران
صحبت اشرار اولدی چون جحیم اکلی چون زقوم شربی چون حمیم
بوعذابی چکمه اشراری قو، وار همدم اول اختیارله لیل ونهار

قال علی رضی الله عنه

(صلاح الدین فی الورع وفساده فی الطمع)

کور نه دیر اول مرد مردان ورع پیشوای جند ارکان ورع
دین صلاحی بلکه پرهیز کده در اصل پرهیز کده تمیز کده در
کر ایدرسه ک اصل پرهیز ک تمیز اولیسردینک صلاح اوزره عزیز
بیلمک ایسترسه ک فساد دین نه در راه دیننده مفسد آیین نه در
مفسد آیین دین اولدی طمع کج طمعدن دین کرکسه قیل ورع
لاجرم طماع اولان بی دین اولور مؤمنینه کاری کبر و کین اولور

طامعك طامو اولور آخر یری جنت ایسترسهك طمعدن اولبری
هرفضاحت کیمه کیم واقع اولور اکثر اول رسوالغه طامع اولور

قال علی رضی الله عنه

(ضل سعی من رجا غیر الله)

کورنه دیر دیکله ینه اول شیرحق کوش هوشکه ایشیدوب ال سبق
کیم که حقدن غیری به طوتسه امید سعی اول ایده لابد نابدید
جهدینی ضایع ایدوب اوله ذلیل بولیه مقصودینه اصلا دلیل
زار و سرگردان و آواره قاله وادی قلتده بی چاره قاله
اشبو حالتده ایکن اول مرد شوم ایده بیک درلو شکست اکاهجوم
نار ذلتده یانوب اول دردناک وادی قلتده پس اوله هلاک
ایمدی حقدن غیری به طوته رجا ایدین آنک بارکاهن التجا
ناسنی حق غرق دریای نعم ایلیه سنده اولاسین مقتم

قال علی رضی الله عنه

(ضمن الله رزق کل احد)

کورنه دیر دیکله سن اول پاک اعتقاد آکلا یوب سوزینه کوستر انقیاد
خلق یوقدن وار ایدوب چون اول جلیل رزقه هر برینک اولدی کفیل
یوقو اشیایی چون خلاق اودر بیل محقق هم ینه رزاق اودر
بلکه خلق ایتمزدن اول خلقی حق رزقلرن خلق ایلمشدر یحشی باق
شول کشی کیم غم چکر ارزاق ایچون اعتقادی کیم درر رزاق ایچون
رزقه ضامن بیلن رزاقی غصه چکمز بولور اول ارزاقی

رزقکه ضامن درر چونکم خدا رزقچون غم چکمه ایمدی ای کدا
قنده اولورسه سکا رزقک ایرر کوشه کوشه اول سنی بولور ایرر

قال علی رضی الله عنه

(ضرب الحیب اوجع)

کورنه دیر دیکله ینه اول مرد لب نیجه روشن شرح ایدرتقریر ایدوب
برکسسه برجهتدن ناکهان دست دشمندن یسه بیاک بوزوغان
اول قدر ویرمزوجع کیم ای رجل دوست دستندن اکا طوقونسه کل
نیته کیم منصوری بروقت بهار جمع اولوب خلق ایلدیلر سنکبار
طاشلر دوکدکجه انک جسمنی اوخ، دیردی یادایدوب حق اسمنی
اول زمان وار ایدی برشیخ کینر اولدی منصور سرنندن خیر
لیک حقه تابع اولوب ای اخی اوردی منصوزی کلیله اولدخی
ضرب کلدن آه ایدوب دیدی اول وحید طاشلر ضربندن اولدی بو، شدید

قال علی رضی الله عنه

(ضیاء القلب من اکل الحلال)

کوزنه دیر دیکله ینه اول مرد دل تابوله هر دم دواسن درد دل
برکشینک کیم اوله اکلی حلال قلبی اضوا قالی بوله جمال
کر حلال اولورسه اکلک دایما اوله دل آینه کیتی نما
جانه دم دم برق اوره انوار حق منکشف اوله سکا اسرار حق
حقی شرکدن تخلی ایدمسن جانی انکله تسنی ایدمسن
برکشینک کیم اوله اکلی حرام طوته آنک جان و دل ملکن ظلام

کوزلری کورمز ایله اعماکبی عالمی پرکوره تیره ماکی
فرق ایدمز اوله قارادن آتی بیلمدن فوت اوله باطلدن حق

قال علی رضی الله عنه

(ضل من رکن الی الاشرار)

کورنه دیر دیکله ینه اول رهنا	مرد راه اول سن ده خلقه ره نما
شول کشی کیم میل ایدم اشرارده اول	بیل ضالته ده قاله بی چاره اول
قیله لر اخراج آتی اخیاردن	ایدلر عد زمره اشراردن
روز محشر حشر اوله اشرارله	دوزخه کیروب ینالر نارله
ایمدی میال اوله اشراره صاقین	اولمق ایسترسه ک کر اخیاره قرین
یونده کیم اولسه قرین اخیارله	آنده اوله احمد مختارله
احمد مختارله آنده اولان	شبهه سز اول کیمسه در حق بولان
حق بولمق ایسترایسه ک ای جوان	اول ره احمدده روزوشب روان

قال علی رضی الله عنه

(ضیق القلب اشد من ضیق الید)

کورنه دیر دیکله ینه اول دل اری	اول دل و جان کشورینک سروری
هرچا نکیم ای جوان ضیق اولسه قلب	طور سن انی سعی ایدوب واریله سلب
یوقسه قیلمز تنده روحک راحتی	غصه و غمله کچر هر ساعتی
اولدی کوکل طارلنی زیرا اشد	حق بودر ال طارلغدن ای ولد
کرچه ال طارلنی ده صعب ای پسر	لیک دل طارلنی آندن صعب تر
ایکسینک داخی ضیق اولسون	جان دخی تک تنده تنکی بولسون

بولیجق جان تئده تنکی ای جوان یوکلنوب تنکن اولور اولدم روان
ایمدی جهد ایله اکیسنک دخی اولیه طارلقری پس ای اخی

قال علی رضی الله عنه

(ضاق صدره من ضاق یده)

کوره دیر دیکله قولاق طوت سن اکا صدرک ضیقن بیان ایتسون سکا
کرچه ال طارلنی مشکل کار اولور ضیق صدر آندن دخی دشوار اولور
اولیجق برکیمسه ده ال طارلنی بولیجق طارلق کیدر اول وارلنی
مشکل اولکیم بولسه سینه طارلق کیتمز اول طارلق بولورسه وارلق
یعنی آنک کیم اوله پرسینه سی بغضله هم خلقه اوله کینه سی
بغض وکینه اولدی سینه طارلنی زائل ایتمز آنی دنیا وارلنی
هرکیمک کیم سینه سی بولرله ضیق اولسه اول حقدن یکا بولمز طریق
ای جوان مقصود دلدر سینه دن ایمدی پاک ایت آنی کبر وکینه دن

قال علی رضی الله عنه

(ضرب اللسان اشد من طعن السنان)

کوره دیر دیکله ینه اول شیر مرد نفس برله هر نفس ایدن نبرد
مسلم اولدرکیم دل ازار اولیه هم دیندن بردل ازار اولیه
اولدی کیم اشد ضرب لسان لاجرم طعن سنندن ای جوان
اوکولور طعن سننک یارده سی اوکمز اول ضرب لسانک یارده سی
بولسانک ضربی زیرا جانهدر اول سننک طعنه سی ابدانه در
ایمدی ای جان وارسه دلدله بلک چون سنن او زاتمه هر جان دیک

روز محشر هم دلازارك دلی صیغیه آغزینه صارقه چون قولى
کوروب آنی خلق اغماز ایدلر وحشت ایدوب آندن اعراض ایدلر

قال رسول الله عليه السلام

(طوبی لمن شغله عینه عن عیوب الناس)

کور نه بیوردی رسول کردکار ایشیدوب سوزینه کوره ایله کار
دولت و اقبال و بخت اول کیشک آخرین فکر ایلیه هر ایشک
کندی ایشینک باقه اکسیکه غیری اکسیکی آنک اکسیکی نه
شغلی آنک اوله عین کوزله مک ایتیه ناسک عیوبن کوزله مک
طوته عین عینه قارشو اوشاب که اوله ناسک عینه نه عیبی حجاب
کندی عین کورن بی عیب اولور آ که دلدن کشف سر غیب اولور
غیریلر عین کورن پرعیپ اولور کندی عیینک ایچنده غیب اولور
غیریلر عین قو، کور عیبک که تا اوله سین بی عیب سندن ده سیرتا

قال علی رضی الله عنه

(طوبی لمن رزق بالعافیه)

کور نه دیر دیکله او مرد آخرت کیم سکا ایلر بیان عافیت
کیم که مردم یاد ایدر حق برلکن حق ایدر آسان آنک ده دیرلکن
قوتلی اولکیم بوله رزقن یسرله سورمه عالمده دیرلک عسرله
عافیت برله اوله مرزوق اول کورمیه هرکز در مخلوق اول
کیم ایدر مخلوقه عرض احتیاج اوله عریان قاله هرمدده او آج
خالقه محتاج اولان اولور غنی باب مخلوقه واران اولور دنی

خالقه محتاج اولان دولت بولور باب مخلوقه وار ان ذات بولور
باب مخلوق قو ، باب خالقه وار جوانا بیل حقوق سابقه

قال علی رضی الله عنه

(طول العمر مع الطاعة من خلع الانبياء)

کوز نهدير دیکله سن اول شاه جهان کیم ايدر عمر عزيز کدن بيان
بر عمر کیم عالم ایچره بردوام طاعت یزدانه اولسه تمام
انبا خلعتلر نندر او بیل وار عمرک طاعت یزدان قیل
کی یوری وار انبانک خلعتن بوله سین آتله تاحق وصالن
یوقسه ای جان بر عمرکه اولسه دراز اولسه آنده حقه ذکر و نماز
اول عمر معنیده بیل کوتاهدر هم خیر سزدر دخی جانکاهدر
بر عمر کیم اولسه اول اقصر قتی لیک اولسه آنده حقه طاعتی
فی الحقیقه اولدرر عمر طویل اول بولور حقندن ثوابت جزیل

قال علی رضی الله عنه

(طال عمر من قصر تعب)

کورینه اول شیر یزدانی نه ايدر جانله دیکله که عمرک شرح ايدر
هر کیمک اولسه غم و تشویشی آز اولسر اول کیمسه نک عمری دراز
بودکلدر کیم کورده اول خوش خصال هفته و اوقات و روز و ماه و سال
بر عمر کیم کچه بی رنج و تعب بر دمی بیک دمجهدر اتمه عجب
بر عمر کیم محتته اولسه قرین بیک دمی بر دمجهدر آنک همین
دوستلرله وقت اولور بر دم کچر اول دم ایچره نیچه بیک عالم کچر

سودیکله دم اولور کیم بر بشر بر دمنیک عالمده بیک یشار
سن ده دلدن سور جوانا غصه کی آل کور بردمده بیک دم حصه کی

قال علی رضی الله عنه

(طر مع الاشکال)

کورینه اول لامکان شهبازی
چون درخت چارشاخه ناکهان
ینه ناکه آشیان قور کیدر
یا بوجان سیمرغنه تن کوه قاف
کسب جنس ایدوب ینه طیار اولور
جنسی برله عالم ارواحه تا
بلکه جان مرغینک ای زیبا صفت
سن ده ای جان بال و پر کسب ایله وار
اوج دلدن کوستر پروازی
مرغ جان قونوب ایدیندی آشیان
یعنی کلدیکی یره پرواز ایدر
آنده آنجق بردم ایلر اعتکاف
لامکان صحراسنی سیار اولور
واریسردر آخر الامر ای قفا
پروبال اولدی علم و معرفت
جنسکیله طایر اول سیمرغ وار

قال علی رضی الله عنه

(طاعة العدو هلاك)

کور نه دیردیکله ینه اول مرد پاک
حاجت ایچون ایتمه طاعت دشمنه
آج اولور سه کده توقع ایلمه
یوقسه اول نفی هلاک ایلر سنی
نفعن اکا، کورمه سن تک یوزینی
قرب دشمن نار محرقدر صاقین
هردم ایدن دشمن نفی هلاک
ایلمه یعنی اطاعت دشمنه
دشمنکدن سن تنفع ایلمه
یادیکه کلدیجه خاک ایلر سنی
سعی قیل قویمه قلاغه سوزینی
فرقت آندن حقه اولمقدر یاقین

نفسی در بیلکیم کشینک دشمنی یانه امرین طوتانک جان وتی
نفسک امرین طوتمه زنهارای جوان بوله سین تاحور و دیدار وجنان

قال علی رضی الله عنه

(طاعة الله غنیمة)

کور نه دیر دیکله او مرد راست کو سوزنی طوتوب دخی اول نیک خو
خوش غنیمتدر کشی نفس با صوب بوغازندن جبل جو عیله آصوب
واره جان ودلله کیره حلوته صد صفا کسب ایدوب ایره سلوته
روز و شب طاعت ایده معبودینه ایکی عالمده ایره مقصودینه
دولت اول قوله کیم ایده طاعتی طاعت ایدن دولت عظمای بولور
بنده کیم خدمت ایده مولاسنه لابد ایرر پایئه اعلاسنه
طاعت ایله ای جوان مولایه سن ایردسین تا پایئه اعلایه سن

قال علی رضی الله عنه

(طلب الادب اولی من طلب الذهب)

کور نه دیر دیکله ینه سن اول ادیب تا سکا آدابدن اوله نصیب
بریکا دنیا طولی اولسه ذهب بریکا اولسه یالکز پر ادب
کچ زهبدن ، طوت ادب داماتی کی یوری میراث ادب قفتانی
باشکه تاج ادب آل شاه وار سن ده حق درکاهنه چون شاه وار
اولدی زیرا حق قنده معتبر برادب یوز بیک زهبدن ای پسر
اسنی زیرا ذهب ناره چکر یعنی چون فرعون بدکاره چکر

صاحبن ایلر ادب موسی صفت قدرینه رفعت ویرر عیسی صفت
طالب اول آدابی ، اولمه زرطلب ترك ایدوب عیسائی اولمه خرطلب

قال علی رضی الله عنه

(ظن السوء بالناس من قبل الخناس)

دیکله اول شیر خدا میر ناس نیجه ویرر مرد کفتاره لباس
سوی ظن ایدوب کسلمه ناسدن که اوله اول ایش جانب خناسدن
حسن ظن ایت همنشین اول ناسله لیکن اوله بر نفس خناسل
ناس بد سیرت همان خناسدر کرچه کیم صورت یوزندن ناسد
اولینجه نیجه ییالر همنفس لاجرم معلوم اولمز کنه کسر
چونکه نامعلومدر کس ای جوان ایتمه نامعلومه ایمدی بد کار
هر وجوده بد کان ایتمک کشی اولدی معناده اول ایش شیطان ایشو
بلمینجه کیمسه نك کیفیتن اختیار ایدیمه آنک صحبتز

قال علی رضی الله عنه

(ظلم الظالم يعودہ الى الهلاك)

کور نه سویلر دیکله اول عالی جناب روی معیندن ایدوب رفع نقاب
ظالمک ظلمی چکوب ای جان پاک آنی درلو دردله ایلر هلاک
ظلمله جمع ایتدیکی مال ومنال اولیسر کندی کبی هپ پایمال
وجه معیندن کور اشبو کائنات فی الحقیقه اولدی بر مرآت ذات
هر کشی باقسه اکا ذاتن کورر هم صفاتن هم مقاماتن کورر
کر عدل ایت کر ظلم ای هوشیار هر نه ایتسه ک آنده اولور آشکار

رنه وضع ایتسه کورینور اول سکا دیرسین اوخ نیلمیشم بن بکا
مدی ای جان ایلک ایله کور آتی بد ایدوب بد کورمه آند سن سنی

قال علی رضی الله عنه

(ظلمة المظلوم لاتضیع)

کورنه دیر پس اول شه عالم ینه	عدل ایچون اول قاتل ظالم ینه
یتسه بر مظلومه بر ظالم ظلم	ایتموب خوف حق اکمایوب ظلم
اول ستم دیده تظلم ایلسه	حقنه دلدن تکلم ایلسه
ضایع ایتمز حق آنک حقن آلور	ظالمک هر یرده حقندن کلور
سناک خارایی اریدر هیچو موم	آه مظلوم ایرسه چون بادسموم
آه ایدوب مظلوم آقیتسه کوز یاشن	آجیوب دریا طاشه دو که یاشن
بوله مزسین آه مظلومدن رها	ظلمی قو عدل ایت که بوله سین بها
کیمسه یه بر کیمسه ظلم ایتمزه کر	ایلریسه ینه کندویه ایدر

قال علی رضی الله عنه

(ظلمة الظالم تظلم الايمان)

کورنه دیر اول آفتاب نور بخش	ماتم اهلینه سزادر سور بخش
شول کشیلر کیم ظلم کسب ایتدیلر	ظلمت ظلمیه بوندن کیتدیلر
کیتمدی انوارله ایمانلری	کیتدی پس تحت الثرایه جانلری
همشین ظالم اوله ای جوان	یوقسه دوشر ظلمنه جان و جان
انلری ظلمت احاطه ایتمسون	ظلمتیله بو جهانندن کیتمسون
ایزمسون هم روی ایمانه ظلم	چکمسون دوزخده جان در دوالم

فی الحقیقه صحبتی ظالم ملک بیل کیم اولدی دوزخی عالم ملک
کی صقین ظالم یوزینه باقمه سن اوزکی نار ججیمه یاقه سن

قال علی رضی الله عنه

(ظل عمر الظالم قصیر)

کور نه دیر اول سایه یزدان ینه ایدینر دل دردینه درمان ینه
عمری ظلی ظالمک اولدی قصیر نوله ماه و سالی کوردیسه کثیر
یاشاسه بیک بونده بر ظالم کشی لیکن اولسه جور و ظلم آنک ایشی
زائل اوله عمری ظلی آند بولیه جای جانی بونده آند
هر کیمک کیم سایه سنده بر کدا راحت اولسه خدمتن ایدوب ادا
اول کشینک کراولورسه عمری آز اوله معنیده آنک عمری دراز
اولیه زائل زمینده سایه سی سایه سینک آرته قدر پایه سی
آنک ایچون ظل حقدر پادشاه کیم اولوبدر سایه سی خلقه پناه

قال علی رضی الله عنه

(ظل الکرم فسیح)

کور نه دیر اول طالب لطف و کرم حق قتنده اول عزیز و محترم
وار پناه ایدین کریمک سایه سین کور نیجه اوسعدر آنک پایه سین
اول کریمک سایه سنده راحت اول راحت ایچره مردم و هر ساعت اول
اولسون واقع دخی قلت سکا قلت ایچره اولسون ذلت سکا
نار قلت یاقسون هر کز سنی بار ذلت یاقسون اسب تی
کرچه غایت اسی در نار سقر لیک نار قلت آندن چوق یقر

برکدانی سنده سایه کده شها راحت ایله بول مقام منتها
اولیجق یارین کونک کرمیتی بوله سین حق سایه سنده راحتی

قال علی رضی الله عنه

(ظل السلطان کظل الله)

کور نه سویلر اولهای سایه بخش سایه شاه کلامی پایه بخش
سایه سلطان عادل ای جوان فی الحقیقه سایه حقددر همان
کیم آنک ظننده خلق آسوده در روز و شب خدمتتری معبوده در
سایه سنده خوش کچرلر مردوزن بی غم و تشویشدر صاحب دوزن
فرضدر امرین ادا ایتک آنک یولنه هم جان فدا ایتک آنک
کیم که اول شاهک یولنده ای ولید اولسه اول کیمسه اولور بی شک شید
شه که خلقی کندودن ارضا اید امر شرع احمدی اجرا اید
سایه حقددر اوشه هم سایه سی حق قننده یوجه آنک پیه سی

قال علی رضی الله عنه

(ظل الاعوج اعوج)

دیگه کور نه دیر اوشاه راسین آسمان دلداه ماه راستین
راست اولمز مرد لنکک سایه سی سایه سینه کوره اولور پیه سی
باطنیده کژدرر چون ظاهری کژلکیله اوله مختوم آخری
شرقی آنک دروننده نهان اولیسر هیچ خبر آندن عیان
که سوزنده که یوزنده شرقی کورینور زیرا که یوقدر سختی
صحت اوزره خالق آنک خلقتن قومامشدر ایستهمسن صحتن

اوله شیطان رجیمه یارسن صاقله ایمانن هم اول دیندار سن
ای جوان تا آخرک محمود اوله هراشک شایسته معبود اوله

قاله علی رضی الله عنه

(عدوك من ذلك على الاساءة)

کور نه دیر اول قاتل اعدای حق اول شناسای کج و دانای حق
بر کشی سا که اسئت ایلسه طیکلمه آنی عداوت ایلسه
اول اسئت دال اولور دشمنلکه یاخود استبدال اولور دشمنلکه
هم عداوت بیل اسئتدن قوپار هم اسئت بیل عداوتدن قوپار
هم اسئت هم عداوت ای نکار توأماندر بطن شیطاندن طوغور
چونکه شیطاننه او یار اولاددر آنلریله اولمین دل شاددر
نسل انسانسین سن آکه آنلری همنشین ایدینه اول شیطانلری
همنشین آنلرک شیطان اولور آنلر ایله اولمین انسان اولور

قال علی رضی الله عنه

(علو الهمة من الايمان)

کور نه سویلر دیکله اول عالی همم پیشوای لشکر خیل امم
نور ایماندن کیمک کیم سینه سی اولسه پر هیچ اولمز آنک کینه سی
ایلمز بر کیمسه به بخل وحسد روحنه ایلر نظر کورمز حسد
روز و شب مشغولدر عقبا ایچون کیمسه به میل ایلمز دنیا ایچون
شویله عالیدر اوزینه همی هیچدر یاننده دنیا نعتی
جیفه دنیا به کر کس واریسر اکمز اول شهباز بالاتر نظر

خلق کوروب خالق کوزلر کوزی رزقی بولوب رازقی اوزلر اوزی
صحت ایماندر ای نیکار بو علو همت ایله سنده وار

قال علی رضی الله عنه

(عیب الکلام تطویه)

دیکله نه سویلرینه میر کلام کور نیجه ویرر کلامینه نظام
کر دوشرسه سویلمک محفله سوز چوق کر کمز آز کر کدر دیلده سوز
اولدی تطویلی سوزک عیب ای جوان طوت زبانک چوق سوزه آچه دهان
هرچن سوز سویلسه اهل هنر اول سوزین ایلر بغایت مختصر
بر سوزک مفهومی اولسه جملا یس نه حاجت کیم اوسوز تفصیل اول
بلکه تفصیلی سوزک ویرر صداع آ که کیم ایلرسه آنی استماع
درد سردر چونکه تفصیل کلام امدی سنده ایتمه تطویل کلام
مختصر ایدن سوزین مرغوب اولور سوزی مطلوب و اوزی محبوب اولور

قال علی رضی الله عنه

(عسر المرء مقدم الیسر)

کور نه دیر دیکله او مرد معتبر کیم ویرر اول یسر و عسر کدن خبر
برایشک کیم اولنده عسر اولور لابد آنک آخرنده یسر اولور
لاجرم هر ظلمتک بر نوری وار حق بودر هر ماتمک بر سوری وار
هر شبک بر روز روشندر صوکی نیته کیم هر روزک اولور شب اوکی
ماوراسندن غمامک آفتاب کوستروب یوزین ایدر پرتاب تاب
کاه کریان کاه خنداندر فلک کاه تیره کاه تاباندر فلک

قونسه دل صحراسنه جند ترح انهمزام ايلر آنی شاه فرح
غم يمه اولسه بوكون دشوار ايشك يارين آسان ايلر اول دادار ايشك

قال على رضى الله عنه

(علت قدر المتوكلين)

كور نه دير اول مردم عالى قدر آسمان دله اول ماه بدر
بركشى اولسه توكلده تمام اولسر اول صاحب عالى مقام
باب حقه كيم توكل ايلسه خا كه يوز سوروب تبهل ايلسه
حق آنك بالا تر ايلر قدرينى آسمان دن او سع ايلر صدرينى
پاك وصافى ايدوب آنك سينه سين كيدرير اولنجه كبر و كينه سين
نور عرفان يتورر بيرينه كتوروب امثالى چوق آنى بيرينه
اى جوان سنده توكل ايله وار باب يز دانه تبهل ايله وار
بونده آنده اوله تا قدرك بلند حق قنده اوله هر فعلك پسند

قال على رضى الله عنه

(عقيب كل ليل يوم)

ديكله سن اول عاقبت انديشى كور نه بيان ايلر سكا او كيشى كور
هر كونه هر كيجه سى واراى جوان بربرى آرنجه اولور لر دوان
اكلار ايسك بو اشارتدر سكا جانب حق دن بشارتدر سكا
شب غمه اولدى اشارت شاده روز شاد اولدى دل كشاغم دیده دوز
كلسه غم ظلمت طوتار دل دیده سين كور مز اولور دل ده قنده كیده سين
كلسه شادى روشن اولور چشم دل شويلاه كيم وصف ایده مز آنى بودیل

چکمه غصه کر کلیرسه غم دله آنک اردنجه کلورشادی بیه
چونکه کلدک عالمه بیل ای جوان که غم وکه شاددر کار جهان

قال علی کرم الله وجهه

(غایة الجود بذل الموجود)

کور نه دیر اول صاحب جود و کرم اول رسول حق قتنده محترم
غایه جود اولدی و یرمک و ارینی ایدیجک حق برله کیم بازارینی
بذل موجود ایلیمکدر اهلنه غایت جود اکلدکسه اهلی نه
جان و دلدن یاد ایدوب معبودیکی اهلنه بذل ایله کل موجودیکی
اهلنه بذل ایلیمزسه ک مالکی کورده سین یارین مکدر حالکی
ایلیمه زنهار نا اهلله عطا حق قتنده اول عطا اولور خطا
بلکه نا اهلله سخاوت ایلیمک اولدی مغنیده سفاهت ایلیمک
ایمدی نا اهلله سخاوت ایلیمه اهلنه ویرسن سفاهت ایلیمه

قال علی رضی الله عنه

(غنم من سلم)

کور نه سویلردیکله اول صاحب غنا یزه ارشاد ایلوب اول شیخ تا
اول کشی بولدی سلامت هر زمان وارینی بیلدی غنیمت هر زمان
حق نه ویردیه قناعت ایلدی امرینه دائم اطاعت ایلدی
کوردی خوش برلقمه و برخرقه سین کوزلدی پیوسته کندی فرقه سین
باقمدی غیر یلرک احوالی نه ناظر اولدی کندینک احوالنه
کوزله یلن غیر یلرک احوالی کورمن اولور کندینک افعالی

ای جوان سن کیمسه حالن کوزله کندی حالن کوزله غیری اوزله مه
تا سلامت بوله سین دارینده کیچه سین سن خوشجه بوماینده

قال علی رضی الله عنه

(غرة الموت اھون من مجالسة السفھاء)

کور نه سویلر اول امیر کامران	ایشیدوب سوزنی سن ده کامران
محمد اوله کوکل آلز آدمه	یوقسه غرق اولور کوکل بحرغمه
اول سنی سومز کشیلردن بعید	اولق ایسترسه اکر هر کون بعید
صحت نا جنس چون نار سقر	بو نفسده بیك دیل و جانی یقر
کی صقین اوله سفیهه یار سن	یوقسه کوریر سین عذاب نار سن
قرب اسفه مهلك جان اولدی بیل	غمرت موت آندن آسان اولدی بیل
کرچه موتک سگری مشکل کاردر	صحت نادان دخی دشواردر
ای جوان اوله جلیس اسفه لره	کندیکی بکزتمه اول کمره لره

قال علی رضی الله عنه

(غلام غافل خیر من شیخ جاهل)

کور نه سویلرینه اول جان جهان	دیکله نیجه معنی ایدیسر بیان
کورمه غافل بر غلام عاقلی	شاید اوله حق کلامک ناقلی
بر جوان ناقل کفتار حق	پیر جاهلدن حقه اولدی احق
بر جوان صاحب فضل اولسه که	پیر بی معنیدن اول معنیده مه
پیر معنیدر بمعنی ای مرید	پیر آنی صانمه که اوله موسپید
پیر نا بالغدر اولان پیرسال	پیر بالغدر جوان با کمال

اولسون بر کیمسه پیر بی خرد قنده واریرسه ایدر لر آنی رد
بی خرد پیر اولمه سعی ایت ای جوان اوله سین تا سن قبول انس و جان

قال علی رضی الله عنه

(غشك من سخطك بالباطل)

کور نه دیر دیکله سن اول باریک بین روشن اولسون دیدۀ تاریک بین
کیمه دیر سهك ایله باطلدن حذر دیدۀ دل برله قیل حقه نظر
اینجوب آنک سکا جان ودلی حق قور طوتار طریق باطلی
کین طوتوب ایلر خیانت اول سکا اتمهیه هرکز امانت اول سکا
گرامانت ایستر ایسهك ای جوان طوت زبأنک کیمسهیه آچه دهان
پندیکی ویر کندیکه دانا ایسهك غیری باق کور عیبکی بینا ایسهك
بند پندی طوته می دیوانه لر نار جهله یانه چون پروانه لر
هر کیشی بر نوعله دیوانه در اوز هواسی نارینه پروانه در

قال علی رضی الله عنه

(غضبك عن الحق مقبحه)

کور نه سویلر اول کلامی حقینه خشم حقدن اول پیایی حقینه
حق سوزدا یخینمه سن ای حق طلب اولسه حقدن غایت اقبحد رغضب
کیمه کیم خشم ایلیوب حق ایتسه رد آتش هجرانده یانه تا ابد
هر کیمک اصلی خباثت اوزر ددر آنک اعمالی قباحت اوزر ددر
حق کلام ایتمز آکا اصلا اثر کوکلیدر زیرا که خارادن بتر
فی الحقیقه حق کلامی ای عزیز کرچه کیم برنده در چون تیغ تیز

لیک کار ایتمز دل منیکر لرده یعنی حق ستر ایدن کافر لرده
خشمی حقک بولور آخر آنلری یانیر نار جحیمه جانلری

قال علی رضی الله عنه

(غنیمة المؤمن وجدان الحکمة)

کور نه دیر دیکله او مرد معتبر کیم سکا ویرر غنیمتدن خبر
اولدی کوکلنده غنیمت مؤمنک ذوقله وجدان حکمت مؤمنک
مؤمنک قلمبده اولسه معرفت خوش غنیمتدر جوانا اول صفت
هر کلامی خوب ادراک ایلسه شیهه چرکندن دلن پاک ایلسه
چیقسه سوز میداننه چون شہسوار ایلسه جولاتی طاوس وار
اورسه چوکان زبان کیتسه همان کوی معنی شرقدن غربه دوان
سوزی یازیسنده بازی ایلسه خلق حقه دانوازی ایلسه
بر غنیمتدر بو کیم ای مرد حق دکه بر شخصه اولور می مستحق

قال علی رضی الله عنه

(غاب حظ من غاب نفسه)

کور نه دیر دیکله ینه اول هوشمند مؤمنینه هر سوزیدر نصیح و پند
کیم که غیبت ایتدی نفسنده تمام غائب اولور حظده آندن مدام
یعنی نفسندن شو کیم غافلدر اول بولیه درکاه حقه طوغری یول
بارکاه حقه ایسترسهک سبیل سکا مرکبدر او یولده نفس بیل
کیمسه مرکبدر او بابہ وارد مز آستانه یوز سوروب یالوارد مز
کر ویررسهک نفسکه سن حظنی سرکش اولوب قور کیدر بونده سنی

ویرمه حضان نفسکه اولسون زبون امریکه هم رام اولوب بولسون سکون
اول سوار اوسته آنک شاهوار بارگاه حضرتہ چون شاه وار

قال علی کرم الله وجهه

(فساد الدین من قلت الیقین)

کور نه دیر دیکله ینه اول مرد دین اوله سن تاسین دخی صاحب یقین
کیمده کیم وارایسه کر صدق و یقین بیل محقق اول کشیدر مرد دین
برکشینک کیم یقینی اولسه سن تعجب ایتمه دینی اولسه
بیل یقینک قتلنده ای جوان ملک دینه ایرر لابد زیان
شک اولان دلدہ یقین یوق مطلقا اول کوکلده صدق و دین یوق مطلقا
شکی سور دلدن یقینی قوی دله دوشمه بی دینلکه دیلدن دله
شکدر دینی فسادہ ایرکورن آدمی شکدر بدآده ایرکورن
ایله سن کسب یقین دیندار اول عمریکک باغنده برخوردار اول

قال علی رضی الله عنه

(فاز من ظفر بالدين)

کور نه دیر دیکله اول انفاس خجند حق قتلده اول مقاماتی بلند
کیم سپاه دینله بولدی ظفر نفسی دشمن برله دائم جنک ایدر
ملک دیندن سن ده جمع لشکر ایت دشمن نفسه غزای اکبر ایت
کر نه در دیرسهک غزای اکبری ایدیم سکا قولاغک طوت بری
هود غزاسندن دونجک مصطفی دیدی اصحابنه ای یاران صفا
ایلدک شمدی جهاد اصغری ایدلم ایمدی جهاد اکبری

دیدیلر جمله صحابه یار رسول اول جهاده دخی کوستر بزه یول
دیدى پیغمبرکه بیلک اول جهاد نفسله جنک ایلمکدر بالسداد

قال علی رضی الله عنه

(فخر المرء بفضله اولى من فخره باصله)

کور نه دیر دیکله ینه اول فاضلی اول جمیع علم دینک عاملی
عاقلیسهک فضلکیله قیل فخر جاهلیسهک اصلکیله قیل فخر
اصلی برله فخر ایدن دیوانه در فضلی برله فخر ایدن فرزانه در
احق اردر اصانی یاد ایلین اصلی برله سوزه بنیاد ایلین
اصلی یاددن مرد دانا عار ایدر بلکه فضلن عذرله اظهار ایدر
برکشینک اولسه کر جیننده کل بنده کل واردر دیمک حاجت دکل
بوی آنک کندیسین افشا ایدر نه یره وارسه اوزن پیدا ایدر
فضلکیله ایله کل فخر ای جوان کیم اودر ایدن سنی جان جهان

قال علی رضی الله عنه

(فلیجک علی خصمک بالاحتمال)

کور نه دیر اول مردم دانا ینه نفسی دائم قیلیجی افشا ینه
خصمک اوزره فلجکی ای خوش خصال حق قومشدر سن ده بیل بالاحتمال
کر ایدر سهک صبر خصمک جورینه آخر ایررسین اوجورک غورینه
برکون اوله حق سکا ویره ظفر اوله خصمک سرکشک زیر وزیر
خصمکی ایتک دیلر سهک پایمال قیل آنک جور وجفاسن احتمال
کیم ظفرا یستر سه خصمی اوزره اول احتمالن جورینک ایتسون قبول

خضمك ايرمزسه ال صبر ايله وار انتقامن آلى ويرر روزكار
مرلر صبر ايديجك احلال اولور هم نهال زيرلر بالا اولور

قال على رضى الله عنه

(فعل المرء يدل على اصلاه)

كور نهدير اول مردم عاقل ينه	اول علیم و کامل و فاضل ينه
شخصك اولور اصلنه فعلی دلیل	فعلى كر اولسون صحيح و كر علیل
فطنتی اهلیتی هر كیشنك	بیلیر اصلیتدن ایشنك
هر كشینك کیم ایشی مرغوب اولور	اصلی و فرعی آنك محبوب اولور
قیل ایو قولكله فعلك ای خلف	بوله تا کیم اصلك و فرعك شرف
بو محقق هر اناده نه که وار	اول ترشح ایلر آندن آشکار
مسك ظرفدن کلور هم بوی مسك	یعنی بوی نافه آهوی مسك
ظرف قطرانندن ينه قطران چیقار	بحر مرجاندن ينه مرجان چیقار

قال على رضى الله عنه

(فكاك المرء فى الصدق)

كور نهدير ديكه سن اول مرد و حید	اول علوم دین و دنیا ده فرید
چونکه مزیت صداقت ایچره در	هم حضور دل فراغت ایچره در
ایمدی عزلت ايله آزاد اول یوری	یعنی جمله ناسدن یاد اول یوری
آشنالردن کسیل دیوانه وار	خلق آراسنده یوری بیکانه وار
کاریدر زیرا که عزلت صادق	راه صدق ایچره اولان عاشق
عاشق صادق اولان ای معتبر	ماسواء اللهه هیچ ایتمز نظر

گرچه خلق ایچره یورر اول عشق اری لیک ایتشدن اولردن دل بری
ایتمیجه ناسدن جان دل بری بیل محقق بولمز جان دلبری

قال علی رضی الله عنه

(فسدت نعمة من کفرها)

کور نه دیر دیکله سن اول نعمت شناس	نعمت حتی بیلوب ایله سپاس
حق آکا کیم نعمتن هر دم ویرر	اول صانور کیم نعمتی آدم ویرر
بیلیموب حقدن آنی کفران اولور	حقن ادراک ایتیموب طغیان اولور
نعمتن ویرر فساد اول پلید	حتی قور خلقه صونار دست امید
نعمتی ویرن خدادار ای کشی	خلق الندن ایشلیر اما ایشی
خالق الندن ویردیرر نعمت سکا	شویله ویرر سن ده قالور سین طکا
صانم دیگ کیمسه لردن ناکهن	سکا احسانار ایریشر ای جوان
آنلرک کوکلینه حق الهام ایدر	پس سکا آنلر دخی انعام ایدر

قال علی رضی الله عنه

(فی کل قلب شغل)

کور نه دیر دیکله ینه اول مرد دل	باغ جان ایچره اوخوش بو ورد دل
کر کوریر سهک سن یباندی بر اری	صانمه آنی شویله یورر سرسری
کیم بیلور کوکلنده ذکر وفکر ی نه	حق بیلور آنجق که فکر و ذکر ی نه
صانمه خالی دل اوله هرشی شهها	اوله بالاقد تهی چون فی شهها
بیل محقق هر سرک سوداسی وار	هر دلاک بر دلبر رعناسی وار
هر کوکل بر سنه یه مشغولدر	سکا نامه قبول آکا مقبولدر

اكنور اول آنك ايله روزوشب باشه اله تير عمريني ايدوب طرب
سن چوني اولمه تهي ليك اي پسر شكر حق برله پراول چون نى شكر

قال على كرم الله وجهه

(قول المرء يخبر عما فى قلبه)

كورنه دير اول مرد عبرت كيرى سن
هر كيمك بيلمك ديلر سهك فكريني
سويلاه آنى كيم بيان ايتسون سوزى
سكرچه بريكا دل طرح ايدر
رازينى فاش ايلر اعضاسى سكا
بويلدر عارفلرك بيل پيشه سى
بلكه برايش كيزلى اولماز عارفه
كيزله عارفدن اول دل رازينى
پيشه زار عشق ايچنده شيرى سن
كوكلى قصرنده خيال بيكريني
دلدهكى سرن عيان ايتسون سوزى
ليك سويلاه تسهك دل آنى شرح ايدر
واقف اول علم فراستله آك
بيلمكي چون آدمى اندیشه سى
راه حقدده نقد جانى صارف
چونكه سويلر مش اكادل رازينى

قال على رضى الله عنه

(قوة القلب من صحة الايمان)

كورنه دير اول پيشه عشق ايچره شير
قوة قلب اولدينى مؤمنده بيل
هر كيمك كيم اولسه ايمانى صحيح
كيمسه دن وهم ايلمز بي باك اولور
كيمه كيم سوز سويلاه سويلر صواب
ايلمز بر كيمسه فعل خشين
اول ميادين دو عالمده ديلر
صحت ايماننددر رأى مقل
قوت قلبى اولور آنك صريح
غل وغشندن هوانك پاك اولور
كيم سؤال ايتسه ويرير شافى جواب
يا حسد يا بخل ويا كبر ويا كين

کیم نه سویلرسه اینانیر جانیه قلبی زیرا پاکدر ایمانه
تحت ایمانه بونلردر دلیل اولمسه بونلر اولور ایمان علیل

قل علی رضی الله عنه

(قاتل الحریص حرصه)

کورنه دیر اول قاتل نفس دغا تارک بخل وحسد حرص وهوا
حرصدر مرد حریصک قاتلی بویه دیدی اول جهانک عاقلی
حرص ایدر مرد حریصی خرس وار دربدر ایدوب ذلیل وخور وزار
هم حریص اولان کشی مذموم اولور هم مراداتندن اول محروم اولور
بلکه اولماز حرصدن اقبح صفات مرد عاقل حرصه ایتمزل التفات
جاهل اولور مال دنیا یه حریص عاقل اولور مال عقبایه حریص
مال عقبای اولدی علم ومعرفت عاقل اولان ایلر آکا التفات
سن حریص معرفت اولای جوان آکا صرف ایت حرصی، اول جان جهان

قال علی رضی الله عنه

(قدر فی العمل تنج من الزل)

بیل نه دیر اول عاقبت اندیشی کور ایشلمزدن آخر هر ایشی کور
هر چن برایشه اقدام ایدمسن نفسکه اول ایشده ابرام ایدمسن
آخرن فکر ایت اول ایشک اولا تا اول ایشدن ایرمیه سا که بلا
آخرن فکر ایتمدن ایتسه ک عمل اولیسر خبط وخطا سهو وزلل
کیم برایشده ایتسه استعجال اول لابد اول ایشه بولور ابلیس یول
ایتمه استعجال ایشه اندازه قیل کیرمیه تا ایشه ابلیس مضل

اول ایشله برایشی افکارده جنبش ايله بعدزان اول کارنده
تاکدرونق بوله سین اول ایشده سن اوله سین حق برله اول جنبشده سن

قال علی رضی الله عنه

(قيمة المرء ما يحسنه)

کورنه دیر اول مرد قیمت شناس دیکه سن ده یوری وار قیمت شناس
هرنه دکلو اولسه انسانیتک اول قدر در حق قتنده قیمتک
آز و چوق هرنه ویریرسه ک ای جوان قیمتن اظهار ایدرسین سن همان
تاکه سن برارزنک ارزانیسین حق بودر اول ارزنک ارزانیسین
هرنه احسان ایتسه ک ای صاحبنها سا که بوبازارده اولدر بها
ایمدی ایله سن زیاد احسانکی رایکان ویرمه بهالو جانکی
چون الکده اولدی جانک قیمتی وصل جاناندر بیل آنک قیمتی
جانکی ايله فدا جانانکه تابها سین ویره جانان جانکه

قال علی رضی الله عنه

(قرب الاشرار مضرة)

کورنه سویلر اول شریعت رهبری اول میادین طریقت سروری
قرب اشرار ای جوان اولدی مضر همدم اولوب آنلره اوله مصر
کراولورسه ک همدم آنلره اول آن دینکه ایمانکه ایرر زیان
شیطنتدر آنلرک زیرا ایشی معصیتدر هر برینک جنبشی
اقرب اولان آنلره جانندن چیقار نیجه جان هم دین وایماندن چیقار
قالیه دنیاده غقباده یری یورویه ابلیسلرله سرسری

اوله شیطانلره مردود ابد ایرمیه حقدن آکا هرکز مدد
اوله ایمدی یوری اشراره یقین یاقمه جسم وجانکی ناره صاقین

قال علی رضی الله عنه

(قسوة القلب من الشبع)

کورنه دیر دیکله او محبوب القلوب نه بیان ایلر او مطلوب القلوب
اکل و شربک ایتمه افراط ای پسر قلبکه آندن قساوت ایریسر
اکل اکثر کورایدیر دل دیده سین بیلمز اولور دده قنده کیده سین
کیم افراط ایلدی افطارده قیلدی اول خروار زیرا بارده
ای جوان افراط بسیار ایلمه خر دکلسین اوستکه بار ایلمه
چونکه سن انسانین اکلک قیل قلیل اولدی انسانیه پس اول دلیل
اکلکی آز ایله سن انسان کی پرشکم اولمه صاقین حیوان کی
عادتیدر آزیمک انسانلرک خالصتیدر چوق یمک حیوانلرک

قال علی رضی الله عنه

(قدر المرء ما هممه)

کورنه دیر اول صاحب همت سکا ایشیدوب ایله دعالر سن بکا
چون الکده اولدی سنک همتک عزتک هم حرمتک هم رفعتک
اولمه ایمدی پست همت ای خجند هر وجوده همتک اولسون بلند
سنده موسی وارعالی همت اول یوری عیسی وارصاحب رفعت اول
هرنه مقدار ایاسهک همت آکا اول قدر حاصل اولور رفعت سکا
هرکیمک کیم همتی کوتاه اولور آکا کوره آکا عزوجاه اولور

حق سور غایتده عالی همتی بونده آندہ آکا ویرر رفعتی
 همتی قاصرلری سومز خدا آکا رفعتدن یکا اولماز هدا

قال النبی علیہ السلام

﴿کفی بالمرء اثماً ان یحدث بکل ماسمع﴾

کور نه بیوردی رسول کائنات	اول حبیب الله و فخر ممکنات
بو قدر عصیان یتـ بر آدمه	ایتسه ایشدوکنی شایع فه
وای آکا کیم غیره افشا ایلیه	لوح دلار اوزره انشا ایلیه
وار قیاس ایله سن آنک جرمنی	حق ایدہ طاغلرجه جرم جرمنی
کل سر جاوز الاثنین شاع	خلق عالم ایلر آنی استماع
کشف راز ایتسه سکا بر بی ادب	اوله سن آنک شیوعینه سبب
کوش ایدوب آنی فراموش ایله سن	خلق و خلاقه بودر قول حسن
اوله سین هم جرم وعصیاندن بری	بویله دیدی اول حقلک پیغمبری

قال النبی علیہ السلام

﴿کفی بالموت واعظاً﴾

کور نه بیوردی رسول الله ینه	اول جمیع علمدن آککه ینه
واعظک وعظن ایشیدوب کاه کاه	نیجه بر کریانسنین ایدوب آه واه
مرک همسایهک سکا واعظ یتـ	نوحه کر زاری سکا ویرر خبر
اولدینسه لویه کده یا بر موسپید	زندکانیدن یوری قطع ایت امید
پیرسهک خود کندیکی کور کورده	طور یرکدن وقت بانکی صورده
کردخی اوغلانسهک یاخود جوان	بیل مقام موتدر اشبو جهان

بو مقامه کیم که کلدی کیتدی بیل کل که بوکلشنده بتدی یتدی بیل
کیتمه که کلمکدر چاردسی یوقسه اوکلار بوهرک یاردسی

قال النبی صلی الله علیه وسلم
(کثرة الضحک یمیت القلب)

کور نه بیوردی او شاه مرسلین نور پاک ذات رب العالمین
مؤمنه لایق بو کیم چوق کولیه کوکلی اول چوق کولدن هم اولیه
کر چه مضحک آدمی چوق کولدورر لیک قلبی کثرت ضحک اولدورر
کر محل خنده اولسه ناکهان خنده کی چوق ائمه آزایت ای جوان
اولدی زیرا کثرت ضحک ای خایل جته هم قلت عقله دلیل
عقل اولان خنده بسیاردن احتراز ایلر اولور اخیاردن
ضحک اندک عادت اخیاردر قهقهه خود خصلت اشراردر
قل تبسم او نه یار قهقهه یوقسه اولورسین چو مار قهقهه

قال علی رضی الله عنه
(کلام الله دواء القلب)

کور نه سویلر اول طیب دل سکا کوش هوشک طوت بر آز آندنیکا
آبدست آلب اله آل مصحفی غل وغشدن کوکلکی ایدوب صفی
آج کلام الاهی تعظیاته قیل قرائت آتی تکریماته
یعنی یرنجه چکوب مداتی قیل رعایت خوب تجویداتی
آکلارایسه کر معانیسین دخی دولت و عزت سنکدر ای اخی
اوقو بو ترتیب اوزره بول صفا ایره هم دردده هر دم شفا

قیل دوا سن دلدہ دردک وارسہ او قو قرآن سا کہ عقلک یارسہ
کیم تلاوت ایتسہ ہم شام و سحر اولہ ایکی داردہ اول معتبر

قال علی رضی اللہ عنہ

(کفران النعمۃ مزیلہا)

کور نہ سویلر اول شہ عالی جناب بز فقیرہ لطفلہ ایدوب خطاب
آنی کیم حق صاحب صنعت ایدہ صنعتینہ اول دخی رغبت ایدہ
دست مزدن اکل ایدوب آج اولیہ باب حقندن غیرہ محتاج اولیہ
اول کشی ترک ایلسہ اول صنعتن خور باقوب آز کورسہ اول حق نعمتن
وارسہ غیریلر قپوسینہ طوروب طورسہ آیاغن آ کال قوشوروب
نعمت یزدانہ اول کفران اولور فی الحقیقہ حقنہ طغیان اولور
داد حقہ کفردر میل ایتہمک بودر الحق حق طریقہ کیتہمک
کندی بابی باب حقدر کیشنک داد حقدر حاصلی ہم ایشنک

قال علی رضی اللہ عنہ

(کفی بالشیب داء)

دیکلہ کور اول پیر مرد حق کلام پیرلکدن ویریسر سا کہ پیام
بر یرہ جمع اولوب امراض جهان پیرلک قومشلا آدین ای جوان
پیرلک امراضنہ هیچ اولماز دوا خاک اولدی کیتدی نار آب و هوا
بیل جوانلر اولور ای پیر زمان آتش و آب و هوا اوزره روان
آتش و آب و هوا اولماسہ کر خاکدن ایشجاری ریج و نار و ما
بیتروب آنلر ویریر نشو و نما

چونکه اولدك ای جوان بر پیر سن نعمت دنیادن اولدك سیر سن
شمیدن کیرو سکا دیرلك محال وار همان کور و کفن ایله مال

قال علی رضی الله عنه

(كفاك من عیوب الدنيا ان لاتبقى)

دیکه کور اول راست کفتاری اخی سا که دیسون عیب دنیادن دخی
جمله عیندن بودنیانك بری هر نفس اولور بری عالم اری
کورینور آماده بر تازہ عروس لیک بر کهنه عجوزه در عبوس
زینت ایلر درلو رنیکله یوزین عرض ایدر کوریکه مرده کندیسین
ایصیر اوپر کبی اولوب ارین غیره وار مق اچون کسر آخر سرین
بی وفادر اشبو چرخ پیره زن بی بقادر وصلتی دیدی دوزن
هرکیمی کیم بر نفس خندان ایدر ینه آنی بر نفس کریان ایدر
ای جوان بو پیره زنك مکرینه آلدانوب دوشمه شرابی سکرینه

قال علی رضی الله عنه

(کلم الکلام اشد من کلم السهام)

کور نه دیر دیکه ینه اول نامدار یعنی صاحب دلدل وهم نامدار
تیغ زخندن بیتر زخم کلام اولدی عارفلر قتنده ای هام
زخم او کیلور اولسه بر بدن اوکماز قطعاً ولی زخم سخن
زخم تیغ و تبر بیل ابدانه در لیک زخمی بو کلامك جانهدر
کیمسه یه تیغ زبان برله زخم اورمه جانك تک آکا ایله رحم
چیقمسون قو فم غلافده او تیغ کر چیقارسه عاقبت دیرسین دریغ

دوقونور زیر سکا آنک اوجی غیر چون آلق دیلر سندن اوجی
اول دو رودر قو نیامنده آنی چقیجق نه غیری قور اول نه تی

قال النبی صلی الله علیه السلام

(لعن عبد الدینار ولعن عبد الدرهم)

کور نه بیوردی رسول مجتبا ایشیدوب سوزن صقین ایتمه ابا
حق کلامیدر آنک زیر سوزی مظهر حقدر آنک کورکل یوزی
هر کلامن جان و دلدن قیل قبول کیم اولیسردر شفیعک یارین اول
آفتاب رحمت حقندن جهان پرضیادر کرچه لیکن ای جوان
کورمز آنی بنده دینار اولان هم محب درهم بازار اولان
خب دیناری آکا اولور حجاب نوله اولورسه جهان پر آفتاب
نور رحمتدن دوشر اول فرقه نار ظلمتدن ایریشیر حرقة
دله حب درهم و دیناری سن قومه کورمه اول عذاب ناری سن

قال النبی علیه السلام

(لیس الشدید بالسرعة انما الشدید الذی یملک نفسه عند الغضب)

کور نه بیوردی رسول کامیاب پهلوان عرصه روز حساب
اول دکلدن پهلوان ای معتبر ایده بر کندو کین زیر وزیر
هرچن کیم اثردر نفسه غضب کاسه هم چیقسه دهانندن لهب
یاقسه دل ملکینی شراریله اودم یوتمغه قصد ایتسه جان چکسه دم
پهلوان اولدرکه آنی اولدم زبون ایده میدان جهانده سرنکون
قوت جوعلیه قیله زیر دست ایلینه بر نیجه لعبت برله پست

او کشتی معنیده کشتی کیردر نیجه کشتی کیر بیلک میردر
نفسی باصمق اولدی کشتی کیرلک ای جوان باص نفسک ایله میرلک

قال النبی علیه السلام

(لیس الغنی عن کثرة الغرض انما الغنی عن النفس)

کور نه بیوردی اول حیب حقینه درد جانه اول طیب حق یینه
و فرت مال و منال ایتمز غنی آدمی کر اولسه اول دون و دنی
کر دنائت خلقتنده و ارایسه آجدر نوله زری بسیار ایسه
مالی چوق اولدجه داخی آج اولور مالی قور غیری یه محتاج اولور
مالی برله حالت قارونی کور تحت ارض اول دولتک و اریخی کور
ایله کسب حسن خلق و معرفت اوله سین تا ای جوان موسی صفت
حسن خلق اولدی و یرن نفسه غنا یوقسه مالک و فرتی و یریر غنا
حسن خلق و معرفتدر لاجرم ایلین نفسی غنی و محترم

قال علی رضی الله عنه

(لین الکلام قید القلوب)

دیکله اول شیر خدا کور کیم نه دیر کیم سکا لیتندن ایدیسر خبر
مرد دانا اولدی محبوب القلوب عزت و حرمتله مطلوب القلوب
مرد نادان اولدی مردود قلوب ذلت و نقمتله مطرود قلوب
اول سبیدن کیم کلامیدر خشین سوزلرینک حاصلی در کبر و کین
مرد دانانک کلامی لین اولور باغ دلدله چون کل و نسرين اولور
لینتیه شویله سویلر کیم سوزن بنده اولور ایشیدوب هر کیم سوزن

نرم و شیرین سویله سوزك خسروا تادل و جانلرده اوله خوش روا
 كر اولورسهك خسروا شیرین زبان خلق عالم اوله پایكده غلام

قال علی رضی الله عنه

(لین قولك تحب)

كور نه دير ديكه سن اول شیرین زبان لین ایله قولکی سن ای پسر
 سوزینه لینت ویرن بولور شرف سوزینه لینت ویرن بولور شرف
 نرم ولیتدن مقصود اولدر شها هر سوزك یعنی موجه اوله خوب
 بویله صامه لینتی ای شاب سن بو یله صامه لینتی ای شاب سن
 سخت سویله سوزیکی سن شاه وار سخت سویله سوزیکی سن شاه وار
 سوزی بیرنده دمك لینتدرر بیرینی بیلیمك سوزك فطتدرر

قال علی رضی الله عنه

(لیس الشیب من العمر)

كور نه سویلر اول امیر راست دم راه عمر شیه قودکسه قدم
 شول جوانکیم عمر بولوب پیر اولور نعمت دنیادن اول هم سیر اولور
 پیرلکده کیم کچورر روزکار اول زمانی ایتسون عمره شمار
 عمر اودر کیم صحت وعیش و طرب اوله هم هر عضوی بر ذوقه سبب
 تا اوله شوق و صفا اوزره مدام حظ آله عمر عزیزندن تمام
 یوقسه جسمك ایتسه هر عضوی وجع ایدمن حظ کرچه کیم ایلر طمع

پیراولان زیرا که سست اندام اولور حظ نفس ایدم دیسه بدنام اولور
هر کیمه کیم کرم اولور سه یوزیومنز اول دخی حالن کوروب بونک قومز

قال علی کرم الله وجهه

(لیس الشهره رعونة)

کور نه سویلر دیکله اول مرد کریم صاحب جود وسخا لطفی عمیم
کیم رعونت برله شهرت ایستدی جانی ایچون کلب نفسه اس دیدی
شهرت آفتدر سن آنی ایستمه جانک ایچون کلب نفسه اس دیمه
کندیکی کوروب قو سن رعنائی کیمسه یه صامه اکن زیبالغی
اصلی بو زیبالغک بر دم درر هم بقاسی ده همان بر دم درر
کرچه رعنائق سنی مشهور ایدر لیک آخر ذاتکی مقهور ایدر
کائنات ایچره ایدر رسوا سنی سک کی ایلر سر غوغا سنی
دوشوریر آخر سنی بر وادی یه کر به ایدوب مردمان ایوا دیه

قال علی رضی الله عنه

(لیس لسلطان العلم زوال)

کور نه دیر دیکله او شاه عالمین دل سپهرنده او ماه عالمین
چون علمدن حاصل ایتدک سلطنت سا که کرسیدر سریر مسکنت
کیچ سریر مسکنتده ساکن اول جمله آفادن هم ایمن اول
مسکنت ملکنده ایله سلطنت شرق وغرب اولسون سا که قول قانات
ملککه ایرشمسون هر کنز زوال خلق عالم سا که اولسون پایمال
هیچ احد بیلکیم سنی عزل ایتسون دوستک بر دم قتکدن کیتسون

دوستگاه شوق و ذوق سرمد ایت یعنی اوزک خاکپای احمد ایت
ایسته سن بوسلطتدن ای جوان اوله سین تاپادشاه انس و جان

حدیث القدسی

(من طلبنی وجدنی ومن وجدنی عرفنی ومن عرفنی احبنی ومن)

(احبنی عشقنی ومن عشقنی عشقته ومن عشقته قتلته)

(ومن قتلته فانادیته)

کورنه دیر دیکله خدای بی نیاز احمد مختاره ایدوب کشف راز
کیم بی ایتسه طلب لابد بولور کیم بی بولسه بی آکلار اولور
کیم بی آکلارسه اول بی سور هم بنله اولغه لابد اولور
کیم بی سوسه بکا عاشق اولور عشقمک یولنده کی صادق اولور
عاشق صادق اولورسه کیم بکا عاشق صادق اولورم بن آکا
هرکیمه که عاشق اولسهم آتی بن قتل ایدورن یا محمد آکله سن
کیمی کیم قتل ایلسم ازهر جهت بن اولورون هرکروا کادیت
یعنی و صلم خون بهاسیدر آنک و صاتم برله بقاسیدر آنک

قال النبی علیه السلام

(من لم یشکر الناس لم یشکر الله)

کورنه دیر اول شا کر نعمای حق هر نفس اول حامد الای حق
برکشیدن کر سکا نعمت ایره جانب حقدن آکا رحمت ایره
هم حقیقتده اولور واجب سکا ایلکم اول نعمتی چون شکر آکا
شکر ادای حق نعمت اولنسر هم خدادن اولده رحمت بولنسر
حقدن ایکسی ده مغفور اوله لر بونده آنده یوجه عزت بوله لر

محسنیه برکشی شکر ایتسه شکر احسانک یولینه کیتسه
حقهده شکر ایلمز اول بوانفضول ایلمز آئی ده حق بابنده قول
حقکه شکرایله هر دم ای جوان کیم سکا هر دم ویرر او آب و نان

قال النبی علیه السلام

(من لا یرحم الناس لا یرحمه الله)

کورنه دیر اول رحمة للعالمین روز محشر اول شفیع المذنبین
رحم ایدرسه برفقیره برغنی رحم ایده هر دمده اول رحمان آئی
رحمت رحمان آئی غرقاب ایده اوزنی مسجد یوزن محراب ایده
جایی ساجد اوله اول رحمانه هر نفس وصلت بوله جانانه
برفقیری برغنی کورسه حقیر عینی یاد ایتسه قطمیر ونقیر
ایتسه عزت آکا قدری قدر ایلسه چشم حقارتله نظر
بواشی کوروب خدای ذوالجلال خشم ایدوب اول شخصی ایده پایمال
اول فقیری ایلله آندن عزیز اولیجق یارین که روز رستخیز

قال النبی علیه السلام

(من حسن اسلام المرء ترک ما لا یغنیه)

کورنه بیوردی حقک پیغمبری اول جمیع مرسلینک رهبری
ترک ما لا یغنی ایت ای خوش خصال شاهد دین بوله تازیب و جمال
حسن اسلام اولدی ترک ترهات ترهاتی ترک قیل اول پاک ذات
بادتنده ترهات ای کج مدار دوشورر مرآت دل اوزره غبار

کورمز اولوردیده دل جان یوزن جان دخی کورمز اولورایمان یوزن
ایتمه بیهوده کلام ای خوشمند تا که اوله قدر اسلامک بلند
حق کلامی سویلسهک چوق دل اوله قنده قالدی بوکا سوز باطل اوله
دین واسلامک کرکسه ای جوان ترک مالایغنی ایله کل همان

قال النبی علیه السلام

﴿ مثل القلب مثل ریشه بارض یقلیهاالریح ﴾

دیکاه نه سویلر حبیب حق ینه چشم جان برله سوزینه باقی ینه
داستان دل آکا بکزر همان بریابانده چو پر طایران
هرنه جانبیدن کایرسه باد آکا دوندیریر آنی ضروری هریکا
هرطرفدن باد آنی پران ایدر اول بیابان ایچره سرکردان ایدر
باد النده اولدی پروازی پرک باددندر جنبشی بحر و برک
باددر ذراتی سرکردان ایدن باددر بحدلی جوشان ایدن
باد رحمانی کیم ایرسه بردله صیغمز امواجی اودریانک دله
کیم ییلور دل مرغنهک پروازی تا آنک آوازده سینک رازی

قال النبی علیه السلام

﴿ من رأنی فقد رئی الحق ﴾

کورته بیوردی رسول حق ایشیت ایشیدوب سوزین آکا کوردایش ایت
کیم بنی کورسه کورر کرچک حق هر نفسده اول کیم مطلق
چشم صدقیله بنی کورن کشی حتی کوروب حق اولور هر جنبشی
دولت عظما بنی کورنلره عزت کبرا بنی کورنلره

کیم بنی کوردی ایرشدی دولته حضرت حق برله ایردی وصلته
ایلیوب بنیدن تجلی صفات ایدیسر لابد تجلیات ذات
کیم بنی کورسه رؤیاسنده هم اول بنی معنیده کورر لاجرم
شکلمه زیرا که شیطان کیره مز اول بنی کورمیشه دستی ایرد مز.

فی حدیث قدسی

(ماوسعنی ارضی و الاسماء ولكن یسعی قلب عبدی المؤمن)

کورنه بیوردی خدای بی نیاز احمد مختارینه اول کار ساز
یره کوکه صیغزم بن لاجرم لیک قلب مؤمنینه صیغرم
قلب عبد مؤمن اوسع اولدی بیل بوسماوات وزمیندن ای مقل
عالم کبری دل مؤمن درر آنکیچون آنده حق ساکن درر
ساکن اولمقدن منزهدر اوشاه لیک قلب مؤمنه ایلر نکاه
یعنی قلب مؤمنه ناظر اولور آنده هر دم هر نفس حاضر اولور
خبثه دنیادن که بردل پاک اوله طایر جان سایر افلاک اوله
اول دل وجانه خدا ایلر نظر بویه بیوردی رسول معتبر

قال اویس رحمة الله علیه

(من عرف الله لا یخفی علیه شیء)

کورنه سویلر اول اویس حق شناس بارکاه حقه اول خیر اناس
خبث دنیادن دلی کیم پاک ایده آنده هر دم حقنی ادراک ایده
هیچ آکا برنسنه مخفی اولیه قلمیه برشی که آکا یول بولیه
جمله اشیایی کماهی بیله اول یرلی یرنده رعایت قیله اول.

حق تعالی کیم ویرودر مرتبت هر وجوده قدر دکلو منزلت
 کیم آکا کوره رعایت ایلسه هر تی کوروب حمایت ایلسه
 حق آکا ویرر ولایت پایه سین اون سکزیبک عالمک سرمایه سین
 یعنی قطب ایدر جهانک ملکنه سالک ایلر انبیانک سلکنه

قال النبی علیه السلام

(نوم العالم خیر من عبادة الجاهل)

کور نه بیوردی رسول سرفراز اول میادین جهانده پاک باز
 نوم عالم طاعت جهانلن خیردر بیل سن خیر اول حالدن
 لیک عالم اولدر ای جان جهان اوله علمی برله عامل هر زمان
 هر نه کیم امر ایتدی قرأنده خدا یرلی یرنده ایده آتی ادا
 طاعتدن جاهلک شول عالمک خیر اولور نومی اومرد سالمک
 یوقسه شولکیم اوله دهرک فاضلی بیلدیکینک اولیه اول عاملی
 جاعل اول فاضلن اولی اولیسر حق قتنده قدر اعلی بولیسر
 کیم اوجاهل بیلمیوب ایتمز ایشن پس افاضل بیلوب ایتمز جنبشن

قال علی رضی الله عنه

(نسیان الموت صداء القلب)

کور نه دیر دیکله اوشیر حق ینه جان کوزن آچوب سوزینه باقی نه
 باده جرمی نیجه نوش ایلمک سکر ت موتی فراموش ایلمک
 ژنک دلدن قویسر نسیان موت یاد ایدوب اولور میسین کریان موت
 یحر حظ نفسنک غواصی سین ذره لر کبی هوا رقاصی سین

نیجه بر سر کشته سن ذرات وش قو هوای مهری کل خاکه اولاش
جسم خاک منزلی بو خاکدر جان پاک پایه سی افلاکدر
عاقلیسه آب و خاک کی یاد قیل طوت سوزم سن ترك نار و باد قیل
باده جرمی صاقین نوش ایلمه سکره موتی فراموش ایلمه

قال علی رضی الله عنه

(نور المؤمن بقیام اللیل)

کور نه دیر اول جد زین العابدین مؤمنینه ایلین تعلیم دین
مؤمنك نوری قیام اللیل اولور یاد ایدوب آنامن اشکی سیل اولور
یعنی هر شب صبحه دك قیلار نماز یوز اوروب ارضه ایدر عرض نیاز
ذوق و شوقیه قیلار اول طاعتن خالی ایتمز کریه دن بر ساعتن
اشکنك هر قطره سین حور ایدر حورده سرتا قدم پر نور ایدر
دون نمازی هم ایدر قبری منیر تا قیامت چون سرای شاه ومیر
کیم که کیجه قیلسه نماز باحضور کوندوزین برق اوریسر یوزنده نور
کیجه نك فضلی اوکشدراي جوان قدره کیجه ایردیله پیغمبران

قال علی کرم الله وجهه

(نار الفرقه اشد من نار جهنم)

کور نه دیر دیکله یینه اول شیر نر کیم ویرر نیران فرقتدن خبر
کورمسه دل کا کل دلدارینی یاوه واریر لاجرم دل دارینی
دوشیجک آرایه فرقت یاردن دل دخی محروم اولور دلداردن
آتش هجرانه دل اولور حریق بحر نار آنی تمام ایلر غریق

آتش هجران خود ای جان پدر نار دوزخدن زیاده احراق ایدر
نار فرقت نار دوزخدن اشد عالم معنی ده اولدی ای ولد
آش هجرانه کیمسه یانمسون جان و دل اولد کلو پویان اولمسون
هیچ فرقتدن بتر دشوار کار یوقدر ایکی دارده ای یار کار

قال علی رضی الله عنه

(نم آمناً تکن فی امهد الفراش)

کور نه دیر دیکله سکاینه او یار جانکی کل خواب غفلتدن او یار
چونکه ایمن اوله سین افکاردن جامه خوابه کیر و خوابه وار سن
مؤمن اولان کیمسه چونکه ایرسه شام ایلمز فکر حسد برله نیام
کیدروب دلدن بودنیا فکرینی دلده ثابت ایلوب حق ذکرینی
آخرت احوالی یاد ایلوب نومه واریر جان و دل شاد ایلوب
بو یله در خواب و نیامی مؤمنک بو یله در هم صبح و شامی مؤمنک
یعنی بر در یومی نومی مؤمنک ایملک اوزره در ایشی اول ایمنک
ایمدی ای مؤمن دیلر سهک وصل حق سن ده بو یله آمن هر شب او یومق

قال علی رضی الله عنه

(نیل المتی فی الغنا)

کور نه دیر دیکله سن اول مردغنی تا خیردار ایلیمه حقندن سنی
کیم که بولور آرزوسنه چون وصول وجه قدرتدن بولور اول آکا یول
یوقسه قدرت اولسه ای خوش کلام ایتیمه عالمده حاصل بر مرام
قاله بوفانی جهانده بی مرام آه و حسرتله اوله عمری تمام

چونکه قدرت ویردی اول یزدان سکا سن ده ایمدی ایله کل احسان آکا
یعنی نه ایلک ایدرسهک ای غنی بولیسردر آخر اول ایلک سنی
مال اودر کیم اولنه خیراته صرف اولیه محبوس بند بند ظرف
صرف خیرات ایله مالک ای امین ایلمه آرزوسینه نفسک صاقین

قال علی رضی الله عنه

(نور مشیك لاتظلمه بالمعصية)

دیکله کور سن اول امیر معتبر کیم سکا شیخوختکدن دیر خبر
حق قتنده پیرلک بر نوردر کیم ایرر اول منزله مغفور در
پیرلر زیرا که حق احرار ایدر یوزلرنده لیهلر انوار ایدر
پیرلر یچون ایلم دیمش خدا آنلرک بن آق صقالندن حیا
حق سنی پیر و صقالک آق ایده وجهکی خورشیدوش براق ایده
ظلمت ابر معاصیله آنی ستر ایدرسهک وجهکی یوقای منحنی
حق حیا ایده صقالکدن سنک هم کچه جمله وبالکدن سنک
سن یچون حقندن حیا اتمیه سین اول بیوردینی یوله کیمیه سین

قال مالک رضی الله عنه

(نجي الخفغون وهلك المثلون)

کور نه سویلر اول سبکبار ای اخی اول سر جمهور ابرار ای اخی
آنلرک که یوکلری اولدی خفیف نوله کر مرکبری اولسه ضعیف
واریسرلر لابد آنلر منزله بولیشورلر شاه صاحب کتزله
شونلرک کیم یوکلری اولدی ثقیل دلیسرلر یولده آنلر شویله بیل

آنلری آنده حرامی اولدیرر آنلزه خلق جهانی کولدرر
چونکه اولدک ای جوان سن بارکی بارکه کوره آل ایمدی بارکی
بارکیره ایلمه باری بارکیری یولده قور بارکران
بارکی آزایت سبک روح اول یوری فلک مجردله چون نوح اول یوری

قال علی رضی الله عنه

(وضع الاحسان فی غیر موضعه ظلم)

کورنه احسان ایلر اول محسن سکا بیلوب احسانن دعا ایله آکا
قادر ایتدی لطف ایدوب یزدان سنی ایلدی چون صاحب اذعان سنی
سنده لطف ایت ایله احسان اهلنه ائمه اما بیلمینجه اهلی نه
وضع احسان غیر موضعه اکر وضع اولنسه واضعین ظلمه اکر
ناحلی اولدی احسان ایلمک شوره یرده تخمی افشان ایلمک
تخمی ضایع ائمه جای شوردهده حاصلن یوقسه کوررسن کوردهده
یعنی یارین اولیجق وقت حساب کورینرسین آنکی چون چوق عتاب
ایلمه نااهله احسان ای جوان ظلمله ائمه اوزک موصوف هان

قال علی کرم الله وجهه

(وزر صدقة المنان اکثر من اجره)

کورنه دیر دیکله ینه سن اول جواد ایشیدوب اما سوزین ایله یاد
محسنه احسانی کرچه نوش اولور لیک بی منت ایدر سه خوش اولور
اولسه کر متله نوشی نیش اوله آلان احسانک دخی دلریش اوله
متیله اولسه احسانک سنک وزری اکثر اوله اجرندن آنک

اوله منان ایده جک احسانکی
ایلیک اینه اجرینی حقندن دله
چونکه قورسین کنجی مخفی یرده قو
یوقسه قورسه ک آسکاره کنجی سن
آتش وزره براقه جانکی
ایلیک جهدا ایله دوشورمه دله
بلکه اوستنده هزاران پرده قو
ایل آلیر آنی چکر سین رنجی سن

قال علی رضی الله عنه

(وفاء الاحبة من صفاء المحبة)

کورنه دیر دیکله اومرد با وفا
بیل احبادن وفا ای مرد حر
کر محبت اولسه ماینده
کلییدی کر وفا دلداردن
لذت اولماز دل صفاسندن لذت
اولمیدی کروفا دلدارده
خالقت کونینه ای عالی نسب
اک کوکلده حبه حب حق
اول محبت کانی دریای صفا
اولدوغی حبی صفاسنددر
هیچ اولمازدی صفا کوکلنده
سورمزیدی دل صفا دیداردن
داخی دلدارک و فاسندن لذت
اولمازایدی پس بویکی دارده
حب ذات حضرت حقدر سبب
حاصلی یارن اوله جانک حق

قال علی رضی الله عنه

(ویل لمن ساء خلقه وقبح خلقه)

کورنه دیر اول خلقی و خلقی حسن
وای آکا کیم اوله آنک خلقی بد
خالق خلقی بد اولان کورمز بهشت
اولسه اما خلقی زشت و خلقی خوب
کوش هوشیله کلامن دیکله سن
اوله هم خلقینه کوره خالق بد
اولسر در دوزخی اول بدسرشت
اولسر اول کیمسه مطلوب القلوب

یا خود اولسه زشت خلق و خوب خلق زشت کورر خالق آئی همده بو خالق
 خوب خلق و خوب خلق اولسه اگر اولور اول کیمسه بغایت معتبر
 اوله محبوب القلوب اول جان جان کیم ویریر اول حق حیبندن نشان
 چونکه خالق خلقکی اخلاقی خوب قیادی سن ده اولک خلاقکی

قال علی کرم الله وجهه

(ویل لمن وتر الاحرار)

کورنه دیر دیکله ینه اول مرد خوب سوزی جان بخش اوزی محبوب النلوب
 وای آکا کیم دلد کیزی دین طوته یعنی اول آزادلر چون کین طوته
 کیتمز آنک سینه سندن کینه سی سینه وارنجه پر آندن سینه سی
 کندیلرله مردم آزادلر هربری دلدارینه دلداده لر
 فارغ البال اولوب آنلر ناسدن درس آلورلر خضرله ییاسدن
 عالمی آنلر درر سیارده لر دور ایدرلر ده ری چون طیارده لر
 ماسواء اللهه ایتمزلر نظر نور وجهه الهی کوزلرلر اولر
 آنلره کینه ایدن بدبختی کور اولدلی طاش و دمردن سختی کور

قال علی کرم الله وجهه

(وحدة المرء خير من جلیس السود)

کورنه سویلر پیروحدت دیکله کل اول مریدی تاسکا اول ویرسن ال
 عالم وحدت دیلر سهك ای جوان عزلت ایله خلق عالمدن همان
 ایتمینجه انقطاع اختلاط اتصال وحدته اولماز صراط
 عزلت ایله صحبت جهالندن لیک عزلت ایتمه اهل حالندن

اهل حالك صحتي وحدتدرر جانه جاهل صحتي محتدرر
اولينجه همنشينك اهل حال يوري تنها عمركي سورماه وسال
عزلت اولدي راه چونكيم وحدته دوشمه ايمدي اختلاط وكثرته
اولدر اولاسي كه بدفعل آدمي ايدسين رد اوليه سين همدمي

قال علي رضي الله عنه

(واساك من تغافل عنك والاك من لم يعادك)

كورنه سويلر ديكه اول كفتاري حق اول جميع كاري واطواري حق
براولو مجمعه اولسهك اي هام آنده اولسه ياد وبيش خاص وعام
ركشي ياد ايمسه آملكك غفلت ايدوب ياد قيلسه كملكك
يوزيكه قارشو ديسه عصيانكي قيلمه عودت سنك احسانكي
ظاهرا كرچه عداوت ايتدي اول ليك معينه لطافت ايتدي اول
كرچه اول جرمك سنك ياد ايلدي ليك جرمكدن سني ياد ايلدي
كيم سني قورتاردی اول عصياندن بردخي ايمسون آني جانندن
اولدي ظلمتدن سكا نوره دليل آني ايدينه عدو ايدين خليل

قال علي رضي الله عنه

(ويل للحسود من حسده)

كورنه سويلر ديكه اول مرد لطيف اول ظريف واول نظيف واول شريف
كيمسه يه زنه ار ايمه اي ولد بخل وكبروكينه وحقد وحسد
حاسدي نار حسد احراق ايدر بحر ناره آني استغراق ايدر
حاسدك نار حسد ييرجسمني نه قور آنك رسمي نه اسمني

شویله کیم آتش نهایلر هیمیه اوده ایده آنی آدم دیمیه
 اوده یاقه ویل ایله خاکسترن جان دیه تن ایله خاک ایسترن
 یعنی آب و خاکدن ایستر مدد یاقیه دیر بردخی نار حسد
 ای جوان طوت پندی اوله حسود یاقسون نار حسد جسمک چو عود

قال علی رضی الله عنه

(هموم المرء بقدر همه)

کور نه دیر اول مردم صاحب همم پیشوای لشکر خیل امم
 هر کیمک کیم اوله عالی همتی آکا کوره اوله قدر و قیمتی
 همتکده اولدی چونکیم قیمتک اولسون ایمدی هر وجوده همتک
 دم بدم تا قیمت و قدرک زیاد اوله ای صاحب همم عالی نژاد
 آقبار چونکیم رجالک همتی قنده اولورسه جبالک رفقی
 همتایت سن ده رجال الغیب وار همتک ستر ایده هر عییک که وار
 یعنی همت عین اورتر کشینک وجهنه زینت ویرر هر ایشینک
 چونکه همت ستر عیب اولدی پس ای جوان کل همته ایله هوس

قال علی رضی الله عنه

(هم السعيد آخرته وهم الشقي دنياه)

کور نه سویلرینه اول مرد سعید اول شی قدر و بزارت و روزی عید
 همت مرد سعید اخرایه در همت مرد شقی دنیایه در
 همتی مرد سعیدک جانه در پس شقینک همتی ابدانه در
 یعنی کیم فرزند دنیا در بدن جانی ده فرزند عقبا آکله سن

تن دیلر کیم ییه ایچه خوش کچه عمری اولدقجه کچه کوندوز کیجه
جان دیلر کیم اکل و شربی ترک ایده عمر اولنجه راه عقباده کیده
کیم ده کیم رسم شقاوت واردر اول کشی مغنیده دنیا داردر
کیم ده کیم رسم سعادت واردر آکا دنیای دنی مرداردر

قال علی رضی الله عنه

(هلاك المرء فی العجب)

کور نه سویلر دیکله اول مرد کیر اول شریعت پیشه زاری ایچر د شیر
مها کیدر آدمک عجب و کبر کر جهود اوله وترسا و کبر
سن مسلمان سین قو عجبی ای کشی بلکه عجب و کبردر شیطان ایشی
ایتدی شیطانی دخی عجبی هلاک ایلدی آنک یرین زیر خاک
منزلی مردم آنک افلاک ایکن حرمتیه خواجه املاک ایکن
عجبی ایتدی آنی مردود ابد کبری ایتدی آنی مردود ابد
معجب اولان کیمسه شیطانی اولور کیمکه مسکین اولسه رحمانی اولور
چونکه عجب و کبر اولدی شیطنت قو سن آنی ای جوان قیل مسکنت

قال علی رضی الله عنه

(هامة المرء همته)

کور نه دیر دیکله سن اول همت اری مطبخ عالمده اول نعمت اری
کور جهان ایچره بوجان ودلاری نیجه در همتلری منزللری
هر برینک همتی مقدارینه پایه ویر دیلر کوروب مقداری نه
ایردی هر جان قدره مقداری قدر بولدی هر دل رغبتی کاری قدر

همتک ایله یوجه بالاتر اول پای جانانه سرك قو سرور اول
بارکاهنده آنک چون بنده اول خدمتده دائمًا جنبده اول
کوشش ایله دائمًا بوهمته ایره سین تا قدر عزو وصلته
اولمسه خدمتده عالی همتک بوله مزسک عزى قدرن وصلتک

قال علی رضی الله عنه

(هلك الحریص وهو لا یلم)

کور نه سویلر دیکله اول قتال حرص ایشیدوب اوله صاقین میال حرص
بلکه اولماز چاره حرص حریص هیچ اوکماز یاره حرص حریص
بحر بی پایانه دوشمشدر حریص درد بی درمانه دوشمشدر حریص
صاندی کیم برکنجه دوشمشدر حریص لیک بیلمز رنجه دوشمشدر حریص
کر حریص ادراک ایده حرمانی ورطه حرصه براقماز جاتی
لیک ادراک ایده مز حرمان اول حرصی یولنده ویریسر جان اول
کر بیلیدی حرصنک احوالی غارت ایدیرر ایدی جمله وارینی
لیک دیکمش حرصی کوکلی کوزینی نیجه بیلمک کورده مز اول اوزینی

قال علی رضی الله عنه

(هات ماعندک تعرف به)

کور نه سویلر اول حسیب و اول نسیب دیکله جان ودل آله آندن نصیب
والدکله اوله ای جان مفتخر دانشکله اولکور سن مشهر
علم والددن سکا حاصل نولور آز وچوق آندن سکا واصل نولور
دیاسهک تعریف نفس ای بانسب هات ماعندک درر علمه سبب

فخر ایدرسهك علمه فخر ايله سن کرچه معنیده اودر قول حسن
لیك عاقل ایلمز تعریف نفس ایلمك زیرا اولور تخفیف نفس
پس نه حاجت نفسی تعریف ایلمك کیشی کندوسنی تخفیف ایامك
کیم اولورسه دانش و علم وهنر نفسك اصلینه دلائلدر اولر

قال علی رضی الله عنه

(هشتم الثرید غیر اکلہ)

کور نه دیر اول خسرو شیرین زبان یاغذیرر شهد وشکر آچوب دهان
پند پیری اولدن طوت ای مرید کیمسه اکل ایلمی سرد اولسه ثرید
بی ثریدك وار ایکن کریتی کرم اولیجقدر آنک ده لذتی
هیچ بیلدکی نه در بونده مرام دلدہ قیل معناسنی اولوب بکام
آکا بکزر کیم کشی جمع ایتسه مال اولسه اول مالله بر خوشجه حال
ایتمدن خرج آنی ناکه قور کیدر خاقلنه آندن آنک ایچون قور کیدر
طوغره یوب نانن ثرید ایتمس اولور یمیوب کندی قومش کیتمش اولور
ای جوان خرج ايله کل سن مالکی خوشجه قیل اول مال برله حالکی

قال سفیان ثوری رحمه الله علیه

(هذا زمان السکوت ولزوم البیوت)

کور نه سویلر دیکله اول عاقل کشی ایشیدوب سوزینه کوره قیل ایشی
نطقی قو کیم کلدی دوران سکوت اختیار ايله یوری کنیج بیوت
نقمه کی بی باشکی چک خر قه یه یوری تنها کیرمه سن بو فرقه یه
کندی کندکله درل مردانه وار هر کیمه کیم وارده سین مردانه وار

هیچ بر شخصه دیمه سن سوزکی
سوزک اول عالمه افشا ایدر
سوزکیله اول اوزن سوزان اولور
چونکه همسر یوق جوانا ساکت اولور
یعنی جان و دلدله اولان سوزکی
مسخره ایدوب سنی رسوا ایدر
دل مکانی طوتشوب ویران اولور
وارکزین خلوت ایدوب صامت اولور

قال النبی علیه السلام

(لَا يُؤْمِنُ أَحَدُكُمْ حَتَّىٰ يُحِبَّ لِأَخِيهِ مَا يُحِبُّ لِنَفْسِهِ)

کورنه سویلر اول رسول بر اصول
مؤمن اولماز بیل آنی کیم ای غنی
مؤمن اولماز شول کشی حتی که اول
یعنی کندی نفسنه پند اری نه
مؤمن اولدر هر وجوده ای جوان
چونکه مؤمن مؤمنه مرآت ایمش
کندی ذاتکدر کورینن هم کورن
سن آنی کور اول سنی کورسون کوزل
حق قتده فعلی وقولی قبول
سومینجه چون قرداشک سنی
ایتمینجه هر دلی جاندن قبول
ایسه اول پند اری ایده یارینه
ایره سودی ایرمیه آندن زیان
قیل نظر کور کورینن نه ذات ایمش
کم کشیدر کندن آنده کیم کورن
پس بودر مؤمنلره لایق عمل

قال النبی علیه السلام

(لَا يُلَاحِظُ الْمُؤْمِنُ مِنْ حَجَرٍ مَرَّتَيْنِ)

کورنه سویلر اول رسول ذوالمنن
کیم که ایتسه جانکه جور و جفا
مؤمنی زیرا که بیل ای هوشیار
پس نیجه مؤمندر اولکم هر زمان
اول شریعت واصفی صاحب سنن
طوتمه سن آندن دخی چشم وفا
بردلیکدن صوقماز تکرار مار
ایرکوره بر مؤمنه زخم زبان

اوكلور كىرو اومارك يارەسى لىك يوق زخم زباناك چارەسى
 بونى ايتىز كىرو ترسا ويهود مؤمنم دىر آندن اول نسل جەھود
 مؤمنك خود كوكلى بيت اللەدر آنى يىقمق اىستىن كىراەدر
 مؤمنك مؤمن يىقارمى قلبنى بلكە او حشر كوينك ھىركلبنى

قال النبی علیہ السلام

﴿ لا یشبع المؤمن دون جارہ ﴾

كۆرنە بيوردى اوشاء انىا آسمان دلە ماہ اوليا
 ھىركىمك كىم دىن ودىياسى قوى اولسە اولور كار آخر اسى قوى
 خاندانئىدە پىشوب درلو نەم ايلمز افطار اول صاحب كرم
 آلنز اول درلو نەمدن واىەسىن ايتىنجە حاضر اول ھىمسايەسىن
 بويە اولور عادى مؤمنلارك بويە يىنير نەمى مؤمنلارك
 مؤمن ارتنھا تناول ايلمز ھىم جوارندىن تەغافل ايلمز
 نەمىن تىھا يىن دىدى رسول اوليسر ابلىسلە ھىمسفرە اول
 ايتە تىھا ايمدى افطار طعام اولسون ھىمسفرەك ابلىس اى ھام

قال النبی علیہ السلام

﴿ لا راحة للمؤمنين من دون لقاء الله ﴾

كۆرنە بيوردى حىيب حق يىنە جان كوزك آچوب سوزينە باقىنە
 مؤمنىنك بلكە اولماز راحتى اولىنجە آنلرە حق رۇقى
 راحت اولماز آنلر ايكى داردە اولىنجە كوزلرى دىداردە
 عرش وفرشى وكرسى ولوح وقلم خلد ورضوان وقصور وحوور ھىم

بونلری مردان حق بردم کورر بلکه بردمدن دخی چوق کم کورر
برکشی کیم آشنادر حقله کوکلی کوزی روشنادر حقله
اون سکز بیک عالمی کورمز کوزی وصلت حق دیلر هر دم اوزی
آیری اولماز بر نفس الله دن اول دوکونه صیغمین برشاهدن

قال علی رضی الله عنه

(لادین لمن لامرؤة له)

کورنه سویار اول مروت کانینی اول ولایت شهرینک سلطانینی
کیمده کیم لطف ومروت اولسه یاجبلنده فتوت اولسه
بلکه قابنده قیود دینی یوق دینه لایق رسم و آیینی یوق
همنشین اوله سن اول بی دینله یردم اول بی رسم و بی آیینله
اولدک ایسه غفلة کر همنشین عزلت ایله واردسین آندن همین
هم جلیس اوله آنکله بردخی یوقسه اولورسین جوانا دوزخی
سن مروت ایله مقدارک قدر ایله یعنی ایلکک وارک قدر
قدرتک یتدجکه سن اول شاه وار شخصه قدرنجه مروت ایله وار

قال علی رضی الله عنه

(لا کرامة للكاذب)

کورنه سویار اول کرامت صاحبی دیکلیوب معینسک اول طالبی
حق کرامت و یرمه مشدر کاذبه اول طرفدن اولما مشدر جاذبه
کاذب آنکی چون مکرم اولدی راست سوزی بیل هم مسلم اولدی
چهره سنده کاذبک اولماز فروغ راست سویار سه ده صانیر لر دروغ

یمسه لر عالمده کذاب اولمسون کذب به خلق ایچره شهرت بولسون
رونق کذبی دلیل خوار اولور هرکس آندن نفرت ایدوب دور اولور
هم بیورمشدر پیمبر حضرتی لطف ایدوب الیکاذب لامتی
اول محمد امتدن ای جوان سویلمه برکیمسه یه اصلا یالان

قال علی رضی الله عنه

(لایمان لمن لایمان له)

کورنه سویلر اول امیر راست کو دیکله سوزن سن دخی اول راست کو
هرکیمک کیم اولسه ایمانی صحیح اولیسر اول شخصک ایمانی صحیح
اولسه کیمک که ایمانی درست اولیسر آنک ایمانی درست
دین وایمان توأماندر ای پسر ایکیسی ده بطن اسلامدن طوغار
آنلر اولماز بیر بیرندن جدا آنلرک ییری دل مرد خدا
بردلی کیم ایدینه آنلر مقام اولور اول دل صاحبی مرد تمام
ای جوان سنده یمینک راست قیل تااوله ایمانه مسکن جان ودل
حق قبول ایلر آنک هر طاعتن خیره یازار هر دم وهر ساعتن

قال علی رضی الله عنه

(لاغم للقانع)

کورنه دیر اول پادشاه قانعین آسمان دلدہ ماه قانعین
عالمی غرق ایلسه دریای غم قانعک کورنمه کوزینه نم
مرد طامع ذلت وقلتدهدر مرد قانع عزت وحرمتدهدر
مرد طامع روز و شب محتدهدر مرد قانع دائما راحتدهدر

مرد طامع غصه‌دن افتاده‌در مرد قانع بی غم و آزاده‌در
 مرد قانع تاج‌سردر عالمه احتیاج ایتدیکیچون آدمه
 طامع ایلر آدمه عرض احتیاج اول سببنددر اولور عریان و آج
 ای جوان سن طامع اولمه قانع‌اول غصه‌سز چون شاه صنع صانع اول

قال النبی صلی الله علیه وسلم

﴿ یشیب ابن آدم ویشیب فیہ خصلتان الحرص وطول الامل ﴾

کور نه بیوردی رسول معتبر کیم سکا شیخوختکدن دیرخیر
 آدمی پیر اولدیغیچون ای جوان ایریشیر سرمایه عمره زیان
 آدمی پیر اولدیغیجه دم بدم ایریشیر کوشینه اخبار عدم
 آدمی پیر اولدیغیجه هر زمان اولور ایکی خصاتی آنک جوان
 پیری جمع مال ایچون حرص عمل پیری دفع سال ایچون طول امل
 دم بدم عمر طویل اولور قصیر حرصله طول امل اولدی ککیر
 کرچه پیر اولان قالور اعمالدن لیک کچمز حرصله آمالندن
 یوزده یومز حرصنه آمالنه کولدریر خلقی هان احوالنه

قال النبی علیه السلام

﴿ یحشر الناس علی ما فاتهم ﴾

کور نه بیوردی رسول سرفراز ایلوب دل پرده‌سندن کشف راز
 کیمه کیم ناکاه ایرسه پیک موت ویرسه اول شخصه اودم اخبار فوت
 اول کشی هر نه صقته ایه اودم اول صقته حشر اولور کیرو هم
 دیرلکنده نه ایشی سوسه کیشی اولدیکی دم اول اولور آنک ایشی

روز محشر اول ایشله حشر اولیسر هر نه کیم ایتدیسه آنی بولیسر
مؤمنه اولدر سزاوار ای جوان ایلک اوزره اوله اول مردم هر آن
یریک ناکاه آکا پیک اجل بوله آنی ایلک اوزره اول محل
ایلک اوزره حشر اوله یارین اوهم کیره جناه اولوب بی هم و غم

قال النبی علیہ السلام

(یشهد علیک الکتاب یوم یقوم الحساب)

کور نه سویلر دیکله اول شیر خدا چون منادی ایلوب سکا ندا
هر ایشک کیم بونده سنسین عاملی اولیسر بیل آنده اول ایشک دیلی
هپ شهادت ایدلر آنلر او حال قومایلر سکا انکاره مجاز
هر ایشیکی خود کراما کاتبین ایکی یانکدن یازار اولوب امین
روز محشر اولیجق وقت حساب اوقویهلر دفتر آچوب باب باب
ایتدیکجه کوش سن هر شرایشک بیک خجالتله یره اینر باشک
بر دینسه یره کیزردک اودم جانلر ویریردک اولغه عدم
لیک کوش ایتدیکجه خیر ایشک همان مرده جسمک بولور اولدم تازده جان

قال علی رضی الله عنه

(یأتیک ما قدرک)

کور نه سویلر دیکله اول صاحب هنر کیم سکا ویریرینه بر خوش خبر
چکمه بردم عمر ایچون رنج و الم خوش کچر اول بر نفس عمری بودم
یرمه بو جان عزیزه سن عذاب جست وجوی رزق ایچون ایتمه شتاب
یریشیر شول کیم مقدردر سکا چکمه زحمت طالب اولوب سن آکا

جمع مال ایتدیلر استعجالله اوله لم راحت دیو اول مال ایله
 قودیلر کیتدیلر آخر ماللرین شمدی کور یرده اولرک حاللرین
 عمره صرف اولماغدی مال ای پسر عمرک آنر مال ایچون صرف ایتدیلر
 سن جوانا عمره صرف ایت مالکی خوشجه کور بر دم عمرده حالکی

قال علی رضی الله عنه

(یعمل التمام فی ساعة فتنه اشهر)

کور نه سویلر دیکله اول صادقینه امرینه معشوقک عاشقینه
 قوپاریر ساعتده بر تمام ار نیجه آیلق فتنه و آشوبلر
 بر نفسمده فتهلر پیدا ایدر بر نیجه اقلیمه غوغاسی کیدر
 فتهسندن دوکیلور قان بی حساب نیجه نیجه خاتهلر اولور خراب
 دم ایدر مسلملری اول بی حیا آنره یینه کچینور بی ریا
 فته اودن دم بدم طوتوشدیرر بر بر یله خلقی هپ طوتوشدیرر
 همنشین اولمه صقین تمامله ای جوان اول دینسر بد مامله
 حق ایرا ایسون بزی تمامدن اول خبیث و دینسر بد نامدن

قال علی رضی الله عنه

(یا من الخائف اذا وصل الی ماخافه)

کور نه سویلر دیکله ینه اول ولی یعنی اول تکرینک آرسلافی علی
 خائف اولان ایمن اولور بی کان اولسه خوف ایتدیکنه واصل همان
 خائفک خوفی اداقدندر همین قورقدیغنه اوغراسه اولور امین
 کندیسین زیرا آکا تسایم ایدر کندی اول اراده کندیدن کیدر

اوله اولسه آنده اولماز ترس و ترس و بیم آنده اولور کیم اوله سیم
یعنی بئلك سیمی جیب جانده اولسه خائف اولور اول هر آنده
جیب جاندن کیتسه بئلك سیمی هپ قالماز ایدی دلدہ ترس و بیمی هپ
پس نه دکلو اولسه تسلیمک سنک اول قدر زائل اولور بيمک سنک

قال علی رضی الله عنه

(ینبغ المرء بالصدق منازل الکبار)

کورنه سویلر دیکله اول صدیق سن جان و دلدن قیل آکا تصدیق سن
وارسه دلدہ اکر صدقک تمام ایریشیر سین شاه عشقه ای هام
قطع ایدرسهک اولور منزلترین کشف ایدرسین جمله راز دللرین
بولییر سین پایه پای کبار اولییر سین واقف اسرار کار
صدقک اله تیز عرش رحمانه سنی عشقک اله تیر وصل جانانه سنی
اولییر سین رفرف عشقه سوار بولییر سین وصل قرب کردکار
کیم که صدق و عشقله همدم اولور بی کان معشوقه اول وصلت بولور
قیل زیاده دلدہ صدقک دم بدم قویه سین تا کیم ره عشقه قدم

قال علی رضی الله عنه

(یصیر امر الصبور الی مرآته)

دور نه دیر اول شهر صبره شهریار کند یه اولمشدی خلق شهر یار
یعنی حکمنده ایدی شهر دلی صبرله اولمشدی شاه عادل
ولی صبرک اکرچه تاخ اولور لیک صوک صابر چوشاه باخ اولور
حق مرآته ایر کوریر صابر لری نفس شومه هر نفس جابر لری

کیم بلاسینه حق صبار اولور حضرت ایوبله اول یار اولور
 حضرت ایوبله مرد صبور حشراولور اولسه قن روزنشور
 وارملر آندن لواء احمده کیره لر آندن سرای سرمده
 کورملر انوار دیدار حق اصلی ایله بیله ارکان حق
 یا الهی احمد مختارله
 قیل مشرف یزده ده دیدارله

(در بیان عذر تعمیر خویش و حکایت آوردن از روی تمثیل)

حمد لله کیم کتاب اولدی تمام بولدی اسم حقه هم اختتام
 اولیدر اسم حق هم آخری باطنیدر اسم حق هم ظاهری
 باطنی و ظاهری معموردر یاد حق برله بیوتی نوردر
 بو کتابک بیتنه هر کیم کیره وصلت نور خداسینه ایره
 هر سوزی زیرا کلام الله در طالب حقه پیام الله در
 کیمی پیغمبر لساندن عیان کیمسی حیدر زبانندن بیان
 کیمی گفتار کبار دیندر کیمی نطق صاحب آیندر
 بن کمینه بونلری درج ایلدم نقد عمرمدن براز خرج ایلدم
 طبع موزون اولنه بزم ایلدم یعنی برخوش و جهله نظم ایلدم
 ایلدم هریتی آراسته جوهر الفاظله پیراسته
 قدرتم یتدکجه بو بن بی قدر ویردیلدم نظمه صورت بوقدر
 واقع اولدیه اکر خط و خطا آنی تصحیح ایدملر قیلوب عطا
 اولقدر بن بنده ده یوقدر کمال کیم ویرم بوصورت نظمه جمال
 اوله مزم خاکپای کاملین ایدهمزم دست بوس فاضلین

بحر عماندر اولر بن قطره‌یم شمس تاباندر اولر بن ذره‌یم
لیک کوردم نظممه یوق اعتبار ناس ایچنده بولدی هیچ اشتہار
بواحادیث کبارہ سوزیمی ربط ایدوب طوتمد خدایہ یوزیمی
شاید اولہ دیو ای عالی نسب اشتہار نظممه آنلر سبب
پس ینہ بکزر بنم حالم سکا ایدیم روشن قولاغک طوت بکا

(حکایت فروختن کر بہ باشر)

بر کیشینک بر کدیی وار ایدی کیجه وکوندوز آنکله یار ایدی
یوتمز ایدی لقمه‌سین هیچ آنسز قوماز ایدی بر زمان پر یانسز
بولس ایچره پیسی ای معتبر سمیردی اما که اولدی بی هنر
یعنی موشی ایدہ مز اولدی شکار کیدرک اولدی یکا اول نابکار
بو کدینک صاحبی اولان کشی دیدی بونک نولیسر آخر ایشی
قیمیوب اولدرمکه آنی مکر صاتک دیدی آلورلر سه اکر
واردی بازارہ کتوروب کر به‌سن دیدی هر شخصه صتارم کر به‌سن
کیمسه بر پول ویرمیوب هم اولارہ کلدیلر آنی ایدینوب مسخرہ
اول کشی دونوب خجالتلہ اوہ کر به‌سن کوتوردی کتیرزدی اوہ
واردی بر اشتری آنک مکر اوردی دفعه پشتہ آنک سمر
کر به‌سن بندیردی اوستینه همین یتدی بازارہ کتوردی اشترین
کوروب آنی اهل بازار اولارہ دیدیلر نہ ویردم بواشترہ
اولده دیدی کیم اولورسه مشتری صاتارم بو کر به برلہ اشتری
دیدیلر کیم قیمتی نہ بونلرک نہ ویردم قیمتینہ بونلرک
دیدی اشتر قیمتیدر بر درم لیک کر به قیمتیدر بیک درم

دیدیلر کیم اشته بیک درهم آل کر به کی سا که بزه تک ایتمه آل
 دیدی صاتلمز بولر آیری بیلک آکا کوره آچه کنز حاضر قیلک
 وای نه اوجوزدی شتر دیدی بری اولمیدی کر به آنک سربری
 سوز چوق اولدی آخر بازار اولوب ایکسینده آدیلر ناچار اولوب

*

* *

ایمدی بو بازاره بن بنده دخی مشتریچون کلشمدر ای اخی
 ایدوب اجمال احادیث قطار کر به کفتارمی قیلدم سوار
 آنلرایله آنی صاتمق ایسترم صاتلر ناچار اولرله سوزلرم
 ایم که اوتور یادیکلر سوزیمی آکلار اولر هر سوزمدن اوزیمی
 صاتلر اول سوزلریله سوزلرم آکلانیر هم سوزلرندن سوزلرم
 سوزم آنک جانی احراق ایدر بحر نار عشقه استغراق ایدر
 ترک ایدر دنیانک احوالن همان کسب ایدر عقبانک احوالن همان
 حق اولور کاری و کفتاری آنک حق اولور افکار واذکاری آنک
 بارگاه حقه مقل قول اولور مصطفی بایندهده مقبول اولور
 هم آنک اصحابنه اولور قرین آنلرایله بیله اولور همنشین
 آنک ایچون سوزلرینه سوزیمی ملحق ایدوب حقه طوتم یوزیمی
 بونده آنلرله بیله یاد اولنهم آنده هم آنلرله بیله بولنهم

کیم بنی ایلر سه آنلر برله یاد

ایلسون دارینده حق آنی شاد

انتها

(واحدی)

شو اثر كزینك ناظم پسندیده گرداری واحدی افندینك اسمی
(عبدالواحد) اولمغله شعرلرنده (واحدی) تخلص ایلمشدر .

(دلائل الخیرات) شرحك مترجمی مشهور قره داود افندینك
اوغلی سلیمان چلبی نك فرزند سعادتمندیدر .

صاحب اثرك یالكز حسن چلبی تذکره سنده برقیچ سطرلق ترجمه
حالیله بریتندن ماعدا سائر تذاکرو مجامع آئارده نه کندیسنه ، نه مسلك
ادیبسنه ، نه دهمتر وکات قلمیه سنه دائر معلوماته دسترس اوله مدق .

حتی (کلبرك رخساری رشك کلزار ایکن روزگار زورکار
اوراق وجودین باد هلاک النده تارومار ایتمشدر) عبارده سندن نمودار
اولدیغنه کوره بیچاره واحدی هنوز یکریمی یاشلری اواننده عازم دیار
وحدت اولمشدر . دیمك که حسن چلبی تاریخ وقاتنی دکل ، سال ولادتنی
بیله بیللمسی ممکندر . حال بوکده هر نه حکمته منی ایه بزم تذاکر نویسار من
تاریخ جهته هیچ اهمیت ویرمزلر .

ینه حسن چلبی دیرکه :

« طریق علمده دانشمند ایکن مشایخ علیه زینیه دن بر مبارک ذاته
ارادت کتیردی و آنك النده توبه و انابت ایلدی » .

از جمله (سادة الامة الفقهاء) سانحه علویه سنك شرحیله سائر
محللرده کی بعض افاداتندن مسلك علمیه ده اولدیغنی وینه درون کتابده
بعض تصریحاتندن زمره درویشانندن بولندیغنی اکلایلیور .

عصر نده رئیس المؤرخین اولان بروسه لی هاشمی وفاته

(واحدی رفت از جهان دردا)

تاریخی سویله مشدر که طقوزیوز سکسان بشی کوستریور. اودورک
اعظم ادبانه نسبتله شعری متوسط کورولور صدر کتابده کی منشور
مقدمه سندن طرز قدیمده نثری نظمده فائق اولدینی استنباط ایدیایر .

حسن چاپی ترجمه حالی ذیلنده جمله اشعارندن اولمق اوزره یالکیز :

ایتدیرر خنده لرك لؤلؤ لالا سیرین

کوسترر لعل لبك ساغر صهباسیرین

بیت دلنشیننی یازار که حقیقهٔ مصنع و سلیس اولمغله اشعار قدیمه نك

منتخباتندن معدوددر .

اگر مقصد هنر سه مصرع بر جسته کافیدر

حکمنی دلائل مثبتهدن عدایدنلره کوره کنج شاعر مزك متویدن

زیاده غزلسر القده قدرتی و میل طبیعتی تظاهر ایدر .

قارئئر مزك معلومیدر که هر شاعر شعبات نظمك بر وادیسنده

ماهردر :

کیمی قصیده سر القده : نفعی کبی . کیمی مصنع و متین غزل کولقده :

فضولی کبی . کیمی سلیس و منسجم و مزین الفاظ اختراعده : نابی کبی .

کیمی افکار رقیقه و حسیات عاشقانه ایرادنده : جوری ، نشاطی ،

فصیح ، ندیم کبی . کیمی خیالات علویه ایجادنده : شیخ غالب کبی .

کیمی متوی سویلمکده ینه حضرت شیخ کبی .

بعضاری ده قطعه ، رباعی ، ترکیب سویله مکده تفرد ایله مشدر :

ابن کمال ، حالتی ، ضیابونلردندر اهمیت موضوعلرینه بناء تکرار ایدرز که

جمله سی اقسام نظم‌دن اولدیغی حالدہ قصیده ، غزل ، مثنوی وادیلری جهات ایله یکدیگرندن تمایز ایلمشدر .

غزل : شاعرک خوبانه قارشیی برنغمه عاشقانه‌سندن عبارتدر . بونده سلاست ووضوح ویک آوازلق مطلوبدر .

قصیده : شاعرک اولانجه هزینی صرف ایدوب مصنع ومخیل - بلکه تعقیده قریب برصورتده - نکات استادانه ایله نسیب ، وصف ، بیت القصید ، تاج ، کریز ، تغزل ، شریطه دعائیه کبی ارکانه رعایت ومعایدن مجانبت ایدرک برداتی ویابرشیئی ثنا ایله‌مسیدر .

مثنوی ایسه باشلیجه برعالم اولمغله آنده صنایع لفظیه وثروت ناظمیتدن باشقه قوه مخیله‌ده فرط علویت آرانیر . مثلاً برخسرووشیرین حکایه‌سی ایچنده ارکک وار ، قادین وار ، بیوک وار ، کوچک وار ، ای وار ، فنا وار ، کوزل وار ، چرکین وار ، جدال وار ، وفق وار ، یاز وار ، قیش وار ، کلزار وار ، کهسار وار ، وار وار وار .

شاعر بونلرک هپسنی بحق تصویره مقتدر اولمی . دوشونکیز بونه قدر بیوک قدرته توقف ایدیور . اويله دوت دانه کل ومل ، شمع وشاهد ، بلبل وپروانه ، ناز و نیاز ایله ایش یتیمور . بش اون صنعت بدیعیه ، براز طمطر اقلی الفاظ مرکبه ایله مقصود حاصل اولمیور .

اقسام شعرده بو اختلافدن طولانی فضولی قصیده سویلمک ایستدیکی حالدہ اونظم طویل - بربقیه سافمزک دیدیکی وجهله - برقچ پارچه غزلک یکدیگرینه التصاقدن عبارت قالیور .

نفعی نک غزلیاتندن کنیدیسی (غزل) لفظنک موضوعنی یاییلمد - یکنه ، یاخود بیلمه مزلیکدن کلدیکنه حکم ایتک ایجاب ایدر .
شیخ غالب ایسه :

دیوان یولی صامه بوزمینی

مصرعیله کنديسنگ رجال مثنويه دن اولديغنی اشارت ايدر .

مع مافیه بوافاددن « فضولینک ، نفعینک ، حضرت شیخک غز
لسرالقدن ، قصیده کولقدن ، مثنوی نکارلقدن باشقه برشی اللرندن
کمزدی » معناسی اکلاشلمز صانیرز . « بوکی اساتذہ فنون نظمک جملہ سنہ
قادر و فقط بر شعبہ سنہ متخصص ایدیلر » دیمک ایسترز .

شوتفصیلدن غرضمز (واحدی) نك مثنویدن زیاده غزل سو-
یله نك فطریله مجبول اولدیغنی عرض ایتمکدر .

بو کتاب اوائلنده کی حروف هجا اعتباریله علی الترتیب برچوق کلمات
قدسیه نك نظاماً سکزر بیتیه ترجمه و شرحیدر که او کلماتک قسم اعظمی
ملهمات نبویه و سائنحات علویه در . واحدی بومیانده برچوق معارف درج
ایله مشدر . افاده سی متوسط ، فقط سویلمیدر .

مقدمه منوره سنده سویلیدیکی وجهله اکثر محتویاتی زهدیاتدن
عبارت اولمغله اسمنی (جنان الجنان) قویمش (کوکل باعجه لری) کبی
برتعبیر ایله ترجمه اولنور .

§

ایشته واحدی نك مسلك ادیسی ایله شو کتاب لطیف حقنده
سویلیه جکمز سوز بوندن عبارتدر . حال بوکه بوندن باشقه برسوزمز
دها وارکه اوده (جنان الجنان) بزم اوزون اوزادی ترجمه حالنی یازدیغمز
(واحدی) نك اولوب اولمیدنی مأخذمز اولان (حسن چابی)
تذکره سنده مذکور اولما سندن عبارتدر .

کتبخانه مزك برنجی کتابنده اولدیغنی کبی بونك دخی صراحة

برذاته اسناد اولنديغنى تذکره لرده کوردمدك (واحدى) نامنده دخى
برعصرده ظهور ايتيش ايکى شاعر معلومزدر.

بريسى سابق الترجه درکه (حسن چلبى) تذکره سندن نقل ايتدك
ديکرى (لطيفى) تذکره سنده شويولده مسطوردر:

«واحدى — کليبوليدن، کتاب زمرد سندن، بودور شعر اسندندر.
خوش آينده ورنکين وافر غزلياتى ومخيل ومصنع منظوم برقاج پاره
تأليفاتى وارددر. بومطلع آنک اشعارندندر:

زرد اولسه نوله قاشلرک اسررخلرى کلکون

سر سورلرى اکثر اولور مصحنک التون»

بز درت سبيله بوکتانى قره داود حفيدينه اسناد ايله مکده جهت
رجحان بولدق:

برنجيسى — قره داود حفيدى طريق علمده دانشمند ايتش.
بالاده افاده اولنديغى وجهله دانشمنداندن اولديغنه درون کتابده
بعض اشارات وار. ايکنجيسى — اهل طريق ايتش. بوبابده دخى
درون کتابده بعض تصريحات وار. حال بوکه (لطيفى) نك ذکر
ايتديکى (واحدى) نك کتاب زمرد سندن اولديغى مصرح و درويشاندن
اولديغى غير مذکوردر. اوچنجيسى — حسن چلبى قره داود حفيدينک
پک کنج ايکن وفاتى سويييور. لطيفى تذکره سنى حسن چلبيدن برخيلى
سنه اول يازديغى حالده ذکر ايتديکى کليبولى (واحدى) نك خوش آينده
ورنکين وافر غزلياتى ومخيل ومصنع منظوم برقاج پاره تأليفاتى
اولديغى سويييور حسابجه لطيفى زماننده پک کوچک اولمى لازم
کلن قره داود حفيدينک لطيفى تعريفى وجهله مکمل وکثير آثار منظومه
وجوده کتيرمى برازمستبعد کوردک. دردنجيسى — لطيفينک تعريف

ایلدیکی واحدینک مشویاتی مخیل ومصنع ایمش . تذکره نویسان
ایچنده لطیفینک انتقاد ادبیه سی بزجه علی الاکثر مصیب کورلمشدر .
حان بوکه بوکتاب خیالات شاعرانه وصنایع بدیعهدن عاریدر .
ایشته شو تحقیقات اربعهدن طولایی بوکتاب قره داود حفیدینک
اولسنی ترجیح ایلدک .

بر آدمک محصول حیاتی دیگر همخاصنه عزو ایدی ویرمک بزجه
بیوک غدارلق اولمغله مأخذلری کتم ایدوب اطرافلیجه تحقیقاتدن صرف
نظرله — گویا کندیسنه الهام اولمش کبی — بر قول مجرد ایله کندی کندینه
ذهندن بر (واحدی) چیقارمقو « بوکتاب آنکدر » دیمک مسالکمز
منافیدر .

بزم مسالکمز مأخذلر مزک اقوالنی بتمامها نقل وبوله بیلدیکمز
معلومات اوزرینه تحقیقاتمزی وکندی رآیمزی سرد ایلدکن صوکره
حکمی عرفای قارئنه ترک ایلمکدر . علمای سالفه نک مسالکی دخی بوندن
عبارت اولدینی منتسبین مغارفه نمایاندر .

بویله خودسرانه ، دلیل صریح اولمقسزین ایکی آدمی بر ایله مکدن
ایسه هرایکی کشینک نامنی ذکر ایدرک ایکیسنه ده دعای خیر قزاندر مق
دها مصیب دگلی وبالاخره شو ملاحظه مزی او قویانلر ایچنده بری بواثر
ایکی (واحدی) دن برینک اولدیفنی قوی بر دلیل ایله اثبات ایدرسه
او وقت حقیقه دها منصفانه خدمت ایدلش اولمزمی ؟

« فوق کل ذی علم علیم »

بعد الترتيب كورولن ترتيب سهولى :

خطا	صواب	سطر	صحيفه
خلوته	خلوته	٧	٦٧
غرة الموت	غمره الموت	٤	٧٧
غلام عقل	غلام عقل	١٤	«
احلال اولوز	احلى اولوز	٢	٨٨
عليه السلام	عليه وسلم	٣	٩٢
بالسرعة	بالسرعة	١٤	«
كثرة الغرض	كثرة الغرض	٤	٩٣
عن النفس	غنى النفس	«	«
صداء القلب	صدأ القلب	١٦	١٠٠
نجى الخفقون	نجا الخفقون	«	١٠٣
من حجر	من حجر	«	١١٢



کتابخانه اقدام

عدد ۳

Soyut, A. G. Galatalı, d. 1562

آثار اسلافدن

Mirât ül-memālik

مِرَاثُ الْمَمَالِكِ

مؤلفی

سیدی رئیس

— — — — —

طابع و ناشری

اقدام غزته‌سی صاحب امتیاز و باش محرری

احمد جودت

معارف نظارت جلیله‌سنگ رخصانیه طبع اولمشدر

در سعادت — اقدام مطبعه‌سی

۱۳۱۳



.....

سلطان سایمان خان قانونی حضرت تلمری بغداد ده بولند قلمری ائناده
 فی ۹۴۵ تاریخده بصره حاکی بوانسان (مقاس اوغلی میر راشد)
 بدومی (مانع) نام ذاتی هدایای ملوکانه ایله حضور حضرت شهریار یه
 سال وبصره نك آناختار لرینی ده تقدیمه استعجال ایله سایه ساختت -
 نیاده مرفه البال اولمش ایدی .

دور سلطنت سایمانیده مصر بکار بکیسی اولان و امور بحریه
 دقیق حربیه ده مهارتیه تاریخده بیوجک بر شهرت قازانان خادم سایمان
 سا ۸۳۷ تاریخده یمن و عدن فتحی ایچون سویشده بر دونما تمیشه
 ش و سفره حاضر لشم ایکن بغداد سفرنده معیت هایونده بولمسنه
 ادّه سنیه شرف صادر اولمش ایدی . ادای خدمتدن صوکره کوستردیکی
 ارلناره مکافه رتبه وزارتله تاطیف و تثبیت ایتدیک فتوحاتی اجرا
 بون مأموریت سابقه سنه اعاده و تسریب بیورشم ایدی . بو ائناده
 طان بابر زاده هایون شاه هندستانده بر خیلی یرلری ضبط و ممالکده
 بق ایش و جکرات حاکی بهادر شاه اوزرینه ده یورومش اولدیغندن
 ذات هدایای مناسبه یی حامله کوندردیکی بر ایچی ایله حمایت شهریار یی
 اس ایلمش ایدی . ۹۴۳ تاریخده یعنی سفیر لرینک ادرنده خدمت
 بارتی ادالری ائناسنده هایون شاه ایله بهادر شاه آراسنده کی منازعه دن
 استفاده هندی الد اتمکه اوغراشان پورتغالر کجراتک « بندر
 و « دینان موقع مهمنی اشغال ایتشلردی . احوالک بو مرکزده
 لدیغی خبر آلان سایمان پاشا انشا و تجهیزاتی اکمل ایلدیک ۸۰ پارچه

کمی بی مستعجباً ۹۴۵ سنه سی محرمنک اون بشنچی کوئی سويش
 قالفه رق يوله روان اولدی . برحق آیدہ عدن اوکنه وارن دون
 هایونک ارئه ایتدیکی صولت وسایمان پاشا طرفدن ویریلن استم
 سایه سنده عدن حاکی عامر بن داود حمایه عثمانیه التجا ایتش
 حرب وهیجا اوقلعه منیعہ ضمیمه ملک عثمانی قلمشدر .
 اورادن قیام وکجرات اوکنده (کوکله) و (کات) دینان وپورانه
 النده بولنان قلعه لر اوکنه کیش وایدیلن محاربه ده شوایکی موقع پورانه
 الندن چیتمشدر . اورادن (بندر دیو) اوکنه مواصلته برابر و بهادرشا
 وفاتیه یرینه کچن ملک محموده آدم ومکتوب کوندر یلدرک کندیسنه
 ایچون کلندیکی وذخیره ومهماتجه معاونت ایتسی لازم کلدیکی بیلدر
 ایسه ده ملک محمود پورتغاللرک القاننه آلدانه رق هر درلو معاونتدن صاقله
 ویالکیز دونمای هایون افرادینک سعی وغیرتی ایله اوچ طرفی د
 وقره جهتی عظیم سور وبارولرله مستحکم اولان دیش قلعه آ
 ایکن بالضروره ترک وکیرییه عودت ایدلش ووقتیله مصرک بد
 فتحنده چراکسیه تابع اولان یمن وعربستان ده عثمانلورده انتقال
 ایکن سطوت عثمانیه ارئه ایدلمکسزین اورانک اداره سی چراکس
 اسکندر بک ایله رومی . یعنی ترک رمضان بکه احاله ایدلش و آرا
 آرانلماش ایدی . بدایت فتحده لباس چراکسیه چیقارده رق
 عثمانیه کیرن چراکسه ورومیلر (مخضرمی) [*] لقبی آلمشلر ایکن کید
 کیف مایشا اداره حکمه باشلامشلر وحتی دونما قوماندانی سلیمان پاشا

[*] « مخضرم » صراروب صولش بر نباتک تخمندن تکرار نشه
 بولاننه دینور . اسکندر بک ده بقیه چراکسه دن اونغله شعله امید
 اولش ایکن شو صورتله موقع امارته تکرار اصعادی اوحاله تشبیه ایدلش

فت ایتشلردی . سلیمان پاشا بونلردن « ناخدا » لقبی ایله معروف
 ان میر احمدی طوتوب یرینه سابقا دیاربکر بکلربکیسی اولان بیقلی
 پاشا زاده مصطفی بکی تعیین وینک رابطه قدیمه سنی تجدید ایلدی .
 ایشته بوسفرک شویله موفقیتله نتیجه پذیر اولسی و عربستان
 هسنگ کاملاً زیر لوای سلطنت سنییه کیرمسی حسیله آرتق بورانک
 ن محافظه سی ایچون هر مرز آطه سنک فتحی و برده پورتغاللردن اخذ
 ایدلمسی جایگیر ضمیر سلیمانی اولغله مصر قودانی پیری بک بوکا
 وور اولمش وباشترده ایله قادرغه دن عبارت اوتوز پارچه کمی معیتله
 یلهرک ۹۶۱ سنه سی سویشدن قالقوب هر مرزه کیتمش و محاصره -
 ده باشلامش ایسه ده پورتغاللرک قوتجه غالب اولدیغنی کوردرک
 ندکی دونیای بصریه کوتوروب ایچندن اوچ یوکرک قادرغه آله رق
 بیه عودت ایلمشدر . پیری بکک شو موفقیتلرکی بعض ارباب
 ض طرفدن ارتکاب وارتشاسنه حمل اولندیغدن اعدام ایدلمشدر .
 « مرآت الممالک » نامیله اقدام کتابلخانه سنک اوچنجی جلدینی تشکیل
 ن اشبو اثرک صاحبی غلطلی سیدی علی رئیس ایشته بوپیری بکک
 نه مأمور اولمشدر .

*

* *

وقتیله بری و بحری عساکر عثمانیه امرا و ضابطان و افرادی
 منده دخی سیف و قلمی جمع ایتمش برخیلی ذوات بولندیغنی معلومدر .
 سیدی علی رئیس ده اوزمره دن اولوب مسلاک مخصوصی اولان
 ن بحریه و شعباتنده مسلم اولان مهارتنه شعر و انشایی ده تردیف
 درک زماننک بحق و حیدی اولمشدر .

اشعارنده « کتبی » تخلص ایتدیکی جهته « کتبی رومی » دیه ده

شهرت آلان سیدی رئیس « ۹۶۰ » سنه سی شرق سفرینه عازم اولار
 سلطان سایان قانونی حضرتلریله حلب قیشلاغنه کیتمش ایدی
 « ۹۶۱ » ده سویش دونماسی رئیس پیری قپودانک بصره
 بر اقدیغی دونمائی آلوب کتورمک اوزره مصر قپودانلغنه تعیر
 ایدلیکندن قرددن محل مأموریتنه کیتمش و دونمائی آلوب کلیرکز
 اوزمان اورالرده اکسیک اولیان پورتکیز دونماسنک ممانعتنه فورطه
 دخی انضمام ایددرک سفینه لرك بر چوغی غرق اولمش و قالان بر قاقچ
 آلهرق بر چوق مشقت و مختارله « کجرات » ساحلنه یتشمش و بونلر
 اورا حاکمه امانت بر اقوب قرددن سند، پنجاب، افغانستان، ماوراءالنهر
 خراسان، آذربایجان، و ایراندن کچهرک و بورالرك اسلام حکمدارلرینک
 شفاعت و عتبه خلافتیناهی یه ضراعتنامه لرخی آلهرق « ۹۶۴ » تاریخند
 بغداد طریقیه دارالسلطنته موصلت ایلمشدر .

سیدی رئیس درت ییل سورن شوسیاخت غیر اختیاریه سنی ضبه
 و تحریر و « مرآت الممالک » اسمیه توسیم و خاک پای سایانی یه تقدیه
 ایددرک عفو هایونه مظهر اولمش و ابتدا یومیه ۸۰ آچه و رکاب معا
 متفرقه لکی و براز صوکره دیار بکر تیمار دفتر دارلغی احسان بیور پله روق
 « ۹۷۰ » تاریخنده ارتحال ایلمشدر .

سیدی رئیس او وقت غلطه ده دارالصناعه عامره کتخداسی حسین
 رئیسک مخدومی اولدیغی کبی بونک پدری یعنی بیوک باباسی دخی ار
 مأموریتده بولنش اولدیغندن وقتنک خاندانندن ایدی . شو صورت
 کیجیلک کندیسینه جندن میراث اولوب ردوس فتحندن اعتبار
 خیرالین پاشا و سنان پاشا کبی انک نامدار قپودان دریالر معیتده بتور
 محاربات بحریه ده ایفای حسن خدمت ایتش واسطرالاب ، رابع مجیب

مقنطرات ، معدل وذات الكرسي اعمال واستعمالی حقنده بش مقاله اوزرینه « مرآت کائنات » عنوانیه ترجمه غایت مهم بر اثر دخی یازدوق فنون بحریه نظری و عملی اولدوق وقوفی اثبات ایلمشدر . احمد آبادده بولندیغی زمان بحر عمانك احوالنه دائر « محیط » عنوانیه بر اثر بحری یازمشدر که (بارون هامر) طرفندن آلمانجه ترجمه سی ویانده نشر ایلمشدر . ترجمه سنی ده بز تمثیل ایده جکزر .

« مرآت الممالک » شمیدی یه قدر هیچ بر طرفده تماماً نشر ایدیله مامش و بوده نسخه لرینک اربابی الله کچمیه جک قدر غایت نادر بولمسنندن ایلرو کمشدر . بولسان پارچه لرندن بر خیلی بحثلری آتجق « هند معلومات آسیایه » جریده لرینه درج ایلمشدر . بزم المزه کچن نسخه قزان ارباب معارفندن اولوب کتب عتیقه نك تشخیص نوا درنده بیوک بر تجربه و معلومات ایلمش اولان عبدالله بك طرفندن اقدام اداره خانه سنه بر معاونت معارف پرورانه اولوق اوزره اتحاف ایلمشدر [*] سیدی رئیس انشای سیاحتده چغتا یجه دیدیکمز شرق ترجمه سنی دخی اوکرده نرك بولسانده بر طاقم غزلار و تاریخلر تنظیمیه ملاقی اولدیغی ترك حکمدار لرینه تقدیم ایلمش و از جمله اوزمان دهلیده حکمدار اولان هایون شاه بوغزلاریغی تقدیر ایله کندیسنه « میر علی شیر ثانی » دیه خطاب ایلمشدر . ایشته سیدی رئیس شو صورتله ده مستشرقین عثمانیه نك الك قدمایلرندن اولمش اولور .

[*] ایلک اوکجه علم مسکو کتی آثار مقبوله مختلفه سیله عثمانلورده طندیران دیاب معارفندن ادهم پاشا زاده مرحوم غالب بك افندی معرفتیه نشر واحیا یدین برچوی تاریخنک برنجی جلدی بو اثرک بر خلاصه سنی حاویدر .

اصالت ، وفضیلتله مشار بالبنان اولان سیدی رئیسک غلطه ده
مالک اولدیغی پک مزین وجسیم قوناغنک قپوسی عمومه آچیق بولندیر-
لدیغی جهتله سخاوتله دخی ممتاز ایدی .

هرجهتیه شایان توقیر اولان بویله برذات عالینک شو اثر مهمن
تماماً نشر ایله بر خدمت معارفپورانهیه موفقیتندن طولای طابع
و مؤسس کتابخانهدی تبریک دخی و ضائف قدر شناسیدن اولغاله
او وجیهه یی دخی ایفا ایدرم .

نجیب عاصم

بِسْمِ اللَّهِ الرَّحْمَنِ الرَّحِيمِ

حمدنا محدود و ثنای غیر معدود اول واجب الوجود و واهب
 اخیر و الجوده که جمله موجودی کتم عدمدن وجوده کتورب انواع نعمنه
 غرق و بحر کرمنه مستغرق ایلدی: زهی قادر بر کمال و پادشاه ذوالجلال
 جل جلاله و عم نواله .

(مؤلفه)

یارادوب عالمی حق و یردی شرف جمله دن آدمی قیلمدی اشرف
 حق ای دل آریوب سیاح اول معرفت بحرینه وار ملاح اول

و تحیات طیبات و تسلیات زاکیات اول سرور کائنات و مفخر
 موجوداته که جمیع مخلوقی اول خالق مطلق آنک شرف محبته خالق
 ایدوب آنی شفیع المذنبین و رحمة للعالمین قیلدی . صلی الله علیه و علی
 آله و صحبه اجمعین .

(مؤلفه)

ایلمدی نفس بزی غرق کناه قیل شفاعت ایده رحمت الله
 همت ایت روز حشرده یارین یوزمن آغ اوله اولیه سیاه

در مدح پادشاه دین پناه

پادشاه اسلام سعادت انجامة دعا ایتک دخی هر مؤمنه لازم و اهم
 بلکه واجب و الزمدر . خصوصا سلطان سلاطین جهان و خاقان زمین
 و زمان سکندر شوکت و فریدون حشمت، نوشروان عدالت و حاتم همت،

قیصر صولت ، دارا دولت سلطان البر والبحر ، صاحب العز والنصر ،
صاحب قران زمان ، اغنی سلطان سلیمان خان ابن سلطان سایم خان ابدالله
تعالی عمره واید سلطنته الی غایة الزمان ونهایة الدوران . امین بجرمة
الروح الامین .

(لمؤلفه)

دعایم اولدر شه رومک الهی سعادت برنه کچسون سال و ماهی
آنک فرمان بری خاقانی چینک مطیعی هندو سندنک پادشاهی

باعث ترتیب کتاب

بو کتابک ترتیب اولماسنه باعث اولدرکه سعادتلو پادشاه عالم پناه
اعز الله انصاره حضرتلری دیار شرقه متوجه اولوب سعادت ایله محمیة
حابده قشلقلری محله بوبندهیه مصر قیودانلغی صدقه اولنوب مقدما
ولایت مصردن بندر بصردیه ارسال اولنان دونما کیلرینک موجود
اولانی نه مصره وارمق فرمان اولنوب بر موجب امر عالی محروسه
بصردیه واریلوب موجود اولان اون بش پاره قدرغه ایله دریای
هرموزدن ولایت مصره عزم اولنوب اما (العبد یدبر والله یقدر)
فهو اسنجه تدبیر تقدیره موافق دوشمیوب مصره وارمق میسر اولیوب
بالضروری ولایت هنده دوشلوب دیاردن کیدمک ممکن اولیوب مصر
قولارندن سعادتلو پادشاه حضرتلرینک حلال خواری اولوب نعمتی
حقن بیلور یرار بندلرندن بر مقدار کسسه ایله قره دن دیار رومه عزم
اولنوب کلیا ولایت کجرات و هند و سند و باختر زمین یعنی زابلستان
ودیار بدخشان و ختلان و توران و ایران یعنی ماوراءالنهر و خراسان

و ولایت خوارزم و دشت قیچاق کشت اولنوب اول جانلردن اصلا
یول بولنمیوب عاقبت مشهد خراسانندن عراقین یولی ایله یعنی قزوین
و همدانندن محروسه بغداد واصل اولوب سلامتله چیققد قدده همراه اولان
یاران پرصفا و اخوان باوفا بو مخلصلرینه کلوبا کرچه کیم بزم سرگذشتمن
فرج بعد شده حکایتلرندن اوزون و سیرکوه و دشتمنر مکه و جدده سفر -
لرندن فروزندر دیمک مباغنه اولمیوب جمله سی بیان و اتمدر . و ذکر اولنان
سفر پر مهالکده واقع اولان شداید تفصیل اولماغه دریا بار هند مداد
و چنگلستان ولایت سند خامه اولوب بیک دیبر جمع اولنسه دریا انلرینک
بیکده برین و یوز محاسب بریرد کلسه قره مختلرینک عشر عشرین تحریر
و تقریر ایلمک متصور دکلدرد . باری کوریلن شهرلر و سیر اولنان
عجایب و غرایب و زیارت اولنان مزارات شریفه و فی الجمله وقوع بولان
آلام و محنت ذکر اولنوب بر کتاب ترتیب اولنق رجا ایدد روز که استماع
ایدنلر قصه پر غصه مز فہم ایدوب حالمزده رحم ایددلر دیو ابرام و اقداد
ایدیجک « الابرام یحصل المرام » مفتضاسنجه ابتدا اولنوب و تصنع مقصود
اولنمیوب و سجع رعایت قیلنمیوب هر کس مطلع اولنق ایچون روزمره
کلمات ایله ادا اولنوب مسکن مألوفه یعنی دارالسلطنه محروسه استانبوله
واصل اولنجه بلا و محنت غایت و قصه پر غصه نہایت بولوب اکرچه کیم
چکلان شدایدہ نسبت محنت نامه اولوب اما هر ولایتک احوالی آدن
نمایان اولمغین اسمی « مرآت الممالک » اولنق موجه کوریلدی . مرجودر که
نظر فیض رسان یاران ایله منظور اولدقدده بووادی هجرانده سرکردان
و دیار غربتده نالان و کریان اولان زار و ناتوانی دعای خیر ایله یاد
ایلیوب دل غمکینی شاد ایددلر .

(مؤلفه)

هرکیشی ایستر قویه عانده آد خیر ایله تا کیم قیلار آنی یاد
سرکدشتم بن دخی ذکر ایتدو کم بردعا ایله آکلمقدر مراد

مطالع داستان مرأت الممالک

(مؤلفه)

ینه دریای محنت ایله دی جوش موج غم باشند آشوب ایتدی خروش
دهر ایدوب آشکاره کینه سنی غرقه قصد ایتدی تن سفینه سنی

اتفاق سعادتلو پادشا عالم پناه حضرتلری سنه ستین و تسعمانه
رمضانینک اواسطده یمن و اقبال و سعادت و اجلال ایله دیار شرقه عزیمت
ایدوب قشلمق ایچون محیه حلبه توجه ایتدکارنده بو بندهیه دخی سفر
هایون خدمتی واجب و لازم اولماغین عسکر ظفر رهبر ایله روانه اولوب
سعادتلو پادشاه ایله مبارک رمضان بیرامن یکی شهرده ایلیوب آندن سیدی
غازی یه واریلوب آستانه زیارت اولنوب و قونیه یه وصول بولدقده منلای
روم و سلطان العلماء و شمس تبریزی و شیخ صدرالدین قنوی حضرتلری
زیارت اولنوب قیصری یه وارلدقده شیخ اوحدالدین کرمانی و شیخ
برهانالدین محقق و شیخ بهاءالدین زاده و شیخ ابراهیم اقسرای و داود
قیصری زیارت اولنوب بعده حلبه واریلوب داود نبی و ذکریا و نبی بلقیا
علیهم السلام و احتجابدن سعد انصاری و سعید انصاری و قبور الصالحین
زیارت اولنوب مبارک قربان بیرامی سعادتلو پادشاه ایله آنده اولوب
مقدما مصر قبودانی پیری بیک بندر سویسدن اوتوز مقداری باشرتده
و قدرغه و قالته و قلیون ایله چقوب قلزم عربدن یعنی بحر احمر دن جدیدیه

او غریب و آندن ولایت یمنه واروب باب مندب بوغازندن چیقوب عدن اوکندن شحر وظفار یولی ایله رأس الحدی کچوب یولده زیاده پوس و دومان اولوب کیلر پراکنده دوشوب شحر قربنده برپارچه لری پاردلنوب باقیسی خلاص اولوب آخر ولایت عماندن مسکت قلعه سی اوزرینه واریلوب حصار مزبور ی فتح ایدوب خلئینی اسیر ایلوب وهرموز و برخت جزیره لر غارت ایدوب بندر بصره یه کلدکه کفار خاکسارک دونمه سی کلور دیو خبر آتوب و مسکت قلعه سندن آلمان کافر قپودانی دخی دونمه کلسی مقرر در بونده دورمه یوقسه چیمق میسر دکدر دیوجک دونمه نک جمله سن چقرمه قدر او میوب همان کندویه متعلق اولان اوچ قطعه قدرغه ایله کافر کمزدن اول صحرادوب بر قدرغه سی بحرین قربنده پاردلنوب ایکی قدرغه ایله مصره واروب سایر کیلر بصره ده قالوب قباد پاشا حاضر تلی دونمه ده مصر سنجاغی بیکارندن لشکره سردار اولان علی بیکه قپودانلی تکلیف ایدوب راضی او میوب اول دخی قردن مصره کیدوب کیلر بوزیلوب بووضع آستانه سعادتده استماع اولنده ذکر اولان قپودانلق خدمتی محروسه بصره ده قضیف سنجاغندن معزول اولان مراد بیکه فرمان اولنوب موجود اولان کیلردن ایکی پارچه وبش قدرغه و برقلیته بندر بصره ده قالمق امر اولنوب و بر قدرغه دخی بصره ده یانوب هلاک اولوب باقی اون بش قدرغه وایکی پارچه ایله مزبور مراد بیکه بندر بصره دن مصره وارمق امید ی ایله چقوب هرموز مقابله سنه وارد قده فی الواقع کفارک دونمه سی کلدیکی مقرر اولوب اهل اسلامه مقابله ایدوب محکم جنک اولنوب قپودان رئیس اولان سلیمان رئیس ورجب رئیس و لشکردن نیچه کسنه لر شهید اولوب وخیلی آدم یاردلنوب وکیلره طویل ضرربندن خیلی ضرر مرتب

اولوب آخر کیجه ایرشمک ایله خلاص اولوب اما برپارچه لری قلوب
 برعجمدن (لار) یقاسنه دوکلوب بعضی خاقی خلاص اولوب بعضیسی اسیر
 اولوب بارجه بی کافر آلی قویوب باقی کیلرینه بصریه کلوب در دولته
 کیدمک ممکن اولدیغی عرض اولندقدده بوداعی دیرینه وبنده کترینه
 کاتبی رومی الفقیر اغنی سیدی علی بن حسین الحقیر قدیم الایامدن علم
 دریاه طالب و آنک تحصیل و تکمیلنه جان و دلدن راغب اولوب وسعادتلو
 پادشاه عالم پناه حضر تلری ایله ردوس فتحن بیله ایدوب اول زماندن
 الی یومنا هذا دریای مغربده واقع اولان جمیع غزالرده و فتح اولنان
 قلعه لرده مرحوم و مغفور خیرالدین پاشا و سنان پاشا ایله ، علیهما الرحمة
 والغفران، و سایر قپودانلر ایله انواع خدمتار ایلیوب و کلیاً دریای مغربک
 اطراف و اکنافی کشت اولنوب علم دریاه متعلق جمیع امور غریبه
 تحصیل و تکمیل اولنوب و حفظ و ضبط قیانون علم هیئتده و فن حکمتده
 و سایر دریاه متعلق اولان خصوصده و احوال نجومده کتابلر تألیف
 اولنش ایدی . خصوصاً فتح قسطنطنیه دن برو والد و والدی آتالری
 محروسه غلطده دارالصناعه عامره کتخدالری اولوب دریا علمنده
 هربری ماهر و مهارت لری روشن و ظاهر اولوب علم دریا کیمه صنعت
 ایسه بو بنده میراث اولوب اکا بناء بوقایل البضاعه و عیدیم
 الاستطاعه در یانک کما هو حقه اهل و قوفی اولمق احتمالی ایله سنه مزبورده
 ذی الحجه سنک او اخرنده مصر قپودانغی خدمتی صدقه اولنوب بندر
 بصرده موجود اولان کیلرینه مصر جانبیه وارهق امر اولندقدده
 بر موجب فرمان عالی سنه احدى و ستین و تسعمائه محرم الحرامنک اول
 کونی محروسه حلبدن بصریه عزیم اولنوب بریه جک او کندن فرات

معبرایله عبور اولندقدہ رهایه [*] واریلوب، مقام ابراهیم علیہ السلام زیارت
قیانوب ونصیین دن موصله واریلوب یونس نبی وجرجیس نبی علیہما
السلام وشیخ محمد غرابیلی وفتح موصلی وقضیب البان موصلی زیارت
اولنوب بعده بغدادہ عزم اولنوب قلعهٔ تکریت دن سامردیه اوغرایوب
امام علی الہادی واما حسن عسکری زیارت اولنوب شہر عاشق**] وہ عشوقدن
قصبۂ حربی وقصر سمکہ یولی ایله محروسۂ بغدادہ واریلوب جسردن
دجلہ یعنی شط بغداد عبور اولنوب یوشع نبی علیہ السلام واما اعظم
وامام احمد حنبل وامام یوسف وامام محمد وامام محمد غزالی وعیص بن
اسحاق علیہ السلام وامام موسیٰ کاظم وامام محمد تقی وقبر علی وشیخ
عبدالقادر کیلانی وجنید بغدادی ومعروف کرخی وشیخ شبلی وسری
سقطی وحلاج منصور وبشر حافی وجو مردقصاب وبہلول دیوانہ وفضیل
بن عیاض وشیخ شہاب الدین سہروردی وشیخ داود طائی زیارت
اولنوب بعده قلعة الطیر اوکندن کیلوب قلعهٔ بیرہ واریلوب وقصبۂ
مسیب اوکندن فرات معبر ایله عبور اولنوب عزویہ یعنی کربلا یہ
واریلوب حضرت امام حسین ومشهد شہدا وحرشہید زیارت اولنوب
بعده شفاتہ جانبدن چول یولی ایله مشہدہ عزم اولنوب ایکنجی کون
حائرہ یہ یعنی نجفہ واریلوب حضرت آدم ونوح نبی وشمعون علیہم
السلام وحضرت مرتضیٰ علی رضی اللہ عنہ زیارت اولنوب وکوفہ یہ واریلوب
مسجد کوفہ ومحاریب انبیا علیہم السلام وسعدت خانۂ حضرت مرتضیٰ
علی ومقام قبر ودلدل زیارت اولنوب بعده قلعهٔ حسینیہ کلنوب یولده
ذی الکفل نبی بن ہارون علیہما السلام زیارت اولنوب آندن حلا یہ

[*] (رها) ، اورفہ دیدیکمز شہردر .

**] عاشق سامرہنک قارشوسندہ الیوم بیوک برخرابہدر .

کلنوب آنده دخی مقام صاحب الزمان یعنی امام محمد مهدی و امام عقیل برادر حضرت علی و مسجد شمس زیارت اولنوب و فرات ینه جسر دن عبور اولنوب تکرار بغداده کلنوب و کیلاره کیریلوب بصره ینه عزیم اولنوب یولده مداین سیر اولنوب طاق کسری و قصر شاد زنان تماشا اولوب سلماس فارس زیارت اولنوب و عماره بوغازی کچیلوب واسط یولی ایله زکیه ینه واریلوب مقابله سنده عزیر نجی علیه السلام زیارت اولنوب عجل قلعه سی ایله قلعه مزرعه اوکشدن قلعه صدر السویه واریلوب بعده شط بصره ینه واصل اولوب سنه مزبورده صفرینک آخرنده شهره کیرلدی .

ولایت بصره ده واقع اولان احوالی بیان ایدر

ایرتسی مصطفی پاشا حضرت تهرینه ملاقات ایدوب المزده اولان فرمان شریفلری کورد کده موجود اولان اون بش پاره قدرغنی تسایم ایدوب مرماته محتاج اولان یرلری ممکن اولدجه کوریلوب و قلفات اولنوب و رئیسلرده هر موز غنایمندن بر مقدار قومبار بولنوب آنک ایله هر کیمی به صو مصلحتی ایچون کفایت مقداری قناس ایشلادوب موسم زمانی بعید اولمغین بش آی مقداری آنده اولوب مسجد علی و حسن بصری و طلحه و زبیر و انس بن مالک و عبدالرحمن بن عوف و شهداء احباب رضوان الله تعالی علیهم اجمعین زیارت اولنوب انفاق برکیجه عام رؤیاده قیاجمی کدلمش کوروب شیخ محی الدین عربی قدس سره حضرت رسالت پناهک واقعه ده قلیجی کدیلوب اصحابه شکست واقع اولدی دیو نقل ایتدوکی ینه واقعه مده بو حقیرده خاطرده اولوب محکم

خوف ایدوب رسول حضرت قی دعا ایدوب لشکر اسلام منصور اولدیغی
 قلبه لایح اولوب دعایه شروع اولندقد بیدار اولوب ذکر اولنان واقعیه
 کسه یه دیموب خلی زمان آنک غمنده اولوب اتفاق مصطفی پاشا حضرت تلی
 قلعه هویزه فتحه طایفه مشعشه عزم ایدوب بو حقیری بش قدرغه ایله
 علیان اوغلی جانبندن ولایتیه مضرت ایرشمسون دیو مدینه جزایره
 ارسال ایدوب کیلرده اولان مصر لشکری مشارالیه ایله کیدوب حکمت حق
 قلعه نك فتحی میسر اولیوب یوزدن زیاده یرار توفک انداز یولداشلم
 آنده شهید اولوب اگرچه بو وضعه غایت یحضور اولوب لکن ذکر
 اولنان واقعیه نك تعیری بونک ایله دفع اولدی ظن اولنوب اما تقدیر
 تدبیر ایله تغیر اولمادیغی کوندن روشندر .

(شیخی)

اولاجق نسنه اولور چار وناچار کرکسن کوکایکی کک طوت کرک طار

آخر موسم زمانی قریب اولیجق پاشای مشارالیه بر پرکنده یعنی
 برفرته ایله دریا علمنده ماهر شریف دیمکله معروف برکسنه یی هر موز
 جانبیه تفحص ایچون ارسال ایدوب بر آی مقداری اول کنارلری کشت
 ایدوب درت پاره پارچه دن غیری کافرک میسی یوقدر ، اول دخی موسم
 میسی در دیو خبر کتور یجک لشکر کیلره کیروب مصره توجه اولندی .

دریای هر موزده واقع اولان حوادثی بیان ایدر

سنه مزبورده شعبانک اول کونی بندر بصره دن روانه اولوب
 و ذکر اولنان شریفی پاشا حضرت تلی فرقه سی ایله هر موزده وارنجه همراه

اولمق ایچون ارسال ایدوب شط العربدن مهزری یولی ایله عبادان ومقام
 خضر علیه السلام زیارت اولنوب بعده دریای هرموزه چقیلوب دوسپول
 وشستر کنارلرندن جزیره محترمه یعنی خارکه کلنوب امام محمد حنیفی بن
 حضرت علی وشهداء اصحاب رضی الله عنهم زیارت اولنوب وشیراز بندرلرندن
 ریشهره واریلوب برّ فارس یعنی شیراز کنارلری کشت اولنوب دریاده
 برجله یعنی برچکلودیه بولشوب دشمن احوالی تفحص اولنوب خبرلری
 اولیوب آخر برّ عربدن هجر یعنی لحسا قربنده شهر قطیفه واریلوب
 آنده دخی برشایتی بولوب آندن دخی استفسار اولندقدده خبر
 آلمیوب بعده بحرینسه کچیلوب حاکی رئیس مراد ایله ملاقات ایدوب
 آندن دخی سؤال اولنوب اول دخی دریاده کافر یوقدر دیو خبر
 ووروب وبحرینده غریب حکمتدرکه تخمینا سکز قولاج ودخی زیاده
 دریا دیندن بحریرلرلرینه برر طلوم آلوب ودریایه طالبو دینده طاتلو
 صو ایله ذکر اولان طلومی دولدروب دائماً رئیس مراده کتوروب
 اول صو ایام صیفده جمله صولردن لطیف وهم صغوق اولماغین رئیس
 مراد هرزمان آندن ایچوب بو حقیره دخی رعایه آندن صو کوندروب
 فی الحقیقه غایت ایو صو اولوب حضرت حَقْ قدرتنه نهایت وعظمتنه
 غایت یوقدر والله علی کل شیء قدیر. وآنلرک قنده مرج البحرین یاتقیان
 بونک حقنده جاریدر. و ذکر اولسان شهره بحرین دیمکه وجه تسمیه
 اولدر دیو معتقدلردر. والحاصل آندن دخی کوچلوب جزیره قیسه
 یعنی اسکی هرموزه وجزیره برخته ودریای اخضرک یعنی بحر هرموزک
 نیچه جزیره لرینه اوغرایوب قطعاً بریرده خبر آلمیوب آخر هرموز
 کچلکده بصره دن همراه اولوب بدرقه اولان شریفه اجازت ویریلوب
 مصطفی پاشا حضر تلرینه هرموز صحت وسلامت ایله کچیلدی دیو مکتوب

ارسال اولنوب وجلغار و جادی کنارلرندن کیمزار ولیه دیمکه معروف
 قصبه کیلوب شهر خورفکان قربنه ایرشدکده قرقنجی کون که مبارک رمضانک
 اونجی کونی در ؛ ضحوة کبرا زماننده ناکاه کفار خاکسارک درت
 پاره کوه بلکه قراقه معادلی عظیم باسقین بارچهلری و اوچ بیوک قایونلری
 والتی پاره پورتغال قراولهسی و اون ایکی قطعه غراب یعنی چکدرور
 قالیتهلری اولوب و بالجه یکر می بش پاره می ایله اوزریمزه کلوب بزدهخی
 هان دم تنتهلری فوره ایدوب و دمور آلوب آلات حربی حاضر و مهیا
 ایلیوب حضرت حقک عنایته توکل و انیای عظام و اولیای کرامک
 همتلرینه توسل اولنوب و دیرکله فلاندرلر دیکلوب و سنجاقلر آچلوب
 اقدام تام اولنوب هان دم کلناک محمدی ایله جنکه مباشرت ایدوب
 بر مرتبه طوب و تفک جنکی اولدی که وصف اولمز آخر. حقک عنایتی ایله
 بر قایونی طویله اوریلوب جزیره فک الاسداد اوزرینه ارقری اولوب
 باتوب هلاک اولدیلر .

(مسیحی)

غالباً کورمدی چشم انجم بوقدر حادثه عظمایی
 بیلزم کیم نجه تعبیر ایدین سکا بو واقعه کبرایی

و الحاصل یاتسو زمانه دک محکم جنک اولوب عاقبت فانوس قپودانی
 یانجق کافر قپودانی خوف ایدوب کیلرینه تنیه طوپن آتوب دونک
 دیوجک بارچهلر تیره موله ایدوب آلات بوزوب هر موز جانبه پوجه .
 لدوب یوز دوندر دیلر . سعادتلو پادشاهک دولتنده بعایت الله تعالی و حسن
 توفیقه کافره غلبه اولنوب اعدای دین منہزم اولدیلر . آخر قراناق
 اولنوب دریا یوزی لیماناق ایکن آنی ده محکم روزکار چیقوب یلکن
 اولنوب کنار قریب اولماغین صباح اولنجه یاپرقدن قولنوب وقیلر .

دو کوب کیتدجکه کورفر پاکیابوب زیاده صاغنقلر دوشوب ایرتسی
یرمقدار دریاه چیتلوب آخر سرن چوروب ینه یولیمزه روانه اولوب
یارنداسی شهر خورفکانه واریلوب لشکر صولانوب بعده ولایت عماندن
قصبه عمانه یعنی شهر سحاره کلوب والحاصل تکرار اون یدی کون
مقداری ینه دریاده کیدیلوب مبارک رمضانک یکریمی آلتیجی کونی - که
قدر کیجه سی در - قلعه مسکت و قلعات قربنه وارلدقده علی السحر مسکت
لیمانندن اون ایکی عظیم بارچه ویکرمی ایکی غراب جمله اوتوز درت
پاره کمی ایله غورنه دورک اوغلی کوّ قپودانی بی حد لشکر ایله اوستمزه
یلکن ایدوب یعنی بارچهلر وقلیونلر کوز قراردوب مایستردلرین داقوب
وپنتدلرین اکیلوب وقره ولدلر چنبر یلکن لر آچوب وکیلرین فلاندرلر
ایله زینت ایدوب اوزرمرزه یوریوب بز دخی ینه حضرت حقه صغینوب
جنک ایچون کنارده مهیا طوروب بارچهلر کلوب قدرغله ره چاتوب
محکم طوب و تفک و تیر و شمشیر جنکی اولوب بر مرتبه حرب و قتال
اولمشدر که وصفه قابل دکلدر. مثلاً بحالوشقه لر بارچهلردن نبتیز کی کچوب
وشایقه لر عظیم پنچر دلر آچوب آنلر دخی کولکلردن دارد ایله قدرغه
ئری کرپی یه دوندروب و اوستمزه آج قیاسن یغمور کی کوندروب
(یتیم)

طاشنری کولکلری کیم یفدرور هربری دریاده دوکندی اولور

وبر قدرغه مزی قومبره ایله یاقوب حکمت حقت هم قدرغه وهم
بارچه یانوب و بش بارچه بش قدرغه ایله کناره ارقری اولوب جمله سی باتوب
هلاک اولوب و بر بارچه لری یلکن قوتی ایله اوتوروب اول دخی هلاک اولوب
والحاصل ایکی جانبدن لشکر زبون اولوب کورکچی طائفه سنک کورک

چکمدن وسیه ایتکدن وطوپ صالیه ایلمکدن طاقتلری طاق اولوب
 بالضروری دمور براقیلوب ودمورلر کیلرک قیچلرینه آلوب ینه دمور
 اوزرنده جنک اولنوب و صندالر براقیلوب هلاک اولان قدرغه لک
 رئیس لرندن علمشاه رئیس وقره مصطفی وقلفات ممی وکوکلی سرداری
 درزی مصطفی بیك وسائر مصر قوللرندن و آلا تبحی دن ایکی یوز مقداری
 آدم آلوب کورکچی طائفه سی عرب اولمغین کناره دوکلوب بی حد
 نجد عربی کلوب اهل اسلامه معاونت ایدوب قره جانبه دلیل اولوب کافر
 غرابلری دخی بارچه لرده اولان کفره فجریه آلوب و آنلرده دخی عرب
 طائفه سی اولوب آنلر دخی کناره دوکلوب ولایت عربیه چکلوب حق
 علیم درکه مرحوم خیرالدین پاشایله (آندریه طوریه) و چند دال جنک لرنده
 بیله اولوب بو مرتبه کمی صواشی کورلما مشدر. عاقبت کیجه ایریشوب
 هر موز کورفرزی ینه دوکوب محکم روز کار چیقوب بارچه لر ایکی شر
 لک وورته یعنی عظیم دمورلر براغوب ولوشته لر باغلیوب محکم دوشوب
 غرابلر چکدیروب کناره کیروب قدرغه لک دمورلری سورینوب وخلق
 زبون اولوب بالضروری کناردن آریلوب چار وناچار یلکن اولنوب
 اول کیجه برّ عربدن جدا اولوب دریای عمانه یعنی بحر بی پایانه دوشوب
 آخر ولایت کرماندن برّ جاشه واریلوب اول کنارلر یالی یعنی آحیق
 یرلر اولوب لیانی اولمایوب کنار سچلده کده آلات دوشروب براییکی کون
 اولمایله یوریوب آخر ولایت مکراندن کیچی مکرانه واریلوب اخشام
 زمانی اولوب کناره وارلق ممکن اولیوب اول کیجه دریاده اشاغه
 قونوب توقف اولنوب صباح اولنجه قوری صالندی خلقی زبون ایدوب
 عاقبت بیك درلو بلا و محنت ایله ایرتسی علی السحر کناره واریلوب
 بندر شهبایمکه معروف محل اولوب آنده بر قطعه نوتاق یعنی لوند.

پرکنده سنی بولوب بر اقدرمه سی دخی اولوب کوزجیلری بزی کوریحج خلقی دوکلوب آردلرنجه آدم جیقاروب مسلمانلر دوجک رئیس لری کمی یه کلوب وکیلده اصلا بر ایچم صو اولمایوب ذکر اولنان رئیس صویه دلیل اولوب لشکر مرده ایکن تازه حیات بولوب واول کون بیرام کونی اولوب اول محله صو بولنق ایله نفس الامر بیرام اولوب و مزبور رئیس بدرقه اولوب کوادر نام بندره واریلوب خلقی بلوج طائفه سی و پادشاه لری ملک دینار اوغلی ملک جلال الدین اولوب کوادر حاکی کمی یه کلوب سعادتلو پادشاهه عرض اخلاص ایدوب مقدا دونمه هر موزه کلدکده کیلر ایله ذخیره و آدم کوندروب دونمه کیتمش بولوب و هر زمان که هر موزه دونمه کلسه الی والتمش پاره کمی ایله ارزق کوندروب هر وجهه خدمت ایتمک انواع و عددلر ایتدکر نده الامور مرهونه باوقاتها ان شاء الله تعالی وقتنده حاضر اولک دیو ملک جلال الدینه مکتوب کوندروب معلم و ربان یعنی دریا و کنار قولاغوزی طلب اولنوب بریرار معلم و بر ربان کوندروب سعادتلو پادشاهه اطاعت و انقیاد کوستردیلر .

دریا بار هنده واقعه اولان حوادثی بیانی ایدر

حقک عنایتنه توکل ایدوب بند کواردن دریای هنده یعنی بحر محیطه چیقلوب و بر مقدار روز کار مساعدده کوستروب تکرار یمن جانبنه عزم اولنوب :

(نجاتی)

صالدم انکینه کوکل زورقینی شاه اوکره به دیبه نولسه کرک ایدم الله اوکره دیوب برقاق کون دریاده اولوب تخمینا رأس الحد کچلوب ظفار و شحر

مقابله سینه قریب وارلد قدده قارشودن دامانی یعنی کون باتیسی ایله طوفان
فیل دیمکه معروف طوفان اولوب بالضروری اوکینه دونلوب اصلاً یا ممکن
کوسترمکه امکان بلکه ترنکته آچغه بر درمان اولیوب :

(یتیم)

بر بحر دوشدی کشتی دل یوق کناره هیچ بر باد بانی راست دکل روز کاره هیچ
دیوب و قطعاً روز کار کوز آچدر میوب مثلاً دریای مغربده واقع
اولان فورتنه لر آنک یاننده بر ذره جه و قلل جبال کبی امواجی بونک
قتنده بر قطره جه کلیوب و هر کز کیجه دن کوندز فرق اولیوب کیلر
غیت زبون اولماغین اسباب و ائقالدن بولنانی دریایه دوکوب :

(حافظ)

شب تاریک و ییمه موج و کردابی چنین حائل کجاندانند حال ماسبک باران ساحلها
مفهومی یاد ایدوب و الحاصل چار و ناچار روز کار زور کاره تابع
اولوب و قضای خدایه رضادن غیری درمان بولیوب حضرت حقک
عنايته توکل و انبیای عظام و اولیای کرامک همترینّه توسل اولوب گاه
خاطر غمکینه تسلی و یروب :

(یتیم)

دوشمه انکین غمه فورتنه چقدر صاولور ساکن فاک رضا اول کورینجه قرالر

دیردم وکاه دل محزون متسلی اولسون ایچون :

(مؤلفه)

ای کوکل کل دوشمه غم کر دابنه دریادل اول
برکی کون اسون صاورسون بویه قالمز روز کار

دیوب نصیحت قیلوردم. بومنوال اوزره اون کون مقداری دریا

بار هندده محکم طوفان و بی حدباران اولوب اصلا برکون انابایلق یوزین کورمیوب کمیده اولان یولداشلره استمالت و یروب و نصیحت قیلوب جمله کنز سوغوریه یعنی حاضر اولوب بصیرت اوزره اولک ان شاء الله صوکی خیردر دیوب و اتفاق دریاده ایکی قدرغه اوزونی بلکه دخی زیاده ماهیار کوروب معلم لرب مبارکدر قورقماک دیوب عاقبت دریانک مدی و جذری اولوب اول محله مد زیاده اولماغین جکد کورفوزینه قریب واریلوب علامات بروردن فرس البحر و عظیم ییلانلر و خرمن مقداری قابلو بغال و ورشته بحر کوریلوب و دریانک لونی متغیر اولوب یعنی بیاضه میل ایدوب معلم لرب بحالی کوریحک فریاد ایدوب دریای هندده کرداب قوری افسانه دن بلکه کرداب دیدکلری بروایت حبشه کنار سوا حله کردفوندن و بردخی سند قربنده جکد کورفوزندن عبارتدر. بونلره دوشن کیلر خلاصه امکان یوقدر، دیو دریا کتابلرنده مسطور و مقیددر دیوجک اسقندیل اولوب بش قولاج یر بولنوب هماندم اورته یلکنلر باغلیوب و سرنی ایسه ایلوب دورویه اوروب محکم آلات دوشروب ممکن اولدقجه اورسه زیر ایدوب دیک اوله ایله اول کون و اول کیجه فورسه قوللنوب آخر حقمک عنایتی ایله جذر زمانی ایرشوب و روزکار دخی دیرتسه ایدوب یعنی قولایایرب چاپازمه بلکه پوپه پورووا اولوب :

(سحری)

وجودک زورقن صال بحر عشقه روزکارکدر
خدا نکدر او کرمق صانمه ای دل روزکارکدر

ارتسی علی الصباح ماینه ایدوب یعنی آشاغه قویوب ویلکنی صویوب
درک نفقی لرندن بریرار کشتی بانی جوننده باغلیوب قوری سرنی دورویه

اوروب قازی بی درک دینه باصوب ابلی بر درک مقداری دخی قالقوب اطرافه نظر اولندقدده سرحد ولایت جامهرده بت خانه سچیلوب تکرار اشغه قونوب یلکن باغلیوب فورمیان ومنکلور اوکندن کچلوب سومنات اکنهیه النوب بعده سومنات اوکندن دخی مرور اولنوب عاقبت (دیو) ه واریلوب دیو کافر النده اولمغین دیودن خوف اولنوب اول کون یلکن کوسترمیوب سردرمه ایله یوریوب کتدکجه ینه روزکار آرتوب کیلرک دومنلری ضبط اولنمیوب بیوک یکدلر داقیلوب ایکی شر یولار ایله دوردر کشی بیک بلا ایله ضبط ایدوب قاردیه اوزرنده آدم طورمغه قابلیت اولیوب بلکه باشند یا که کمنه وارمغه قادر اولیوب چارمیخلر صداسندن کومیلرک سلسره سی آوازی فرق اولیوب باشند یا که اولان آلتجیلر ایله مانی مانی ایله خبرلشوب ورئیس لر ویلکنجیلر قمارتنده برلظه طورمغه قادر اولیوب آخر اکثر ایلقجی بی انباره استیفه ایدوب ودون اغاجلرین تالاز کیلرک اوستندن آلوب کیدوب والحاصل اول کون قیامتک برکونی اولوب آخر الامر دیار هندستانده ولایت جراته اریشوب امانه محلد معلوم اولیوب ناکاه معلملر فریاد ایدوب اوکمزده چتلاق یعنی دوکنسی وارغافل اولمک دیو خبر ویردکده دمورلری فونده ایدوب اما کی بی خرپشته محکم چکنیوب باتر مالی ایلیوب کورجکی طایفه سی قدینه لرین بوزوب وجهه خلق عریان اولوب کیمی واریل وکیمی طلوم حاضر لیوب بری بری ایله حالالشوب بو حقیر دخی عریان اولوب مالک اولدوغم قوللرومی ازاد ایدوب وفقرای مکیه شرفها لله یوزفلوری نذر ایلیوب آخر دمورلرک بری کویه وبری پوجوز دبندن قریلوب تکرار ایکی دموز دخی اوچوروب محکم دوشیوب برمقدار چتلقدن خلاص اولوب اما معلملر ذکر اولان شعب یعنی

دو کندی (فشت قید سور) بو محل دیو ایله دمن مایینی در بونده که کمی هلاک اوله برجان چقمق امکان یوقدر همان یلکن ایدوب کفاره قریب وارمغه اقدام کرک دیو اهتمم ایدیجک بو حقیر دریاده اولان زمانک مد و جذرین حساب ایدوب یعنی اقدی سن دوتوب و خارتی دن کرتیریز ایدوب کنار قریب ایدوکن تحقیق ایلیوب و کلام قدیم و فرقان عظیم دن تفأل اولنوب ساکن اولمق اولی کوریلوب و میلرک صولقلرینه نظر اولنوب هرا نبارده صوایکوی بلکه فرشی اورتوب کیلر غایت صولانوب همان دم کر درلر ایله دالدرمیسه اقدام اولنوب و بعض یرلردن کمی نک کوککی سوکلوب فالیه لری بوانوب بر مقدار صویکیلوب وایکندی زماننده هوا دخی بر مقدار آچیلوب دیار هندستانده ولایت کجراتدن دمن نام بندر مقابله سی اولوب و کنار ایکی میل مقداری انجق اولوب سائر کیلر دخی جمله آنده اولوب اما بعضی قدرغه کناره قریب اولغین دوکنمکدن زبون اولوب کورکلرین و صندالترین و واریلترین دریاه دکوب ذکر اولان اسباب مد ایله کناره چقوب و الحاصل بش کون و بش کیجه دمور اوزرنده حکم طوفان و بی حدباران اولوب زیرا اول زمان هندک بادصاد یعنی بارانی زمانی اولوب الیزدن نه کلور (کوکدن نه یاغه که بیر آنی قبول قلمیه) مثلی ایله عامل اولوب و ذکر اولنان ایامده هرکز کوندز کونشدن خبر و کیجه کوا کبدن اثر ظاهر اولیوب روز و شب اوکزدن پوسله وساعت کیتیموب و الحاصل هرکس دریای حیره غرق و بحر محته مستغرق اولوب و حیاتدن ال یویوب :

(آفتابی)

آفتابی دوغه دولت کنشی برکون اوله حق تعالی قولینی قهر ایله دایم قراماز

دیو خاطر غمکینه تسلی ویروب حکمت حَقَّک آندہ دخی دمور
اوزرنده اوچ کمی ارقری اولوب ایچلرنده اولان طایفه :

(حافظ)

کشتی شکسته کانیم ای بادشرطه برخیز باشد که بازیم آن یاراشنارا
دیوب خدای بی نیازه بیک درلو عرض و نیاز ایتدکلرنده بحمدالله
والمنه جمله سی صاغ و سالم کناره چیقوب خلاص اولدیلر .

ولایت کجراتده واقع اولان احوالی بیان ایدر

حضرت حَقَّک عنایتی اولوب بش کوندن صکره برمقدار روزگار
بوناتسه ایدوب یعنی باش قویوب لیانلق اولیجق هلاک اولان کیلرک
طوپلرین و سائر اسبابلرین کجرات پادشاهی سلطان احمد امراسندن دمن
حاکمی ملک اسدده یعنی قلعه دمن ده امانت قویوب و آندہ کلکوتدن
کلش برقاچ پاره جونک یعنی موسم کیلری بولنوب کیتمک اوزرد اولوب
نخودالری کمی یه کلوب کلکوت پادشاهی سامرینک سعادتلو پادشاه
حضرتلرینه انقیاد و اطاعتن عرض ایدوب روزوشب پورتقال کافری
ایله جنک اوزره اولدوغن اعلام ایتدکلرنده قدرغه لرده اولان معلملردن
اول ولایتدن معلم علی ایله سامری یه ان شاءالله عن قریب مصردن دوتمه
هایون کلوب اول دیارلری کافر الندن خلاص ایتمک مقرر در سز دخی
ارکبی اولوک دیو مکتوب یازوب ذکر اولنان کیلر ایله ارسال ایدوب
واول شهره حاکم اولان ملک اسد بو حقیره خبر کوندروب کافرک
دوتمه سی کلک اوزره در غافل اولمک قلعه سرتہ ایرشمک اردنجه اولک

دیوب بو خبری کیلرده اولان خلق استماع ایدیجک نیچه سی آنده قالوب
ملك اسده نوکر اولوب ونیچه سی دخی :

(یتیم)

صوبی باردقده دیشلر کمی کاغده یزدن اول بوجهان سیرن ایدن اهل وقوب
عالم بری قویوب بخرهواسنده یلان بوعلی ایسه آنک عقلینه ادراکنه یوب

دیوب صندالری باصوب کناره چیقوب قرده دن سرته عزم ایدوب
بو حقیرده تابع اولان بر مقدار کسنه ایله اقدام اولوب وهر کمی به برر
دنجوی یعنی قولاغوز آلتوب سرت نام بندره عزم اولوب بیك درلو
بلا ایله دریایه چیقوب یلکن کورک اولوب کیدرکن سلطان احمدک
وزیر اعظمی عماد الملك دن بر غراب ایله سرت کوتوالی اغا حمزه کلوب
مکتوب کتوروب کافرک جمعیتی واردر دمن آچوق یردر غافل اولمک
قلعه سرته کلوب اول یر مخاطره در دینلوب ییزم دخی مدعا من اول
اولوب بش کون خورقاریده مد زماننده یور ییوب جذر محننده دمور
قویوب بیك درلو بلا و محنت چکلوب آخر الامر حضرت حقک غنائی
ایله بندر بصره دن تمام اوچ آیده ولایت کجراتده قلعه سرته داخل
اولوب آنده اولان اهل اسلام مسرور اولوب خضر یتشدیکز ولایت
کجراتک اختلالی زماننده کلوب معین اولدیکز اگرچه نوح زمانندن برو
دریاده بومقوله طوفان اولماشدر اما دور آدمدن بوزمانه کلنجه دیار
رومدن ولایت هندک بوجانبارینه اصلا بر قورسان یعنی دریا علمنده
ماهر بر قودان کلامشدر مرجودرکه ان شاء الله الرحمن عن قریب الزمان
ولایت کجرات ممالک عثمانیه الحاق اولوب بنادر هندکفار خاکسارک
الندن خلاص اولمغه باعث اولنه دیوب مکر مقدا کجرات پادشاهی مرحوم
سلطام بهادرک اقرباسندن اون ایکی یاشنده سلطان احمد نام بر جوانی

پادشاه ایدوب تختنه کچدکده لشکره جلوس و یروب ناصرالملک نام بر اولو
 خانی آنی قبول ایتیموب کندو چتر قالدوروب پادشاهلق دعواسن
 ایدوب خیلی آدم جمع ایلوب بروج قلعه سن آلوب ایچنه لشکر قویوب
 کندو بر محله اوتوروب جمعیت اوزره اولوب کرده اولان کفار
 بدفعالک اوللری غوورنادوره مکتوب و آدم کوندروب معاونت ایلک
 بنادر کجرات هند یعنی دمن و سرت و بروج و کتبیاه و سومنات و منکلور
 و فور میان سیزوک اولوب قراسی بنوم اولسون دیوب سلطان احمد
 دخی لشکر چکوب بروج اوزرینه کلوب جنک اوزره ایکن ییزم کلدو کیمر
 استماع ایدوب آدم کوندروب توفکچی دن و غیریدن ایکی یوزمقداری
 یولداشیمز آلوب بروج اوستنه ایلتوب اوچنجی کون فی الواقع کافرک
 کوه و دیو و شیول و بسائی قپودانلری و پروه و دور یعنی دریا قپودانی
 و الحاصل کافرک بش قپودانی یدی عظیم قالیون و سکسان پاره غراب ایله
 کلوب بزدن خبردار اولیجق بزم ایله جنکه مباشرت ایدوب بزخی
 کناره چیقوب چادرلر قوروب و مترسلر بنیاد ایدوب ایکی آی مقداری
 روزوشب جنک تدارکنده اولوب بوفقیرک هلاکی ایچون ناصرالملک
 دیدکلری ظالم کافر ایله اتفاق ایدوب بعض فدائی یه برلک ایچه وعده
 ایلوب کیجه چادر مزه ارسال ایدوب نوبتجیلر اکاه اولوب فداایلر
 ناچار فرار ایدوب تکرار طعام ایله زهرلتمک فکرن ایدوب سرت
 قلعه سنده کوتوال اولان حسین اغا بو حقیری خبردار ایلوب تدارک
 اوزره اولوب حضرت حقل عایق ایرشوب هیچ بر طریق ایله ظفر
 بولیوب اتفاق سلطان احمد قلعه بروچی فتح ایدوب و خداوند خانی
 و جهان کیرخانی بر مقدار فیل و بر مقدار لشکر ایله سرته ارسال ایدوب
 کندو احمد آباده متوجه اولوب احمد آبادن سلطان بهادر اقرباسندن

سلطان احمد نام برجوان دخی چتر قالدوروب پادشاه اولوب تخته کچوب
 سلطان احمد وارد قدده مقابله ایدوب عظیم جنک اولوب کندویرا انوب
 و خانلرندن حسن خان دوشوب آخر شکست بولوب برجانبه فرار ایدیجک
 ینه مقدما پادشاه اولان سلطان احمد تخته کچوب بوغمدن ناصر المملک
 دخی اولوب کجرات قرار بولوب کافر بو احوالی استماع ایدیجک خدا -
 وندخانه الچی ارسال ایدوب بزم سزکله جنکمز یوقدر مقصد من مصر
 قپودانیدر دیو بو حقیری انلردن طلب ایدوب انلردخی بز بونی ویرمه
 قادر دکلو ز دیو جواب ویروب بوققیر ایله اولان لشکر الچی یی اولدرمک
 ایستیوب فقیر منع ایلیوب غیری پادشاه ولایتی در کندو حالیمزده اولام
 صو کینی کورده لم :

(نجاتی)

هله درد و بلایه صبر ایدلم کورده لم عاقب خدانیلر

دیوب مکر بو حقیرک کمی سندن برکافر آلا تبحی قاجوب الچی نک
 غرابنه کیروب بزم ایچون بونلرک احوالی بنم معلومدر عیددن صکره
 کیتملری مقرر در بونلری آلیویرمک بنم عهدمدده اولسون دیوب لشکر
 بوندن خبردار اولوب کافرک کمی سن باصوب ذکر اولان کافری طوتوب
 کتوروب قاعه اوکنده سیاست اولوب الچی کافر بو حالی کور یجک
 هراسان اولدی واول ولایتده تاری آغاجی دیمکله معروف خرما آغاجی
 مثالندن بر آغاج اولوب آنک هر بداغنه برکوزه آصوب بداغک او جینی
 کسوب کوزه نک ایچنه صوقوب متصل عرق رنکنده برصواقوب
 حرارت شمس ایله آز زماننده برعجب شراب اولوب هر آغاجک دبنده
 میخانه اولوب خلق دائما آنده عیش ونوش ایدرلردی اتفاق لشکر

خلفند بعضی اهل فساد آندن اچوب بری بری ایله سردارلرن اولدرمه
 عهد ایدوب یاتسی زماننده کلوب یغمور نام بریدنخت خنجر چکوب
 چرا کسه سرداری اولان حسین اغانک اوزرینه هجوم ایدوب بعضی
 یولداشلر قرشو واروب منع ایتک استیوجک ایکی یکیدی زخم ناک
 ایلیوب حاجی می نام بریرار یکیدی اولدوردوب لشکر اوزرینه کلوب
 حرم زاردهنک البته حقندن کل دیو هجوم ایدوجک بوولایت آخر
 پادشاهکدر بونده بزم حکمیز کچمز ان شاء الله صباح اهل حکمه اعلام
 اولسون دیدکده پادشاهمیزک حکمی هریرده جاریدر سردارمزن
 امر شرع هر نه ایسه سن حکم ایله بزحقندن کلورز دیدکدرنده کلام
 مجیدده ﴿ان النفس بالنفس والعین بالعين والانف بالانف والاذن بالاذن
 والسن بالسن والجروح قصاص﴾ دیو بیورلمشدر ایله اولسه آنک یرینه
 آنی دخی قتل ایتک کړک دیوجک فی الحال یرینه آنی دخی قتل ایدوب
 سائر اشرا بونی کور یجک تسکین بولدیار فی الحقیقه ﴿ولکم فی القصاص
 حیات﴾ فهو اسی ظهور ایدوب هر کس حضور ایلدی کافر بکری بو احوالی
 اشیدوب خیلی عبرت آلوب والچی هماندم عربهلر طوتوب سلطان احمد
 جانبنه کیدوب ولشکره خداوندخان الی شرو التشر اچه علوفه ایدوب
 عادل خان دخی بروجده اولان خاتمه ایله قیلوب خالق بری بری اضلال
 ایلیوب ایکی ییله قریب درکه علوفه یوزن کورمیوب وزادو زواده من
 قالمیوب وکیلرده آلات واسباب اولمایوب کیلر دخی کهنه اولوب من
 بعد مصره کیتک احتمالی اولدیفی متعیندر دیو نیچه سی :

(شیخ سعدی)

بدریادر منافع بی شمارست اگر خواهی سلامت درکنارست

دیوب و بریچه دخی :

(یتیم)

کرفلک فلک عاقلمیدر اول اختیار ایله دریا سفرن

دیوب والاصل هربری بومقوله نیچه درلو کفت وکو ایلیوب
عاقبت ولایت کجراتده اکثری نوکر اولوب کیلرخالی قالمغین قلعه سرتده
خداوندخانه یراقلری وموجود اولان اسبابلری ایله تسلیم اولنوب
بهالرن در دولته ارسال ایتمکه ضامن اولوب مزبور خداوند خاندن
وعادل خاندن تمسکله آلتوب بو حقیره تابع اولان وسعادتلو پادشاه
حضر تله رینک دوزن واتمکن بیلان حلال خوار بنده لرندن مصریکچریلری
کتبخداسی مصطفی اغا وتوفنکجیلر سرداری اولان علی اغا وبلوک
باشیلردن وسائر یرار یولداشلردن اللی مقداری یولداشله حق تعالی یه
توکل ایدوب :

(شیخ نظامی)

ان مع العمر چویرش قفاست شاد برانم که کلام خداست

مفهومی ایله عامل اولوب سنه اثنی وستین وتسعمائه محرم الحرامینک
اولنده احمد آباده عزم اولنوب برقاج کونده بروجه وبرنیجه کونده
بلودردیه واریلوب بعده چامپانز یولی ایله روانه اولوب یوللرده غریب
درختلر سیر اولنوب مثلا هر برینک باشی اوج سمایه ایروب اوزرلرنده
عجیب شب پره لکه برقنادندن اول برقنادینه وارنجه اون درت قارش
اولوب هراغاجده بومقوله یراسه لک حدی اولیوب و ذکر اولان
اغاجلرک کوکلیری یوقاردن نازل اولوب بیره واصل اولدقه اول دخی
نشوونما بولوب بر درخت اولوب مثلا بواسلوب اوزره براغاجدن اون
ویکرمی بلکه دخی زیاده اولی درختلر اولوب و ذکر اولان اغاجک اسمی

اول دیارده طوبی اغاجی اولوب وسایه لرنده نیجه بیک آنم کولکدلوب ویوللرند زقومدن غیری نسنه اولیوب و دیار کجراتده طوطیلرک حدی وحسری اولیوب و اول یرلر میمون اقلیمی اولوب هر کون بر محله قونلسه نیجه بیک میمون کلوب اطرافمز احاطه ایدوب اکثرینک اللرند یاور و نری بیله اولوب هربری اوضاع غریبه ایدوب کانه جهان شاه حکایتی کبی آرا لرند اهل حکم اولمدوغن اعلام ایدوب اخشام زماننده یننه مکانلرینه کیدوب ، و الحاصل بیک درلو بلا و محنت ایله کونلرده برکون محمود آباده کلوب اون بش کون تمام اولدقده پای تخت کجراته یعنی احمد آباده و اریلوب پادشاه ایله و عماد الملک ایله و سائر خانلر ایله ملاقات ایدوب سلطان احمده فقیرانه پیشکشمز عرض اولنوب انواع عنایتارینه مظهر دوشوب و پادشاه عالم پناه حضرتلرینه عرض اخلاص ایدوب کمال مرتبه انقیاد کوستروب بو حقیره برآت و بر قطار دود و خر جلق احسان ایتدیلر . و احمد آباد قربنده چرکش نام محله شیخ احمد مغربی زیارت اولندی . اتفاق برکون کافرک الجی سی ایله سلطان احمدک وزیر اعظمی عماد الملکده جمع اولنوب عماد الملک الجی یه بز پادشاه رومه محتاجز ؛ کیلر مز آنلرک بندرلرینه و ارماسه بزم حالیمز دیکر کون اولور خصوصا اسلام پادشاهیدر ؛ آنک قپودانن بزدن استمک مناسب میدر ؛ دیوجک بو حقیره غیرت کلوب : بره ملعون بنی بوزغون دونه ایله بولدیگز ، انشاء الله الرحمن ، عن قریب الزمان پادشاه عالمپناه دواتنده هر موز دکل دیو بلکه کوه دخی سزه قالمیه .

(لمؤلفه)

دکز یوزنده یورورز دشمنی آزار بولورز
اوجومز قومز آلورز بزه خیرالدینلی دیرلر

دیوب کافر دخی بنادر هندن شمدن صکره قوش اوچیز دیوب بعض
 کلمات ایدوب، حقیر دخی دریادن کیتمک لازم دکل، ان شاء الله، حق تعالی
 نصیب ایدرسه، قره دن وارمق بکا دخی آساندر. دیوجک کافر نطقه
 قادر اولمیوب دفع مجلس اولوب برقاق کوندن صکره سلطان احمد ولایت
 بروچی بو حقیره تکلیف ایدوب و مبالغه درلاک تعیین ایلیوب قبول
 قیلمیوب کلیاً ولایت جکراتی ویرسه کز دورمق محالاتنددر: دیوب اتفاقاً
 برکیجه مرتضی علی حضرت تلریخی، رضی الله عنه، خوابده کوروب، اوکده
 یازولی برکاغد پاره سی اولوب، بو حضرت حقل مهری در سنکله بیله در
 خوف حکمه: اکر حضرت حقل مهری بیزم ایله اولسه یاد ولایت لک
 صولری دخی بزدن کر یزان اولوردی: دیوب ایرتسی صباح ذکر اولان
 واقعه نی یولداش لره تقریر ایدوب جمله سی شکر ایدوب هماندم واروب پادشاهدن
 رخصت طلب ایدوب سعادت لو پادشاه حضرت تلرینک حرمتنه اجازت
 ووروب مکر اول ولایتده اولان بانیان کفره سنک بامیلرندن یعنی غایت
 عالم لرندن (بات) دیمکله معروف برطایفه اولورمش تجاری وسایر یو جلیاری
 برولایتدن بر آخر ولایتله سلامتله ایتمکله ضامن اولوب مقابله سنده
 بر مقدار اجرت تعیین اولنورمش. شویله که یوللرده راشپوت کافری یعنی
 هندونک آتلوسی کلوب کاربانه نهب و غارت قصد ایلسه مزبور باتلر
 خنچر لرین چیقاروب سینه لرینه طیا یوب بز متکفل اولمش ایکن کاربانه
 ضرر ایدرسکز: کندومز هلاک ایدرز. دیدکده راشپوت انلرک حرمتنه
 دخل و تعرض ایتیوب اول محلدن صحت و سلامتله عبور اولنور ایمش.
 اکر بر ذره جه ضرر ایتمسه لر فی الواقع ذکر اولان باتلر کندولرین
 هلاک ایدرلر ایمش. اکر ایتمسه لر اصلاً اول طایفه یه اعتماد قالمیوب بوقاعده
 اجرا اولنمزدی. اتفاق کاربانه ضرر واقع اولوب باتلر کندولری هلاک

ایستاد آیین باطل را ندر دواشپوت عظیم و بل ایدوب قتله مستحق اولورمش .
 اول ولایتده اولان راشپوت بکلری کلیاً آنده اولان راشپوتلری اوغلی
 قزلی و توانی ایلله قتل عام ایدرلرمش . اوایل اولسه احمد آبادده مسلمانلر
 بزه دخی ایکی بات کوندروب بر مقدار نسنه تعیین اولنوب سنه مزبورده
 صفر المظفرینک اواسطده قردیولی ایلله دیار رومه توجه اولنوب عربلر
 ایلله بش کونده شهر پتنه کلنوب شیخ نظام پیرپتن زیارت اولنوب آنده
 شیر خان و برادری موسی خان لشکر جمع ایدوب رادنپور خانی بلوچ
 خان ایلله جنگ تدارکنده اولوب بیزه مانع اومق قصدین ایدوب : آنده
 واریجق آنلره معاونت ایدر سکنز ، برقچ کون توقف ایدک . احوالمنز
 بر طرف اولیجق صحت و سلامت ایلله وارک کیدک . دیدکده ، والله العظیم ،
 بیز کیمسه یه معاونت ایچون گمده ، کندویولیمزده کیدرز : و انمرد پادشاه کزک
 فرمان شریفی واردرد . دیوبیک درلو تضرع و نیاز اولنوب آخر اعتماد
 ایدوب اجازت ویرلدی .

(مؤلفه)

ایلکان هند بیلان پتن سفرین	اختیار ایلسون محن سفرین
بیغلاماقدین عقیق بولدی کوزم	دیر کورم ایلمش یمن سفرین
در اشکمله دامنیم پردور	کویا ایلدوم عدن سفرین
یورا کوم بولدی نافه وش پر خون	نی تلای مین ایتبختن سفرین
یا الهی یننه میسر قیل	کاتبی بنده که وطن سفرین

والحاصل ، آندن دخی خلاص اولوب یوله گیریلوب بشنجی کون
 دنپورده کلنوب ، محمود خان ایلله ملاقات ایدوب . اول دخی انواع جفالر ایدوب
 خر اوچ یولداشمز آلیقیوب سایلرلرینه رخصت و یروب و یولده
 اشپوت کفری اولوب اما بکلری معاونت ایچون کلوب آنده بولنمغین

آندن کتابت آلتوب، سنده وارنجه کرایه دودلر طوتیلوب، احمد آباددن
یدر قه اولمق ایچون آلتان باتلره اجازت وبر مقدار خر جلق ویریلوب
روانه اولندی.

ولایت سندده واقع اولان سرگذشتی بیان ایدر

مبارک ربیع الاولک اولنده چیقیلوب اونجی کونی راشپوت
شهرلرندن پارکر نام شهره واریلوب کافر اوزرمزه هجوم ایتدکده
یکلرینک مکتوبن ووروب وبر مقدار هدایا ویریلوب یول ویردیلر؛ اما
یولده بیک مقداری راشپوت کافری واردر غافل اولمک؛ دیو تانیه ایلوب
چون ارتسی علی السحر روانه اولوب برکون صبح زماننده ناکاه
قرشودن راشپوت کلدی دیو غوغا اولوب :

(مؤلفه)

کورندوکی کبی راشپوت الای دودلر کوتوردی ردلای

هان دم دودلری چو کروب حولی ایلوب هر طرفدن توفنک سرپوب
کافر توفنک کور یجک آدم کوندروب؛ بیز جنک ایچون کلدک باج
استروز! دیوجک: بیز سودا کر دکایز، بیز یوکیمز دارو ومهر ددر آنک
باجن کوندردک، اکر دخی مقصود اولورسه ینه ارسال اولنسون؛ دیدکد
جوابلری دکوب بر طرفه چکیلوب بیز دخی ینه یولیمزه روانه اولوب
اون بش کون مقداری ریکستانده و بیابانده کیتدک برکون سرحد سندد
(وانکد) نام شهره یتدوک. آنده تکرار دودلر دوتیلوب بش کونده شهر
جونه وشهر باغ فتحه واریلوب، مکر سند پادشاهی شاه حسن میرزا قرق
ییل مقداری ولایت سندده پادشاهلق ایدوب بش ییلدن زیاده ایمش

نیم تن اولوب آته بنمکه قادر اولمديغی اجلدن متصل کشتی لر ایله دریای
سیحونده سیرایدوب، هر نه محله مقصد ایدینورسه آنده اولوب، ولایت
سندک پای تختده، تهده سلطان اولان عیسی ترخان شاه حسن میرزانک
قوللرندن بعض یرار کسنه لرین قتل ایدوب وقلعه نصرت آبادده اولان
خزینه سین لشکره توزیع ایدوب همایون پادشاه آدینه خطبه اوقیدوب
ونقاره چالوب شاه حسن میرزا دخی بگردن سلطان محمود نام کوکلداشی،
یعنی رضاغا قرنداشینی قراده لشکره سردار ایدوب کندو درت یوزپاره
کی ایله دریادن میرعیسی نک اوزرینه کلوب، اول محله بیزم کلدیکنز
استماع ایدیجک آدم کوندروب بیزی رعایت ایله قرشولیوب شهر
ربیع الآخرک اوائلده ملاقات ایدوب فقیرانه بر مقدار تحفه عرض
اولندقدہ بوبنده تعظیم و تکریم ایلیوب سرو پاوروب یعنی متعدد
خلعتار انعام ایدوب و آدمز لشکر غیب قویوب بو حقیرہ بندر لاهوری
یعنی دیول سندی تکلیف ایدوب قبول قیلمیوب رخصت طلب ایتدکده
ان شاء الله بعد از فتح رخصت در صحت ایله وارک دیوب سعادتلو پادشاه
حضرتلرینه کتابت یازوب والحاصل بیزی دخی میرعیسی ایله جنکه
مباشرت ایتدیروب مسلمانلر تضرع ایدوب توفیکلریکزده مهره
اوناسون زیرا جمله مز بر قومز برادرلریمز وفرزندلریمز اکثرانده در
دیوب فی الواقع او یله اولوب و مشایخ سنددن شیخ عبد الوهاب ایله
ملاقات ایدوب دعاسی آلوب و شیخ میرک و شیخ جمالی زیارت اولوب
و میرعیسی ایله بر آی مقداری جنک اولوب سرکوپلر یسایوب و طوپلر
قوروب ایکی جانبدن خیلی کسنه تلف اولوب تته بر جزیره اولوب
مقابله دن دو کیلوب طوپ کار ایتیوب فتح ممکن اولماحق ماینه کیروب
اصلاح ایدوب میرعیسی همایون پادشاه آدینه خطبه دن رجوع ایلیوب

و نقاره چالغی بر طرف قیلوب ینہ شاہ حسن میرزایہ تابع اولوب اوغلی میر صالحی پیشکش ایله ارسال ایدوب شاہ حسن میرزا دخی اوغلانہ میر عیسی لشکرہ توزیع ایتدوکی خزینہ دن باقی ہرنہ واریسہ جلدہ ویروب و اول ولایتی میر عیسی یہ مقرر ایلیوب وزیر منیلا یاری ایله فرمان و عہدنامہ و توغ بیکیسی ایله تکرار نقاره ارسال ایدوب و میر عیسی یہ تابع حبسنده ارغوندن و ترخاندن اون مقداری میرزایہ ہر برینہ خلعت و یروب آزاد ایدوب میر عیسی دخی میرزانک خاتونی حاجی بیگوم آندہ اولوب آنی اولدم کوندروب شہر جمادی الاولک اوائلندہ لشکر ایله سلطان محمود قرہ دن بیر شاہ حسن میرزا ایله کیلر ایله دریادن بکرہ متوجہ اولوب خاتونی کلوب ملاقی اولدقدہ اونجی کون میرزا وفات ایدوب خلقک اعتقادی خاتون زہرلدی اولدی :

(حمدی)

اریسک عورتہ اینئمہ اخی عورت ال آتدی انبیایہ دخی

ہمازدم سلطان محمود مرحوم میرزانک مالینی اوچ قسم ایدوب بر قسمی خانوننہ و بر قسمی بر خواجہ سی ایله میر عیسی یہ کوندروب و میتن دخی تتہیہ ارسال ایدوب بیزی کندو کیسنہ قویوب آتن و دودسن و سایر یرار اسبابن کندو آلوب قرہ دن بکرہ عزم ایدوب الی مقداری کمی ایله میرزانک متی و خاتونی تتہ جانبہ عزم ایدینک لشکر سایر کیلری یغما ایدوب کشتی بانلریمز قاچوب یولداشیر کشتی بان اولوب یغما ایچون ہر طرفدن چغتای هجوم ایدوب توفک حوالہ اولوب بیک بلا ایله اول محمدن خلاص اولوب آقسیدی یہ قرشو اون کون مقداری کیدوب ناصر پور نام شہرہ ایشوب مزبور شہری

راجه لر یعنی راشپوت بیکلری غارت ایدوب آنده خبر آلتوب میر عیسی
 اون بیک مقداری یرار آدم ایله سلطان محمودک اردنجه کیدوب اوغلی
 میر صالح سکسان پاره کمی ایله آردکزدن کلیورور دیدکلرنده تفأل
 اولنوب دونمک اولی کوریلوب جمع اولوب دفع بلا ایچون اون بریک
 اخلاص اوقوب ینه تته جاننه دونلوب اوچنچی کون دریاده میر صالحه
 بولشوب بر مقدار پیشکش ایله کیسنه واروب: قنده کیدرسکز؟ دیوسؤال
 ایدوب اناک میر عیسی کیدر دیدکده میر عیسی ایلرو کیتدی دونک
 دیوب کشتی بانمز یوقدر دیوعجز اظهار ایدوجک اون بش کشتی بان و یروب
 بالضروری ینه دونلوب تکرار اون کون مقداری کیدیلوب بر کون
 قصبه سنده واریلوب میر عیسی ایله ملاقات ایدوب مقدا مرحوم
 میرزانک یاننده اولان بکلر آنده بولنوب صلحه باعث اولوب وجنکه
 مقید اولنمادوغن عرض ایدکلرنده میر عیسی اعزاز و اکرام ایدوب
 کناهمزدن کچوب: برقچ کون بونده ییزم ایله اولک. ان شاء الله، میر صالحی
 هایون پادشاهه کوندرمک مقرر در بیه کیدک: زیرا سلطان محمود سزی
 بکردن قویویرمز، اول فرخ میرزا اوغلیدر؛ دماغنده پادشاهلق سوداسی
 واردر. دیوب فقیر راضی اولیوب: ییزه رخصت ویر، و آلنان کیلرن
 ییزم ایله ارسال ایله وبرجلودارک قوش. ان شاء الله اولدخی همان پادشاه
 آدینه خطبه اوقیوب ماینکزده آشتی اوله. دیو اقدام اولندقدده یدی
 پاره کمی سی اولوب جمله سن بو حقیره تسلیم ایدوب وبرجلودارین قوشوب
 کشتی بانلر و یروب سعادتلو پادشاه حضر تلرینه عرضه داشت یازوب
 روانه اولدق. یولده عظیم نهک لرتماشا اولنوب و کنارده ببردن اصلا
 ننها یورنمیوب و سه چه و ماچی طایفه سی ایله هر کون جنک ایلیموب
 ییک بلا ایله برقچ کونده سیاوانه کلنوب بعده پاتری و دبله یولی ایله قلعه

بکره کلنوب، سلطان محمودایله و مرحوم میرزانک وزیرى ملا یاری ایله ملاقات ایدوب سلطان بهرمقدار هدایا عرض اولنوب مصاحبت اولندقدده سلطان محمود دخی هایون پادشاه آدینه خطبه اوقیوب میر عیسی ایله ماینلری اصلاح اولوب و مرحوم میرزانک فوتنه :

(مؤلفه)

شاه حسن سندک شه ایردی ولی جیکتی اجل جامینی تاپی فنا
هاتف غیب ایتی تاریخی جنت فردوس مکانی اولا

دیو تاریخ دینلوب ذکر اولنان تاریخدن سلطان محمود غایت ذوق ایلیوب وایکی غزل تسوید اولنوب اولکیسی :

(مؤلفه)

فرقت الی فی طور اولور ییلماس ایدیم اسلامین آنینک خیالینی قیلماس ایدیم
آخر مینی اوچراقی سینک عشقینک انکا اوز حالیمه قالسه سندین ایریلماس ایدیم
دردنی سنکا ییغلاسه ای مه چشم بیردم کوزومینک یاشینی مین سیلماس ایدیم
بیلماس مینی رد ایتکینکی آخرسین هرکز ایشیکینکه ای پری کیلماس ایدیم
مجر آتشینی کاتبی اول تانیسم عشقی یولیدامونجه زمان ییلماس ایدیم

وایکنجیسی بووجهله ایدی :

(مؤلفه)

یارسز هر قایدا بولسام بیت الاحزان دور منکا یارسز هر قایدا بولسام بیت الاحزان دور منکا
عالم اول یوسف لفادین ابرو زندان دور منکا عالم اول یوسف لفادین ابرو زندان دور منکا
دشمن ایتور میش مینک چون یولینکا اولماس سینک دشمن ایتور میش مینک چون یولینکا اولماس سینک
دوستوم اول سوز باری والله بهتان دور منکا دوستوم اول سوز باری والله بهتان دور منکا
شریت اعلینک عطا قیلغاندا جان بیرسام فی تنک شریت اعلینک عطا قیلغاندا جان بیرسام فی تنک
ای طمیم سنکا مشکل ایرسه آسان دور منکا ای طمیم سنکا مشکل ایرسه آسان دور منکا
الغاج اطرافیم ملامت سنکی کونکوم شاد اولور الغاج اطرافیم ملامت سنکی کونکوم شاد اولور
غم چریکین دفع اوچون اول یخشی قوروغان دور منکا غم چریکین دفع اوچون اول یخشی قوروغان دور منکا
ایتلارینک لا کاتبی بندنکنی قیلدینک هم سغال ایتلارینک لا کاتبی بندنکنی قیلدینک هم سغال
نعمتینک حق بیکوم اول اولیغ احسان دور منکا نعمتینک حق بیکوم اول اولیغ احسان دور منکا

ذکر اولنان غزلاری سلطانه ایتوب رخصت طلب اندکده سلطان قبول قیلوب سعادتلو پادشاه حضر تلینه عرضه داشت یازوب : اما قندهار یولنده اوز بیک سلطانلرندن حیدر سلطان اوغلی بهادر سلطان نیجه بیک آدم ایله قزاق اولوب برکس کچورمز و باد سموم زمانیدر شمیدیکی محله اول جانبه کیدلنز بر قاق کون توقف ایدوک سیزه بر مقدار آدم قوشوب لاهور یولنه کوندردم اما آنده دخی طایفه جدوارددر غافل اولمک ؛ دیوب آنده دخی بر آیدن زیاده توقف اولنوب اتفاق بر کیجه والد حقیر و واقعه ده کوروب : « حضرت فاطمه رضی الله عنهای دوشمده کوردیم ، سنک سحت له کلمکی بکا مژده قیلدی . » دیوب ارتسی یولداشلره بشارت خبرن ویروب و سلطان محمود و واروب واقعه تقریر ایدوب البته کیدروز دیوجک رخصت ویروب و بر یخشی آت و بر قطار دوه و بر خیمه و بر شامیانه یعنی سایبان ویروب و یول خرجانی احسان ایلوب و ایکی یوزالی نفر حمازه سوارسندی قوشوب و هایون پادشاه اطاعت ایچون عرضه داشت یازوب مبارک شعبانک واسطنده روانه اولوب (سلطان پور) یولی ایله بش کونده ماو قلعه سنه وار یلوب جنکستان یولند جد طایفه سی واردر دیوچول یولی اختیار اولنوب ارتسی چاهلره وار یلوب صو بولمبوب بعضی آدملر باد سامدن و صوسزلقدن اولوم حالتیه واروب هر برینه تریاق فاروق و یریلوب ارتسی بیک بلایله افاقت بولوب بو حالی کور یجک چول یولندن فراغت اولنوب الغریب کالاعمی مقتضاسنجه دونلوب ینه ماو قلعه سنه کلنوب ذکر اولنان چولده سرچه مقداری قارنجهلر سیر اولنوب و همراه اولان سندیلر جنکستان یولندن کیتمه خوف ایدوب آخر یولداشلره استمالت ویروب و نصیحت قیلوب :

(یتیم)

قادر اولان نیجه شیر افکنه صونسه تدارکله صونر دشمنه
 رأی قوی واحد والف اولسه ار رأی قوی سمتی دراهل ظفر
 یز اولاوز واحد ودشمن مایه بزه یتر آیت : « کم من فایه »

دیوب اون توفک ایلروده واون توفک کیروده و سایی اورتده
 قونلوب حق تعالی حضر تینک عنایت بی نهایته توکل اولنوب روانه اولیجق
 سندیلر دخی بو وضعی کوروب ینه همراه ذکر اولان جنسکستان جان ستانه
 اوغرایوب هزار محنت و بلا ایله اون کونده اوچیه ایرشوب شیخ
 ابراهیم ایله ملاقات ایدوب دعاسی آلنوب و شیخ جمالی و شیخ جلالی
 حضر تلی قدس الله سرهما العزیز زیارت اولنوب مبارک شهر رمضانک
 اولنده روانه اولوب آب کاردیه واریلوب کلک باغلیوب اول معبردن
 عبور اولدقده سندیلر رخست ویریلوب آندن آب ماچواریه کنلوب
 اول دخی کشتی لرایله کچلوب آنده بش یوز مقدار یجد اولوب اما توفک دن
 خوف ایدوب نسنه یه قادر اولمیوب آندن دخی روانه اولوب اون بشنچی
 کون اواسط رمضانده شهر ملتانه [*] کلندی .

دیار هندوستانده واقع اولان سرگذشتی بیان ایدر

اولا شهر ملتانده حضرت شیخ بهاء الدین زکریا و شیخ رکن الدین
 و شیخ صدر الدین رحمهم الله زیارت اولنوب و شیخ محمد راجوایله ملاقات
 ایدوب دعاسی آلنوب و میر میران و میرزا حسن سلطان ایله ملاقات
 ایدوب اجازت آلنوب لاهوره عزم اولنوب صدکر دیه واریلوب آنده

[*] (ملتان) موطن کبی او قونور . سندک پای تختی در ملتان دارالامان دیر لر .

دخی شیخ حامد ایله ملاقات ایدوب دعاسی آلوب آندن اوائل شوالده لاهوره واریلوب ؛ مکر مقدا هندوستان پادشاهی اولان شیر خانك اوغلی سلیم شاه فوت اولوب اسکندر خان پادشاه اولدقده هایون پادشاه بونی اشیدوب کابلدن هنده عزم ایدوب اولا لاهوری آلوب ضبط ایدوب آدم قویوب کندوسی شهر سحرند اوکنده اسکندر خان ایله بولشوب اسکندر خانی باصوب دورت یوز فیل وضرب زنلری ایله دورت یوز عرب به سین آلوب اسکندر خان قاچوب مانکوت نام قلعه یه کیروب بر مقدار آدم ایله کشمیر میرزا الرندن شاه ابوالعالی بی سردار ایدوب آردنجه ارسال ایدوب کندوسی تخت دهلی یه واروب و خانلرندن اسکندر خان اوزبکی اکرده ارسال ایدوب ونیچه خانلری و سلطانلری کمینی حصار فیروز شاهه و کمینی سبله و بیانه یه و کنویجه کوندروب هر جانبده بکلر و لشکر جنك اوزره ایکن بز دخی لاهوره وارمش بولنوب حاکم اولان میرزا شاه یول ویرمیوب ؛ البته پادشاهه وارمینجه رخصت یوقدر ؛ دیوب آخر پادشاهه احوالیز عرض ایدوب ؛ اوردوی هایونه ارسال ایدوک ؛ دیو فرمان کلوب ذکر اولان ماینده بر آی مقداری زمان کچوب آخر الامر جمله مزی پادشاهه ارسال ایدوب و یانمزجه آدم قوشوب بالضروری روانه اولوب دریای سلطان پورکشتی لرایله عبور اولنوب حصار فیروز شاه یولی ایله یکرمی کون مقداری یوریوب غایت ذی القعدة پای تحت هنده یعنی شهر دهلی یه وارلدقده هایون پادشاه خبردار اولوب خان خانانی و سایر خانلرین و سلطانلرین دورت یوز فیل ونیچه بیك آدم ایله سعادتلو پادشاه حضر تلرینك عزت و حرمتنه استقبال ایچون ارسال ایدوب و بوبنده برات وایکی خلعت و خر جلق کوندروب اول کون آنده خان خانان عالی ضیافت ایدوب و دیار هندده دیوان اکثر

کیجه ایله اولمغین اخشام زماننده تعظیم و تکریم ایله پادشاهک دیوان هایونسه
ایلتوب (الهدایا قدر من یهدی) فحوا سنجه حقیرانه بر مقدار تحف عرض
اولندی . پادشاه ایله ملاقات اتدکده هندوستان فتحنه :

(لمؤلفه)

شاه جم رتبت هایون بخت یی اقلیم هندکه چون آتش
قیردی افغانی دهلی فی آلدی بولدی فرمان بری باری سرکش
اول فتحغه ایتدیلر تاریخ طالع دولت هایونش

دیو تاریخ دینوب وایکی غزل عرض اولنوب اولی :

(لمؤلفه)

اگر که حالیه رحم ایتکای حبیب مینیک
علاجی قایدا تاپار دردیه طیب مینیک
وصال یاری منکا قیلماس ایردی حق روزی
ازدین ای دل اگر بولماسه نصیب مینیک
شراب لعلینک اینجوب مست اولندی ای ساقی
مکرکه کیرمکای ایلکیمکا هیچ رقیب مینیک
روای دور دیمکای سین مینک او چون هرگز
نیچو کدور ورغم هجر یمدین اول غریب مینیک
یوزینی (کاتبی) کور کاج هزار عشوه بیلان
قول ایتدی کونکالومی اول شوخ دلفریب مینیک

وایکنجی غزل بو ایدی کیم :

(لمؤلفه)

وصل امیدم یوق مینک مشتاق روی یارمین
آرزو قیلمام بهشتی عاشق دیدارمین
ای طبیم ایشیکینک دار الشفاسیدین منکا
شربت لعلینکنی بیردر دینک بیلان بیمارمین

عقل وفکر وصبر وهوشیم قیلدی یغما عشق یار
 وادیء مهرانده قالدیم فی قیلای ناچارمین
 مجلس خاصه رقیب روسیه فی چاللمه
 ساقیا شکل قبیحیدین آئینک بیزارمین
 (کاتبی) خسرو بولیدر نظم ارا شیرین کلام
 وصف لعل یار بیرلهمین شکر گفتارمین

ذکر اولنان غزللردن پادشاه خیلی ذوق ایدوب رخصت طلب اولدقدہ
 رضا کوسترمیوب بو حقیره برکلور یعنی یوزلک وظیفه ایله پرکنه خرچه
 جایگیر و یروب وهر یولداشه بردلک یعنی یوزبیک اچقه درلک تعین ایدوب
 بو حقیر دخی قبول قیلما یوب کیتمه رخصت ظاہر ائدکده : «بریل باری
 بونده بزوم ایله اول دیو» ابرام ایدوب بوکینه دخی جواب و یروب :
 «سعادتلو پادشاهک امرشریفی ایله دریاه چیتوب کفار خاکسار ایله جنک
 ایدوب وطوفان ایله دیار هنده دوشوب بنوم در دولته وارم لازم درکه
 کفار خاکسارک احوالی دولتلو پادشاهه معلوم اولوب موجودرکه
 ولایت کجرات کافر الندن خلاص اوله» دیدکده : «پادشاه حضر تلرینه
 الچی ارسال ایدوب سنک عذرك عرض اولسون» دیو بیوردقلرنده :
 (میرک)

قال فخر الانام والامم اتقوا عن مواضع تهم

دیو بویرلمش ایکن بن بونی اختیار ایتک احتمال دکدر زیرا عن قصد
 بو ولایته کلوب رومه الچی کوند رتمش اولورم . «دیو انواع تضرع و نیاز
 اولندقدہ رخصت عنایت اولنوب : «اما اوچ ای برشکال یعنی باران زمانی در
 یوللر قیشدر کیدملک ممکن دکدر اول زماندهک توقف ایله وعمل کسوف
 و خسوفی زیجه وتقویم کالیه مراجعت اولدمدن اسطراب عملی ایله

طریقین کوستر و دائرہ معدّل رسالہ سنی تعلیم ایلہ اگر اوچ آیدن اول
اولورسہ دخی رخصت در . « دیو عهد و امان ایدوب بالضروری توقف
اولنوب کیتیمکن مایوس اولوب الیأس احدی الراحین ایلہ عامل اولدق .
اما نہ کیجہ من کیجہ ونہ کوندوزیمز کوندز اصلا راحت یوزن کورمیوب
آخر پادشاه ذکر اولنان رسالہ من اولہ الی اخرہ تعلیم اولنوب و عمل
کسوف و خسوف اسطرلاب عملی ایلہ کوستریلوب اتفاق اکرہ فتح
اولوب آنوک فتحنہ دخی تاریخ تکلیف ایدوب علی الفور دینلوب :

(مؤلفہ)

فلک رفعت هایون شاه غازی	سالور پرتولواسی مهر و ماهه
یتیشقی هندکہ قیلدی دهلی فی فتح	نزول ایتی حصار دین پناهه
یپاردی نیجه خان فی اکرہ ساری	بیریب کوب استمات لاز سپاهه
دوام دولتیدا فتحی اینیک	میسر بولدی منت اول الاله
ایتی انکا بیر ایکسکلی تاریخ	مبارک بولسون اکرہ پادشاهه

ذکر اولنان تاریخ خیلی پسندیده دوشوب اتفاق برکون تقریب ایله پادشاهه
سلطان محمود بکریک احوالی عرض اولنوب عهدنامه کوندرملک التماس
اولنوب قبول ایدوب عهدنامه ارسال ایدوب طغرا یرینه زعفرانی
نچہ سین اوروب سلطان محمودہ واصل اولدقدہ بوحقیرہ سلطان ووزیری
منلایاری مکتوب یازوب سلطانک مکتوبنک مفہومی بوایدی کیم :

صورة مکتوب سلطان محمود

« اشتیاق و آرزو مندلیق لار دین سونک سوز اولکیم تابقی محب دولت
ملاقات و سعادت مقالات دین محروم بولدی . کیجہ و کوندوز بوفکر
و ذکر دا ایدی کیم یارب قاچان بولغای کیم اول سعادت پناه حضرت

پادشاه ظفر دستکاهینک درکاهیدا هر سوزینه بوفقی دینک اراسیدا
دولتخواایق بابید اوتوب تور عرضغه یتیکوروب هر قیل وقلی کیم اول مجلس
عالیدا اوبکای بارچهنی مشروح یتیب بویتب ساری یبارکای لار. بواننده
آدم کیلیب تاج خاصه و مفتوح وتون کیتوروب فرمان و عهدنامه فی بیردیلا؛
چون حضرت پادشاه دین پناهینک مبارک نچه لارینی اول فرمان یوزیدا
بوفقی کوردی بیلدی کیم بونیابت اول سعادت پناهینک دور :

(یاری)

زعفرانلیغ نچه سی کون نچه سینی قیلدی پست

بومثل مشهور دور کیم دست بر بالای دست

و اول فرمانینک حاشیه سیدا حضرت پادشاه دین پناه اوزلاری کلک کوهر
نشارلاری بیلان مرقوم قیلیب ایردیلا کیم وحیدالدهر فرید العصر
امیر سیدی علی باری سوزونک فی عرضغه یتیکوردی و درجه قبول
ناپی دیو بیوریش از شاء الله بورابطه که سیزینک ییزینک ارامزدا
دنیا داکیم نصیب بولوب تور آخرت ته هم یوز مونجه بولغای « دیوانواع محبت لر
عرض ایدوب و منلایاری نک مکتوبی نک فحوا سی بوایدی کیم :

صورة مکتوب منلایاری

« یوقاری تابوغیدا عرض دعا و ثنادرین سونک معروض رای مهر آرای
و ضمیر فرح افزای اولکیم تابوذره قایل الاستطاعت دوات ملازمت
و سعادت مواصلت دین محروم دور لحظه بلکه لمحه یادلاریدین غافل ایماس

(منلایاری)

چو غربت ایچرا منکا و صلینکیز نصیب ایماس

من غریب فی کرسور سانکیز غریب ایماس

داغی اول حضرت دین عهدنامه بیرلا مکتوب شریف کیتورمادیلر
حضرت نواب سلطان و بواسیر وادی هجرانکایسی کلفت بولدی وهر
زمان سلطان ایتورلارکیم اولاردین کوب منفعل بیرخدمت شایسته
قیلما دوک و تقصیر کوب بولدی .

(یاری)

ای دوست خلاف دوستداری قیلما

غربت ته قویوب کوب منکا خواری قیلما

غنلت فی اونیت مونجه مینک حالیدین

یاری فی اونوتما ترک یاری قیلما

چون اظناب موجب ملال خاطر ایردی بورباعی غه اختصار قلیب دعا
بتیلدی . «دیو بی حد نیازلر عرض ایدوب سالحانک مکنوبی پادشاهه عرض
اولنوب دست بر بالای دست مثلندن غایت ذوق ایدوب بو حقیره جواب
دیمک تکلیف ایدوب غایت خوب محلدیر دیوب ارتسی دینلوب (المأمور
معذور والعذر عند کرام الناس مقبول) اعتذاری ایله عرض اولندی .

(لمؤلفه)

دست خون آلودینک ایتی پنجه مرجانی پست

بو مثلدور ایل اراکیم دست بر بالای دست

اول لبی میکون اگر مجلسده بیردم بولغای

ساقی قان ییغلاب صراحی جام می بولسون شکست

مست عشقه اهل تقوا طعنی قویسون ایتیکیز

دایما هشیار اراسیدا بولور معذور مست

ظاهرین کورمه کیشینک باطنی غه قیل نظر

زاهدا معنی غه باق آدم ایماس صورت پرست

باعث کیفیتیکنی قایدا ذوق استکای سینینک

ایچمکان وحدت شرابن (کاتبی) روز الست

ذکر اولان غزلی پادشاه کوروب انواع استحسانلر ایدوب، بو کینه بنده یه «میر علی شیر ثانی» دیو خطاب ایلدوب، فقیر: «دخی میر علی شیر ثانی اولمز بی روی اولوب خوشه چینی اولماغه اقتدار اولسه راضی اولوردق.» دیوب، تکرار پادشاه: «حق علیم درکه بریل بوروشه وزرش اولنه چغتای طایفه سنه میر علی شیر ی اوتور ورسن.» دیو خیل لطفلر کوستروب بوکون ینه اثنای مصاحبتده متقرب میرزالرندن خوش حال بیگ نام برجوان بی بدل پادشاهک اوق یایی قورچیزی و داخل مبحثی اولوب اکثر مجلسده مباحثه شعریه ایدردی. مناسبت ایله بو بنده یه ایکی غزل تکلیف ایدوب قافیه وردیف تعیین قیلوب ارتسی دینلوب اول مجلس همایونده اوقندی اولکیسی:

(مؤلفه)

رخ لاری کیفیت میدین چنان کیم آل دور
ساقیا تانیرمین اول کانچهردن خوش حال دور
نقد عمر نیکی متاع وصلغه خرج ایتکانتینک
دیل بیلان کنکاشنی قوی عالمغه اول دلّال دور
مرده لار احیاسیدا لعلی مسیحادور ولی
زلفی جادو، چشمی فتان، غمزه سی قتال دور
لب لاری یارینک چو چو کدور، دل نیچون میل ایتکای
هر نیرسه کیم چو چو ک بولغای کوکل میال دور
تیلّه بولوب ییغلامه قلاش مین دیب (کاتبی)
سیم اشک یرلا درون سینه مالا مال دور
و ایکنجی غزل بو ایدی کیم:

(مؤلفه)

چین دور و زلفینککه جادو لیغ اتی یلغان ایماس
کفر استادی خطینککه ای صنم بهتان ایماس

شربت لعلینکنی بیرمین خسنه که دارونی قوی

ای طبیم اول میننک دردیغه هیچ درمان ایماس

عیب ایما سمولاف عشق اوراق کیلیب عشاق ارا

عشق میدانیدا آیننک کیم باشی غلطان ایماس

یارغه اتینک قیلماسون اغیار بیر لا کفت وکوی

هم نفس بولماق ملک شیطان بیلان چسبان ایماس

عید وصلی بیرکای ایل اول قاشی یایننک (کاتبی)

قبله دین یانسون یوزی هرکیم انکا قربان ایماس

ذکر اولسان غزللر ولایت هندده شهرت بولوب هرکس

ورد زبان ایدوب اتفاق برکون میرزالردن پادشاهک آفتابه جیسی

عبدالرحمن بیگ نام برجوان نورسیده اولوب اول دخی پادشاهک

خیلی مقبولی وزیاده نازلیسی ایدی: اکثر صحبت حاصلرده بیله مجلسده

اوتوروب اول دخی داخل مبحث اولوب کفت وکو ایدردی. آنوک ایله

دخی نچه دفعه مشاعره اوانوب مناسبتی ایله ایکی غزل دخی دینلیدی اولکیسی:

(مؤلفه)

اول پری چهره قاچان ناز ایلکای ناله غه عشاق آغاز ایلکای

ییریدور اول غنجه نیک دل بللی کلشن کوییدا پرواز ایلکای

عاشق اولدور بزم غمدا ساقیا ناله سین فی بیرلا دمساز ایلکای

ایتلاریله هم سفال ایلاب مینی او مرین عالدا ممتاز ایلکای

دلبر اولدور عاشقه ای (کاتبی) لطفینی کوب، جودینی آز ایلکای

ایکنجی سی دخی بوایدی کیم :

(مؤلفه)

تشیه ایتیب لینککه اوزین باده قیلدی نفع

نرکس کوزینککه اوخشار ایتری بخاری دفع

دعوت میسر اولسه دعا بیرلا اول پری

اغیاری بردعا بیلان آسان ایروردی دفع

اول ای حجاب ایتر یوزیکه زغین ابدوش
کیل ای صبا یتیش آرادین قیل حجابی رفع
کوردو کجه قامتینکی سجود ایتیکیم بوکیم
دیرلار نماز جایز ایماس بولما یجه شفیع
یانیب یاقیلسه دل نولا در دمنی (کاتبی)
نار فراق بارچه وجود منی قیلدی شفیع

والحاصل آنلرایله روزشب بر آن مباحثه دن خالی اولیوب وهرگز
پادشاهدن بر دم آرو اولمازدی. برکون پادشاه بو حقیره: «ولایت رومی
کوپدور یوقسه هندوستانی کوپدور؟» دیو سؤال ایدوب: «پادشاهم رومدن
مقصد، نفس روم ایسه اول ولایت سیواس در، هندوستان چوقدر اما
پادشاه رومه تابع اولان ممالک ایسه هند آنوک عشر عاشر نجه یوقدر.»
دیو جواب ویروب، پادشاه دخی: «مقصد جمله سیدر.» دیو جک: «پادشاهم
بو حقیره لایح اولان اولدرکه اسکندر دنیایه حکم ایدوب یدی اقلیمه
مالتک اولمسی غالباً پادشاه روم اولدوغی کی در: زیرا تواریخده اسکندرک
عمری ومدت سلطنتی معلومدر اول تقدیرجه اسکندر کلیا اقالیم سبعه یی
سیر ایدوب حکم ایتک عقلا محالدر. زیرا ربع مسکونک طولی یوز
سکسان درجه وخط استوادن عرضی التمش الی درجه در: آنوک مساحتی
کتب هیئاتده دورت بیک کره بیک واتی یوز التمش سکزیک الی یوز
یتمش فرسخدر. ایله اولسه آنوک جمله سن سیر ایدوب حکم ایتک میسر
دکلدر. غالباً هراقلیمدن پادشاه روم کیی حصه دار اولوب، آنوک ایچون
یدی اقلیمه حکم اتدی دینور.» دیو جک: «پادشاه رومک یدی اقلیمده
حصه سی وارمیدر؟» دیو سؤال ایدوب جوابنده: «اولاین اقالیم اولدن،
ومک شریفه اقالیم ثانیدن، ومصر اقالیم ثالثدن، وحلب اقالیم رابعدن.»

ودار السلطنه محروسه قسطنطنیه اقلیم خامسدن، و کفه اقلیم سادسدن،
 وبدون ويچ اقلیم سابعدن در. بونلرک هر برنده پادشاه رومک بکلر بکيلری
 وقاضی لری اولوب حکم و حکومت ایدرلره و بوندن غیری حق عایم درکه
 ولایب جگراتده سمرت نام بندرده خواجه بخشی و قره حسن نام
 سودا کرلردن مسموعدرکه ولایت چینده بیرام اولوب سودا کرلر بیرام
 نمازین قیلمق مقصود ایدینوب هر طایفه کندو پادشاهلری آدینه خطبه
 اوقتمق مقصود ایدینوب روم سودا کرلری: خاقان چینه واروب بیزم
 پادشاهمز مکّه و مدینه و قبله پادشاهیدر. « دیو عرض ایلدکده کافر ایکن
 انصاف ایدوب: « مکّه و مدینه پادشاهی آدینه خطبه اوقوک. » دیو حکم ایدوب
 رومی سودا کرلر خطبه خلعت کیدوروب وفیله بندروب شهری
 کردروب بعده بیرام نمازین قیلوب ولایت چینده پادشاه روم آدینه خطبه
 اوقنوب بومقوله احوال کیمک حقنده اولمشدر؟ « دیوجک انصاف ایدوب
 خانلرینه و سلطانلرینه خطاب ایدوب: « حق بودرکه روی زمینده پادشاهلق
 نامی دوللو خداوندکارک حق در اوزکانتیک دکلدور. » دیو اعتراف ایلدی.
 وینه برکون دخی قرم خاندن سؤال ایدوب: « اکا دخی سلطنتی سعادتلو
 پادشاه ویرور. » دیو جواب ویردکده: « اول صاحب خطبه در دیو استماع
 اولنور. » دیوجک: « پادشاهم سایر پادشاهلردن پادشاهمزک کلی امتیازی
 اولدرکه صاحب خطبه و صاحب سکه پادشاهلق عنایت ایدر. » دیوجک
 تسلیم ایدوب پادشاه حضر تلرینه دعالر ایلدیلر. برکون پادشاه ایلله مشایخ
 دهلی زیارت اولنق ایچون سوار اولوب شیخ قطب الدین پیر دهلی
 و شیخ نظام ولی و شیخ فرید شکر کنج و میر خسرو دهلوی و میر
 حسین دهلوی زیارت اولنوب اتفاق میر خسروک اوزرنده مرحومک
 اشعارندن گفت وکو اولنوب دریای ابرارک مطامی واکا نظیره اولان

مطلع لر ذکر اولنوب اول محله بوحقیره بدیهی برمطاع لایح اولوب
پادشاهه: «اگرچه کستاخقلدر امامیر خسروک روحانیتی قوتی درکه برمطاع
طلوع ایلدی.» دیوجک پادشاه «اوقی!» دیو ابرام ایلوب اوقینوب :
(مؤلفه)

هرکه قانع شده بیک نان پاره مردمه ترست کار او از جمله شاهان عالم به ترست
دینلر کده پادشاه حال ایدینوب : «والله العظیم این به ترست!» دیو استحسان
ایلدی . غرض ، مطاعی ذکر ایتک دکدر همایون پادشاهک لطف
طبعی درکه ایهام ایدوب این به ترست دیدوکیدر . اتفاق برکون دخی
میرزالردن مهرادری شاهین بیک نام بر جوان که پادشاهک غایت مقبولی
وهم سری ایدی . اکا واروب پادشاهدن اجازت مقصود ایدوب تهی
اولماسون ایچون ایکی غزل دینلوب بیله ایلتلدی اولکیسی :
(مؤلفه)

هر سحرای یوزی کل کلشن کونیککه یاریب
بیغلار احوالینی دل شبنم اشکمنی تاریب
کورکاج ای غنجه دهن کل یوزوکی کلشندا
کل بیلان غنجه خجل بولدی حیادین قیزاریب
ای طپیم دل مجروح شفا تاپسه فی یار
سین شکر لبی قرا باغریغه بیر لحظه ساریب
یوراکیم هر المی بیرلا ییچون پر خون دور
کورکاز ای دل آتی اول خونی غه باغریشکی یاریب
(کاتی) سین ره عشق ایچرا سرآمد بولدونک
تاشله فرهاد ایله مجنوتی الار قالدی هاریب
ایکنجی غزل :

(مؤلفه)

کپرکی اوقینه قاشی یارینک کان یاسار
دلی سینم اوزره پنجه داغیم نشان یاسار

مغرور بولما حسینکه ای قاشلاری کمان
 رستم لارینک کمانی آخر زمان یاسار
 بی تاب بولسه دل تب هجرینکدین ای پری
 آهم ترجم ایلاب انکا سایان یاسار
 قصر وصال یاره کونکل قیلمغه عروج
 عاشق کمند آهی آنکا نردبان یاسار
 دل رشتغه چیکار در اشکنی (کاتی)
 اوخشارکه یاره بارماغ اینخون ارمغان یاسار

ذکر اولسان غزل لر آراده همان برهانه اولوب بی حد تضرع
 ونیاز اولنوب اول دخی انواع وعده لر قیلوب آخر برکون نشاط
 خبرین ویروب: «رخصت زمانیدر، پادشاهه احوالکی نظم ایدوب اعلام ایله.»
 دیوجک عرضه داشت یازیلوب: «زمان برشکال تمام اولدی شمدن صکره
 کیتمک محلیدر.» دیو احوالیمز عرض اولنوب مناسبتی ایله ایکی غزل
 دخی دینلدی اولکیسی :

(مؤلفه)

دولت سنینک بیان اکر ای دل بولورسه یار
 قیلغای وفالار اول صنم شوخ وشیو دکاز
 بیر بیر کاکیلسه خاک رهک بیرلا ای پری
 تو فراچه بولما غایدی ایننک البدایه
 شفتالو سورسم اول لبی عناب لارغه کر
 هرقایسی بولسه خشم ایتیب ایتورکه ناری یار
 کریه قیلوب ایشیککه یوزسورت دوکم بؤکم
 کوز یاشینی بولورسه سوییر غال قیلای نثار
 یوقاری تا بوغیدا شها قورقه ایمنه
 دردخی (کاتی) سنکا عرض ایلسه فی بار
 ایکنجیسی روم طرزی اوزره ایدی :

(لمؤلفه)

غافل اوله دوشدو کک یر ملک هندوستاندر
 میل ایدوب آنده قلانلر جمله سرکرداندر
 عالی کشت ایلینلر دیدیلر بالافاق
 حق بودر دنیاده جنت ملکت عثماندر
 وآزوب آنده برنظر کورمک احبانک یوزین
 بلمش اول ای خسته دل هردرکه درماندر
 دوش ایاغینه همایون پادشاهک رخصت آل
 دایما دوشمشلره آنوک ایشی احساندر
 میل ایدرسه قالمغه دل طفلی هندوستانده
 (کاتبی) اویعه سن آ کا اولدخی اوغلاندر

ذکر اولنان عرضه داشتی وغزللری پادشاه کوروب مرحمت
 وشفقت ایدوب رخصت عنایت ایلیوب وبوبنده یه تکرار آت و سروپا
 یعنی خلعت ویول فرمانی ویروب کتمک اوزره ایکن ، حکمت اللهک
 جمعه کون اخشام نمازی وقتنده پادشاه خلقه کورنش ایدوب قصردن
 اینرکن اذان اوقوب دایما عادت شریفه لری اذان اوقدقده دیزچوکوب
 تعضیماً اوتورلردی . اتفاق ینه اوپله ایدوب اول محله « الحذر لایفی
 عن القدر » مفهومجه نردباندن دوشوب مبارک ناشلری مجروج وقوللری
 شکست اولوب عالم بری برینه کیردی . بر ایکی کون توقف اولسوب
 اطرافه نامه لر پراکنده اولوب : « پادشاه الحمد لله خوش حالدر » دینلوب
 وفقرایه تصدقلر ولشکره انعام واحسانلر ویرلوب اوچنجی کون دوشنبه
 کون دار زحمتدن جوار رحته انتقال ایتدیلر : انا لله وانا الیه راجعون .
 اوغلی جلال الدین اکبر میرزا خان خانان ایله شاه ابوالعالی بی کورمک
 ایچون مقدما کتمشلر ایدی . همان دم ایشیک اغاسینی آنلره ارسال

ایدوب پادشاه قتده اولان خانلر و سلطانلر خیلی مضطرب اولوب:
 «احوالیمز نیجه اولور؟» دیدکلرنده فقیر استمالت و یروب: «مرحوم و مغفور
 سلطان سلیم، خان علیه الرحمة والغفران، حضر تتری آخرته ارتحال اتدکه
 سعادتلو پادشاه تحته کچنجه مرحوم پیری پاشا انواع تدبیرلر ایدوب خلق
 اکاه اولدی سیز دخی برتدارک ایدولکه اوغلی نه خبر وارنجه کمسنه
 واقف اولیه» دیوجک آنلر دخی خوب تدبیرلر ایدوب کماکان دیوان
 شوانی چکلوب و خاصه اولوشی امرایه چقوب و عادت اوزره مناصب
 ویرلوب «پادشاه چارباغه کیدر» دیوآت حاضرلنوب هوا خوش اولدی
 دیو فراغت اولوب ارتسی خلقه «کورینوش در» دینلوب منجملر ساعت
 خوب دکدر دیو منع اتدکلرنده لشکر اضطراب ایلوب آخر پادشاهک
 مصاحبارندن منلا بی کسی دیرلر برکمسنه اولوب نوعا پادشاهه مشابهتی
 اولوب اما قدی کوناه ایدی آئی سه سبه کون دریاه مشرف برایوان
 اوزرنده نخته کچروب پادشاهک لباس کیدروب یوزن و کوزین صاروب
 خوش حال بیگ قفا سنده و هیرمنشی مقابله سنده طوروب جمیع سلطانلر
 و میرزالر و رعایا و عوام الناس کلوب لب دریادن پادشاهی کوروب دعالر
 اتدیلر. و شادیانه چالنوب و طیبیه خاعت ویرلوب پادشاهک حتی مقدر
 اولدی. همان ارتسی بوققیر واروب امرایه و داع ایدوب پادشاهک حتی
 خبری ایله اواسط ربیع اولاولده نج شنبه کون لاهوره عزم اولنوب
 شهر سونی پته اندن پانی پته اندن قرناله کلوب بعده تانی سرد اندن شهر
 ثمانیه ایریلوب انده حاکم اولان قره بهادر سلطانه: «پادشاه کورینوش
 قیلدی» دیو خبر ویریلوب و هریرده: «پادشاه صاغدر» دیو جواب اولنوب
 آخر سهرند یولی ایله ماچوارمه اندن باجواره یه واریلوب و دریای
 سلطان پور کشتی لر ایله عبور اولنوب و الحاصل محکم الغار ایلوب ماه

ربيع الآخرک اوئندە تکرار لاهورە کئوب و جلال الدین اکبر میرزا پادشاه اولوب لشکره جلوس و یروب لاهورده وغیری یرلرده آدینه خطبه اوقتوب لاهور حاکمی میرزا شاه بیزه ینه یول و یرمیوب: «پادشاهدن امر کلدی برفرد کابلە وقدهاره کتمیه» دیوجک تکرار پادشاه جانبە عزم اولوب کئوره واریلوب اندن قلعه مانکوت مقابله سنده واروب جلال الدین اکبر پادشاه ایله و خان خانان ایله ملاقات ایدوب بیرام خانک خواجه سی منلا پیر محمدی میرزا کوندروب «فترت زمانیدر برقاچ کون بونده بیزم ایله اولمق جایز اولورسه ولایت هندو سندرک هر نه محلی مقصودی اولورسه اکا تعیین ارلسون» دیو بیورد قارنده فقیر همان دم مرحوم پادشاهک فرمانلرین آلوب وفوتی ایچون تاریخ و تعریض کونه برغزل دینلوب واروب فی الحال عرض اولندی :

(مؤلفه)

هند ایچیدا برهمای ایردی همایون پادشاه
بیردم ایچرا بولدی شو نقار ایلادی عزم آله
اول مضیبتی ایشکاج جغیریب زاری بیلان
ایتیکیز تاریخ فوت بولدی همایون پادشاه
ومناسی ایله بوغزل دخی ویرلدی :

(مؤلفه)

غرض جوروجفا ایماس جهانینک شاهی بولماقدین
ساقین عشاق نینک ای مه خدنگ آهی بولماقدین
شه رومک ایشیکدا باریب دایم کدا بولماق
منکابه راک دوره رکوب هند و سندنینک شاهی بولماقدین
حیبینک کوییدا منکا رقیب اولماق تیلار همراه
خدایا مینی سین ساقله اینک همراهی بولماقدین

مینی اولتورسه اول خونی قوینک منی قیلینک ترغیب

مهام اولدور کیشینک کیشی دولتخواهی بولماق دین

وفا قیلماق میسر بولسه سنکا اول جفا پیشه

رقیبینک (کاتی) غم تارتمین اگاهی بولماق دین

میرزا خوش حال اولوب واتاسینک فرمانلرین کورب ورخصت
ویروب کابلہ برمقدار آدم ایله درت بیگ کوندروب بیزی دخی آنرہ
قوشوب ینه لاهورہ کلنوب وشاه ابوالعالی بی طوتوب بند ایله قلعه
لاهورہ کوندروب حبس اتدیلر. وبوحقیرہ تاریخ جایزه سی ایچون پروانه
ویروب بهردن برلک خرجلق همت ایدوب بکلر ایله لاهورہ جمع
اولوب کتمک تدارکنده اولدق. وهندک عجایب وغرایب سیر ایدوب
جمله غرایبندن بری بودر: که کفره سنه اهل بکرات «بانیان» واهل هندوستان
«هندو» دیرلر. آنلر کتابی دکلردر قدم عالمه قایلردر، بری اولسه اولوسی
دریسه یوکلنوب دریا کنارینه کلوب اولولرین آتسه یاقرلر. ار اولوب
عورت قالسه اکر عملدن قالمش اولسه آنی یاقمزلر؛ واکر اره وارمغه
قابل اولسه انی خواه ناخواه یاقرلر، عورت کندو حسن اختیاری ایله
یانسه قومی سازلر ایله شادیلقلر ایدرلر. اکر اهل اسلامدن برمقدار
کمنه جمع اولوب یانمق استرکن اللرندن ضربی السه لرانوک ملک اولور،
ایرق طلب ایتمزلر؛ انکچون پادشاه جانبندن ادملر آلوب یانرکن حاضر
اولورلر که خلق مانع اولیه. وبری دخی بودرکم علم آهولر اولور؛ شاخارنده
برر کند آلوب شکار اوزرنده وحشی آهولرہ انلری صائرلر، واریحق
اول آهولر کندو جنسارینی کوروب الجنس الی الجنس یمیل مفهومانجه
میل ایدوب کلورلر باش باشه ویروزلر؛ همان دم ذکر اولتان کندی انلرک
بویزلرینه کچرب کندولر دوشرلر آهو حرکت اتدکجه کند محکم اولور

قاچغه قادر اولمز واروب دوترلر . جمعی دیار هندده آشویی بواسلوب
اوزرینه شکار ایدرلر و بیابانده بی حد کاومیشلر اولور آنی دخی فیل
ایله شکار ایدرلر . مثلاً فیلک اوزرنده قلعهلر ایدوب ایچنه آنملر کیروب
صحراالده کزدرلر ؛ چآنکه فیل کاومیشه ایریشه ایکی دشی ایله باصوب حفظ
ایدر . صیادلر اینوب بوغازلرلر و کاو قطاسک دخی بیابانی سنی بومنوال
اوزره آلرلر ؛ اما آنوک قوتی سائر حیواناته بکره مز و دیلنده بر مرتبه قوت
اولور که انلو آدمی دیلی ایله اورسه ییقار . حتی مرحوم همایون پادشاهدن
مسموعدرکه بر زمان بر کاو قطاس بر آدمی قووب آخر ناچار اولوب
یوزی اوزرینه دوشوب دیلی ایله اوکچه سندن باشنه وارنجه یالمق ایله یالاکاج
قیلدی دیو یمین ایلدی . و قطاسک اغلاسی ولایت بحر ایجدده اولور غالباً بحری
قطاس دیمک بحر ایجدن ترخیم اولمقدر ؛ زیرا قطاس بری در بحری دکلدور .
ا کر دیار هندک غرایین ذکر ایدرسک صددن چقلور . ایله اولسه واسط
ربیع الاخرده لاهوردن کبله عزم اولنوب دریای لاهور کشتی لر ایله
عبور اولندی ، و اندن غیری برنهر عظیمه کلوب کچمکه کشتی بولنیوب
کتلر یعنی سریرلر و کوزدرلر ایله کلک باغلیوب آنی دخی کچوب انده
بهره واریلوب دریای بهره دخی کشتی لر ایله عبور اولنوب میرزانک
پروانه سی خواجه بهره کوستریلوب : « والله العظیم پادشاه فوت اولمغین
خلقدن مال آلمدی هنوز اوزرلرنده در آدم قوشک اوچ درت
کونده جمع اولنسون بیقصور تسلیم اولنه » دیدکه همراه اولان میربابوس
وسایر بکلر ایله مشاوره ایدوب شاه ابوالعالی لاهور قاعه سندن
قاچوب نه جانبه کتدوکی معلوم اولیوب بعضیلر کابل طرفه قاچدی
دیوب انده قرنداشی کهمردییکی اولمغین بکلر خوف ایدوب دورمغه
قابلیت اولیوب سیز برقاچ کون دورک خرجلقدر آلوب صکره کلوک اما

یوللرده خوف و خسر واردرد دیوجک یولداشلر ایله دخی مشورت اولنوب من قنع شع ومن طمع ذل مفهومی ایله عامل اولوب خرجلقدن فراغت ایدلم همراه لردن ایرلق مناسب دکلدر دیدکده جمله سی راضی اولوب معاً روانه اولندی. و دریای خوشاب دخی کشتی لر ایله عبور اولنوب بعد نیلابه واریلوب اول دخی کذلک کشتی لر ایله عبور اولنوب باختر زمینه قدم بضدی.

باختر زمینده یعنی زابلستانده واقع اولان سرگذشتی بیان ایدر

مبارک جمادی الاولک غردسندده نیل آبدن شهر کبله متوجه اولوب اما آدم خان دیمکله معروف افغاندن خیلی خوف ایدوب اخشامدن الغار اولنوب صباح اولنجه کوتل یعنی طاغ دبنه ایرشوب طایفه افغان بی خبر ایکن علی السحر کوتله عزم اولنوب سرکوتله ایرنجه نیچه بیک طایفه افغان ایریشوب توفک حواله ایدوب جنک ایدرک حنک غنای ایله خلاص اولوب شهر پرشوره کلندی. بعده کوتل خیبر آشلوب شهر جوشاییه کلنوب ذکر اولنان طاغلرده ایکی کرکدان تماشاولنوب هربررسی برر کوچک فیل مقدار النده برر بوینزی وار نهایتی ایکیشر قارش مقداری؛ اما ولایت حبشده اولنلرک زیاده اولور دیو مشهوردر. بعده لمغانه کلنوب هزارا ایچندن بیک بلا ایله باختر زمین یعنی ولایت زابلستانه کلنوب پای تختی اولان شهر کبله ایرشوب همایون پادشاهک اوغللری محمد حکیم میرزا وفرخ فال میرزایی کورب ومنعم خان ایله ملاقات ایدوب همایون پادشاه مرحومک فرمانلرن کورب حرمت ایدوب

و کابل بر لطیف شهر اولوب اطراف قارلی طاعلر و اوکی اقلار صولی چار باغلر و هر طرفنده عیش و عشرتلو و بزم و صحبتلر و گوشه بگوشه رعنا و زیبا لولیلر انواع ذوق صفالر ایدوب ساز و سوزلر ایله خلقی دایما نشاط و عشرت و شادی و جمعیت اولوب :

(مؤلفه)

اولوری هرگز آدم حوره مایل؟ وار یکن لونیان شهر کابل اما جمله سی کوزیمزه کورنموب و بر آن وطن آرزوسی کولدن چقمیوب کتسک مقصود ایدینوب منعم خان: «یوللرده قار واردر کوتل هندو کشر بوخلده کچلمک ممکن دکادر برقاچ کون توقف ایدوک.» دیوب فقیر دخی همت الرجال تقلع الجبال دیوبیور مشلردر، همت کرک دیوجاک طایفه فراشی و پشانی اوزرینه حاکم اولان میرندری قوشوب ذکر اولان طایفه دن اتلری و پرتالی کوتلدن آشورمق ایچون اوچ یوز آدم امر ایدوب مبارک جمادی الآخرک اوایانده روانه اولوب قره باغه اندن شهر چاریکیرانه بعده پروانه یعنی شهر مروانه واریلوب اندن میرندریک اولکهنه واروب ذکر اولان اشخاصی میرندری جمع ایدوب فی الواقع اتلری و پرتالی ارقه لری ایله بر بر چقاروب والحاصل بیک بلا ایله کوتل آشلوب اول کون طاع دبنده برکنده قرار اولندی :

ولایت بدخشانزده وختلانده واقع اولان

احوالی بیان ایدر

مبارک رجیک اولنده شهر اندرابه واریلوب اندن ولایت

بدخشانندن تالیقانه واروب انده سلیمان شاه ایله واولغلی ابراهیم میرزا
ایله ملاقات ایلیوب اولا وارلدوغی کون میرزا مزبور قرشو کلوب
برچارباغده کورنش ایدوب برمقدار تحفه و برغزل ایله واروب بولشدی

(مؤلفه)

اگر بارغای سین اول آی قاشیغه جسمینک هلال ایله
یوزون کورمنک تیلار بولسانک کوزینک یاشینکنی ال ایله
رقیبا اول صنم نینک کفر زلفن قیلمه اندیشه
یوری قایت اندین اوزکفر نیکدا بول اوزکه خیال ایله
کدای کوی بولغای ییز کوکل اول خواجه حسنینک
زکات وصلی دین ییزکا یچون بیر ماس سؤال ایله
الف لار دال الارکس سینمه آدا ایتنک اشتر سنک
رقیینک ای الف قامت باریب قدینی دال ایله
اگر اکبر عشقه طالب ایرسنک واصل اولماقغه
اوزینکنی کاتبی نار محبت بر لا قال ایله

ذکر اولان غزلی میرزا اوقیوب وخیلی شعر شناس اولوب
مشاعره اولنوب ارتسی پادشاهه دخی حقیرانه ارمغانمز عرض اولنوب
بولشدقه انلره دخی برغزل ویرلدی :

(مؤلفه)

عالم ار واحدا کیم آشنا بولدم سنکا
حق بیلور تا اول زماندین مبتلا بولدم سنکا
کل ایدینور شه فی بار کردمنی ارباب نظر
حمد لله پادشاهم خاک پا بولدم سنکا
ای کوکل عشق نیتک طریقین سکا تفهیم ایلدم
غم یمه شمیدین کروکیم رهنما بولدم سنکا
کوی یاره عزم ایتمین تابع اول ای دل منکا
خاطرک جمع اولسون اندین پیشوا بولدم سنکا

کنج غمدا (کاتبی) حالیم کوروب دلبر دیدی
شاد اول ای بیمار غم کیلیم شفا بولدوم سنکا

آنار دخی بی حد لطفار کوستروب و باخ خانی پیر محمدخان ایله
براق خان مابینده عداوت اولدوغین ذکر ایدوب: «واول یوللر مخاطره
اولوب پیر محمد خانک انی لری یعنی کوچک قرنداشلی قازاق اولغین
قوندوز و قوادییان و ترمید جانبلی قرت اوزردر اما بدخشان
وختلان یولی امن اوزردر، اول جانبدن وارک.» دیوب و بو حتمیر پادشاه
و میرزا آت و خلعت احسان ایلوب وختلانده جهانگیر علی خانه
پادشاهک خاتونی بیگوم سیکلیسی یعنی کوچک همشیره سی اولوب کتابت
ویروب اندن دخی روانه اولندی. پای تخت بدخشانه یعنی شهر کشمه
کلوب پادشاهک چارباغی و همایون پادشاهک دوابه نام باغچه سی سیر
اولوب بعده قلعه ظفر یول ایله شهر سطاقه، اندن بندر سمتی یه کلوب
آب آمو یعنی جیحون ارماغی طلوم لر ایله عبور اولوب جانب کاشغردن
ولایت ختلانده دلی یه واریلوب میر سید علی همدانی حضر تلی زیارت
اولوب اندن شهر کولابه یه واریلوب جهانگیر علی خان ایله ملاقات
ایدوب مکتوب ویروب اون بش نفر آدم قوشوب شهر چارسویه
واروب اندن پل سنکینه اوغرایوب کوپریدن کچوب بدرقه اولنله
اجازت ویرلدی .

ولایت توران زمین ده یعنی ماراءالنهر ده واقع اولان

احوالی بیان ایدر

شول کون که کوپریدن عبور اولوب توران زمینه یعنی ماورالنهر

داخل اولدق اول کون انده آرام ایدوب ارتسی روانه اولوب بازار
نوده اندن قصبه چهارشنبه واریلوب خواجه یعقوب چرخ زیارت
اولنوب اندن چغانیاته یعنی حصار شادمانه واریلیدی. سلاطین اوز بیگ -
دن قاغانغه اولان تیمور سلطانه کلوب بعده کوه سنکردک آلوب واول
طاغدن متصل مانند باران قطرات نازل اولوب ایانی بر اولو نهر کی
آقوب انده دخی حق تعالی نك قدرتی تماشا اولنوب اندن شهر سبزه یعنی
کش دیمکله معروف شهره کلندی هاشم سلطانه بولشوب اول دخی یول
ویروب سمر قند ایله شهر سبز مایینده اولاک. کوتل دخی بیگ بلا ایله
کچیلوب قصبه مصرده اوغرایوب اندن روانه اولوب اوایل شعبان المعظم ده
سمر قند بهشت مانده کلنوب نوروز احمد خان یعنی براق خان ایله
ملاقات ایدوب تحفه الحقییر حقیر مقتضاسیجه بر مقدار پیشکش عرض
اولنوب خان بو حقیره برآت وباش آیق یعنی متعدد خلعتار عنایت اتدیلر
مکر براق خانه سعادتلو پادشاه عالمپناه حضرتلری شیخ عبداللطیف
وداداش ایاجی ایله بر مقدار توفک انداز کمنه کوندروب و بر مقدار
ضرب زن ارسال ایدوب حین ملاقاتده سمر قند پادشاهی عبد اللطیف
خان فوت اولوب براق خان سمر قندده خان اولوب اما بلخده پیر محمد
خان و بخاراده برهان سید خان اوز آدرینه خطبه او قیدوب براق خان
اول اجلدن بدمصلحته قادر اولیوب انلری مشغول اولوب اولاسمر
قندی آلوب ضبط ایدوب اندن سبزه واروب انده دخی خیلی جنک
اولوب رومیلرک کتخدالری دوشوب آخر الامر اول دخی ضبط
اولنوب اندن بخارایه واروب نیچه زمان محاصره اتدکده بخارا خانی سید
برهان قره کولی پیر محمد خانه ویروب اول دخی اینی لارین یعنی کوچک
برادرلرن کوندروب قره کولی ضبط ایدوب آخر ناچار براق خانه تابع

اولوب ماینرند یاراش یعنی آشتی اولدی وینه اول ولایت سید برهانه تفویض اولوب براق خان قاره کول اوزرینه واروب پیر محمد خانک قرنداشاری امان ایله قره کولی دخی ووروب آنی دخی ینه سید برهانه ویردی. وکندوسی سمر قنده کلدکه بر مقدار کیشی ایله رومیلرد انا اولان کسسه طاش کند و ترکستان یولی ایله رومه عزم ایدوب وینه اولان احمد چارش دخی بخارا و خوارزم یولی ایله رومه متوجه اولوب و بر مقدار یکچری دخی سید برهانه واروب و بر مقدار خانک اوغلری یانه کیدوب کندو یانده یوز الی مقداری آدم قالوب بو حقیره ذکر اولان احوالی تقریر ایدوب یعنی: «سعادتلو پادشاهک یانده یالغان بولدوق برایش قیلا انا دیق اکر بیز کا کومک بولسانک حالیا برایش قیلماق بولوردی» دیوب بو کینه ولایت تکلیف ایدوب حقیر دخی: «بو مقدار آدم ایله ایش اولمق ممکن دکادر و پادشاه امر نسز بزا کا قادر دکلوز.» دیوب جاک: «امدی سنکا ایاجی قوشوب احوالی دردولته عرض ایتدین» دیوب خواجه احمد یسوی قدس سره اولادنن صدر عالم شیخی تعین ایدوب و کتابت یازوب: «من بعد پادشاه حضر تلرینک هر نه امری بارایسه اینک بیرلا عالم بیز» دیوب و بو حقیره رخصت ووروب محروسه سمر قنده دانیال پیغمبر و مقام خضر و خرقة رسول الله و نعلین رسول علیهم السلام و حضرت علی کرم الله وجهه خطی ایله کلام قدیم زیارت اولوب و علما و مشایخن صاحب هدایه و شیخ ابو منصور ماتریدی و شاه زنده و خواجه عیدالله شیخ الاحرار و خواجه عبدی بیرون و خواجه عبدی درون چوپان و قاضی زاده رومی و مزارات علمای ماورالنهر صاحب قنوا یعنی چار صدوچل و چار هزار مزار زیارت اولندی. و بو حقیره برکون

براق خان اثنای مصاحبتده: «سیراوانان شهرلردن قایسی شهر مضبوط عکیز بولدی؟» دیو سؤال ایدوب حقیر دخی:

(نجاتی)

دل، سرکویک قویوب ایتز بهشتی آرزو هرکیشی یه کندوشهری یک کاور بغداددن دیو جواب ویردکده خان ذوق ایدوب: «واقعا چین ایتوررسین مونداق تور!» دیو بیوردیلر و خانک اچییسی صدر عالم شیخ ترکستان یولی ایله کیتمک مرام ایدینوب «اول یوللرده مانغیت یعنی نوغای ضایفه سی نک خلقه ظلم و تعدیسی استماع اولنوب وقزاغی وقزاقچییسی بی حد اولوب اصلا اهل اسلامه یول ویرمیوب تاپدیقلرین البته یلاکاج قیلوب انواع تعدیلاری اولدیغی» بین الناس مشهور اولغین اول یول اختیار اولغیوب بخارا جانبیه متوجه اولدقده براق خان بو حقیرده: «سید برهان ینه بیرکا مخالفت اوزره اولوب اوغلوم خوارزم شاه سلطان بیرلا عداوت اوزره دور دیو استماع اولنور آلا ی بولسا، عجدواندا ایچی باریغجه توقف قیلینک و تفحص ایدوب کورینک، اگر مخالفت یوق ایرسه اول یول بیرلا بارینک والا آنده اولتورینک الچی بارغندا سیزکا اندین آدم قوشوب بخارادین اوتکار سینلار» دیوب فی الواقع او یله ایدوب مبارک رمضانک بشنچی کونی یوله کیروب قلعه دیمکله معروف شهره واریلوب آندن شهر کَرْمَنَه یه واریلوب بعده دوا به دن نهر سمرقند مرور اولنوب عجدوانه وارلدقده خواجه عبدالحالق عجدوانی زیارت اولنوب ومیرزا آنده اولیوب وبر صحیح خبر آلتایوب آندن دخی روانه اولوب پل رباطه کلنوب اتفاق خوارزم شاه سلطانینک لشکری کلیم وکاجیم کیوب جنک تدارکنده اولوب ناکاه خان علی بیگ که خن اوغلینه

انالىق ايدوب كوندرمىشى — آنى آندە كوروب فقيرە: «قايدا بارىسىز؟»
 ديو سۇال ايدوب: «بخارايە» ديدكە «حاليا بخارا خانى سىد برهان خوارزم
 شاه سلطان ايله جنك اوچون كلك اوزره دور؛ لطف ايدوب بيزكا
 كومت بولينك!» ديو ابرام ايدوب فقيردى: «بىز كىمسەيە كومت اونق
 ايچون كلك. و بيزد خانك يارلىغى يعنى امرى بودكلدر بلكە جنك احتماي
 اولىجاق نىجدواند واروب آندە الحىيە توقف ايلك ديو بىورە مشلردر»
 ديو بىنە نىجدوان طرفە عزم اولنوب منارە اوكنە قىرىب وارلدقده
 يوز مقدارى آلاچان اردمزجە چاپىب اركلنى كىشى يعنى «مىرزايرلىق
 قىلدى قايتىنك!» ديو بريولداشمىزى قىلىچ بىرلا چاپىب يعنى چوب بىز
 دىنى يراغە ال اوروب جنكە آهنگ اتدكە بر اولو سىد سكردوب
 وزىبك لارە: «صبر ايدوك» ديو چىغىرىب ايكنى جانىندن توقف اولنوب
 كروب مىرزا دعالر ايدوب «لطف ايلسونلر بارماسونلر قايتىب بىر محله
 تماش قىلسونلر آلاركىم بارغاي لالشكر نىنك آتى بوزىلدى بولور» ديو جنك
 ناچار دونلوب بو حقير اون مقدارى آدم ايله مقدم مىرزا يە واروب
 ملاقات اتدكن يىنە مىرزا دىنى ابرام ايدوب البتە بيزكا كومت بونوك
 ديو ب فقير رضا وىرمىجك ايمدى مىلىقولى يعنى توفىقلىرى بيزكا
 بىرىنك ديو ب اون مقدارى توفىكىمىز آلوب اوزىبك لارە تسام ايدوب
 بىزە: «سىز بر محله دوروب تماش ايدك!» ديو غرور ايدوب واحالا
 سىد برهائى كوزىنە كوسترمىوب:

(شىخى)

يىمەن كىشى ياد الدن طنبجە دموردن درصورقواندە نىجە
 هاندم قرشودن سىد برهان كورىنوب مىرزا كوپرىدن عبور

ایدوب رباط یانینه واروب فقیر یولداش لر جانینه عزم ایدوب خلق آراسنده آلتی نفر یولداشم میرزا ایله کوپریدن بیله کچوب بو حقیر دورت یولداش ایله واروب خاقلی برچارباغ حولی سنه قویوب سید برهان همان کوز قراردوب و اوکنده بیک مقداری قزل آیاق یعنی بخارانک یتیم لری و قرق مقداری رومی تیرانداز اولوب و یحشی لشکری اوغنین آن واحدده میرزایی باصوب و توفک ایله مجروح ایدوب میرزا قاجوب توغینی و نقاره سنی و جمله اسبابی آلوب اوچ یولداشیمز میرزا ایله قاجوب برینی نیزه ایله اوروب و بریرده دخی شهید اولوب اوچ نفری بر مقدار اوزبیک ایله رباطه کیروب سید برهان انلر ایله جنک اوزره ایکن فقیر ایکی یولداش ایله آت براغوب لشکره قرشو واروب: «میرزا قایدادور» دیوجک «رباط ایله جنک اوزره دور» دینلوب «بی خانه ایلتوک» دیدکده بر قچ کیشی اوکومه دوشوب کپریدن عبور اولنوب رباط اوکنه وارد قدده (اذا جاء القضاء می البصر) مفهومیجه بوفقیری رباط دن اوقایله بر ظام اوروب مجروح ایدوب و هر طرفدن اوزر مه قلیج حواله اولنوب اولم محله کمش ایکن انلر ایله اولان رومیلر بو حالی کوروب فقیری بیلوب اوزبیک لاره قلیج چکوب: «بو خود خانه کمشدر سیز بوکا نیچون بویله ایدرسیز» دیو جمله ایدنجه اون بیک لار ال چکوب خانه خبر اولوب خان کلوب بر جوان بی بدل اولوب فقیری قوجوب اعتذار ایدوب جنک اوزره کمش اولد کوز مثلدن قوری یانجه یاش دخی یانر دیوب و بی حد عذر لر ایدوب و ایکی سلطان تعیین ایلوب یولداش لریمز کپریدن کچور رکن ایکی یولداشیمز تکرار قلیج ایله چالوب مجروح اتدیلر. و بر یحشی کوتلمی یعنی یدکیمی و جمله مطبخ اسبابی ایله بر سیس خانه می و اون مقدار آتیزی لشکر یغما ایدوب بیک بلا ایله کوپری کچیلوب بر محله

قرار اولنوب عاقبت خان فقیرد منت ایدوب رباط ایچنده اولان رومیلره
تنبیه ایله رباطی ویرسونلر آنلر بی کناهدر آنلره سوزیمز یوقدر دیوجک
رباط اوزرینه واروب هر برینه چاغروب « جنکدن فراغت ایدوک بن
بونده اولمغین خان کناهکز دن کچدی » دیوجک آنلر دخی رباطی ویروب
وضایع اولان آنلردن بر قاجی بولندی اما خیلی توفک ضایع اولدی
ومقدما جنکده دوتلان ایکی یولداشمز دخی قسورتلوب بعدد شهره
متوجه اولدق. اخشام زماننده بخارایه واریلوب سید برهان بو حقیره :
« دنیاو آخرت انام اول، بو ولایت سعادتلو پادشاهکدر. سن نفس بخاراده
اولتور بن قره کولده اولایم . » دیوب ابرام واقدام ایدیجک « اکر کلیاً
ماوراء النهری بکا ویرسه لر بو ولایتلرده قالمق میسر دکدر اما ختم
ان شاء الله الرحمن سنکا اولان جفای در دولته عرض ایده یں ، پادشاه
حضر تلی جانبندن انواع عنایتلر ظهوره کلوب موجودر که بودیارلرده
خاناق سکا میسر اولد » دیوب انواع کفت وکو اولندقدد خرم و خندان
اولوب بو حقیری ضیافت ایدوب وبی حد اطفال کوستروب اون بش کون
بخاراده اکنوب هر کون اولدوغمز چارباغه کلوب مصاحبت ومناسبت
اولنوب بو حقیره کندودللی طرزنده غزل تکلیف ایلدی .

(مؤلفه)

خجل بولدی کوروب رخسار یاری باغدا کل لار
فغایم کوش ایتب کلشن دین اوقتی بارچه بلبل لار
یوزی کل : قامتی عرعر، کوزی نرکس ای غنجه
فی بولغای باشیغه اول لالدرخ سنچغای قرنفل لار
جهان کلزاریدما نندی یوق اول قدی شمشادینک
بولوپتور باغ حسنی ایچرا زانی تزه سنبل لار

یوزینک کور کاج قرا زلفینک پریشان قیلدی عقلنی

کونکلانی سالدی سوداغه فی قیلای اشبوکا کل لار

دی دوراج کوزینکنی غفلتی قوی جام می نوش ایت

او یوتماز (کاتبی) بزم اهلینی اواز قلقل لار

ذکر اولان غزلدن زیاده ذوق ایدوب برقچ کون مباحثه شعریه

اولنوب عاقبت رخصت طلب اتدکده: «باری دمور توفنکلری بیزکا

بیرینک بیز سیزکانی مقصدار مرام اولسه باقر توفنک ویرالم.» دیوب

بالضروری باقی قلان توفنکلری تسلیم ایدوب اول دخی قرق باقر توفنک

ویروب وضایع اولان یدک یرینه بر ابلق آت وایکی اعلا کتاب همت

ایدوب ورخصت ویروب و براق خاندن الچی کلوب اوغلینک عذرین

دیایوب و آخریر ویروب نمجدوانی ابدال سلطانه تعیین ایدوب ینه

مایینارنده آشتی اولوب عالم امن و امان اوزره اولیجق کتمک تدارکنده

اولوب و بخاراده حضرت خواجه بهاءالدین نقش بند وقاضی خان و چار

بکر و خواجه ابو حفص کبیر و صدر السریعه و تاج السریعه و شیخ-

العالم و سید میرکلال پیر خواجه بهاءالدین نقش بند و سلطان اسمعیل

سامانی و حضرت ایوب نبی علیه السلام و کعب الاخبار و شمس الائمة

سرخسی زیارت اولنوب بعده خوارزمه عزیم اولنوب شهر قره کوله

آندن قارب اوکندن آب آمو یعنی جیحون کشتی لر ایله عبور اولنوب

مبارک شهر شوالک اوایلنده ولایت ایران زمین یعنی دیار خراسانه

قدم باصدی. اولا چارجوی نام شهره واریلوب خواجه مشهد برادر

امام علی موسی زیارت اولنوب بعده روانه اولوب چولدن یعنی بریه خراساندن

آب آموکنارندن خوارزمه عزیم ایدوب شب و روز ارساللر ایله

صواشوب اصلا یا لیکز برکشی صو آماغه قادر اولیوب بیگ دورلر

بلا ایله اون کونده شهر هزاروسه کلوب آندن دخی بش کونده شهر
خیویه واریلوب آنده دخی پهلو ان محمود پیر یارولی زیارت اولندی .

ولایت خوارزمده و دشت قهجاقدہ واقع اولان احوالی بیان ایدر

مبارک شوالک او اخرنده شهرنده خیوهدن کوچلوب بش کونده
خوارزمه کلوب و دوست محمدخان و برادری ایش سلطان ایله ملاقت
ایدوب شیخ نجم الدین کبرا و شیخ علی رامتی و شیخ خلوتیان و امم
محمد بارعی و صاحب قدوری و جارا الله علامه یعنی صاحب کشف و منلا
حسین خوارزمی صاحب تفسیر و سید اتا و حکیم انا زیارت اولنوب
و شهر وزیرده مرحوم و مغفور شیخ عبداللطیف فوت اولدی دیو
اشیدوب خبردار اولیجا بی صبر و قرار اولوب برقچ یولداش ایله
شهر وزیر واریلوب محتومی اعظم و شیخ عبداللطیف زیارت اولنوب
و مرحوم شیخ عبداللطیف حضر تلرندن ماعدا انابت ایدوب ضریقه
تصوفده پیریمز اولماغین روح شریفلری ارحم الراحمین جوارنده دایما
فروح وریحان و جنة نعیم ایله تفریح ایچون ختم کلام الله تلاوت اولنوب
و آس ایدوب بوفانی جهانندن باقی جنانه کتدو کلرینه :

(لمؤلفه)

شیخ عبداللطیف پیر خوارزم دار دنیا دین ایلدی رحلت
روح قدسی ایتی تاریخین ایله یارب مقامینی جنت

دیو تاریخ دینوب و مانعیت میرزا لرینه اغاتای خان اوغللری حاجی
محمد سلطان و تیمور سلطان و محمود سلطاندن کتابتار آلنوب بعدد خوارزمه

كلنوب خواجه احمد يسوى حضر تارينك اولادندن براق خنك الجيسى صدر عالم شيخ دخی كلوب آنده حاضر اولوب وشيخ حسين خوارزمينك ضعيفه لری یعنی مخدومی اعظمك كرمه لری وشيخ حسين خوارزمينك اوغلی ونجه مسلمانلر همراه اولوب عربلر آلنوب ساير خلق قویون پوستندن كوركلكر ايدینوب وهر کس بو طوره کيرمك لازمدر والا طایفه منغيت اوز بيكدن يماندر اوزكه صورتده اولان خلقی کوريجك روس اولمق احتمالن ویرورلر دیو تنیه اولنوب الدن نه کلور بالضروری ییز دخی اول طورى اختيار ایدوب :

(مؤلفه)

حق الارينك يوغ ايلکای پاکینی	عالمينك منغيتنى اوز بيکینی
کیشی بیر بارچه تپمان ایتکینی	آشی تالقان بیلان قوروت بارينك
داغی کورمای ییز اوز کا ییمکینی	قیز ايچيب آلاز آشارات اتين
ينکری يوق ايتنه کونده بيرلکینی	قزاغی وقزاقجيسى کوپدور
اولوسينك تيشيسينی ارککینی	کارواتی تالاب قيلغهر بلاکاج
چاپغای انيك قلیچ بیلان بکینی	حق بودور اول غزای اکبر ايتر
(کاتبی) يالغانینی کورچکینی	اوچر اييب توختاغان تانر سوزمينك

والحاصل يولداشلره استمالت ووروب عاقل اولانلر لازم کان وضعی اختيار ايتمک کرکدر کيم آنلره کيسنه معارض اوليه :

(مؤلفه)

بويه ايمش بويرده چونکه ترره کيم کورکینی کوينه کوره

دیو نصيحت ایدوب جمله سی اول وضعه کوروب مبارک ذی القعدة نك اولنده يوله دوشوب بر آیدن زیاده دشت قبیچاقده سرکردان یور یوب کوز زمانی اولمغین اول ایامده هر کز آندن قوش اوچومز وقولان

یوکر مزدی: زیرا اصلاً و قطعاً نباتانندن بر حبه و صواصلندن بر قطره
اولیوب بر بریه بی پایان و صحرای بیابان ایدی که:

(مؤلفه)

یوغدی انده وحش و طیره غذا صو بولیزدی قوربغه بوچغا

آخر بیک بلا و محنت ایله کوناردد برکون (شام) دیکله معروف محلی
کچوب قصبه سر ایچغه وارلدقده بریچه حاجیلر و مقدما سمرقنددن اجازت
ایله کیدن رومیلردن اوچ نفر کمنه عریان مقابلهدن: «کلوب بیزه قده
کیدرسن: هشتدر خانی روس آلدی واحد چاوش روس ایله محکم جنک
ایدوب و اغامزی منغیت میرزالرندن ارسالان میرزانک توابی تلادی
اول یول مند اولدی دونک» دیوجک:

(نجاتی)

تخربدلرز نیلیجک در بیزه افلاک طنوز جبهلو صومیه بریلا کاجی

دیوب همراه اولان یولداشار یعنی سودا کرلر راضی اولمیوب
برقچ کون خوارزنده توقف اولانسون (العجلة من الشيطان والتأني
من الرحمن) کورده لم صوکی نیه وارور دیوب براق خانک الچیمی صدر عالم
شیخ وسایر مسلمانلر دونجک بالضروری دونلوب:

(مؤلفه)

ایرمنک وصال یارا کونکل بولدی منع اولدوم غیله بولادی حالیمغه مطلع
واعظ حدیث لعینکی تفسیر ایلدی رحمت ا کا که بارجه اولوس بولدی منتفع
کوپدورجه انداغنجه لب ولاله خدولی سین سروقدکی قنی برقدری مرتفع
بلبل تیک ایلاناله و آهی سحرغه چه باشد که رحمت ایتیب اولاول غنجه مستمع
باری المنی (کاتبی) دفع ایلمانک بولور اغیار ایرور همین الم غیر مندفع

الدن نکلور چاروناچارینه خوارزمه کنلوب براق خانک الچیمی

ینه سمر قنده کیدوب سایر خلق آنده متمکن اولوب بو حقیره خوارزم
خانی دوست محمد خان: «نه جانبدن کیتمک مرام ایدینور سز؟» دیو سؤال
اتدکده «قصدیمز مشهد خراساندن عراق عجم یولی ایله عربیه یعنی بغداد
وارمقدور» دیدکده «بونده توقف ایدوک منغیت بهارده بیلاغه کیدوب
یولار خالی اولور جایزدرکه روس دخی برطرف اوله، بوندن بغداد
خیلی مسافه در.» دیوجک :

(نجاتی)

سندن اولورسه یاره اکر بعد مشرقین سعیایت کوکل که عاشقه بغداد اوراق دکل
دیوب آخر خان رخصت و برینخی یابو یعنی براعلا آت و یروب
عربلری همراهله باغشلا یوب دریای قلزمندن شروان یولی ایله کیتمک
قصدین دخی ایدوب اما خلق اکا رضا و یرمیوب شروانه کفه جانبدن
روم لشکری کلوب عبدالله خان ایله محکم جنک ایدوب حالیا اول جانبدن
روم خلقنه بو محالدرده یول یوقدر دینلوب و چرکس طرفندن القاص
چققدوغی دمور قاپو یولی تفحص اولندقدقه شمдіکی خالد چرکس
عصیان اوزره در دیدکارنده خراسان و عراق یولی سؤال اولنوب
شاهک پادشاه عالم پناهه شمдіکی خالد مرتبه اطاعتی استماع اولنور دیو
خبر و یریلوب اما یوللرده اولان قزل باش بیکلری سیزی صاغ و سام
شاهه ابرو شدورمز لر دیدکارنده الله اولدورمدوکن کیمسه اولدورمز
واولومدن خوف ایدن یوله کیرمز :

(هجری)

یمه هجران غمنای دل اجلدن اوکدن اولش یوق
یترچک غصه سن خطک یازلش ده یویلمش یوق

دینلوب واستخاره اولنوب اول یولدن غیری جانبدن کیدمک ممکن
اولمایوب حاصل کلام حضرت حقک عنایت بی نهایت توکل و سرور کائنات
معجزات کثیر البرکاته توسل اولنوب :

(مؤلفه)

دخی یول بولدم اولوب ناچار اوغرام بالضروری آخرکار

زیرا «الضرورات تبیح المحظورات» ایدوکی متعین در ایله اولسه
هماندم کرا ایله دودلر طوتلوب خوارزم پادشاهی دوست محمد خاندن
رخصت طلب ائدکده «ملتیق بیرلا دشمن ایچنه کیتمک مناسب دکلدر»
دیوجک موجود اولان توقشکارک نصفی خانه ونصفی اینی ایس سلطانه
ویرلوب رخصت آلتوب وتین محمدک برادری علی سلطانه کتابت آلتوب
ویول ایچون آزیق وصو ایچون نهنگ یعنی اولومشکار تدارک اولنوب
بعده حقه صغینوب شهرذی الحجه نک اولنده دیار خراسانه عزم اولندی.

ولایت خراسانده واقع اولان سرگذشتی بیان ایدر

حقک عنایتی ایله آب آمو کچاوب صو کنارنده قونلوب سایر
یولداشلره توقف اولنوب مختومی اعظمک کریمه لری یعنی شیخ حسین
خوارزمینک ضعیفه لری آدم کوندروب بوکیجه خوابده اتام مختومی
اعظم برعالی عالم ایله شهر وزیردن خوارزمه کلوب خالق استقبال ایدوب
سؤال اولندقدده میر سیدی علی شهر وزیرد کلوب اوزرمزده تلاوت
قرآن عظیم ائدروب بیزدن معاونت طلب ایتمکن اکا کومنک اولمغه
کلدک آنی صحت ایله خراسانده کچورمک ایچون دیو بیوردیلر دیوب
یوقیری بشارت خبری ایله شاد ایدوب اول ذوق ایله ارتسی علی

السیحر روانه اولوب بر قیچ کونده شهر دورونه کلوب محمود سلطان یول
ویروب آندن شهر باغ وایه واریلوب پولاد سلطان دخی مانع اولیوب
نسیاه کلوب مقدا مروده خان اولان تین محمد قرندهائی عالی سلطانه
ملاقات ایدوب خانک وایش سلطانک کتابتری ویریلوب اول دخی
اجازت ویروب والحاصل جمله سی سعادتلو پادشاهک مطیع ومنتقادی
اولوب آندن دخی روانه اولوب شهر باورد یولی ایله شهر طوسه کلوب
آنده دخی امام محمد حنیفی حضرت تری و فردوسی طوسی زیارت اولوب
سنه اربع وستین وتسعمائه محرم الحرامینک اول کونی مشهد خراسانه
کلوب شاه خراسان یعنی امام عالی موسی رضا حضرت تری زیارت
اولوب دریاده محل طوفانده امامه برتومن نذر اولمشدر دیومیرمتولییه
ذکر اولنان برتومن مبالغ و ساداته دخی کذلک برتومن مبالغ بخش اولوب
وبهرام میرزانک اوغلی ابراهیم میرزادخی آنده سلطان اولوب وشاهک
اوغلی سلیمان میرزا دخی آنده اولوب آنلرد و وکیلی یعنی وزیر
کوچه خلیفه یه بولشوب میرزالردن شاهه وارمغه آدم طلب ایدوب
قبول قیلوب ضیافت ایدوب اثنای مصاحبتده بوحقیرده حضرت عالی
ایله ابوبکر وعمر و عثمان حضرت تری ایچون رضی الله تعالی عنهم خلافتلری
واولویتلری حقنده سنک ایله بحث ایدلم دیو بعض سوال ایدوب جواب
طلب اندکده بوکینه دخی جواب الاحق سکوت ایله عامل اولوب سکوت
عالمینه واروب تکرار اقدام تام ایدیجک :

(لمؤلفه)

عیب ایرور ساقی ایتک لعل جانان بیرلابث
هیچ آجیغ سوا یلکایم آب حیوان بیرلابث
درد عشق نینک بونه حکمت دوزدواسین تا پاغای
ایلا کانلار علم حکمت ایچرا لثمان بیرلابث

دل قضا بیرلا قدر دین عئل ایلا قیلسه جدل
مین صاغینورمین قیلور عنقا سلیمان بیرلا بحث
لطف وقهرینکدین فی بولسه راضی مین بال و بلا
حدی ایرماس بنده نینک کیم قیله ساطان بیرلا بحث
درس عشق ایتمه زاهد بیرلای دل گفت و کو
جهل ایرور دانا اولانلار قیلسه نادان بیرلا بحث
جان و دل بیرلانولا لعلینک اوچون قیلسام نزاع
عیب ایماس ساق شراب و ستیدا یاران بیرلا بحث
(کاتی) کورسه نظامی انتظام نظمکی
دیردی لایق دور قیلور سنک سنکاسلیمان بیرلا بحث

غزل تمام اولدقده نصر الدین خواجهیه مسجده قرآن اوقی!
دیشلر، ییری دکل دیش ایله اواسه ییز بونده سیزکله بحث ایتکیچون
کیوب دوروروز سؤال و جوابه قادر دکلوز. زیرافضالای عالم «الحق مر»
دیو بیورمشلردر اما اگر غرض ییزم اولاده محبتمز امتحان ایسه :

(لمؤلفه)

آستان مرتضایه انیسایم بارمینک دایم الدهر اول ایشیکدن فتح بابیم بارمینک
قنبری مین شیزداینک سورمین الی اوزکه لارانی سؤال فی جوابیم بارمینک
دیوجک بحثدن فراغت ایدوب بیک بلا ایله التمدن خلاص
اولوب بعده غازی بیک دیمکله معروف برظالم واروب بومقدار آدمی
شاهه کوندرمک مناسب دکلدر. بونلر جایزدرکه قوشلان آدملری یولده
قتل ایدوب برجانبه چیقوب کیدلر و اکثر احتمال بودرکه براق خانه کلان
رومیلر بونلر اولدلر و یاخود بونلرده مخفی مکتوبلر وار اوله، بونلری
بو قلا یوب کورمدن قیو ویرمک ادلا جایز دکلدر دیو سویایجک میرزا
دخی «من یسمع یخل» مفهومی ایله عامل اولوب ارتسی علی السحر ایکی

یوز زره پوش قورچی ارسال ایدوب کاروان سرایی احاطه ایدوب
جمله مزی دوتوب دوغری دوتلمیجق اکری بولمز دیو وهر بریمزی
برر قورچی یه اصمیرلیوب بونقیری ایکی خدمتکارم ایله وکیلی کوجکه
خلیفه نك اوده سینه و آتلی مزی دخی برر کشی یه تسایم ایدوب سایر
اسبانی متولی ده امانت قویوب ذکر اولان محل ایام شتا اولوب اسبابدن
آیرلقدده الدن نکلور دترمکه دور میثمزدر مثالی ایله عامل اولوب ارتسی
میرزا بولنان احکام شریفه نی و پادشاهلاردن آنان کتایلیری آلوب برکیسه یه
قویوب مهرلیوب یولداشار بو حالی کوریجک هربری حیاتلاردن مأیوس
اولوب فقیر دخی تسای یوزندن هر برینه جمله مز خود بواحوالی اختیار
ایدوب بویوله کیردک مثلد: « کندودوشن آغلمز » دو غمقدن قالمقد
اولمکدن دخی قالمزوز: شمدن صکره بونک چارده سی صبردر زیر اولولور
« صبر ایله قوروق حلوا اولور » دیمشلردر که الصبر مفتاح الفرج و به رفع الحرج.

(حمدی)

صبر ایله یتدی دولت جاوید صبر ایله بتدی میوه امید
باغده صبر ایله بتر خوشه خوشه هم صبر ایله اولور توشه

هان حقه توکل ایدوب صوکنه نظر ایدوک :

(نجاتی)

یاره یول ایکی قدمدر بریسنی جانه باص
چونکه بومیدانه کیردک آياغک مردهانه باص

دیوب آخر جمله سینی بند ایدوب کرچه بو حقیری بند ایتدیلر اما اوزریمه
بش قورچی مؤکل قودیلر میرزانک بو وضعنه خیلی منکسر اولوب :

(مؤلفه)

قدرینی هرکز بیلورمی آدمک کرم و سر دین چکمنلر عانک

دیو خاطر غمگینه تسلی ویروردم: کاه بر مرتبه غم طاری اولوردیکه هلاکه
قرب اولوردم :

(لمؤلفه)

می دور ای ساقی علاجی کیشی بولغای غمناک
زهر غم دفعیغه هیچ می تیکی بولماز تریاک
کنج حسنیندا ایکی زانی بولوبدور ایکی مار
قتل اوچون غمزه می طالبلری تیغ ضحاک
اول قویاش طلعتی کورکان فی قیلور حورنی یاد
صوفی برذره کینه سیندا یوغ ایرمیش ادراک
اول صنم غیره وفالار قیله لایقیمی مینک
تیغ مژگانی بیلان سینمی مونداق قیله چاک
یار رحم ایتی کوروب بیغلادیم زاری بیلان
(کاتبی) بولدی ایشنکاج آتی اغیار هلاک

ذکر اولان غزلک فکری ایله خوابه واروب اتفاق بین النوم
والیقظة دیلیمه موزون بر مصرع جاری اولوب خوابدن بیدار اولیجق
بوالهام ربانی در دیو بو ذکر اولنان مصرعی بند ایدوب بر مربع دینلوب
متولییه وامام علی موسی رضایه ارسال اولندی :

(لمؤلفه)

عالمه کلش دکلدی ساکه بکزر بر دایر
حدی یوقدر کیم سنکله پنجه اورده نره شیر
قیل ترجم وادی محتسده قالدوم بن فیر
یا علی سندن مدد دوشدم بکا اول دستگیر
چهره زردم اشیکیکده واروب خاک ایلدم
ذوالفقار مهربان ایله سینهمی چاک ایلدم
لافتا الا علی سرینی ادراک ایلدم
یا علی سندن مدد دوشدم بکا اول دستگیر

عالم رؤیاده شاد ایدوب بشارت ایلدک
 راه امنی کوسستروب بکا اشارت ایلدک
 کوکلی ویران ایکن یاپدوک عمارت ایلدک
 یا علی سندن مدد دوشدم بکا اول دستگیر
 فال ایدوب اسمک سنک کیردم یوله ای نیک نام
 هند وسندی، ماوراءالنهری کشت اتم تمام
 جان و دلدن تنکری شاهددر سکا در التجام
 یا علی سندن مدد دوشدم بکا اول دستگیر
 هنددن عزم ایلدم شاه خراسان آدینه
 ایشیکینه یوز سوروب قول اولشم اجدادینه
 بر نظر قیل بن غریبک ناله و فریادینه
 یا علی سندن مدد دوشدم بکا اول دستگیر
 ایلدی کان سنی عالمده ذاتک اول جلیل
 ارتفاع قدرک ایچون «هل تی» روشن دلیل
 همت ایله حاله رحم ایده شاه اردبیل
 یا علی سندن مدد دوشدم بکا اول دستگیر
 اومرم بکا عنایت قیله اون ایکی امام
 ملجأم در ظاهر و باطنده آنلر ای حرام
 جلا سینک ایشیکینه یوز سوروب اولدم غلام
 یا علی سندن مدد دوشدم بکا اول دستگیر
 محنت غربت بنم بغریمی پر خون ایلدی
 درد فرقت کوزلرم یاشینی جیچون ایلدی
 نار حسرت حالیمی غایت دیکرکون ایلدی
 یا علی سندن مدد دوشدم بکا اول دستگیر
 (کاتبی) اولا محب خاندن مصطفی
 نور شوقکله درونی دایم اوله پر صفا
 سکا منسوب ایکن اول لایقمدر چکمک جفا
 یا علی سندن مدد دوشدم بکا اول دستگیر

ذکر اولنان مربع سادات آراسنده شهرت طوتوب انفاق امامک
 خدامندن بر شخص کلوب واقع و غیر واقع: «عالم رؤیاده حضرت مرتضا
 علی بکا علی السحر واروب میر سیدی علی بی زیارت ایله دیو بی سکا
 کوندردی.» دیو کلوب انواع تضرع لایدوب و بویان اولنان واقعه شهرده
 مشهور اولوب خلقک میلنه خیلی دخلی اولوب متولی و جمله سیدلر
 میرزانک نظرینه واروب بر کیشی امامی زیارته کلوب ونذر و یروب
 شاهه کیتیمک مقصود ایدینوب و حالیا شادک پادشاه رومه کمال اطاعتی
 اوله عاشورا کونلرنده بوکا بومقوله جفا اولق مناسب دکلدرو بونلرده
 حیلّه و خدعه اولسه البته معلوم اولوردی، زیر احق تعالی جل و علا کلام
 قدیمده و فرقان عظیمده ﴿يعرف المجرمون بسيماهم﴾ دیو بیورمشدر
 بونلرده اصلا اول احتمال یوقدرکه بونک کی حال ظهور ایده دیو
 سویلدکلرندن علما و ساداتک بومقوله کلماتی میرزایه محکم تأثیر ایدوب
 حقیر دخی :

(نجاتی)

کندویی تعریف ایدرمش مشک تر اوکسز اوغلان کو بکن کندو کسر
 مفهومی ایله عامل اولوب فن شعرده بر مقدار لاف و کراف ایدوب
 و میرزایه خبر کوندروب خبرک صدقه و کذب احتمالی وارد ریزه
 حیف ایتمه :

(شیخی)

دیمه کیم ایدمسن قاله یاتوکه سکا قالورسه قالز اوغلانوکه
 یوب و حاله مناسب اوچ غزل یازوب ارسال ایدوب، آندن غایت ذوق
 یدوب اولکیسی :

(مؤلفه)

سنیدین ای دل اغریمش جهدایت یاراش اول یار ایله

آشتی بولماقدین اما قیل حذر اغیار ایله

خاطریم جمع ایت ای لب جان بخشینک ایله ای پری

عقلیمی قیلما پریشان زلف عنبر بار ایله

جام عشقی نوش ایتب مین قوی مینی اوز حالیه

مست مین طبعیم الیشماس زاهدا هشیار ایله

زلفی ساحر چشمی پررفته اوزی نینک ایشی آل

نی بولور حالیم منینک اول غمزه سی مکر ایله

باغ دهرینک ذوقینی قیلماق تیلار سنک (کاتجی)

عمرینکی اوتکار یوری بر سر و خوش رفتار ایله

ایکنجی غزل :

(مؤلفه)

اول یار کیشبکا مهربان بولماس ایمیش
دل بلبغه کلشن کویی دین ییک
عشقمنی تویردی ایلکا اهم علوی
مژگانلری سینمدین اوتیب تی دله
ای (کاتجی) دایم ایشیتیر ییز ایلدین
عاشق اولان انکا شادمان بولماس ایمیش
کزار جهانده آشیان بولماس ایمیش
هیج شعله سی آتشینک نهان بولماس ایمیش
اما فی قیلای زخمی عیان بولماس ایمیش
اولتورسه کیشی رقیبی قان بولماس ایمیش

اوجنچی غزل :

(مؤلفه)

منکا جور ایتب جفا قیلغان صانیرلار یار دور
مین تانیر مین ای کوکل باعث باری اغیار دور
کوزلرم یاشیغه رحم ایلاب یاشورمه حسنینکی
دیرلار ای مه دوا قارشو عاشق دیدار دور
رخ لارینک باغ جنان بولغای اینک آب حیات
ای طبیم فی سبیدین کوزلرینک بیمار دور

تاپسه بیردمدا ایچردی قانینی عاشقلارینک
غمزه سی اول بیوفانینک کورینچوک خونخواردور
(کاتبی) بندنکینی ردايتنک یمان دور دوستم

اول ایشیکینک ایتلاریغه ییغشی خدمتکار دور

آخر میرزا شاهدن خوف ایدوب واتدوکی وضعه نادم اولوب
بوم عاشوراده جمله مزی آزاد ایلدی و تکرار بو حقیری ضیافت ایلیوب
آتلیمزی واسبابمزی و یروب اما خیلی اسباب تلف اولوب و دورت
طعه مکلف کتایم آلوب احکام و مکاتبی بر کیسه یه قویوب، و مهر ایلیوب
بیچاجی باشی سی علی بیگ نام بر یه اول ایله جمله مزی حبس طریق
بله سنه مزبوره خرم الحرامینک اواسطنده شاهه کوندروب اتفاق
یاهک بر حرمی و بهرام میرزانک بر حرمی امامه زیارته کلوب بیزم ایله
مراه اولوب، یولده خیلی مناسبت کسب اولوب هر بریسی شاهه
ارلدقه انواع لطفلرایلدیلر. و آنلرک توابعی ایله یوللرده مدارا ایلمک
بو هر دم یولداشلره پند و نصیحت ایدوب :

(حافظ)

آسایش دو کیی تفسیر این دو حرفست بادوستان تطف بادشمنان مدارا

وب و برکون نشابوره کلنوب امام زاده محمد محروق و شیخ عصار
رت اولنوب و خراسان و کیلی اغا کچل ایله ملاقات ایدوب، اول دخی
ل و یروب، آندن سبزواره کلنوب بعض اراذل دخل و تعرض اتدکده
یت اورر کاروان کچر) مثلی ایله عامل اولوب، بیگ بلا ایله اللرندن
(اص اولدق .

عراق عجمده واقع اولان احوالی بیان ایدر

کونلرده برکون ولایت عراقه قدم باصوب کوه دماوند اتکندن

یعنی مازندران جانبدن بسطامه کلوب، امام محمد افتخ و شیخ بایزید بسطامی و شیخ ابوالحسن هرقانی زیارت اولنوب ارتسی یوله کوروب دامغانه کلوب، اول کیجه یولداشلردن رمضان بلوک باشی دیمکه معروف بر صالح و متدین کمنه عالم رؤیاده حضرت بایزید بسطامی قرق درویش ایله کلوب: «دعا ایدم که میر سیدی علی یولداش لری ایله صاغ و سالم وطنه وارد.» دیو دعا ایدوب اول کیشی بیله اوقیوب بعده یول فرمانی یازوب و مهر لیوب: «یولدرده کمنه مانع اولسون» دیو بو حقیری آگاه ایدوب حق تعالی حضرتینک کمال کرمنه شکر لر اولوندی. حقا که بو خبر جان پرور، مرده دلره حیات تازه ویردی و دامغانده امام زاده جعفر زیارت اولنوب بعده سمنانه کلوب شیخ علاءالدوله سمنانی حضرت لری زیارت اولنوب آنده دخی بی حد تیرایی اولوب بیزم ایله مذهب بحث قلمق مقصد اتد کلرنده یولداش لره: «استر ذهبك و ذهبك مذهبك» حدیث ایله عامل اولوک زیرا:

(لمؤلفه)

عاقل اولانلر ایلمز برآن ذهی، مذهبی، ذهانی عیان دیوب آنلر دخی متصح اولوب ارتسی علی السحر کوچلوب یولدرده دخی هر برینه نیجه درلو نصیحت لر ایدوب طبعاترینه ملایم تسل و پروردم:

(ملاء روم)

صوفی نشود صافی تادر نکشه جای بسیار سفر باید تا بخته شود خای مفهومینی ذکر ایدوب: «هرگز بر کسه سزدن زیاده سفر ایتش دکله اولیه اولسه پخته اولق لازمدر؛ عقل کاملی اولان کمنه ادانی واراد

سوزینه او یق مناسب دکل. « دیردوم. آنلر دخی سوزمز قبول ایلیوب نصیحت ایله عامل اولورلردی. اتفاق برکون ری شهریاره کنبوب امام عبدالعظیم ویبی شهریان زوجه امام حسین رضی الله عنه زیارت اولنوب آنده شاهک اوغلی محمد خدابنده میرزا ایله وقورچی باشی سوندک اغا ایله ملاقات ایدوب مکر شاه مقدا اسمعیل میرزائی قزویندن خراسانه یعنی هرییه کوندروب آنی قزوینه دعوت ایدوب اسمعیل میرزانک خراسانده بعض احوالی ظاهر اولوب اول خصوص ایچون قزوینده شاهک امریله امرادن بری اتلاف ایدیلوب محمدخان دخی هراتده یعنی هرییه اسمعیل میرزانک برنیچه یرار آدمینی شاهک امری ایله قتل ایدوب، ینه محمد خدابنده بی طلب اتدکده شاه ذکر اولان قورچی باشی ایله ینه آنی محمد خانه کوندروب، اسمعیل میرزائی دعوت ایدوب محمد خدابنده ایله وحقیر ملاقات اتدکده شاهک سعادتلو پادشاه حضر تلیینه انواع اخلاصن کر ایدوب بر مقدار پریشان اولمش خاطریمز جمع اولوب. آندن صکره رتسی روانه اولوب فی الجمله بر بوجق آی مقداری زمانده، یعنی غایت هر صفرده پای تخت عراقه، یعنی شهر قزوینه کنبوب شاهه عرض لندقدده هیج بریمزی شهره قویموب سبزه کران دیمکله معروف برکنده وندروب اوستومزه شاهک وکیلی یعنی وزیر اعظمی اولان معصوم کات دیوان بکیسی محمود بیکی قویوب واشیک اغاسی کلوب نه مقدار دمر، اسامیسی ایلد یازوب وقاچ آت وارد دفتر ایدوب، کندی خلقنه زدن مخفی: « هر کیجه بکاک کوردم صوکی نیجه اولور.» دیو محکم تأکید لیوب وشاه مشهده وکیل اولان کوجکه خلیفه ایله وزیر اولان میر شی بی عزل ایدوب یعنی « بونلری نیچون مقدا بکاعرض ایتمدن کوندر. کوز؟» دیو خیلی غضب ایدوب او یله اولسه ییزم ایله همراه اولان قبیجاجی.

على بيك بو حقيره يضاؤل پير على ني كوندروب: «بونلرك وضعندن اصال
خير اكلنمز. اكر نقديه دن بره مقدار نسنه وار ايسه بيزده امانت قويك،
اكر حق تعالى خلاص ميسر ايدرسه ينه سيزك اولسون؛ و اكر بر حال
اولورسه اعدايه اولمقدن بيزه اولسون.» ديوب فقير دخى: «بو مقدار زمان
غربت چكن كيشيلرده نقديه اولمز. واولومندن خوف ايدن بونده كئز:
حق جل و علا كلام قديمنده و فرقان عظيمنده ﴿اذا جاء اجالهم
لا يستأخرون ساعة ولا يستقدمون﴾ ديو بيورمشدر امنابه و صدقاه
اول تقديرجه تنكرى تبارك و تعالى اولدرمدوكن كمسه اولدرمز.» ديو
جواب كوندروب بعده جناب حقه متوجه اولوب، اتفاق شاه كيسه ايله
اولان احكام شريفه و پادشاهلردن آلان كتابتله نظر ايدوب و بيزم
ايله همراه اولان خاملر يعنى شاهك خاتونى ايله بهرام ميرزانك خاتونى
دخى بيزم ايچون: «مظلوملردر جمله سنك يوللرده احوالنه واقف اولدق.»
ديوشهادت اتديلر، و بر مربع دينلوب شاهه كوندردلى:

(لمؤلفه)

شاه مردان دلله روز نبرد اولسه سوار
ذوالفقاره دورمز ايدى رستم واسفنديار
نولا انكچون ديسه لطف ايلوب پرورد كار
لافتا الا على لاسيف الا ذوالفقار
هر زمان اعدايه اول شاه ولايت صالحه آت
ضرب شمشيرين كورن فرزانه لر اولوردى مات
وصف ايدوب شان آتوك ايدردى فخر كينات
لافتا الا على لاسيف الا ذوالفقار
شول غزاده كافرى قرماغه ايتمشدى مين
اويله چالدى تينى اولدم قانده غرق اولدى زمين

دیدى خفته شهادت ایلوب روح الامین
 لافتا الا علی لاسیف الا ذوالفقار
 ایلدی آکا شجاعت خلعتینی حق عطا
 قیلجندن قان طمرسه طکمیدز روز غزا
 دیدیلر جمله ملائک ایلوب آکا دعا
 لافتا الا علی لاسیف الا ذوالفقار
 شیرزدان دن فاجردی خوف ایدوب بیر بیان
 قهرمانلر تیغ خونریزندن استردی امان
 هرد اولوب هرکیم قلیج قوشانسه ایدربى کمان
 لافتا الا علی لاسیف الا ذوالفقار
 نعره اورب ایلسه شاه نجف عزم صواش
 صالسه سیف قاطعن دویمزدی آکا طاغ و طاش
 خلق اولوب فرمان بری دیرلردی قیوب یره باش
 لافتا الا علی لاسیف الا ذوالفقار
 خیرک قوپردی قاپوسن قودی عالمده نام
 عرشه آصدی تیغینی شاد اولدی جمله خاص و عام
 مرتضایه قنبر اولوب (کاتبی) ایدر مدام
 لافتا الا علی لاسیف الا ذوالفقار

ذکر اولنان مربعی شاه کوریمچک وکیلی معصوم بیکه امر ایدوب:
 «یارین سن دعوت ایدوب ضیافت ایله، اول برکون بزضیافت ایدلم، و مژده
 خبرین ویر: هر قتی یولی ایله مقصود ایدینورسه کوندردم.» دیوب فی الواقع
 ارتسی معصوم بیک دعوت ایدوب عالی ضیافت ایدوب ورخصت خبرن
 و یروب: «ارکان سعادت اچیمز کتمک اوزرهدر: اگر آذربایجان یعنی تبریز
 روان یولی ایله کتمک جایز اولورسه عن قریب کیدلمک مقرر در.»
 یوجک فقیر دخی: «ایام شتادراول یوله طاقت کتوریمرز بغداد یولن
 حسان ایلک.» دیو تضرع اولندقد: «شاهه عرض اولسون.» دیو جواب

و یروب یارنداسی شاه دعوت ایدوب ، حین ملاقاتده ارمغانلر یمز
 فقیرانه عرض اولنوب بو بنده حقیری ضیافت ایایوب مجلسده خیلی
 مباحثه و مشاعره ایدوب احوالیمزه فی الجمله واقف اولیجق بیکلرینه
 ﴿ سیاهم فی وجوههم من اثر السجود ﴾ یعنی بونلرده اصلا حیلّه و خدعه
 صورتی اکلنمز حاجی لر و غازیلردر دیوب مقدما عزل اولسان ابراهیم
 میرزانک و کیلی کوچک خلیفه نک و میر منشی نک منصباری ینه مقرر
 اولوب و بو حقیره برآت وایکی خلعت و بر حمل حریر و بعض اسباب
 و یروب وایکی سرداره ایکشر خلعت و بش نفر یولداشه برر خلعت
 و یروب، سعادتلو پادشاه عالمنه حضرتلرینه نهایت درجه اخلاص و محبت
 عرض ایدوب، وکال مرتبه انقیاد صورتن کوستروب و بو حقیری شاه
 برکون فراش خانه سنده یعنی مهتر خانه سنده ضیافت امر ایدوب مقرب
 بکلرین اول مجلسه کوندروب : « اظهار قدرت ایچون بشر یوز و بیکر
 تومنه اولمشدر . » دیو عظیم نیجه یوز قدیفه و ابریشم منقش و مصور
 وزر بفت خالیچه لر و بی حد اعلا تکیه نمدلر و یاد کار مصنع و مصور
 خیمه لر و اوتاغلر و چیغلر تماشا ایتدروب امر اسندن مصاحبی اولان
 یوزباشی حسن بک ذکر اولان اسباب ایچون : « برکای خزینه در . »
 دید و کده بو حقیر دخی : « پادشاهلرده خزینه سیم وزر یله آلات حربدر
 بو مقوله لر خزینه دکلدرد . » دیجک مهتوت اولوب جوابه قادر اولمادی
 و اچیلاری اولان ثابت اغا تبریز یولی ایله مقدم کیدوب ، ییزی بر آی
 مقداری قویور میوب برقاج کره دعوت ایدوب ، بی حد مصاحبت
 اولنوب اثنای مصاحبتده : « دیار و مدن براق خانه معاونت ایچون اوچیوز
 یکیکچری ارسال اولنمش . » دیو ذکر ایتد و کده بو حقیر دخی : « آنلر براق
 خانه معاونت ایچون ارسال اولنمش دکلدرد ، بلکه هشتدر خان یولنده

خواجه احمدیؒ یسوی قدس سره اولادندن باباشیخی چرکس شهید
ایلیوب، یوللر مسدود اولمغین مرحوم ومغفور شیخ عبداللطیف
حضرتلرینی کچورمک ایچون ارسال اولمش ایدی، اکر معاونت ایچون
ارسال اولنسه نیچه بیک لشکر ارسال اولنوردی.» دیدکده اعتمادیدوب
وبرکون مجلسده علماسندن واقرباسندن میرابراهیم صفوی بوبندهیه
سؤال ایدوب: «علمای روم بیزی تکفیر ایتکه باعث ندر:» دیوب حقیر
دخی: «اصحابه سب اولنور دیو استماع اولنور: اوילה اولسه کتب فقهیهده
(سب الشیخین کفر) دیو مسطور ومقیددر.» دیدکده: «امام اعظم قتده
اوילה دراما امام شافعی قتده صغایردندر» دیو جواب ویروب فقیر دخی:
«شافعی یاننده صغایردن اولماسنی سلب ایدوب وآندن غیری حضرت عایشه
حقنده رضی الله عنها بعض فحش اسناد اولنورمش دیو استماع اولنور .
اول تقدیرجه حضرت رسالت پناهه صلی الله علیه وسلم عارلاحق اولوب
سب لازم کلور، اوילה اولسه اول قوم مرتد اولوب قتللری حلال وزمان
ارتداتده تحصیل اولان ماللری غزاته مباح اولور وعورتلری واوغلانلری
اسیر اولوب، اکر اول اعتقاددن رجوع ایتمز لرایسه حبس لازم اولور؛
اکر رجوع اتسه لر خاتونلرینه بی نکاه وبانکاح ووطیؒ جایز اولور.» دیدکده
انکار ایدوب: «هرکیم عایشهیه رضی الله عنها فحش اسناد ایدرسه بیزم
یانمزده دخی کافردر. آندن هم سب لازم کلوب، هم تکذیب قرآن لازم
کلور. زیرا آنک حقنده حضرت حق جل جلاله وعم نواله نیچه یرده
قرآن قدیمده وفرقان عظیمده عفت وبراتنه شهادت ایدر: اما عایشهیه
محبتمز یوقدر، حضرت علییه مخالفه اتدوکیچون.» دیوانی اعتراف
ایدوب فقیر تکرار: «بوکا نیچه جواب ویورورسین کیم حدیث شریفده
(علماء اهل کانیهایی بنی اسرائیل) دیو بیورلمش ایکن ائمهیه اطاله لسان

اولور مش. « دیوجک: » ذکراولان علماده بیزم علمامز داخل دکیدر: « دیدکلرنده: » لطیفه یوزندن امتدن اولان علما کلیا داخلدر. « دیوب تکرار معلوم دکیدر که علما حقنده: (لحوم العلماء مسمومه من شمهها مرض ومن اکلهها فقدمات) دیو ذکراولنمشدر اویله اولسه آنلر ددل اوزادانلره دنیاده و آخرتده البته بر بلا مسلط اولمق مقرر در دیوجک قطعاً جوابه قادر اولیوب سوزی کسوب: « کلیابومقوله سوزلر اسناداتدر. » دیدکده بو حقیر دخی ورق دیگر دیو غیری مصاحبتیه شروع اولندی. و بر کون شاه بو کمینه یه سؤال ایدوب: « بوجهان کشته لک کیم قیلدک، کوردو کک ممالکده قننی شهر مطبوعک اولدی؟ » دیدکده بو حقیر دخی بدیهی:

(مؤلفه)

کزوب سیر ایلدم هر شهرینی کرچه بودنیانک
نظری کوردم هرگز ستنبول و قلاتانک

دیوب شاه تصدیق ایدوب تکرار بو حقیره: « ولایت رومک بکلر بکیلرینک و امراسنک درلکلری نه مقدار تومن اولور؟ » دیو سؤال ایتدکده بو حقیر دخی جواب ویروب: « دیار رومده پادشاهمزک بکلر بکیلرینک و امراسنک درلکلری کندولره مخصوصدر. لشکرک هر برینسک پادشاهدن باشقه درلکلری واردر. سایر پادشاهلرک امراسنک درلکی کندولر حکم ایتدوکلری لشکره کوردهدر. اگر پادشاهمزک بکلر بکیلرینک و امراسنک بواسلوب اوزره تحت حکومتلرنده اولان لشکروک درلکلری جمع اولنوب کندولرک درلکلری ایله حساب اولنسه تومن دکل، نیچه بیاتک بلکه نیچه یوز کلور اولوردی. مثلاً روم ایلی و اناطولی و مصر و بودون و دیاربکر و بغداد و یمن و جزایر مغرب زمین بکلر بکیلرینک هر برینسک حکم ایتدوکی لشکروک درلکلری سایر پادشاهلروک جمله

لشکر لرینک در لک لرندن زیاده اولور. آخر بکالر بکیلرینک و امراسنک
دخی بو اسلوب اوزرینه در و امور سلطنته لایق اولان دخی بودر. زیرا
اوزکه ولایت لک پادشاهلری خانلری و سلطانلری ایله نوکر کندولرک
اولغیه مدارا اوزرنده اولوب ولایت رومده لشکر سعادتلو پادشاهمزک
اولغیه بکالر بکیلری و امراسی سایر بنده لرندن معدود اولوب ذر دوشمه
امر شیرین لرندن تجاوز ایتک احتمال دکلدر . « دینلدی و اول مجلسده
شاهک بعض امراسی ابراهیم میرزا مشهده آلدوغی کتابلری شاهه
عرض ایله محلی در ، شاه آنی فی الحال کتور دور دیدکلرنده فقیر (الفتة
نایمة لعن الله علی من ایقظها) ایله عامل اولوب کچدن کچوم دیو جواب
ویروب مصاحبتی برغیری سمته دوشروب آخر الامر شاهه رخصت
ایچون برغزل دینلدی :

(لمؤلفه)

عاشق ایسه ک خون غم یمکدن ای دل لذت آل
عارف ایسه ک جامی نوش ایلوب برحالت آل
بی بقادر مال دنیا یه کوکل میل ایلمه
قصه قارونی وارکوش ایله آندن عبرت آل
آلغه جان نقدنی منتی ایلمزین بکا
قل تکلم بر نفس بنیدن آنی بی منت آل
رحم ایدوب بن ناتوانه کیردی غمزک زخنه
ای طیبیم باری کل نقد حیاتی اجرت آل
کزمه مجنون کیبی طاغلرده عیث ای کوه کن
عشق وادی سنده شا کرد اول بکالر صنعت آل
یاری کورسهم اولدن کار اتدی حسرت جانمه
جهد ایدوب ای خسته دل دست اجلدن مهلت آل
شبهه یوق حب الوطن ایماندندر (کاتبی)
حالیکی عرض ایلوب شاه کرمدن رخصت آل

ذکر اولان غزلدن شاه غایت حظ ایدوب خوش حال اولوب
 رخصت و یروب، سعادتلو پادشاه حضرت تلیزینک جناب جلالت مآب ارینه
 کتابت یازوب کمال مرتبه عرضه اخلاص ایدوب و خلی محبت لر کو ستروب
 یوزباشی حسن بکک برادری نظر بکی بر مقدار آدم ایله قوشوب، و تکرار
 خلعت و یروب، قزوینده امام شهزاده حسین زیارت اولنوب، مبارک
 ربیع الآخرک اوایلنده محروسه بغداده عزیم اولنوب (سلطانیه) قربنده
 (ابهر) نام شهرک اوکندن مرور اولندقدند پیر حسن بن آخی اوران
 زیارت اولنوب، بعده قرقان آشلوب آنده دخی شیخ محمددم تیزین خواجه
 احمدیسوی زیارت اولنوب آندن شهر درگزین، بعده شهر همدانه واریلوب
 عین القضات همدانی حضرت تلیز و پیر ابوالعلائی مهاجرمکی علمدار
 رسول الله صلی الله علیه وسلم زیارت اولنوب آندن قصبه سعد آباده
 واریلوب سرحد بیکارندن پیاک اوغلی حسن بیکه ملاقی اولوب، اول
 دخی انواع رعایت و ضیافت ایلیوب بعده کوه الوند و کوه نهاوند جانبندن
 یعنی لورستان اتکندن کوه بیستونه کلنوب امام قاسم زیارت اولنوب
 آندن ویس القرن کندینه کلنوب آنده دخی حضرت ویس القرن رضی الله
 عنه زیارت اولنوب بعده قصر شیرین یولی ایله کوردستان ایچندن قلعه
 زنجیره کلنوب اول کون هوا یوزنده ناکاه برها کوریلوب علامت
 خیردر دیو خاق غایت سوینوب شادلغله سیر ایلیوب کیمی مبارک کلن
 و کیمی احوال ذکر و تفصیل ایدوب نته کیم شیخ سعدی رحمه الله
 علیه بیورر:

(بیت)

های بر همه مرغان ازان شرف دارد که استخوان خورد و جانور نیاز دارد
 مفهوم منجه مثلاً غداسی اصلاً استخواندن غیری نسنه اولیوب

انجق استخوان اولوب آنی اکل ایلوب آنکله زندکانی ایلر دیرلر .
 بعض راوی شویله روایت ایلر که غذا زماننده هما اول استخوانی جو
 سایه چقاروب، هوادن بیرد براغوب، دوشوب پاره پاره اولور. اول پاره لرك
 جمله سین بر اندازه اوزرینه ایدوب آندن صکره اکل ایلر حتی ولایت
 عجمده مثل ایش که ارباب مناصدن هر کس برنسه اکل ایدوب حضمه
 قابل اولماسه هما کی اندازه ایله میک کرک ایدی که حضمه قابل اولیدی
 دیرلر ایش . واول کون نظر بیکه رخصت ویرلوب کندی. ارتسی علی -
 السحر قلعه زنجیردن روانه اولندقدن طقوز اولوم دیدکلری نهر عظیمدن
 کچلوب شهر بانه کلنوب آندن شهر مزبورک غایتندن محروسه بغداده
 واصل اولوب خضر پاشا حضر تلی ایله ملاقات ایدوب انواع
 رعایتلرینه مظهر دوشوب دیار رومه عزم اولندی .

بقیه احوالی بیان ایدر

مبارک جاذی الاولک اوایلنده دجله یعنی شط بغداد کشتی لر ایله عبور
 اولنوب، مقدا زیارت اولان مزارات شریفه تکرار زیارت اولنوب بعده
 روانه اولوب ، قصر سمکه و حربی یولی ایله تیکریده کلنوب آندن موصله
 واصل اولوب اسکی موصل و جزیره یولی ایله نصینه کلندی . بعده دیار -
 بکردن مار دین یولی ایله آمده کلنوب آنده اسکندر پاشا حصر تلی ایله
 ملاقات ایدوب انواع عنایتلرینه مظهر دوشوب و بیچه دفعه مصاحبت
 اولنوب واقع اولان سرگذشتی استماع اتد کلرنده تعجب ایدوب: « سیزه
 واقع اولان حادثه تم داریه اولما مشدر و سیز کورد و کیگز غرایب و عجایی
 بلیقا و جهان شاه دوشنده کور مشدر . » دیوب و کشت اولنان ولایتلرک

پادشاهلرین و لشکرلرین استفسار ایدوب بو حقیر دخی کلام قدیمده و فرقان عظیمده ﴿الم غلبت الروم فی ادنی الارض وهم من بعد غلبهم سیغلبون فی بضع سنین لله الامر من قبل و من بعد و یومئذ یرح المؤمنون ینصر الله ینصر من یشاء و هو العزیز الرحیم﴾ دیو بیورلمشدر ادیله اولسه روی زمینده نه ولایت رومه معادل بر ولایت ، و نه پادشاه عالمناه حضر تلرینه عدیل اولور بر پادشاه واردر .

(مؤلفه)

پادشاه رومه نسبت شاه اولنلر حق بودر

بر کیشی بکلی حجبده پادشاه اولمقددر

ولشکر رومه مقابل اولور ، لشکر اولق جهان ایچنده بر دخی متصور دکلددر .

(مؤلفه)

مغرب و مشرقده رومک لشکری مشهوردر

قنده عزم ایلرسه آنلر دایما منصوردر

هان حق جل و علا حشر اولنجه ولایت رومی آباد و پادشاهمزک عمر و دولتن زیاد بر زیاد و عسا کر منصوره سین هر زمان بر مقصود ایدوب اعداسی مقهور وزار و حقیر و بی مقدار اوله آمین بحرمة سید المرسلین . دیوجک آنلر دخی تصدیق ایلیوب : « اطراف عالمه ییزم دخی و قوفلز واردر فی الواقع ذکر اولنان دن بیک مرتبه زیاده در . » دیوب واثنای مصاحبته بو حقیرک در دولتده فوت اولدی دیو خبری استماع اولنوب مصر قپودانانخی ردوس سنجانغی بیکی قورد زادهیه صدقه اولندوغی ذکر اولنوب حقیر دخی : « پادشاه حضر تلری صاغ اولسون منصب احوالی آساندر . » دیوب اما دل غمکینه تسلی یوزندن :

(مؤلفه)

زغبت ایدرمی آدم اولنلر برخانیه
 سید اوله دامه ای کوکل آلدانمه دانیه
 سهم قضا بیلورسین ایریشور نشانیه
 چکمک کان محنتی عالمده یانیه
 کوردک زمانه اویمدی سن او ی زمانیه
 فی کیبی اکلیسک نوله هر دم ایدوب فغان
 قانون ایدندی قدکی چنک ایتکی جهان
 چونکیم سنک ترانکه رقص ایلمز زمان
 کوچ ایلمه اصوله کوزت دایرک هان
 کوردک زمانه اویمدی سن او ی زمانیه
 باش امکه دهره حرمت ایچون اوله مبتذل
 هر کیشی یه نصیب کاور بودرز مثل
 ال ویرمسه زمانه صقن ایلمه جدل
 پندم قبول ایله بنم سوزم اسله کل
 کوردک زمانه اویمدی سن او ی زمانیه
 دنیا سنک اوله طوتلم نیلسک ککک
 عاقل اودرکه یوق بیره خرج اتمیه امک
 صنمه مرامک اوزره دونر دایما فلک
 کوش ایت نصیحتم هله بندن سکادیمک
 کوردک اویمدی زمانه سن او ی زمانیه
 یازمیش نیکم مقدر ایسه لوحه چون قلم
 البته باشه کلسه ککک یازیلن رقم
 شاد اوله حرمت ایله فنا کلسه چکمکه غم
 ای (کاتبی) جهانده ندر چکدوکک الم
 کوردک اویمدی زمانه سن او ی زمانیه
 دیوب حضرت حقک عنایت بی غایتنه توکل ایدوب اما بندر هرروز

وممالك كجرات ولايت رومه الحاق آرزوسى خاطر دن چقميوب آخر
 كندو كندومه :

(لامى)

سنگ كتمز باشكدن بو هوالر دماغك جمله تپرق دولينجه
 بو سر كر دانلغك پاياتى يوقدر وجودك سرتسر خاك اولينجه

ديو نصيحت ايدوب بعده آستانه سعادته يوز سورمك اميدى ايله
 ولايت رومه متوجه اولوب ارغيني ده ذى الكفل نبي زيارت اولنوب
 آندن خارپوت يولى ايله ملاطيه يه كنوب متعلقات سيد غازى سلطان
 زيارت اولنوب آندن ولايت رومه يعنى شهر سيواسه كنوب آنده دخى
 على پاشا حضر تلى ايله ملاقات ايدوب آنلر دخى بي حد لطفلكو ستروب
 آنده عبد الوهاب غازى زيارت اولنوب و على بابا ايله ملاقات ايدوب
 دعاسى آلنوب بعده استنبوله عزم اولنوب كن اواسندن قره حصار
 بهرام شاهه و بوزاق ايچندن حاجى بكتاشه كنوب سلطان حاجى بكتاش
 حضر تلى و بلم سلطان زيارت اولنوب آندن قير شهره كنوب آنده
 دخى آنخى اوران و عاشق پاشا حضر تلى زيارت اولنوب آندن ايش
 يولى ايله و ارسق ايچندن كچلوب و قزل ايرمق چاشنيكير كپريسندن عبور
 اولنوب شهر انكورى يه واصل اولوب حاجى بيرام سلطان حضر تلى
 و اولادى و مقام خضر عليه السلام زيارت اولنوب و جنبى پاشا حضر تلى
 ايله ملاقات ايدوب آنلر دخى بي نهايه لطفلكو ستروب بعده بيك بازاری
 يولى ايله بولى يه آندن مودورنى يه اوغرايوب آندن كونيكه كنوب شيخ
 آق شمس الدين حضر تلى زيارت اولنوب طراقل يكيجه سندن كيوديه كنوب
 بعده صاقر يه صوني ، كپريدن عبور اولنوب آغاج دكرى كچلوب صابانجه

یولی ایله ازنگمیده کَنوب نَی خواجه حضرتلری زیارت اولنوب آندن
ککیویزه یولی ایله اسکودر بوغزی عبور اولنوب دارالسلطنة اغنی
محررسة استنبول تحت وسالمت ایله وصول نصیب اولدی ﴿ الحمد لله ﴾
الذی انقذنا من المہالك واولمنا الى خیر المہالك . حاصل کلام دورت
بیل تمام اولدقدہ آلام و محنت و سرانجام وزجت جملہ نہایت بولوب .
سنہ اربع و سستین و تسعمائہ رجب المرجبک اوایانده اقارب و خلائ
و عشائر و اخوانه حشر اولندی « فحمداً ثم حمداً ثم حمداً علی الآلاء
و النعماء عمداً . » و سعادتلو پادشاه حضرتلری دولتلہ ادرندہ اولمغین همان
ایکینجی کون روانہ اولوب بعدہ محمیہ ادرندہ پایہ سریر سعادتلرینه یوز
سورمک مقدر ایمش بحمدالله ینہ میسر اولدی :

(مؤلفه)

اول صنم نینک درد عشق سنکا ای دل یار ایمش
مین سنینک حالینکغه رشک ایتیم فی ذوقینک بارایمیش
خاک پاین باشیکه تاج ایتینک اول شاهک ینہ
حمد لله کیم سنینک باشیکدا دولت بار ایمش
اول طیب جان مینینک حالیمنی سورسه ایتیکیز
کنج غمدا محنت در دینک بیلان بیمار ایمش
عقلیمی یغما ایتیب دل ملکینی غارت قیلان
دوستلر آلدوم خبر بر غمزہ سی تاتار ایمش
زلف یاری وصف ایتیب قیلدینک معطر عالی
کورسه ایتوردی نوایی (کاتبی) عطار ایمش

و الحاصل سعادتلو پادشاه عالم پناه حضرتلرینک عنایتلرینه
و احسانلرینه مظهر دوشروب و وزرای عظام حضرتلری دخی انواع
اعظم ایدوب خصوصاً دستور اعظم . مشیر افخم اغنی رستم پشایمیرانده

مايشاء حضرتلری بی حد لطف ایدوب وانواع عنایت وهمتلرینه مقارن اولوب (الانسان عید الاحسان) مقتضاسنجه احسانلرینک شرمنده سی وجان و دلدن بنده سی اولوب وبوبنده یه یومی سکسان اچه ایله درگاه معلا متفرقه لکی صدقه اولنوب و بیله اولان کتخدالر سکزر اچه ترقی اولوب ، ینه مصرده متفرقه لک همت اولنوب وبربلوک باشنه سکزر اچه ، وسایر یولداشلره اتی شر اچه ترقی اولوب بریسی مصر چاوشی اولوب سایلری کوکلی کدوکنه الحاق اولنوب ودورت ییلق گذشته علوفاری ویریلوب وعایق وجرایه لری مصرده ویرلک اچون کلم شریف همت اولندی . ومبارک رجب المرجبک اواخرنده سعادتلو پادشاه یمن واقبال وسعادت واجلال ایله دارالسلطنه محیه قسطنطنیه یه متوجه اولوب حتاجله قوناغنه کلندوکی کون بوبنده یه دیاربکریک تیار دفترارلغی صدقه اولنوب بحمدالله والمنه دولتو پادشاه حضرتلرینک سعادتلرنده جمله من بر مقصود اولدق . حق سبحانه وتعالی سعادتلو پادشاهک عمرینی ودولتینی وعزو نصرتینی یوما زیاد بر زیاد ایدوب اعداسینی دایما مقهور وزارو حقیر وبی مقدار ایاه آمین یاخیر الناصرین بحرمة سید الاولین والآخرین .

(المؤلفه)

یا الهی جمله منی ایلک دنیا ده شاد آخرتده داخی ایله رحمتکده بر مرا

بوقصه دن احباب عبرته وارباب خبرته حمه اولدرکه کیشی اولمز هوالر و اوزون سودالر یلتمیوب (القناعه کنز لایفی) مفهومی ایله عامل اولوب سکون اوزره اوله . اتفاق تقدیر ربانی و حکم بی تغییر سبحانی برله دیار غربته دوشوب وطندن دور ومسکندن مهجور اولوب دریای مشقته زار و حیران و کرداب بلاده بی خاتمان اولوب وادی

مختتمه سرکردان و بوادی غریبته نالان و کریان ایکن (حب الوطن
من الایمان) مقتضاسنجه آرزوی وطن ایدوب کندو دیارینه عزیم
و پادشاه اسلامک نعمتی حقن بیلوب آستانه سعادتنه یوز سورمه قصد
و جزیم ایاسه فلاجرم اول کمسنه یابانده قالمیوب مقصودی حق سبحانه
و تعالی قنده حاصل و آز مدته پک چوق مقاصدینه واصل اولوب دنیا
و آخرت یوز آقلقلرین تحصیل ایدوب بین الناس مقبول و مدوح و ابواب
مقاصدی مفتوح اولمق مقرر در. قدتم الکلام بتوفیق الله الملك العلام فی بلده
(غلطه) فی اوایل شهر شعبان المعظم سنه اربع و ستین و تسعمائه من الهجره
النبویه علیه افضل الصلوات و اكمل التحیات تحریراً فی اواسط
صفر المظفر سنه خمس و ستین و تسعمائه

انتها

کتابخانه اقدام

عدد ۴
Sahib, Öküzünde Mahmed, d. 1021

آثار اسلافدن

Fhsen ü-l-hādīs

الحسن بن الحسن

مؤلفی

اوجقی زاده

—

طابع و ناشری

اقدام غزته سی صاحب امتیاز و باش محرری

احمد جودت

معارف نظارت جلیله سنک رخصتیه طبع اولنشد

در سعادت — اقدام مطبعه سی

۱۳۱۳

﴿ ترجمہ حال مؤلف ﴾

« احسن الحديث » نام تالیف جلیلک مؤلفی، رئیس کتاب دیوانی اولدوقدن
 بکیره حنب ایالتی ایله نائل امانی اولان اوقچی زاده محمد پاشا مرحومک مخدوم کزینی
 بومصرع مطبوع نقش نکیندر: (ع) اوقچی زاده محمدشاهی . ۹۷۰ حدو-
 ند توله وطریق علمه سلوک ایله عصر فضالاسندن بحق استفاده ونقیب افندی
 دمننده اتمام دوره ایلمشدر . ۹۸۸ ربیع الاخرنده قاضی زاده افندی یرینه
 یب زاده نک مسند مشیخه کچمسی حسیله محمد شاهی بک کندیلرینه معید اولمش
 نهایت مسالک علمی بی ترک ایله کتاب دیوان سلطانی زمره سنه التحاق وزعامته
 فرقه لاق زمره سنه کسب استحقاق ایلمشدر . ۱۰۰۴ ده ابراهیم پاشانک صدارته
 مسنده تذکره جیلکه وصدارت سرکتابته ارتقا و ۱۰۰۵ ده موسی چلبی
 ینه رئیس الکتاب ، ۱۰۰۶ صفرنده دفتر خانه هایون امانته تعیین اولندیسه -
 ینه اوسنه نک ربیع الاخرنده عزل اولندی . ۱۰۰۷ ده طغراکش دیوان
 شاهی اولوب ۱۰۰۸ شعباننده عزل ورمضانده ینه اورایه نقل ایلدی .
 ۱۰۱۱ ده ینه معزول و ۱۰۱۳ ده مصر دفتر داری اولوب اورادن عزلدن
 کره ده سالیانه ایله امرای مصریه دن اولمشدر . ۱۰۱۷ ده اموریتک لغوی
 سیله استانبوله عودت واختیار تقاعد ایتمشدر . برچوق زمان متقاعداً اصرار
 م ایتدکن صکره دفتر امینی و ۱۰۳۰ ده ینه نشانچی اولمش وله سفرینه
 درکن عزل ایلمشدر . سلطان مصطفی خان اول حضر تیرینک عهد سلطنتلرنده
 نجی دفعه اولدرق توقیع هایون اولمش و ۱۰۳۳ ده تقاعدی ینه اعاده اولندرق
 ۱۰۳۳ ده ارتحال ایتمشدر . علم حدیثده سنندی عالی ، لغات غریبه عربیه ده
 ق الاهی زمانجه انشاده تاج زاده جعفر چلبیدن صکره عدلی کلامشدر .
 سن الحدیث ، النظم المبین فی آیات الاربعین نامیله بوندن ده جسم بر اثری وانشاسی
 له هریرده معتبردر . شاهی محله ایله اشتھاری واردر .

(ذیل شقایق)

بِسْمِ اللَّهِ الرَّحْمَنِ الرَّحِيمِ

الحمد لله الذي نزل احسن الحديث ومن اصدق من الله حديث
 ودبر الجد يدين بحكمته يغشى الليل النهار يطالبه حثيثا . والصلاة على
 سيدنا محمد الذي اوضح سبل الهدى واثى على من كان في الدنيا زاهيا
 زهيدا . ووعد لمن حفظ اربعين حديثا ان يكون له في القيامة شارة
 وشهيدا . وعلى آله وصحبه ورثة علومه واحواله ونقاة احاديثه واقواله
 اما بعد وقتا كه

(نظم لمؤلفه)

بوضيف ومقصر ومكثر
 اوقبى زاده محمد افقر

رفقت توفيق ربانى ايله مفارزة عقل هيولانى دن دار الملك عفة
 بالملكيه داخل ومساعدۀ تأييد استعداد ايله كنزى نفاذ عقل مستفا
 نائل اولدم .

(مؤلفه الفقير)

هست علم دوانزده كانه
 بهر امراض جهل داروها
 عربيت اساس علم آمد
 يهندي في العلوم داروها

فحوای صدق احتواى پيش نهاد ضمير ومذاكرة علم مكتبة
 شب يلداء طلبده نديم وسمير اولوب كتب معتبره دي تصفح وتقصي
 تفصى حاصل ودل ناشاد منتهای مراتب استعدادينه واصل اولدا
 علوم نافعة دينيه به بخلوص النيه اشتغال ومثابرت وسبيل تحصيلده مقا
 ضماً وجوع وترك راحت وهجوعه تحمل ومصابرت ايدرم .

(مؤلفه)

دل جاعله اولماز نور عرفن که نادانك اولور قلیده نادان
مضمون خیال نمونی اوزره صحبت اهل دنیادن اعراض و شیفته
ریجه کاه دولت و جاه اولان ممکوران عقیان و لجیته انطق لسانین ایله
فتراض ایدوب دل ناکامی که وهدة صومعه وحدتدکم نام در رقدت
فلتدن ایقناظ ایچون شمع شب افروز نصیحتی ایقناظ و سهوة
برص و شهوتدن انقاظ ایچون هدف مقصود و بغیته سهم صائب همتی
فناذ ایله .

(مؤلفه)

مقن بوجیفه دنیایه قونمه کرکس وار بلند همت اولوب قانع اول مثال هما
و آیتک شکا مضمونی رزقه ضامن در اراد ربك ان یلغا اشد هما
کاه پیغوله عزل و عزلته روی آرزویه اسبال قناع قناعت
مکله فضاء پر عبر قضا و قدری واله و حیران کشت و سیران ایدوب
مطلع بلاغت مطلعك فحوای دلنوازی ایله زمزمه ساز و نغمه پرداز
لوزدم .

(مؤلفه)

عشقم بکفت باعث قربت هروله ان تأت ماشیاً انا آتیک هروله
و کاه مطموره محودن مغموره صخود کلدکده دهر پرفتور و مقعر
اک بی فطورده ظهور بولان شتر کر به اطوار باعثة الکربه حکمت
سکوت عنها قیلندن معدود بلکه حکمت مجهوله کبی رهگذر وجوه
مقوله سی مسدود اولماغین تعینات دهری وراء ظهوره القا و صحیفه
روزده بوقطعه نك مضمونی ابقا ایدردم .

(مؤلفه)

مدح مخلوق ایله طبعك نجه بر سخن آراق و خودراق ایده
دی در طوطی کویای قلم شکر خالق ده شکر خالق ایده

تصانیف کباره امرار نظر اعتبار ایدوب کوردم که علماء هدایت
اثرک اکثری امردینده جمع احادیث اربعین ایدوب زمره فقهاء پاکیزه
قلوبده مکتوب اولمغه جد جزیل و ﴿ کنت له يوم القيمة شافعاً
وشهیداً ﴾ بارکاهندن تنجز وعد جمیل ایتشلر . بوفقیق و قیر دخی اول
قومه تشبه و ذیل محبت و میل لرینه تشبث ایدوب خاطر مجروح و حسنه
ایلدی که تخریج احادیث اربعینده برطور نوآیین اختراع و برطرز براعت
طراز اختیار واقتراع ایدم که الی الآن مواطی اقدام اقلام سخنوران
اولمایوب اربعین صوفیان کی عنوان مناقب و مفاخر با که ندرت
و غرابته مصداق (کم ترک الاول للآخر) اوله . قوت متخیله که
بومقوله امور معقولیه ایدا انک شانی و بوکونه معانی غرائب نمونینی
ابداع انک اثر و نشانی در بووجهله سیجنگل روحه عرض لقا و سماع
روعه لقا ایلدی که خلال احادیث صحیحهدده بعض کلمات منظومه فصیحجه که
من غیر قصد و لارویه میزان اوزان شعریه ایله موزون و خزانه ترکیب
با انسجامنده کوهر حسن نظام مخزون اوله کتب احادیث و سیر و مسانید
حجت اثردن جمع و ترتیب و انتظام سلك کلام ایچون :

(مصرع)

در رشته کشند باجواهر شبدرا

مغزاسی اوزره برر قصعه خوش آینه دلکشا ایله آمیزش و ترکیب
اوانسه مأمولدرکه حسن قبوله قرین و شایسته ستایش و آفرین اوله .

(نظم)

فکن حدیثاً حسناً ذکره فنما الدنیا احادیث

اما بشرط آن که بحر سلاست نشانی جزر و مد زیاده و نقصان ایله
شورش پذیر و خس و خاشاک آفات علل و زحافات ایله آلوده تغییر اولمایه
پس دل پر هوس بو خطب ملمه ابتدا و شروع ملزمه ابتدار ایدوب هر
حدیث معجز بیانه مناسب و چسپان اولان لطائف و نکات کتب محاضرا -
تدن انتخاب و انتخاب و بعد توفیق الایتمام بو مجموعه براءت اتسام :

احسن الحج بیت

اسمی ایله وسم اولتفاق استصواب اولندی . تا که اسمی مسماسنه
دال و عنوان مقاله مقصود رساله یه براءت استهلال اوله .

(لمؤلفه)

اربعین کرم نگاه کنند اربعین مرا افاضل روم
نشود همچو چلهء مردان طالبان از فیوض او محروم

عرض ضراعت و نیاز مندی بحضرت شیخ محمود افندی نساء الله تعالی
فی مدته ووجه وجوه المستر شدین الی سده

بود در حکم که صدف دل پر غمده افاضه نیشان ازلی احسان
ایله پرورده و دستیاری غواص فکرت ایله ساحل عالم شهادته بر آورده در
سلك طول آمال بی مآلده تنظیم و تنسیق و دولتیان بی استحقاقك اعناقه

تقلید و تعلیق اولنمایوب بر اهل ولایت و هدا و سلطان عالم معنایی اختیار
وایشار و هزار شرم و تقصیر ایله مجلس خطیرلرینه نثار ایلدم .

(نظم)

شاید ارعنصری شوم بسخن هست اندر زمانه محمودی

اول ممدوح محمود الفعال بر کریم عمیم الفعال در که کم کشتگان
مفاضة استعدادی کعبه مقصوده دلالت و ارشاد ایلکم (ع) و ابسته عنایت
یک اهتمام اوست

و اول واحد مقتدی به بر مرشد کامل فیض ده در که مناشیر شروری
ناشرد اولان مأء عاشرده تجدید معالم طریقت و احیاء دوارس معرفت
ایتمکه عالم ارواحدن هر صباح و رواح عتبه و الاجانبه بو وجهله خطاب
اولنور که (ع) فهذا زمان انت لاشک واحده

ذات هدایت مدارلرینه محمیه اسکودار مثنوی و مقروهریوم خفیس
افاضه کلام نفیس ایله محرووران کربت ریاضتی تنفیس اول حضرت ته دأب
مقرر اولوب متصدیان زهد و تقوی خصوصا متصدران تکرمة فتوی
مجلس نصیحتلرنده زانوی استکانت اوزره جاثم و دامن عصمت طراز -
لرینی لب ادب و نیاز ایله لاثم اولورلر .

(نظم)

زسر لفظ نبوت دراند رون دلش بسا ذخائر حکمت که مدخریابی
زدامن کرمش برمدار دست طلب که هرچه آرزوی تست سر بریابی

اهل ارادت و شوق جوق جوق باب کرامت مأبلرنده خاک روب
و تأثیر و عظم و تذکیرلری ایله دافع شواغل کروبو اولوب گوشه چشم
همترین در یوزه و تأمیل و شرف خدمتلرینه ملازمت ایله آداب طریقتی
تکمیل ایدرلر .

(نظم)

واجب آید چونکه آمد نام او شرح کردن رمزی از انعام او
تا زمین و آسمان خندان شود عقل و روح و دیده صدچندان شود

اول ذات ملك خصال اوائل حالد تحصیل علوم رسمیه
شارع و عدت قليلة الاعدادده امداد قوت استعداد ايله هر فنده بارع
اولوب اورع موالی روم اولان ناظرزاده مرحومك شرف اعاده -
سندن رتبة ملازمت معتاده نی تشریف ونیجه مدارس عالیة البناده آیات
درس و افتاده نی تصریف ایلدیلر . بعده مرحوم مرقومك قدری عالی
ودار السلام وام الدنيا به والی اولدقدده ركاب شرف اتصالرندۀ توفیق
مثال رفیق مرافق وجوهر ذات ستوده صفاتلرینه لازم غیر مفارق اولوب
اراضی مقدسة الانارده نیچه اعزۀ کبار ايله لقیه واجتماع خصوصا محبة
قاهره ده که مظهر نعم باطنه و ظاهره در شد مرتاض مجلای کرم فیاض
حضرت کریم الدین خلوتی نك شرف صحبتی ايله کسب انتفاع ایتدکدن صکره
محروسة بروسه ده اقامت وثوا واصل اصوله وصول ايله ترك مشاغل
سوا ایدن

(نظم)

پیش-وای طریق بیرای جلوه پرداز بسط بسطای

کمل اولیانك سربلندی حضرت افتاده افدینك قدس الله تعالی
سره اللطیف ما اطاف حول کعبة القرب مطیف خدمت پرموهبتلرندۀ
تکمیل طریقت بیوردیلر . اوتوز ییلدن زیاده درکه سجاده ارشاده
وضع قدم و ضیافت خانۀ (لان یهدی الله بك رجلاً واحداً خیر من ان
یکون لك حمر النعم) ده بسط بساط نعم ایدوب مشاهیر قصبات و بلاد

ارسال خلفاء صاحب ارشاد ايله يوماً فيوما ضياء دعوتلری آفق کیر
وزمرهٔ اصحاب واحبا اقتصار ساهرهٔ غبراده تزايد پذیر اولماقدردر. بناء
ثبات و تمکین لری بر مرتبه راسخ ورکین درکه (اصحاب الکرامات کلهم
محبوبون) مضمونی اوزره شاهبازدل پرفصالی بسته دام اولیا
اولمایوب مهر و یان بستان غیستان ايله تغزله تنزل محالدر وقاعدهٔ استغنا
ووقار لری بروجهله استواردرکه مجلس خطیرلرنده فقیر و وزیر برابر
بلکه کدای بی سروسامانه نوازش و میلانلری اکثر اولوب کردنکشان
روزگار حضور جلالت مدارلرنده دمبسته ولاندر .

(نظم)

اردت له مدحاً فامان فضیلة تأملت الاجل عنها وقت

سائر شرف و علادن ماعدا سلسلهٔ الذهب آل کرامه انسلاک
و انتظام ايله قدر و الامقاماری مرفع و منشور علو منقبتلری آل تمغای
شرف سیادت ايله موقع اولوب اشعار حقائق اظهارلری ايله که قلوب
اهل کروی تفریح و تفریح ایلمشالردر بومعنائی نیجه محمله تبیین و تصریح
ایلمشالردر. اول عالم عامل و عارف کاملک قلم حکم رقلری نیجه رسائل
بدیعهٔ الاسالیب جمع و ترتیب ایلمشدرکه هربری اصول طریقتده بر کتاب
و کشف مشکلات معرفتده لب لباب اولوب قوت القلوب زمرهٔ احبا
و خلاصهٔ تحقیق فتوحات و احیادر. بوفقی پر هوس دست رس بولدوغم
رسائل غامضة المسائل بونلردر : (جامع الفضائل وقامع الرذائل)
(حیوة الارواح و نجات الاشباح) (کشف القناع عن وجه السماء)
(فتح الباب و رفع الحجاب) (مفتاح الصلوة و مرقة النجاة) (حبة
الحبه) (خلاصهٔ الاخبار فی احوال النبی المختار) و بونلردن ماعدا

عربی و ترکی ایکی طریقت نامہ بی ہمتاری و (نجات الغریق فی الجمع والتفریق) ایلہ مسمی نظم دلکشاری وارد رکہ جملہ سی نقاؤہ آداب زہد و تقاوسا لکان راد ہذا اولان مردان خدایہ جبل متین و عروہ وثقی در . سر سر بستہ الطرق الی اللہ واقف واکاہ اولان عارف دور بینہ واضح و مستبین اولہ کہ اول مجتہد طریقت و مرشد جادہ حقیقتک

(نظم)

طریق راستی کیم جلوتی در میان نقشبند و خلوتی در

شرح حکم دہ نکاشتہ کلک مواہب رقم درکہ (رجال الخلوۃ اقوی من رجال الخلوۃ) زیرا کبار اصحاب و تابعینک روش و آیینلری اہل خلوتک مراسم انقطاع و عز لتلرندن دورتر و شاہدکار و بارلری بحالای مخالطہ و جہار دہ جلوہ کر اولماغلہ جیمک خا اوزرینہ تقدم و اعتلاسی والفک احدیتہ قرب و ولایسی ظاہر و عیان و بومقدمہ مسلمہ سبب فحام مدعیان اولمشدر .

(نظم متوی)

چون نبیسیف بودست آن رسول امت او صفدرانسد و خول
مصلحت در دین ماجنک و شکوہ مصلحت در دین عیسی غار و کوہ

عالم راسخ صاحب الکعب الشائح (ع) ولی الاولیا شیخ المشائخ ،
یشوای توحید افعال و صفات خصہ اللہ تعالی بمزید الزلفات کتاب
فتوحاتک یتمش طقوزنجی بابی (فی ترک الخلوۃ و هو المعبر عنہ بالجلود)
لفظی ایلہ تبویب و ماینلرندہ اولان فرق دقیق تحقیقندن صکرہ جانب
جلوتی ترجیح و تصویب ایلمشدر در . بوبضاعت مزجادہ الاعتبار کہ

هزار عجز و انکسار ایله اول عتبه عالیشان دست آویزد در ویشانه قلنمشدر
کمال کرم و افضال لرندن لحظه توجه و اقبال ایله ملتفت و مرموق و ظهور
اجزایه تقریظ قبول و ارتضا محرز و منموق اولورسه

(نظم)

از ان طرف نپذیرد کمال او نقصان وزین طرف شرف و زرکار ماباشد

جناب کریم و هابه التجا و اول واسطه اثیله و سینه سینه ابتعا
اول نور که شوخ چشمان زمانه و حرف کیران بی بهانه نک که انص احسانه
اسائت و باطلی صورت حقه اراءت انلرک عادت بی سعادت لری در (ع)
فاله یجعل کیدهم فی نحرهم ، ظرافت بارده و اعتراضات غیر وارد لریدن
مصون و مکفی وقت بضاعتدن نشأت ایدن عیب و عواری نظر دقت
اعتبار لرنده پوشیده و مخفی اوله .

(نظم)

شنیده ام که برین طارم زراندودست خطی که عاقبت کار جله محمودست
ز تاب قهر میندیش و نا امید مباش کزیر سایه جودست هر چه وجودست



الحديث الاول

خير امت اودر که همت ايدوب حفظ قرآنه سعی ایده هر آن
که رسولک کلامی در بو حدیث خیر کم من تعلم القرآن وعلمه

(تمام الحديث)

خَيْرُكُمْ مَنْ تَعَلَّمَ الْقُرْآنَ وَعَلَّمَهُ

کلزار صدق اخبارک کل بی خاری اولان صحیح بخاریده جامع .

القرآن حضرت عثمان رضی اللہ تعالیٰ عنہ بوعبارت ایله روایت اولمشدر .
 صدر حدیث مزاحفات بحر خفیفدن (فاعلاتن مفاعلن فعلان) وزننه
 موافق در . «خیر» بوخلده افعل تفضیل واصلی «اخیر» اولدوغنی بی قال
 وقیل در . اگرچه کلمات نحاتدن فهم اولنان خیر وشرک اصلری مهجور
 ومن غیر ضروره استعمالدن دور اولماقدر لکن (رضی) نك « فحفظا
 بالحذف لکثرة الاستعمال وقد يستعملان على القياس » قول بی التباسنده
 ضرورت ایله عدم تقیدی جوازینی تأیید و بعض احادیثده قیاس اوزره
 ورودی بناء استعمالنی تشیید ایدر . اصحاب قلب صافییه پوشیده وخافی
 دکلدرکه قرآن عظیمک تعلم وتعلیمی افضل اعمال واشرف ظلمات
 وآمال در . ونسیان باعث العصیانی سبب سخط جبار بلکه کبیره کثیره -
 الاخطار اولدوغنی امام نووی کتاب (روضه) ده تصریح و بوحدیث صحیح -
 الورود ایله که سنن ابی داودده موجوددر (عرضت علی ذنوب امتی فیم
 اردنبا اعظم من سورة اوآیه اوتیها رجل ثم نسیها) مدعاسن تصحیح
 ایلمشدر .

(نظم)

چنانکه زندکی تن بصحبت جانست بدانکه زندکی جان بنور قرآنست
 (تفسیر اتقان) ده تحقیق و بیان اولمشدرکه تلاوت قرآن ایله
 رطب اللسان اولماق برکرامت کبری ونعمت عظمی درکه جانب فیاض بی علتدن
 رد نشینان عالم بشریته اعطا ورایت قدر و منزلت لری میدان خصوصیتده
 اعلا اولمشدر . عاکفان خطیره (وما من الا له مقام معلوم) بوانعام عامدن
 محروم وسمت حرمان وحسرت ایله موسوملر در . اول جهتدن سبق
 خوان مکتب (علمه البیان) اولان زمره انساندن استماع ایچون اجتماع
 ایدرلر وهر مکانهده قرائت قرآن اولسه اول جانبه کیدرلر . امام اعظم

و مجتهد اقدمدن بو خبر مقبول مروی و منقولدر که بر ذات هدایت رفیق که سعادت توفیق حائز و هر سینه ایکی ختم قرآنه فائز اوله صراط مستقیم سنه اقتدا و حق قرآنی ادا ایتمش اولور . زیرا سلطان خیل انبیا علیه و عایهم افاضل الصلوات و التحایا فریق رفیق اعلا ایله قصد مجاورت و مدینه آخرته هجرت ایتدکلری سال انتقال و رحلتده قرآن مبینی حضرت روح الامینه ایکی دفعه عرض و تلقی و مراسم حفظ و استظهاری اظهارده احتیاط و توقی بیور مشار ایدی . جدول محیط حقائق امام جعفر صادق دن رضی الله تعالی عنه بو کلام صدق انجام مروی و اول رشحه ساقی کوثر بو مقال سلسبیل اثر ابله تشنکان هاجره بعد و هجرانی مروی در که (والله لقد تجلی الله لحلقه فی کلامه و لکنهم لایبصرون) (نظم)

عاقلان را حلاوتی در جان غافلان را تلاوتی بزبان
بهرنا محرمان به پیش جمال بسته از مشک پردهای جلال

صاحب قاموس (بت) ماده سنده بر نادره غرابت نشان ذکر و بیان ایلمشدر . عندالاهالی نفع و جدوی دن خالی اولماغین علی سبیل - الاستطراد بو محله ایراد اولندی (ابوالحسن علی بن عبدالله بن شاذان البتی کمرنی مقری ختم فی نهار اربع ختمات الاثناً مع افهام التلاوة [*]) (نظم)

منکرچه شوی بحالت زنده دلان یا هرچه ترانیست کسی را نبود
اگرچه بوامر غریب استحالته قریب در اما محدثینک صاحب
طرز نوی امام نووی کتاب (الاذکار) ده تذکار ایتدوکی بوندن ابداع
[*] ابوالحسن علی بن عبدالله بن شاذان البتی کمرنی نامنده کی مقری برکونده
برثن اکسیک اولوق ارزده درت ختم ایندیرمشدر . بونکله برابر تلاوتی ده
افهام ایلمشدر .

واغرب وایجاب امر اعجاب سبب در (ع) فان عجبتکم فکم فی الخلق من عجب خارج طور عقل اولساغین برمه نقل اولسدی : « ختم جماعة فی کل يوم وليلة ثلاث ختمات وختم بعضهم فی اليوم واللیلة ثمانی ختمات اربعاً فی اللیل واربعاً فی النهار وممن ختم اربعا فی اللیل واربعاً فی النهار السيد الجلیل ابن الکاتب الصوفی رحمه الله تعالى وهذا اکثر ما باغنا فی اليوم واللیلة . وروی احمد الدورقی باسناده عن منصور بن رازان عن عباد السابعین رضی الله تعالى عنهم انه کان یختم القرآن فیما بین الظهر والعصر ویختمه ایضاً فیما بین المغرب والعشاء ویختمه فی رمضان فیما بین المغرب والعشاء ختمتین وشيئا وکانوا یؤخرون العشاء فی رمضان الی ان یمضی ربع اللیل وروی ابن ابی داود باسناده الصحیح ان مجاهدا رحمه الله تعالى کان یختم القرآن فی رمضان فیما بین المغرب والعشاء فما الذین ختموا القرآن فی رکعة فلا یحصون لکثرتهم فنههم عثمان بن عفان وتمیم الداری وسعید بن جبیر رضی الله تعالى عنهم [*] »

[*] بعض آدمی هر کون و کیجده اوچ ختم ایندیردی . بعضی هر کون و کیجده دردی کوندوزدردی کیجه اولقی اوزره سکر ختم ایندیردی . کونده درت و کیجده درت ختم ایندیرلردن بری السيد الجلیل ابن الکاتب الصوفی (رحمه الله تعالى) در . بوايه ایشیده بیلدیکنز ختملرک ان زیاده سیدر . عباد تابعیدن منصور بن رازانه مسند اولارق احمد الدورقی طرفندن روایت اولنورکه : مشار الیه منصور بن رازان قرآن کریمی اوکله ایله عصر آرسنده ختم ایدردی . مغرب ایله عشا آرسنده دخی بردفعه ده ختم ایلردی . مشار الیه رمضانده ایه مغرب ایله عشا آرسنده قرآن کریمی ایکی دفعه و فضله اولدوق ختم ایلردی . اوزمانلرده رمضانده عشا کیجه نك درتده بری مرور ایدنجه قدر تأخیر ایدرلردی . ابن ابی داود اسناد صحیح ایلدروایت ایدیورکه بر مجاهد دخی رمضانده مغرب ایله عشا آرسنده بر ختم شریف ایندیردی . بر رکعده قرآنی ختم ایدنلرک عددی کثرتی حسبیه قابل احصا دکادر . عثمان بن عفان ، تمیم الداری ، سعید بن جبیر رضی الله تعالى عنهم بوجه دندر .

(نظم)

وليك ايزروش رهروان چالا كست تونازنين جهاني كجا توان كرد
ابن حجر ك (الدر الكامنه في اعيان المأة الثامنه) نامنه اولان
تاريخ مشهورنده مسطوردر كه حمزة الضرير الحنبلي قراء شيرين زباندن
برحافظ جاري اللسان ايدى كه آيات قرآنيه ي باز كونه قرائت وصور
حروف سوري آينه عاينه ده منكوسه اراث ايدردي . اكرچه بوامر
امر كال غرابته بناء حكايه اولمشدر لكن عدم جوازي متعين و آيات
بيناتك تعكيس وتنكيسنده عظيم وزر ووبال بلكه بيم كفر وضلال
اولدوغى ظاهر و بين اولوب (رب نال للقرآن والقرآن يلعنه) وعيدندن
بعيد اولق هر مؤمن حازمه لازم در .

(نظم)

در ادائش زبان مكن كج ميچ حرفهايش ادا كن از مخرج
دور باش از تهتك وتعجيل كام كير از تدبير وترتيل
آشنای عالم روشناي اولان حكيم سنائي نك بومعناي رعناسي زرین
قلم شعشعه مهرايله طاق زرانود سپهره نقش وتحرير اولمغه شايسته
وجد در در .


(نظم)

چنك در گفته يزدان و پيرزن ورو كانچه قرآن وخبر نيست فسانه ست وهوس
اول و آخر قرآن زجه با آمد وسين يعنى اندر ره دين رهبر تو قرآن بس

(فائده زائده)

جمله فوائده غريبه عربيه دندر كه لفظ (بس) زبان فارسیده
حسب معنا سنه متدوالدر . لسان عربیده (بس) تشديد سين ايله

بعینه بومعنايه مستعملدر . ترتيب فن تعريب ايدن علماء عربيت تعرض
واشارت ايتدکبرى عدم تعريبنه دال وتوافق لغتين قيلندن اولمق اغلب
احتمالدر . واتفاقات حسنه ونکات مستحسنه دندر که لغت فارسیده بس
لفظنک اولنه مجرد تحسين لفظ ايچون واو زياده ايدرلر . کذلک لسان
عربیده دخی حسب و قط اولنه فاکتور و آنجق تحسين لفظ
اراده ايدرلر .



الحديث الثاني

رسم شيخينه اتباع ايلر هرکيمک که اوله طالع سعدی
امتینه بيوردی فخر انام اقتدوا باللذين من بعدی

تمام الحديث

اِقْتَدُوا بِالَّذِينَ مِنْ بَعْدِي أَبِي بَكْرٍ وَعُمَرُ

سنن ترمذی وابن ماجه ده حضرت حذیفه دن رضی الله تعالی عنه
بو عبارت ایله روایت اولمشدر . بو حدیثده لفظ (الذین) صیغه تنییه
اوزره مروی و مأثور و لفظ (ابی بکر) (الذین) دن بدلیت اوزره مجروردر .
ولفظ (الذی) حالت تنییه ده لام واحده ایله یازلمق غلط و فرقا بینهما
و بین الجمع لامین ایله کتبات رسم خطدر . شیخینک رضی الله تعالی
عنهما فضائل جمیله عجمیه و منایب عظیمه عمیمه لری اول مرتبه دن افزون
و اول دأردن بیروندر که تنکنای احصا و استقصاده مستکن و استیفاء
حق بیانی عقود خناصر محاسبان ایله ممکن اوله . کتاب (فصل الخطاب) ده

جمال عروس مقالدن بووجهله کشف نقاب اولمشدرکه حضرت صدیق
پیشوای ارباب مشاهدهدر قلت نقل وروایتلری بوکا دلالت ایدر .
وحضرت فاروق رهنمای اصحاب مجاهدهدر کثرت جهد وصابتلری
بومعنائی اشارت ایدر . کتاب (شفا) ده افاده اولمشدرکه مهاجرین
و انصار و آل کرام و صحب کبار ایله مملو و غص اولان مجلس خاص
حضرت رسول اکرم صلی الله تعالی علیه و سلمک شعثه طاعت هایونلری
ایله پر نور و شرف مقدم میمنت مقرونلری ایله رشک بیت معمور
اولدقده حضار نادئ عظیم الخیر ساکن و ساکت (و کان علی
رؤسهم الطیر) خاموش و خافت اولورلر ایدی .

(نظم)

کانما الطیر منهم فوق رؤسهم لاخوف ظلم ولکن خوف اجلال

اول فرقه ناجیه وزمره متناجیه دن همان شیخان اکبران رضی الله
عنهما ابداء بشارت ایله رفع بصر ایدوب صبح جمال بی هماللری
متنسم و حضرت رسول انام علیه الصلوة والسلام دخی آنلره عین
عنایت ایله نظر ایدوب غنچه فم یاقوت فاملری متبسم اولور ایدی .
اگرچه آل و اصحاب کزین رضوان الله تعالی علیهم اجمعینک هر بری
اقتدا و اقتفایه صالح خصوصاً خلفاء اربعه نك هر حل و قلالری متضمن
حکم و مصالحدر لکن حضرت عمر ین رضی الله تعالی عنهما جمله دن
عالی وزمان با امانلری وصمت اعتلال و اختلال دن خالی اولوب حرکات
وسکناتلری دستورالعمل و هر حکم حکم نمالری بدرقه مقصود و امل
اولمغین بو حدیث صحیح الاسنادده ذکر ایله افراد و علی وجه التخصیص
ایراد اولمشلردر . بعد کتاب الله الحجید اصح کتب مسانید اولان صحیح

بخاریده قبس روایت اقبال و فضیلت شیخینده رضی الله تعالی عنهما
بوجهه ایراد اولنمشد که :

(نظم)

نقطه خط اولین پرکار خاتم آفرینش اول کار
روشنایی ده چراغ یقین نور پیشین و شمع باز پسین

حضرتلری مشاهدات غیبیه و عینیہ کشف و انبیا اثناسند
بیوردیلر که بر مرد صحرا نورد بر بقر ذی خواره سوار اولوب کشت
نفار و براری وتك وتنہا بر بریہ تیهاده مشاہدہ صنع باری ایدرکن
ماکاه اول ثور بدیع الطور جانب را کبہ چشم خشم ایله نگاه (ولم
خلق لهذا بل خلقت للحراثة) کلامی ایله منام غفات و ملامدن ایقاز
رانباه ایلدی (ع) وقد تنطق الاشياء وهي صوامت . بعده بو امر
خارق العادینی تصدیق و فضیلت شیخینی اثبات و تحقیق ایچون
(آمنت به انا وابو بکر وعمر) کلام محمدت اثرینی آویزه کوش اصحاب
قین و سر مکثوم افضلیتی افشا و تبیین بیوردیلر . بعده مستشقان
سیم معرفته طیب خوش بوی حکمتی اشام و حدیث سابق اکمل و اتمام
بدوب بیوردیلر که بر کرک سترک دخی قصد قطع اغنام و بز کوسفند
تایی اختلاس و استلاب ایله تحصیل اغنام ایش ایدی . کسوت
فلتدن عاری اولان راعی تکاپوی بی انتها و اول شاة نیم کشتی
بر چنکال کرک درشتدن رها ایتدکده قدرت بی پایان اول عجماء
سته زبانی عقال عقدہ لساندن اطلاق و صورت ذنبده اولان ذئی
نطاق ایدوب « من لها يوم السبع يوم لاراعی لها غیرى » ایله قرب
شرط ساعته تعریض و ساحة اعاظ و انتصاحه تحریض ایلدی . بعده

قلوب مستمعانی محبّه بیضاء ايقانه اماله و محاذاة ابصار دین غشاوّه جبه
وانکاری ازاله ایچون تصدیق خرق عاده و ﴿ آمنت به انا و ابوب
و عمر ﴾ قول معتبرینی تکریر واعاده بیوردیلر . بو کلمات عبرت مط
وینک راویسی که ابوسلمه و صحت روایتی مسلمه در دیمشدرکه بو حده
پر منفعت و سودک زمان و رودنده حضرت شیخین مجلس قدسی مناظر
حاضر اولیوب بلکه بو شرف و فضیلتده همزانوی جناب رسال
اولدقلری غائبانه ابانه و اول رفیقان بی شین و عیبه ظهر الغیبه اظه
یاری واعانه اولمش ایدی . بو مقامده تحقیق کلام و قول حدام بودر
موطن غیب هویتدن عازم ملک شهادت اولان هر امر الهی متضم
حکم بی تنهیدر . اگرچه آل شرف قرین و انصار و مهاجریندن رضی
تعالی عنهم هر بری بر منقبت مخصوصه سزاوار و لائق و طرق اتص
معنوی بعدد انفس الخلاقدر اما جناب ختمیت مناب ایله ضج
و همخواب اولمق بر دولت سرمد سرآمد درکه آنک جنب آفتاب اثر
کواکب و مناقب اخر بی تاب و فردر و بر نوید جاوید درکه سائر قرب
و مفاخردن باسرها اوفی و اوفردر . اگر مقتدای کل سلطان سلاط
رسل سبک روح علوی خرام مسافه کنزار من المسجد الحرام ز
بصیر سرعما علیه صلوة الله مادامت السما حضرت تیرینک حضور هدا
ظهور لررنده حضرت شیخیندن اشرف و احب و آنلردن افضل و اقرب
کیمسه اولسه مرقد فرقد منزلت لررنده شرف وصلت مضاجعتده
وصول بولوردی و شحنه تقدیر بی تغییر اول رفیق خطیری بومشهد را
سائق اولوردی (وهذا امر یقبله المنصفون من الکمل والاکمل
ولاینکره الا من هو مشاحن و مکابر) تنه کیم :

(نظم لمؤلفه)

خلف صدق امیر الشهدا در یکدانه در یای هدا

زینت مسجد دین حضرت زین العابدینه :


(نظم)

رضی الله عن جمیع الآل وعن الصحب ما تلعلع آل

شخص سؤل و حدیث انداز بوالفضول ایراد شبهه و اشکال و حضرت
بخینک حضور جناب رسالتده منزلت لرنیدن سؤل ایتدکده اول واقف
برار خافیه و مفزع قلوب خائفه جواب (که بنزلت هما الیوم) ایله اول
ایستۀ عتاب و لومی اسکات و افحام و حقیقت حالی ضمن پاسخ ناسخ -
اشکالده افهام ایتدک لری تحقیق سابقه مطابقدر .

(نظم)

چو پیغمبر ابو بکر و عمر را بصر خواند این یک و سمع آن دکر را
کسی که این دوندارد کور و کرماند ز نقش و صوت حکمت بی خبر ماند



الحديث الثالث

عافل اولدر که خیره طالب اوله دوشمیه تا که شر ایله ذله
امر سلطان انبیا در بو اطلبوا الخیر دهر کم کله

(تمام الحديث)

اُطْلَبُوا الْخَيْرَ دَهْرَكُمْ كُلَّهُ وَ تَعَرَّضُوا لِنَفْحَاتِ رَحْمَةِ اللَّهِ فَإِنَّ لِلَّهِ
نَفْحَاتٍ مِنْ رَحْمَتِهِ يُصِيبُ بِهَا مَنْ يَشَاءُ مِنْ عِبَادِهِ وَ سَلُوا اللَّهَ
تَعَالَى أَنْ يَسْتُرَ عَوْرَاتِكُمْ وَيُؤْتِيَكُمْ مِنْ رَوْعَاتِكُمْ

ابو نعیم کتاب حلیه ده وابن ابی الدنیا حضرت انسدن رضی اللہ تعالیٰ عنہ ، و بیہقی شعب ایمانده حضرت ابو ہریرہ دن رضی اللہ عنہ بوعبارتہ روایت ایتدکری (جامع الصغیر) ده اشارت اولمشدر. مضیہ عالم طریقہ دن فسحت سرای فضای معرفتہ وضع قدم ایدن واقفان اسرار حکمتہ پوشیده ومہم دکلدرکہ وجود من حیث انہ وجود خیر مطلق وخض موهبہ حق اولوب ہر شردہ نیجہ سر منضوی وصورہ خردہ اولان ہر امر امر نفع یجد و مری وحتویدر .

(نظم)

ہرچہ هست از بلا وعافیتی خیر محضست وشر عاری
ہرچہ در خلق سوزی وسازیت اندران مرخدایرا رازیت

اگرچہ دقایق خیر و ضیری ذہن پاک ایلہ ادراک ایلمک خیلی ہذا
و تمیز خفایای نفع و ضرر دخی امر معتبردر .

(نظم)

فلا عبث واخلق لم یخلفوا سدی وان لم یکن افعالہم بالسیدۃ
یسرفہم فی الفبضتین ولاولا ففیضۃ تنعم و قبضۃ شتوۃ

اما اختلاف جہات شہادتہ بذل وسع مجہود وضمن باطل الجاجد
بریق حق اباجی شہود ایلمک ہر اہل ہنرہ میسر اولیوب ضالہ حکمتہ
واجد بلکہ مصداق عدالف بواحد اولانلرہ مخصوص وفضاء فہ
ودرایتدہ جناح حس ظاہری مقصوددر .

(نظم)

اگر اشیا چنین بودی کہ پیداست سؤال مصطفیٰ کی آمدی راست
کہ باحق فخر عالم گفت الہی بمن بنمای اشیا را کماہی

زہی طالع فیروز و بخت عالم فروز کہ بر مرد نیکوکار قسمت خا

« و ربك يخالق ما يشاء ويختار » دن افاضه مبرت وجود ايجون مخلوق وموجود اولوب دست سخا بار ايله ساسله خيرات و مبارى تحريك ونشر مناشير انعام ايله على الدوام تحصيل نام نيك ايدى .

(نظم)

ولاخير فى طول الحياة اذ امرؤ مضى ثم لم يذكر بخير عواقبه

ارباب زكاونباهته بالبداهه ظاهر وبى حجت وبرهان باهر دركه خبر خيرى مجرد نقل و حكايه كفايت ايلمز بلكه منهج خيره عازم اولمق لازمدر كه عداد اهل سدادده معدود و ميان اخيار نيك نهاده مودود اوله . نته كيم معارف الهيهده ذوقون اولان حضرت ذوالنون بوسر مكنونى كشف و افاده و بوكلام بديع الاشاره دني اظهار و اشاده ايلمشدر كه « كن باخير موصوفاً ولا تكن للخير وصاف فان الكافر قد ينطق بالحكمة » . امام ثعلبى كتاب (اعجاز الایجاز) ده اكر چه نظم آتى البيان ايجون حضرت حسنانك امير اشعارى اولديغنى اشعار ايلمشدر لكن كتاب (مسامره) ده اسباب اشتات عنقه جمع و حوايت و بو وجهله تصحيح سند روايت اولمشدر كه بركون خليفه پاك مشرب و شرفاقت اول من يسلم عليه الرب داور عدالت پرور يعنى حضرت عمر ك (رضى الله عنه) نادى جزيل الاياديلرنده سر جريده اخبار اولان كعب الاحبار حاضر و دريجه درجه انتظار دن كلزار رخصت كفتاره ناظر ايدى ناكاه شعراء نادره الهيئه دن (خطيه) كه ساحت جودت قريحه صريحه سى عريض و بين الشعرا نقاد شعرو قريضدر ذروء روايته اسناد و بوييت پر عبرتده اولان ضاله حكمتى انشاد ايلدى :

(نظم)

من يفعل الخير لا يعدم جوازيه لا يذهب العرف بين الله والناس

کعب الاحبار که هر حدیثنده نیچه سر قدیم مدرج و اکثر کلام معتبری شارح متن (حدثوا عن بنی اسرائیل ولا خرج) در دیدی که یا امیر- المؤمنین بوشعر متین تورات شرف آیتده مصرح و موجود و احبار یهوده منهل ورودی مورود در . خلیفه دومین مقصود کله (و صالح المؤمنین)

(نظم)

شریعت را کمال افزود اول زچل مره دان یکی او بود اول

صاحب مناقب بی مر ، حضرت عمر رضی الله تعالی عنه خاصره
سؤاله شد نفاق و کیفیت و تو عنندن استنفاق ایلد کده کعبه اخبار اولان
کعب احبار اظهار مضمهر و سر مکتوم مکنونی مظهر ایدوب دیدی که
توراتده بالصر احه لابلتوریه بواسلوب اوزره مکتوبدر که (من یصنع -
الخیر لایضیع عندی لایذهب العرف بیتی و بین عبدی) بوکلام حکمت
مجاری حضرت ابی ایوب انصاری علیه رحمة الباری لفظ کلام درر بازیدر که
(من لم یصلحه الخیر اصلحه الشر) بوکلمات حسان دخی نسل حساندن
برزن پارسای ساریه سانک نظم نصیحت رسانیدر :

(نظم)

سل الخیر اهل الخیر قدماً ولا تسئل فتی ذاق طعم العیش منند قریب

رواة ثقاتدن منقول و منظار حکایت مصقله تصحیح روایت ایله
معتمولدر که خانماء عباسیه دن هارون الرشید که قصر بلند خلافتی دعائم
انصاف و نصفیت ایله مشید و بین الانام پیام مکرمت و انعامی مشید
ایدی بروز ترهت بروزدده که :

(نظم)

قصر را ازاندرن در بسته بود کز زیارتهای مردم خسته بود

سواکن بیوت فلك قبابه توجیه خطاب ایدوب دیدی که خیلی ایام
وشهور بلکه نیجه اعوام ودهور درکه :

(نظم)

الخیر ابق وان طال الزمان به والشر اخبث ما اویت من زاد

نظمی لوح قوت حافظه ده محفوظ وچاشنی لذائذ معانیسندن کام
دل ناکام محظوظدر هرچند مطیفان عتبه فلك مانند اولان حمله اسفار
ونقله اشعاردن تفحص ومنظره انتظارده تربث وتربص ایلدم راویان
جهانکرددن هیچ فرد (ع) قائلنک آدینی یاد ایتدی ، ساکنان حرم
ارم هالان بر اهل کمال که دست نشین پیشگاه دست بر بالای دست
وشمول احاطتنه نسبت پایه ابن خلدون دون ورتبه ابوزید وابن درید
یست ایدی قائل نظم مرقوم معلومی اولدیغن اعلام وساحه کلامده
لواء اعلامی اعلا ایدوب بعد الاستیذان براعرائی غرائب بیانی احضار
وشاعر طلب کرده اولدیغن اظهار ایلدی . هارون که اولیاء دولته
ادنی بخشش وعطیتی کنج قارون واعدای بدکردارینک طالع ناهموارلری
واژون ایدی باران سحاب وسخاسی سیلان وبسط مقاله رغبت ومیلان
ایتدکده اول راویئه سخن پرواز زاویه رازدن سرطومار اخباری باز ایدوب
دیدی که : یا امیر المؤمنین اول نظم کزینک برقصه لازمه الاعتیایه ابتناسی
واردرد . اول داستان اعجوبه نشان بودر که بوفقییر شکسته بال اوائل حالده
مؤتمران فرمان (واتموا الحج والعمرة لله) ایله همراه اولوب نیجه روزو شب
شب نیران مقاساة وتعب ایله نادیه پیا ومسافه گذار بیابان وتیا اولدق (ع)
هر روز بمنزلی وهر شب جایی ، بو حال اوزرد نزول وترحال ایدرکن
ناکاه بدرقه آکاه ترک نقدم واقدام ومسیر هدایت مصیردن احجام

واجحام ایدوب ناقه سواران مقدمه وساقه بریره تحزب و خرام حزم
و آرام ایله تحزم ایلدیلر. بوکینه بی تاب سرعت و شتاب ایله اول طرفه عنان
تاب اولوب کوردم که براژدر عفريت پیکر سر کر یوه پچایپچده راه
ججیج هدایت پسیجی بسته ومع کترتهم پای قدرت رفتارلرین شکسته
ایدوب مقابله شاهینده بغاث الطیور ومحاذات شیر عرینده قطع بیقور
کی دنک ولال ودشت دهشتده جرنج شمشیر ملال اولمشلر :

(نظم)

تیشه را زانبوهی شاخ درخت کی هراس آید ببرد لخت لخت
کوسفندان کبروند از حساب زانبهیشان کی بترسد آن قصاب

خاطر مخاطره سنوح ودل پرغا بومعنايه ميل وجنوح ایلدی که
مقاساة حرجار حجاز وراه دور ودرازدن غایت بغیت و مراد تحصیل
مرضاة رب العباددر ا کر بواژدر دمان بی درمانه تیغ آتش زبانده ایله
روانه اولوب تأیید خدا ایله صدمه اولی ده زخماک و نفس نافر جامی
بو خدمت مغفرت انجамده القاء حفرة هلاک ایدرسم اول هیکل ضخمه
آسیب زخم ایرشکله مقاومت قافله دن هراسان وبعنايه الله سر کذرکاهدن
دفع وورفی آسان اولور. بوامرک نتمی تصمیم اولندقدن صکره دل هوس
پیشه بواندیشه یه دوشدی که احتمالدرکه اول ثعبان دیو تمثال ریک تفسیده
تیماء بی مادن بی طاقت وناب ولسان حال ایله قافله مغفرت مألدن جوای
آب اوله. لاجرم (اعط اهلك تمره وان ابی مجمره) مثله امثال و برمشک
ابر فیضان و شمشیر برق لمعان ایله جانب تنین سهمننا که بی باک توجه
واقبال ایلدم (ع) واجود بالنفس اقصى غایة الجود. اول اژدهاء بادهاء
قافله سالاران راه هدادن جدا اولدیغمی کوردکده لسان استعداد ایله
آتش عطشدن فریاد و (اغیثوا علینا بما) مفهوم عبرت نماسنی یاد

ایدوب کردن کردن کندنی دراز و دهانه سچین مانندینی باز ایلدی. بن
دخی اول آب روح آسانی دهلیز کلوی کاریز آسانه هزاریم و نصب ایله
افراغ و صب ایتدی کمده لهب سوزدروننه انظفا و سکون کلوب اول دهناه
پهنا و تیه تبه نماده غلطان و ناپیدا و صورت ابتهاج حجاج منظار روز کارده
نمایان و هویدا اولدی (ع) اندوه کهن بشادی تازه برفت. بعده شوق
و غرام ایله بلد حرامه نزول و المام و مناسک تعبیه یی علی ما سرعت
رعایت و اتمام ایدوب رفقه هدایت فرقه ایله رجوع و قفول و اول جای
ازدها نماده القاء عصا و نزول ایلدک. اقتضاء قضاء عجیب الآثار ایله
وسط شب تارده بلا تحری و تحرز قصد تحلی و تبرز ایدوب بوائساده
رهزن غفلت و نعاس کار بان جواس حواسه ترک تاز و دل میال یوسف
رخان عالم مثال ایله عشق باز لغه آغاز ایلدی. شکر خواب بامداد امتداد
بولوب کرمی مهر رخشان ایله خواب کراندن بیدار و (عوداً علی بدء)
عالم محسوسات بیدار اولدقده اول بریه عمر کاهه نگاه ایدوب کورد مکه
قافله بی درنک ادراک و هم تیز آهنگندن بعید و بختیان جهان کردک اثر
کردی نابید اولمش. خیلی زمان اطراف بیابانده بیهوده تک و پوده اولوب
بالا خره شش جهات جهانندن صوت (کلذی یغشی علیه من الموت) داخل
صماخ جان بلکه هر خار مغیلان نمودار خفوی (یأئیه الموت من کل مکان)
اولدی.

(قطعه)

کیف الوصول الی سعاد و دونه قلل الجبال و دونن حتوف
الرجل حافیة و مالی مرکب و الکف صفر و الطريق مخوف

بو طریق ایله اول مفازة بی رفیقده دشمن کام و وادی نامر ایدیه
عرضه حسام سام ایکن خضر عنایت ازلیه ساز کار و کار ساز و آفتاب

لطف بی حساب (واضیقا الامر ادناه من الفرج) روزنه سندن ضیا انداز
اولوب طرف بیدادن ایکی شتر شیر پیکر ظاهر و پیدا اولدی .

(نظم)

برخ پرفروغ و بتن پرشکوه بکردن چو کردون بکوهان چو کوه

بررسی کندی عبا و اعبا می تحمیل ایتدیکم جل جمیل، بری دخی
بر آخر شتر عذیم العذیل اول اشتراک نوک پیشروی مرصاد انقیاده
سلوک و غایت ذل و رافت ایله بروک ایلدی. بعده قدرت خالق ایله نطق
اولوب دیدی که: ای غریب روزگار بنم غارب استوارمه سوار اولوب
کندی راحله رهوار یکی جنیت وار مقود ضبط ایله تقید و ربط ایله که
(قبل ان یرتد الیک طرفک) ادنی تحریک ایله سنی قافله مغفرت انصالة
ایصال ایدیم. بن دخی اشارت جل ایله عمل ایتدیکمه اول راه بی راهه
روان و متوجه جانب کاروان اولدی طی مکان ایله آرزمانده سواد لشکر
معاین و مبصر اولدقده اول اشتراک مبارک بارک و تک و تاب سرعت و شتابی
تارک اولوب اسان فصیح و بیان صریح ایله دیدی که من بعد کندی جل
جبل سانکه راکب و بنم محجه مقارنت و مصاحبت من بعید و ناکب
اول که (ع) آنده کدشود دیده چه حاجت بدلیل. بن دخی حسب الاشاره
عامل و ظهر شتر غیبیدن نازل اولوب هنکام تودیع و زمان تشیعه اول
ناقه تهارو و اشتر سحرادوه دیدمکه ای مخلوق بدیع خلقت و معجب به
(افلا ینظرون الی الابل کیف خلقت) اول قادر بیچون و کاشف سر مکنون
کاف و نون حقیچونکه منتظران منظره امکانی خلعت خلقت بی امتنان
ایله تشریف و تزیین و هر برینک کمیت حرکات و سکنتاتی لوح تقدیر
متنع التغیرده ترتیب و تبیین ایلمشدر سن نه مقوله مخلوق بدیع الاطوار

اولدیغنی کشف و اظهار ایله که سنک کار و کردارک بنی سراسیمه وزهره
صبر و قرازمی دونیه ایلدی. اول شتر خلیع العذاری تکرار قدرت مهیمین
خلاق انطاق ایدوب دیدی که بن تشکلات کونا کونه مرخص و مأذون
اولان جنیان نیرنک سازدن برجنی غرائب پردازم. سنه اولی ده شکل
ازدهاده صورت نما اولوب کرمی ریک آتش رنکده تشنه و دمه بسته
وداء راحت زدای عجز و جزع ایله بی تاب و خسته ایکن آب تاب ایله
بنی اروا و هنکام ضرور رتده حاجتمی قضا ایتمکین بن دخی بودیر مکافاة
و دور پر آفانده (ان خیرا فخیر) مجلاسنده جلوه کر و دم احتیاج و فاقه ده
صورت ناقه ده سکادلیل ورهبر اولدم. بعده جاده موعظه حسنه به ارشاد
و خاتمه کلام عبرت انجامده :

(نظم)

الخیر ابق وان طال الزمان به والشر اخبث ما وعت من زاد

بیتنی انشاد ایدوب ابتدا بو نظم حکمت اتما اول جنی غرائب نمادن
استماع و بنم وساطت روایت ایله مائده فائده سندن استماع اولمشدر .

(نظم)

على انما الايام قد صرن كالما عجائب حتى ليس فيها عجائب

تمه حدیث مسفورده مذکور اولان نفحات بهیه الهمیه به تعرض
و سترعیوب و رفع کروب ایچون نیاز و تضرع دخی جمله اعمال خیر
مائنددر و حدیثک اولی (اطلبوا) و آخرنده صیغه (سلوا) اولمق اهل بصارت
ایما و اشارت ایدرکه هر طالب کنج مطالبه متحتم و واجبدرکه سپیده دم
شباب پرشتابدن انجام نشیب مشیبه وارنجه بالغدو و الاصال علی الاتصال
دعا و تضرع و مصاف نفس بی انصافدن آمن اولمق ایچون مؤمن ایله
تترس و تدرع ایده .

(نظم)

لولم ترد نیل ما ارجو واطلبه من فضل جودك ماعلمتی الطنبا
اگر چه صفحات نفحات حی قدیر رقمکش دبیر تدبیر دکلدر اما :

(نظم)

تجلی خدا ناکاه آید ولیکن بردل آگاه آید
مغزای خبرت فزاسی اوزره دوام تنبه واکاهی ایله منتظر فیض
نامتناهی الهی اولمق لازمه صدق نیت و کتاب استبصار و تیقظی تحفظ
مقتضای ادب عبودیتدر .

(نظم)

توانی که روشن کنی سینہ را درو آری آیین آیتنارا
زتودورکردن زروزن نقاب بروزن درافتادن از آفتاب



الحديث الرابع

مؤمن اولدرک زهده اولوب راغب ساکن مسجد اولغه ایده جد
فخر عالم کلامیدر بوحدیث افضل الناس مؤمن مزهد

(متن الحديث)

أَفْضَلُ النَّاسِ مُؤْمِنٌ مُزْهَدٌ

بوحدیث تحت عنوان بی زیاده ونقصان بحر خفیفه مطابقدر (دیلمی)
مسند فردوسده حضرت ابوهریره دن روایت ایتدیکی جامع الصغیره

اشارت اولمشدر. علامه زحشری لغت فائده که راموز رموز حقاً قدر
بوحدی ذکر و ایراد واعشی نک :

(نظم)

فلن يطلبوا سرها للنفی ولن یترکوها لازهادها

قولی ایله استشهاد ایدوب « مزهد » ی قایل المال ایله نفسیر ووجه
اشتقاقی « لان ماعنده یزهد فیہ لقلته » ایله تحقیق و تقریر ایلمشدر .
قناعت که ملزوم قلندر برکنز لایفی وکنج بی منهدر که اکا مالک اولان
سالک فضول عیشک سره و ناسره سندن باسره امتناع و هر خصوصده
(من قنع قنع) فحواسی اوزره قدر حاجت ایله اکتفا و اقتناع ایدر .

(نظم)

ملك النعابة لا یغشی علیه ولا یحتاج فیہ الی الانصار والحول

استاذ مشایخ کرام اظهار حق کلام ایدوب بیور مشر که اگر چه فقر و غنا نک
ترجیح و تفضیلنده چوق قال و قیل اولمشدر اما بنم قتمده اشرف
واکمل و جمله دن اجل اولان مقدار کفایت و کفاف و مالا بدمنه ایله
تحصیل قناعت و عفافدر .

(قِطْعَه)

اری دنیا لمن هی فی یدیه عذاباً کما کثرت لیدیه
اذا استغنی عن شیء فدهه وخذ مانت محتاج الیه

فی الحقیقه بودقیقه قاعده حکمت عملیه اوفق و صاحب هر حالده
مکارم خلال بی اختلاله موفقدرد . زیرا خصال بشرده معتبر اولان طرفی
نقیض بغیضدن مکلو و مصون و کمال سداد و اعتداله ملبس و مقرون
اولوب مجاری اطوار و اوطارنده سر « بینهما برزخ لایبغیان » متکشف
و عیان اولمقدرد .

(نظم)

که اختیار وسط راست در جمیع امور بدین دلیل که خیر الامور اوسطها
 هر نیل نیه هوشیار که رضای حکیم بروردکاره آرزومند
 و بی اضطراب و لجاجت قدر حاجت ایله قانع و خرسند اوله دنیاده
 (ماغال من اقتصد) مقصدینه واصل اولور و عقباده (فلات ولات حین
 مناص) دن انفلات و خلاص بولور .

(رباعی)

حرصست که جمله را بدام اندازد و اندر طلب مال حرام اندازد
 حرصست که جمله خلق را زاسایش بازآرد و در رنج مدام اندازد
 ارباب توفیق بو وجهله تحقیق ایتشارد در که فقراء پریشان اوقات قلت
 ازواد واقوات ایله مثابه امواته در الاشول فقیر پاک درون که جناب قادر
 بیچون آنی عز قناعت ایله احیا و روع کثیرالور و غنه سر استغنائی نفث
 و ایحا ایتش اوله .

(نظم)

اگر کنی طلب نانهاده رنجه شوی و کر بداده قناعت کنی بیاسایی
 بو غم مخور ز پی رزق کانکه بی تو ترا بیافرید ضمان میکند بدارایی
 اگر چه نفس بد آموز حرص جهان سوز ایله کویای (هل من مزید)
 و ظلم ظلمات انجام ایله هتک پرده اسلامده رهنمای حجاج و یزید در اما :

(نظم)

النفس راغبة اذا رغبتها و اذا ترد الی قليل تنفع
 فحواسی اوزره حسب الامکان اطماع پریشانی ازاله و تدریج ایله اول
 دل ریاضت پسیمی جانب تقلیل آماله اماله نشانه توفیق خدا داد و نشانه

مدام هدایت واستعداد سداد در. رسالهٔ قشیریّه بعض اهل اشارتدن نقل وروایت اولمشدرکه (ان الابرار) نظم کثیرالاسرارنده نعیمدن مقصد قناعت وجحیمدن مقصود حرص وشهو تدر .

(لمؤلفه)

دنیدر اوکیم عفتی ترک ایدوب تفاخر ایده کثرت یاه ایله
ولاینفع الاصل من هاشم اذا كانت النفس من باهله

رواة صحیحة الاسانیده رسانیده اولان احادیث صحاح وکلمات فصاحنددرکه (طوبی لمن هدی للاسلام وکان عیسه کفافاً وقع به) بعض اکابرک نفائات سحر مأثرنددرکه (الکریم من یستضی بزیته ویلتقط کسرة بیته) حضرت ذو النونک کلمات حکمت نموننددرکه (من قع استراح من اهل زمانه واستطال علی اقرانه) نقاوة مقال بودرکه هر حالده خفیف الحاذ وتارک مطامع وملاذ اولق اسلم واصوب ومعرت فقر واحتیاجدن مضرت مکر واستدرج اشد واصعبدر .

(نظم)

ومن کلفته النفس فوق کفافها فایتقضى حتى الممات عناؤه

زهرهٔ زهر آلود حیوة دنیایه فریفته ومبتلا اولمیان خردمند خیره لائق وجدیر بودرکه رقبهٔ دانی اسرذلدن فک وصحیفهٔ جناندن غلطات فکار پریشانی حک ایدوب متاع قلیل دنیانک جمع وتوفیرینه عدم جترا وهر امرده قدر یسیر ایله قناعت واجتزا ایده .

(نظم)

کر نباشد مرکب زرین لکام من توان زدهم بیای خویش کام
ورنباشد دور باش از پیش و پس دور باش نفرت خلق از توبس

تاریخ خلفاده برداستان غریب رقمزده کلك جادو فریب اولمشدر
کوشه سباقنده دقائن اسرار حکمت نهفته وکلشن سیاقنده شکوفه اعجوبه
وغرابت شکفته اولمغین احادیث آخرک شرحی تأخیر وارجا و عنان
شبذیرخامه سرتیز تیه مانحن فیهده اطلاق وارخا اولندی .

(نظم)

کزارنده حرف برحسب حال زپرده چنین می نماید خیال

که برکون خایفه آگاه معتصم بالله منظره دار اختلافده نشسته ودر
دولت سرا روی بیکانه و آشنایه بسته ایدی اطراف بارکاهه طرف اتباه
ایله نگاه ایدرکن کوردی که برپیر روشن ضمیر دوشنده مشق پر آب
ودستنده کوزه تراب ساحه سرای دلکشاده شرط سقایه بی وقایه ایدوب
خدمتده دامن درمیان و سیاسندن (افضل الصدقه سقی الماء) سری عیان
اولمش . حضرت مسبب الاسباب قلب خایفه والاجنباه محبت سقای خوش
لقای القایتمکین فی الحال اظهار نوازش ورأفت وشعرا وادبا ایله حافل
اولان خلوتسرای ارم مماثلنه دعوت ایدوب مزید انبساط واسترسال
ایله سن وسالندن سؤال ایلدی . پیر حکمت پیرا که مصداق ﴿واسأل به
خیرا﴾ ایدی دیدی که یتیمش بش سالد که کمال ضر وکلال ایله تنکاتنک
معیشت ضنکده روز کار کچیروب سبب تحصیل سبیده شب وروز کار
و ﴿المؤمن لا یخلو عن علة وذلة وقلة﴾ رسمی آشکار ایدرم . خلیفه
عباس شعار بوکلام حکمت مداردن راح انشراح ایله نشئه دار اولوب دیدی که
ای پیر مؤدب حکمت و سبب نه در که پیشه ور وره نشین اولان سوقه و مساکینک
عمرلری دراز واسباب وجوه معیشتی آزا اولوب اغیا واهل جاهک
عمرلری کوتاه و (طوبی لمن طال عمره وحسن عمله) نصیبندن بی نصاب

اولمغه ضول امل یحسابلری تباہ اولور . پیر صائب تدبیر (نغم الناصر
الجواب الحاضر) رکازندن کوهر رازی اخراج و ابراز ایدوب دیدی که
اگرچه کشف استار اسرار ربوبیتده خوف و بیم و حکمت مسکوت عنہای
انہادہ خطر عظیم وارد اما ذہن پاک و عقل تابناک بودکلو ادراک ایدرکہ
دارالاضیافہ (نحن قسمنا) دن مسافران رباط دنیاہ روزیؑ مقدر مقرر
قینمشد . اہالیؑ مجد و معالی دفعہؑ واحدہؑ استیعاب نصیب و خلاق
و استیفای حظارزاق ایتمکین کیسہؑ وجودلری کوهر جهان مایہؑ عمردن
تہی و آفتاب حیاتلری مغرب زمین اجل و مواتہ منتهی اولور . اما خو کردہ
قلت مال اولان فقرای شکستہ بال رزق مقسوم و روزیؑ مرسوملری
شیئاً فشیئاً استیفایا ایدنجه استبقا و تعمیر و ملک وجود مستعارده تأمیر
اولوب قسمت خانہؑ (و ما نزلہ الا بقدر) دن ہر شام و سحر افاضہؑ رزق
جدید و زمان زندگانیلری مدید اولور .

(نظم)

اسکندر و تنعم ملک و دوروزہ عمر خضر و شعار مغلی و عمر جاودان

خليفة حاتم سیرت بوکلام پر حالات و طلاوتی کہ ضمنندہ چاشنیؑ
حکمت ولذت شہد معرفت وارد پسند و استحسان و ایکوز دینار کامل
العیار عطیہ و احسان ایدوب پیر باتوقیر (شا کراً لانعمہ) عودت و رجوع
ورفاه بال ایلہ عبادت منعم بی زوالہ مبادرت و شروع ایلدی . برہفتہ دن -
صکرہ خایفہؑ جواد دأب معتاد اوزرہ فضای سرای فلک مداردہ اجالہؑ
نظر اعتبار ایدرکن کوردی کہ :

(نظم)

کودکی خرد نورسیدہ هنوز سبزہ بروی نادمیدہ هنوز

اول پیر پرستامک مقامندہ الندہ برسبو سو بسو تک و پو و سبیل سقایندہ

رشحه زلال عاطفی جست وجو ایدر خلیفه سلیمان مان پیر هد هد
سانی تفقد و یاد و کاشانه پرسش و نوازشی بنیاد ایدوب تشریف جائزه
تلطیف ایله پایه زیر دستانی قه قبه آسمانه موازی و احیاء سنت ذره
پروری و بنده نوازی ایلدی .

(نظم)

رسمیست قدیم و عادتی معهودست پرسیدن که تران محنت فرسود

حضار مجلس بی مثال اول پیر کهن سال عجز دنیا پر خداه
وداع ایتدیکنی اظهار و بوظیفه رشید و سری آنک پیری اولدیغنی
اعلان و اجهار ایلدیلر. خلیفه عبرت بین انتقال پیر کزیندن معتم و حزین
و ندیم ندیم و حنین اولوب دیدی که نه عجب نکته دلیر و نادره بی نظیر
ایدی که اول پیر پر نور دن ظهور بولدی. حقا که اول سقا بقیه رزق صوری
اولان اکیوز فلوری بی ایفا و روزی معینی جمله افنا ایتدیکنی کبی انفا
عمر بی ثباتی قرین نفاذ و منشور مدت حیاتی بی نفاذ اولوب شحه اجل
مسمی در وازه عالم برزخی باز و مرغ روحی اشیان اصلی طرفه بی پروا
پرواز ایلدی .

(رباعی)

خوش باش دلابداده دهر بساز و از رده مشو در طلب نعمت و آرز
سیم وزر کل مبین و ده روزه بقا خوش و سروتی دست و خوشا عمر دراز

سحبان معجز رقم یعنی حسان العجم بوشعر پر حکمت ایله شرف
قناعته تلویح و مسبوق بالیان اولان دستانه تلمیح ایلمشدر :

(نظم)

کر نفس من فروئی عیش آرزو کند من قصه خلیفه و سقا بیا ورم

الحديث الخامس

سعی ایدر خلقن ایتمکه تهذیب سالک راه دین اولان دانا
حسن الخلق ایچون بیوردی رسول اکمل المؤمنین ایمانا

(تمام الحديث)

أَكْمَلُ الْمُؤْمِنِينَ إِيْمَانًا أَحْسَنُهُمْ خُلُقًا

سنن ابی داودده حضرت ابو هریره دن رضی الله عنه بو عبارتله روایت اوئمشدور. خلق نفس خلقدده بر هیئات راسخه دن عبارتدرکه آنک واسطه سی ایله افعال یسر و سهولت ایله صادر وصاحبی بلا فکر و رویت آتیان و تمشیتنه قادر اولور. اکر شرعا و عقلا پسندیده اولان اخلاق حمیده ایله تخلق و نقائصی اولان رذائل و نقائصدن تخلی ایدر سه اول هیئاته خلق حسن اطلاق اولنور. والا خلق سی ایله مسمی اولمق اوزرده اجماع و اطباق اولنور. (ع) الخلق اسم للمحسن کلها. تعریف مذکورده هیئات راسخه لفظی قید احترازی و بومعنی معلوم نکته شناسان لسان تازیدر. زیرا هر کس که بعض حالات عارضیه و مقتضیات غیر رضیه ایله علی الندور بذل میسور ایلسه عند الحکما سخا و معروف ایله منعوت و موصوف اولماز مادام که نفسنده اول خلق ثابت و کلزار نهاد و طینتنده نهال یزومند دربت نامی و ثابت اولیه.

(نظم)

والنفس اخلاق تدل علی الفی اکان سخاء ماتی ام تساخیا

کذات عند هیجان الغضب تکلف و نصب ایله اختیار سکوت
وسکون و جانب کظم غیظه میل ورکون ایلسه حلم و ارفق اطلاق اولنمز

تا که صفت حلم و رأفت اندر اسی و راسخ و آیات محکمه صبر و انات علی
مرالات حکم طیش و خفتی بالکلیه ناسخ اولیه. باجمله خلق و سجیت
مجرد فعله اشارت دکل بلکه تمرن و عادتدن عبارتدر .
(نظم)

اذا المرء لم یمدحه حسن فعاله فادحه یهدی وان کان مفصحا

زیرا نیجه سخنی رخی البال اولور که فقد نقد مال یاخود آخر
عوائق و اشغال سببی ایله احسان و اجمالد تسویف و اهل ایدر و نیجه
بخیل دخیل اولور که سمعه وریا و بعض طرق حیل نما جهتدن بدل
و سخاده تمحل و کثرت عطا و ساحت ایله طروء عوز و قلمه تحمل ایدر .
اخلاق محسنیده مذکور و بعض مجامیع معتبرده مسطوردر که (یوم تبلی-
السرائر و تکشف الجرائر) گفته میزان صحیح العیارده وزن و اعتبار اولان
اعمال و افعالات اقلی و بر روایتده اسبق و اقلی خلق حسن بعده فعل
مستحسندر. و منبسط و کشاده رو اولان مرد نیکخو مجرد رجاحت میزان
سجاحت ایله سکنه قصر مینا مینو ایله همزانو اولور و قائم الایل و صائم
النهار اولان ابرار و اختیار رتبه سنه وصول ایله مقصودی حصول بولور .

(نظم)

از دشمن اگر رسد بجات دردی ز نهار مکن رنج و اکر مریدی
الفصه چنان زی که اکر خاک شوی بر خاطر کس از تو نباشد کردی

فضل قادر خلاق ایله تهذیب املا و اخلاق جواز و امکاننده
نه وجهله ریب و کان اولور که صورت مختارده اولان انسان پریشان
اطوار دکل بلکه بهائم و وحوش بیقرار دخی گرفتار شبکه شرکه تسخیر
و شر شراست و شکستاری قابل اصلاح و تغیردر. باز تیز تاز جو هوای
وحشت و نفرتده پرواز ایدر کن نشیمن انسده آشیان ساز و لقمه قناعت

ایله تارك شره و آرز اولوب آب و روغن صیادایله پرورده و لطائف الحیل حسن تدبیرایله ساعدشاهان جهانگیر خوکرده اولور و سگ ناپاک تناول جیف و قاذوراتده بی باک و عقره و مکالبهیه حریص و شغبناک ایکن مقررعه ذعرویم ایله پذیرای دم تعلیم اولمغین نامی کلب معلم و اخس حیوانات ایکن طوق حنو و مراعاة ایله معلم اولوب سگ اصحاب کهنه نمائل و (کوا نما امکن علیکم) شرفه نائل اولور. و اسب سرکش بی افسار میدان ججاج و حرانده خلیع العذار ایکن حسن تربیت ایله مروض و سهل القیاد و مربط ریاضت و استسلامده اسراج و الجماعه معتد اولوب مضار اطاعتده رهوار و سبک سیر و شایسته تشریف (معقود بنواصیها الخیر) اولور. نفس بشرکه گرفتار کشایش خیر و شر در (ع) خوپذیرست نفس انسانی و وفقی اوزره قابل تأثیر و پذیرای تبدیل و تغیر اولماسه نصائح و وصایا باطل و سدی و نوا میس الهیه ده ورود بولان مؤاخذات و حدود حکمتدن جدا اولوب (حسنوا اخلاقکم) امری بیهوده و هر کس قمع هوا و هوسده مقاساة شدائد ریاضتدن آسوده اولوردی. تهذیب اخلاقدن مقصود و مراد خصال مادر زادی بالکلیه قلع و اماطه و عن اصلها قمع و اماته دکلدر. بلکه (بعث لا تمم مکارم الاخلاق) مصداق اوزره نقیصه اعتلادن حد اعتداله رد و اختیار خیر الامور ایله دروازه افراط و تفریطی سدم و سدا یلمکدر.

(نظم)

آدمی زاصل فکرت آمد صاف از صفا قابل همه اوصاف
هر صفت را که میشود طالب میشود بر نهاد او غالب
مثلا صفت غضب و حدت که حاق وسطی حمیتدر جنب افراطی
تهور و طرف تفریطی جنب و رخوتدر. و صفت شهوت که حد اوسطی

جانب افراطی شره و ظرف تفریطی جمود طبیعت در اسب سرکش غضب
حکمت حکمت و ادب ایله مضبوط و شیر شرزه شهوت سلسله حکم
شریعت ایله مربوط اولوب هر حالده مرکز دائره اعتدالده قرار و هنگامه
غیظ و کینه ده کظم و سکینه اختیار ایده .

(قطعه)

بین التعزز والتذلل دربه مقبولة في عين كل موفق
فاسلكه في كل المواطن واجتنب كبر الابي وذلة المتملق

نعم نکات قرآنیه ایله سیر اولان واقفان خبایاء تفسیره خبی و سیر
دکله در که (اشداء علی الکفار رحماء بینهم) آیت باهدایتنده بومعنایه رمز
و اشارت واردر . زیرا شدت که خمیرمایه غضب و حدت در طبع بشرده مقرر
اولسه کفار بدنها دایله طرق غزا و جهاد بسته و رابطه جدال و جلاد
بالکلیه کسسته اولورایدی و اگر لهب جهانسوز غضبک انظفا و جمودی
مقصود اولسه اشرف طوائف انام اولان انبیاء عظامده علی نبینا وعلیهم
السلام انفعال و کدردن نشانه و اثر قائلزایدی . مع هذا هربری زمان
رؤیت فساد و معصیتده متکدر و غضبان و اقامت حدوده سعی نامحدود
ایله کوش . یح اهل عصیان اولوب کیمی طوفان عام غیرت و انتقام
ایله قوم بدتبار مستحق التبارینی (لاتذر علی الارض من الکافرین دیارا)
تیارنده اغراق و کیمی شعله جهان افروز حیت دشمن سوز ایله عدوی
تندخوی کینه جوینی (النار یعرضون علیها غدواً و عشیاً) سعیر قعیرنده
احراق ایلدی . حضرت رسول کریم مظهر تشریف (بالمؤمنین رؤف
رحیم) شایسته خلعت (انک اعلی خلق عظیم) ایکن حرم مجلس محترم لارنده که
مصادق (لاتؤبن فیہ الحرم) در بعض کلمات ناهنجار زبان زده جلسا

و حضار اولدقدہ اسرۂ پیشانی مسرت نشانلرندہ آثار غضب و تکدر
منظور اعدا واحبا و امارات اضطراب و تغیر مشہود قرایین واحبا اولوب
حتی و جنات جنات نمالری کلبرک آسا سرخ و آل و ذات ستودہ
فعالری رشحه دار عرق انفعال اولور ایدی . لکن اول سلطان
ملائک حشر و تواضع نمای (انما انابشر) ک همان ظاهر بشرۂ رخشانلری
غبار مدلول (اغضب کما یغضب البشر) ایله مغیر و مغیر اولوب باطن
وحی مواظملری ہر حالده وقایت قادر متعال ایله مجاوزۂ حاق وسط
حقدن بجانب و (لا اقول الاحقاً) حماسندہ مصون و محمی الجوانب
ایدی . بومعناہ (والکاظمین الغیظ) نظم حکمت اتماسندہ اشارت وایما
واردر شول جہتدن کہ کظم غیظ وجود تأثر و ملالتہ دلالت ایدر .
اکر بالکیمہ مادۂ حادثۂ غضبک زوال و انمحاق شرط تہذیب اخلاق
اولسہ اسلوب نظم تغیر (والفاقیدن الغیظ) ایله تعبیر اولور ایدی .
بعض کبار رشحات اقلام دربارلرندر کہ :

(قطعہ)

کل الامور تزول عنک وتنقضی الا الشاء فانه لك باقى
والله لو خیرت بین فضائل ما اخترت غیر مکارم الاخلاق

بوابدہ مغز سخن و قول حسن بودر کہ مزودۂ احتما و دواء
ریاضت و تقی ایله تعدیل اخلاق بی سامانک جواز و امکانہ تجربہ شاهد
عادل و حکماء آفاقک اتفاق دلیل بی معادلدر .

(نظم)

دایم نشان زکنج مقصود ترا کرما نر سیدیم تو شاید برسی



الحديث السادس

حضرت عزته اولور عاصی ایلیه مرشقی که شق عصا
فخر عالم بیوردی صبرایتسون من رأی من امیره شیئا

(تمام الحديث)

مَنْ رَأَى مِنْ أَمِيرِهِ شَيْئًا يَكْرَهُهُ فَلْيَصْبِرْ عَلَيْهِ فَإِنَّهُ مِنْ فَرْقِ
الْجَمَاعَةِ فَإِنَّ فِتْنَةَ جَاهِلِيَّةٍ

تحیحینده حضرت ابن عباسدن رضی اللہ تعالیٰ عنہما بو عبارت ایله
روایت اولندیغی مشارقده اشارت اولمشدرد. آخر حدیثده (فِتْنَةُ) لفظی
مبتداً محذوفک خبریدر. تقدیر کلام (فِتْنَتُهُ) اولدیغی شوب شبهه دن
بریدر. تشریف یاقسکان خطاب (جعلکم خلائف فی الارض) واورنک
نشینان (ورفعنا بعضکم فوق بعض) اولان داوران حکومت رانه بنی ریب
ومین فرض عیندرکه شجره طیبه عدالتدن ثمره نیکنامی ومحمدت اجتنای
وحسب الامکان موبقات ستم و ضعیفانندن اجتناب ایدوب حق مستحقنه
ایصال و بناء ترجیح بالامر جیحی معول عدل معول ایله استیصال
ایده لر .

(قضاہ)

إذا شئت أن تعطي الأمور حقوقها ونوقع حكم العدل أحسن موقعه
فلاتنصع المعروف في غير أهله فظلمك وضع الشيء في غير موضعه

تا که کوش کشان سمع وطاعت اولان اهل سنت و جماعت کردن
خدمتی چنبر اطاعته تسلیم ونصب لواء مخالفت ایدن اهل بغی و غوای
زبان شمشیر سرزنش ونصیحت ایله تکلیم ایدوب رعایا وزیر دستن

پستر راحت وامانده غنوده ولسان انساندن (عدل السلطان خير من خصب الزمان) شنوده اوله .

لكن (انما اعمالكم اعمالكم ترد اليكم) خبرينك مقتضاسي و (که ناتوانده يولي عليك) حديث تحت اثرينك مؤداسي بودر که رعي حکم تن تکونون وملوک وامرا مشابه روح روانده اولوب پادشاهمنز سپاه تن بي سر وسپاهمنز پادشاه درخت بي ثمر در .

تن بي فتوح پيشکار روحه دست افزار وهر خصوصده آلت کار اولمخلد احدم آخره وابسته ومحتاج وهر برينك بناء تفرد واستغناسي مستأصل ومحتاجدر .

(نظم)

روح بي قالب نداند کار کرد قالب بي جان فسرده بود وسرد
قالب پيدا وآن جهان نهان راست شد زين هر دو اسباب جهان

صحيح بخاريده که ازهار صحاح اخباره روض زخيريدر مروی ومسنده اولان قصه اعمی ومقعد بومعنائی انبا واهل فضتي خواب کران غفلتمدن ايفاظ وانباه ايدر . خلاصه تمثيل ونقاوه تحقيق وتأويل بودر که نشاء حياء دنياده که تجارتکاه بضائع امتحان وابتلادر سودا کران جسم وجان سود وزيان ضاعت وعصيانده سهيم وشريك ونرد جهان پردردده طاس کردان کعبتين بدو نيك اولمغين حکمت قدر بي همما اقتضا ايلدی که نشاء اخري ودار الجزاده دخي مشارک وهمراز ومشاهده ثواب وعقابده دخي مساهم وهمباز اوله لر .

اما بعض حدیثده فرمان اولسان مجرد تجرع وتحمل وثياب ثبات ايله تدثر وتزملدر والامنكرات امورك هنگام ظهورنده (فليغير بیده) ذرو مسنه تصاعددن تقاعد ايدر سه باری (وانم يستضع بقبابه)

پایه سنده دور مانده و دون و ﴿ذلك من اضعف الايمان﴾ دارالامانندن
 بیرون اولیه . ﴿ولا تركزوا الى الذين ظلموا﴾ آیت نصیحت نمودنده
 وكون که میل یسیر ایلہ تفسیر اولمشدر باعث مس ناز و مستجلب نکوهش
 و شمار اولیجق ارباب غشم و بیداد ایلہ اتخاذ وسیله اتحاد و منافقانه اظهار
 و داد ایدنلر لاشک فیہ درجه اعتباردن ساقط و اسوء عمل ایلہ درک
 اسقلہ نازل و هابط اولورلر .



الحديث السابع

پدرک امرینه اطاعت قیل تا که جنتده اوله سن خاله
 بو حدیثی بیوردی فخر جهان طاعة الله طاعة الوالد

(تمام الحديث)

طَاعَةُ اللَّهِ طَاعَةُ الْوَالِدِ وَمَعْصِيَةُ اللَّهِ مَعْصِيَةُ الْوَالِدِ

خبرانی مسند اوسطده حضرت ابو هریردن رضی الله تعالی عنه
 بو عبارتہ روایت ایتدیکی جامع الصغیرده اشارت اولمشدر . مظاهر فضلی
 بی نہایہ اولان اهل نہی یه نہان اولمیه که رضای والدین هر مسلم مستسلمک
 ذمت همتده دین بلکہ هر عاقل مکلفه فرض عیندر . زهی سعادت و اقبال اول
 فرزندستوده فعاله که استرضای ابوین ایلہ تحصیل شرف و نجابت و (ان اشکرلی
 ووالدیک) دعوتنه اجابت ایدہ . فصیح اللغا اولان بعض بلغانک لفاظه
 کلام درر بارو لفاظه قلام کوهر نثارندر که ﴿ایاک و تأبیک عن مطاوعة امیک﴾ .
 اگر چه رعایت پدر نیکخواه غرقه مرضاة آله سلم اولدینی مسامدر لکن

مادر مهربانه بروحان اہم واحرا وبومدعائك اثباتنه (الجنة تحت اقدام الامہات) دليل اقوم واقوادر .

(نظم)

جنت کہ رضای مادرانست اندر تہ پای مادرانست

روایت در کہ اب مشفق امت اولان حضرت رسالتہ علیہ الصلاۃ والتسلیم ماجری السلسیل والتسليم برسائل کہ حقہ قتل واستکشاف مسائلہ مائل ایدی دیدی کہ ای مفخر رسل وانیا اولو الارحام وذوی القربی دن کیمک امرینہ اتمام وصلہ متواصلہ سنہ زیادہ اہتمام ایدیم .

(نظم)

افضل انیا خلاصہ کون پردہ پوش ام بدامن عون
کار پرداز کار نامہ غیب خازن کنج خانہ لاریب

حضرت لری کان دہان معجزہ آثار لرندن کوہر نثار اولوب بیوردیلر کہ
(امک ثم امک ثم اباک ثم الاقرب فالاقرب)

(نظم)

ہرچہ اوکفت امر مطلق دان وانچہ اوکود کردہ حق دان

تابعینک کزیدہ عصری یعنی حسن بصیرینک مقال حکمت مألیدر کہ
(حق الوالد اعظم وبر الوالدة الزم) وبر فضل یکانہنک سخن محققانہ
سیدر کہ (الاب اعرف واشرف والام ارام وأراف) . کتاب البرکہ
فی مدح السعی والحرکہ دہ بعض مالکان کان حکمتدن نقل و حکایت
اولونور کہ ہر فرزند فیروز کہ ہر شبانہ روز پدر و مادرینی بش دفعہ دعا
ایہ یاد و بنیان درک حقوق و ترک عقوقی بنیاد ایدہ حق ابوقی ادا و طریق
شرط بنوتدن اماطہ اذا ایتمش اولور . زیرا (ان اشکرلی ولوالدیک)

آیت موعظت نماسنده بعض علما بیورمشلرکه صلوات یحکانه بی اقامت
 فیاض بی علتک شکر نعمته بادیدر کذات هرروز وشب دعای ام وابایله
 بش کرده تحریک لب طلب حق بنوقی رعایتیه سبب عادیدر. بالانشین خیر
 القرون اولان برفاضل حکمت مقرون دن مرویدرکه والدینه ترک دعا
 سبب ضیق معاش وباعث تنگدستی وقت انتعاشدر. بوتقدیر اوزردانلره
 دعا موجب یسار وغنا ومزیل اعسار وغنا اولدیفی بطریق الدلالة
 وامنهوم ظاهر ومعلوم اولور. حق والدینده مرویه اولان کلمات نبویه.
 دندرکه ﴿ان الرجل لیموت والداد وهو عاق لهما فیدعوالله لهما من
 بعد موتهما فیکتبه الله من البارین﴾. جالسان سریر حسن سریرتدن
 برناقد بصیر صاحب بصیرته دیمشلرکه بزم اولاد واحفاده میل وودادمن
 ناکزیر وعلاقه حنووحنانلری صمیم جاننده جایکیر ایکن نه حکمتدرکه
 انلر انجذاب واطاعتلری فرط ندرتدن (کالابلق العقوق) واکثری مبتلای
 رذیله عقوقدر. اول فیلسوف صاحب وقوف کلامنی بووجهله تعلیل
 واثبات مدعاده بوکونه اقامت دلیل ایلمش که ﴿لانهم منا ولسانهم﴾ وحکیم
 اخر سرپوش طبق هنری باز وسر حکمت خفیه بی ابراز ایدوب دیمش که
 زیرا حضرت ابوالبشر محبت پدردن عاری ومدی الاحقاب سلسله
 اولاد واعقابنه بومعنی ساری اولوب نهاد اولادده محبت آبادن ابامقرر
 وصحیفه سخیفه بالترینه رقم استغنا ودلال محرر اولور. پدران بردباره بار
 اولیان پسران ستم پرداز حقنده برشاعری ساحرنیرنک ساز بومعنای
 ابداع وبووجهله حسن اختراع ایلمشدر:

(قطعه)

دانی سبب زچیت که فرزند باپدر	منت ندارد ارچه فراوان دهد عطا
یعنی بدین جهان که محل حوادثست	درمحنت وجود تو آورده مرا

واقفان سر برده کالشمش فی الظہائر ظاهر اوله که ولایه ورعیه بر امر لازم الرعایه دخی بودر که دوستان پدر تعظیم و اکرام و مرغ دست آموز دل رأفت اندوز لرخی دانه کرم بی نهایت و لطف بی بهانه ایله رام ایدر لر. زیرا ﴿من ابر الیر ان یصل الرجل اهل و دایه﴾ حدیث لازم التنبیهی اوزردانلری زیارت ورعایت جمله اسباب بروسیرت حسنۃ اشراف و اکبردندر. حقوق والدده وارد اولان احادیث جلیله العوائد دندر که ﴿ان الله لیرفع الدرجة للعبد فی الجنة فیقول یارب انی لی هذه فیقول باستغفار ولدك لك﴾ سعید بن مسیدن که عطر حسن الیانی ایله مشام جان اهل عرفان معطر و مضیدر مرویدر که بار اولان فرزند نیکو تبار میتۃ سوءدن آمن و حفظ و کلاء تنه فضل بی علت ضامن اولور. میان بیش دادیاند فرید اولان فریدونک کلمات حکمت نمونندندر که ﴿من بر وادیه برده ولده﴾ حکیم آخر بوقول معتبر ایله تعریض سفله لثام و کلام سافک مفهوم مخالفندن بو وجهه حسر لثام ایلمشدر که ﴿من عقی اباه عقه ولده﴾ کتب کلامیه ده تحریر و تکتیب اولندیغی نسق و ترتیب اوزره عقوق والدین بعد قتل النفس اکبر کبائر و اعظم موبقات و جرائم در. کبار انصار دن جامع علم و عمل حضرت معاذ بن جبل رضی الله تعالی عنه بو وجهه ورق کردان قل و قیل و قصه کذار (حدثوا عن بنی اسرائیل) اولمشدر که حضرت کلیم کریم علی نبینا و علیه الصلوة و التسلیم طور بشریتدن خروج و معراج ظوره عروج ایدوب شرف مکمله و مناجاة ایله سر افراز و اوچ بیک بشیوز کلمات تاماته محرم راز اولدقده خاتمه خطاب و هنگام رجوع و ایابده بارگاه عزتدن طلب وصیت ایلدی. جانب خدادن بی حرف و صدا ندا کلوب اول شرفیافته (که ره) و بیدار دل پیشگاه تنبهه یدی دفعه ﴿اوصیک بامک﴾ پیامی الهام بعده ﴿الا ان رضاها من رضائی

وسخطها سخطی) ایله ختم کلام اولندی. تاریخ انبیاده نکاشته قلم نکته زای عبرت فزادرکه یکسواره مضمار (انی احببت حب الخیر) وصاحب قرآن (حشر لسلیمان جنوده من الجن والانس والطیر) حق ابوت ونصیحتی توفیه وفرزند عزیزینه بوکلمات نصیح آمیز ایله توصیه بیوررلر ایدی که (احفظ یا بنی سنه ابیک ولاتنس وصیه والدتک یطل عمرک) والدینک وجوب رعایتنه بومعنی کفایت ایدرکه کلام قدیم ربانیده که دینه کشای راز نهانیدر.

(نظم)

از در تن بمنظر جان آی بتمشای باغ قرآن آی
تا بجان توجه نهانید آنچه بد و آنچه هست و آنچه آید

والدینه مبرت واحسانک پایه ذکر و بیانی عالی و (قضی ربک ان لاتعبدوا الا ایاه وبالوالدین احسانا) معنایی مواضع شتی ده مقدمه عبادته تالی اولمشدر. خلیفه بلند اقدار مظهر دعاء (اللهم ادر الحق معه حیث دار) اقضی الامة وکاشف الغمه امام علی الهمة کرم الله وجهه ورضی الله عنه (ولاتقل لهما اف ولاتنهرها) آیت نصیحت نمانسده بووجه دقیق اوزره تحقیق بیورمشرکه (لو علم الله شیئاً من العقوق ادنی من اف لحرمه) بعده لجئه غیب هویتدن برقطره حکمتی ساحل شهادته کتوروب بووجهله کشف اسرار وراز لازم الا برازی تحفه مجلس ابرار ایلمشرکه (فلیعمل العاق ماشاء ان یعمل فلن یدخل الجنة ولیعمل البار ماشاء ان یعمل فلن یدخل النار) باب عقوقده مسوق اولان اخبار صحت آثار دندرکه (ایاکم وعقوق الوالدین فان ریح الجنة توجد من مسیره خمسمائة عام ولا یجد ریحها عاق) اب صورینک که مزاج عالم ارواحدن باعث دوری اولمشدر اطاعتی ضربه لازب وپوامره مخالف

ایدن فرزند بدسیرت مأمن رحمتدن بعید وعازب اولیجاقاب مغوینک که
رهنای صراط سوادر هر حالده ترحیب واجلالی اوجب وافرض بلکه
بونک مراعاتی مقصود بالذات وسائرک رعایتی بوکا نسبت مقصود بالغرض
اولور .

(نظم)

آباء اجسادنا هم سبب لان جعلنا عرائض التلف
من علم الناس کان خیراب ذاك ابو الروح لا ابو النطف

هر عاقل رشیده خفی و پوشیده دکلدر که اگر چه ﴿لقد وصینا الانسان
بوالديه حسناً﴾ اقتضای اوزره حیاتلرنده خفض جناح ذل ومماتلرنده
ثیاب دعا ایله تبذل متحتم وواجبدر لکن آبا وامهات ایله فخر ومباهاة
نفس اییه وسجیه سخیه صاحبه نامناسبدر .

(نظم)

یجر نیستی هر کو فرو شد فلا انساب نقد وقت اوشد
مردی وارهان خودرا چومردان ولیکن حق کس ضایع مکردان

هر بزرک زاده نادان که مکتب فضل وعرفانده ترک تحصیل واکتساب
ووجهه مفاخرته نصب انصاب انساب ایده دیار غربت هنر ومعرفتده مانند
شهر واو لسان غیب هاتقدن بوکلمات پر لطائف شنوا اولور :

(نظم)

ان افتخرت بأبائِ مضوا سلفاً قلنا صدقت ولكن بئس ما ولدوا

صاحب حیثیت اولان اهل همت پذیرای کلام :

(نظم)

ان الفتی من يقول ها انا ذا ليس الفتی من يقول کان ابی

وعظم نحر ايله مفتخر اولمقدن مستمكنف و ابى اولوب احياء سنت باهليه
جاهليه دن عار و هر آن (الشرف بالهمم العاليه لا بالرمم الباليه) معناسنى
اشعار ايدر .

(نظم)

از هنر خویش کشا سینه را مایه مکن نسبت دیرینه را
آب کهر هائی کهن را بجوی در چو کهن گشت شود زرد روی

صاحب نفس عصامی (ع) استاد سخنوران نظامی - بوایات
بی بهانه ايله فرزند فرزانه سینه پند و چشم زخم فلک بی رحمدن وقایت
ایچون سذاب تلخ نصیحتی سپند ایلمشدر :

(نظم)

جانی که بزرگ بایدت بود فرزندی من نداردت سود
چون شیر بخود سپه شکن باش فرزند خصال خویشتن باش

بر شاعر حکیم مشرب دخی کلزار فضل و ادبه قریحه صریحه سندن
اجراء جو یار تدقیق و کلام مرغوبی بواسطه اوزره تحبیر و ترقیق ایلمشدر :

(نظم)

بگذر از زنگ طبیعت چنگ در تحقیق زن تنگ باشد با پدر نسبت بما در داشتن

الحديث الثامن

ففریکى دفع ایچون زراعت قیل حالکی ماسوايه ایلمه عرض
افضل انبیا بیورمشدر اطلبوا الرزق فی خبایا الارض

(متن الحديث)

بو حدیث شریف موافق بحر خفیفدر . ابو یعلی مسندنده و طبرانی

مسند گیرده و بییهقی شعب ایمانده حضرت عائشه دن رضی الله تعالی عنها بوعبارتله روایت ایتدکلری جامع الصغیرده اشارت اولمشدر. فائق الغدده که قدری بین البلغا بلندوسمی واختصاص یافته (خذوا لکم من رجل اعجمی) در (اطلبوا) محلنده (ابتغوا) لفظی ایراد وایکی وجهه تبیین مراد اولمشدر. وجه اول زراعت وحرارته حث و تحریض ووجه ثانی معادنده متکون اولان فلزاتک استخراجنه ترغیب و تحضیض اوله. مرصاد العبادده بورسمله بسط مقدمه ارشاد اولمشدر که فلاحت ودهقنت جناب عزت ایله معامله وسودا کری وبهترین مکاسب واشغال اولدینی و صمت ریب واشکالدن بری اولوب فی الحقیقه صفت رزاقیده نیابت حضرت حی باقیدر لکن کار کشت وکاره مواظب اولان کاسب غیر کاذبه لازم ولازبدر که مال بی مال ایله مغتر ومزاج حالی آفات ملک سریع الارتحال ایله مغبر اولیوب اسباب یسار ومکنت ید تصرف وقدرتنده ودیعت اولدیغنه تیقن ومرشد خرد رهنموندن (الدنیا مزرعة الآخرة) مضمونی تلقن ایده (ع) هر کسی آن درود عاقبت کار که کشت وفکر جمع واستکبار واندیشه باطل احتکارده اولیوب هم رزق ایله پریشان اولان محال و درویشانه عین بصر ایله نظر ایتیه وهنکام زراعتده تقدیم نیاز وضراعت وزمان حرارته سر رشته حزمی حفظ وحراست ایدوب بونیت ایله دانه فشان وبوامنیت ایله درخت نشان اوله که چرا گاه زندکانیده سروح ایدن هرذی روح محتاج زاد وقوت وعطلت واهمال هر حالده مذموم ومثقوت اولوب جنس حیوان واغلب نوع انسان صنعت دهقنتدن عاجز واسباب معیشتاری عروض تأخر ایله غیر ناجزدر واقتضای حکمت قضا ایله هر کسک برحرفته ممارستی امرنا کریر وضمن مجموعه مصالحت نظام اکمل تمشیت پذیر اولمشدر لاجرم خدمت

زراعتی محض فوز و غنیمت بیلوب محصول زرع و بیستانه کثنا من کان
تطاؤل و تناوش و تناول ایدنلره طیب خاطر و صفای بال ایله حلال
و ساحة ضمیر و سعت پذیرندن ازاله خاك روبة ملال ایده بالجمله فلاح
فلاح نما خدمت خالق کل و کشت صورت کسبده عین توکلدر .

(نظم)

رمز الکاسب حبیب الله شنو از توکل در سبب کاهل مشو
کر توکل میکنی در کار کن کشت کن پس تکیه بر جبار کن

زیرا فلق جبوب والقاء جبوب ﴿ اتم زرعونه ام نحن الزارعون ﴾
مضمونی اوزره محضا مشیت صانع بی علتله و ابسته و صید قوت نامیه
شبکه قدرت بشریه دن متنفر و جسته اولوب بعدالقاء البذور طاعات و نذور
ایلله جناب مسبب الاسبابه قصد دنو و تقرب و روزنه توکل و استسلامدن
شروق آفتاب فضل و انعامه انتظار و ترقب ایدرلر .

(نظم)

کیرم اکنون تخم را کر کاشتی بر زمینی که سبب پنداشتی
کر دوسه سال آن نروید چون کنی جز که در لابه و دعا کف درزی

اگر بعض سنینده ربیع زمین کمتر و اشجار مثمره مقاصد و آمال
خشک سال قحط و ابدال ایلله بی برک و بر اولورسه زبان سر تیز و دل
و سوسه آمیز ایلله افاعیل حکیم کردکاره اعتراض و انکاردن پرهیز و آیت
﴿ فی السماء رزقکم و ما تعدون ﴾ ده مخزون اولان حکم کونا کونی درک
و تمیز ایدوب قلت نان بی امتناندن متضرر و تنگدل و ضیق معشت
و ضنک و قلت ایلله پریشان و منفعل اولیه .

(نظم)

جنون منك ان تسعى برزق و یرزق فی غشاوته الجنین

وسنابل وحبّاتك نما ونباتی باران بهار واعتدال گردش لیل
ونهاردن بیلمیوب ساحه دل صفیسنی چرك شرك خفیدن پاك وبومقوله
حكم مجهوله ده متابعت اعتقاد عجائز جائز اولدیغنی ادراك ایده .

(نظم)

زالکی کرد سر برون زنهفت کشتک خویش خشک دید و بگفت
که هم آن نوی هم آن کهن رزق برتست هرچه خواهی کن

دهقان صاحب ایقان که دهقته بونیت ایله شروع ونقاء طویت ایله
حفظ کروم وزروع ایدوب اوامر ونواهی نی کماهی رعایت واقامت راتبه
خدمتده مکابده بی غایت ایده هر برك وبار ولقاطه حبوب وثمار که مسافران
عالم ناسوته آندن قوت وقوت حاصل یاخود وحوش وطیورک حواصلنه
واصل اوله آنک صحائف اعمالنه نوشته و مزع حسناننده کشته اولوب
هر دانه کم بها سلوک راه خداده بر قدم راسخ وقطع مراتب اخرویه ایدن
یاران میاننده سبب شرف باذخ اولور. نته کیم بو حدیث آکا اشارت
والماع و بوباید اولان پاداش و ثوابی مکرمان زمانه اسماع ایدر که ﴿من
یزرع زرعاً ویغرس غرساً فما اکل من الطیور والدواب یکتب فی دیوان
حسناته﴾ بامکه اخلاص عمل ایله تکمیل انسانیت و عباد اللهه ایصال نفعه
تصحیح نیت ایدر سه کدیمینی ایله بر اورده سفره زمین اولان محصول
ومحصول وریع مقصود ایله هر کیم که تغذی و بلا تعدی تعشی و تغذی
ایدوب اول قوت ایله مراسم طاعتی اقامت ایده باسر ها آکا محسوب
﴿من غیر ان ینقص من اجورهم شیئاً﴾ دیوان حسناته مکتوب اولور .

(نظم)

فضل حق که بها نمی جوید مغفرترا بها نه می جوید

ارکان معموره یقین اولان بزرگان ملت و دین دیشلردر که برلقمه

نان شایسته سرخوان اولنجه حراث واکار و حداد و نجات و آنک نظراء
و امثالی محترفه و عمالدين او چيوز آلتش کيمسه ترتيب تربيت و تربينده
على طريق المداوله مزاوله ايدرلر چونکه اول لقمه کم بها مستوران
قباب اصطفا دن بر مرد خدایه غذا اوله کریم منان جمله عمله و کار کنانی
اول ولی جلی المواهبه هبه ایدوب یوم عسیرده نار سعیردن آزاد و دل
ویرانی اواهل رحمت و مغفرت و رضوان ایله آباد ایدر .

(رباعی)

هان تانشوی موجب آزار دلی زیرا که نیر زد این جهان بار دلی
دلها توبدست آرومده دل ازدست باشد که ترا کنند در کار دلی

و دار کرم مدارینی ابناء سبیل ایچون تسبیل و دخول ضیافتخانه بی بهانه
سنی آشنا و بیگانه یه تسبیل ایدوب (البخل بالطعام من اخلاق الطعام)
قول حکمت مدارینی استحضار ایله اکرام صنوف ضیوفده جد بی حد
و بوبابده توفیق بذل و صرفی سعادت بزرک و عز شکرف عد ایده .

(نظم)

بخش مال و مترس از کمی که هر چه دهی جزای آن بیکی ده زداد کریبی
تو همچو منبع مائی بعینه چندان که بیشتر بدی فیض بیشتر یابی

محصل کلام مفصل بودر که زراعت کبی بر کرامتمی اولور که
(فی کل سنبله مائه حبه) فحواسی اوزره شیء قلیل ویسیری تکثیر بانه
(واللہ یضاعف لمن یشاء) مقتضاسی اوزره الی مالانهایه تضعیف و توقیر
ایلوب مقابله کهنه پوسیده ده عطایا جدیره جدیده ایجاد واجده
و منکران معاده احیای موات اقوات و ازواد ایله دلائل حشر اجساد
تکریر و اعاده ایدر .

(نظم)

کیمیا خواهی زراعت کن که خوش گفت آنکه گفت

زوع ثلاثش زرست وثلث باقی هم زرست

اهل بصیرت ودید و صاحب بصر حدیده ظاهر و بدید اوله که
حدیث مذکورده مسطور اولان وجوه معانی شراحك ابانه و اصراح
ایتدکلی وجوه ظاهره المبانیدر .

(نظم)

راویان این را بظاهر برده اند هم بر آن صورت قناعت کرده اند

لکن هر ظاهرده باطن مرکوز و مرموز وهرشی بارزده سرکاه
من مکنون و مکنون اولمغین راسخ قدم اولان ارباب هم ظاهر قشرونمون
ایله خرسند و مفتون اولمیوب طلب مغز و لباب و معان استنباط معانیده
اقامت و الباب ایدر لر .

(نظم)

هیچ ندیشی که هر جاذها ریست آن ز حکمتهای پنهان مخبر است
فائده هر ظاهری خود باطنست همچو نفع اندر دواها کامنت

شیخ کبیر عارف خیر صاحب فکوک شفا ساز امراض شکونه
صدرالدین قونوی قدس الله سره السوی حضرتلری ﴿ دم علی الطهارة
یوسع عایک الرزق ﴾ حدیثده نواله حکمتی کرسنه کان معرفته تنویل
و طهارت باطنه و رزق معنوی ایله تأویل بیوردقلری کی بو حدیثده دخی
باب تحقیق کشاده و رزق مذکور دن رزق معنوی اراده اولنورسه خبایه
ارضدن مراد اقطار بلادده اولان گوشه نشینلر و ﴿ الاشراف فی الاطراف
و کم فی الزوايا من خبایا ﴾ فحواسی اوزرد سکنه پیغوله انزوا اولان عزلت
کزینلر اولور یعنی گوشه کیران پاك اعتقاددن دریوزده همت واستمداد

اولنه که آنلرک انفساس حاجت روالری طالبان بی برک و نوایه غدای
روحانی و سرکشتکان اودیۀ بعد و نوایه راحت جاودانیدر .

(نظم)

فهم نان کردی نه حکمت ای رهی زانچه حق گفتت کلوا من رزقه
رزق حق حکمت بود در مرتبت کان کلو بکیرد نباشد عاقبت

الحديث التاسع

مؤمن اولدرکه عفت اوزره اولوب اوله ذاتنده رفق و استسلام
دیدى بی رحم ایچون رسول امین نزعت منه ربة الاسلام

(تمام الحديث)

(ان الله تعالى اذا اراد ان يهلك عبداً نزع منه الحياء فاذا نزع منه
الحياء لم تلقه الا مقيتاً ممقناً فاذا لم تلقه الا مقيتاً ممقناً نزعته من الامانة فاذا
نزعته من الامانة لم تلقه الا خائفاً مخوفاً نزعته من الرحمة فاذا نزعته من
الرحمة لم تلقه الا رجيماً ملعناً نزعته من ربة الاسلام)

سنن ابن ماجهده حضرت ابن عمر دن رضی الله عنه بو عبارت ایله
روایت اولمشدر. حیا سر حیاته تاج و کعبه رشد و اناته رتاجدر بر سر-
چشمه زندکانی و آبشخور امان و امانیدر که نهال مکارم خصال آنک
فیض بی غایتدن حسن تربیت آلوب ارض رضاده نشوونما بولور و آفتاب
شرم و حجابک فروتابی اولمسه میوه اخلاق پسندیده خام و نارسیده
قالوب صاحبی چاشنی عوائد بی عدیدندن بی بهره و نومید اولور .

(نظم)

وفات به زحیات اگر وفات نباشد حیات هیچ نیز زدا کر حیات نباشد
هر کیمک که مزاج حالی عارضه عدم حیا ایله سقیم وقاحه وقاحده
دائماً مقیم اوله حلیه آداب جلیه ایله غیر محلی و (لا کرا فی الدین) بار کا هندن
(فاضع ماشئت) وعیدی ایله مخاطب و محلی اولوب دور مانده حرم
محترم (الحیاء شعبة من الایمان) و مجون و صفاقت رفاقتی ایله داخل
عداد لثیمان اولور .

(نظم)

اذا لم تصن عرضاً ولم تخش خالفاً وتستحی مخلوقاً بما شئت فاسنع
بی ادب لطف ربدن محروم و شقای مقضی و محتوم اولغین دائماً
وساده فساده توسد و طبع خلاعت نماندن شیئاً فشیئاً خصال ذمیمه
تولد ایدر (ع) هر کرا نیست ادب لائق دولت نبوده اولادار الامان
امانتدن آواره و دامن پاک عفاف و عصمتی سر پنجه جنایت خیانت خیانت
ایلله صدپاره اولوب ثانیا بوخلال نافر جامک استتباع و استلزامی سر رشته
رافت و رحمته سبب انقطاع و مخبر صادق الکلامک اعلامی اوزره ربقه
اسلامه باعث انتزاع اولور . حیا که جانب فیاض مواهبدن محض جبار خاصه
لازمه اتقیا و شیمه و سیمه رسل و انبیا اولوب خصوصاً اول اکل نشأت
انسانیه و بیناترین مشاهدات احسانیه (ع) سلطان حرمسرای لولاله حجه
تفضیل البشر علی الاملاک علیه من الصلوات اجمعها واجملها و من التحیات
اکملها و اشملها حضر تلرینک شمائل بی مانند و حلیه یوسف پسند لر ندده (کان
اشد حیاء من العذراء فی خدرها) کلام صحت اتماسی که کتب سیرده ر قزده
نقله امله در اثبات مدعاده اقوای براهین و ادله در . کتاب ادب الدنیا

والدینده بسط و تبیین اواندینگی اوزره حیا اوچ قسمه منقسم و هربری
بروسم ایله متسمدر. اولاً جناب باریدن استجیا و شرمساریدر. بوحیا
اوامردامثال ونواهیدن اجتناب و اراضی مرضی آلمیه بی قطع و اجتناب
ایله اولور. بومقامدندرکه :

(نظم)

اقصى خرام بادیه پیمای لودنوت
کنی فروز مملکت آرای والضعی
چون هر دو کون روشن از انوار روی اوست
صلوا علیه ماطلع البدر فی الدجی

﴿ استحيوا من الله حق الحیا ﴾ فرمائی احضار و احجاب اقتدا حقیقت
حیادن تنشدد و استخبار ایتدکارنده حدیث مجملی تبیین و تعمیم و فائدۀ
نصیحی تکمیل و تتمیم ایدوب بیوردیلرکه ﴿ من حفظ الرأس وما حوى
والبطن وما وعى وترك زينة الحيوة الدنيا و ذكر الموت و البلى فقد
استحي من الله حق الحیا ﴾ ثانیاً اجناس ناسدن خجلت و استجیا و شوره
زاردل زارینی رشحات سحاب شرم و وقار ایله احبادر. بونوع حیا
دارالحرب هجرو خندان مهاجرت و بالطبع بنی نوعندن کف اذی و ترك
مجاهرت ایله اولور.

(نظم)

طرازندۀ این خجسته رقم چنین راند درنقل قصه رقم

که برکون صحابی مقبول صاحب سررسول حذیقه بن الیمان دوت
علیه شایب الرضوان امثال فرمودۀ ﴿ فاسعوا الى ذکر الله ﴾ و بلا ریا و سمعه
اقامت فریضۀ جمعه ایچون عزم راه ایدوب کوردی که احجاب و قافو و فوق
بحر ژرف استغراقدن ساکن فرضۀ اداء فرض و فضل خدائی ابتعا ایچون

فرمان پذیر (فانتشروا فی الارض) او منشر اول حضرت طروء تقصیر وندامتدن کسب ضجر و اضطراب و مرجاعتدن عدول و انتکاب ایدوب (لاخیر فیمن لا یتحی من الناس) کلام حکمت اساسی ایله تمهید عذر و پوزش و تخلف ثواب مسابقتدن اظهار اندوه و سوزش ایلدی .

(نظم)

ورب قبیحة ما حال بنی و بین رکوبها الالحیاء
اذا رزق الفتی وجهاً وقاحاً تقلب فی الامور کما یشاء

بوکونه حیافرط مرؤت و حب ثنادن ناشی و صاحبی صمت ذمائم و معائبدن متباعد و متحاشی اولور . بوسیدندرکه جلباب حیایی القایدن بنی عرک هتک عرض و وقاری مغتفر و (من القی جلباب الحیاء فلا غیبة له) و عید اکیدینه مظهر اولور . ثالثاً کندو نفسندن شرم و حجاب و مخدره حال خجالت مآلی (احسن الحیاء استحیاءک من نفسك) پرده منده تستر و احتجابدر . بنوع حیاء ترک خئنه اعین و امر تقوی و تثبت و تبیین ایله اولور . برحکیم موشکافک زاده طبع صافیدرکه (لیکن استحیاءک من نفسك اکثر من استحیاءک من غیرک) و برادیب فصیح زبان کلید اندیشه بیانی کشاده و جوهر حکمتی طبق عرضه نهاده ایدوب دیمشکه (من عمل فی السر عملاً یتحی منه فی العلانية فلیس لنفسه عنده قدر) حیانتک بوقسمی ریاضت نفس حرون و تساوی بیرون و دروندن اولوب شرف فطریدن بادی و بادر لکن وقوعی عزیز و نادر اولور . صحابی حسن الطبیعه یعنی لید بن ربیعہ رضی الله تعالی عنه بعد شرف الایمان هان بوشعری قرض و نقادان فضل و هنر اولان باغاء مدیح کسبتر محضر لرینه عرض ایلمش ایدی :

(نظم)

ماعتب المرء الکرم کتفسه والمرء یصلحه الفرین الصالح

هر شخص بی ریانک که ننک و حیاسی کامل و وجوه ثلاثه بی شامل
اوله میره حسن سیرتی امتیاز و اشراف و اعیان میاننده تحصیل رجحان
و امتیاز ایدوب دور بی امان آخر زمانده پس ماندۀ عقد الف و دور
افتادۀ (فخلف من بعدهم خلف) ایکن داخل حزب (واشوقاه الی
اخوانی) و هاتف مژده رسان لسانندن مستمع تهائی نهائی اولور .

(نظم)

شرمی بدار اگر کنمت نام آدمی کز آدمی شریف ترین خاصیت حیاست
شرم آیدت زمعصیت ارمن بیان کنم کاندر حق تولطف ازل راجه اعتناست

الحديث العاشر

عاقل اولدرکه دار دنیا ده آخرت فکرین ایلیه بالذات
که رسول خدا بیور مشدر اکثر و ذکر هاذم اللذات

(متن الحديث)

بوحدیث موعظت بیان بی زیاده و نقصان بحر خفیفه موافق
اولوب سنن نسأیده حضرت ابوهریردن رضی الله تعالی عنه بوعبارتله
روایت اولنمشدر . لکن سنن ترمذی وابن ماجهده (اکثر و ذکر هاذم
اللذات الموت) عبارتی ایله مذکور و (الموت) لفظی (هاذم) دن بدلیت
اوزره مجروردر . سیوطی شرح ترمذیده (هاذم) ذال معجمه ایله
قاطع مغاسنه اولدیغنی تصریح و حضرت شیخ اکبر (ع) قدس الله سره

الانورہ دخی کتاب مسامرہدہ بوروایتی اختیار وترجیح ایلمشدر .
 ذکر موت وفنا برتریاق اکبردرکہ اژدرچرخ پرهمومک سمومی انکہ
 اندفاع وارزداع بولور وانديشہ زوال دنیا برداروی ہشبردرکہ نفس
 شریہ بشریہ نک کسر وفرت فورتی آنکہ حاصل اولور .

(نظم)

اکر صد سال مانی ورپی روز بیاید رفت ازین قصر دلفروز
 ازین سرد آمد این کاخ دلاویز کہ چون جا کرم کردی کویت خیز
 مسکہ عقل پیش اتدیشدن حصہدار اولان لیب زیرک سارہ .
 سزاوار بودرکہ بودار پراکدارک دولت ناپایدارینہ مکور وزیر فلک
 فیروزہ دہ عمر پنج روزہ یہ مغرور اولیوب راہ طلب افسردہ چراغ
 عمری افسردہ اولمدن دامن علائق بی سامانندن دست ہمتی قاصر
 وعین عبرت ایلہ فراز اقبالدن نشیب ادبارہ ناظر اولہ .

(نظم)

ای زخوبی بہاران لب کزان بنکران سردی وزردی خزان
 روزدیدی طلعت خورشیدخوب مرک اورا یادکن وقت غروب
 دنیا ی بدنہاد برعروس ہزار داماددر کہ ہرروز برہدمست عالم
 سوزہ ال ویرر وهرشب ہزار ناز و طرب ایلہ برناقبول نودولتک جامہ
 خواب عشرت ووصلتنہ کیرر .

(لمؤلفہ)

جہانی برزن بی مہرہ بکزد حکما کہ ہرکسہ اولہ وعدہ دروغی آمادہ
 تجردایلہ مسیحاکی سبک روح اول محبت ایتہ عروس ہزار دامادہ
 ہزار آفرین اول مرد عفت قرینہ کہ اول مکارہ پر مکارہک
 یک بارچہ مردم قرینہ قریب اولیوب دست عصمتی کوشہ .

ذیل رغبتیدن کشیده وکلزار دهرست بنیادده سرو آزاد کی
دامن چیده اوله .

(نظم)

ناورد محنتست درین تنکنای خاک محنت برای مردم و مردم برای خاک
لاخیر دان نهاد جهان و رسوم دهر لاشی شناس یرک سپهر و نوای خاک

بور هکذر پر کذر بر سابط کهنه دود در در که آندہ القاء عصا ایدن
اهل عاقبت آزرده نیش رحیل و بورباط پر خباطده حسب المرام
مکت و آرام ایلمک امر مستحیلدر .

(رباعی)

دنیا چورباط و مادر و مهمانیم تازن نبری که مادر و می مانیم
در هر دو جهان خدای می ماند و بس باقی همه کل من علیها فانیم

کلمات علیّه علویه علیه الرضوان و انتحیه دندر که (نسیان الموت
صدؤ القاب) ابن معتز که تشبیهات مخترعه می ایه ناقدان صنائع بدیعیه
مرتاح و مهتر در خمتکان راه هدایتی رقدۀ پندار و غفلاتن ایقاظ و تنبیه
و مسافران خن فلك خوانك تعاقب و تناوبی بو گونه تشبیه ایامشدر که
(اهل الدنيا کصور مختلفه اذا طوی بعضها نشر بعضها)

(رباعی)

ای دیده اگر کورنه کوربین وین عالم پرفته و پرشور بین
شاهان جهان و سروران عالم در زیر زمین در دهن موربین

پس خردمند سری به شایسته و حری بودر که خلوتخانه دروندن
طول امل کونا کونی اخراج و طیش و سبکساریدن طاری اولان غلبه
قابه قابیه به دواء تلخ (کفی بالموت واعظا) ایه علاج ایدوب هر آن
ملاحظه حدیث (کن فی الدنيا کانک غریب او مابر سبیل وعد نفسک

من احجاب القبور) وجسر خسر نمای دنیادن دیده خونبار اعتبار ایله عبور ایده .

(نظم)

بلی دان جهان را برین رهگذار ندارد کمی بر سر پل قرار

موت که بر امر ناگزیر و درد درمان ناپذیر در (ع) ان انما یالاتیش
سها مہا آنک وقوع و نزولدن ارباب حجب و عقول بینوده اند و ہناک
وقبل حین الحین آماج ناوک غم و ہلاک او مازلر بدکہ (لیس للماضین
حسرة الموت انما لہم حسرة الفوت) مقتضای اوزرہ حسب الوسع
والامکان رعایت شعب ایمان ایلہ تکمیل حسن استعداد و (اموت کفارة
لکل مسلم) حدیث تسلیت رسائی تدبر و امعان ایلہ تحصیل رشد
و استعداد ایدر لر .

(نظم)

کاشف سرپوش سر معنوی ایچنین فرمود اندر مثنوی
جملہ عالم زین غلط کردند راه کز عدم ترسند وان آمد پناہ

اگر چه عالم مشوش اطوارک کار وباری مجموعہ بی رابطہ کبی پریشان
و رسم بی ضابطہ کبی ناچسباندر لکن مزرعہ آخرت اولدیفی جہتدن
ہر مرد موفق کہ طالب جلیہ حق اولہ :

(نظم)

درہمہ چیزی ہنر و عیب ہست عیب رهاکن ہنر آور بدست

مقتضای اوزرہ بومار پر نقش و نگارک زہر محن و اکدارینہ باقیوب
کمال حذاقت ایلہ آندن تریاق عبادت تحصیل و مضرتی منفعتہ
تحویل ایدر .

(نظم)

الدهر فيه مساءة ومسرة جزاء دهرک ان یذم ویحمدا

جمع اهل فضیلتک برشمع روشناسی وعالم علم ومعرفتک برمرد
روشناسی بودار بی ثباتک دواهی ودارهاتندن بیزار ورقدغفلت غامرددن
بیدار اولوب متاع فانی زندکانیدن بووجهله اظهار فراغ وشکایت دهر
پرتعی بوقالیه سبک وافراغ ایلمش که :

(قطعه)

جزی الله عنا الموت خیراً فانه ابر بنا من کل بر واراف
یخلص اشراف النفوس من الردی ویدنی الی الدار الی هی اشرف



الحديث الحادی عشر

طالب علم اولان سعادتمند لائق اولور نوازش ورحمه
بو حدیثی بیوردی پیغمبر طالب العلم طالب الرحمة

(تمام الحديث)

طَالِبُ الْعِلْمِ طَالِبُ الرَّحْمَةِ طَالِبُ الْعِلْمِ رُكْنُ الْإِسْلَامِ وَيُعْطَى أَجْرُهُ مَعَ النَّبِيِّينَ

دیلمی مسند فردوسده حضرت انسدن رضی الله تعالی عنه بو عبارت
ایله روایت ایتدیکی جامع الصغیرده اشارت اولمشدر. علم اشیاء معنی بهانک
اشرف وابهاسی وکان مکان امکانک جوهری بهاسی اولوب منزله بهائم
ودوایده اولان جهله ناصوابدن مابه الامتیاز واسباب سعادت دارینه
وسيله جمع واحتیازدر .

(رباعی)

اقبال مدام و عز دائم علمست و آن چیز کز وست شرع قائم علمست
وان خاصیت نغز و مکرم که بدان ممتاز شد انسان ز بهائم علمست

مظاهر رحمت اولان ارباب علم و حکمت و عده رنج درجات ايله
نحوه نجاتده جایگیر و ابتداء خیر کثیر ایلده مظهر فضل کبیر اربوب (ماعقلها
الاعالمون) مضمونی اوزرد جهله بدتبار حیز اعتباردن دور و ادراک
حقائق اشیا زمره علمایه مقصور و محصوردر. علم که محض رحمتدن منبعث
و مجرای سبق عنایتدن مشعب اونیعین رحمت ايله متلازم و رونق نرای
زمین و زماندر برهای همایون نردر که هرکدای بی سرو پایه که سایه
صالحه همسال و امثالی بیننده فی الحال رتبه شرف و کمال بولور و برکیمیای
سعادت اثردر که هر مس بد طینتی که حجر تربیتنه آله میزان قدر و اعتبارده
کامل العیار اولور .

(نظم)

خاتم ملك سایمانست علم جمله عالم صورت و جانست علم
اما مجرد علم و درایت کفایت ایتمز بلکه علم عماله مقرون و مشفوع
و علم علم (والعمل الصالح یرنعه) ساعد سعادت مساعدی ايله منصوب
و مرنوع کرکدر تا که مقدمتیندن نتیجه حاصل و صاحبی بارکران امتی
دوش استطاعت ايله حامل اوله .

(نظم)

حجت ایزدیت درکردن خواندن عم و کار نا کردن
فرمان شرعه تابع و پذیرای نمی (ولا تکن الرابع) اولان طالب

خوشه چینه حدیث (اطبوا العلم ولو بالاعین) عجب ناصح ناصع و آیت
 (اومن كان ميتاً فاحيناه) ده علماء آگاه متی جاهل ایله تعبیر
 و حیاتی علم ایله تفسیر ایتدکاری شرف علمه برهان ساطع قاطعدر. وجه
 علم حسن و صبیح و روی جهل سمج و قبیح اولدینی مجمع علیه و جهله
 ملل و ادیانده اهل علم و عرفان بنان توقیر و خان ایله مشار ایله اولوب
 آسوده مظلة جهالت اولان اهل غفلت هرساعت لسان حکمت ایله
 معاتب و ملوم و علم و فضیلتک شرف و نباهتی فضلاً عن النقل بدهات
 عقل ایله متیقن و معلومدر. زیرا هر شخص نادانه کائناً من کان بر امر
 سهلده اسناد جهل اولنسه قبولدن عار و نسبت دانش و معرفت اولنسه
 فرح و بشارت اظهار ایدر. صاحب قدر و الای (اللهم وال من والاه)
 و شایسته جاد (ما اتحیته ولكن الله اتجاء) امام اعلم اقضی حضرت علی
 مرتضانک رضی الله تعالی عنه تحقیقات سنیه سیمیه و کبات علیه حکمیه -
 لرننددر که (کفی بالعلم شرفاً انه یدعیه من لایحسنه و یفرح به اذا نسب
 ایه) بوقطعه که عالم عامک کاشف رازی اولان امام فخر رازی به
 منسوبدر لواء حسن بیانی باروی استحسانده منسوبدر :

(قطعه)

طلب کردن علم از انست فرض که بی علم کس را بحق راه نیست
 کسی ننگ دارد ز آموختن که از ننگ نادانی آگاه نیست

اگرچه علم دواء نفس مریضه و طبای هر کسه فریضه اولدینی
 مسامدر اما اول علم مفترض الطلب میان ارباب اربده مکتوب و مبهمدر.
 بوبابده علماء اولوا الالباب تفریق شمل و هربری صدد تحصیلده اولدینی
 علم جلیله حمل ایلوب اختلاف رحمت نمونلری سبب تشعب ظنون
 و نمودار (الحديث ذو شجون) اولمشدر. امام حجة الاسلامک تحقیق

و اعلامی اوزرد مرض نفس و هوایه دوا اولان شول علم عظیم الجدوی
در که بزم جهان فانیده شمع روح حیوانی نك انطفاسی ایله انتفا بولمیب
صاحبینی عذبات عذابدن تفلیم و عقبات عقابدن تخلص ایله پیرامن
دل پر امنندن حشرات حشرات دور واول علم بی ریانك ضیاسی ایله
وحشت آباد کوری پر نور اوله .

(قطعه)

یامن تقاعد عن مکالم خلقه لیس التفخر بالعلوم الفاخره
من ۛ یهذب علمه اخلاقه ۛ ینفع بعلمه فی الآخره

بعض ادعیۀ مأثورۀ نبویه علی قائلها افضل الصلوة والتحیه ده (اعوذ
بالله من علم لا ینفع ودعاء لا یرفع) بیورلدینی طریق صراحت ایله دلالت
ایدر که هر علم نافع و ظلمت غواقی دافع اولیه .

(قطعه)

نه بدان لغنتست بر ابلیس که نداند همی یمین زیسار
زان برو لغنتست کاندردین علم دارد بعلم نکند کار

اگر چه افسان فنون قصر حصردن بیرون اولوب شمار اوراق
بی شمار مصداق کریمۀ (متشابه و غیر متشابه) در لکن مجلس خلانه که
شایسته نتف بی حسیاندر چسپان اولان اتحاف با کورۀ (خیر العلم
ما حوضر به) در .

(نظم)

انی لا کره علماً لایکون معی اذا خلوت به فی جوف حمام

شناوران محیط تحقیقه سزاوار و حقیق بودر که علوم آلیه و عالیله ده
تجرب و تفنن بلکه :

(نظم)

در همه فن صاحب يك فن توي جان دو عالم بيكي تن توي

معنا سنده قصد رسوخ و تمكن ايدوب ثبت دفتر و جرائد اولان فوائد
قرايدك الطف و اظرنى لوح محفوظ حنظليه تسطير و هنكام ادارت
كلامده ياد داشتك ناشيده و پسنديده سنى تقرير ايله .

(قطعه)

ما حوى العلم جميعاً احد لاولو مارسه الف سنه

انما العلم بعيد غوره فخذوا من كل علم احسنه

علمك مدح و درود دنده ورود بولان آيات و اخبار و كلمات كبار
خارج حيصه خريصه شمار شمار اولوب (ع) زحد نطق و زوسع عبارت
انز و نسته لكن باركاه جناب كبريادن حضرت ابوالانبياه على نبينا و عليهم
سرايف السلوات و التحايا (يا ابراهيم انى علم احب كل علم) ايله
حصاب و تكريم اولندينى شرف عامه اين شواهد و براهين و آيت
بشارت نمون (هل يستوى الذين يعلمون و الذين لا يعلمون)
اشرف طوائف انسانك علوشان و سمو سالرينه اظهر دلائل
صحت رهيندر .

(قطعه)

زهى رتبت عالى اهل علم نكه كن كه ايزد كجا شان نشاند
چو خوان شهادت بوحدت كشيد مجنب ملائك برخویش خوانند

الحديث الثانی عشر

شب قدرك علائم صورته بوحدیت شریف ایدر انها
لیلة القدر لیلة بلجه تطلع الشمس لاشعاع لها

(تمام الحديث)

لَيْلَةُ الْقَدْرِ لَيْلَةٌ بَارِجَةٌ لَّاحِرَةٌ وَلَا بَرْدَ لَهَا وَلَا حَرَّ فِيهَا وَلَا مَصْرَ وَلَا رِيحَ
وَلَا يَرْمِي نِيهَا بِحَجْمٍ وَمِنْ عِلَامَةِ يَوْمِهَا نِطَاعُ الشَّمْسِ لَانْخِعَ لَهَا

طبرانی مسند کبیر نده حضرت وانه دن رضی الله تعالی عنه بو عبارت
ایله روایت ایتدیکی جامع الصغیرده اشارت اولمشدر . احائف اتفاقیاتده
ندر که بو حدیث شریفک اولی بر مصراع و آخری بر مصراع اولوب
مجموعی موافق بحر خفیف بر بیت لطیفدر . بحر محیط حقائق اشیا
ایله آشنا اولان جوهریان مروارید عرفته خفی و نهان اولیه که لدی .
المحققین و عنداهل الکشف والیقین ایله قدرک مصادنه و وجدانی شهر
و مضانته غیر مقصور بلکه سائر لیلای سنهده دخی مشهور اولدینی
مشهوردر . جنود مجادیب محاییه عرض بی معارض اولان حضرت ابن
قارحک بو کلام کرامت انجاسندن که عندا بلغا مستحسن و مستجاددر
اول شب سیدک اطلاق وعدم تقيیدی مستفاددر :

(نظم)

فكل الليالى ليله القدر ان دنت كما ان ايام اللفا يوم جمعة
حمای بلاغتی حمی اولان ملاجینت بومضاع بالنسب حمی که ضرزنده
بی بدلدن اثبات مدعاده ادخل وادلدن :

(نظم)

ای خواجه چه جونی ز شب قدر نشانی هر شب شب قدرست اگرش قدر بدانی
لکن افضل شهوره اشرف لیلای مشهوره اوقع و انسب اولدینی
ساییدن اکثر زمانده اول شیچراغ نور نشان کن شهر رمضانده انتقاد
بلکه نقود منی اوندن ثلث اخیر خیر نموده انتقاد اولنور . خلعت دانش

و معرفت لری طراز اعزاز (من عمل بما علم ورثه الله علم ما لم يعلم) ایله
 معلم اولان علماء تحقیق و تأویل کشف رموز تنزیله تألق و احتیاط
 و سورة قدردن اول نور سواد نشین و شب تجلی آیینک تعیننی ایکی
 وجهله استخراج و استنباط ایلمش اردر . اولاً لیلۃ القدر لفظی که طقوز
 حرف معتبردر سورة مذکورده اوچ دفعه معاد و مکرردر طقوزی
 اوچه ضربدن یکرمی یدی عدد ظهور بولور و قول مشهور جمهور
 اوزره اول شب مغفرت قرین لیلۃ سابع و عشرین اولغه اشارت
 بایشارت اولور . ثانیاً سورة قدرکه هر حرف سعادت ظرفی راحت فزای
 یاصره و سامعه در بالتمام و الکمال اوتوز کلمه جامعدر و اواخر سوردهده
 لفظ هی که لیلۃ قدره عائد و راجعدر یکرمی یدنجی کلمه مقامنده و اقعدر
 یونکته دخی اول شب پر انوار سابع اوتارده اولسنی دائماً رمز و ایما
 ایدر . سورة قدرک سبب نزولنده نیجه وجه مقبول زبان زده مهره
 مفسرین و نکاشته کلاک براعت قریندر وجه اول بودرکه بی اسرائیلدن
 براهل صلاح و شاکر شاکی السالاح وار ایدی که بیک آی کفره
 بدرای ایله نبرد و مناهده و بند زره پر گرهنی هیچ بر محله حل ایتیموب
 کمال حزم و ابتباه ایله فی سبیل الله مجاهده ایدردی . اول شخص اسرائیلینک
 جد بی حد و جزیلی :

(نظم)

سید انبیا پناه رسل مقصد کن فکان امام سبیل

حضر تلرینک منظار دل بی نظیرنده انعکاس پذیر اولوب امت شکسته بآل
 پریشان حالک قصر اعمار و قلت اعمالندن پاکاری اندوهناک اولدقده
 اول حضرت قی تسایه و کاشانه دل پر نور لرینی غبار فتوردن تخایه ایچون
 سورة قدر انزال و امت بلند همته اول شب عالی قدر اعطا و اجزال

اولدی تا که پس ماندگان (خیر القرون) بلکه پیش خواندگان (نحن
 الآخرون السابقون) کنج ویران آخر زمانده کنج نهان (رب واحد
 يعدل الف) بی الف ایدوب قلوب امت ضعیفه ده بومو هبه لطیفه تمکن ورسوخ
 بوله و مجاهد اسرائیلینک پرستش مدید و طویل صحیفه روزگار بوقلمون
 آثاردن منسی و منسوخ اوله . وجه ثانی بودر که یکسوره آفتاب گردش
 دهر و شهرت یافنه (غدوها شهر و رراحها شهر) یمنی حضرت سلیمان
 امین که رساله رسالت و سلطنتی جمع و تألیف ایله صیت قدر و عیلاسی کوش
 مله اعلایه کیرمش ایدی و صاحب قران ساهره طول و عرض و مخاطب
 (انما کناله فی الارض) اولان حضرت ذوالقرنین تمتع الثمرین که اصح
 روایت اوزره سلطنته ولایتی ضم و تلفیف ایله لشکر عدل و انصافی
 قافدن قافه ایرمش ایدی ایکسینک دخی طیب سداد خداداد لری نوش
 داروی نصفه داد ایله دافع زهر قهر و مدت حکومت بانتظام لری بالتام
 بیک شهر اولوب طول زمان سلطنتده جمع و حیازت ایتدکلری مثوبات
 عدالت و عبادته فقراء امتک خدشه خواطر مکسورده لری سوره
 مسفورهیه سبب نزول اجلال و اول شب پرطرب که :

(نظم)

شبى بصبح سعادات ونوح آبتن که روزنامه دولت بدان مورخ بود

آنک محاسن بی حسابندن بر بادر تفصیل عنایت ازلیهیه نهرست اجمال
 اولدی تا که کرسنه چشمان ضعفه امت خوان یغمای نعمای بی نهایتدن نائل قسط
 بی پایان و قامت بالاستقامت لرینه خلعت جنت بهای (واللہ یضاعف لمن
 یشاء) برازنده و شایان اوله . حیوة الحیوانده بسط زرایی بیان
 اولنمشدر که خلفاء بنی امیه نك اولی معاویه بن ابی سفیان و آخری لقب
 حمار ایله اشتهار بولان مرواندر که مدت خلافت لری سکسان ییلدن زیاده

وافزون وسنين مذكوره بحسب الحساب بيك شهر اولديغي معلوم
محاسبان ذوقوندر امويه ك اسباب شوكت قوبه لرى هبا وآلات جمعيتلىرى
دست خوش تفرق ايدى سبا اولوب خورلق زيب رونقلىرى لككوب
نائبه نايته (ماعز شئ الاهان) ونام وناموس مانوسلىرى :

(انظم)

ثم انقضت تلك السنون واهلها فكانها وكانهم احلام

حفر دسند ناپود ونهان اولدقد امام ابن الامام سبط خير الانام سرچشمه
شجره آل مصاح حسن الفعال رضى الله تعالى عنه وعن امه وابيه
واخيه النبيه وبناته وبنيه هنكام ترك خلاف وكيندكه مصداق فرموده
(سيصاح الله به بين ننتين عظيمتين من المسلمين) ايدى معترضان لييه
اسلوب حكيم اوزرد تلون خطاب و اية القدر خير من الف شهر
ايه تمديد جواب بيورد قلرينك سري منكشف ومنجلى ومحجوبه كرامت
وراء سرادق جفر وخفيه دن نمايان ومتجلى اولدى . (ع) فما مثله
عن مثله ببعيد .

الحديث الثالث عشر

خير هر كيم دلالت ايلر ايسه آخرتده بولور جزاي بهي
ساعى خيراچون بيوردي رسول فله مثل اجر فاعله

(تمام الحديث)

مَنْ دَلَّ عَلَى خَيْرٍ فَلَهُ مِثْلُ أَجْرِ فَاعِلِهِ

صحيح مسلم وسنن ابى داود وترمذيه حضرت ابو مسعود بدر يدين

رضی الله تعالی عنه بوعیارت ایله روایت اولمشدر. بوکا مشابه ومدانی
اولان احادیث صحیحه المابیندندرکه (الندان علی الخیر کفاعله والله یحب
اغاثه اناهفان) سنن ترمذیده بوقول صحت قرین تبیین وتوصیل وسبب
ورودی بوکونه تفصیل اولمشدرکه خص اخص جناب رب صاحب
وقت (لایسغنی فیہ ملک مقرب) رسول نیکخو (ع) علیه صلوات الله
تم سلامه حضرت تلرینک ندی ندی قرینلرینه براعرانی حزین ولوج
ونفس پرتابی نعمت بارده دنو واقتراب ایله کسب ثلوج ایدوب نواب
روژکار ناهموار ایله مرکوب رهواری کرنتار عطب و بووار اولدیغندن
اظهار عجز و بی چرکی و کمال ضراعت و ابتهمال ایله استدعاء حمله
و برکی ایلدی.

(رباعی)

صدری کزهرچه بود برترا بود مقصود زاعراض وزجوهر او بود
انجا که میان آب وکل بود آدم در عالم جان و دل پیمبر او بود

تقدان مرکوب ایله اول سائل منکوبه بسط ید اعتذار (ع) و لا تجود
ید الایمان تجده ایله پاسخ کزاد اولدقده حضار مجلس پرانواردن
بر صحنائی کرم سمار که میان عجب کبارده روشناس و وجهه مدلول (ان
لله عباداً خلائقهم خوائج الناس) ایدی دیدی که ای شفیع سرکشکان
یوم العرض و کنجور خزائن سموات وارض اکر امر قضا توانک
جریان ایدر سه بوسائل نامرادی بر جواد راد کرم زاده دلالت و ارشاد
ایده یم که اعطاء مرکوب ایله خاطر مکروبی انشاط و شاد و زحمت جایه
واجبیه دن انجا ایله اعانت و انجاد ایله. حضرت رسالت پناه علیه من.
التسلیم اکله واذکاه اول حینده حضار نادی سعادت قرینه (من دل
علی خیر) حدیثی الی آخره افاده و تقریر و امر تضاعف اجری تسهیل

و تیسیر بیوردیلر. قرطبی قرطه بیانی آویزه گوش اهل اذعان ایلمشدرکه
دال ایله فاعل مصادفه اجر کاملده برابر و سیان و بینهما مماثلت اجر
وجزا داخل حیطه امکاندر. زیرا بومقوله اعمال خیر و صوابک کمیت
پاداش و ثوابی و ابسته فضل و هابدر. بسیار بخش اندک پذیر اولان غنی
قدیرک فضل و سیغندن بدی و بدیع دکلدرکه پای مکنّت و توانی سنکلاخ
عجز و هوانده شکست اولان فقیر تهی دستک روی عمل یسیرینه ابواب
فضل کثیری کشاده و رتبه حسن جزاسنی کیف مایشاء زیاده ایله .

(نظم)

ان المفادیر اذا ساعدت الحقت العاجز بالقادر

خصوصاً که خیمه عملی ستون اخلاص ایله مرفوع و حرم سرای
کردارندن نامحرمان اغراض و ا کدار مدفوع اوله لامحاله اسره افعال
سنیه سندن تابش نحوای (ربّ عمل صغیر تعظمه الیه) مشهود اولی
الابصار و سنبله سعی اندک نمادن حبوب اسرار (والله یضاعف لمن یشاء)
مکشوف و آشکار ارور (ع) جزای کرده هر کس بقدر نیت اوست .
بوحديث صحت مأثرک اخوات و نظائرندن (من فطر صائماً فله
مثل اجره) حدیث شده دخی بومعنی محقق و مقرر و بینهما امر مماثله
و معادله مرعی و معتبردر . بومقامه کنجه قرطینک کلام بانتظامیدرکه
نقاودسی تاخیز و سیاح خامه سبکسار (ع) عبارناشتی و حسنک واحد .
دیارنده کشت و کذاره ترخیص اولمشدر. (من سنّ سنة حسنة) حدیثی که
راویسی ابن ماجه و کتاب محاسن آدابه دیباجه در (کانله اجره و مثل
اجورهم من غیر ان ینقص من اجورهم شیئاً) کلامی ایله ایفال و اتمام
اولندیغی مماثلت حقیقه مساکنی ترویج و محروران کرب ریتی مروحه
یقین و طمانینت ایله ترویج ایدر . اگرچه بوموعظه پراعتباردن هر کس

حصه دار اولمق شایسته و سزاواردر لکن محرمان بزم منادمته مناسبتی
اکثر وملوک وسلاطینه قرین اولان ندما وقرایینه خصوصیتی زیاده
تردر. گویا بر آیت کریمه در که اول طائفه نیکو شمائل شاننده نازل اولمشدر.
یا بر خصیصه عظیمه در که اهل قرب واستخلاص اولانلر آنکله اجتناب
واختصاص بولمشدر. زهی حسن حال که بر مرد پاکیزه خصال محاضر
اصحاب سعادتده سوق خیراته تعود ونفس نافرمانی حصائد لساندن
انذار وتوعید ایدوب عناس دل پر غنا سنده (ع) حیف باشد که جز نکو گوید.
معنایی صورت نما و (قل الخیر والا فاسکت) جاده سنده پابرجا اوله.
القاء شر و خبالده دخی و زر و وبال بومنیوال اوزر ددر. (رب کلمه تقول
لصاحبه دغنی) معنا سندن غفلت و ذهول ایدن ندیمان ناقبول اصحاب
دولت و احتشام نامنه اولان لثامه صورت حقهده نیچه باطلی سوق
وقلاده و بالی کردن حاللرینه طوق ایدرلر. آنلر دخی مرغ زیرک حس
مشترک لری بسته دام تحمیق و هر مزاج کو و مزاج کیرک خوش آمد
و صدق الامیرینی تصدیق ایدوب کحاطب اللیل جمع ونیل ایتدکلری.
مال غیر حلال ایله نیچه جوامع و صوامع بنا و تخصیص و طاق و رواقی آمر
و عامرینک ذکر مدائح و مآثری ایله تخصیص ایدرلر. زمانهده اولان
اغنیاء اغیا اعتنا ایتدکلری وقف و تسبیل اکثر بوقیلدندر. منطوق
(الحلال لایحتمل السرف) قرار داده سلف ایکن عجب حالت و غریب
جهالتدر که خلافتنه ذاهب و علی العمیا عشوه خبط عشویه راغب
اولورلر زعم باطل و رای سخیف سانلری بودر که بناء شدادی بحسب.
الامر العادی تمتد و متمادی اولمغله مزد خداداد مزداد بلکه
مبانی اوقاف قاف نهادلری ابدالآباد معمور و آباد اوله دل کدورت
اترلری. بومغنادن غافل و بی خبردو که حرام مدنس شایسته بارگاه

مقدس اولیوب فحوای (ان الله طيب لا يقبل الا طيباً) عروق اطماع
آلوده واغراض بیهوده بی قطع و حسم و کتابه زرنگار روزکاره
(ان الله لغنی عن العالمین) نص میانی نقش و رسم ایلمشدر . اول مقوله
آثار غیر مقوله بازگاد استغناء خداده هباء منبث و بانی پرزورینک سعی
نامشکوری بیهوده و عبث اولوب با آنکه سحت غرامت نژادن توقع خیر
و جزا ایتدکری ایچون اوضار ذنوب و اوزار ایله آلوده و ملطخ و شایسته
عذاب دوزخ اولورلر . اکرچه القاء خیر و شرده اولان پاداش نفع
و ضرر بر امر غیر مغیر و سنجیده ترازوی قضا و قدردر :

(نظم)

این جهان کوهست و فعل ماندا سوی ما آید نداها راصدا
اما دقائق خیرات و شرورده اطلاع و عشور برهوشمند عاقبت بینک پیشه
و آیینی در که هر کس زمان اختلاف و اختلالده متحیر و عظم نظم احوان
نامنجر ایکن اول نئه اهل سنه متحیر و غلبه ظلمت بدعتده کیس میز
اولوب مجالس اصحاب دولده تزیین سوء عملدن اجتناب و امتناع و هنگام
سوق کلامده (کونوا قوامین بالتمسط شهداء لله ولو علی انفسکم اوالوالدین
والاقربین) نص مبیننه امثال و اتباع اید تا که قلوب آهنین بی آه
و انینی تأثیر فحوای (الکلام اذا صدر من القلب وقع الی القلب) ایله
جانب ایدوب هر آن محججه رشد و ایقانه هادی و حسن سوق و دلالتی
ایله نیجه خیر و مبرته بادی اوله .

(قطعه)

تکلم و سدد ما استطعت فانما کلامک حی و السکوت جماد
وان لم تجد قولاً سدیداً تقوله فصمتک عن غیر السداد سداد

الحديث الرابع عشر

کرچه انواع الطف حق چو قدر طول عمرک ولی که یوق بدلی
فخر عالم دیدی که ویر بکا عمر ما علمت الحیوة خیراً لی

(تمام الحديث)

﴿ اللَّهُمَّ بَعِّلْكَ الْغَيْبَ وَتَدْرِكَ عَلَى الْخَلْقِ أَحْنَى مَا عَلِمْتَ الْحَيَوةَ خَيْرًا لِي وَتَوَفَّنِي إِذَا عَلِمْتَ الْوَفَاةَ خَيْرًا لِي اللَّهُمَّ وَأَسْأَلُكَ خَشِيَّتَكَ فِي الْغَيْبِ وَالشَّهَادَةِ وَأَسْأَلُكَ كَلِمَةَ الْإِخْلَاصِ فِي الرِّضَى وَالْغَضَبِ وَأَسْأَلُكَ الْقَصْدَ فِي الْفَقْرِ وَالْفَنَى وَأَسْأَلُكَ نَعِيمًا لَا يَنْفَدُ وَأَسْأَلُكَ قُرَّةَ عَيْنٍ لَا تَنْقُطُ وَأَسْأَلُكَ الرِّضَى بِالْقَضَاءِ وَأَسْأَلُكَ بَرْدَ الْعَيْشِ بَعْدَ الْمَوْتِ وَأَسْأَلُكَ لَذَّةَ النَّظَرِ إِلَى وَجْهِكَ وَالشَّوْقَ إِلَى لِقَائِكَ فِي غَيْرِ ضَرَاءٍ مُضِرَّةٍ وَلَا نَسْتَةٍ مُضِلَّةٍ اللَّهُمَّ زِينَةَ بَرِيَّةِ الْإِيمَانِ وَاجْعَلْنَا هِدَاةً مُهْتَدِينَ ﴾

سنن نسائده حضرت عمار ابن یاسر دن رضی الله تعالی عنه بوعبارت ایله روایت اولمشدر. حیوة وزندگانی که عمامه سبحة شادمانی و دیباچه صفائف امانیدر بر کوهر کران قیمتدر که کن نضل وجودده پرورش و وجود بولان جواهر اعطیه و مآثر دن بجزانیرها اعلی و اغلادر و بر عظیم نعمتدر که مهسانخانه امکنه و ادکنده اولان الوان نعیم اکواندن بجزادیرها الذ و احلادر بر پارسای چشم سیردر که پله ترازوی استغنا. سنده سلطان فرمان روا ایله کدای دربدر همسنگ و برابر اولوب شاهباز

همت عرش پروازینی صید زخارف دنیا و مافیهایه صالماز و بر شاهد فروک
ناپذیر در که مساس و صحبتدن نشوز و نفرت ایتدیکی حریف مکور
و مفتون بذل کسج قارون یاسه بر آن مهل امان و یرمیوب محصول خافقینی
عینه آماز اما مجرد معموره طول عمره دخول پسندیده و مقبول اولد-
یغی کتب حکمیه ده مشروح و مقبولیتی بر قاج شرط ایله مشروطدر. شرط
اول اوقات حیاتی غفلت و غرور ایله مزی و مرور ایتمیوب :

(نظم)

فهو کاصل من بنات الافای کلما طال عمره زاد شرا

و عیدندن حذر و هر ساعت تجدید مراسم طاعت ایله ﴿خیارکم اطولکم
اعماراً و احسنکم اعمالاً﴾ فحواسنی رفیق سفر و حضر ایتمکدر .

(نظم)

عمر بی توبه همه جان کندنست مرک حاضر غائب از حق بودنست
عمر و مرک این هر دو با حق خوش بود بی خدا آب حیات آتش بود

شرط دوم تأثیر پاییز شیب و ناتوانی ایله ریحان سرسبز شباب و جوانینک
ذبولانی تفکر و بیضاء پرضیاء صحتک مغرب زمین آفت خرافتده افوانی
تذکر ایدوب ﴿کفی بالشیب ناعیا﴾ نذیر عریانی پیش نهاد دیدۀ کریان
ایتمکی تعود و سنت نبویه اوزره ارذل عمردن تعوذ ایایه (ع) درعیش
خوش آویزنه در عمر درازم زیرا مانندمار و نسرطومار طول اعمار نشر
اولنمق عند اهل السداد داخل حیز اعتداد اولمیوب بلکه هر پیر کبیر ﴿من
تمنی طول العمر فلیوطن نفسه علی المصائب﴾ سهم صائبه سپر و محن
و فقد اقارب و اولاد و غلبه اضداد و انداد ایله عرضه عوارض و محن
اولور .

(رباعی)

دردا که درین زمانه غم پرورد حیف که درین دائره عمر نورد
هر روز فراق دوستی باید دید هر لحظه وداع همدی باید کرد
نابغه نك که مجرای لساندن میاه قنن حسن بیان نابغه در بوکلام
رقت انجامی لازم الحفظ والتکرار وسبب اعطاء واعتبار در :

(نظم)

حسب الخلیلین ان الارض بینهما هذا علیها وهذا تحته بانی
خصوصاً که غمار طول اعمارده دست و پا اوران اهل دنیا زیر دستنده
اولان مردون و پستک تقدم و تفوقندن اندوهناک و حزین و کنسینک
تاخر و تعوقندن جبین رضاسی پرچین اولوب نیجه ناصح الجلیبک عرض
بی عینی اقتراض و ضمناً افاعیل صانع حکیمه دخل و اعتراض ایامک
لا محاله اعمال چند ساله بی احباط و قسمت ازلیه به ناراضی اولان حریص
متمقاضی بی مهبط خذلان و خسرا نه احباط ایدر .

(رباعی)

هر چیز که درازل بآن فرمان نیست کردن طلبش کار خردمندان نیست
و آن چیز که بهر تو مقدر کشتست کر میطلبی ورنه ازان حرمان نیست
مخلف جامع قرآن (ع) و هر شعب شعبه ایمان خلیفه بی ریب و رین
حضرت ذوالنورینک رضی الله تعالی عنه کفایت نصیحت مداریدر که
(من طال به الزمان یر فی نفسه الهوان)

(قطعه)

من تمنی العمر فلیدرع صبراً علی فقد احبائه
ومن یعمر یر فی نفسه مایتمناه لاعدائه
امید بن ربیع که صاحب قریحه بریعه ایدی ورم ضعف هرم ایله

ندیم ندم وناله وتکریر دهور دهاریرایله نودساله اولدقدده جای شکوایه
نزول وافراع وپیکر براعتی قلب حکمته انراغ ایدوب دیمش که :

(نظم)

ونقد سئمت من الحیوة وطولها . وسؤال هذا الناس کیف لید .

معبربرتی عبورایدن مردان غیوردن براهل خبرت وعشور آفات
طول حیاتدن بوکونه نقشه المصدور وبث شکوای روزکارده بی اختیار
بذل مقدار مقدور ایلمش که :

(نظم)

ماکنت اوثر ان یتسد بی زمنی حتی اری دولة الاوغاد والسفل

بعده ظنبور کلام مستجاده نغمه اخری زیاده ایدوب مستحق
حرمان اولان نفس بد نرمانه بووجهله تقریر واصل سابقه بومعانی
تفریع ایلمش که :

(نظم)

هذا جزاء امری اقرانه درجوا من قبله فتمنی قسحة الاجل

شرط سوم ایام عیش وزندگانی هرج و مرج وپریشانیدن سالم وسالوار
سبق رحمت آثار غضب ونقمتی سالب اولمقدرد . زیرا هراوان بهوان که
فتنه وآشوب ایله آمیخته ومشوب اوله خیر مایه فریاد وزاری وایار
خیریتدن برهنه وعاری اولوب (واذا اردت بقوم نقمة فقبضنی الیک غیر
مفتون) مضمونی اوزردتمنی موت ومنون مباح وناروا ودا ودا عیدیم المذاق
شربت مرک مرالمذاق علاج ودوا اولور (ع) کفی بک داء ان ترى المورد
شانیاه احادیث فتن وملاحده که آشوب رسان اهل مراحمدر بووجهله تصر
وباب تفصیل واسباب تصریع اولمشدرکه شول زمان قیامت نشاند

مهیّب کلام (ویدع اخیام حیران) آنک سکرآت دهشت رساندن بر اثر
 ولبیب مهیب (و یصبح المرء مؤمناً ویمسی کانراً) آنک شعاع جهانسوز
 بر سر رندن بر سر ردد. سیاط شرط اشراط جمعیت خواطری نفریق و راه
 آخرتی منتظران بغیت بختی تطریق ایتدکده کرتسار حباله وسواس
 اولان ختالیه ناس نریاد کنان و خروشان محله خاموشانیدن عبور و سر -
 پر شرلری اوزره حشو تراب ویل و شبور ایدوب خک کورستان اوزره
 مرغ جثمان تمرغ و هر بری طیره (یا لیتنی کنت مکان هذا القبر) ایله
 مهوای جزع وعدم صبر دشتاب و تمرغ ایده. باخصوص که کریه وزاریلری
 اضطراری و هم دین اهدن عاری اولوب آینه زنک خوردن دل انس -
 دملری بی صیقل و جلا و غلبه ران شقوت اقتران ایله هر بری مصداق
 (ولیس به الدین وما به الا البلا) اوله .

(رباعی)

فی کاربه آب دیده برمی آید	فی کام دل رمیده برمی آید
فی زنده کنی بخوش دلی کدرد	فی جان بلب رسیده برمی آید

اگرچه ارباب دانش (ع) سرمایه عمرست ددراز اولی تر مصداق
 اطلاقه مائل اولمشلردر اما احباب ینش (ع) عمری که بناخی کدرد کوته به
 فجوای سیدی اوزره طرف تقیده قائل اولمشلردر. حدیث مذکور که
 نهانخانه خاتمه سنده (سر ختامه مسک) مکتوم و سطر آخرینی طابع
 عبارت (واجعانا هداة مهتدین) ایله محتومدر ارباب بصیرت و بصارت
 ملح و اشارت ایدر که نساء و تعهیرک ستایش پذیر اولمی نهایی قرین
 هدایت اولدینی صورتدهدر .

(نظم)

عمر خوش در قرب جان پروردنست عمر زاغ از بهر سرکین خوردنست
اما شول طول حیات که غوائل و تبعاتدن مهذب و صاحبی انصاف
سقوط عذاب ایله غیر معذب اوله بر سر مایه کران وایه در که هر دمی
ساخت ذی القرنین و جمدن اعز و احب و هر نفسی تحصیل قربات عالم
اقدس رسیده و سبیدر .

(رباعی)

غافل منشین که این زمانست عزیز مردم که بر آید از تو جانست عزیز
عمری که بیاید و بخواهد رفتن ضائع مکشش که میهمانست عزیز
لاجر مسایسته اهل هم بود که زیر فلک بی قرار ده حیوة زود گذار
ایله مکور و مخلوب و غنان ماسکه غیرتی غایبه در تکر غفلت ایله ربوده
و مسلوب اولیوب روزنه ابعالی مسمار حد یشمار ایله تفسیر و کسب
بضاعت طاعتده ساق سعی و عزیمتی تشمیر ایله .

(رباعی)

تا چند می و ساغر و ساقی طلبی با اهل فضول هم و نایق طلبی
نامد که آنکه چشم دل باز کنی وز باقی عمر عمر باقی طلبی
بوحیث تواند اشتمالک خالانده نموده اولان خصال ستودنک
اکثری مسبوق بالیان و آخری دخر ضمن اوراق آتیده موعود الاتیان
اولمغین منهل مقال نصیحت نصاب که (اعذب من ماء المصاب) در تکثیر
سواد و تکریر ایله تکذیر اولمغیوب (من دات المادات معاداة المعادات)
مدلولی ایله تمهید عذر واضح القبول و حدیث معاد قلیل انقاددن انصراف
و عدول اولندی .

(نظم)

صد کتاب از هست جز يك باب نیست صد جهت را قصد جز محراب نیست
گونه گونه خور دینها صد هزار جمله يك چیزست اندر اعتبار
از یکی چون سیر کشتی تو تمام سر دشت اندر دلت پنجه طعام

الحديث الخامس عشر

حلم و صبری همیشه پیشه ایدن از لی عهدی اوله من ناسی
حلمه ترغیب ایدوب بیوردی رسول کان ایوب احلم الناس

(تمام الحديث)

﴿ كَانَ أَيُّوبَ أَحْلَمَ النَّاسِ وَاصْبَرَ النَّاسِ وَكَفَّسَهُمْ لَيْفَظٍ ﴾

حکیم ترمذی حضرت ابن ابزیدن رضی الله تعالی عنه بوعبادت
ایله روایت ایتدیکی جامع الصغیرده تصریح و تفسیر اولمشدر .
حضرت ایوبک احوال پر آشوبی تاریخ انبیا و سائر دساتیر قدماده کجیر .
تضیه الطباع بسبب و اشباع اولمغین اولابابده تفصیل و اسباب اولمغوب زبان
وقت حال املا و املاال ایتدیکی کلمات بی املاال ایله ورود اختصار و مسرع
خامه سبکسار سبک محبته اقتصار اوزره اقتصار اولیدی . بن انسابه
انتساب ایدن مفسرینک تحقیق و تبیینلری اوزره حضرت ایوب عیص
بن اسحاقک اولاد اجمادندن برنجی صابر و مکابده رنج بی قباس ایله انت
واستیناسی احدونه ماضی و غابردر .

(نظم)

ولیس الفتی من حیر الخطب صبره ولکنه من حار فی صبره خطب

قبل الابتلایدی ییل رساله نبوتی تبایغ و امر دعوت امتدوسی
 ییج و جد بایغ ایدوب آنجق اویچ کیسه رکن کعبه اسلامی استلام و ماعداسی
 نیروی بزوی طغیان ایله اساس خنه دین و ایمانی قلع و اصطلاح ایلدی.
 اوندن زیاده اولاد ذکور و انائی و یحد و لایعد مال و انائی اولوب وظیفه
 شکر و سپاسی پاس ایله قید عقید و هر آن جناب و هاب بی امتناندن جانب
 مزید ایدر ایدی. اول عشار و قبائلدن برغنی و عائل تمامش ایدی که
 سرخوان اضانه و احساننده جلیس و مهمان خانه بی بهانه سنده کاسه -
 لیس اولیه :

(نظم)

بیتون فی المشتی خاصاً و عندهم من الزاد فضلات تعد لمن یقرئ
 اذا ضل عنهم ضیفهم رفعوا له من النار فی الظلماء الویه جرا

تا که تیرسرتیز قضا سپر عادی خرق و خلال سحاب قدردن درخش چشم
 ربای امتحان برق اولوب اولو بیدر معاش و بندر کار و بار و ریاشنه
 رخاء رخایرینه نکباء نکوب هبوب اتمکله مجموع عرض و عینی طرئه -
 العینده (کرما د اشتدت به اریح) وجهه اسباب تجملی مطموره نایه
 طرح اولدی .

(نظم)

یاسلوة العیش لودام النعیم لنا و من یعش یلق روعات و احزانا
 ثانیاً ثمرات نؤادی اولان اولادینک نهادی که هربری کلزار رشاد
 مادرزادک برسرو آزادی ایدی (خر علیهم السقف من فوقهم) نص
 پر عبرینه مظهر اولمغله دفعه ساکن تنکنای کور و خرّم آباد حرم حیاتدن
 دست برد متغلبه ممات ایله دور اولدیلر :

(نظم)

آنرا که داد بازستاند بعاقبت و آنرا که پرورید بخاکش کندد فین
بعده ضرائب محن و کرائب ايله ممتحن و مبتلى و مضيق نقد سلامتده
منتقطع السلا اولوب جسم انورى اورام بيحد و مر ايله پر آمس و صفحه
بدن مصفا سنده هر نقطه نقطه خارش نزا کويا برپاره الماس اولدى (ع)
فرشته يکي نته بالاي دگر آمد - بودکاو اوصاب و اوجاعك اجتماعدن
بر کرده تاؤه و صدمه اولاده برکلام ناسزا تفوه ايتيوب بلکه:

(نظم)

هي المقادير تجرى في اعتها فاصبر فليس لها صبر على حال
منصوفه و ثوقى محکم و سحيب متکافئه اندوه و ملالت خالاندن شام
بوارق حکم ايدى . بعض رواياتده اولاد سستوده صفاتی بفته هلاک
و شمشير اجل ناکهان کير ايله صفحات سينه سينه نري چنه اولدقده (ع)
فما لعينك ان قلت اکنفا همتا - سخن بي همتاسی اوزره ابر بهار کي
کريه بي اختيار ايتمس ايکن کيرو في الحال رجوع و ابتهاج ايله تلافی و قبل
ارتداد الطرف رفيق شفيق توبه و صرف ايله تلافی ايلدى .

(نظم)

بلرزيد چون برکهای درخت که ناکه بر آن برزند باد سخت
پشمان شد از کرده خویش روانش بشوليد از ننگ تن
بدمست خرابات لعن و نفرين و ناسزا کوی (و لا تجد اکثرهم
شا کرين) معارض معارضه ده لائم او لغه منتصب و لائم او لمش ايکن کوردی که
پيام خجرت انجامدن مقدم پيك نيت ني توبه و ندم سدره انتهایه صعود
و مقعد صدق قبولده قعود ايلمش :

(نظم)

مرکب توبه عجائب مرکبست بر فلک تازد بیک لحظه زیست

لاجرم خاسر و خائب آئل و آئب اولوب غریق سپاهابه حسد و شین
و فرط جزع و حنین ایله مضرب مثل (رجع بخفی حنین) اولدی .

(نظم)

کسی را که ایزد کند یاوری که یارد که باو کند داوری

با جمله حضرت ایوبک سراپا اشلا و اعضاسی تورم و هر کس الفت
وز لغتدن تبری و تبرم ایدوب بالا خرد خارج شهر پرشورده بر مزبله مزلیه
الخبوره طرح و طرد و دعوتنه اجابتدن اقارب و اجانبی منع و کرد ایلدیلر .

(نظم)

هر جام غمی کز کف ایام کشیدی کفتا سبک آشام که جام دکر آمد

اقربا و احباسی ترک تمریض بلکه نیجه دشنام نافر جام ایله تصریح
و تعریض ایدوب همان حلیه خیاله سی اول کناسه بی اناسه آمدشد و شو
هر شکسته بالنت حالی تعرف و تنشد ایدردی . بودکاو ایام آلامده :

(نظم)

چون زبالانهد بلا بتوروی روتو الله کوی آه مکوی

کی کند باقضای او آهی جز فرومایه و کمراهی

فحواسی مرآت دل قابله مقابل اولوب نه لسان شا کرینه بر قول رد
جاری و نه قلب ذا کرینه بر خاطر بد هاجس و طاری اولدی .

(قطعه)

صبراً جمیلاً علی ماناب من حدث و الصبر یتفع اقواماً اذا صبروا

الصبر انفع شیء یستعان به علی الزمان اذا مامسک الضرر

جسم پاکنی آزرده و زخمناک ایدن کرم لر صورت کرمده کور نمکله :

(نظم)

عاشقم بر لطف و بر قهرش بجد ای عجب من عاشق آن هردو ضد
 فحواسی اوزره دائماً استعذاب عذاب واستلذاذ سلوای بلوی ایتمکه قاق
 واضطرابدن اضراب بلکه اوتار غمک زیر و بمی نفسی اضطراب ایدوب
 بو حال غرابت مثلاًن مخصوصان تشریف (لایفترن) وسدنه صومعه
 کردون استغراب و تعجب بلکه ضعه بیهوده (المجمع) دن و راه
 سجاج استیاده تستر و تحجب ایدر لر ایدی. اول حضرتک مدت ابتلا
 و شدتنده نقله و قطع پیشین اولان مهره رواته و مورخین ترک لاف
 ائتلاف و کستان حسن بیانده غرس خلاف اختلاف ایتشلردر (ع)
 و ما آفة الاخبار الارواها اما محمد بن جریر تحریری اوزره آزمایش
 و امتحان هفت سال علی الاتصال تراید و امتداد و آن فانا شجون
 اشجان کونا کون تضاعف و اشتداد بولدی. فدن بدنی بروجهایه نشانه
 منجیق نصب و طوقدن انواع اوجاعه مصب اولمش ایدی که واقعه
 فقه سی سرنامه حینه (نه الامثل فالامثل) وذات کوه و قری مزید
 ثبات و اضطبارده ضرب مثل اولوب زناد صبر صیر زداسی بین الوری
 وری و خلعت خانه غیب هویتدن (انا وجدناه صابرا) تشریفه جدیر
 و حری اولدی. شعرانک فرید عصری ابن لشکک بصری اول مثل
 بی مثلی بو وجهایه ضرب و سلوان تأسی ایله تسکین ماده کرب ایامشدر:

(قطعه)

نحن من الدهر فی اعاجیب فنسأل الله صبر ایوب
 اقفرت الارض من محاسنها فابک علیها بکاء ایوب

بوندن زیاده تحمل و تصبر نیجه تصور اولنور که بر رسول مقبولک
 خرمن یساری عصف اعصار نایبه واعسار ایله دست خوش روزگار

(والعنوق بعد النوق) مثل منطوقی اوزره تقلب دور پرچور ايله
بعد الكور حوره كرفتار اولوب اول قوم كشير الفريه قريه بقریه اجلا
وتكنينى ضر وعنايه الجا ايتمشلر ايكن قلب صاف پا كيزه اوصافنه ذره
قدر كدر كيوب صاعقه جهانسوز بد دعا ايله كروه عدانك بيادر كار
وبارلرينى تار ومار ايتدى و دشنام واذالري ازا سنده اول قوم مستحق
الومى قولاً وفعلاً ايحيتمدى بلكه لسان حالى هنكام تفاسيم اندوه
وملا لده :

(نظم)

صبراً جيلا اذا تأنيك نائبة وان عتبت فلا عتب على الزمن

نشيدنى انشاد وزمان استمداد ازمتده تيقن انفراج وراحت ايله نفسنى
انشاد ايدر ايدى .

(قطعه)

اذا ضاق ذرع المرء واشتد حاله وحفت به الآلام وانقطع الرجا
تداركه رب البرايا بلطفه واعطاه من كل الشدائد مخرجا

بو اسلوب نامسلوب اوزره ضر ممتد تجاوز حد ايتد كدن صكره
ضدى انعكاس پذير وسنك كران بلا قطع مسانه بالادن صكره مائل طرف
زير اولوب عنسايت بي علت اول حضر تك تاب وقوتى اول كيدن زياده
وقدرت تامه قبل وقوع الطامه اشياء معدومه بي باعياها المعلومه بعث واعاده
ايلدى .

(قطعه)

درد يوقدر كيمسه ده يوقسه طبيب فيض حق

كيمده كوردى درد كيم اول درده درمان ايتدى

صبر يوقدر مردم عالمده يوقسه روزكار

قنى مشكلدر كه تدريجيه آسان ايتدى

اصح صحیحینده بوحديث معنعن و عنوان صحت ايله معنودر که
 حضرت ايوبك بعد انقضاء الكروب ضباب اندوه و ناله سی شعشة آفتاب
 ﴿فستجبناله﴾ ايله انقشاع پذير و ديده منور عاقبت نكری كل الجواهر مرده
 ﴿و آتياه اهلہ و مثلهم معهم﴾ ايله روشن و قرير اولدقده بركون سستی
 شست و شويه اشتغال و متن حديث صحیحده ايراد و تصریح اولنديغی
 اوزره عرباناً اغتسال ايلمش ایدی. ناکاداراده قدر جواد ايله صورت
 جراده زرناب آتش تاب متظار و اول مغسل صافك انحا و اكنافده
 متناثر اولدی. حضرت ايوب اول قراضات بيشماری كف كوهر نثاری
 ايله جمع و فراز و تطرق انتشار و تفرق دن احتراز ايتدکده عالم بالاء
 و الادن گوش بشار شنونه پیام نوازش نو واصل و سوراخ صماخه
 يا ايوب الم اغنيك عما تری ﴿نداسی داخل اولدقده﴾ بلی يارب ولكن
 لاغني لي عن برکتك ﴿کلام دلپذیری ايله انقاء معاذير و کمال نیاز و ابتهال
 به﴾ (ع) آنا نکه غنی ترند محتاج ترند معناسنی نقش کتابه تقرير
 ایلدی. مورخينك راوی صحیح خبری اولان طبری ديمشدر که: اول
 حضرتك محل بعثی اولان قريه نزعت سمات خطط شامانده بر جای
 خوب و نامی میان خاص و عامده قريه ايوبدر و بن اقطار دست
 و کزاري کشت و کنار ايدرکن اول مشار ايله ﴿هذا مغسل بارد
 و شراب﴾ اولان چشمه فیض يابك منبع منيعی کوردم و اول توتیای
 باصره ادراك اولان خاك تابنا که يوزم سوردم. هر يار بی طاقت و توش که
 آندن بر قطره نوش ایده ساحه براء الساعده فی الحال سفا و اندماله مائل
 و قلب و قالبنده اولان رنج و تعب که مقدمه هلاک و تغدير بالکليه زائل
 اولور. لکن تهذيب الاسماء اسارت و ایما اولنديغی اوزره اول حضرتك
 ماجراسی که اعجوبه دوراندر مبعث و مقامی مضافات شامدن قصه

حور اندر و مرقد حاجت روائی قرب نوی ده برقریه ببارك و نواده اولوب
اوزرنده بر مسجد معمور و جامع لامع النور وارد و بر صفحه مرمره
(ان السعادة لتلحظ الحجر) قول معتبری اوزره بر نشانه و اثر مرئی
و آشکار و حضرت ایوبك نقش قدم مکرملری اولمق اوزره معتقد
صغار و کبار در .

(نظم)

و اذا تأملت البئاع وجدتها نثری کما نثری الرجال و تعدم
و اول جای جنت نشانده بر چشمه روان سائح و سائح و قرآنده وارد
اولان مغسل بارد اولمق اوزره مستفیض و سائح اولوب اهل بدو و حضر
و سائر انتخاب سیر و سفر اول منهل نابدن اغتسال و تشراب ایله تدای
و استشفای صاحب قبر اولان بی جلیل القدرک قوت روحانیتدن صدق
نیت ایله استغاثه و استشفاع ایدر لر .

(نظم)

ای بسادر کور خفته خاک وار به ز صد احیا بنفع و انتشار
خاک اوهم سیرت جان میشود سرمه چشم عزیزان میشود
حضرت ایوبك دامن امنیتی کوهی استجابت ایله پر و نائل شرف
(فکشفنا به من ضر) اولمده وجود شتی ابانه و انبا اولمشدر . لکن ابن
جریر طبرینک قول معتبری اوزره مأمّن ایمانده استسلام و استکانه ایدن
اشخاص سه کانه یدی ییلدن صکره اول حضرتی تعهد و حسن اعتقاد ایله
عیادت و انتقاد تعمد ایدوب کوردیلر که وجود کریمی صدیدوریم ایچنده
غلطان و صورت شورده اولان بشور ایله بی تاب و توان اولمش . سرمکتوم
قضادن غافل و پایه ادراک و ذکالری سافل اولمغین امتحانی امتهانندن
فرق و تمیز و بود کلو ابتلانی شان انبیایه تجویز ایتیوب دیدیلر که

اگر حضرت ایوب سناطنت نبوتدن مخلوع و درخت اقبال بربری
دبور ادبار ایله مخلوع اولسه سهام دواهی و استقامه نشان و سر سروات
مقری مرغان نواب پریشانه معیش و آشیان اولماز ایدی. بوکلام شهادت
اسلوب مسموع حضرت ایوب اولدقده بی اختیار سیف صارم دعائی تقد
و اعصاب ضر نجات ایله ترک تجدد ایدوب روی مأمولنه ترعه قبول باز
و طیب عنایت ازایه سقام عقامنه چرد ساز اولدی .

(قطعه)

لقد وعد الله الکرم بفضله اذا اشتدت البلوی کفایه عبده
و یقن بان الله کاف عباده ولا تحسبن الله مخلف وعده

استاذ لقبی ایله مشهور آفاق اولان ابوعلی دقق بووجهله باب
تدقیق دق و تحقیق کلام حق ایتشدرکه صبرک حدی تقدیر حکیم صمد
عدم اعتراض و هنکام ضرنا کامده ترک عبس و انقباضدر . اما لعلی وجه
الشکوی دنع مضرت بلوی رفع اکف دعا منافی صبر و تحمل اولمداغی
جای تأمل دکلدر . حضرت ایوبک مذاق حال محنت مساقی صاب اوصاب
و مشاق ایله مرو بارگاه الهه رافع رقعۀ (رب انی مسنی الضر) اولمش
ایکن صفت صبر ایله تعریف و جانب مهیمن توأبدن خلعت فاخره
(نعم العبد انه اواب) ایله تشریف اولمداغی بومدعايه سند و صدق
مقاله کواذ بی فنددر . وینه سالف الذکر استاددن نقل صحیح الاسناددرکه
حضرت ایوبک لسان حکمت نثارندن بی قصد و اختیار بوکجه شکایت
بیان جریان ایلدی تا که :

(نظم)

تین یوم البین ان اعترامه علی الصبر من احدی الظنون الکواذب

نحواسنه مصادیق اولان ضعیفاء بی تونیقه متنفس وضعف بشریت ایله
ترك جلادت ایدن فقیران بی کسه فریاد رس اوله .

(نظم)

ازدل قدری صبر طلب کردم گفت معذور همی داره مین بود و بر رفت

و عند بعض المحققین نظم مبینده صیغه نعولدن عدول اولنوب اختیار
لفظ صابرده نکته و سر بودر که حضرت ایوبک جمله کاری و دائماً
کرداری موطن تجلد و اصطباری ایقان و استتقرار دکل ایدی . بایکه
هر مقامده که اتمت و آرام ایده مضرب مثل (کبر عمرو عن طوق)
و آناً فنا طالب علانوق اولمغله استزاده جام ننا انجام ایچون جانب
ساقی باقیه توجه و تلدد و کمال شوق و و لاسندن رحیق و مرد نکن بلا
ایله تلذذ ایدر ایدی و صبر و شکبیده احساس الم و آسیب معتبر و استحلاء
بلادن بلادت زدای بلادده بو حالت مفقود الاثر اولمغین رعایت مقتضای
مقام و صبنه مبالغه دن صرف کلام اولندی . چشم و چراغ روشنی یعنی
شیخ ابراهیم کلشنی قدس سرها السنی نانی اثنین مثنوی اولان کتاب
معنویده که قرق بیکدن زیاده ایساتی محتوی و نوادر حکم و حکایاتی
منصوی اولوب اول کلزار فیض اقدسک بابل دراز نفسی بودکلو اشعار
بی بدیل و عدیلی بریبلده تکمیل ایله اظهار قدرت کرامت و تاریخ اتمانه
یونظم براعت نظام ایله لمخ و اشارت ایلمشدر :

(نظم)

روحو الاول هو الآخر شعر هست تاریخش زداد داد کر
اول آخر کین معانی رونمود سال اندر نهصد و بیست و دو بود

اگر چه :

(لمؤلفه)

لیس نسج القدس ک مسجد القدس

معنای اوزره ماینلرنده اولان تفاوت و رجحان معلوم اهل نساندر
لکن بودخی اول شیخ کرامتک ساییدی و سلم معرفتک پاییدی و اول
دکاء زکانتک پرتوی و سابق رهان برهانک پیروی اولغین بوفرع ائیل
اول اصل اصلک پائین شرف آیینده مذکور اولسه داب ابدن دور
دکادر قوت علم بدن ایله بحار سبعة ابطنده تعمق واستخراج درر نضائنده
نائق ایدوب مس ضرردن اولان تأثر و تضجری بوکوند ناویل و بومحلی
صحیح المحتمل اوزره تعویل ایتشدوکه :

(نظم)

دیدصبرش چون منی شد در وجود منی الضمرزان نظر گفت آن و دود
چونکه جز صبرش نماند اورا حجاب زین سبب شد مس ضرردن اضطراب

یعنی سرمستان مشاهدۀ جمال بیچون اولان کلی اصغیاء پاک
ندرون سوی ماسوادن عطف و هوایی نانی و قنطرات افعال
صفائری محیط اعظم ذاتده مستهلک و فنی اولمینیجه بقا بالله در کاشنه یول
ولمازلرورایت حقیقی حامل اولان انسان کامل رتبه سنه و اصل اولمازلر.
حضرت ایوب دخی اسم مال اطلاق اولنور علائق و اعلاقدن جدا
غلبۀ اقسام اسقام ایله طرح حفرۀ ردی اولوب سفن احوالی قلزم
واضحلاله صالمش ایدی. آجق مرتبۀ صفاتده رؤیت صبر و ثباتی.
مش ایدی. بو تقدیر اوزره اول حضرتک شکایتی ضرام و نکایتدن
لماز بلکه ضرر تجدد و تصبردن اولمغله عارضۀ اعتراض و اشتباه ورود و اتجاه
لماز. اگرچه صبر ایله تخلف بلا تخلف سبب حسن حال و اوساط
تقصیدینه نسبت درجۀ کمالدر اما سابق باخیرات اولان اهل تمکین و ثبات.

بویایه دنیسنده قانع و خرسند اولیوب صبر مرد آزمای دخی جمله
 مسوادن عدا ایدر لر وزاد عجز واستمداد ایله راه فنا فی اللهه کیدر لر.
 زیرا که صبر علی البیلا و ترک نالش ودعا قهر الهی به نجاد و مقاومت
 و مضیق نزاع خفاده تمکن و مداومتدر . عندا حقیقین درگاه مقدر
 معینه بب شکوی و حنین اولی و احق و ادب ضعف بشریتی رعایت
 السب و اوفقدر .

(نظم)

گفت حق ایوب را در مکرمات من هر مویت صبری دادمت
 هین بصر خود مکن چندین نظر صبر دیدی صبر دادن رانکر



الحديث السادس عشر

انیا مسلکینه سالک اولور فرق ایدن کیمسه خیر ایله شری
 دیدی مدح ایلیوب رسول بشر کان داود اعبد البشر

(متن الحديث)

بو حدیثک کا زار عبارتته نسیم موزونیت وزان و بالتام بحر خفیف
 ایله هم وزاندر . سنن ترمذیده حضرت ابوالدردادن رضی الله تعالی عنه
 بو عبارت ایله روایت اولمشدرد . حضرت داود دك سلسله نسبی خاندان
 خلیله منتمی و (عرائس نعلی) ده روایت اولندیغی اوزره اون برنجی
 رتبه ده حضرت یعقوبه منتظی اولور . احوال عبرت فزایی قصص انبیاده
 بسط و اضباب ، خصوصاً (تاریخ طبری) ده که وصفت ضعف روایتدن
 بریدر خلاصه اخبار منویحه احوال و انتخاب اولمشدرد . اون بابده اکثار
 و تفصیل حاصلی تحفیل قیلاندن اونمغین عنان ادهم قلم صرف جانب

عدد و فیاض ذوارف و عوارف جنبیدن در یوزده توفیق و مدد قیلیدی.
 اول حضرتك اعبد عباد الله اولدیغنه دلیل و کواهدرکه صیامی اعدل
 صیام و قیامی افضل قیامدر و بومعنائی دهاته رواتن نیجه ثبت ثقه عبارات
 مختلفه و معانی متفقہ ایله نقل و روایت ایتشدرد. خصوصاً صحیح بخاری
 علی جماعه رحمة الملك الباریده عبارت (لا صوم فوق صوم داود)
 و زود بومغله حتی رتبه یقین و ضمانته ایتشدرد. عرائس تعلیمده حضرت
 قددهدن نقل و اثر و کوهر کرامتیه صدق خبر میدان حس بیانده تفریق
 و اثر اولنمشدرکه اول مخاطب خص (انا جعلناک خلیفة فی الارض)
 و داور داد رسان (خصمان بغی بعضنا علی بعض) مشرعی حال و مشرب
 شان صفوت مآلی خاشاک خطیئه خطیره ایله کدر و تیره اولمدن صیام
 ایامده رعایت شرط اغباب و قیام لیل طویله الاذیالده (یقوم نصفه
 و ینام سدسه) ضریقه انیقہ سنی اختیار و احباب ایتش ایدی. ملاک امر
 توبه یه مالک و شرف یافتہ (فغفرنا له ذاک) اولدقدہ احیاء تمام لیل
 و صوم دهره رغبت و میل ایدی. (ع) و علی صحه هذا المنقول احادیث
 صحیحه لازمه القبولده مدح و اثنا اولسان صوم و احیاء قبل الافتراق
 اعتیاد و اتصاف بولدقلری حال باعسدان و ضعف امته نسبت درجه
 کن اولنش اولور.

(نظم)

سازنده ارغنون این ساز از پرده چنین برآورد آواز

اول حضرتك حسن صوت و آوازی بر مرتبه مؤثر و دلنواز ایدی که
 بت طرب سازده شروع و آغاز ایدکده زنده دلان سحری و نا آسود
 ن سبات سهری بیهوش و راقده و صفاء ترجیع الحانسدن آب سرریع

الجریان ایستاده ورا کد اولوب جبال کران آهنگ ایله مرغان سبک
سیر بر حسب (یا جبال او بی معه والطیر) اداء غم زداسنه هم ترانه ورسیل
وعابدان صدساله بلکه زاهدان خشک بی ناله نك اخدود خدود پرتابلی
تسکاب سرشک خونابه مجری و مسیل اولور ایدی. ذات رسالت متابی
وفود قنون امتحاناته مقر و منساب و مصداق فرموده (خررا کعاً
واناب) اولدقده شول دکلو ناله وحنین و صب دمع خونین
ایلدی که کنار محراب پرانواری قطرات دیده خونبار ایله جویبار
ومنهل چشم منهلندن اطراف سجدده کاهی نشو عشب و گیاه ایله
چمنزار اولدی.

(نظم)

زآب دیده داود سبزها بر رست زهر آنکه بنقشی بکرد نظاره
قرق کون علی الاتصال صوم وصال ایله ترک اکل و شرب
وسجدهات متوالیه ایله تحصیل دنو و قرب ایدوب آنجق اوقات صلواتده
سرپا کنی ساهره خاکدن رفع ایدردی. بعده کیرو استغراق سجده ایله
عالم وجده کیدردی.

(نظم)

دلش زیر بار بلا بسته شد سر رشته صبر بکسنسته شد
بدان گونه بگریست از درد دل که از اشک چشمش زمین کشت کل

دوام سجدوددن وجودی مجودی سوده وجبین مبینی خاک
مسکنت وحنینده فرسوده اولوب موقف اعتذارده همع دمع توبه
واستغفار ایله دائماً اظهار خشیت و نهیب و او توزیل علی الاتصال بو حال
اوزره فریاد و نحب ایلدی.

(نظم)

رحم آرا بران کسی که هر شب تاروز جز آب دودیده دستگیرش نبود

اول خلیفه فرمان روا و مخاطب ﴿ فاحکم بین الناس باحق ولا تتبع
الهیوی ﴾ خطبه‌ی اقرار و خطایه اعترافدن صکره اوقتی دوت قسم
و مبرینی کنج عبادت مخصوصه طاسم ایش ایدی. برکون نور زبور
ایله ازاله ظلمات غی و ضلالت و اسباط بنی اسرائیلی سواء سبیل ارشاد
و دلالت ایدر ایدی و برکون ﴿ ان لاهلك عليك حقاً ﴾ رخصت
بی خفاسی اوزره تدبیر منزله تنزل و مؤنت اهل و عیال احواله تحمل
ایدز ایدی و برکون تک و تنها منشور فرمان ﴿ فامشوا فی مناكبها ﴾ بی
تقلد و صخرای فسیح ﴿ فسیحوا فی الارض ﴾ ده بالظول و العرض تردد
و نقاب ایدر ایدی و برکون صومعه فلك قباینده که دوت بیک محراب ایله
آراسته و پرضیا و قسوس بی فسوس پاکیزه نفوس ایله رشک ایلا ایدی
نشیج دلدوز و عویل ضویل جکر سوز ایدوب رهاین ده بین بکا و اینته
اسعاد و اول حضرته موافقت و مرافقت ایله اغتنام و استسعاد ایدر لر
ایدی. یوم سیاحتده که هنکام شورش و نیاحت ایدی ﴿ صعود الاکام
و هبوط الغیطان خیر من التعود بین الحیطان ﴾ فحواسی اوزره وطن
وسکندن نزار و هائما علی وجهه کشت براری وقفار ایدوب مزامیر
دلپذیر ایله رفع عقیده و نیجه شوق و نفیر ایله شق بقیره ایتدکده
طیور و وحوش و سائر سکنه عبقر و وحوش اولان بهائم بی هوش
و دواب پرشعب و جوش مجتمع و حاضر و مدلول آیت ﴿ واذا الوحوش
حشرت ﴾ متضح و ظاهر اولوب بودکاو جموعک دموعی مجتازان

وابناء سبيله مانع راه رها و نمودار منطوق (و سالت اوديه بقدرها)
اولور ایدی .

(نظم)

میریخت سرشك آتش افروز مانده شمع خویشتن سوز
چندان زمزه سرشك خون ریخت کاندام زمین بخون درآمیخت
بوهیئات هیبتما ایله وقت عساده طرف ساحله راحل اولوب آواز
سوزناك و حزن ایله آغاز کریه و حنین ایتدکده حیتان عجیبه الماهی
وسائر حشرات مائه حجاب بحر نیلکوندن سرزده و بیرون اولوب
بوواقعہ رستخیز انکیزدن سراسمه و دنك و فریاد مغزکوب جهان آشوبد
اول حضرتہ هم ترانه و آهنگ اولورلر ایدی .

(نظم)

آسمان می گفت آندم بازمین کر قیامت را ندیدی بین
چرخ برخواندی قیامت نامه را تاجره بردیدی جامه را
و یوم نیاز حتمه هر محله و ناحیتده منادیان خوب ادا رفع صوت و مدصد
ایدوب حضرت داودك روز نفیر و سرودی و هنگام نفرت و شرودی
در جزای سوك و عزایه هوسناك اولان سر بازان بی باك
و فریاده حاضر و آماده اولسون دیو ر حیق توفیق ایله سرمست اولار
ساغر کشان بزم السی بلا تعویق تهییج و تشویق ایدرلر ایدی . حضرت
داود و فود شرف و سعود ایله معبد عجیب کثیر الحار بیه و لوج و دخوا
و عباد بی اسرائیل علی قدر قدرهم الجلیل مقام مهنت بی محتده متوا
و ثمول ایتدکدن صکر د اصناف اوبار و اصواف ایله محشو و آکنده اوج قدر
پلاس و ژنده زیر پای علین پیمانه بسط و القا اولنوردی . بعده مساعد
رهابنه و احبار ایله ادرار دموع سائله و مساعفه اساقفه نیکو حبار ای

رفع اصوات هائمه ایدوب (ع) نزدیکان رایش بود حیرانی و وفقی
اوزره آسیا آسانک ندم وسدم ایله لوح سینه باسکینه سنی دو کردی و بور-
باعی رقت نمونک مضمونی اوزره میزاب چشم هطالندن تیزاب حسرت
وملال دو کردی :

(رباعی)

ازدل بشکایتیم که تاجان دارد هر لحظه مرا بدست غم بسیار
از دیده هزار شکر دارم زیرا هر دم آبی بروی من باز آرد
سیلاب سرشک شور انگیز شول دکلو تند و تیز اولوردی که فرش
درشت آکین کثرت اشک طوفان آییندن غرقه آب و حضرت داودک
جسم بهبودی انصباب کریه کثیرا جریه دن شناور لجه اضطراب واضطراب
اولوردی. امین سر رحمان اولان حضرت سلیمان بوحالت دهشت پذیردن
آگاه و خیر اولدقده رحمت بهیه الهیه کبی سباق و شتاب و پدر بزرگوارینی
سعی بسیار ایله غمار دمع بی شماردن اجتذاب ایدردی . اول حضرت
فواره دیده کریاندن فیضان ایدن یاشی کف کهر پاشی ایله آلوب محیا
مستین الحیاسنه سورمکه طالب آب رو و ذات کثیر المعجزاته ساری
اولان خجلت و شرمساریدن دائما سرفرو ایدی .

(نظم)

سر خجالت عارف ازان بود در پیش که کرکنانه یخشند شرمساری هست
لباس تقوایی صابون انابت ایله شسته و کلزار دل پر صفا سنده سبزه
سیرت رضا رسته اولدقدن صوکرده هر کاده دعا و نیازده آغاز ایتسه متخطیان
خسته خطایی نفس صلاح فرمائی اوزرینه تقدیم و ایثار و نهایت ابتها
واستکانتدن ﴿ اللهم اغفر للعاطئین فعساک ان تغفر لداود معهم ﴾
دعاسنی تکرار ایدردی و قعود و قیامی و اراده اداره کلامی مجرمان

خاطر پریشان و تائبان ندامت نشان ایله اولوب تعاضی کلام (تعاولو
 اول داود الحاطی) ایله خاطر نواز اهل تقصیر و (این المذنبین احب
 عندالله من صولة المظیعین) معنایی تحقیق پذیر اولوردی (ع) که
 مستحق کرامت کناهکارانند و هنگام ابتلا ناک ابتداسنده غریق
 کرداب ولده بعده شرف منادمت توبه و ندامت ایله (کن لاذنب له)
 اولدقدہ اثناء نالاش و دغاده عالم حس خمس نماندن اغتراب و سجده نیاز
 ایله بارگاه ایزد کارسازه اقتراب ایدوب دیدی که ای قدر بی زوال رجا
 و سؤال ایدرم که سر نوشت قلم تقدیر اولان لم و تقصیرم بر آن انداخته
 چاه نسیان اولیوب نفس نافرمان و سائر عصاة بی درمان ایچون بالعشی
 و الابرار استغفا و استغفار ایدرجک بر نشانه و آیت عطا و عنایت ایدرسن
 پس حکیم و دود خطیئه حضرت داودی ید یمناسنده وسم و ابره عبرت
 ایله صنفه کف با کفایتنه و شم ایدوب مطاعم و مشاربه رفع ید و تعاضی
 اشیا ایچون دست پزشکی مد ایتدکده اول نشانه غیبی زاجر
 و لائم و تذکر خطیئه مهیج بکاء دائم اولوب حضار مجلس تذکیری
 نصائح سودمند دلپذیر ایله راحت و اول خط خطیئه نمائی
 بیکنه و آشنایه اراثت ایدردی (ع) این حالت از بدائع قدرت بعید
 نیست کثرت دمع پردم و غزارت کریه دما دمن رخسار پرانوارنده
 مجاری و اخادید منظور اهل دید و اسره یشانی عجز و پریشانیدن :

(نظم)

دارم طمع ز کریه شبکیر و آه صبح یابم دوا ی درد دل بی قرار خویش
 معنایی روشن و بدید اولوب اخیانا سجده دن رفع رأس و ماده
 حیوة و نما اولان مادن جرع ما ایچون اخذ کأس ایلسه عین هطالندن
 سرشک آل ریخته و آب ناب ایله مزوج و آمیخته اولوردی و هنگام

تناول طعامده برکاسه شکسته یه نان جوین زنک بنسته قویوب شول دکو
کریه بی اختیار و اخلاف ماقی بی خلاقی ادرار ایدردی که اول قصعه
چوین غرق سرشک خونین اولوردی . بعده اول نان تر اوزرینه نمک
و خاکستر صاجوب بومقوله طعام بطی الانهضامی مضغ و انتقام ایله نفسنه
اجبار و (هذا طعام الخاطئين) معناسنی خاصان و قرائنه اخبار
ایدردی . احباب فضائل استصحاب بیننده خو کرده حجج و عمر اولان
حضرت ابن عمر دن نقل صحیح الاثر در که حضرت داود صمیم قلب
سلیمنده خوف و بیم بروجهله جایگیر و مقیم ایدی که غلبه احزاب احزان
ایله نجه ایام و ازمان رنجور و صاحب فراش و رقم آسایش و راحت
کزک رنج دخراش ایله تراش اولوب مرمت دل ویرانی ایچون اهل
و حیرانی صورت عبادتده عیادت و دعای مستجابی استجلاب ایله کسب
شرف سیادت ایدر لر ایدی با آنکه ذات باند مقامی آسیب خرسقام ایله
زخم خورده و طبع ناز پروردی تند باد صدمه درد ایله آزرده اولیوب
خشیت و مخافتدن غیری رنج و آفت وجود ظاهرنده نمایان و ظاهر
دکل ایدی .

(نظم)

کائن ربك لم یخلق لخشیته سواهم من جمیع الخلق انسانا

اندیشه عقاب و وجوم بروجهله هجوم ایدردی که غیبت ذعر
ودهشتندن مفاصل و اوصالی تخلع و انفصال بولوب سلاسل و حبال ایله شد
و بند و نیجه تدابیر و اعمال ایله وصل و پیوند ایدر لر ایدی . بعده ملاحظه سمعت
رحمت ایله غشیت خشیتدن تحصیل افقت و ضبط امور خارجییه فی اجماله
کسب قدرت و اطاعت ایتدکده اعضا و آراب با آدابی تراجع و عودت
و رسم معتاد اوزره اهل رشد و استعدادده تبایغ مراسم دعوت ایدردی .

عرائس ثعلبیده بود و جهله کشف سرخی او میشد که حضرت داود که
دود آه ممدودی واصل چرخ کبود اولمش ایدی و فریاد و فغان صاعقه
نشانی ایله بسیار نقش ساده نما اولان کنبد بلند سما طولمش ایدی
تنور چشم پر نورندن فوران ایدن طوفان اشک روان بر مرتبه وافر
و فراوان ایدی که بکاء جموع اناس ایله وزن قیاس اولنسه جهله دن افزونتر
اولمغله سزاوار احدوئه و سمر و سو کواران عالمک کریه دما دملری
سر شک دریا افاضته اضافت ایله (کقطرة الماء بالنسبة الى الدما) داخل
شمار شمر ایدی. راویه روایتدن سلسال حسن بیان بو وجهله جریان
ایتمشد که جالوت که خصم فته طالوت و سالار عبده طاغوت ایدی سنک
فلاخن معجزه ایله هلاک و حضرت داود جمع رسالت و سلطنت ایله
جیل با تحیل بنی اسرائیل مالک اولدقده شیمه کریمه سی بو وجهله قرار
و بودستور مستور اوزره استمرار بولمش ایدی که کاه و بیگاه ماه ستاره
سپاه کی شکر دلک و مثال پیک خیال عالم نور دلک ایدوب متکراً کندی
روش و کردارندن تجسس و استخبار ایدردی. ارباب حال و قالدن هر کیمه
سؤال ایتسه زر ساو سامانی پوته آزمایش و امتحانده خالص العیار
و سنجیده کفه کف خیار اولور ایدی (ع) زری که پاک بود زامتحان
چه غم دارد. بو حال اوزره نیجه ماه و سال مرور و غداة و عشی کرور
ایدوب ناکاه اقتضای حکمت آله ایله سکان رقیع رفیع انتظاردن بر ملک
نورانی پیکر لباس صورت بشریه بی تلبس و مکان آزمون و امتحانده قرار
و تلبث ایلدی. حضرت داود داب معهود اوزره کندی سیرت و ساندن
پرسان اولدقده اول فروش حکمت فروش جعد پرتاب جوانی شانه
زده دست حکمت و شکاف ابر تعریض و کنایتدن ارائت بارقه نصیحت
ایدوب غاره پند سودمند ایله آرایش جمال اجمال ﴿ ونعم الرجل داود

ولا خصلة فيه ﴿ سپند ناپسندی ایله دفع عین الکمال ایلدی . حضرت داود بوتعریض زهر آلوددن :

(نظم)

وما ابری نفسی وما از کیهما که هر چه نقل کنند از بشر در امکانست

معاسنه اعتراف و عیب نهفته ناکفته دن استبنا واستکشاف ایتدکده اول فرشته بشر پیکر تبیین غرض و طیب روحانی اثر تشخیص مرض ایدوب دیدی که حضرت داود مقرب ملک معبود ایکن عترت و آلی ایله فضالّه بیت المالدن سد جوعت اگر چه رخصته قریندر اما عند اهل العزیمه باعث لوم و عذیمه، بلکه مستلزم نقیصه عظیمه اولمغه سر جریده سیئات مقریندر. حضرت داود بوکفت و شنوددن حق تنبیی استیفا واستیفار و حسنات ابراردن استغفار ایدوب جناب مسبب الاسبابدن بریشه و حرفت رجا و مسألت ایلدی که آنکله تسبب و تکسب دافع فقه و اعواز و تداول کسب حلال ایله تناول بیت المالدن مستغنی و بی نیاز اوله . پس قادر فریادرس کمال قدرت و جلالی اظهار و ابانه و تأثیر فرمان ﴿ قدر فی السرد ﴾ آهن سردی الانه ایدوب حضرت داوده صنعت لبوسی تعلیم و کف بی و کفنه مقالید معجزات باهره بی تسلیم ایلدی . حدید شدید تیره قام بروجهاله نرم و رام اولدی که من غیر ادخل النار ید سحّاء سخا شعارنده خیر و اریهن و دراز و ﴿ هیات تضرب فی حدید بارد ﴾ مثل واردی غلط انداز اولدی . تأیید لطف حدید ایله معجزه ﴿ والنّاله الحدید ﴾ ظاهر و بید اولمغه حضرت داود هم رزق موعود . دده ترك قلق و ارتیاع و دست بافی اولان هر درع ضافی و زرد صافی بی درت بیک احقه ابتیاع ایدوب بر مقداری مهمات عترت و دارینه صرف و ارفاق و ماعداسنی ارامل و ضعفایه بذل و انفاق ایدر ایدی . زبورده

مزبور اولان کلمات قدسی سماتندرکه ﴿یا داود اذا رأیت عالماً فکن له
خادماً﴾ بودخی رونق شکن کلمه قسیه اولان بدائع کلمات قدسیه دندرکه
﴿یا داود انما بدک الالزم فالزم بدک﴾ سمسره سابع اسمار اولان نقله اخبارک
اجماع وازماعلری اوزره حضرت داودک سنوات مدت حیاتی یوز ساله
اتصال بولدقده :

(رباعی)

آن مرادیم کز عدم یم آید کان نیمه مراخوشترازین نیم آید
جانی دارم بعاریت داده خدا تسلیم کنم چو وقت تسلیم آید
معنایه نفسنی توطین وامر رحاتی توطید ایدوب روح علوی آشیانی
بزم روحانیته میر مجلس وغرف جنانده دلفریبان حور و غلمان ایله
همصحبیت و مستأنس اولدی .

(نضم)

وما الموت الا رحله غیر انها من المنزل الفانی الی المنزل الباقی
کیفیت انتقال ورحاتی بووجهله نکاشته مزبرنقل و حکایتدرکه اول
حضرتک برکنیز پاکیزه طینتی وار ایدی که هنکام شام ومادی استیلاء
ظلامده اسباب حزمی افراز ومداخل بیوتی فراز ایدوب مفاتیح ابواب
مؤصده نی حضرت داوده تسلیم بعده متوسد منامده نیت آسایش و آرامی
تصمیم ایدر ایدی . عادت معهوده وحسب فرموده اوزره روزنه احتیاطی
ابلاق و دروازه اختلاطی اغلاق ایدوب جانب جامه خوابه عزم و شتاب
ایتدکده کوردی که بر شخص بیکانه بطنان خانده قائم ومائل و بی پروا
سیر و تماشا به راغب ومائل اولمش ، بو حالتدن وهمناک وزهره صبری چاک
اولوب دیدی که ای مرد شبکرد سنی حرم ارم مثاله کیم ادخال ایدی که
﴿فاذا دخلت بیوتاً فأذنوا﴾ سر رشته سین که بووجهله اظهار کستخی

وتحكم ايلك . حضرت ملك الموت رفع صوت ايله دیدی که بن اول
طارق بی حذر و سرهنک قضا و قدر که منشور بضت و سطوت هرجا
وارجیه و اصل و جائی و مضائق و دخول و اقتحام و دخول دفعی و جائیدر .
بویام راحت انتزاعك استماعی حضرت داودك كشتی وجودی غرقه
در دور درد و تحیر و حقیقت زیارتدن (اجئت داعیاً اونا عیسا) ايله
تفحص و تخبر ایلدی . قابض ارواح که تفرقه انداز ازواجدر کالبد رجنی
تیغ زهر آب داده روی ايله تجرّج و بغته نغسه کلدیکی تصریح اتمکه
حضرت داود سواء ماسوادن اعراض و صدور ایدوب دیدی که یا ابایی
چونکه اجل مسمی بی جانب عقبایه داعی و حائض حیاتم زلزله مرك
و ممت ايله متزلزل و متداعی ایدی بو حالت غم فزا و عمر کاهدن مقدم
نیچون آگاه اتمدك که لباس تقوای استجداد و موده تهیو
و استعداد ایدم ؟

(نظم)

چو وصل دوست میسر نمیشود بی مرك زهر نوش چنان عاشق چنین نیشم
اگر جمال نماید بوقت جان دادن چه جای جان که زهر دو جهان نیندیشم

حضرت عزرائیل رداء تعریض و ایمانی تحویل و امر غفلت و تهوی
تهویل ایدوب دیدی که یا داود آبا و جدو ك نقل و ارتحالی و احباب
و اترا بک زیر ترابده تغیر حالی بلکه هرا بن انشانك آلت حدبا اوزره
خلاف مأمول محمول اولمه سی بیش آشك لشکر ممت و نذیر عریان
وفت دگیدر؛ انتقال لدات و عداة بالعشی و النغداة سر (کفی باموت
واعضا) دن کشف غطا ایدر کن حیفا که فیفاء عالمه وضع قدم ایدن
بی آدمه پنبه غفلات بینه سد صماخ تنبه ایدوب بودکلو قوارع آیات

نذارت آییندن عبرت بین اومزلر و ظلم هست نماي زخرف جهاندن
دمبسته وولهان اولوب کنج حقیقت حاله اتصال بولمزلر .

(نظم)

الناس فی غفلة عما یراد بهم کانهم غم فی دار جزار
خليفة بی خیلا وزهو کشف سر (لیتی ذلک السهو) سالار
اهل یقین سید جمله صدیقین :

(نظم)

آنچه حق از بارگاه کبریا ریخت در صدر شریف مصطفی
او همه در سینه صدیق ریخت لاجرم تابود ازو تحقیق ریخت
رضی الله تعالی عنک بوکلامی معنای مذکوره مدانی و قریب و تسلیت
بخش خاطر کریبدر : (لاتزال تنعی اخا حتی تکونه وقد ترجو رجاء
فیحول الموت دونه) بعض شعرا بومعنايه دیباء نظم زیبا ایله حسن
نمایش و اندام دلارامنه تمایل وزن نازک خرام ایله لطف آرایش
ویرمشد :

(قطعه)

واذا حملت الی القبر جنازة فاعلم بانک بعدها محمول
واذا ولت امور قوم مرة فاعلم بانک عنهم مسئول

الحديث السابع عشر

طالب خلد اولان ره حنده جان وباشن فدا ایدر هرگاه
صدد مدحده بیوردی رسول خالد بن الولید سیف الله

(تمام الحديث)

خالد بن الوليد سيف الله وسيف رسوله وحمزة اسد الله واسد رسوله
وابو عبيدة بن الجراح امين الله وامين رسوله وحذيفة بن اليمان
من اصفياء الرحمن وعبد الرحمن بن عوف من تجار الرحمن

ديلمى مسند فردوسه حضرت ابن عباسدن رضى الله تعالى
عنهما بوعبارت ايله روايت ايتديكى جامع الصغير وجمع الجوامعده اشارت
اولنمى شدر. بومقام متسع المقال وطويل الاذيلده حضرت خالدك تبيين
افعال وصفاتى اولاً وبالذات مقصود ومراد واصحاب اربعة باقيه تبعيت
طريقى ايله ذكر وايراد اولمغله اول حضرتك بيان احوالنده رسته
مقال حسب الاقتضامد واطاله وسائر ك احوال واطوارى مفصلات
كتب سيرة و اخباره احواله اولندى (ع) وقد آن لى تفصيل ماقلت بمجمل
نهذيب الاسماء والمغائده انبا واثبات اولنديغى اوزره حضرت خالدك
مادرى لبابه صغرا در كه امهات المؤمنيندن حضرت ميمونه نك
رضى الله تعالى عنها خواهرى و براخت سعد اخترى دخی لبابه كبرا -
در كه حضرت عباسك رضى الله تعالى عنه حليله وهمسريدن. حضرت
خالد هدنه حدييه ده بيت السلام اسلامه داخل ودار الامان ايمانه
واصل اولدى. كيفيت اسلامنى علماء اعلام بووجهله روايت واعلام
ايتشدر در كه وليد ابن وايدكه خالدك شقيق شقيقى بلده ﴿ تحتاج الاخوة
الى الصداقة ﴾ مصداقى اوزره ضراوسراده جهراً و سراً ياور رفيقى
ايدى خالددن مقدم مأمّن هدايته وضع قدم ايدوب احراز قصب السبق
دين ايجون سباق كبار مهاجرين ايله مسابقت و حماة بيضة خيفيه بيضا
ايله حسن معاشرت و مطابقت ايتش ايدى. بركون نادى رسالت اينده كه

مطاف ملائکه مقربیندر حاضر و مژده تلفت نبوی ایله وجه رجایی
ناضر ایکن خیمه جمیه حاله رشحات نوازش و افضال روان و سوی
سماء رسالتدن این الحالد نداسی آویزه کوش جان اولدی .

(نظم)

محالست چون دوست دارد ترا که در دست دشمن گذارد ترا
حضرت ولید مضمهر شکر و تحمیدده ترکتاز و سرانبان بیانی باز
ایدوب دیدی که ای مفتخر آدم و حوا و نافذ الکلام ﴿ و ما ينطق عن
الهُوى ﴾ چونکه اول نا کامک نامی زبان زده جناب نبوی و کالبد حال
بدی نفخ روح هدایت و فتوح ایله سوی اولدی امیددر که زمان لمعان
نور توحید قریب ودانی وید تأیید ازلی عطف خالیدی طرف خلیده
ثانی اولمش اولد (ع) و ما انا من روح الاله بائس . بعده برنامه
دلکشا تحبیر و انشا ایدوب مطاوی الفاظ باعثة الاتعاظنده بونصائح قرار
داده نی درج و افاده ایلدی که ای دادر داور صواب دیدکا و خرد دکن
مستبعددر که بودکلو زمان سرکشته تیه غوايه و استضاء نور ایماندن
محروم و بی وایه اوله سن . خصوصا که حضرت رسالت سنی خیر ایله یاد
و علی رؤس الاشهاد افتقاد بیوره لر . ایمدی تبوء دار شجرت مدار
ایچون مسارعت و بدار ایله که نادیات بعثت و تباشیر صبح دعوتده نیجه
مشاهد و غزوات عرضه تخلف و فوات اولمشدر که سابقون اولونه سبب
رجحان و تقدم و سکا الی یوم الحسره باعث پشیمانی و تنمدر .

(قطعه)

کم من مؤخر فرصة قد امكنت لغد ولیس له غد بمواتی
حتى اذا فاتت وفات طلابها ذهب عليه نفسه حشرات

اگر چه فئت غیر مستدر کدر اما منتهزان فرصت ﴿ تدارك في آخر
 العمر ما فاتك من اوله ﴾ دن غفلت ایتماک کر کدر (ع) که فرصت عزیز
 است والوقت سیف - مضمون نامه قلب خلی خالده تأثیر وقصد تلافی
 تقصیر ایدوب عثمان بن طاحه ایله عقدہ میثاق توثیق ونقود اتفاق اتفاق
 ایله عزم منویج توفیق ایلدیلر . ناکه انشاء راهده عمرو بن عاصه بخواست
 راست کلدیلر که اکا ذخی درد طاب دامن کثیر وخاطره استهدا نقش
 هوش خانه ضمیر اولمش ایدی بو اوچ یار صافی مانند ابائی آیزش وموا -
 فقت وکل رفق ایله مرافقت ایدوب قلب برکینلری اقتضاء دور هدایت
 آیین ایله نیک ومنزل وصل صوری نزدیک اولدقدہ ایله سواد بشریتده
 دیب وحرکت ایدن نمائے خاطره ونیتلری نور نبوت ایله مکشوف وسر
 نوشت خوب وزشتلری آینه معاینه ده مجلو ومشوف اونغین قبل القدوم
 مقام معلوملری ترفیع واعلا و ﴿ رمتکم مکة بنالذ کبدها ﴾ حدیثی مستمایان
 محاسن نبوی یه املا بیوردیلر . حضرت خالده که مدای بصردن مطرح اشعه
 نظر اولدی موقوف بیعتده منل وپی رفرف پیمانی لایم وانجه تبشیش
 وشکر خنده ودل مرده افرده سنی نفخ روح نفحه روح ایله زنده ایدوب
 بیوردیلر که ای خالده سنک معدن نهاد کده کوهر نایب استعداد اونغله بی
 توقف رجا وتوکف ایدردم که عقل سلیم سنی صراط مستقیمه هدایت
 وارشاد وخوانسالار عنایت بی غایت سنک ایچون رغائب حصه غائب تهیسه
 وارصاد ایده (ع) المنه لله تبارک وتعالی که هادیه هدایه اتکاه یسر وخبر
 اسلامک لسان وحی والهام ایله مبشر اولدی بعده حضرت خالده سریه
 مؤته ده موجود وحاضر واول مضائق شدیدده مساعی سدیده سی
 نمایان وظاهر اولدقدہ دیوانخانه رسالتدن اول شیر غایبه شهامته خلعت
 خاص منقبت اعطا وافرار و سیف الله لقبی ایله بین الا کفا مختص

وسرافراز اولدی. اول واقعه نادره المثلک خلاصه واجمالی بودر که غزاة مؤته ده امراء سه کانه شهد شهادتی نوش و قدور جاجم لشکر آتش غیرت و غیر ایله جوش ایتدکده حضرت خالد رایت ظفر آتی میان خاک و خلا بدن اخذ و استلاب ایدوب بلا امره تأمر و زور بازوی دلاوری ایله بین الوری امر غزایه تشرم ایلدی. مرده کفره بد معاش ایله شول دکلو نبرد و پر خاش ایلدی که تیغ خارا شکافی ایله صفوف اهل خلاف شق و شدت ضربات متعاقبه سندن دست تابدارنده طقوز شمشر آبدار مندق اولدی. آخر الامر صباء فوز و نصرت مهذب سبق رحمتدن نسیم و صفیحه حمیت خالویه مواد مفاسد اهل عنادی حسم ایلوب یحد و شمار کفره بد تبار طعمه شیر هلاک و دبار و بقیه السیوف اولان صفوف دخی پریشان و تار مار اولدی.

(نظم)

کریزند کان را دران رستخیز نه روی رهایی نه پای کریز
بجان برد خود هر کسی کشته شاد کس از کشته خود نیاورد یاد

صورت حال ظفر ماللری جناب مبشر و نذیرک مرآت خاطر
حقائق پذیر لرینه پرتو انداز و باب مکشفه مفتاح غیب ایله باز اولمغین
قبل مجی انبیر بو واقعه پر عبری کشف و اباب و حضرت خالدی ﴿ثم
اخذہ سیف من سیوف اللہ ففتح اللہ علیہ﴾ ایله مدح و اثنا بیوردیلر.
فتح مکہ و حنینده دخی موجود و اول معارک دهشت انزده طوق قدرت
بشردن بیرون مساعی کونا کونی مرئی و مشهود اولوب فرط اقتحام
واقدام ایله بین الانام متعارف و متعالم خصوصاً اهل رده اولان شدت
حدتی معلوم خلق عالمدر. فتح مکہ مکر مهده که اهل اسلامه اعظم فتو
حات و مغازی و کفار بد فرجامه اکبر مندیات و مخازیدر حضرت زیر

رضی الله تعالی عنه کبار مهاجرین و انصار ایلہ ثنیۃ علیادن نازل و حضرت
 خالد رضی الله تعالی عنه سائر قبائل و عشائر ایلہ ثنیۃ سفلیدن داخل
 اولدینی اول حضرتک مزید جلادت و جلالته دلالت ایدر . کما کتابت
 کتابتدن نقل و روایت اولنور که کل بستان (و یتیم نعمته علیک) و هزار
 دستان (باغ ما نزل الیک) یوح سماء (ان هو الا وحی یوحی) آینه تمام
 نمای (لقد رأى من آياتنا الكبرى) :

(رباعی)

ان شه که مه سپهر لولاک آمد جانست کز آرایش تن پاک آمد
 یک حرف ز مجموعه قدر و شرفش لولاک لما خلقت الافلاک آمد

(اذن فی الناس بالحق) امرینه اتباع و زمره مهاجرین و سائر انصار
 دین ایلہ حجه و داع ایدوب بی جدال و رفث اتمام مناسک و تفقدن صوکره
 سر رسالت افسر لرینی بین الخلق تراش و حلق ایتدیروب ناصیه هایون
 یرکت نمونلرینی حضرت خالده ارزانی و بونوازش و التفات ایلہ بین
 الا کفاء و الکفایة مظهر عز جاودانی بیوردیلر (ع) هزار نکته باریکتر
 زمو اینجاست . اول شعرات معجزه نمایی که خاصیت بخش پر هایدی
 حضرت خالد جوف عمامه سنده تعبه و خیاضت و شرط فرط تعظیم
 و تکریمی توفیه و حیاضت ایتکه دائمامهالک بی درمان رستخیز نشانده
 غالب و چیره و شعشعه شمس مهابتدن چشم دشمنان خفاش ضیعت
 خیره اولوردی .

(نظم)

چنان شد که بازور بازوی او نخر بید کس در ترازوی او
 چو در زور پیچیدی اندام را کره برزدی کوش ضرغام را
 یوم خینده که اصحاب سبق و تقدم چشم زخم (اذا عجبکم کثرکم)

ایله انتاده مزلقه پریشانی و تیر باران اهل بغی و طغیان ایله پادر کل عجز و ناتوانی اولدیله حضرت خالد تکاور غیرته سوار و هجوم سیلاب قتله کوه البرز مثل پابرجا و استوار اولوب نظرگاه رسول علیه السلامده شول دکلوسربازلق و طلیعه لشکر اسلامده بروجهاه سراندازلق ایتدی که صدر تابناکی مشروح و جسم پاکی نیجه یرده مجروح اولدی. اول قبیله غیر نیله که وفدهوازن و هربری کشفه میزان هنرده تمهتن زور آور ایله موازی و موازن ایدی صدمه (و انزل جنوداً لم تروها) دن فرار و هرب و حماة حوزه دین مخیم فتح میننده اظهار شادمانی و طرب ایتدکده حضرت ختمیت قرین کمال عز و تمکین ایله رحل خالده قدم رنجه و کابه احزانی مقدم مسرت رسانلری ایله رشک سمر قد و کنجه ایدوب پرسش خاطر نواز ایله اول درمأنده پستر اعوازه تروح نفس و جروح جانکدازینه لعاب شفا سازلری وضع و نفث ایتمکه اول ریق . ریق دافع اوجاع نقال و حضرت خالد (کما انشط من عقال) اولدی . (کتاب خمیس) ده نکاشته کلک بدائع نویسد که مناک بن نویره که او ان رسالت عنوانده قبیله بنی حنظله نك عاملی و لواء نقابت و عراقترینت حامی ایدی آفتاب آفاق کیر و سالتک زمان غروبنده و اهل ردتک مبادی حروبنده حفظ صدقه تده ترك صداقت بلکه اربابنه رد ایله اظهار شعار ددت ایتمکه سوء صنیعی محفل شریف و وضعده منتشر و مستفیض و بو وضع ناصواب ارتکاب ایله بین الاحباب منفور و بغیض اولدی .

(نظم)

لا تطلبن هیئات منه صلاحه اذ کازربک قد قضی بفساده

حتی حضرت خالد بو حندن تیر و کمال حمیت و انفعالندن تغیط

وتذمر ایدوب ابن نویر دنك وجود عدییم الغیره سنی هدف تیر تدمیر ایتمه
 سوکند و جبل متین عهد و پیمانی عروء و ثقای ایمانه پیوند ایلمش ایدی.
 (ع) حضرت صدیق خلافت مقرر علیه ارضوان الاکبر که شرف
 ذات بزرگوار لری شیخ عطارک بوابائی ضمننده مسطر و بخور حسن
 بیانی ایله دماغ مجلس روحانیان مطیب و معطر در :

(نظم)

در شب معراج پیش ذوالجلال مصطفی کرد از خداوند این سؤال
 گفت چونی باعلی ام یاعزیز گفت بابوبکر من چونی توتیز

وجود بی همتاسی ایله مسند خلافت کبری زیب و شر و هر کس مقسم
 عدالتدن نصیب اوفی و او فر بولدقده تهیئه آلات سفر و ترتیب مقدمات
 ظفر ایدوب جسم مواد بغی و ارتداد ایچون حضرت خالیدی سردار
 و فرسان و رجاله رجاله سه سالار ایلدی .

(نظم)

همه مبارز و رزم آزمای و خون آشام همه دلاور و دشمن شکار و کینه گزار
 حضرت خالد صفاء خلد ایله مهمه تهمه روان و اول جوانبه
 تقدیم نذر جوائب ایله دوان اولدقده بی کانه حرم دین اولان حزب
 مرتدین ایله اقامت حرب زبون و مالک ابن نویر دینی زیر شمشیر تسخیر
 و تحسیرده زار و زبون ایلدی (ع) ان الشقی بکل جبل یخفق اگر چه
 عند البعض ترس ترس ایله تترس و ورا شجره طیهده تستر ایلدی لکن
 خلال قیل و قلده (ان صاحبکم قد مات) کلماتی اداره و بوقول نافر جام
 ایله جناب ختمیت مقام علیه نوا می الصلاة والسلامی اراده ایدوب

بوکلام خامدن که بی چون و چرا موهم غمط وازرا ایدی حضرت خالد
 مسلوب الاختیار وچشم پایان یینه روز روشن تار اولوب اول مرغ
 بی هنکامک سر بی ثبات و آرامی تیغ بران ایلہ بر آنده پَران و همسر
 بی همتاسی ایلہ کہ ماه فلک حسن وبها بلکه اشبه شیء بالمها ایدی بناء
 تأہلی بی توقف و تمہل بنیان ایلدی . بو خبر مشتبہ اثر مدینہ منورہ یہ
 منعکس و میان صحابہ دہ نقل مجلس اولدقدہ ابن نویردک مسلماً قتل
 و نکالی احتمالی دغدعه انداز مرد وزن، خصوصاً همسر نازنینی دواج
 ازدواج ایلہ تزین ایتدیکی علاوہ سوء ظن اولدی . بوسبیدن عرق غیرت
 عمریہ نابض و اقامت حده کمال جد ایلہ تاهض اولوب خطاء خالدي
 بارکاکه خلافتہ عرض و اقتصاص و اقتضاء ادالت عدالت ایلہ ارادہ عزل
 و قصاص ایلدی . صاحب نام نیک مخصوص منقبت ﴿ کله فیک ﴾ رفیق غار
 توفیق یعنی حضرت صدیق رضی اللہ تعالیٰ عنہ زند توجہی ایرا و ذمت
 خالدي مذمت قتل مسلمدن ابرا ایدوب دیدی کہ سر مغفرت مغفرینہ نثار
 نصرت و ظفر منشور و دیوان ختمیت پناہدن سیف اللہ ایلہ ملقب و منبوز
 اولان سیف اسلام بی انشلامی کسر و ابطال باعث انکسار کاکہ و ابطالدر
 (ع) لعل به عذراً وانت تلوم . خصوصاً کہ کاه و بیکاه سریہ ظفر
 سرائی شاهراہ تیقظ و انتباهه هادی و متأولاً ارتکاب ایتدیکی وضع
 ناصواب بر امر اجتهادی اولہ (ع) ماذا اقول و ذنبه مغفورہ حضرت
 خاند عرا زین اهل ردتی خاک کسر و هزیمتده ارغام و تمریغ و قلب
 مستیرینی مشغلہ دار و کیردن تخلیه و تفریغ ایتدکدن صکره قفول و ایاب
 و دار مقامه دہ حظ رحال و عیاب ایتدکده ابن نویردک قتل و هلاکته
 مسارعت وانهماک ایتدیکی چون حضرت صدیق رضی اللہ تعالیٰ عنہ عقدہ
 پرتاب عتابی احکام و تأریب و حضرت خالدي مؤاخذه و تثریب ایتدکده

اول یکسوارۀ میدان گیر و دار عروۀ و ثقاء اعتذار ایله تمسک ﴿ ووب
ملوم لاذنب له ﴾ زاویه سنده انزوا وتنسک ایلدی . مالک هالک اثناء
قیل و قالده قتانی احلال و دم مستحق الذمّی اهدار و اطلال ایده جک
کفتار ناهنجاردن عدم احتراز و جناب رسالته بی مین و امترایهام نقص
وامتراز ایتدیکی جهندن مفتی غیرت ردتنه افتا ایلدیکنی حسن تعبیر
و ادا ایله اعلام و حاشیۀ بساط معذرتده مشول و قیام ایتمکین حضرت
صدیق رضی الله تعالی عنه قولنی تصدیق و ترک معارضه و تحدیق ایلدی .

(نظم)

همه اصحاب مجتهد بودند سالکان طریق جد بودند
کر خطا میکنند مجتهدان ایمنند از غرامت و تاوان

بالجمله مسیلمۀ کذاب ایله سائر مردۀ اعراب قصد تدمیر و بوخند-
مک تمشیقی ایچون حضرت خالد جنود ظفر بنود اوزرینه تأمیر اولندقدده
تکاور غیرتی اسراج و آستین حمیتدن ساعد خلوص نیتی اخراج ایدوب
ظلمت ردت ایله وجه باوقاحتاری مربد اولان مرتدلرک سربنی سامانلرینی
فهر قهر بی درمان ایله شکست و رایت تحزب و جمعیتلرینی دست برد
فوز و نصرت ایله پست ایلدی .

(نظم)

اذا جاء نصر الله والفتح هین علی المرء معسور الامور وصعبها

بومنوال اوزره هر نه جانبه توجه و اقبال ایلسه مؤید و منصور
وید تأیید سیرمد ایله سر باسعادتنه جواهر پیروزی و بشارت منشور
اولوردی .

(نظم)

آثاره تنبیک عن اخباره حتی کأنتک بالعیان تراه

آخر الامر جمله امراء شام اوزرينه امير نافذ الكلام ايدوب اول
اقتدار و اقتدارك زمام تمام اموريني يد كرامت ظهورينه تفويض وسائر
خيمه سعي و اهتمامني مخيم نقض و ابرامدن تفويض ايلدى . نقود دساتير
اساطيرك ناقدى اولان امام واقدى فتوح شامده اعلام ايتديكى اوزره
اول حضرتك عالى قدر و جلالى خارج مراتب چون و چنبد و فتح
شامانده ايتديكى فرزانيكى و ثبات حسد كرده طهمورث ديوبنددر .

(نظم)

عالمى از ظلمت و از صبح صادق خنده
لشكرى از ظلمان و از سپاهش يك نفر

خصوصا قصبة یرموکده تحزب ورموك ایدن شجعان روم بد اروم ايله
نبرد و کار زار و خارج طوق بشرى قون شجاعت و دلاورى اظهار
ايدوب حفره کفره و لوج ایدن علوجدن اون بر بطريق بطريق العيان
مشت کوپال نشانى ايله هلاک و کوى کله سبکسارلرى میان میدان خسا
رده آغشته خون و خاک اولوب بوغزء عبرت فرا وجه فتوحات شاميه ده
مثال شامه و ناسخ داستان پاستان شهنامه اولمشدر .

(قطعه)

تبليج الايام عن مطلع الهدى وحل باهل البنى قاصمة الظهور
فله من فتح غدا زينة العلا وواسطة الدنيا وقائدة الدهر

حضرت خالده بذل صدقه ايله مقعد صدقه رغبت پذير . بلک شعرا
وستايش کرانه افراط جوائز بي کرانى واصل رتبه تبذير اولديغى زبان
زده آشنا ويى کانه وانديه و محافده داستان و افسانه ايدى :

(نظم)

لاتعجبن لاموال يفرقهما بقاؤها لاعطايها غاية العجب

جاشین یارغر کو یای کلام (اعلیک اغار) دره زن منکر و محدث
خایفه موفق و محدث رضی الله تعالی عنه مضمار خلافتده مطلق العنان
و منجوق عدالتی ملاصق قه قه عنان اولدقدده خالیدی عزل ایله تأدیب
وامین الامهت عقدده تقلید حکومتی تأریب ایلدی . اول هر برغیضه
جلال بعدالانفصال دخی زیاده قحمه جهاده تقحم وبالذات اشعال تنور
مماته مباشرت و تقدم ایدوب :

(انظم)

ولست ابالی حین اقتل مسلماً . علی ای شق کان لله مصرعی

فحواسنی حسب حال و (خارس کل شیء اجله) مقالنی نقش کتابه بال
ایتمش ایلدی . بعده فرمان اولوالامر ایله طابّه مستطابیه قفول و موقوف
اعتذارده مشول ایتدکده پیشگاه دیوان معدلتده حاجت حسن معذرتی
محصل و کلشن حلی نیشان افضان ایله مختصر و مختل اولدی .

(قطعله)

اقبل معاذیر من یأتیک معذراً واغفرله ذنبه ان بر او فجراً
فقد اطاعک من یرضیک ظاهره وقد اجلک من یعصیک مستراً

خایفه عدالت مناب مظهر حدیث (لوکان بعدی نبی لیکن عمر
ابن الخطاب) رضی الله تعالی عنه قلمرو نصفت مسیرینه نشر احکام
و مناشیر ایلدی که رفع خالده سبب و علت تقصیر و زلت دکلددر بلکه فرط
شجاعتی فتنه انداز نزدیک و دور و ذایت شهامتندن مخدرات و ارامل
عض انامل ایتکه کندو دخی مفتون و مکور اولوب حکم حکمت نما
ایجاب و اقتضا ایلدی که اول یکسواریه خیل خیلا خواب پنداردن بیدار
و سلطان دین ملائک سپاه که رایت افراز آیت (وما النصر الا من
عند الله) در غلبه و تأییده محتاج شجعان صید اولمدیغی واضح و بیدار اوله .

(قطعه)

صاحب سخن فسانه پرداز زین قصه چنین خبر دهد باز

که خالدك حضرت عمره رضی الله تعالی عنهما مزید مشابہتی و صورۃ
و خالقۃً اول حضرتہ مشاکلت و مشاکہتی وار ایدی (کأن يد القادر
الفتاح شقهما من شقي تفتح) اتفاقاً بر سحر حضرت عمر رضی الله تعالی
عنه (المبارکرة مبارکة) ملاحظہ سی ایله ابتکار و غلس بامدادده کہ محل
فیض و امداد در جانب مسجدہ نہوض و ابتدار ایدوب ناکاہ میان راہدہ
علقمہ ابن علائہ ایلہ ملاقات و مصادفت و اظہار آشنایی و مصادقت ایلدی . مزید
شبہ تاریکی شبہ معین و علقمہ خطا کار و غلط بین اولوب پیکر حضرت
عمر نظر حسدہ ملتبس و مرآت قوت و اہمہدہ صورت خالد منعکس
اولغلہ استفتاح باب جواب و کینتی ایلہ خطاب ایدوب دیدی کہ : « یا ابا
سایان میان ابناء زماندہ ساحت و حماست مستلزم رعایت بی غایت ایکن
حضرت عمر سنی فلات عدم التفاتدہ آوارہ و پیام عزل و اتہامک ایلہ
قبۃ نیلکون فلک سرنکونی پر آواردمی ایتدی : » حضرت عمر رضی الله
تعالی عنہ علقمہ بی قصد آزمون و استکشاف سر مکنون ایدوب دیدی کہ :
« بو کفت و شنوددن مرام و مقصودک نہدر : » علقمہ ذیل جوابی اسبال
و ابانۃ لبانۃ مافی البال ایدوب دیدی کہ : « بنم نیت و طیتیم و مقتضای طیتیم
الی قیام الساعہ سمع و طاعہ و خلافتی اقتراف خارج دائرۃ استطاعہ در .
غایۃ مافی الباب باعث مکالمہ و اصطحاب اونیق ایچون حقیقت حالدن
فحص و سؤال و ادارۃ قداح قیل و قال ایلدم . » بو حال ایلہ بر بردن مفارق
و طلعت صبح راستین افق چرخ بریندن شارق اولوب راز روز آشکار
و مہر عالم فروز پردہ در شب تار اولدی .

(نظم)

هر راز که در پرده شب پنهانست چون روز شود بر همه روشن گردد
حضرت عمر رضی الله تعالی عنه خالدي دعوت و حضور علقمه ده
بسط بساط مباسطت ایدوب دیدی که : « یا خالد علقمه ایله نه مقوله مقار
وله ونه گونه محاوره قصد و محاوله ایلدی : » حضرت خالد رقیم تغلیس
وابکاری رقمکش قلم انکار ایدیجک حضرت عمر رضی الله تعالی عنه
تکرار امر استخبارده تعمیق و « انی لامرح ولاقول الاحقا » رخصتی
تحیفه حسن معاشرته تمیق ایلدی . حضرت خالد رشته سخنی دراز
واقسام خلف واقسامه آغاز ایدوب دیدی که :

(قطعه)

بدان خدای که ذرات اسمان وزمین همی کنند بیایک ذات او اقرار
بمهر درج نبوت که آن ودائع را نبود هیچ امینی چو احمد مختار

که نه علقمه ایله تلافی اتفاق واقع اولدی ونه مابینمزرده بو گونه گفت
و شنود وجود بولدی .

(نظم)

فلست ابالی من زمانی بریبة اذا كنت عند الله غير مرید

بواثناده علقمه خالد نگاه واستغفاء زلت و کناده ایدوب دیدی که :
« یا خالد بومناقشه و سؤالی حلال ایله که بوبابده خطاء ناصواب بدن صادر
و بود کلو کدر بنم قصور نظرمدن ناشی و بادر اولمشدر . » بولطیفه
ومزاحدن که حسن عبارتی ایله رعونت و حشت مزاحدر حضرت
عمر رضی الله تعالی عنه تنشط و تبسم و حضرت خالد غلط علقمه نی
تفرس و توسم ایلدی .

(قطعه)

افد طبعك المكدود بالهم راحة تحم وعلمه بشئ من المرح
ولكن اذا اعطيته المرح فليكن بمقدار ما يعطى الطعام من الملح

حضرت خالد رضی الله تعالی عنه که مظهر فضل نامحدود او مغله
مبخوت و محدود در مصداق (ع) انه فی الزمان خیر جایس ، اولان
کتاب خمیسده کتبه و حیدن معدود در .

(نظم)

صفدی کیم سوزنده دقت ایدر شرح لامیه ده روایت ایدر

که فاتحه کتاب خلقت خاتمه طومار نبوت رایت افراز نصرت بالصبأ
رونق افروز آل عبا داعی الخلق الی الذات (ع) لارال علیه زاکیات
الصلوات . حضرت تری خالد بن واید ایله عکرمة بن ابی جهله نکهات نوازش
اثر و سخائف احوال و اقوال لرینه امرار نظر بیورد قلردنده صوان
حقیقتدن رفع سرپوش التباس و ﴿ ینخرج الحی من المیت ﴾ آیتنی اقتباس
بیور لر ایدی . زیرا بونلر خیار صحابه کباردن ایکی ذات بزرگوار در که
پدر بی حذر لر ی اهل اسلام ایله مناواة و خصام ایدن اعدانک الد و اعداء
سی و شر ذمه باغیه باعنة الفسادک کریوؤ لجاج و عناده ادعاسی ایکن کندولر
بیضة اسلامی حامی و اعلاء کلمة اللهده سعی بی اشتباه ایتمکله بین الامثال
والاشباه مشتهر و نامی اولمشلردر .

(قطعه)

بنسب نیست نسبت مردم هر یکی را بنفس خود شرفست
شرف در بجوهر خویشست نه ز پاکئ جوهر صدفست

حضرت خالد او اخر عمر نده قصبه حمصده مقیم و بال و سد ثغور
امور نده تفرقه ساز طارف و تالد اولوب اعوام و سنینی و اصل سرحد

ستین اولدقدده صاحب فراش ورنجور و هجور و دردی درمان ایله نزهت
سرای صحت و ماندن بعید و مهجور اولدی .

(قطعه)

یا مغرمأ بوصول عیش ناعم ستصد عنه طائغاً اوکارها
ان الحوادث تزعج الآساد عن غاباتها والطیر عن اوکارها

حضرت ابوالدردا که قصبه مزبوره ده حاضر و اول دخی مرابطه
حدود و لغوره مواظب و مشابر ایدی بو حالتدن تفجع و زاری و رعایت
شرط غمخواری ایدوب سنت عیادت ایله استنان و هنکام عجز و سقامده
خدمت بی امتنان ایلدی .

(نظم)

چو رنج بر نتوانی گرفتن از رنجور قدم زرفتن و پرسیدنش دریغ مدار
حضرت خالد خیل و جوشنی و مدینه منوره ده اولان ملک
معینی وقف و ایثار و حضرت عمری رضی الله تعالی عنه وصی مختار ایلدی .
بعده مکنون درونی نث و اظهار حزن و بث ایدوب دیدی که نیجه
حروب شدیدة الالتحامه اقتحام ایدوب تن رنج پرورمده بریر قلما -
مشدر که ضرب تیغ بر آن یاخود طعن سهام و مران ایله سوراخ سوراخ
وهر سرمویم تار مویه و صراخ اولیه .

(نظم)

برتم يك جایکه بی زخم نیست این تم از تیر چون پرویز نیست
بود کلو قروح و جروح باعث خروج روح او ناماش ایکن دریغا که مانند
حمیر و بعیر فراش اجل نا کیزیرده فرو مانده و آئس و روز بازار سعادت
شهادتده تهی دست و بایس اولدم . بو کف و کودن صکره جبل رجا و آرزو -

زونی لی وداغ وداغ ایله عوآد وایشاغنی کی ایدوب کال قلق وانفعانندن
 ﴿ فلانامت اعین الجنا ﴾ نفرین و بد دعاسی ایله ترك کلام دنیا و سنه
 احدی واربعینده قصد ملأء اعلی ایلدی .


(نظم)

ومن لم یمت بالسيف مات بغيره تنوعت الاسباب والموت واحد

حضرت ابوالدردا (ع) دردا و هزار بار دردا دردا . دیوب تنفیذ
 وصایای تعهد و التزام و بوخدمتی اقامت ایچون دار هجرته توجه و اعتزام
 ایلدی . بعد حصول الوصول مسعای عدالت عمریه ده سعی و حضرت
 خالدی نبی ایتدکده حضرت فاروق رضی الله تعالی عنه استرجاع و تأسف
 و نیجه شب و روز بو عزاء غم اندوزدن تحزن و تلهف ایدوب دیدی که
 موت خالد حائط دین قویمده بر رخنه عظیمدرکه الی یوم التناد انسدادی
 مستحیل و زمان بی امان مثل و ندیدینی تولیددن بخیلدر . حضرت خالد
 حمصه قریب بر قریه ده مدفون و مقبور و مزار پر انواری که ملثم شفا
 اشراف و کباردر بین الزوار متعارف و مشهوردر .

(قطعه)

سقى الله قبراً صار مئوى لخالد بواكى امطار بها البرق ضاحك
 ففى غاب عنا شخصه دون ذكره فاصبح فينا حاضراً وهو هالك



الحديث الثامن عشر

امرا منكرده اطاعت اوباز بويلدر قول امام كوف
 بوحدی دیدی سلطان رسل انما الطاعة فى المعروف

(متن الحديث)

بوحدیث کثیر الافاده بی نقصان و زیاده مزاحفات رمل مسدسدر
(فاعلاتن فعلاتن فعان) وزننه موافقدر. صحیح بخاریده حضرت علیدن
رضی الله تعالی عنه بوعبارت ایله روایت اولمشدر. سیوطی سنن ابی داود
شرحنده بوموال اوزره تحقیق حال ایتمشدرکه امرامام امرشرعه تابع
واتباع و امتناعی نفس الامر دراجعدر. اگر اول امر واجب ایسه اطاعتی
و اصل رتبه وجوب اولور. اگر مندوب ایسه اطاعتی واجب اولماز، مندوب
اولور. اگر مباح ایسه نه واجب، نه مندوب. بلکه رایت متابعتی میدان
استحسانده منصوب اولور. اگر مکروه ایسه اطاعتی دخی مکروه و محذور
اولور. اگر حرام ایسه اطاعتی دخی حرام و محذور اولور. خطابی که
شرح متینی زمره محدثینک فصل الخطابی در دیشدر که بوحدیث صحت
مألدن استدلال اولنورکه اطاعت ولایة امر معروفده واجب و منکرانده
اطاعته مقتضاء شریعت مانع و حاجب اوله اداة قصر ایله که افاده حصر
ایدز حدیث سابق التحریر عنوان پذیر اولدینی کواه صادق و فحواء
(لا طاعة للمخلوق فی معصية الخالق) بومدعايه دلیل ناطقدر. حضرت
صدیق اکبر که بعد الانبیا افضل بشر در :

(نظم)

آخر انبیایه اول یار ثانی امین اذها فی الغار

رضی الله تعالی عنه ابتداء خلافت بی خلافلرنده منبر مستقر السعوده.
عروج و صعود ایدوب بر خطبه بلیغانشا و ضمننده سرسریسته حکومتی
افشا بیوردیلر. اثناء حمد و ثناده آل و اصحابه توجیه خطاب ایدوب
بیوردیلر که (العیونی ما طعت الله و رسوله) اول خائف اسلام منتجع

نشر احکامده بوقلام تام ایله تحقیق اصل وفرع ومسامع اهل شرعی
قرع ایله کتری امر بدیدر. علامه زنجیری (واولی الامر منکم) آیت
بهدایتده بوضریق ایله تحقیق ایتشددرکه اولو الامر د مراد امراء
عدالت نهادرکه ایثار نصف و داد و اختیار رشد و سدادده جناب آله
و حضرت رسالت پناهه اتباع و اقتدا و امر معروف و نهی عن المنکرده
حفظه ربیع دین اولان خلفاء راشدینک اثرینه اقتفار و اقتفا ایدر. زیرا
شول امراء جور بدطوردن که شارع اعظم عدلدن عدول ایدر خدا
و رسول بیزار و اول مقوله ناقبولار حضرت عزت و جناب رسالت شرف
معطوفیه ناسزاوارلردر .

(نظم)

جواهر سنج دریای معانی چنین کرد از سخن کوهر فشان

که برکون مسلمة بن عبدالمک اطهار نخوت و ستیز و خنجر زهر آلود
زبانی سرتیز ایدوب اشراف تابعین و مشاهیر اصحاب یقیندن ابو حازمه که
عرق شهبائی حسام صدق و ثبات ایله حسم ایدی دیدی که تحت تخت
حکومت و فرمانزده آسوده عریش امان اولان رعایا وزیر دستان
مانند مور و اولوالامر آیتده هربری انقیاد و اطاعتنر ایله مأمور ایکن
سن نیچون کریوۀ مخالفت و ریود سالت و هاویه هواده هالک
اولورسین ؛ اوفضل فاضل که میان علمیانده همتا و همپای نادر و نصوص
قرآیندن استباط احکامه قدر ایدی دیدی که ای داور دلاور تمة آیت
مذکوردهن نیچون اختیار غفول و اض جلی (فن تنازعتم فی شیء فردوه
الی الله ورسوله) دن نه عجب اعراض و ذهول ایدرسن ؛ امر منازع
فیده اولوالامر غیر مذکور و حیز اعتبار و اعتداددن دور در .

(نظم)

که کرد در همه عالم کان ظلم بزه که تیر لغت جاوید را نشانه نشد
سلاطین و حکامدن غایت مقصود و مراد میزان عدل و داد ایله
تعديل حال عباد و نظم امور بلادده جد و اجتهاد در .

(نظم)

شاه را به بود از طاعت صد ساله وزهد قدر یکساعت عمری که در و داد کند
و بوق مقصودك وجوده گله سی احوال فقرایه شعور و مجاری امورده
اطلاع و عثور ایچون (ع) بهر جمعیت دلهاست پریشانی ما فحواسی
اوزره ترك آسایش و خواب و ادارۀ سؤال و جواب ایله اولور .

(نظم)

نیاساید اندر دیار توکس که آسایش خویش جویی و بس
برو پاس درویش محتاج دار که شاه از رعیت بود تاجدار
والاشویله که سیرت جبارۀ ستمکار ایله استنان و استیار و (من
حق الملك ان یختار لر عیته ما یختار لنفسه) کلام حکمت اتصافك خلافتی
ترجیح و اختیار ایده لاحاله عرضۀ دشنام و سخیمه و انجام کار ناتمامی
مصادف غائله (عاقبة الظلم و خیمه) اولوب ایراد و اصدار ایتدیکی
احکام ناهنجاری تعقب و زوال دولته انتظار و ترقب ایدر لر .

(نظم)

همه کار شاهان شوریده خواب از اندازده نشناختن شد خراب
کرامتایکرا درار و شکست فرومایکرا کند چیره دست
قطعة مشروحة المعاینك مصراع ثانیسند برداستان صحیحه اشارت
و تلمیح اولمشدر . اول قصه عبرت فزا تاریخ خلفاده بوموال اوزره
اجمال اولمشدر که فحوای آیت (تعز من تشاء و تذل من تشاء)

اقتضای ایلہ تقاب دھر عبرت نما جمعیت امویہ تفرقه ساز و ہمای
خلافت عظمی مفارق عباسیہ سایہ انداز اولدقدہ منصورک طواری
اطواری مبین طرز اصحاب و اکثر وضع و کرداری مخالف سنت و کتاب
اولغین حضرت امام اعظم (ع) قدس اللہ سرہ الا کریم منصورہ
اعتراض ایدر ایدی. حضرت ابو حنیفہ ک فرط ورع و خیفہ ایلہ اشتہاری
(کنار علی طرف منار) و قضایہ عدم رضائی معلوم صغار و کبار
ایکن محض انتقام و اذا ایچون اولاً تکلیف تقلد قضا ایلہ عرضہ تحقیق
وذلت. بعدہ عدم قبولی بہانہ و علت ایدوب ضرب شدید و حبس
و تہدید ایلہ حرمت امامتی اتہاک و بر روایتہ تجریع سم ہلاہل ایلہ اول
سر جریدہ کبرا و حلاحلی ہلاک ایتمین (ع) بو حنیفہ قضا نہ کرد
و بمردہ قولی زبان زدہ ساف و خلف و بوقبصہ و عار منصورک
صورت خلافتدہ جدری و کاف اولدی.

(نظم)


بسانام نیکوی پنجاہ سال کہیک کار زشتش کند یاغال

خلاصہ کلام حضرت امام راہ خدادہ نفسنی فدا ایلدی (ع)
سخن دانہ ولی نا کفتن اولیست. علامہ زحشری (لاینال عہدی
الظالمین) نظم میٹندہ تحقیق و تبیین و بو کونہ تدقیق و تبیین ایامشدرکہ
نیر اعظم فلک ذکا داخل منقبت (لوکان الایمان معلقا بالثریا) (ع)
سراج مجلس امت ابو حنیفہ کوفی. نبردکاه افضل جہاددہ سل سیف
اجتہاد ایدوب بیورلر ایدی کہ اگر منصور بر مسجد بی قصور طرح
و بنیاد و در و دیواری آرایش و آباد ایدوب صورت اجرده اولان
اجری تعداد ایچون بنی استخدا و بو خدمتی اعتاد و اعداد ایچون
سعی و اقدام ایلسہ اطاعت و امتثال امر محال و بوقدر شیء یسیردہ

دخی فرمان پذیر اولمق عديم الاحتمالدر (ع) وشم امور ليس يمكن
كشفها .

(نظم)

عقل جزداد وجز كرم نكند كه اولوالامر خود ستم نكند
زاجر زمر وناهى خمر اوست آنكه بشنیده اولوالامر اوست



الحديث التاسع عشر

ضائب اولادده مصائب سهمی اولور انصاف وعدالت جنبه
رحمى زوالی ایچون دیدی رسول حرم الله علیه الجنبه

(تمام الحديث)

أَيُّهَا رَاعٍ لَمْ يَرْحَمْ رَعِيَّتَهُ حَرَّمَ اللَّهُ عَلَيْهِ الْجَنَّةَ

خيشمه طرابلسی حضرت ابوسعیددن رضی الله تعالی عنه بوعبارت
ایله روایت ایتدیکی جامع الصغیرده صراحه ذکر اولنمشدر. نصب امامت
ورفع لواء حکومتده سرو حکمت محبوسان مضیق بشریته آداب عبودیتی
تکلیف و ماینلرنده کتاب محبت والقی تألیفدر .

(قطعه)

تهدی الامور باهل الرأى ماصلحت فان توات فبالاشرار تنقاد
لايصلح الناس فوضى لاسراة لهم ولاسراة اذا جهالهم سادوا

هر حاکم نادان و خود پسند شادان که لواء تهوور و خشمی ساعد
بی داد و غشم ایله افراخته وجوهر اقتصاد واعتدالی وراء ظهر اهلاله
انداخته اوله ماخلق له دن انصراف و سوق فسوقده اضاعه رأس المال

انصاف ايله ﴿من لا یرحم لا یرحم﴾ تهديد شديدنه سزاوار وشايسته
و مخدع دل پر خديعتی قتل آئين قسوت ايله بسته اولور .

(قطعه)

ایحسب الظالم فی ظلمه اهمله الفادرام امهلا
ما اهملوا بل لهم موعد لن یجدوا من دونه موثلا

خصوصا که عدم رفق و رافقی دربت وعادت ایدن والی والامزالت
زیر دستان رعیته تجبر و تجلد و بوخصلت ذمیمه عمیمه الفساددن ظلم
و بیداد تولد ایدر . ظلم ظلمت شعار ایه هر بار سنک انداز مجامع قبائل
واحیا و عدالله سبحانه ابغض اشیا اولوب قه باغیه فتنه سر عسکر
و ﴿ایما راع غش رعیته فهو فی النار﴾ حدیث صحت آثاری اوزرده که
راویسی معقل بن یساردر هر حاکم بی انصاف ستمگر مظهر سخطا کبر
اولمق امر مقرردر .

(قطعه)

علیک بالعدل ان ولیت منزلة واحذر من الجور فیها غایة الحذر
فالملك یمقی علی الکفر البهیم ولا یمقی مع الجور فی بدو ولا حذر

کتاب مشیر الغرامده ذکر واعلام اولنمشدر که تحف حضرت
ابراهیم علی نبینا وعلیه الصلوة والتسلیمده اولان امثال عذیمه امثالنددر که
﴿ایها الملك المبتلی المغرور انی لم ابعثک لتجمع الدنیا بعضها علی بعض ولكن
بعثتک لترد دعوة المظلوم فانی لا اردھا وان کانت من کافر﴾

(نظم)

ظلم اگرچه دراز دست بود آخر الامر خوار و پست بود
شود از آفتاب عدل آله سایه عمر ظالمان کوتاه

اسباب عدم رحمتک بری دخی متظلمین و ارباب حاجتدن احتجاج

و متاع ترفه و انتفاعی استیثار و اتحاجدرد . هر داور بدسیرت که میت تنعم
و استراحتده آرامگیر و وراء پردۀ غفلت نارواده فریفته خوش آمد
وزیر اوله هاماں بی عون افساد قابلیت فرعون ایتدیک کی نظم اشتات
مهماتده تقصیر و مخدوم معدوم الاستعدادینی اغفال و تغیریر ایله کار و پز
رعایا و رعاع مختل و مزاج حال ضعفه و اتباع معتل اولوب لکد کوب
و عید (اشد الناس عذاباً يوم القيمة امام جائر) وعدوۀ شرکت ظلم
و عدوانده سرکشته و حائر اولور .

(نظم)

خیبث را چوتعهد کنی و بنوازی بدولت توکنه می کند بآبازی
هنکام بار و زمان تفحص اخبارده حق و باطلی تخلیف و برغشوم
شومی عجزۀ مسلمین اوزرینه تسلیط دخی جمله قلت مرحمت و اشفاق،
بلکه (ظلم الاتباع مضاف الی المتبوع) قول مسموعی اوزرد محضاً
عدم رأفت و ارفاقدندر .

(نظم)

ان الولی اذا استعان بظالم کان الولی شریکه فی المأثم
عندلیب کلستان شیراز بوستان افروز حدیقه راز جور و لاتدن
غافل و بی خبر اولان داور بدنهادی علی رؤس الاشهاد تخجیل و تشویر
ایلمشدر :

(نظم)

نظام زطالم که در دورتست که هر جور کو میکند چورتست
نه سک دامن کاروانی درد که سکیان نادان که سک پرورد
آفتاب فلک هدایه حضرت شیخ نجم الدین دایه کتاب مرصاد

العباده ذکر و ایراد ایلمش در که ﴿ فاحکم بین الناس بالحق ﴾ آتی منج
و دلالت ایدر که سلاطین و ولایة بالذات اجراء امور عباد ایله مأمور و تفقد
فقراء بر کشته حالده تهاون و اعمال ایدنلر عند الله نامعذور اولوب مراسم
غفلنی ابانه و آخری توکیل و انابه ایله عهدۀ امانت کبرادن بیرون و قبول
معذرتہ مقرون اولمازلر .

(نظم)

ینداشت ستمکر که ستم بر ما کرد بز کردن او بماند و بر ما بگذشت
ظلم ناخوش ازلر جملة شأمت و ضرر نندندر که غیبت و مذمت
هر مذهب و ممتده حرام و وبال و دار بوارده باعث طینت خیالدر .
حدیث نصیحت ایجابده ادب حکومت محوی و سختی مسلم اولان
صحیح مسالمدہ حضرت صدیقہ دن رضی الله تعالی عنها و عن ایها مرویدر که
﴿ اللهم من ولی من امر امتی شیئاً فشق علیهم فاشقق علیه و من ولی
من امر امتی شیئاً فرفق بهم فرفق به ﴾

(نظم)

اگر توقع بخشایش خدا داری ز روی لطف و کرم بر شکستگان بخشای
اگر چه رفق و تائی و ترک عنف و تعنی ﴿ الرفق یمن و الخرق شوم ﴾
مفهومی اوزره آحاد ناسدن هر مرد معنی شناسه لازم و لازبدر اما
اولوالامر اولان فرمان روایان زید و عمروه رعایتی مفترض و واجبدر .
زیرا آنلرک خرق سیخط و خرق قلری الثام پذیر اولمق عسیر و وخامت
درشتی ور عونندن ظهور ایدن مواد خلل و قصور تلافی یه تلافی
ایلمک غیر یسیردر .

(قطعه)

مصلحت ملک برفق و عطاست در همه جا حکم سیاست خطاست
موی که پیچیده زنی شانکیست کر بزی استره دیوانکیست



الحديث العشرون

باقیان زینت دنیا به بولور آخرتده درجات علیا
بر حدیثنده دیدی پیغمبر خیر کم از هدم فی الدنیا

(تمام الحديث)

خَيْرُكُمْ أَزْهَدُكُمْ فِي الدُّنْيَا وَأَرْعَبُكُمْ فِي الْآخِرَةِ

بهیقى شعب ایمانده حسن بصریدن رضی الله تعالی عنه مرسله
روایت ابتدکی جامع الصغیرده اشارت اولمشدر. زهد لغتده ضد رغبت
و نهی یسیردن شی خطیره انصراف همتدن عبارتدر. هر کس که بر شی
عقید و حاضری گوشه کوچه خاوردن ازاله و سلب و آنک فوقه توجیه
تبله نمای قالب ایده مرغوب عنیه نسبت ایله اسم زهدده جائز و مرغوب
فیه اضافه ایله اضلاق رغبت جائز اولور. زهدک رتبه والا و درجه
علیایه خست ماسوای کاینغی فهم و درک و آرزوی مشاهده جمال
ایله دنیا و عقبی آمالی ترک ایلمکدر.

(نظم)

زهد چه بود از همه پرداختن جمله را ذر داو اول باختن

شویله که بوسعادت عظمایه نائل و نعیم دنیا و آخرته اثر میل و رغبت
قبیلدن زائل اوله زاهد مطلق و کمال زهدده موفق اولوب مضرب مثل

(ایس قریه من وراء عبّادان) و خلوت سرای درونی اواهل معارف کو
 کون ایله معمور و آبادان اولور. اکر ملاحظه حور و قصور رهز
 و مانع وهان ترانه حظوظ فنیّه ذلته ایله قانع اولورسه اکرچه بومر
 مافوقه نظر پست و نازلدر اما مادونی اعتباری ایله اشرف مقام
 و منازلدر. حکماء دور بین تحقیق و تبیین ایتشلدردر که عقائدنی مرتبه
 باقی اولان عقبانی فنی اولان دنیا اوزرینه ترجیح و تفضیل ونه
 مقیمه وسیله ایله اولان اعمال صالحه یی کسب و تحصیل ایلمکدر و
 زخارف زینت دنیایه فریفته ولذت زائله دهرنی وفیه شیفته اولان
 اضلاق عقل ناروا و صاحبی مهاوی هواده مبتلای دردنی دواذر. اکر
 بومرتبه دن دخی عاجز و قصور استعداد ترجیح جانب اقبال و ازهاد
 حاجب و حاجز اولوب آنجیق بعض مستلذاته میل و انجذاب قلد
 پر انقلابدن مطروح و مطرود و بعض آخرینه هنوز علاقه مابال
 و موجود ایسه مرتبه شریعتده بعض معصیتدن توبه و فراغ داخ
 حد جواز و میاغ اولدیگی کبی اکرچه معدول عنه نسبت اکا اظلال
 زهد خیحدر اما فی الحقیقه عنداهل الطریقه اکا زاهد دینلمک غای
 قیحدر.

(نظم)

چومویی ازخودی بر جای باشد	ترا بند کران بر پای باشد
جنب را برتن از خشکشتیک موی	هنوزش نا نمازی دان بصد روی

احیاء علومده مر قومدر که فقر ایله زهد وادی واحدن منشع
 وزلال مقال ایکسنت حدائق حقائقه معاً منشع اولور. فرقلر
 بودر که اکر دنیا سالکدن منزوی و طومار ثروت و یساری منصو
 اولور ایسه فقرا یله موسوم اولور. اکر سالک دنیادن منزوی وزاو

ترك ماسواده منزوی اولورسه حتمده نه زهد مرسوم اولور. باجمه
فقر اضرار ايله اولان فقد بار و برك و زهد اختصار ايله اولان تخايه
تركدر. اما زهدك شرطی شیء مفروغ عنه حاضر و آماده و باب قدرت
تصرف بی مشقت و تكلف منفتح و كشاده اولمقدر و الانفس خود نمايجه
اشياء نابوده و علاق غير موجوده بی ترك و ايشاره ابتدار و اثر زهاد
واقعيایه تأسی و اقتدایه بذل اقتدار ايدر. اما اوشیء مفقود حاضر
و موجود اولدقده اظهار بخل و شح و زهاب دل بی دليانیدن رشاش بهانه
و توفیل ترشش و ترشح ايدر.

(نظم)

ما قبح تزهد من ناصح يزهد الناس ولا يزهد

بوسبیدندركه زمره مشايخه تاج تارك اولان عبدالله بن مباركه
بر شخص بی تاب خلال سؤال و جوابده (یازاهد) دیو خطاب ایتدكده
اول واقف حقائق اشیا دار الحکمه معرفتی انشا و سر حقیقت زهادتی
كشف و انبا ایدوب دیدی که زاهد صاحب پرهیز عمر بن عبدالعزیز در كه
زمره حیوة دنیا بخدا فیرها باب عدالت پذیرینه پذیره و استقبال و متكای
خالات عظماده تحصیل تفرد و استقلال ایتش ایكن باسرها پشت و پای
استغنا اوروب حطام دهر پرقهری و راء ظهره القا و ترك زخارف فنیه
یه مطوب حقیقی بی وجدان و انما ایلدی و الا بكانه مقوله اسباب مكنت
و جلان توجه و اقباس ایلدی که انی ترك و اضراح ايله دعوا ی زهد
و صلاحه شایسته و حری و معرت میل و رغبتدن سالم و بری اولام ؟
و متعاهدندركه قلبه سالار (قد افاح المؤمنون) پیشوای (ان جندنا
بهم الغالبون) یار غار عتیق یعنی حضرت صدیق رضی الله تعالی عنه که

على الاطلاق زمام افضليت واستحقاقه مالك وصاحب مقال (والله لا صدق
يا كثر من ذلك) در :

(رباعی)

صدیق جو عین صدق بوده کارش بکزید حق از مهاجر و انصارش
آن روز که کوس ثانی اشین زدند دادند مثال اذها فی الفارش

خلال مناجاة و انشاء عرض حاجاتده بوکلمات حسان ايله رغب انسان
اولور لر ایدی که ﴿ اللهم ايسر الی الدنيا وزهدنی فیها ﴾ بوکلام
حکمت اتماده بسط دنیادن صکره طلب زهدات شهادت ایدر که زهد
عدم متاع دنیا وفقد اسباب غنا اولما یوب مجرد مشاغل قبول ورددن
ساق قلب و خلو بال و با وجود کثرت عالم اطلاق و وحدته توجه
واقبال اوله .

(نظم)

اذا المرء لم یزهد وقد صبغت له بزخرفها الدنيا فلیس بزاهد

خاتمه خلفا فاتحه منشور اولیا حصه دار مقام هارونی کاشف غطاء
سلونی ولی جلی حضرت امام علی یه کرم الله تعالی وجهه برطالب سر
عرض عراضه حال و حقیقت زهددن سؤال ایتدکنه جناب خلافت
پناه خوانسا لار ﴿ انما نطمعکم لوجه الله ﴾ اول سائل ناتوانی خواب
ارتیاب و کندن انباده و ﴿ ترک ما یشغلك عن الله ﴾ ايله چاشنی تمهید
زهددن آگاه ایلدی . بعض کبارک اخباری اوزره حقیقت زهد ﴿ لکیلا
تأسوا علی ما فاتکم ولا تفرحوا بما آتاکم ﴾ نص مفترض القبولست
منطوق و مدلول ایدر . یعنی تحصیل زهد بذل جهد ایدن تارک مأسوا
و حطام منتج التذلل وجود و عدمی یاننده علی السوا اولوب :

(نظم)

ولست بمفراح اذا الدهر سرقى . ولا بجزوع حين ينكبن الدهر

فحواسی اوزره نه عند الوجدان نشیط وشاد ونه لدی الفقدان مغتم
رجرج الفؤاد اوله . بلکه بومعناک خلافی ایله اتصافی اولوب زینت
حیوة دنیانک مساعد دسندن غریق کرداب ملال واسباب یسر وغنانک
مباعد دسندن آزاده وخوش حل اوله .

(نظم)

دروقت خوشی جمله جهان خوش باشد بایدکه بوقت ناخوشی خوش باشی

الحديث الحادی والعشرون

خلقاه ایله مدارا هر دم تا که لائق کورده لرم دحه سنی
خالقک دیدی رسولی زبرا خالق الناس بخلق حسن

(تمام الحديث)

أَقْوَانِيَّ حَيْثُ مَا كُنْتُ وَاتَّبَعْتُ السَّبِيلَةَ الْحَسَنَةَ تَمَجِّدُهَا وَخَلَقَ
النَّاسَ بِخُلُقٍ حَسَنٍ

سنن ترمذیده حضرت ابوذر ومعاذدن رضی الله تعالی عنهما
بوعبارت ایله روایت اولمشدر . مخالفت حسن معاشرت معصیتدر .
مفهومنده حسن خلق معتبر وجوهر حروقنده بومعناک اعتباری
مقرر اولدینی قموستک (خلتیم عشرهم بخلق حسن) عبارتندن
ظاهر در . بوتقدیرجه (خلق) لغضاک که مفاعله بابندن صیغه امر حاضر در

مفهومنی: ﴿بخلق حسن﴾ کلامی مبین و مفسر در. خلق ایله مداراة و مخالفت و ترک مباراة و مخالفت سرمایه راحت و جهور. بلکه رأس المال (تجارة) لن تبور (در).

(نظم)

چنان زی کران زیستن سالیان ترا سود کس را نباشد زیان

میرانغرام نام کتاب مشهورده مذکوردر که صحف خلیل جلیل -
الشانده اولان کلمات حکمت بیاندندر که ﴿یا خلیلی احسن خلتک ولو
مع الکفر تدخل مداخل الابرار﴾ حکمت عملیه ده مبین و کتب
اخلاقات قسم تدبیر منزلده مبرهندر که نوع انسان که خلاصه اکواندر
اکر شریف و اکردنی امر مالی و بدنیده بالطبع مدیدر شول معنایه که
وجه معاش و ریاضات انتظامی آخرک اعانت و الضمانه وابسته و مفتقر
و هر مرد فرد مضائق مضایقه ده متمکن و مستقردر .

(قطعه)

عليك بمشورة العضلات فمقلان خير من الواحد
ولولا التعاون لم يستقم امور المعيشه للفارد

و بواصرک حصولی و تحقق فروع و اصولی سوقه پریشان اطوارک اوضاع
ناهنجارلرینه تحمل و مداراة و دوستان نامهربانک زخم زباندن عدم
تضجر و مماراة ایله اولور .

(قطعه)

اذا كنت في كل الامور معاتباً صديقك لم تلق الذي لاتعاتبه
اذا انت لم تشرب مراراً على القذى ظمئت وای الناس تصفو مشاربه

هر کیم که هنکاه الفت و استیناسده حدیث ﴿ امرت بمداراة الناس ﴾ ی
پیش نهاد عقل درآک و (دارهم مدمت فی دارهم) معاسی نصب العین

دل اندیشانك ایدہ حاشیہ بساط نشاطہ علی تباہن الحالات کرد کدر اوہام
و خیالات نشستہ اوماز و قلعہ کوہر نیکن درون مصونہ شہر و اندیشہ
کونا کون یول بولماز .

(نظم)

چون بدنکرده ز کسی بدمدار چشم پیوستہ در حمایت کردار خویش باش
اگر بومر تہ دن ترقیہ ہمت و اشیاء بدنمایہ :

(نظم)

لاتنکر الباطل فی طورہ فانہ بعض ظہور اتہ

روزنہ سندن تدقیق نظر بصیرت ایدوب خلصاء بدسیرتک بار آزار
واذیتربنی حمل . بامکہ عیسی آسا (احسن الی من اسأ) ایہ عامل
اولورسہ (بضئہ فیہ الرحمۃ و ظاہرہ من قبہ العذاب) نس حکمت نصابی
اوزرہ سائرہ نار بایہ کورینن اکا کنزار نعم جایہ اولوب فردوس عاجلہ
داخل ونعم واسع القضاء رضایہ واصل اولمش اولور .

(نظم)

ی خواجہ پنہن شوووزان کدر مکن بر شیع آفرینہ بخواری نضر مکن

خصوصا آودہ دنس خطا و نسیان اولان بنی نوع انسانک اغابی
بر حسب (ای الرجال المہذب) محاسن املاء و اخلاقدن بنی نصیب
و خلاق ایکن انلرنہ اضوار ناسنجیدہ لرندن رنجیدہ اومق خطہ حکمتدن
دور و عندالحکما نامعذوردر .

(قطعہ)

ہم الناس وال دنیا ولا بدمن قذی یلم بعین او یکدر مشعربا
ومن قاة الانصاف انک تبغی م المہذب فی الدنیا ولست مہذباً

واعداء بدسیر ایله اجتماع مقدر اولدقدہ طرز خوب و حکیمانہ
روش واسلوب بودرکہ :

(نظم)

انی احی عدوی عند رؤیتہ لادفع الشرعی بالتحيات

اشارتی ایله اظهار بشاشت و سرور و شب تار انکارده ﴿ اذا مروا
باللغو مروا کراماً ﴾ آیتک شمع هدیاتی ایله مرور ایلید .

(قطعه)

جامل عدوک ما استطعت فانه بالرفق یطمع فی صلاح الفاسد
ولربما رضی العدو اذا رأى منك الجیل فصار غیر معاند

بومحمد لازم التقرير برامرمهم ناگزیر واردر . اول فائده جلیله
العائده بودرکہ (ع) کلا طرفی قصد الامور ذمیم - مقتضاسی اوزره
مداراة و انبساطک ظرف علو و افراطی مDAHنه و نفاق و رأس المال
صداقتی بازار پر اوزار تملق و مماذقتده بذل و انفاقد .

(نظم)

عليك باوساط الامور فانها نجاه ولاتركب ذلولا ولاصعدا

منلا بعض مجامع و معابرده صدور و اکبردن برینه بی اختیار گذار
ایندکده مرتبه شریعتده رخصت و یرمشدرکہ طلاق وجه ملاطفت ایله
گذر ، خصوصا احتمال خصام و جدال اولورسه ترجیح مذهب ابی الدردا
ایله ترک مسلك ابی ذر ایدد .

(قطعه)

واذا عجزت عن العدو فداره وامنح له ان المزاج وفاق
فالنار بالماء الذي هو ضده تعطى انضاج و طبعها الاحراق

نه آنکه لطیفه و لاغ و پیام مداراتی ابلاغه جواز و مسامح واردر دیو

ظلمه واعوان شیطانہ رکون ومیلان ایله باب بدعت مابلرینه آمدشد
وحکم مواتده اولان اهل دنیاہ مزید تودد ایله ملازمت وتردد ایدوب
حضور بی نور لرینه واردقده تبصص ورکوع وغیبتلرنده ذم وغیبتہ
مباشرت وشروع ایددلر (نعوذ باللہ من سوء الاذهان والمذاق ومن مثل
هذا الادھان والمذاق)

(نظم)

من آنچه شرط بلاغت بتودیکتم توخواہ ازسخنم پندکبر وخواہ دل

الحديث الثاني والعشرون

بریرہ فتنہ مقدر اولسه دافع اولمز انی رأی انسان
کوستروب شرقی دیدی پیغمبر وبہا یطلع قرن الشیطان

(تمام الحديث)

اللَّهُمَّ بَارِكْ لَنَا فِي شَامِنَا وَفِي يَمِينَا قُلُوبًا وَفِي تَجَدُّنَا قَالِ اللَّهُمَّ بَارِكْ
لَنَا فِي شَامِنَا وَفِي يَمِينَا قُلُوبًا وَفِي تَجَدُّنَا قَالِ هُنَاكَ الزَّلَازِلُ
وَالْفِتْنُ وَبِهَا يَطْلُعُ قَرْنُ الشَّيْطَانِ

صحیح بخاریده حضرت ابن عمر دن رضی الله تعالی عنہما بو عبارت
ایله روایت اولمشدر. قرن شیطان نفضت ورودی علی وجه تمیل و مراد
اول دیار و بلادده اولان فتن و تمهاویدر. لغت قموسده که مؤلفی میان
ائمہ عربیتده صاحب نام و ناموسدر (قرن الشیطان امته والمتبعون لرآیه
اوقوته وانتشارده وتسلسله) عبارتی ایله معانی مجازیہ ایضا و وجود

استعماله ایما اولمشدر . نجد مدینه منورہ نك طرف شرقیسنده واقع
و آفتاب جهان تاب اول جانبدن شارق و لامع اونعین حدیث مذکورده
نجددن جانب شرق اراده و معجم طبرانیده ﴿ و فی نجدنا ﴾ محامده ﴿ و فی
عراقنا ﴾ روایت اولنغله صراحه بومعنی افده اولمشدر . حتی امام بخاری
علیه رحمة الباری که جامع صحیحی اقدم صحیحین واضح کتب اسلامیہ
اولدینی بی ریب و میندر :

(نظم)

قل للمخالف لاتعانده ماشك فی فضل البخاری مسلم

﴿ الفتنه من قبل المشرق ﴾ عبارتی ایله عقد باب و بوحدتی اول محله
ایراد و اکتساب ایلمشدر . خواجه محمد پارسا که نقشبند کارگاه اولیادر :

(نظم)

هرچند پارسایم اما نوشته ام بر لوح جان محبت مردان پارسا

کتاب فصل الخطایده حرم سرای هدادن بیکانه اولان فرق ضاله
هفتاد و دو کاهنی بسط و تفصیل و کتب کلامده رفقزده فضلاء کرام
اولدینی اوزره تفریع و تأصیل ایتدکدن صکره ذکر اولان اهل شقا
و شقاق بامرهم خاک عراقدن انتشار و افتراق بولدقاری تصریح و مرغول
پرتاب اختلافی شانه کاک موشکاف ایله تهریح ایلمشدر . خاک عجمک
اعظم شرور و تقمندندر که تباشیر ظهور رحمة العالمینده سلاطین اورنک
نشین نشر مناشیر هدایت و هر بزی دعایت رعایت اسلامه دعوت
اولدقدده :

(نظم)

آنکه یمدن یافت رفت اندر امان کفرهای باقیان شد دو کمان
کفر صرف اولین باری نماند یا مسلمانی و یا یمیی نشانند

فحواسی اوزره وصول سده سداده استعدادی اولانلر تاقی بقبول
وماعدا خصوم وعدا مسکن تمسکنده مشول ایتشیر ایکن ایران زمینده
کسری اولان پرویز ناکس ناکس را استکبار و تمرد و مهلاکه خونخوار
اصرارده استبداد و تفرد ایدوب اول منشور دولت و اقبالی که سرنامه
حائث آمال ایدی سر پنجه عتو و ضلال ایله چک و معناده کندو الی ایله
وجود بی سجودینی هلاک ایلدی .

(نظم)

درید آن نامه کردن شکن را نه نامه بلکه نام خویشین را
شیرویه شیرزاد که خسرو خسرو نهاده پسر بد سیری ایدی کمین
قضا و قدردن قصد خون پدر و (مزیق الله مدیکه) دعاء زود گیرینک
قوت تأثیری اول کافر نبائی زیر وزیر ایلدی .

(نظم)

عجم را زان دعا کسری بر افتاد کله از تارک کسری در افتاد
ز معجزه های شرع مصطفی برو شوریده گشت آن پادشاهی
مشکوی مشکبوی عشرته نکهات متعاقبه وزان و برک و بارکار
و باری لکدکوب صدمه خزان اولوب خلوتخانه مجلس انسی آرامگاه
یعافیر و شیران و طاق ایوان بلندی رجفه نایبه و کزنند ایله خراب و ویران
اولدی .

(نظم)

برآمد نا که از کردون طراق زایوانش فرو افتاد طاق
پلی بر دجله ز آهن بود بسته در آمد سیل و از هم شد شکسته
بدید آمد سموعی آتش انکیز نه کاکون ماند بر آخرنه شب دیز
پرویز ناپرهیزک شامت و قحط و ستیزندندر که اول خاکده تولد

ایدن قوم لّد شبستان دعت و بدعتده اختیار آرامش و خفض و سواد اعظم سنت و جماعتی رنض ایلیهوب مراسم شنعۃ شیعهی افتعال و اختلاق و (هم ما انا علیه و احبائی) دن تغافل و تغابی ایله طرح بناء شدوذ و اختلاف ایلمشاردر . جهل و غوایتلری برغایتہ یتمدرکه عصمت خانۃ نبوتہ اطاله و بوسبب ایله بیع بیعت اسلامی اقله ایدوب مقدمات بی انتاجلرینه رواج و یرمک ایچون نیجه نصوص ساضۃ صادعہی انکار و جحد و آفتاب فضل احبائی کل بہتان نابوده ایله اندوده ایتکه بیہوده اہتمام و جهد ایدرلر .

(نظم)

رافضی را محل آن نبود وانکہ اوطن برد چنن نبود
همه را نیک دان باش فضول جز نکو کی بود رفیق رسول

معتبران وقائع روز کاره مکشوف و معالین و مطلعان تواریخ و اخباره مشاهد و معایندر که مقیمان خصۃ ایران زمینہ ابتلاء آشوب و کینه کار امروزینہ اولیوب بلکه اول خاک شغبناک نهادی مایۃ شورش و فساد ایله آغشته و سکان و قطاننک مزاجلری تقاب و هیاج اوزره سرکشته در . کیومرث که محافظۃ نسل و خرندۃ کار فرمای نخستین واقوال و افعالی سنجیده میزان تحسین ایدی بزم کثرت علائقیدن دامن چیده و پس انفاس ایچون پیغولۃ ترک استیاسده آرمیده اولوب ولد پاکیزه خلدی اولان سیامک قدر سامکنی اعلا و الباس خلعت سلطنت ایله علی رؤس الاشهاد حدیث نجابت و رشادینی املا ایتمس ایکن فی الحال چشم زخم ناک محتال درکار (ع) و سهم الرزایا بالنفائس مولع و سری آشکار اولوب ایام قلائد وجود ظاہری زائل و رؤیت جمال امنیتہ ضباب سرعت تباب حائل اولوب بردیو دیوانه نهادنید بیدادندن شربت شہادت نوش

و بوسبب ایله اقشار ربع مسكونده جي چون خون جوش ایلدی. کیو مرث
بو حالت پر دهشتدن کریه بی حد ونیره سربلندی اولان هوشنك هو -
شمندی خصم نابکاردن اخذ ناز ایچون نامزد ایدوب احتشاد کتابت
واجنامه فرمان قضا سریان شرف نفاذ و جریان بولدی. اتفاق مهره
راویان اوزره اول زمانده دیو و پری اختفادن بری و حشر بشره انواع
شور و شر ایله معترض و منبری اولمغین اول جانبندن دخی صنوف صفوف
کتابت عدد بی عد ایله جای هیجاده حاضر و آماده اولدیلر .

(نظم)

دولشکر نکویم دودریای خون به بسیاری ازریک دریا فرون
بتدیر خون ریختن تاخستد بهم تیغ و رایت بر افراختند

عاقبت لواء فوز و نصرت نسیم سبق عنایت ایله خافق و افتضاء حکمت
ایله (ع) رحمت غضب اوزره سابق اولدی . عبده طواعیت اولان
عنده عفا ریت منہزم وجدار ثبات و قرار لری زلازل اوهاق و سلاسل
ایله متداعی و منہدم اولوب اغوال پریشان احوال (کجراد منتشر)
متفرق و منتشر اولدیلر .

(نظم)

قوی دست را فتح شد رهنمون بزنها خواهی درآمد زبون
هزیمت در افناد بدخواه را خدا داد شاهی جهان شاه را

قتله سیامکدن اخذ ناز و خونابه تیغ تیز ایله تسکین کین مشار
ایدوب بوکار حیرت مدار خمیر مایه فساد و سفک دما و مقدمه شورش
حرار و اما اولدی. بواسلوب اوزره نیجه اعصار و حقوب مضی و مرور
و نیجه ایام پر عبر عبور ایتد کدن صکره فریدون ربع ربع مسکونی
سمران سه کانه سنه توزیع و هر برینک ساحه قدر و بسستی توسیع ایدوب

ایرجی که انجب اولاد اجلادی ایدی ولی عهد و سره اسره عز و تمکین
اولان ایران زمینده کندویه جانشین ایتکه صرف مبلغ جهد ایلدی .
تورکه اول دخی فریدونک پور بی نوری ایدی بو حالت حسد انکیزدن
ستیز و شقیق شقیسی اولان سلم بی سلمه کشف سرستیر ایدوب قصر
وجود ایرجی تخریب ورج ایچون ذروه و غرب مکردن تل و بالآ خره
صارم غدر و صرم ایله اول مظلوم بی جرمی تدمیر و قتل ایلدیلر .
(رباعی)

جان نیست که نیست در مقام خطری تن نیست که نیست هر دمش درد سری
باری تو ز حال دیگران پندی کیر زان پیش که از تو پند کیرد دگری

فریدون فریدک حفیدی منوچهر که معارک و غازیده ایتدیگی
شمشیر بازی رشک مهر سپهر ایدی قصد اعمام و هامة همتی عمامه جد
واهتمام ایله اعتماد ایلدی .

(نظم)

برجست و بعزم راه کوشید شمشیر کشید و درع پوشید
دریای مصاف کشت جوشان کشتند مبارزان خروشان

نیجه زمان روی آزر و سامانی پر خراش و مره بعد اخیری تجدید
مراسم پر خاش ایدوب آخر کار اول غداران بدفرجامدن اخذ انتقام
واسباب سلطنت و جلالتاری منوچهره انتقال ایلدی .

(قطعه)

یاطالب الدنيا الدنية انما شرك الردی و قرارة الاکدار
دار متی ما ضحکت فی یومها ابکت غدا تبالها من دار

اول هنکام فتنه انجامدن برو تخم مایه عدوان خاک ایران و تورانده
پاشیده و صحیفه روز کردن رقم آسایش و قرار تراشیده اولوب مشارق

ارض موی زنی کی کبی درهم وجیوب اهل بادیه وحاضره کثرت نواب
ضاره ایله بی دینار و درهم اولدی، کاه اعقاب تور بی فتوردن افراسیاب
آسیاب حربی اداره و سیاوش بی کنساهی عرضه تیغ عمر کاه ایله کردباد
آشوب و فسادی آثاره ایلدی و کاه تخمه ایر جدن کیخسرو و تشعب
و آنک حملات رستخیز آثارندن اول دیار سر یعه الدبارک سکانی ایله
هموم و احزان تلعب ایدوب یاری زیردستان، خصوصاً یاورى رستم
دستان ایله شاه تورانی اسب سرکش زندگانیدن پیاده و اول قوم ضلک
مقع و استیصائی جمله دن زیاده ایلدی .

(نظم)

چنین است رسم این گذر کاه را که دارد به آمد شد این راه را
یکی را در ارد بهنکامه تیز یکی راز هنکامه کوید که خیز

بعده اورنک فلک بنیان یونانه اسکندر فیلقوس جلوس و ارشاد
فیلسوف حکمت نهاد ایله تعیین مقادیر رئیس و مروس ایلد کده دارای
بی مدارانک سر بر کشته دولته بودار انقلاب مداری طار و کاشن جهانی
چشم خونابه چکانه تنک و تار ایلدی . آفتاب گردش عالم بی قراره
سلطان یکسواره اولوب خضه ایرانی اضافه حکمت آباد یونان ایتک باینده
حکیم استاددن استرشاد ایلد کده نخل حسن تعمیرى بوکونه تأییر و حکیمانه
تدبیر ایلدی که :

(نظم)

طرفها بشاهان گرفتار کن بهر سویکی را طرفدار کن
چو هر یک جدا کانه شاهی کند ز یکدیگر آن کینه خواهی کند
زمشغولی ملک خود هر کسی ندارد سوی مافراغت بسی

نته کیم منبع فیض قدوس (ع) سخن کوی پیشینه استاد طوس
 بوابیات استادانه ایله تدبیر دلپذیر حکیم فرزانه‌ی تصویب و پسند و پایه
 سخن متانت پیرایه‌ی واصل چرخ بلند ایلمشدر :

(نظم)

بکیتی بهر کوشه بریکی	گرفته زهر کشوری اندکی
چو بر تختشان شاد بنشاندند	ملوک طوائف همی خواندند
ازین کونه بگذشت سال دو یست	توکفتی که اندر زمین شاه نیست

اجمال محاسبه مقال بود که شرق ثلثانی شر و مشرق دروننده
 شر مضمردر (ع) بلاد بلا دال و شرق بلا قاف کتب تواریخ و اخبار
 ری عین اعتبار ایله مطالعه و استقرا . خصوصا شهنامه‌ی بصارت تامه ایله
 تتبع و استقصا ایدن اصحاب رای سدیله واضح و بدیدر که مشرق
 زمینده آشکار و مستبین اولان فترات کونا کون خارج دائره چند و چون
 و مجموع ربع مسکونده اولان خونریز و شبیخوندن زیاده و افزوندز .
 (ع) تابود چنان بود و چنین خواهد بود که کرمانی که تیغ عالمگیر زبانی
 فاتح کشور معانیدر مضیق تحقیقه بوطریق ایله اقتحام و تسخیر ملک بیانه
 اتحما و اتحام ایلمشدر که نجددن مراد کونه و عراق و فنون زلزله
 و فنوندن مقصود آنده وجود بولان مکر و شقاق اوله . زیرا باب اختلاف
 و کین دق و ابتدا عصاء عصابه مؤمنین شق اولنق حرب حمل و صفین
 و میان خوارج و مارقینده اولوب بین الوری اختلاف آرا که مورث
 عدم انتظام و باعث اخذ انتقامدر امت برد بار کوه و قاره سبب
 سبکساری و طیش و ﴿ اذا وضع السیف فی امتی لم یرفع عنها الی یوم
 القیامه ﴾ فحواسی اوزره اول وقائع غایه حوادث آتیه‌یه مقدمه الجیش
 اولمشدر .

(نظم)

اگر خواهی که روشن تر بگویم غبار شبهه از طبع بشویم
آخر زمانده ظاهر و نمایان اوله جق مسیح دجال که نعل باز کون
ابتلا وقتون ایله جلاد مثال ماده تعذیب و نکالدر :

(نظم)

وللقيامه اشراط وقد ظهرت بعض العلامات والباقي على الاثر
عنوان خلق آدمدن خاتمه عمر عالمه کلنجه وقوع و ظهور بولان قتن
و شرورك افطع و اکبری و تحقق مجی و اتیانای عروض ریب و کندن
بری اولوب اغوار و انجاد جهانی ماعدا الحرمین المکرمین دوران ایتهمسی
مصدق ﴿ ذلک وعد غیر مکذوب ﴾ در . ظهوری خطه خراساندن
و عند بعض الرواة اصل بی ثباتی یهود اصفهاندن اولدینگی کتب معتد
بهاده مسطور و مکتوبدر و یا جوج و مأجوجک دخی محل خروجی میان
مشرق و شمالده اولان دیار غرائب اشمالدن اولمغله اول قطر پراختلال
منبت ضال ضلال اولدینگی متحقق اولور. ﴿ والفتنه من ههنا ﴾ اشارت
و ایماسی کاینغی کانی بولور. نجدک دائره سوء مدار و شرور شرقیه دن
حصه دار اولدینغنددر که ابلیس لعین علیه مایستحق ابد الابدین مشر-
کین پرکینی قصد اضلال و مزلقه سوء عقیده ده ازلاق و ازلال ایتدکده
شیخ نجدی صورته تمثیل و اول هیأت باغرابته توصل ایدر ایدی .
اول سببنددر که ادباء هنر پرور مدعیان بی خبرک وجه تسویل و تمویه -
لرینی تشویه و اظهار و اراء ایتدکاری دعوی بی معنی جهتندن شیخ
نجدییه تشبیه ایدر لر . سقف ایوان حسن بیانه شمس و پنجه حج ارباب
خمس اولان استاد سامی شیخ نضامی که هزار و یک نامه مظهر تام
اولدینغی :

(نظم)

در خط نظامی از نهی کام بیتی عدد هزار و یک نام

بیتی ایله عرضه داشت اذهان پاک ایلمشدر لیلی و مجنوننده اول معده
استعمالی بوابیات بی همال ایله استدراک ایلمشدر :

(نظم)

مجنون رمیده دل دران دشت سرکشته چو بخت خویش می کشت
برنجد شدی ز تیز وجدی شیخانه ولی نه شیخ نجمدی



الحديث الثالث والعشرون

اولما یوب راه خداده اکراه نقد پاداش عمل اولماز کم
بیلدیروب نیک و بدی دیدی رسول فاسلکوا ای طریق شستم

(تمام الحديث)

كَأَلَا يُجْتَنَى مِنَ الشَّوْكَ الْعَنْبُ كَذَلِكَ لَا يُزَلُّ الْفَجَارُ مَنَازِلَ الْأَبْرَارِ
فَاسْلُكُوا أَيَّ طَرِيقٍ شِئْتُمْ فَإِنَّ طَرِيقَ سَلَكْتُمْ وَرَدْتُمْ عَلَى أَهْلِهِ

ابو نعیم کتاب حایه ده یزید بن مرثد دن مرسلأ روایت ایتدیگی
جامع الصغیر ده اشارت اولنمشدر . اگرچه افاعیل جناب فیاض عوارض
اغراض و اغواض ایله غیر معلله و بومدعانک شواهد و براهینی
عند الحکماء الالهمین مزکاة و معدله در :

(نظم)

کرچه در طاعتی از هیبت اولا تأمن ورچه با معصیتی از در اولا تیأس

لکن اسم حکیمک مقتضای و صانع قدیمک حکمت بی انقضای بودر که جوهر بلند پایه ایله سفال سفله میه همسنک و سرخ رویان بزم الست ایله سیه دلان بدمست خود پرست یکرنگ اولیوب ﴿ لا اکراه فی الدین ﴾ نص مینی اوزره نشأه اولاد اهل رشد و غی متین و متمیز و دار عقاده دخی اصحاب یمین و شمالک عرض عمل و قائلری صور متناسبه اوزره متجسد و متحیز اوله. بین الشقی و السعید فرق فاحش و بون بعید اولد. یغنه ﴿ افجعل المسلین کالجرمین ﴾ نص مینی دلیل اقصاعی و ﴿ یا ایها الناس اعبدوا ربکم ﴾ نداسی عامه ناسی مدعاة عبادته داعی اولوب ﴿ لتبلوهم ایهم احسن عملا ﴾ منظوقی بومعنائی افاده و ﴿ الباقيات الصالحات خیر عند ربک ثوابا و خیر املا ﴾ کلام مصدوقی بومدعائی اثبات و اشاده ایدر. هر مؤمن سلیم الخلیقه یه خلیق بودر که او امر الهمیه ایله مؤتمر و نواهدن منتهی و اصلاح نفس ایله تکمیل ضریقته منتهی اولوب شرائط عبودیت و عبادتی کاینبنی اقامت و بورباعی معذرت نمونی پیش نهاد درون اتمکله خدمت معبود مقتدرده کما امر استقامت ایده :

(رباعی)

ای قبله هر که مقل آمد کویت روی دل جمله بختیاران سویت
اصروز کسی کن تو بگرداند روی فردا بکدام دیده بیند رویت

عبادت بی نهایت صورت عبادده اولمق اشارت و ارشاد ایدر که خالق انامدن مقصود و مرام عبادت بی انتها و وراء پرده کموندن ﴿ ما خلقت الجن و الانس الا ليعبدون ﴾ سر مکنوز مکنونی ابراز و انها اوله .

(نظم)

کر کدر کیم تفکر ایده هر جنس نه سر در ما خلقت الجن و الانس

هر کیمک که منهج عمده تهاون و کسل پیشه و عادت و داخل عداد

(الذین یستکبرون عن عبادتی) اوله دار بوارده سخط ملک قهاره قرین
وسر جریده وعید (سیدخلون جهنم داخرین) اولور .

(نظم)

چون عبادت بود مقصود از بشر شد عبادتگاه کردنکش سقر
مسجد طاعاتشان پس دوزخست پای بند مرغ بیکانه فحست

نشوء شراب فجورایله سر کران وفخوراولان اهل کفران آسوده
سایه غفران اولدینی تقدیرجه میان سباق قربت پذیرده خجالت زده
وسر زیر اولوب آبکینه سرای زهد وعصمتی آسیب صخره جرم
ومعصیت ایله شکست وصاعدان شواحق قربته نسبت پایه قدر ومنزاتی
پست اولور .

(نظم)

عفو باشد لیک کوفر امید که بود بنده ز تقوی روسپید
دزدرا کر عفو باشد جان برد کی وزیر وخازن مخزن شود

اگرچه مضمون صحائف امور مبادی و صدورندن نا معلوم و انما
الاعمال بخواتمها) مهری ایله مختوم اولمق امر مقضی ومحتومدر :

(نظم)

هیچ کافررا بخواری منکرید که مسلمان مردنش باشد امید
چه خبرداری زختم عمر او که بکردانی ازو یکباره رو

نیجه زاهد بیدار شب زنده دارک توده کردار ستوده سی صر صر استغناء
بی چون و چرا ایله برباد اولور .

(نظم)

بهوش باش که هنگام باد استغنا هزار خرمن طاعت به نیم جوتخرند

ونیجه رند خرابه نشینک دل پریشان وغمگینی تعاطی فسوق وعصیان

ایله محاط یأس و خذلان ایکن تلافی فضل بی امتنان ایله مبتهج و شاد اولور .

(نظم)

بر آستانه میخانه کر سری بینی مزن بیای که معلوم نیست نیت او

لکن ظاهر عنوان باطن اولمغه اغلب حالدہ حسن اعمال آیت متوسمین
﴿ واذا رأيت الرجل يتعاهد المسجد فاشهدوا له بالایمان ﴾ حدیث معجز
بیانی بشارت رسان اهل یمیندر .

(نظم)

درگذار از فضل و از جلدی و فن کار خدمت دارد و خلق حسن
ماخلف الجن والانس این بخوان جز عبادت نیست مقصود از جهان

کذلك وظائف اعمالده توانی و اہمال سوء حالہ علامت و سلسلہ
اصحاب شمالہ اتصال نکوہش و ملامت اولوب ﴿ يعرف المجرمون بسماهم ﴾
مر آتندہ ہیئات معاصی و ہنات ظاہر و بدیدار و ﴿ من تہاون بالآداب
حرم السنن ومن تہاون بالسنن حرم الفرائض ومن تہاون بالفرائض
حرم الآخرة ﴾ فحواسی اوزرہ نوافل و آدابدن اجتناب باعث تدنی
و ادباردر . اصحاب رویتدن روایتدر کہ بر درویش آخرت اندیش خاتمہ
اعمالندن ترسان و براہل حالہ معاد و مأئندن پرسان اولدی . اول عارف
باللہ کہ محقق آکادیدی دیدی کہ : منشور آسمانیدہ کہ احاطہ ادراک
معاینسندہ سررشتہ عقل ہیولانی کم و مصداق جامعیت ﴿ فیہ نباء مقبلکم
و خبر مابعدکم و حکم مابینکم ﴾ در ہر سر سر بمہرہ اشارہ ما ، خصوصاً
مستعدان فن بیانہ رمز و ایما وارددر . استطلاع یوم موعود مقصود ایسہ
﴿ وازنوا قبل ان توازنوا ﴾ میزان عدالت ایذانی ایلہ سر و عان حال و قالکی

وزن و عیار (ع) والناس مابین اختیار و اشرار . کفایتینده محاسبه اعمال .
 لکی دیدۀ اعتبار ایله اعتبار ایله . اگر زمرۀ ابراردن ایسه ک درجات
 نعیمه نائل اولوب جریدۀ جدیدۀ نیکانده محشور اولورسن . اگر شردمه
 فجاردن ایسه ک درکات جحیمه نازل اولوب مظهر نکال نا محصور
 اولورسن . فذلکۀ کلام و خلاصۀ مرام بودر که صلاح و عبادت لازمۀ
 عبودیت اولدیفی محل جدل و مرا و جای چون و چرا دکلد . غایه مافی .
 الباب اولو الالباب اولانلر رؤیت عملدن احتراز و احتذار و خوف و
 و خللدن تمهید مقدمۀ اعتذار ایدرلر .

(رباعی)

بی لطف تو تقوی و قناعت هیچست سرمایه و اسباب بضاعت هیچست
 هر چند که کردنیست طاعت لیکن بی فضل تو صد هزار طاعت هیچست

عامۀ مشایخ آفاقک اجماع و اتفاقی بونک اوزرینه در که حقیقت ترک
 عمل دکل ، بلکه ترک رؤیت عملدر . زیرا اخلاص طاعتده نه دکلو اهتمام
 ودقت اولنسه جناب عزته نسبت آلودۀ عملدر .

(نظم)

این قبول ذکر تو از رحمتست چون نماز مستحاضه رخصتست
 در نماز اوبیالو دست خون ذکر تو الودۀ تشیه و چون



الحديث الرابع والعشرون

نازل اولدقدۀ قضاء مبرم دیمه بیهوده عسی ایله لعل
 دیدی اثناء حدیثنده رسول قدر الله وما شاء فعل

(تمام الحديث)

الْمُؤْمِنُ الْقَوِيُّ خَيْرٌ وَأَحَبُّ إِلَى اللَّهِ تَعَالَى مِنَ الْمُؤْمِنِ الضَّعِيفِ
وَفِي كُلِّ خَيْرٍ احْرَضَ عَلَى مَا يَنْفَعُكَ وَاسْتَعْنِ بِاللَّهِ وَلَا تَعْجِزَنَّ وَإِنْ
اصَابَكَ شَيْءٌ فَلَا تَقُلْ لَوْ أَنِّي فَعَلْتُ كَذَا كَانَ كَذَا وَلَكِنْ قُلْ قَدَرَهُ اللَّهُ
وَمَا شَاءَ فَعَلَ فَإِنْ لَوْ تَفْتَحُ عَمَلَ الشَّيْطَانِ

امام محي السنة مصايحه حضرت ابوهريره رضي الله تعالى عنه
بوعبارت ايله روايت ايلمشدر . اما نسائي روايتنده ﴿ وَلَا تَضْجِرْ ﴾
فَنَ غَلَبَكَ امْرُؤٌ فَقُلْ قَدَرَ اللَّهُ وَمَا شَاءَ صَنَعَ وَإِيَّاكَ وَاللَّوْ فَإِنَّ اللَّوَّ تَفْتَحُ عَمَلَ
الشَّيْطَانِ ﴿ وَرُود بُولْدِيغْنِي ابْن هَام (سَلَا حِ الْمُؤْمِن) نَام كِتَاب مَقْبُول
الْإِسْمَنْدَه نَقْل وَحَكَايَت ايلمشدر . بوروايت اوزره رامشكر يراعهُ ذات
الْبِرَاعَه بُو كُونَه نَغْمَه سَاز وَبَيْت اَوْلَدَه بُو طَرْز ايله قَافِيَه پَرْدَاز اُولُورْ كَه :

(مؤلفه)

طَلَب رُوزِيْ نَهَادَه اِيْچُون سَي اِيْدُوب اِيْلَه بِيْهُودَه طَمَع
دِيْدِي اِثْنَاء حَدِيْثْنَدَه رَسُوْل قَدَرُ اللّٰه وَمَا شَاءَ صَنَعَ

روايت ثابته ثانيه ده لفظ (لَوْ) معرف و مشدود و خواص اسمك دخولي
ايله بناء اسميتي مشيددر . لغت صحاحده ابانه وافصاح اولنديغني اوزره
حرف (لَوْ) كاهي اسميت اوزره استعمال واولنه آلت تعريف و آخريته كندی
جنسندن بر حرف مشدد ادخال اولنور و سائر حروف معاني و اسماء
نقصه المبانيده دخی حال بومنوال اوزره اولوب رواة راست رو نوادر
شنودن تركيب ﴿ قَدْ اكْثَرْتُ مِنَ اللَّوِّ ﴾ شنیده و اوابد نكت شواردي
صيد ايدن ابو زيددن بوييت مستشهد درجه صحت سنده رسیده در .

(نظم)

لیت شعری واین منی لیت ان لیناً وان لواءاً عناء

زین العرب دیمکله زبان زده ارباب علم وارب اولان شرح مصایح
ده تبیین وتوضیح اولمشدرکه مؤمن قویدن مراد توکل واعتقادده قوی
وتفاهم امور مشتبکه الظهورده سالک صراط سوی اولمقدر .

(نظم)

بنای کاربنه بر ثبات واین باش که هر بنا که بر اصلست پایدار بود

بر حیثیت ایله که کوه قاف شکوه عقیدتی صدمه تشکیک مشکک ایله
متحرک اولیوب سائر اهل سرائر پای لغز (منها جائز) ده حائز
اولدقدده اول شپچراغ قوت یقین ایله عازم صراط مستقیم وکعبه ثبات
وتمکینده مجاور و مقیم اوله و عند بعض العلماء مؤمن توانا اولدرکه
اجناس ناس ناسداده تعلیم خیر وارشادده تعمق و تعمل و اشخاص
متباینه الآرانک بار کران جفالرینه تصبر و تحمل ایده .

(لمؤلفه)

بر بلا کلسه اتمه غم اظهار وارد رنده ظاهر ایکی شر
دوستلر یحضور اولور غایت دشمن ایلر غلو برر ایکیشر

آنک کبی مرد نیل ونیه لاریب فیه منفرد کوشه نشین و خود پرست
راحت کزیندن ارجح واکمل ونفع متعدی الاثر نفع لازم مختصردن
اشمل و اجملد .

(نظم)

زیرا که آن کلیم برون میکشد زآب وین جهد میکند که بکیرد غریق را

وعجز کوتاه زبان اول جهتن توأم خسارت وزیاندرکه آکا گرفتار

اولان عاقل بیکار معالیٰ امور دن دور اولمغله قصور استعداد انی سر
منزل فلاح ورشاددن منع و حجز و خجالت زده ﴿ان الله یلوم علی العجز﴾
ایدوب ﴿افضل العمل مادووم علیه﴾ رتبه علیه سندن تقاعس و تقاعد
واشتیار غسل کسل ایله دواء مرالمذاق متاعب و مشاقدن تخی و تباعد ایدره.
(نظم)

بار عناکش بشب قیرکون هرچه عنایش عنایت فزون
رنج زفریاد بری ساختست در عقب رنج بسی راحتست

(لو) کله سندن نهی و تحذیره سر ستر بودر که امر فائده بی فائده یه
ندم و پشیمانی تسویل شیطانی یه اعترا و جناب منیع لازم الرضایه نوع
اعتراضدر .

(نظم)

سبقت تقادیر الاله و حکمها فارح فوادک من لعل و من لو

مدلول (لو) بر آتش پر علودر که اکثر سفهاء بی هنرک دود کاه بی
آه لرندن فروزان و شراره شرارتی ایله خرمن عماله چند ساله لری
تباه و سوزان اولور . لواء لو افراخته میدان بیان اولق بومغنی ایهام
وایما ایدر که عقل پر عقل درک حقیقت حالده اعلم و ادری و زمام مراد
کف استبدادنده اولسه مخترعات فکر و وسواسی مقدرات حکیم عواقب
شناسدن ارجیح و احرى اوله . بومغنی خود عوداً بالله مروج مذهب
اعتزال و فرقه ناجیه دن اختزالدر .

(نظم)

بداند آنکه ز تسویل نفس آزادست که هرچه صانع عالم کنده همه دادست

اما سلطان ملائک سپاه فرمان کرار ﴿واتموا الحج والعمرة لله﴾
حجة الوداعده احتفال و اجتماع ایدن قبائل و اوزاعه تعیین مشاعر

و تعلیم مناسک و شعائر بیوردقلرنده ﴿لوانی استقبلت من امری ما
استدبرت لم اسق الهدی﴾ کلام مستطانی ایله عطف خطام خطاب
بیوردقلری حد محذور ایله محدود و بوقیلدن معدود دکلدر. بلکه برکلام
هدایت انجامدرکه هدیه هدی اهدا ایتیان اهل هدانک قلوب پرکرونی
آنکله قصد نالیف و تطیب و عمل عمرده عدم اخلال ایله امر احلاله
حث و ترغیب اولمشدر. علی وجه الدور کبار و صدورک استعماللرندن
استدلال اولنورکه نهی مذکور محتاج توجیه و دائر حریم تحریم اولمیوب
داخل زهت سرای تنزیه اوله. بوبابده حق تحقیق و منع ایله جواز بیننده
توفیق بودرکه کلمه امتناعیه نک ممنوع الاستعمال و نشانه نبال و بال اونسی
ذکری نفع وجدوادن عاری و منازعت اقداره سبب عادی اولدیغنددر.

(نظم)

وکن صارمافی الوقت فالقت فی عسی وایاک علا فهو اخطر علاه

اما شول عارف که سداد نهیه ایله علت نهیه واقف اوله معتذراً
من التقصیر لامعترضاً علی التقدير اثناء قیل و قالده نادراً استعمال ایلمه
آکا نسبت لالبأس به و تدبیر حکمت پذیر ایله سم نافع تریاق نافع اولدینی
کبی بونک دخی جوازی غیر مشته در.

(نظم)

جمله اجزاء عالم یک بیک برغبی بندست و بر استاد فک

فاضل طیبی شرح مشکلات مشکاتده بووجهله تحقیق محل و نصیر
خامه حکمت مصیری بوکونه حل مالم یخل ایتشدرکه بوحدیثک که حجه
سواد حروفنده نوعروس حکم خفیفه مستکندر صناعات بدیعیه دن
لف و نشر رعایتی مکندر. شول طریق ایله که (احرص علی ما ینفعک)

قولی که لازمهٔ جهد و بسالتدر قوی به مناسب و موافقدر. (ولا تعجز)
 کلامی که مقتضاء عی و فسالتدر ضعیفه چسبان و ملاصقدر و صدر
 حدیثه مؤمن قوینک مزیتی تحقیق و مؤمن ضعیفدن بینلری تفریق
 اولنخ ایکن تکرار سلسلهٔ جمعیتلری تحریک و شرف خیریتده تشریک
 اولنخ هر برینک اعتقاد پاکی واصل ایمانده اشتراکی اولدیغی اچوندور.
 خصوصاً هر ضعیف دلخسته که شکسته بسته مزاولهٔ عبادت شتاده صیف
 وشتا جد و مکابده و حماء عصمت عدم قدرتده ترک مکر و مکاید ایده
 نوع خیریتی متحقق و شایستهٔ متکاء تقدم و فضیلت اولماز ایسه باری صف
 نعال تبعیته سزاوار و مستحق اولور .

(نظم)

زعرش و کرسی و لوح و قلم فزون باشد دل خراب که اورا بهیچ نشماری
 طیبی قولنده مؤمن بی توانی و توانا اول متصلب دانا در که هنگام
 خصامده ساحهٔ خصالندن ازالهٔ کناسهٔ مرا و سباب و هر امرده قلب
 متقابلی توجیه جانب مسبب ایتمکه بالکلیه ترک رؤیت اسباب ایله . هر
 مؤمن سینه صاف سفساف که بونک خلافتده اوله مراتب ایمان کران -
 وایه نک ادنی پایه بنده اولوب رتبهٔ کمال ایمانیدن محطوط و نعیم حقیقت
 مسلمانیدن نامحظوظ اولور .

(نظم)

جمله قرآن هست در رفض سبب عز درویش و هلاک بولهب
 چشم بند خلق جز اسباب نیست هر که لرزد بر سبب ز اصحاب نیست
 یا خود بو محله قوتدن مقصود یوم موعود اچون اعداد زاد و سلعه
 وجود معتبرینی تجارتگاه جهاد اکبرده مزاد ایامکدر . زیرا هر

اهل عزیمت که بوصفت ایله موصوف و بناء علو همتی دستیاری سبق
 غایت ایله مرصون و مرصوف اوله مضائق غزواته تبادر و اسراع
 و نیزه رای اصابت و تیردنی سینۀ اعداء پر کینه تسدید و اشراع ایدوب
 هنگام هیجان هیجاده عض نواجذ و خدعۀ حربیه ده اعمال فکر نافذ
 ایدر و امر معروفده اهل معروفه مواساة ونهی عن المنکرده اذیت
 جحود منکره مقاساة ایدوب هر جبان ضعیف الجنان پادر کل اولدینی امر
 مشکده بونک سهم فهمی صائب و ﴿الاجر بقدر المشقة﴾ رکازی احراز
 و اختیاره دائم مجد و دائب اولور .

(نظم)

و اذا كانت النفوس كباراً تعبت في مرادها الاجسام

دریۀ لغت فرسیۀ دریهدن اقتناص حید حکمت ایدن بر صاحب
 کرامت که سیخن پاکی قوت طبع دراکنی مثنی و طرز کلامی تصریح
 نامندن مغنیدر (ع) کالشمس لاتخنی بکل مکان سایۀ حسابنده سایه
 خسان اولان ارباب غفاتی جانب رشد و هدایتۀ تشویق و تحذیر و حرف
 امتناعه اتباعدن که بالاتفاق علامت نفاقدن منع و تحذیر ایلمشدر :

(نظم)

ت نکریدی تو گرفتار اگر	که اگر این کردمی یا آن دگر
کز اگر گفتن رسول باوفاق	منع کرد و گفت هست آن از نفاق
کان منافق در اگر گفتن نبرد	وز اگر گفتن بجز حسرت نبرد

کشتگیر شعرا قوت طبع زور آزما ایله ﴿انما الصرعة من ملک

نفسه﴾ سرینی تفسیر و اول معنای بو ادا ایله تعبیر ایلمشدر :

(نظم)

مباش غره که دارم عصای عقل بدست
که دست فتنه درازست و چوپرا دو سرست
مکو اگر نکنم کار رزق نیست مکر
که خار خار جهالت ازین اگر مکرست

الحديث الخامس والعشرون

اولان مطلب کنج دنیایه طالب بیابان رنج و عناده اولور کم
بیوردی حدیثنده سلطان کونین فوالله لا الفقر اخشى عليكم

(تمام الحديث)

فَوَاللَّهِ لَا الْفَقْرَ أَخْشَىٰ عَلَيْكُمْ وَلَكِنْ أَخْشَىٰ عَلَيْكُمْ أَنْ تَبْسُطَ
عَايَكُمْ الدُّنْيَا كَمَا بُسِطَتْ عَلَىٰ مَنْ كَانَ قَبْلَكُمْ فَتَنَّا فُسُوها كَمَا
تَنَافُسُوها وَتَاهِيَكُمْ كَمَا تَهْتَمُّ

حجیح بخاریده حضرت عمرو بن عوفدن رضی الله تعالی عنه
بوعبارت ایله روایت اولمشدر. صدر حدیث بحر متقارب مثنی سالمدن
(فعولن فعولن فعولن فعولن) وزننه موازیدر. معتبران تحائف روزکاره
واضح و آشکار در که میان بزرگانده فقر و غناک تفضیل و رجحاننده
اختلاف و شجره تضاد راویاندن ثمره تباین بیان اجتناف و اختراق اولمشدر.
سید الضائفه والذین یلقطون لظائفه اولی ترجیح و فقر و قلتک مزیتنی
تصریح ایایوب وقفه یسیره غنا و یساری تفضیل و هربری اثبات مدعاده
بسط و تفصیل ایلمشدر. اما بوبابده قول فصل و عرق نزاع خصمی

حسم ایدہ جک کلام صحیح الاصل بود کہ اکل ملکات نفسانیہ سیر
جمیہ محمدیہ بتبع و اشرف کمالات انسانیہ اخلاق حمیدہ احمدیہ ایدہ
تخلیق و تطہر . امت و الانہتدن ہر کیمک کہ سن سنہ متابعتی اوفی
و اوفردر سائر دن زیادہ مظهر عز و سیادہ اولوب اول سرچشمہ رحمت
ورشاددن استفاضہ و استمدادی ازید و اکثر در . بو تقدیر لازم التقریر
اوزرہ طیب اعراق ایلہ منعت و تہم مکارم اخلاق ایچون مبعوث اولان
جناب ختمیت مقام علیہ الصلوٰۃ والسلامک ماہہ الافتخاری اولان فقر
عفت مدارک مفضول و مرجوح اولسی قول مزین و مجروح اولوب
سالک کریوڈ خلاف اولان بی انصاف معرض انتصار و انتصافدہ (اعی
من باقل) و بوبادہ بسط و اسباب ایتدیکی مقدمات ناصواب مصداق
(ویأی الطباع علی الناقل) در .

(قطعہ)

دلیلک ان الفقر خیر من الغنی وان قليل المال خیر من المثری
لقاؤک مخلوقاً عصی اللہ بالغنی ولم تر مخلوقاً عصی اللہ بالفقر

ا کر غناء مطابق صفت جناب حق اولغله تعلیل و اثبات مدعادہ
بو وجهہ اقامت برہان و دلائل اولنورسہ بو توجیہ سفسطیہ شبیہ بروجہ
غیر وجیہ در . زیرا کبریا و جلال و آنک اشباہ و امثالی نیجہ صفات و کمال
وارد در .

(نظم)

کل ما یفعالہ المؤمن لی علی العبد حرام

فحواسی اوزرہ مخصوص جناب معبود و عباد خک نہادک بونار
ایلہ اتصافی ظلم و اعتسافدن معدود در . کاشف اسرار احدیہ خاتم ولایت

محمدیه حضرت شیخ اکبر (ع) قدس الله سره الاطهره فتوحات مکیده
بر عجب تحقیق و شرف فقره متعلق بر نادره غریبه تحریر و تمیق بیور -
مشاردر . خلاصه کلام بدیع النظاملری بودر که مثلاً ایکی شخص اوزر
در همه مالک و هریری انصوع نیت ایله منهج جود و سماحته سالک اولوب
احدها بر درهم بذل و اعطا و آخری طقوز درهم انفاق و ایتا ایله
بویابده اهل شریعت و طریقت اتفاق و بوقول اوزره اجماع و اطباق
ایتملر در که طقوز درهم عطا و کرم ایدن افضل و عندالله تعالی ثبوت
و جزاسی اکثر و اجزل اوله . اگرچه بوقوللری واقعه مطابق و نفس -
الامر موافق در اما روح کلامدن غافل و تحقیق مرامدن زاهل او مشاردر .
دراهم تسعه نك بذل و احساننده اولان مزیت و رجحان و فرت عدد
و غزارت مدد جهتندن دکلدر . زیرا کثرت و قلت بر امر اضافی و محیط
رحمت بی علت و سبب خس و خشاک اضافات و نسبیدن پاک و صافی اولوب
جناب کبریالک جوهر نایاب رضاسی مکامن اعمال شتاده مستور و نامعلوم
و بین لیالی السنه شب قدر کی محبی و مکتومدر . کاه اولور که بریشیز بسیر
و چیز و چیز رضاء غنی بیچونه ملابس و مقرون اولور . کاه اولور که تلال
احقاف و جبل قاف کی ثقیل و کران اولان صدقات بی کران تنسداد
استغنا ایله هب هبا و مصداق (حتی اذا جاءه لم یجده شیئاً) اولور . تا که
وجوه خیر اتدن بر عمل بر لکد کوب از در و حقارت و پازده استصغار
و خفارت اولیوب اعمال حسنه نك تعدد و کثرتنده اولان سر و حکمت
و سبق برید رحمت ارباب نهی و حلومه منکشف و معلوم اوله . بلکه دراهم
تسعه بی بذل و تلفده اولان رجحان و شرف صاحبی حسب الامکان

سر منزل فقر و فقدانه قریب و عالم نیستی و عدمدن با بهره و نصیب آیدیکی
ایچوندر .

(نظم)

این شنیدی موبعوت کوش باد آب حیوانست خوردی نوش باد

زهی شرف فقر و اعسار که آنک قرب جواری افضل مبار و اقرب
مقامت و مقام اولوب عالم احدیته ادنا و کلزار وحدتدن با کوره آشنایی
و قربت اندا ایلیه (ع) کورک نه فائده ایلر کشی یه حسن جواری (الید
العلیا خیر من الید السفلی) حدیث تحت اتماسنده دخی بو توجیه و جیبی
اعماله مساع و مجال وارددر . زیرا ید علیا که قول مشهور جمهور اوزره
ید معطی حاجت روادر اول جهتدن محرز قصب السبق افضلیتدر که
صاحب اسباب ثروت و یسارینی ملک یمیندن اخراج و طومار غنا
و اقتدارینی فی الجمله طی و ادراج ایدر و ید سفلی که ید سائل بی نوادر
اول بیدن داغدار سمت مرجوحیتدر که صاحب فقر ایله تحقق و سیر
انیا و اسفیا ایله تخلق بولمش ایکن علق متاع متاع دنیای حوزده ملک
بی بقاسنه ادخال و فراز قرارگاه طاق اطلاقدن نشیب تقید ماله توجیه
بال ایدر .

(نظم)

اهل دنیا اهل دین نبوند زیرا راست نیست
هم سکندر بودن و هم آب حیوان داشتن

ثواقب المناقب ایله مسمی کتاب سحت بروزده مرقوم و مبروز در که
بردرویش صلاح اندیشک خاطر فائضه لائح اولدی که (ع) منبع فیض
و فضل قیومی حضرت جلال الدین رومی یه قدس الله تعالی سره و بانواع

التجلیات الذاتية سره توجیه وجه مقال و حقیقت فقردن سؤال ایده اتفاقا
اول وقتده که نمونه ﴿لودنوت انمة لا حترقت﴾ ایدی :

(نظم)

حضرت قطب عصر مولانا من جمیع الوجوه اولانا

سماعه مشغل و کانون درونلرنده (ع) مشغول نام دوست زکونین
فارغست آتشی فروزان و مشتعل اولوب هرکس مستقر و مقامنده
آرام و تداول سغراق استغراق درویشان محبت نشانی مست مدام ایتش
ایدی نور صفوت بال ایله فی الحال بوخاطرده مشرف و اول طالب پاکیزه
درونی بورباعی حقیقت نمون ایله مشرف اولدیلر :

(رباعی)

الجوهر فقر وسوی الفقر عرض الفقر شفاء وسوی الفقر مرض
العالم کله خداع و غرور الفقر من العالم سر و غرض

درویش سینه چاک بر صیحه سوزناک و امطار کریه بی اختیار ایله
یوانی پاک ایدوب حضرت مولانا ناک پای عرش پیمالینه رویمان و سلسله
اصحاب قبوله دخول ایله خوش حال اولدی .

(نظم)

چه عجب کر کشف شد اندیشه اش شیخ چون شیرست و دلها پشه اش
بود پیشش سر هر اندیشه چون چراغی در درون شیشه

فقر صورت تقمته بر نعمتدرکه ﴿فاز الخفون و هلك المقلون﴾
مضمونی اوزره تنکنای سؤال و جوابده سبب خفت و سبکباریدر و غنا
شکل منجته بر غنا و محتدرکه ﴿المکثرون هم المقلون﴾ نعل باژ کونی
اوزره عقیات عقابده باعث سخط باریدر :

(نظم)

چه آزادند درویشان ز آسیب کرباری چه محتاجند سلطانان باسباب جهانباری
بداسطانی کورا بود رنج دل آشوبی خوشا درویشا کورا بود کنج تن آسانی

قرآن مبین واحادیث صحت قرینده فقراء صبرك مدح و تعریفی
غالب و کثیر واغنیاء ستوده سیرك ستایش و توصیفی کالمح الیسیر اولدینی
دخی قول جمهوری تأیید و بناء ترجیح مذکوری تأکید ایدر. سلاست
وانسجام بزم صفا انجامنك رنده جرعه آشامی مولانا جامی یورباعی
نشأ رسان ایله کنبد نیلگون آسمانی پر صدا وین الصوفیه زبان زدم
وشهیر اولان کلام تاویل پذیری بووجهله ادا ایلمشدر :

(رباعی)

آنرا که فنا شیوه و فخر آیینست فی کشف و یقین نه معرفت نه دینست
رفت اوز میان همین خداماند خدا الفقر اذا تم هو الله اینست

تمه حدیث صحت بنیانده ذکر و تبیان اولدینی اوزره زخارف دنییه
ذریعه رشك و منافسه و فضول عیش بی بقایه باعث ملاپسه اولوب تکاثر
اسباب غنا سمت الها ایله موسوم و مال حلالی دخی تبعه حساب و سؤال
ایله معیب و مذمومدر. بعض نفوس قویه بی تغییر و مشارب صافییه بی تکذیر
ایتمدیکي تقدیر جه اهل غنا و ثروتك دخول جنتده تأخر لری منصوص
و بوجهندن پایه مباهاته و تفاخر لری محظوظ و منقوصدر. فقیران ناصبور
(ذهب اهل الدثور بالاجور) غبطه سی تحالج و خطور ایتمدکده لجه
حکمت و معرفتک شناوری اولان حکیم انورینك بوقطعه نادره الاسلوبی
تسلیه قلوبه کافی و مداواة اهل کروبه سلوان شافیدر :

(قطعه)

من و این نفس که باشاهد رعناى جهان چون خسان عشق نیازم نه بسهو و نه بدمد
منت دادن اکر نیست مرابا کی نیست همت ناستدن هست والله الحمد

کمال اصفهانی که برقع انداز راز نهانی و بین الشعراً نامزد نقب
خلاق معانیدر فقر باعث الاقتیاض ایله فقر سیه روی کفر شعار یانی
بو گونه تطبیق و بوشعر براعت ضمین ضمننده توفیق ایامشدر :

(نظم)

دست از طلب بدار اکرت برک این رهست کنا که راه توشه نه فقر ست بی نواست
نه فقر صورتی که بود همغان کفر بل فقر معنوی که بدو فخر انبیاست

الحديث السادس والعشرون

یقین اوله دن اغنیایه صقن کالور انلک اکثری اغینا
بیورمشدر بوحدی رسول اقلوا الدخول علی الاغنیاء
(تمام الحديث)

اقْبُوا الدَّخُولَ عَلَى الْاَغْنِيَاءِ فَانَّهُ اَحْرَى اَنْ لَا تَزْدُرُوْا نِعْمَ اللّٰهُ عَزَّوَجَلَّ

حاکم (مستدرک) ده و بیق (شعب ایمان) ده حضرت عبداللہ بن شخیردن
رضی اللہ تعالیٰ عنہ بو عبارت ایله روایت ایلد کبری جمع الجوامع و جامع -
النصغیرده اشارت اولمشدر. کلمات عیسویه علی نبینا وعلیه الصلوٰة والتحیة -
دندر: ﴿لَا تَنْظُرُوا اِلَى اَمْوَالِ اَهْلِ الدُّنْيَا فَاَنْ بَرِيقَ اَمْوَالِهِمْ يَذْهَبُ بِنُورِ
ایمانکم﴾

(مؤلفه)

اغنیای کوروب حسد قیلمه قسمت حق همیشه عادلہ در
یونده شدادی قصرایدن بنیاد آخرتده نمود وعاد ایلہ در

اساطین حکمت و علماء امت محالظہ مواتدن که اغنیادن عبارت اهل

یسار و ثروتدن کنایتدر منع و تمهید ، خصوصاً اهداب مداهنه و تملقه
تعلقدن زجر و تشدید بیور مشلردر . زیرا امر دنیای خود نماده اهل
و شد و دین مادونه نظر ایله مأمور و رغبت و شوق ایله مافوقه حسد
و حسردن ممنوع و محجوردر .

(نظم)

حب الریاسة داء لادواء له و قلما تجد الراضین بالقسم

ملازم اصحاب جاه و جلال اولانلر ایسه اغلب حالده بوغائله هائله یه
مبتلا و گرفتار و دیدۀ ظاهر بینلری غشاوۀ عشاوۀ رشک و کین ایله تاریک
و تاردر .

(قطعه)

من شاء عیشاً هنیئاً يستفید به فی دینه ثم فی دنیاہ اقبالا
فلینظرن الی مافوقه ادباً ولینظرن الی مادونه مالا

(رباعی)

باداده قناعت کن و باداد بزی دربند تکلف مشو آزاد بزی
دربزه خودی نکه ممکن غصه مخور درکم ز خودی نکه کن و شاد بزی

ارباب فهم و درایت نقل و روایت ایتمشلردر که :

(نظم)

قائد الخلق بالهدی والعون شاه لولاک ما خلقت الکون
وصف او عیسی از کتاب احد گفته من بعدی اسمہ احمد

علیه الصلوة والسلام و علی اخوته البررة الکرام حضرت عائشه یه رضی الله
تعالی عنها وعن ایها پند و نصیحت و اول خلف صدق خاندان صدیقیتده
خاصۀ وصیت ایدوب بیوررلر ایدی که ﴿ ان اردت اللّٰهوق بی قیانه
و مجالسة الاغنیاء ولا تنزعی ثوباً حتی ترقیعه ﴾ بالجمله ارباب عز و جهک

بار و بنکاهنه تلفت و نكاه عظیم كناده و ﴿ ان عباد الله ليسوا بالمتعمين ﴾
حدیث مبینی اوزره ترك چرب و شیرین سبب مرضاة آله در .

(لمؤلفه)

جمع حطام ایتمه اوله مجد ان من العصمة ان لاتجد

روضه غناء غناده غنوده و سایبان دولت جنت آساده آسوده اولان
(ع) نه بیلور حال پریشانی درویشانك . لاجرم آنلك حرم بی كرمترینه
التجایدن اهل رجا منع حجاب ايله آزرده و ریحان راحت بالی
خزان اندوه و ملال ايله پزمرده اولوب مأمن عزلتدن بعید و حریف
ندامت ايله مجالس و قعید اولور . خمول و عدم شهرت كه سالك جاده هدایت :

(نظم)

سرمایه سعادت دنیا و آخرت پیرایه جمال کمال مفاخرت

در ، تلف و ضائع و منصب خلوتده همخوابه شاهد قناعت ایکن گرفتار
کثرت انقال و و ضائع اولوب انس بالله بارگاهندن مهجور و چراغ فراغی
بی نور اولور .

(قطعه)

لیس الخمول بعار علی امری ذی جلال
قلیلة الفدر تحفی و تلك خیر الیالی

اغذا ايله محالظه و موافاتك اعظم غوائل و آفتندندر كه داخل
حرم صحبت اولانلر زانوی تعظیم و رعایت اوزره جاثم و منكرات بدع
ناروايه سكوت و اغضا ايله آثم اولوب مخبر صادق الخبرك قول معتبری اوزره
بنیان ایمانك ثلاثی برباد ، بلکه ثلاث باقیسی دخی سست بنیاد اولور .
لوث هوا و هوس ايله آلوده و مدنس اولان ناكسلر بعض کبار ذوی -

الاعتبارك على طريق الندره مجالس اشراف ذوى القدره حاضر و مبتلاى
باركران اولان اغنيا و توانكرانى زائر اولديغى ايله ايراد نقص و شرف
عزله اسناد نقص ايدر لر ايسه اول (ع) كار پاكانرا قياس از خود
مكير . فحوای دلپذیری اوزره هر پس مانده مانده كمال كندو حالى
بزرگان و شناسه قياس ايلمك ترك ادب و خلوت سراى عرفاندن بعد
و حرمانه سبدر . ثانيا مجتهدان طريق قدن قلت و ندرت اوزره ظهور بولان
امور محامل صحيحه حمله متحمل و هر برى ثياب تصحيح نيات ايله
متجمل ايكن كليت امر معلوم عارضه (النادر كالمعدوم) ايله خلل پذير
اولماز و خوكرده عزت عزيمت اولان (ع) يا صاحب الغزيمه ايك
والرخص . قول اخصى اوزره رخص رخصت ايله راحت بولماز . علماء
اعلام تحقيق و اعلام ايتشردر كه حزن عزيمتن سهل رخصته ميلان
و رغبت ايدن اهل صلاح سلوك فلات فلاحن محروم و جوهر قلب
سليمى و حل كسل و توصيمده كم كشته و معدوم اولور . غالبا عنوان حديث
لازم القبولده اقلال دخول ايله تعبير و دخول مطلقدن عدم نهى و تحذير
اولنديغى قلت زيارتك اغتفارينى اشعار ايدر . سرخيل سريه سرورى
اولان هوشمند سريه شايسته و حرى بودر كه مظهر عنايه اولان اهل
عنايه اقتضاء ضرورت ايله مراجعت ايدرسه ﴿ اذا طلبتم الحاجة فاجلوها
فان الامور تجري بالمقادير ﴾ حديث دلپذیری اوزره عرض عراضه حاله
اجمال و قاعده حزمى اعمال ايدوب بعد اتمام الكلام قصد سرعت خروج
و پاي علو همت ايله قله قاف انزوا و عزله صعود و عروج ايده .

(رباعى)

مى فرمايد خدا كه اى هرجاي از عام بيركه خاص ازان ماني
باما خوكن كه عاقبت آخركار پشت آيد شبانكه تنهاي

الحديث السابع والعشرون

شرورى بيان ايلوب امته حديثه ديدى رسول كريم
وشر المكاسب كسب الربا وشر المال كل مال اليتيم

(تمام الحديث)

أَمَّا بَعْدُ فَإِنَّ أَصَدَقَ الْحَدِيثِ كِتَابُ اللَّهِ تَعَالَى وَآوْتَقَ الْعَرَى كَيْفَةَ التَّقْوَى
وَخَيْرَ الْمَلِكِ مِنْهُ إِبْرَاهِيمُ وَخَيْرَ السَّنَنِ سَنَةُ مُحَمَّدٍ وَاشْرَفَ الْحَدِيثِ ذِكْرُ اللَّهِ
وَإِحْسَنَ الْقَصَصِ هَذَا الْقُرْآنُ وَخَيْرَ الْأُمُورِ عَوَازِمُهَا وَشَرُّ الْأُمُورِ
مُحْدِنَاتُهَا وَإِحْسَنُ الْهُدَى هَدَى الْأَنْبِيَاءِ وَاشْرَفَ الْمَوْتِ قَتْلُ الشَّهَدَاءِ
وَاعْمَى الْعَمَى الضَّلَالَةُ بَعْدَ الْهُدَى وَخَيْرُ الْعِلْمِ مَانِعُ وَخَيْرُ الْهُدَى مَا تَبِعَ
وَشَرُّ الْعَمَى عَمَى الْقَلْبِ وَالْيَدِ الْعُلْيَا خَيْرٌ مِنَ الْيَدِ السُّفْلَى وَمَا قَلَّ وَكَفَى
خَيْرٌ مِمَّا كَثُرَ وَالْهَى وَشَرُّ الْمَعْدَرَةِ حِينَ يُحْضَرُ الْمَوْتُ وَشَرُّ النَّدَامَةِ يَوْمَ
الْقِيَامَةِ وَمَنْ النَّاسِ مَنْ لَا يَأْتِي الصَّلَاةَ الْأَدْبَرَاءَ وَمَنْ لَا يَذْكُرُ اللَّهَ إِلَّا عَجْرًا
وَاعْظُمَ اخْطَايَا اللِّسَانِ الْكَذُوبُ وَخَيْرُ الْغَى غَى النَّفْسِ وَخَيْرُ الزَّادِ
التَّقْوَى وَرَأْسُ الْحِكْمَةِ مَخَافَةُ اللَّهِ تَعَالَى وَخَيْرُ مَا وَقَرَ فِي الْقُلُوبِ الْيَقِينُ
وَالْأَرْتِيَابِ مِنَ الْكُفْرِ وَالنِّيَاحَةِ مِنْ عَمَلِ الْجَاهِلِيَّةِ وَالْعُلُولُ مِنْ جُثَا جَهَنَّمَ
وَالْكَثْرُ كَيِّ مِنَ النَّارِ وَالشَّعْرُ مِنْ مَزَامِيرِ ابْلِيسَ وَالْخَمْرُ جَمَاعُ الْأَثَمِ

وَالنِّسَاءَ حِبَالَةَ الشَّيْطَانِ وَالشَّبَابَ شُعْبَةً مِنَ الْجَنُونَ وَشَرَّ الْمَكْسَبِ كَسْبُ
الرَّبَا وَشَرُّ الْمَالِ كُلِّ مَالٍ الْيَتِيمِ وَالسَّعِيدُ مَنْ وَعَظَ بَغِيرِهِ وَالشَّقِيُّ مَنْ شَقِيَ
فِي بَطْنِ أُمِّهِ وَأَمَّا يَصِيرُ أَحَدُكُمْ إِلَى مَوْضِعٍ أَرْبَعِ أَذْرَعٍ وَالْأَمْرُ بِآخِرِهِ
وَمَلَائِكَةُ الْعَمَلِ خَوَاتِمُهُ وَشَرُّ الرُّؤْيَا رُؤْيَا الْكَذِبِ وَكُلُّ مَا هُوَ آتٍ قَرِيبٌ
وَسَبَابُ الْمُؤْمِنِ فُسُوقٌ وَقِتَالُ الْمُؤْمِنِ كُفْرٌ وَأَكَلَ لَحْمَهُ مِنْ مَعْصِيَةِ اللَّهِ
وَحَرَمَةُ مَالِهِ كَرَمَةُ دَمِهِ وَمَنْ يَتَالَ عَلَى اللَّهِ يَكْذِبُهُ وَمَنْ يَغْفِرُ يَغْفِرُ اللَّهُ لَهُ
وَمَنْ يَغْفِرُ يَغْفِرُ اللَّهُ عَنْهُ وَمَنْ يَكْظُمُ الْغَيْظَ يَأْجُرُهُ اللَّهُ وَمَنْ يَصْبِرُ عَلَى
الرَّزِيَّةِ لِعَوَضِهِ اللَّهُ وَمَنْ يَتَّبِعِ السَّمْعَةَ يَسْمَعِ اللَّهُ بِهِ وَمَنْ يَصْبِرُ يَضَعُ اللَّهُ لَهُ
وَمَنْ يَعْصِ اللَّهَ يَعْذِبْهُ اللَّهُ تَعَالَى اللَّهُمَّ اغْفِرْ لِي وَلَا مَتَى اللَّهُمَّ اغْفِرْ لِي وَلَا مَتَى
اللَّهُمَّ اغْفِرْ لِي وَلَا مَتَى اسْتَغْفِرُ اللَّهَ لِي وَلَكُمْ

بهقي دلائل النبوه حضرت عقیة بن عامر جهنیدن رضی الله
تعالی عنه و ابونصر سنجرى کتاب ابانده حضرت ابوالدردادن رضی الله
تعالی عنه بوعبارت ایله روایت ایتدکلى جامع الصغیرده صراحة تحریر
اولمشدر. بوحدیث طویل وموعظه بی مثل وعیدل که خیام کلمات مسکینه
احتامی اوتاد زواجر و آداب ایله مشدود واطناب بسط واطناب ایله
مضب وتمدوددر (ع) ومن یمل من الانفاس تریددا مفردات ترکیبی
على الترتیب شرح وتفصیل واذیال فصول قصاری بذل قصارای همت
ایله مد وتطویل اولنسه مستقل بر کتاب وغداثرمرسله عبارات مسالسه

پربیع و تاب اولوردی. لاجرم شاهد قلم بوقلمون رقم ارژنک غرائب نمون. خیالده تجتر واختیال وفضاء فسیح الارجاء قیل وقالده جر اذیال ایتیوب. اثناء حدیث مرقومده اولان بیت منظوم اوزرده که خلعت وقوعی طراز. ندرت ایله مطرز واحادیث نبویه میاننده وجدانی کبریت احمردن اعزدر. حصر واقتصار ومحدث کلک جوال علی مایقتضیه الوقت والحال املا. ایلدیکی نکت ومزایا ایله قصد اقتصاد اولندی.

(قطعه)

از جنبش قلم که کلید معانیست کنجینهای حسن بیان بازی کنم
هرچند این حدیث خوشنیده قصه ایست اطباب را گذاشته اینجا می کنم

کتاب کلامده سرد واعلام اولندیغی اوزره اکل ربا و مال ایتم
سحت وحرام اولوب جمله کبائر واشنع معائب ومعارضدندر. ربا لغتده
زیاده ونامعناسنه اولوب اصطلاح فقهاده (فضل خال عن عوض شرط
لاحد العاقدین) ایله تعریف و آیات وجود تعریفات کتب فقهیهده تبیین
وتصریف اولمشدر. سنن ترمذیده اثر روایت وترجمان قرآدن علیه
الرحمة والرضوان نقل وراثیت اولنورکه اولشب قدر آسا ولیله مبارکه
تجلی نماده که :

(نظم)

شفاعت خواه ارباب کبائر برون آرنده شرک از ضماير
نضارت بخش وادغیردی زرع سریر آرای عرش وصاحب شرع

مظهر اسم ذات متمم مکرم صفات مقصود رمز (یس وطه) علیه
من الصلاة ازکاه واذکاه حضرت تکرینک خیمه قدر والالری اقصاء
فضاء (دناقدلی) ده افراشته وسایبان عز وتمکینلری بالای عرش برینه
برداشته اولدی.

(نظم)

روز سپیده آن نه شب داج بود بود شب اما شب معراج بود
روز که شب دشمنیش مذهبست هم بتنای چنان يك شبست

منظار لوح بوقلمون نمونده صورت ما کان و ماسیکون مشاهد
و مبصر و اصحاب یمین و شمالک تجسد اعمالری معاین و مظهر اولوب
فضاء قدر و قضای سیر و تماشا اثناسنده بر جمع پریشان ظاهر و نمایان
اولدی که جوف پر خوفلری مار بیشمار ایله مالی و هریری محبوس سجن
(هؤلاء فی النار و لا ابالی) اولمش، حضرت ختمیت مقام (ع) علیه الصلاة
علیه السلام، پیک نورانی پیکردن استکشاف خبر ایدوب دیدی که :
بونلر نه مقوله حشر حشر نمادر که حقه درون پر هوالری مسکن مار
و باطن باطل اندیشلری تأثیر نیش تهویش ایله ورم بسته علت دماردر
شاهباز سدره نشین سالار ملائکه مقربین جو هواء جوابده پرواز
و (هؤلاء اكلة الربا) کلامی ایله باب پیامی باز ایلدی . یعنی بونلر حر-
مت ربان ابا ایتمین کیج باز لر در که ارباب حاجت و نیازه زیان انداز و حیوة
بی ثبات دنیاده متابعت نفس و هوا ایله مبتلای ناسور حرص و آز
اولمشلر در .

(نظم)

در حسن صفت گوشه که در روز جزا حشر تو بصورت صفت خواهد بود

حسین واعظ که نظم سلت اشعارده حافظ و نثر فقرات براعت
نثارده جا حظدر جواهر التفسیرده بوقصه عبرت پذیری نقل و تسطیردن -
صکره صورت مخدره حقیقتدن کشف قناع و مستطالعان غرائب روز جزای
بو نکته حکمت فزا ایله اقناع ایدوب دیمش که - (ع) دار محنت مدار
دنیاده . هر مکان خالی که مال ندامت مال ایله مالی اوله نکهبانی مار زهر -

بار و از در مردم اوبار اولدیغی غالباً مناسبت پدایش و جزای غافلان بی عار و اشعار و نار تخویف و اذعاری کانون درون پر ضلالتارنده ایقاد و اشغال ایچوندر .

(نظم)

کر از دوزخ هر آسانی بمال کس مشو مائل
که اینجا صورتش مالت و اینجا شکل اثرها

وینه جواهر التفسیرده بسط بساط تحریر اولمشدر که نته کیم ربانک
حرمتی شرعاً کتاب و سنت ایله مثبتدر . عقلاً دخی عدم جواز رخصتی
و جوه شتی ایله موافق حکمتدر . اولاً مال دنیا (جعل الله لکم قیاماً)
فحواشی اوزره سبب زندگانی و انتعاش و ذریعۀ انتظام امر معاش اولمغله
حرز حمایت (حرمة مال المؤمن حرمة دمه) ده محرز و مکنوف . بلکه
(من قتل دون ماله فهو شهید) خبر اکیدی ایله سه پنجه اوبش و عبدا
دید مقصور و مکنوف ایکن بلا بدل و عوض عرضه تلف و عرض
و نق احباب حوائج و جوائحه زور و منهج انصاف و انصفتدن دور اولمغین
حاکم حکمت سویه حرمت اشیاء ربویه بی اقتضا و داور قضا و قدر
(فان لم تفعلوا فاذنوا بحرب من الله و رسوله) شمشیر سریع التأثری
نقضا ایلدی . ثانیاً اغلب حالده مقرض مالدار و مستقرض مبتلای فقر
و افتقار اولمقدر و تجویز ربا سودا کران و اغنیانک بناء قدرت استیلا
ربی ترخیص و عجزه بر کشته حالدن اخذ امواله اذن و ترخیصدر
ربومعنی تمام نامهربانی و مخالف لطف ربانی اولمغین صانع حکیم آنی
حظر و تحریم و مرتدع اولمیان مبتدعاری جائحه خسارت و محق
برکت ایله تغریم ایلدی . ثالثاً اگر ربا حلال و روا اولسه کده ویش
ستان اولان دوستانک بیخ درخت و فلهری ساحه قلوب غرماندن منقاع

ورشته مکنّت و توانلری مقراض غرامت و تاوان ایله کسمسته و منقطع
اولوب ماینلرنده ذرائع الفت و زلفت برطرف، بلکه رأس المال محبت عرضه
ضیاع و سرف اولور ایدی. آکا بناء خباء رباء عرصه مجامله معامله دن
تقویض و قرض قناعت خوی رباء افزون جویدن تعویض اولندی. تا که
اقراض و ایّا اولنان اشیا مثلاً بمثل اخذ و قبول و مطالبه ارباح ربانمان
نکوب و نکول اولنوب امر تناصر و تیا سر میان مردمانده باقی و موعده
عقباده ﴿ فیضاعفه له وله اجر کریم ﴾ نعیمنه مصادف و ملاقی اوله. رابعا
جناب خدا محابیح و فقرایه رحیم و ودود و هر موجود پرورده حاضنه
بر وجود در. بوسیدندر که ابناء سبیل و فقرای اضافه و قرا ذمت اهل
قراده قرض لازم الادا و آیت ﴿ و آت ذا القربی حقّه و المسکین ﴾ عهده
کرماء سماحت آینده قرض واجب القضا در و شرح مطاعه اتباع ایدنلر
صعید و عیدده تعفیر و تتریب و فقراء ناکامه ترک بذل و انعام ایله نکوهش
و تتریب اولنوب با که جیاع و تنگدستانه بسط مائده احسان اولنما مق
دلالت نص مین ﴿ و لم نک نطعم المسکین ﴾ ایله وسیله دخول نار و سبب
عقوبت و بوار اولیجق واسطه خسارت ربا ایله آنلری گرفتار غل ذل
و اعتدا ایلمک نه مرتبه و زر و وبال اولدینی معلوم اهل استدلالدر. لاجرم
حکم حکیم نافذ القضا تحریم ربایه متعلق و آفتاب رحمت بی عات مفارق
ضعفاء امته متألّق اولدی. تا که هر مؤمن بی ریا مزاوله رذیله ربا دن
اعراض و محتاج ندا اولان فقیر کدایه اعانت و اقراض ایدوب ﴿ انما
ترزقون و تنصرون بفقرائکم ﴾ فحواسی اوزره دوستان خدا اولان
عجزه و فقرایه محبت برکتی ایله اول دخی داخل عداد احباب و جناب
عزتک شرف محبوبیتدن بهره یاب اوله. فناوای و جیزیده ربا خوار اولان
بد کردارک کاری تقبیح و ﴿ لایصلی خلف من اشهر با کل الربا ﴾ ایله

امامته عدم اهلیتی تصریح اولمشدر. علامه زحشری فائق الاعدده جذوة تحقیقی ایقاد و تفسیر و ﴿ اربی الربا عطا الرجل المسلم عرض اخیه بغیر حق ﴾ حدیثده عطوی تناول باللسان ایلہ شرح و تفسیر ایدوب و هامش کتابده بر نقاد نقاب و محقق نقاب وجه مناسبدن کشف نقاب ایدوب دیمش که غیبت و نمیمه مقتضاء آیت کریمه اوزره لحوم ناسی اکل و تناول و ربا مال و منال لرینه تعرض و تطول اولوب (ماوی المرء به عرضه فهو صدقه) عبارت مصدقسی اوزره مال بی ثبات علی تباین الاوقات نفس بر طمع و طمع با طبع ایچون وقایه و تبع اوله کشدر . تابعده معنای ربا تحقیق نما اولیجق لاحاله متبوعده ازید واربی و مستدعی انواع نقت و اربی اولور . اگرچه ربا خواریک وعید و اندازنده قوارع آیات و اخبار یجد و شماردر (ع) تکاد تعجز عنها السن القلم ﴿ لکن الربا اثنان وسبعون باباً اداها مثل اتيان الرجل امه ﴾ حدیث صحیح المبایسی که سنن طبرانیده بناء عن عنه سی مشید و بر آء بن عازبدن رضی الله تعالی عنه مروی و مسنددر جمله دن اغلط و اشنع و سائر کبارک تبعات متابعتندن افحش و افضع اولوب وعید و وعد آثاری سبب رعدة و اقشعرار و فحوای صاعقه باری زهره شکاف اهل اعتباردر . کاشف سرفرقائی اولان تأویلات قاشانیده بو وجهله تدقیق و تنکیت و خصم جاحد معاند اقحام و تبکیت اولمشدر که آکل ربا جمله اهل هوادن اسوء و بدتر و صورت نماده صورت نما اولان ربح ریخ فزاسی اقتضاء ﴿ یمحق الله الربا ﴾ ایلہ فرسوده حوادث و غیر برعبردر . زیرا اهل حرفت و هنر و کاسب و پیشه ور ترتیب اسباب اکتسابده مصیب و ﴿ قل اوکثر ﴾ نوع تعمل و تأثر دن بامهره و نصیب اولوب قبل الیکسب و الیبع وجه منفعت و ریعاری پوشیده و نامعلوم و طریق رزق مقسوملری مشکوک و موهومدر .

(نظم)

داعیٰ هر پیشه اومیدست وبوک گر چه کرد نشان ز کوشش شد چو دوک
بامدادان چون سوی دکان روند بر امید وبوک روزی می دوند

اما رابیه راتبه ربابه تو قل وارتبا ایدن توکل مادن محروم و بیت دل
ویرانی زحاف احجاف طغیان ایله محزوم اولوب جمع حطام حرامه - می
بی حسابان و امر رزق ازلی یه کندونک تصرف و عملی ظن و حسابان
ایتمکه رازق حقیقیدن محجوب و حرم سرای تکلانندن ممنوع و محجور
اولوب مزید حرص و وله ایله رزق مضمون له دن غافل و ﴿ ابی الله ان
یرزق عبده المؤمن الا من حیث لا یعلم ﴾ وعد مسلمندن زاهل اولور .

(نظم)

حرص ربا خواره زحرو میست تاج رضا بر سر محکوم میست

لاجرم روزی رسان تابخانه عالم آنی نفسنه توکیل وضمان کلاآت
وامانندن اخراج و تنکیل ایتمکه بیگانه ﴿ ابی واستکبر ﴾ و فرد منتشر
فساد و شر آنی اختصاف و تخیل و تزین امور هوا پسند ایله دل ناخر -
سندینه القاء و سوسه و تخیل ایدوب مصرع هوا و هوسده ﴿ کایقوم الذی
یتخبطه الشیطان من المس ﴾ مصروع و مغبول و بارگاه عدل الهیده عذر
واهیمی نامقبول اولور . بالجملة ربا مرقاة عتو و شقایه اولین پایه بلکه
مجموع مویقات و مقدماته خیر مایه در . زیرا هر لقمه و نان که داخل حوصله
انسان و سبب غدای ابدان اوله کندی جنسندن اخلاط و قوی تواید
وجید وجوده قلاده اعمال متناسبه تقلید ایدر . آکل ربانک دل سحقی
تناول سحت ایله خوکرده و لحوم و عظامی لقمه حرام ایله پرورده اولمغین
علی الدوام تعاطی کؤس بدع و آثامه منهکم و سحجاف ورع و عفاف

سرینجه غشم واعتساف ایله منهك اولوب ایلدیکی طاعت و عبادت قلب
بی روح و شاهد عملی دار القضاء اخلاصده مجروح اولور . پیش آهنگ
استخیز اولان اشراط فتنه انکیز نزدیک وکلزار روزکار رهج و مرج
ایله تاریک اولدجه اکثر ناس نسناس صفت سر رشته حزم و بصیرتی کم
و مال حرام و حلالی فرقه تعامی و تصام ایدوب امر ورع و تقوایی
نوهین و حول هاء لواءده حائم اولمغی تسهیل و تهوین ایدر لر . سنن
سائیده ﴿ یأتی علی الناس زمان یا کلون الربا فن لم یا کله اصابه من
نباره ﴾ حدیثی حضرت ابوهریره دن روایت و تخریج و تناول حرام
پا پا که اظهار حرص و انهماک ایدن رباخوار بدکار شمشیر و عید انذار
ایله تخریج اولنمشدر .

(نظم)

این سخن را کشید رشته دراز بسر رشته خود آیم باز

ارباب خنک واذعانه نهفته و نهان اولمیه که اکل مال یتیم دخی داخل
عداد کبائر و آکا اجتر ایدن لئیم مهلکه عذاب الیمده هالک و بائر
ولوب ﴿ لاتقربوا مال الیتیم ﴾ نص کریمی سرینجه اهل ایمانی دامن مال
ایماندن کف و ابعاد و بالغ وجوه بیانیه اوزره نهی و ایعاد ایامشدر .
کل مال ایتام اخبث معاصی و آثام اولدینغی معلوم جمله انام او مغله جهله
موقه و رعایا دخی آندن تباعد و تقرز و ﴿ لاتکن المفتون وان افتاک
مفتون ﴾ مضمونی اوزره ارشاد عقل رهنمون ایله تعزز ایدر ایکن
غریب حالت و عجب مصیبت در که ایکی طائفه حائفه غیر خائفه بویابده ترک ثبت
و تائی و بور ذیله دن عدم پرهیز و تابی ایتشدر در . بری ملوک بد سلو کدر که

اقتضاء (یبسط الرزق لمن یشاء) آنلری بسطت جاه ایله اغنا وکثرت
اسباب عز و دستگاه ایله نائل رتبه اقناع واقنا ایلمش ایکن فضاله اموال
ایامی ویتامایه دست طمع و آزی دراز ایدرلر .

(نظم)

ملك ضعيفان بكف آورده کير مال یتیمان بستم خورده کير
روز قیامت که بود داوری شرم نداری که چه عذر آوری

هرداور فلک یاور که دندان طمع خامی تیز واخذ مال حرام ایتامده
اصرار و ستیز ایده بنیاد اعترازی کند و دست ستم پردازی ایله برکنده
و برکت جمعیت و ثباتی شومی تفرقه و شتات ایله پراکنده اولوب بیت -
المال پر و بالی زیر پای حشر فتنه و شرده پی سپر و خواص و عوامک سهام
نفیرین و ملامنه سپر اولور .

(نظم)

ای بسا بارگاه و طارم و تیم زیر بالا ز آب چشم یتیم
ای بسا رفته ملک پرهیزان زار زار از دعای بی پدران

بری دخی علمای تأویل جوی و قضاة ستیزه خویدر که مال ایتامه
تسرع و اقتحام خلاف وضع اسلاف اولدینی ظاهر و بادی ونص (انما
یا کلون فی بطونهم ناراً) صوت اعلا ایله سؤ الجزای ناطق و نادای ایکن
قسمت نامنه مال ایتامی بی احتراز جمع و احتیاز ایدوب بوبابده رأی
ناصوابلری متشتت و اذیال اقوال ضعیفیه متشبت اولمغله علی الدوام
اضحوکة خواص و عوام و نشانه نشابه ملام اولورلر .

(قطعه)

قد بلینا فی عصرنا بقضاة یظلمون الانام ظلماً عما
یا کلون التراث اکلاً لما و یحبون المال حباً جما

کشاده چشمان دور بین و بیدار دلان صاحب تمکیندن براعل
درایت نقل و روایت ایدرکه برلیل سعادت میلده که :

(نظم)

زجنبش مرغ و ماهی آرمیده حوادث پای در دامن کشیده
درین بستان سرای پر نظاره نمانده باز جز چشم ستاره

نیرنك ساز خیال که لعبت باز پردهٔ مثالدر وراء حجاب ارادتدن بوصورتی
اراءت ایلدی که بازار رستخیز کرم و تیز و هرکس معرض معذرتده خو -
نابه ریز اولوب اولین و آخرین ﴿لاتری فیها عوجاً و لا امثا﴾ عرصه
بی همتاسنده مجتمع ولسان هاتقندن ﴿لایؤذن لهم فیعتدرون﴾ مضمونی
مستمع اولمشلر - بوئناسنده شناوران محیط علوم اولان اسلاف موالی
رومدن برفاضل پاکیزه کوهرکه قضاة عسکر بیننده نهایت ورع و دیانت
ایله معتقد خواص بلکه مظنه کرامت اولنده همحال ابراهیم خواص
اولوب بو محله اسمنی تصریح و اظهار سوء ظن کبارده سبب و نام و نشانی
ستر و کتمان ﴿لایهام صونه عن اللسان﴾ مقتضاء ادب درمیان محشرده
تمایان و مبصر و مشاهده و لقیانی ایله کلزار آشنایی و عرفن منضر اولدی
امابر طریق ایله بحر حیرت و دهشته غریق که هر نه ضرفه گذار ایتسه برچوق
اطفال خرد سال آردینه دوشوب و نه جنبه کیتسه زنبور شر و شور
باشنه اوشوب دامن لباس تقوایی سر یخهٔ یتیمان بی نوا ایله چك و علی
رؤس الاشهاد تبعه تعدی و بیداد ایله خجالت زده و شرمناک اولمش
صاحب رؤیا که چنزار قوت متخیله سنده نبات ﴿وبقی المبشرات﴾ رؤیا
ایدی رکن سؤالی استلام و هجوم اطفالدن استعلام ایتدکده اول مطالب
یسته لب و مسئول مخاطب دیدی که بونلر شول اطفال برکشته حال و ایام
شکسته بالدرکه زمان قضا و حکومتده بهانهٔ قسمت ایله مانلری اخذ

و غصب و ساحه بی راحه لرنده لواء ستم نار و الضب اولمش ایدی حالا
مطالبه حق نا کزیر ایچون هربری دامن کیر و دست معذرت ادراک
دامن قبولده کوتاه و قصیردر .

(نظم)

کر ز علمی برون علم داری زیر پوشی زجهل هم داری
آنچه امروز زیر پوش نمود آن زیر پوش حشر خواهد بود

الحديث الثامن والعشرون

سعادۃ اوزات خرد منده کیم قبول ایلیه منهج سنتی
دیدى مدح ایدوب سنت اهلن رسول ولم يعد عنها الى البدعة
(تمام الحديث)

طوبى لمن شغله عيبه عن عيوب الناس وانفق الفضل من ماله وامسك
الفضل من قوله وسعته السنة ولم يعد عنها الى البدعة

دیلمی مسند فردوسده حضرت النسن رضى الله تعالى عنه بوعبا
رت ايله روایت ایتدیکی جامع الصغیره اشارت اولمشدر . (یعد) کله سی
لم ايله مجزوم و ناقصک علامت جزمی آخرینک سقو طى اولدینی عند
اهل العربیه معلوم اولوب لم یعد عنها لم تجاوز عنها ايله مفسر وعدا عن ايله
تعدیه ایتدکده تجاوزمه ناسنه اولدینی مقرردر . طریقه سنت بر شارع اعظمدر که
آکا موفق اولان طالب حق شاء ام ابی واصل معموره هدا اولوب
نعمت خانه فیض عامدن کام آلور و تنکینای بدعت بر عقبه پر ظلمدر که
آکا کر قنار اولان شقی کر رقتار بیابان شکوک بی پایانده افتان و خیزان

و متابعت سنت و فرضده (کالذی استهوته الشیاطین فی الارض) حیران
اولوب غلبه مرا وجدل ایله عملدن قالدور .

(نظم)

چند ازدم فلسفه شنودن نه فلسفه بل سغه نمودن
خواهی طیران بطور سینا پرست مکن بیور سینا

اگرچه حسن متابعتی محرض و سلسله مطاوعتی محرك اولان آیات
واخبار و کلمات کبار (ع) زهرچه عقل تصور کند فزون باشد اما
فرمان روای (بعثت الی الاسود والاحمر) (ع) روشنائی فزای دور قمر
مظهر تام اسم اعظم صلی الله تعالی علیه وسلم حضرتلری مقتداء کل و سلطان
سلاطین رسل ایکن فرمان (واتبع مله ابراهیم حنیفا) ایله شرط فرط
متابعتی ایفایه مأمور و کلبه احزان متابعت اول سلطان دنیا و آخرتک
شرف مقدم عرش مترتلری ایله آهل و معمور اولدینی جمله ادله نیک
ادلی و سائر حجج قاطعه نیک اجلی و اجایدیر . اساطین جامع دین اولان
ثقات مورخیندن نقل و آثار و غیر حسن عبارت انارت اولغشدرکه اول
زمان بی نشانده که (کان الله ولم یکن معه شیء) قولنه مصداق، بلکه اول
حین تجرد عنوانه تعیر لفظ زمان امر ضروری الاطلاق اولوب هنوز
(ع) کلزار وجود عالم افروز بی نشوونما و نظاره کیان هفتورنک آسمان
عصابه بسته عما ایدی .

(نظم)

دران خلوت که هستی بی نشان بود بکنج نیستی عالم نهان بود
وجودی بود از نقش دیوی دور ز کفت و کوی مایی و تویی دور

ناگاه اقتضاء حکمت حکیم جواد ابواب برء و ایجاد ی باز و اجنه اعیان
مشیمه امکانده تحرك و اهتزازه آغاز ایلدی . نوبت خلق و تکوین (ع)

برید ازل محرم مرسلین . اولان روح الامینه کاوب کمال حسن شارت
 ومزید لطف بشارت ایله ابداع ونهانخانه ذات کزیننده جواهر امانت
 وحی مبین ایداع اولندقدہ بونعمتک اداء شکر بی غایتی ایچون اشرف
 عبادات بدنیه اولان صلوة خالصه النیه ایله وظیفه عبودیتی ادا وادامت
 ویکرمی ییلده که هرروز سعادت افزونی ﴿کالف سنة مما تعدون﴾ در
 نهایت خضوع ونیاز ایله ایکی رکعت نماز اقامت ایلدی . صوب لامکاندن
 برصوت راحت رسان کلدی که : ای کنجور دفائن وحی والهام وباللا -
 نشین بام سبز قام اگرچه بو عمل مبرورک عین رضا ایله مرموق و بو
 طمانینت وتعذیلک مثل وعدیلی غیرمسبوقدر امانت متحن فتن آخرالزمان
 اولان امت ناتوانک ایکی رکعت نمازلری بوصلوة دور ودرازدن اصوب
 ونیم جناب استغنا منابده افضل واحبدر . زیرا سن مقتضاء نهاده اوزره
 نفرد واستبداد ایتدیکک کار دشوار ابتداء طرز ابتداء و آنلردن ظاهر
 وهویدا اولان عمل اندک نما سن سنته اقتفا واتباعدر (ع) بین
 تفاوت ره از کجاست تابکجا . عنوان حدیث مسفورده مسطور اولدیی
 اوزره هرکس کندو عینی ادراک وتعقل وعیوب خاتمدن تعامی وتعافل
 اشرف محاسن خصال ، بلکه خلاصه مجاهدات واعمالدر .

(نظم)

ای خنک جانی که عیب خویش دید هرکه عیبی گفت آن بر خود خرید

زیرا معشر نوع بشرک که کتاب طینت ونهادلری فصول چهار کانه
 اضداد اوزره مؤلفدر هربری موقف ﴿عظ نفسک ثم عظ الناس﴾ ده
 اصلاح نفس ناسپاس ایله مأمور ومکلفدر . کندو نفس ناپرواسی سراپا
 آلوده نقیمه وعار ایکن ترک اعتبار و آخرک اسباب عیب وعوارینی

تداول و اعتوار ایلمک خارج شرط انصاف و کندو نقصاننه اعترافدر .
 (ع) که هر که بی هنر افتد نظر بعیب کند . بلکه جواسیس قلوب و معا-
 لجان ادواء عیوب اولان کمال بلند مراتب مشاربنده آخرک منظر
 وجودنده مترائی و مشهود اولان غمیزه و نقصان عیب بین نادانک صورت
 دل پر و سواسنک انعکاسیدر . مادام که مزفه وجود خود کامنده مومسه
 شین و شنار درکنار اولیه صفحه مجلاء (المؤمن مرآة المؤمن) ده
 مشهود و صحیفه وجود خارجیده مثبت و موجود اولماز .

(نظم)

ای بسا ظلمی که بینی درکسان	خوی تو باشد درایشان ای فلان
اندر ایشان تافته هستی تو	ارنفاق و ظلم و بند مستی تو
چون بقعر خوی خود اندررسی	پس بدانی کز تو بود آن ناکی

شوایله که : بومعنانک سر منزل تسایم و قبولندن قلب قاسی بعید
 و قاصی و ذیل نینندن دست خرد قاسر کوتاه و قصر اولورسه باری
 بوکلام معقولی کوش کزار قبول ایلیه که تعیب و تعمیرک ادنی ضرر
 نا کزیری مالا یعنی یه اشتغال . بلکه اکثر استادعیب رجاً بالغیب اولمغین
 عیب جوی بد کردارک کار و باری لباس شک و التباس ایله اشمالدر .
 (ع) و لیس کلام النفس غیر ضلال . شوایله که راحله کلامه درای
 از در و ملام آویخته و قدح قدح و مذمت سم زعاف شماتت ایله آمیخته
 اوله آنک تأثیر مضرت بی پایانی جبر و مقابله محاسبان غیر حصر و لا
 تسمت باخیک فیعافیه الله و یتلیک) وعید غیر بعیدی خود درکار
 و حاضر در .

(نظم)

بد مگو که همی کشد غیبه هر بدی را بخویش چون کیه

﴿عصمنا الله سبحانه و تعالی عن حصائد السنتنا وایقظنا عن رقدتنا بل
عن سنتنا﴾

(نظم)

اعمل بقولی ولا تنظر الی عملی ینفعک قولی ولا یضرک تقصیری
خصوصا که ﴿استر سوءه اخیک لما تعلمه فیک﴾ نصیحتنه مخالفت ایدن
عیب بین بی هنر حقیقتده کندویه ضرر و عرض نامصونتی اسهم مطاعن
کونا کونه سپر ایدوب :

(نظم)

این جهان کوهست و کفت و کوی تو باز آید چون صدا هم سوی تو
فجواسی اوزره اندیه و محافله آنک مشالب و رذائلندن بحث و تنقیر
و قلوب اهل قبولی آندن تنفیر ایدر لر .

(نظم)

کر خدا خواهد که پوشد عیب کس کم زند بر عیب معیوبان نفس
ستر کن تا بر تو ستاری کنند تانه بینی ایمنی بر کس محند

اما مضائق افعالدن خلاص و حرم سرای توحید صفاتده محرم
خاص اولان مکمل اخباره که بارگاه ﴿وکل شیء عنده بمقدار﴾ دن خلعت
وجود حقانی اعطا و ارزانی قیلنمشدر آنلرک حال کرامت مألاری سائر
ناس ناشناسه قیاس اولماز .

(نظم)

لیک در شیخ آن کله زامر خداست فی پی خشم و مماراة و هواست
آن شکایت نیست هست اصلاح جان چون شکایت کردن پیغامبران

آنلرک عموم حنو و مرحمتلرنده بر مرتبه وسعت و فسحت وارد در که
سوختکان شرر کنایه نظر شزر استکرا دایله نکاد ایتک دکل، بلکه کر.

فتاران شَرَكْ شَرَكْ وضلالتی دخی هنکام لقی ورؤیتده استعمار دیدۀ
اعتبار ولسان تمکین وانات ایله بوابیاتی تکرار ایدرلر :

(نظم)

بر همه کفار مارا رحمتست کرچه جان جمله کافر نعمتست
بر سکاتم رحات و بخشایش است که چرا از سنکها شان مالش است
آن سکی که می کزد کوم دعا که ازین خووار هانش ای خدا

اهل تمکین و ارشاد کثر هم الله تعالی الی یوم المیعاد علاج عارضۀ
اعوجاج ایله مأمور و اول باده سکوت ناصواب ایله موزور اولوب ﴿ مامن عام
الا وقد خص ﴾ آنره سبب ترخص اولمغه عموم نهمیدن تخصیص و مضیق
حجردن تخلص اولنشاردر. آنلرک مثالی شول جراح صاحب کمالدر که
رؤیت سوء انسان هر زمان منهی عنها، بلکه محرمان حرام محرمیته دخی
کشف عورت ناروا ایکن رک زن صاحب هنر جوف سراویله اولان
قروح و دما میله نظر و وضع مرهم مرحمت اثر ایدوب سائر رؤیتی
حرام، بلکه محض اذتاب و اجرام اولان آکا جائز و علیل شکسته بالک
برء و اندمالی ایله مثبت بی غایتۀ فائز اولور. خلال حدیثده تثبیت و تثبیت
اولندیغی اوزره افضل مالی انفاق و احسان و فضول قیل و قالدن کف
انسان دخی صحیفۀ قبوله املا اولنان مکارم خصال و املا دندر. اولاً
سخاوت و انفاق که بالانفاق انفع اخلاق و انفس اعلا قدر :

(نظم)

تجربه کردم زهر اندیشه نیست نکوتر ز سخا پیشه
خاصه زیهر کرم آمد درم برکذر قافیه اینک کرم

اشجار جناندن بر شاخ برومند کثیر الاغصاندر که آکا تعلق و آنک
واسطه سی ایله تسور و تسلق ایدن حضائر بی نظائر قدسه داخل و نعیم

مقیمده خالد اولور. اما بودخی سائر خلال بی اختلال کبی بی تکلف و اعتدال
حد اعتدالده کر کدر که ثوابه قرین و صوابه قریب اوله. طرف افراطی
اسراف و تبذیر و جانب تفریطی شح و تقتیر در که (ع) عند اهل الکمال
قاطبةً معیبه و معلول و ﴿ لا تجعل یدک مغلولهً الی عنقک ولا تبسطها
کل البسط ﴾ آیتنه مخالفت ایله عامهء حکما قتنده ناروا و مدخولدر.

(نظم)

ای بسا امساك كز انفاق به مال حق راجز با مرق مدہ

اگر چه وارثان مقام صدیقیته نسبت بذل موجود و ایثار سرمایه و سود
افضل اعمال بر و ﴿ اما ابقیت لعیالك ﴾ سؤالنه ﴿ ابقیت الله و رسولہ ﴾
جواب حاضر در :

(قطعه)

انفق ولا تخش اقلالاً وقد قسمت . بین العباد مع الآجال ارزاق
لا ینفع البخل مع دنیااً مولیه ولا یضر مع الاقتار اتفاق

لکن منقبت ایثار هر سبکسارک کاری و هر حریص کرد آرنک کرداری
اولمدینی جهندن اوساط و مقتصدین و اعیان عین ایقینه کوره ﴿ افضل
الصدقة ما کان عن ظهرو غنی ﴾ فجواسنه اقتدا و انسا نمط اوسط و فر-
موده ﴿ وکان بین ذلک قواما ﴾ عند الله تعالی اقوم و اقسط اولوب ﴿ فتتعده
ملوماً مدحوراً ﴾ غائبه سندن سلامته سبب و هر حالده تعدیل ارکان اعتداله
اقربدر .

(نظم)

خوشا روز کارا که دارد کسی که بازار حرصش نباشد بسی
جهان میکندارد بخوش خوارکی به اندازه دارد تک بارکی
نه بذلی که طوفان برارد زمال نه صرفی که سختی درارد بمال

نایا قلت کلام وترك اسهاب واسهام که صواب دید عامه حکمادر
برگزیده خصلتدر که آنک ربیع حسن تربیتی شجره ضیه معرفه سبب
نشوونادر .

(نظم)

گفتن بسیار نه از نغزیت و لوله طبل زبی مغزیت

هراهل حال وار چند حمیدالفعال که طریق حکمتده بدرقه هدایت
آکایار و فضائل علمیه و حکمت عملیه دن بهره دار اوله اکثر ایامده
پیغوله (اذا تم العقل نقص الكلام) ده ساکت و میزاب دیدۀ خونبا
رنده سر شک ندامت واستغفاری ساکب اولوب (من کثر لغظه کبر
غاطه) مرلقه سنده مبتلای افت و خیز اولان اهل مرا و ستیز ایلہ ترک
استصحاب و سالکان منهج مزاح و مباسطه لسان حکمت ایلہ جوانی
استصواب ایدر .

(رباعی)

کر میخواهی که وقت خود داری کوش
دم درکشی و بخویش باز آری هوش
کر هر دو جهان چو بحر آید در جوش
تو حاضر وقت خویش می باش و خموش

کثرت گفتاره گرفتار اولان مکثار مهذاره (هل یکب الناس علی
مناخرهم الا حصائد السنتهم) عجب وعید شدید و مرشد مرناض مظهر
فضل فیاض حضرت ابن عیاضک (من عد کلامه من عمله قل کلامه
الا فیما یعنیه) قول نصیحت انصابی بوباده نصیح سدیددر .

(نظم)

در دوزخ تن زبان زبانیست مفتاح بهشت بی زبانیست
ماهی بفک مقیم ازان کشت کاول که بزاد بی زبان کشت
ماراز در خلد رانده زانست کانک دوزبانش در دهانست

اگرچه اولیاء کرام ، خصوصاً صحابه ذوی الاحترام باسرهاً ما لا
یعنی وهذر دندن تحفظ وحذر ایدوب فلتات لساندن اتقا وفضیلت سکوت
واصاتی صحائف کائناتده ابقا ایتشلردر اما سر جریده اصحاب یقین و جا-
نشین حضرت خاتم النبیین :

(نظم)

کرده منشورا و بخط بدیع حق لیستخلفنهم توقیع
از زبان صادق وز جان صدیق چون نبی مشفق و چو کعبه عتیق

رضی الله تعالی عنه اختیار حسن سمت و جمله دن زیاده ترجیح طرف
صمت ایدوب باعث سکوت و کف لسان اولمغی چون زبان حکمت جریانلری
اوزره وضع حجر و خطا و خلل احتمالی محال ایکن محضاً کثرت قیل و قالدن
تحامی وحذر ایدر لر ایدی .

(نظم)

هر کس هوس سخن فروشی دارد من بنده آتم که خوشی دارد
و سؤال مقدره جواب مقرر اولمق ایچون لسان معجز بیانلرینه اشاره
(هذا الذی اوردنی الموارد) کلام کثیر الفوائدنی اداره ایدوب و کثیراً
یوبیت نصیحت نما ایه تمثیل و سرمایه حکمتی تأمل بیورر لر ایدی :

(نظم)

اخزن لسانک لاتقول فتبتلی ان البلاء موکل بالنطق

الحديث التاسع والعشرون

ره سننه اتباع ایدنه قریشک اولور احترامی مهم
دیدنی بر حدیثنده فخر جهان ولا یصلح الناس الا بهم

(تمام الحديث)

قَرِيشٌ صَالِحُ النَّاسِ وَلَا يَصَاحُ النَّاسُ إِلَّا بِهِمْ وَلَا يُعْطَى
إِلَّا عَلَيْهِمْ كَمَا أَنَّ الطَّعَامَ لَا يَصَاحُ إِلَّا بِالْمَلِاحِ

ابن عدی کتاب کامله حضرت عائشه دن رضی الله تعالی عنہا
بوعبارت ایله روایت ایتدیکی جامع الصغیره اشارت اولمشدر . قریش
برطائفه بر دبار بی طیشدر که شرف قدر و منزلت لری کتاب و سنت ایله
مثبت و بوبابده حبل شبهه و ارباب مقراض نص قاطع الاعتراض ایله
منبت اولوب ﴿ قَدِّمُوا قَرِيشًا وَلَا تَقْدَمُوها ﴾ شیچراغ خصائص ظاهره
لرندن برلعه نیم تاب و ﴿ من یرد هوان قریش اهانہ الله ﴾ کتاب مناقب
زاهره لرندن بر مختصر بابدر . بعض احادیثده بومعنی درجه صخته رسیده
ولائی کلماتی سمط اسناد صحیحہ کشیده در که قریش اتی خصلت و شرف
ایله صناید صید سلف و خلفدن ممتاز و راجح و هر فرد کاملی اتصاف
جوامع فضائل ایله حسد کرده عظماء و ججاج حدر . اولاً امرار شریعت
و حقیقته ابن بجدہ و سورہ کریمہ رسالته آیت سجده اولان :

(نظم)

سبب آفرینش عالم باعث بدو فطرت آدم
اول ما خلق نتیجه کل آخر انبیا و فخر رسل

حضرت تباری اول جناح دولت و نجاح ک قادمه سی و اول قصیده عز و فلاح ک
حسن خاتمه سی اولدیغیدر . بوبر شرف باهر در که سائر مکتوبات مناقب
و مأثر دن ممتاز و مترائل و مفاخر اخر بونک جنب جنباننده بی رونق
و متضائلدر (ع) عزت و سلطنت آنست که الله دهد ثانیاً شان الفت
نشان لری سورہ کامله ایله تشریف و اجلال و پیشگاه سورہ مسفورده

تمکین واحلال اولنوب بومنقبت وکل بی همال ایله قدم تقدم واستقلال
الری رقبه اولین و آخرین اوزرد نهاده ومحاسن روش واسلوبلری سائر
قبائل وشعوبدن زیادهدر .

(نظم)

اذا انت اعطيت السعادة لم تبلى وان نظرت شزراً اليك القبائل

ناثا غياهب كفر وغوايت انحاء عالم ملك وشهادتي احاطه وحيت
جلیه جاهلیه نامحرمان حرم استعدادی خلوت سرای هدایت وسداددن
ابعاد واماطه ایتش ایکن مجموع خلق عالمدن اون ییل مقدم بیضه دین
مبینی حمایت ونور توحید وایمان ایله عقبه شرك و خذلاندن ازاله
تاریکی عمایت ایتدکلریدر . رابعاً یوم فیلده جند غیبی ایله تأیید ومغانم
کثیره جیش حبش ایله تغیم وتنقیل اولدقلریدر . خامساً شرط سقاییه
وقایه ایله تشنکان بوادی نامرادی بی اروا وحجاج ذوی الاحتیاجی
اماکن حرم آمزده اسکان وایوا ایتدکلریدر . سادساً مداوم شغل سدانه
وبیت شریفه وایجه وبطانه اولمغله الی یوم المیعاد بوشرف مادرزاد آنلره
نامزد وسائر کبراء امت بوامنیتدن ردع ورد اولدیغیدر . کتاب ثمار
القلوبده مسطور ومکتوبدرکه قریشک مکارم باطنه وظاهرده سنه منصفان
قرون غایره آگاه وزمان جاهلیتده لقبلری اهل الله اولوب بین سائر
العرب تواتر فضل رب ایله منقطع العدیل وفرط زکا وارب ایله متمتع
البدیل اولمغین مزیت رجحان وتمیزه قرین ولقب مذکورده شایسته وقین
اولمشار ایدی . اول فرقه سحرنا نورددک هر فردی مجامع کمالات نفسانییه
فائز وکلزار کز وبارلرینه زلال ملکات انسانیه فائز اولوب حرم
حرمت آبادده بغی والحاددن تجنب وجحیح ومعتمرینه اظهار شعائر

رفق ولین ایله تحن و تحجب ایدر لر ایدی. شتاده وصیفده قرای ضعیف
ایله سنت خلیله یی احیا وقاعدۀ اسماعیلیه یی اجرا ایدوب طعاملری فقرا
ومساکینه مباح ومبوء ومقاملری واردین وصادرینه مناخ ایدی (ع)
احسنت زهی شیوء مهمانداری . حرم محترم مکده که مصداق ﴿ ان
اول بیت وضع للناس للذی ببکه ﴾ در ثوا و مجاورت ایله ضنک معیشتی
اختیار و اول محل محل سائر عمارت اوزرینه ایشار ایتمکین :

(نظم)

آب از بالا به پستی در رود آنکه از پستی بیالا بر رود

مضمونی اوزره کلزار درونلرنده نسرین ﴿ لن یغلب عسر یسرین ﴾
دمیده و اول فئه سریعه الفی مظهء ﴿ یجی الیه ثمرات کل شیء ﴾ ده
آرمیده اولدی. تألیف کلامده بر مرتبه رسوخ تاملری واردر که هربری
اسلوب سخنوریده افضل خلیقه ورشقات لسان معجز بیانلری دلیل
حسن سلیقه اولوب موشکافان آخر زمان درک واذعانته قادر اولمدقلری
عویضات ونوادر آنلرک نسوان وصیانه روزمره وبلغاء سحر آفرین
ترتیب و تدوین ایتدکلری دلائل اعجاز واسرار بلاغت آنلرک بوستان
حسن براعتلرندن برک تره ایدی (ع) لیس التکحل فی العین کالکحل
خصوصا مظهر اظهر ﴿ یأتون الیه من کل فج عمیق ﴾ اولان بیت عتیق
قبله جمله قبائل ومطاف اواخر و اوائل اولغله اقضار بلدان ورباعدن
کلان اشخاص مختلفه الطباع ایله آمیزش واختلاط و شرائط صحبتی ایفا
ورعایتده کمال تحامی و احتیاط ایلدیر . وفی حد انفسهم سلامت فطرت
ومزید ذکا وفطنت ایله معالی اموردده مستأهل ومرشح وهر برینک
هادی نهادی وشاح حسن استعداد ایله موشی وموشح اولغین اوزاع

متباینه الاولو ضاعك افعال سیئه لرندن اتقا و اعمال حسنه سینه لرینی اختیار و انتقا ایدوب سائر ارباب مجاهده مشاهده ایتدکاری نوادر اطوار و شئونک دربت و آزمونی ایله اعتقل برایا و انعکاس صور معقوله یه اجلائی مرایا اولدیلر .

الحديث الثلاثون

قول رسول اوزره نمودارشئ
 اعتبروا الارض باسمائها واعتبروا الصاحب بالصاحب
 اولیه اسمیله مصاحب کی
 (متن الحديث)

نوادر اتفاقا یاندندرکه بو حدیث براعت ظروفاک اجواف اصداق حروفده درر حکم مخزون و مزاحفات بحر سریعدن (مفتعلن مفتعلن فاعلان) وزنی اوزره بالتام بر بیت موزوندلر . ابن عدی کتایب کاملده حضرت ابن مسعوددن رضی الله تعالی عنه بو عبارت ایله روایت ایتدیکی جمع الجوامع و جامع الصغیرده اشارت اولمشدر . طالبان حق الیقینه ظاهر و مستبینه درکه ﴿ تنزل الاسماء من صوب السماء ﴾ فحواسی اوزره اسمانک مسمیانه تأثیر ناگزیری واضح و روشن و سخره سخره نفس و هوأ اولان اهل دنیا قرنا و خاطادن استراق احوال و اخلاق ایتدکاری عندالحکما مبرهندلر . بوسبب دندرکه سلطان انبیا و مرسلین علیه وعلیهم افضل صالوات المصاین نیجه اسماء قییهی اسماء حسنه یه ابدال و نیجه اسمادن مسمیانه استدلال بیوروب تحسین اسمی اولاد پدران نیکونهاده امر مندوب و مشروع و بومعنی رفقده کبار اولان کتب سیر و اخبارده مفصل و مشروحدر .

(قصعه)

الاربّ شىء فيه من احرف اسمه نواه لنا عنه وزجر وانذار
فتنا بدینار و همنا بدرهم و آخر ذا هم و آخر ذا نار
روایتدرکه قطب رحای رسالت محور رجای اهل بسالت :

(نظم)

سالار مقربان درگاه سلطان سریرلى مع الله

صلى الله تعالى عليه و على المنتسبين اليه جانب طيبة صيته به توجيه خاطر
عزت قرين و شرف مقدم مكرملى ايله اول خاك پاك تابناكى رشك
فردوس برين بيورد قلرنده قبيله انصاردين بر نيكو كارك دار نزهت
مدارينه تشریف نزول و خانه كثير النفاعنه كه نمودار ﴿ لىكل شىء دولة
حتى البقاع ﴾ ايدى و لوج و دخول بيورديلر . اول ميزبان شيرين زبان
بو نعمت بى كرانك شكرانه سى ايجون بسط نوازش و ندا و خلال قيل و قلده
سام و يسار ايله مسمى و نامدار ايكي خدمتكارينه خطاب و ندا ايتد كده
اول شفاعت خواه دور و نزديك و كويای ﴿ اخذنا القال من فيل ﴾
بو كلام مسرت مساقدين على وجه الاشتقاق سلامت حال و يسر آمله
استدلال و ﴿ سلمت لنا الدار فى يسر ﴾ مقالى ايله القاء قرعة فل
بيورديلر .

(نظم)

زما قرعه بركارى انداختن زكار آفرين كارها ساختن

شرح لامية العجمده نيكاشته مزبر بدائع رقمدرکه سگان باديه
و بيدادن براعرابى بى سروپا مهاجرت اوطان و ديار صاحب سطوت

﴿ ان الشيطان يفر من ظل عمر ﴾ اولان خليفه داد كستري قصد ازديار ايدوب مجلس قبوله دخول وحاشيه بساط بي مثالده مشول ايلده كده حضرت امير اول زائر روشن ضميرك اسم و رسمندن استخبار واول ساكن دارالفرقه نامى شهاب بن حرقه اولديغنى اشعار ايلدى . تكرار قبيله و تبارندن سؤال واول غريب ديار اهالى حرد ناردن اولديغنى اجمال ايلدى . بعده مسكن و موطنندن استعلام واول مسافر باديه پيما ذات لظى اولديغنى عرض وافهام ايله ختم كلام ايلدى . اول داد رسان ذكر واث و كويى ﴿ وافقت ربى فى ثلاث ﴾ متمم عدد اربعين مقصود ﴿ يا ايها النبى حسبك الله ومن اتبعك من المؤمنين ﴾ طبق حكمت خفيه دن رفع غطا و سرپوش و قلزم بيكران كرامتى جوش ايدوب ديدى كه : اى سر قدردن بي خبر كلبه احزانكه افتان و خيزان قفول و عودت و بويابده شتاب و مسارعت ايله كه بودكلو اجتماع نيران سنك خانه ويرانكى توده تراب و خامانكى نارضا و بوار خراب ايلمشدر . اول زائر حائريج و تاب ايله عجله و شتاب ايدوب كوردى كه كازد تنك و تارى ﴿ كرما د اشتدت به الريح ﴾ و قوم و تبارى زاويه بيوت خاويه ده نيم كشته و جريخ اولوب مساكنى ويران و يباب و سواكنى عرضه عارضه فنا و تباب اولمش :

(قطعه)

هذى منازل قوم قد عهدتهم فى كل عيش وامن مالم خطر
هاجت بهم حاثات الدهر فانقلبوا الى القبور فلا عين ولا اثر

ابن جوزى جوزى بالخير الاوفى (كتاب الوفا فى فضائل المصطفى) ده
حبل حكايى احكا و تشنكان ظهيره معرفتى زلال روايت ايله اروا
ايتمشدر كه حضرت رسول امين نبى الانبياء والمرسلين :

(نظم)

ابلق من ابلغ ام الكتاب افضل من اوتى فصل الخطاب
صل عليه وعلى آله مظهر الحب على الواله

يار غار صديق اولان حضرت صديق ايله رضى الله تعالى عنه اختيار
مسافرت و مدينه دينه توجه و مهاجرت بيورد قلرنده بریده اسلمی کندو
قبيله نيله سی اولان بنی سهدمن یتش را کب بی وهم ايله عزم راه
و پس ویشه دیده دقت بیشه ايله نكاه ایدوب :

(نظم)

شبت و بادیه و بادومن چنین کمره مکر سعادتی ازغیب رهنمون آید
مضمونی بدرقه درون ایتش ایکن ناکاه میان شب سیاهده اول
شیچراغ رسالت و بلاغ ايله انتقا و مسکن خضوع و مسکنتده نقد لازمه
عمودیتی انتقاد و انتقا ایلدی .

(نظم)

شاه پیغمبران بتیغ و بتاج تیغ او شرع و تاج او معراج
اصرو نیش براسی موصوف نهی او منکر اصرا او معرف

حضرتلری دربت قربت انجاملری اوزره بدء کلام و اول شبکورد
سحرا خرامک نامندن استتبا و استفهام بیورد قلرنده جوهر سخنی
طبق عرضه نهاده و میان بنده و آزادده نام مادر زادی بریده اولدیغنی
اقدده ایلدی . اول محرمه سبجات جمال و جوهرکان (کان یحب النقال)
علیه الصلاة والسلام من الملك القدوس السلام حضرتلری مخصوص
شرف (ماصب الله فی صدری شیئاً الا صیت فی صدر ابی بکر)
اولان صديق بی مکرمه اسماع نوید لاضیر و (یا ابا بکر برد امرنا و صالح)
قول اصحی ايله فال خیر بیورد یار . بعده اول غریب نسیب ورده نورد

بالا ونشیه حسن توجه وانعطاف ودوده ستوده سندن استکشاف
بیوردقلرنده مقام استسلامده قدینی لام و بی اسلمدن اولدیغنی اعلام
ایلدی. اول یکسواره معرکه (انا بی السیف) ونشاه دار مشاهده بی
کیف مکحل چشم (قرة عینی فی الصلاة) علیه صلات العلووات
مصدق (ان الله بعثنی الی الناس عامه والیک خاصه) اولان صدیق صادق
الاخلاصه سلمنا ایله عرض بشره بشارت و (الفأل علی ماجری)
معناسته اشارت بیوردیلر. تکرار اول مسافر مسافنه کنزاره اظهارنوازش
واشفاق وشعب اصلیسندن استنطاق بیوردقلرنده بی سهمدن اولدیغنی
عیان وبومحمد حبل کلام بریده بریده اولوب سمت مقصوده صرف
عنان ایلدی. اول صاحب اسرار (سبحان الذی اسری) وروشن
دیده (ولقد رآه نزلة اخری) :

(نظم)

باد هر دم صد درود و صد سلام بر رسول و آل واصحابش تمام
یشوای اهل السنه و (اول من یدخل الجنه) اولان صدیق بی همتا
صاحب خصوصیت (ما ظنک باثنين الله ثالثهما) بی رضی الله تعالی
عنه (خرج سهمک) ایله تبشیر و خف آمان مطویه بی تنشیر بیوردیلر.
(کتاب موطا) ده صوان بیاندن کشف غطا اولنمشدرکه بریوم سعید عید
مثال و روز پیروزمبارک فالده مفتخر ملک و بشر روشن چشم مازاغ البصر :

(نظم)

مشعل نه پیشگاه اقرار آتش زن دودمان انکار
قطب فلک سکینه و حزم فرمانده موکب اولوالعزم

بر شتر دوشایی اراده حلب و برحالب مناسب طلب بیوردقلرنده نجوم
سماء هدایتدن براعرابی پاک طینت کین انتهاز فرصتن قیام وانتصاب

و بتقریب ایلہ بارکاء رسانته قصد انتساب ایلدکده صاحب مہر نبوت تنہا
 خرام اقصای ختمیت (ع) روان باد بر روح اوصد تھیت - مسارعتن
 منع وارجا و سؤال عن الاسم رسمنی اجرا بیوردیلر. اول شخص مقدم
 ترعہ سرعت کلامی کشادہ و نامی مرہ اولدیغنی طبق عرضه نمادہ ایتدکده
 اسم مرد مرارته مادہ اشتقاق و مشعر مشقت و عدم اشفاق اولمغین پیشکاه
 مبادرتدن ابعاد وصف نعال مدافعتده ابعاد اولندی. تکرار اول شتر شیر -
 بارکاء استدراری جناب رسالت پناہہ دلخواہ اولوب حضار مجلس ملائک
 مقرر دن شخص آخر بو خدمت شرف مدارہ مسارعت و بدار ایتدکده
 آنی دخی توقیف و نامنی استعلام ایلہ نواخت و تشریف بیوردیلر. اول
 ناکملک دخی نامی حرب اولدیغنی معلوم و تأثیر نام نامناسب ایلہ اول
 دوشندن محروب و محروم اولدی. بعدہ احتلاب لقحہ قویہ متعلق ارادت
 نبویہ اولدقده شخص سیومین کہ بی ریب و مین مظهر (فعرزناہ
 بشالت) و مکسن فرصتہ ماکث ایدی کمال احتیاط و وروع ایلہ اول
 خدمتہ شروع ایلدکده آنک دخی نام و نشانندن پرسان اولدیلر. اول
 سعید صواب اندیش نامی یعیش اولدیغنی کمال ادب و تشویر ایلہ ابانہ و تقریر
 ایتدکده اسمی تعیش و اقبالہ دال اولمغین بین الا کفہ ضامی روز افزون
 و تنفیذ امر سابق ایلہ مأذون اولدی. تأثیر اسمی موضوعہ دہ مسموعہ
 اولان روایات صحت آیاندن درکہ یثرب کہ ثربدن مشتق و لسان عربیدہ
 ثربہ عابہ معناسنہ اولدیغنی محققدن قبل المہجرہ مدینہ منورہ یہ اسم علم
 و بونام ایلہ مشہور عالم ایکن اطلاق لفظ یثربدن منع و تحذیر واکا بدل
 طیبہ و طابہ ایلہ عنوان پذیر اولمشدر. منشور الہیدہ کہ مستنبط اوامر
 و نواہیدر (یا اہل یثرب لامقام اکم) بیوردیغنی زبان منافقیندن سوق
 و تعیین اولنش کلام محکی و منقولدر. بو تقدیر جہ حدیث نہی اتما ایلہ آیت

رخصت نما بینده تدافع و تمناع اولدینی معلوم ارباب عقولدر . حدیث سابق التحریرک نصف اخیرنده تصریح و بیان اولنان اتخاذ انتخاب و اخدان فی حد ذاته بر امر مطلوب و سبب راحت نفوس و قوت قلوبدر .

(قطعه)

الالیت شعری هل اری الدهر واحداً قریناً له حسن الثناء قرین
فاشکو ویشکو ما بقلبی وقلبه کلانا علی شکوی اخیه امین

ابوداؤد علیه رحمة اودود راوی و ناقل اولدینی ﴿ یحشر الرجل علی دین خلیله فلینظر احدکم من یمخالل ﴾ حدیث صحیح الاسنادندن مستنبط و مستفاد در که :

(قطعه)

کفی واعظاً للمرء ایام دهره تروح له بالواعظات و تغتدی
عن المرء لاتسأل و سل عن قرینه فکل قرین بالمفانر یقتدی

خوای اوزره هر کسک حالی و نقصان و کالی رفقا و قرناسندن معلوم اولور و هر شخصک حمق و فطاتی همراز و بطانه سندن ظهور بولور .

(نظم)

جاذبه جنسیت است اکنون بین که تو جنس کیستی از کفر و دین
کر بهامان مائی هامانی و ربموسی مائی سبحانی

حضرت ابن مسعوددن ورود بولان خبر حکمت اثر که ﴿ ما لدخان علی النار بادل من الصاحب علی الصاحب ﴾ در ایرادی بو محله ملائم و مناسبدر .

(قطعه)

من عاشر الاشراف عاش مشرفا و معاشر السفهاء غیر مشرف
او ماتری . جلد الحقیر مقبلا بالصغر لما صار جلد المصحف

مخدرات حکم خفيه ايله همنشين اولان حکماء پيشين اسافل ورعاع الناس ايله آميزش واستيناسی نقصان استعداددن عد و بوابده دروازۀ مسامحه يي بالکليه سد ايدوب خلطاء سوءدن تجنب واحتراز وادانی يه مدانی اولمقدن حسب الوسع توقی واحتراس ايلمشردر .

(نظم)

زيانکاری ما از همنشين است عذاب دوزخ از بئس الفرین است

مقارنت اشراک جهل غوائل ومضارندندرکه موشکافان دقائق حکمت تأثیر صحبته مائلر وسرايت فضائل ورذائله باسرههم قائلردر .

(نظم)

مده مدبران را برخویش راه که انکور از انکور کردد سیاه

بعض نفوس زکيه وطبائع وقاده وذکيه يه تأثیر اتمديکی تقدیرجه ارزال واسقاط ايله مجالسه واختلاط بر حسب (الجنسية علة الضم) سبب نکوهش و ذم اولور . بومعنی خود محض سرايت ، بلکه (صحبة الاشرا تورت سوء الظن بالاخيار) مقتضاسی اوزره اضراشیا اولديغی معلوم اهل ذکا ودرایتدر .

(قطعه)

اصحب اخا کرم تخطی بصحبته فالطبع مکتسب عن کل مصحوب
کاربع آخذة مما تمر به تننا من التيق اوطيباً من الطيب

ورشته و داد استحکام وانعقاد بولدقن صکره کشاکش مرا وخصام ايله انفصال وانقصامدن احتراز واسباب حزم واحتياط احتياز اولنه که لاف محبت و الافدن صکره جدال وخلافک غائله وضرری اکثر واصحاب جاه و ثروته تبعه وندامتی ازید و او فردر .

(نظم)

ومن كرم الاخلاق ان يصبر الفی علی جفوة الاخوان من غیر زلة
اگر چه بادیة هواده ترك سلم وهواده ایدن اهل غفلت امر صحبتي
تهوین و بوبیتك منطوقی ایله اظهار تلوین ایلمشدر :

(نظم)

بهیچ یارمده خاطر و بهیچ دیار که بر و بحر فراخت و آدمی بسیار
اما حقیقت بین اولان اهل تمکین بو قول بی طائله قائل اولمیوب احباب
و آلاجنابدن نه دکلو جفا و صدود صدور ایلسه :


(نظم)

خویشان کهن عهد چوبیکانه شوند بیکانه نورسیده خویشی نکند

مصداتی اوزره سر رشته خلت و وفاقی کم ایتمزلر و الصدیق الالوف
لا یباع بالالوف قول معروفی اوزره سبیل سئامت و عزوفه کیتمزلر.
(ع) ناجوانمردی بوددی دوست امروز آشنا شعراء نادره کاردن
بر مجرب روزگار ابناء زمانه نك کنزد و نکایتندن بث شکایت ایدوب
بو قطعه قاطعة الوداد ایله کوش جهان جفانهادی پرو آشنائی قدح
و بیکانه بی مدح ایله اختیار صنعت تغایر ایلمشدر :

(قطعه)

ومازلت مذلاح المشیب بمفرقی اقتش عن هذا الوری و اکشف
فما ان عرفت الناس الا ذمتهم جزی الله خیراً کل من لست اعرف



الحديث الحادی والثلاثون

علمه چالش کیم علما اولدیلر ظلمت بدعتده هداة سبیل
قیلیدی روایت بو حدیثی علی الفقهاء امناء الرسل

(تمام الحديث)

الْفَقْهَاءُ أَمَّا الرُّسُلُ مَا مَ يَدْخُلُوا فِي الدُّنْيَا وَيَتَّبِعُوا الشَّيْطَانَ
فَإِذَا فَعَلُوا ذَلِكَ فَاحْذَرُوهُمْ

عسکری حضرت علیدن رضی اللہ تعالیٰ عنہ بوعبارت ایلہ روایت
ایتدیککی جامع الصغیرده مسطوردر . روایت اخراده الفقهاء محانده العلماء
ورود بولدینی بومدعایه سند قویم وقویدر . مظهر فضل لایزال
امام محمد غزالی کتاب احیاده تحقیق وانبا ایتدیککی اوزره تباشیر صبح
صادق بعثت واولائل انتشار نور نبوتده که شرف یافتہ عنوان ﴿ خیر
القرن ﴾ وقرب عهد رسالت ایلہ آفتاب عالمگیر هدایت روز افزون
ایدی لفظ فقه علم آخرته ومعرفت آفت نفس بد سیرته وجناب خلاقدن
خشیت و اشفاقه اخلاق اولنور ایدی . ﴿ لیتفقہوا فی الدین ولینذروا
قومهم اذا رجعوا الیهم ﴾ آیت حکمت انما سنک دخی مقتضایی بودر که
تفقہدن مقصود اصلی انذار قوم و مدام احباب بدع و مذامی تنذیر
ولوم اوله و الانذار بع لعان و طلاق و تفصیل اجاره و عتاق ایلہ امر
وعید و نذیر تمشیت پذیر اولیوب بلکه مسائل غیر واقعده تعمق و وظوب
سبب قسوت قلوب اولدینی مستغن عن البیان و ﴿ لایفقه العبد کل الفقه
حتی ینقض الناس فی ذات الله ثم یرجع الی نفسه فتکون امقت عنده
من الناس اجمعین ﴾ حدیث صحت قرینی اثبات مدعایه دلیل وبرهاندر .

(نظم)

خشية الله را نشان علم دان انما یخشی تو در قرآن بخوان
سینه رازان علم و خوف آباد کن رو حدیث لو علمت یاد کن

﴿ من یرد الله به خیراً یفقهه فی الدین ویلهمه رشده ﴾ حدیثنده

فقه معنای لغوی ایله مشروح ومفسر وسائر احادیثه دخی فقه ایله
معنای مصطلحی قصد اولمدیغی عند الشراح امر مقرر در. صحیح بخاریده
تعدیل ارکان نقل و بیان رعایت ومعموره عدل وجهان بانی بی بانی اولان
خليفة ثانينك رضى الله تعالى عنه ﴿ تفقهوا قبل ان تسودوا ﴾ قولى روايت
اولندقدن صكره ﴿ وبعد ان تسودوا وقد تعلم اصحاب النبي صلى الله تعالى
عليه وسلم في كبر سنهم ﴾ مقالى ايلاه فثدء قاعدء ايجال تكميل وخامت
پند ونصيحت تذييل اولنمشدر .

(قطعه)

تعليم وريهان الشباب بتائه فى الفصن شئ ليس يوجد فى الشجر
وما حفظ الانسان فى مدة الصبي يدوم دوام النقش فى صفحة الحجر

طبع مستقيمي آفت فهم سقيمدن سايم اولان محق بلند پايه
نكته يابه مستور ومستراب اولميه كه بوتفصيل طويل الاذبالدن مقصود
ومأل فضيلت فقه مصطلحيد جبال ومرا وعلم فروعه شروعى حاشا
ثم حاشا نقص وازدرا دكلدر . بلكه صاعدان معارج علو همت اولان
علماء پاكيژه طينت مجرد فقه بي اصولك حصولى ايلاه خرسند ودل معالى
پسندلرى بو مرتبه ايلاه قنع وبسند اولمديغى تحقيق وافاده ورخصت
آيت ﴿ رب زدنى علما ﴾ ايلاه جناب واهب العطادن استزاده در .

(نظم)

هرچه ازان نام وثنات دهند كرنه پسندى به ازان دهند
هردم ازين باغ برى رسد تازه تراز تازه ترى مى رسد

جنت علم ومعرفت كه مكاره بي نهايت ايلاه محفوف وهر مدعى ابو-
الفضول حرم سراى حصولنه وصولدن مكفوفدر برامانت كبرى وموهبت
عظما دركه نوع الانواع عالم امكان اولان زمرء انسانك خالص اشراقه

اعطا والظاف اولمشدر . اول نعمته مظهر اولان اهل فضل وهنره
حکم محتوم واول امانته شایسته وقین اولان مؤمن مؤمنه امر ضروری
الزومدرکه اولاقبل الشروع صحیفه روعنه ثبت تصحیح نیت وعلوم
نافعه تحصیلنی که اصل اصیل ورکن اثیلدر پیش نهاد همت ایدوب
(من ازداد علما ولم یزدد هدی لم یزدد من الله الا بعدا) حدیثی
ملاحظه وتصورو (من طلب العلم ایجاری به العلماء اولیاری به السفهاء
او یصرف به وجود الناس الیه ادخله النار) وعید شدید الانذارندن
تحرز وتصون ایده .

(نظم)

ای بسا علم و ذکاوت و فطن کشته ره رورا چوغول و راه زن
بیشتر اصحاب جنت ابلهند تازشر فیلسوفی وارهند
ثانیا مجهولانی سؤال واستکشافدن ابا واستنکاف ایتیموب افوا
رجالدن علم و کمال و (رب حامل فقه الی من هو افقه منه) حدیث
معجز بیانی اوزرده ضاله مؤمنی حیثا کان وجدانه سعی بی هالد ترک توانی
واهمال ایده .

(نظم)

ای بسا عالم ز دانش بی نصیب حافظ علمست آنکس فی حبیب
مستمع ازوی همی یابد مشام کرچه باشد مستمع از جنس عام
ثالثا سراج و هاج (الدین النصیحه) بی سر آستین مداهنه قبیحه ایل
اطفا و مقتضیات نواهی و اوامری برای خاطر اکابر کتم و اخفا ایتیموب
(لتبیننه للناس ولا تکتُمونه) آیت حکمت نمونه سنی پیش نهادکار و (من
علم علماً ثم کتمه الجمه الله یوم القیمة بلجام من نار) وعید آتش
بارخی ادکار ایده .

(نظم)

علم سوی در آله برد نه سوی مال و نفس و جاه برد
علم بی کار پای نسد بود علم با کار سود مند بود

بو تفصیلک اجمال جمیلی بودر که و رانت انبیا بر دولت عظمای در .
فضیلت علم و معرفتده روایت اولئان احادیثدن و نعم لازمة التحدیثدن در که
(فضل العالم علی العابد کفضل القمر لیلة البدر علی سائر الکواکب) .
بو کلام فصیح حضرت مسیحک گفتار وحی اساسی و عبارت براءت
اساسیدر که (من علم وعمل، فذلک یدعی عظیما فی ملکوت السماء)

(نظم)

علم که راهش سلامت بود بدرقه راه قیامت بود
عالم یزدان بود از حیلای دور هیچ کسی سایه نه بیند ز نور

مرکز دائره کشف و یقین مخصوص لقب قطب العارفین :

(نظم)

حضرت بایزید بسطامی روح الله روحه السامی

بر نفس ظلمانیده سلوک و سیرانی و بحر روح نورانیده پرواز و طیرانی
لوح تصویره ثبت و تحریر ایدوب دیمش که: اوتوز سالدركه علی الاتصال
اهوال احوال حاقه کی مجاهدات شدیدة شاقهیه مٹا برت واشتغال
و ترك راحت و هجود ایلایه ازاله ذنب وجود ایچون (موتوا قبل ان
تموتوا) امرینه اطاعت و امتثال ایدرم. بودکلو مدد مدیده العددده
متابعتم علمدن دشوارتر بر زحمت بی مر و امر اصعب و امر کور مدم .

(نظم)

هرچه نه قال الله قال الرسول هست براهل فضیلت فضول
علم چودادت زعمل سرمسیح دانش بی کار نیرزد بهیچ

علماء امت بنی عدیل انبیاء بنی اسرائیل تشبیه و قدر و منزلت لری کتب
منزلده تنویه از انوب بوبابده ورود بولان اخبار نامعدود خارج عقود
خناصر و محاسن بنی حسابی احاطه و استیعاب عجز افکن مهندسان عالم
عناصر در (ع) محیط مایفی بمالاینفد شعراء جاد و تریبدن برشاعر
ماهر اریب بازار پر اعتبار (البلاغه بلوغ انعام) ده دراهم الفاظ
نصاحت انتظامی نقد و بوحدیث مشهوری که زبان زده نزدیک و دور در
بوجهله عقد ایلمشدرکه :

(نظم)

فان فقیهاً واحداً متورعاً اشد علی الشیطان من الف عابد

الحديث الثاني والثلاثون

وقت ضرورتنده میسر اولور حقه شکایت ایله راه رها
مخبر صادق سوزیدر بوحدیث اشتکت النار الی ربها

(تمام الحديث)

اِذَا اشْتَدَّ الْحَرُّ فَبَرِّدُوا بِالصَّلَاةِ فَإِنَّ شِدَّةَ الْحَرِّ مِنْ فَيْحِ جَهَنَّمَ وَاسْتَكْتِ
النَّارُ إِلَى رَبِّهَا فَقَالَتْ يَا رَبِّ أَكُلْ بَعْضِي بَعْضًا فَنَزَلَهُ بِنَفْسَيْنِ نَفْسٍ فِي
الشِّتَاءِ وَنَفْسٍ فِي الصَّيْفِ اشْدَ مَا تَجِدُونَ مِنَ الْحَرِّ وَاشْدَ
مَا تَجِدُونَ مِنَ الزَّمْهِرِ

صحیحینده حضرت ابو هریردن رضی الله تعالی عنه بو عبارت ایله

روایت اولمشدر. نقش پرداز ارژنک فصوص عقدہ کشای متشابہات
نصوص ابو الالباء الروحانیین اکمل العرفاء الربانیین واقف سر نبی
نوبی حضرت شیخ محی الدین عربی :

(نظم)

قدس الله سره الاصفی وحبانا بفیضه الاوفی

فتوحات مکیده مناط بلاغتی تنقیح وبوکلام مسجع ایله که رشکین ساز
روان ابن مقفع در حدیث مذکورہ تلمیح ایلمشدر: (ما اظهر الشتاء
والقيظ الا تنفس جهنم من الغيظ) بو حدیث صحیح الاسنادده صلوة
ظهر مراد اولدیغنی علماء پیشین تصریح و تبیین و بنساء مدعای دعائم
احادیث اخر ایله ترصیص و ترصین ایلمشدر . بوسبیدندر که زمان
شده حرده صلوة ظهرک تأخیری مستحب وعامة کتب فقهیه ده بومسأله
مسطور و مکتبدر. صاحب منقبت (ما ظلت الخضراء ولا اقلت الغبراء
من ذی لهجة اصدق من ابی ذر) علیه الرضوان الا کبردن نقل صحیح
الاثردر که بر فصل تابستانده حر هوای هاویه سان ایله هنکامه کرم کرم
و نمونه (حر یشبه قلب الصب و یذیب دماغ الضب) اولان سموه
آتش تاب ایله صخور صم صلاب نرم اولمش ایدی .

(نظم)

زمینی زکو کرد بی آب تر هوای زهران جگر تاب تر
نه آبی درو سرد جز زهر ناب نه مهری برو کرم جز آفتاب

سلطان ملائک حشم صلی الله تعالی علیه وسلم بر غراوی ظفر
اعتزایه نهوض و اعتزام و کوشمال اصحاب شمال ایچون تشمر و احترا
بیورمشدر ایدی . پاسبان وقت اذان اولان مؤذن خوش الحان ضو

وضوء ایله استزاده پاکی و طهر و ظهیر و حرارت ظهورده قصد اقامت
 ظهر ایتدکده بارگاه رسالت پناهندن اول مؤذن راد انتظار و ابراد ایله
 مأمور و دل هدایت پیروی تلفت و نوازش نبوی ایله اهل و معمور
 اولدی. تأخیر یسیردن صکره ازاله شواغل هستی و بانك نماز پیشینه پیش
 دستی ایتدکده اعاده امر ابراد و تکرار کله ﴿ ابردوا ﴾ ایراد اولندی.
 موقوف انتظارده اول مقدار قرار ایلدیلر که افیاطلال مفارق تالاه دامن
 کشان و اول وادی شرر آلودده سایبان ظل ممدود آرامگاه بی کسان
 اولوب روی هواء کرم فی الجمله بارد و خنک و ضباع پراندوده و کرم
 منشرح و سبک اولدی. بعده پیام اذن اذان ایله اعلام و ایدان اولنوب
 متعاسان مکتب عباداته کتاب ادب صلاتی تعلیم و مشروعیت تأخیر
 مبهمی ﴿ فان شدة الحر من فیح جهنم ﴾ ایله تعلیل بیوردیلر. عالم ربانی
 ابن حجر عسقلانی که هر تحقیق عمیق قلوب ذوی الحجرده کالتش فی
 الحجر و کنجینه شرح بخاریده پنهان و متواری اولان هر نکته آبداری
 بر قستی کهر در حدیث مسفورده مذکور اولان ﴿ نفس ﴾ عبارتند اعراب
 ثلثه نی تجویز و تعیین و حالت جرده بدل یا خود عطف بیان اولسنی
 تصریح و تبیین ایلمشدر و ﴿ اشد ﴾ لفظک اگر چه علی وجه البدل جواز
 مجروری غیر مدفوعدر لکن بعض روایات صحیحه ده مرفوع اولدینی
 مسمودر. قاضی بیضاوی که اشتات علوم معقوله و منقوله نی حاویدر
 شرح مصابحه خبر مخدوف المبتدا اولسنی ترجیح و تقدیر کلام ﴿ فذلک
 اشد ﴾ اولمنی تصریح ایلمشدر و فاضل طیبی که منبر فضل و هنرک خطیبدر
 شرح مشکاته بونک عکسنی اشعار و تقدیر کلام ﴿ اشد ماتجدون من الحر من
 ذلک النفس ﴾ اولمنی اختیار ایلمشدر. بعض روایاتده ﴿ فهو اشد ﴾
 واقع اولدینی مسلك بیضاوی نی تأیید و روایت نسائیده ﴿ فاشد ماتجدون

من الحر حرجهم) ورود بولدیغی مذهب طیبی ناکید ایدر وشکوائی
 ناردده قول راجح و مختار بودر که سلوک کریوۀ مجاز مرخص و مجاز
 اولیوب بلکه زبان حقیقت اوزره مسبوق ولسان قل ایله منطوق اوله.
 (نظم)

باد و خك وآب و آتش بنده اند با من و تو مرده با حق زنده اند
 نطق آب و نطق خك و نطق كل هست محسوس حواس اهل دل

زیرا استعاره و مجازك جوازی اگر چه معهود و مسموع و بین البالغه
 كثير الوقوع والشیوعدر لیکن بومحاده شکوانك تعلیل و تفسیری و اذن
 و قبول ایله ادا و تعبیری و اثبات نفس ایله تقیید و نفسك ایکیه قصر
 و تحدیدی استعمالات مألوفۀ مجازیدن بیرون و محجۀ دار الملائك حقیقته
 رهنموندر. خارج دائرۀ امکان ظن و حسابان اولنان اشیا دست خوش
 قبضۀ قضا و مسخر قدرت بی چون و چرادر.

(نظم)

من شاء فليؤمن ومن شاء فليكفر خلاف الذی قلناه والله صادق

مخبر صادق که بر امری انبا و مسماع اولی النهایه انها ایلیه ظاهرندن
 تحویل ایله توجیه و تأویل اولنمیوب تاقی بالقبول و حقیقته محمول اولمق
 احق و اولی و موافق رضای مولی در.

(نظم)

هیچ بی تأویل این را در پذیر تادر آید در کلو چون شهید و شیر
 زانکه تأویلیست و اداد عطا چونکه بیند آن حقیقت را خط
 آن خطا دیدن ز ضعف عقل اوست عقل کل مغرست و عقل جزو پوست

خصوصا که اشراط ساعتی بیان ایدن احادیث صحت عنواندر
 (والذی نفسی بیدم لا تقوم الساعة حتی تکلم السباع الانس و حتی تکلم

الرجل عذبة سوطه وشرائه نعليه ويخبره فخذ بهما يحدث اهله بعده
 حديثي که سنن ترمذیده حضرت ابوسعید خدریدن رضی الله تعالی عنه
 خرج ووجه کلام فصیح کالکونه عبارت (حسن صحیح) ایله تسریح
 اولنشد در نه وجهله تحمل قال وقیل ونه طریق ایله قبول تأویل ایدر.
 (ثومن ببعض ونکفر ببعض) مزلقه سندن تحفظ واحتراس وحفظ
 عقیده صحیحیه سعی واحتراس هر مؤمن بی غرضه امر متحتم ومفترضدر.
 (نظم)

فکر خود را کر کنی تأویل به که کنی تأویل آن نامشبهه
 خویش را تأویل کن نه اخبار را مغز را بدکوی فی کازار را

شناسای قدرت حق ومعتقد افعلیل قادر مطلق اولان دانای خبیره
 خبی وستیر اولمیه که مشرب اهل تحقیق ومسالك ارباب توفیقده هر شیء
 موجود در آن ناطق ودقائق قدرت معبودی مخبر صادق اولوب خرق
 عادت وشکفت وغرابت آنلرک لسان فصیح وکلام صریح ایله تکلم
 وتسبیح جارنده دکل، بلکه کلام عبرت انجامارینی استماعده وآنلر ایله مقام
 کلامده اختلاط واجتماعده در.

(نظم)

کر نیندی واقفان امر کن در جهان رد کشته بودی این سخن

کشف حقائق قرآنیه محرم سبحات سبحانیه اولان محیی مراسم
 ین اکبر کبراء عارین حضرت تلرینک کتاب مواقع النجومده مسطور
 مرقومدر که نطق جماداتی استماع وآنلرک کنه اصوات ونغائیرینه فقه
 اطلاع منازل سلوکدن بر منزل بلند پایه ومقامات سالکیندن بر مقام
 گران وایه در. فائده سی مستعدان معالی اموری مراقی رفیعۀ مشاهده

و حضوره اصعاد و خلعت دوام استقامت ايله تشریف و اسعادر. بومعنی
 مواریت نبویدن بر حالت قویه اولوب حضرت رسالتک ید بیضا
 اضائلرنده و کبار اصحاب کرامت استصحابدن من شاء الله کف کیفیت
 دستکاهلرنده سنک ریزه نك تسبیح ورنینی و جذع رصین الاساسک
 علی ملاء اناس حنین و انینی و حجر و شجرک سلامی و کتف شاة مسمو-
 مه نك کلامی مشهور و متواتر و بونك کبی خلاف عادات نطق جمادات
 اسفار سیر و اخبارده بی حد و متوافردر .

(نظم)

دعوت حیوان چو کرد او آشکار شاهدش بزغاله بود و سوسمار
 داعی ذرات بود آن پاک ذات درکفش تسبیح ازان کردی حصات

بحر استغراقه مالک اولان سالک که بو حال ايله متحقق و سیرت اتقیای
 پاکیزه بل ايله متخلق اوله آکا بر حالت بیداری طاری اولور که هر شی
 موجودک سرود تسبیح و درودی درآک و حساس اولان آحاد ناسک
 کلام صراحت شمولی کبی داخل سمع قبول و مسموع ارباب عقول اولور.

(نظم)

کرچه این حالت بسی نادر ترست تومشو منکر که حق قادر ترست

زیرا فی نفس الامر غیر ناطق و تعاطی خطابه نالائق اولان اشیا
 بی زباندن ادعاء تسمع بیان قوت خیال متلاشیدن صادر و ناشی اولور که
 اشیا نابوده بی توهم و تحیل آنک رسم و سانی و امور موهومه غیر
 موجوده ايله تعلل آنک دأب و شانیدر. فی زماننا اکثر علماء غیر راسخین
 علت ضعف یقینه گرفتارلر و اقتضاء تلوین ايله بوداء دفیندن حصه دار
 لردر. لسان حال مقالی کندولره ستره و پناه و مسلاک مجاز و تأویلی رأی
 سخیف علما لرینه مناص و کریز گاه ایلان شلردر . اما کاشانه پر نقش

دروغ نری دخان فحوای (ولکن لا یسعون) ایله دود اندود اولدیغنی
 یلمزلر و داء عضال اشکالرینه اهل ذکر دن سؤال ایله دوا قیلمزلر .
 حضرت شیخ قدس الله سره و احل روحه علی الاسره بو محل انیق
 کشف و تحقیق دن صکره اوائل ریاضت و سلو کده که مبادی رفع شکو کدر
 نطق صریح اشیایه القاء سمع اصغا ایتد کلرینی ذکر و بو منزل خطیر
 سر پذیر اولدیغنه تقدیم وظائف حمد و شکر ایلمش لدر (ع) زنه ار
 باش منکر قدرت حق و رهنمای صراط سوی صاحب طرز خاص
 شتوی قدس الله سره العزیز و افاض علی محبیه من فیضه العزیز بو ابیات
 ثانی حکمت مبانی ایله تبکیک خصم و ظهر انتخاب تأویلی قسم ایلمش در:

(نظم)

چون ندارد جان تو قندیلها	بهر ینش کرده تأویلها
که غرض تسبیح ظاهر کی بود	دعوی دیدن خیال غی بود
بکه صریننده را دیدار آن	وقت عبرت می کند تسبیح خوان
این بود تأویل اهل اغترال	وان انکس کو ندارد نور حال
چون زحسن بیرون نیاید آدمی	باشد از تصویر غیبی اعجمی

الحديث الثالث والثلاثون

سرفراز اول علم دین تحصیل ایدوب بدعت اربابینسه قیلمه سرفرو
 مفاخر عالم کلامی در بوسکم ان هذا العلم دین فانظروا

(تمام الحديث)

ان هذا العلم دین فانظروا عمن تخذون دينکم

صدر حدیث مزاحفات بحر رمل مسدسدن (غلاتن فاعلاتن
 فاعلن) و زنده معاقبتدر . حاکم مستدرکده حضرت انسدن و دیلمی حضرت
 ابوهریردن رضی الله تعالی عنهما بوعبارت ایله روایت ایتدکاری جمع
 الجوامعده مذکوردر . بوبابده فصل الخطاب ابو الحسن اشعرینک سرگذشتی
 واستاد گرنهادی اولان ابوعلی جبائی ایله بزکشتیدرکه قول اصح
 اوزره مسأله وجوب اصلاح ظاهر و مترائی و حقیقت غلبه و افحامی تقریر
 و افهامدن صکره ابوعلی جبائی فلات انقلاب وعدم انفلاتده ذاهب و جائی
 اولوب معارض معارضه مغلوب و مهور و کتب کلامیه ده علی التفصیل شرح
 و تعلیل اولندیغی اوزره ملازم و مبهوت اولدقدده ابو الحسن ترک مجلس استاد
 و جدار حزم و حدارداستناد ایله . فنن فنونه توغل و معالم علمده توغل ایدن
 طالبان علم و ادبه اول ماوجب بر عالم پاک سریرت خدمتنده علوم دینییه
 کسب و تنسم و انفس طیبه آلتانزدن نسیم صدق اخبار تنسم ایدوب
 سلم علم و عرفن ایله قصر اتقان و ایقانه قصد ترقی و هر مبتدع علیم
 انلسانک کلام فریب رسانندن پرهیز و توقی ایلمکدر و سفر تحصیل دندده
 اولان قلت زادی دولت مادرزاد وسیله استادی وسیله رشاد بیلوب
 مواظبت معامده ترک تلون و شامت کسل و سأمتمدن تحفظ و تصون
 ایله که حق معلمی رعایت نشانه فلاح و برخورداری واستاده مخالفت
 و عناد علامت ادبار و سبکساریدر (ع) اتقع بجهلک ان جفوت معلما
 علم دین و اخذ تاقینده دخی بومعنائک رعایای انسب . بلکه مبتدعان بد
 کهردن مدعیان بی خبرنه خیر و ضرر لری اشد و اصعبدر . مریدان ساد
 دلدن نیجه مرد قبل اهل بدعته ارادت ایله بد اعتقاد و خرمن حسن
 اعمالی عوائف غی و ضلال ایله بر باد اولوب عیاذاً بالله مهوای هوا
 برآه و مزاج استعدادی عفونت هوای فساد ایله مختل و تباد اولور .

(نظم)

ای بسا ابلیس آدم روی هست پنس بهر دستی نشاید داد دست
آنکه زرق او خوش آید مر ترا آن ولی تست فی خاص خدا

بوحدیث صحت مناظرن استنباط اولنورکه احادیث موضوعه
الاسناد ایله استدلال موع و ناروا و مطالعه کتب ناسداد ایله تحجج
وادلالات مقتضای نفس وهوا اوله. بوسیدنددرکه خبر سقیم و صحیحی تمیز
و تنقیح اعتیایه حق و غوغه و اسناد اهل بغی و الحاده جمله اشیادن اشد
و اشقدر. غار صحت اخبارده ثانی اثنین. بلکه عند بعض المغاربه اصح
تحججین اولان صحیح مسلمک دیباجه سنده شرط صحت سند حمایت
و بوکلام نصیحت اعلام عبدالله بن مبارکدن روایت اونمشدرکه (الاسناد
من الدین و لولا الاسناد لقال من شاء ماشاء) خلایب خلافده پادر کل
اولان باطلرکه مزائق اقدام افهامری اکثر بومقامدندر. حاطب لیل
و جارف سیل کبی دسترس بولدقلری خشانه هوا وهوسی مدعایینه
سند و عقل پر قصورلری ایله مذهب منصوری رد ایدرلر. ضاله علم
و رشادی انشاددن مقصود و مرادلری نیل ثواب آخرت و قرب جناب
عزت اولیوب بلکه حطاه فانی صنم و اسباب زندگانی مغنم ایدنمکه
محاسن فضیلت مجالده مرا وجدالی مسلك و و تیره واکدار مقدمات
فلسفیه ایله مشارب غیرصفیهی کرد آلود و تیره ایدرلر. یعسوب المؤمنین
خایفه چارمین یکسواره میدان نبرد مظهر دعاء (اللهم اذهب عنه الحزن
والبرد) اختصاص یاقته (انت منی بمنزلة هارون) پیشوای زمره
(یوتون الزکوة وهم را کعون):

(نظم)

بهر او گفته مصطفی بانه کای خداوند وال من والاه
هرکه تن دشمنست ویزدان دوست داند الراسخون فی العلم اوست

کرم الله وجهه فی کل وجهه حضرت تالینک رشقات لسان معجز
بیانرنددرکه ﴿ماقطع ظهري فی الاسلام الا رجلا ن علم فاجر وناسک
مبتدع فالعالم الفاجر یزهد الناس من علمه لما یرون من فجوره والناسک
المبتدع یرغب الناس فی بدعة لما یرون من نسکه﴾ ملاک امر ملک ید
واصل وعداد اهل استعداد داخل اولان طلاب دانش اتسابک جملة
آدابنددرکه تحصیل علم وهنردن قصوای وطرلری نفسی جهاتندن
تحایص وانجا ونظراتفاق زخارف بی ثباتدن صرف وانجا اولوب روز
شب استزاده علم وادبه اعتنا وخلوتخانه قناعتده نوعروس فضل ومعرفتی
اعتناق ایلیه .

(نظم)

همنشینی به از کتاب خواه که مصاحب بود که وبیکاه
اینچنین همدم لطیف که دید که نرنجید و هم نرنجانید

اگر حرفت ادب مانع نیل ارب اولورسه ﴿تعلموا العلم وان لم
تتالوا به حضا فلان یدم الزمان لکم احسن من ان یدم بکم﴾ فخواستنی
پوز بند نفس جموح وهنکام گسل سعی گسلده امام ثانی محمد شیبانینک
پسندی ایله کار بند اوله . علم بر شاهد عشوه کر و دلربای یوسف
منظر در که مزید غنچ و ناز و مقتضای غیرت غیر پردازندن مقدار ذره
تحمل بار ضره ایتیموب شیوه بیوه دنیا به میل ما اولدیغنه ناراضی و ﴿العلم
لا یعطیک بعضه حتی تعطیه کلک﴾ وفقی اوزرد استفرغ جهد اوقاته
متقاضیدر و بر آن ترک تعاهد ونسیان ونا اهاله کشف و بیان اولنسه
﴿آفة العلم النسیان واضاعته ان تحدث به غیر اهاله﴾ پرده سنده نهان
ونهفته وجامه خواب توارى و احتجابده مستریخ وخفته اولور . سپهر

حکمتده مهر اولان بزرجهړك نفاات طبع معنی دار ولفاضات ذهن
 کوهر بارندندر که (لیت شعری ای شیء ادرك من فاته الادب وای
 شیء فات من ادرك الادب) لکن کثرت علم و معرفت ایله غره و صاف که
 خلاف عادت سلفدن خاطر پرتاب مرتابنه دغدغه واضطراب ویردکده
 اولاً (احسن الادب ان یفتخر المرء بادیه) مغزای مغزدارینی عمده
 کار و ثانیاً (کلابس ثوبی زور) علم قلیل و مندور ایله تجتر و غرور دن
 عار ایدوب پیشگاه نصف دینده ارواح سلف صالحیندن استحياء و شرم
 و نار مکابده واجتهادده قلب پولاد نهادینی نرم ایده .

(رباعی)

علمی که ترا کرده کشاید بطب زان پیش که از توجن برآید بطب
 آن نیست که هست می نماید بگذار آن هست که نیست می نماید بخصب

مطیفان حظیر تمکیندن براهل رشد و یقین هائمان کرمای ظای زلال
 نصیحت مشفقانه ایله انصاح و شروط تعلم و استفاده یی بو قطعه مستجاده
 ایله ایضاح ایلمشدر :

(قطعه)

الان تنال العلم الایسته سأنیک عن مجموعها بیان
 ذکاء و حرص و اصطبار و بلغة و ارشاد استاذ و طول زمان

الحديث الرابع والثلاثون

حفظ ایدر صبیانی صاحب حزم اولان تیره فام اولدقدده مرآت سما
 امر ایدوب بویوردی سلطان رسل اکفتوا صبیانکم عند انسا

(تمام الحديث)

خَمَرُوا الْآلِيَةَ وَأَوْكُوا الْأَسْقِيَةَ وَاجِفُوا الْأَبْوَابَ وَاكْفَتُوا صَبِيَانَكُمْ
عِنْدَ الْمَسَاءِ فَإِنَّ لِلْجَنِّ انْتِشَارًا وَخَطْفَةً وَأَطْفُوا الْمَصَابِيحَ عِنْدَ
الرَّقَادِ فَإِنَّ الْفُوسِقَةَ رُبَّمَا اجْتَرَّتِ الْفِيلَةَ فَاحْرَقَتْ أَهْلَ الْبَيْتِ

صحیح بخاریده حضرت جابر بن عبد اللہ رضی اللہ تعالیٰ عنہ
بوعبارت ایله روایت اولمشدر . بو حدیث که هر حرف حکمت قرینی
عرش شرع مبین اوزره مستویدر تدبیر منزلدن نیجه آداب و فضائل
مشمول و محتویدر. اول سن سنه عازم اولان خرد مند جازمه واجب
ولازمدر که ساق تحفظ و تیقظی تشمیر واسقیه و اوانی بی تأخیر
و توانی تغطیه و تخمیر ایدر. اگر چه شد ظروف و قربه باعث و سبب
بحسب الظاهر ظلمت پرستان لیل ساتردن وقایت و حشرات و خشاشک
اسار زهر پاشندن حفظ و صیانتدر:

(نظم)

ادی را دشمن پنهان بسیست آدمی باحذر عاقل کیست

اما احادیث اخرده سر فرمان تصریح و بدن حکمت خفیه بورسمله
تشریح اولمشدر که ﴿ فان الشیطان لایکشف غطاءً ولا یحل سقاء ﴾ عقده
کشیان حقائق اشیا به داخل پرده خفا دکلددر که بو مقوله امور
تعبدیه غیر معقوله علی ظاهرها ابقا و تسویل توجیه و تأویلدن تحرز
واتقا اولتمق قوت ایماندنشی و همواره منکر فلسفی مزاج مزلقه تذبذب
واعوجاجده مکباً علی وجهه ماشی در .

(نظم)

هر کرا در دل شک و پشیمانیست در جهان او فلسفی پنهانیست
می نماید اعتقاد و کاه کاه آن را کشف کند رویش سیاه

ثانیاً سد دهالیز و ابواب داخل حکم استحباب، باینکه اصل حد
ایجابدر . زیرا مداخل و مخارجی اغلاق و اجنه سراق و فساقی تحذیر
و اخافه داخل و موافق فرموده (اعقابها و توکل) او مغین صاحبی دغدغه
آفت حد ناندن فارغ البال و تناول رنود و دزدانند آسوده حال اولور .
ثالثاً هنگام شامده که کیخسرو آفتاب خنوت کمزین غار (حتی توارت
بالحجاب) اوله کودگان سبکساری تفرق و انتشاردن حفظ و احتیاط
مقتضای حزم دقیقه شناسدر . زیرا هر شیء قوت تأثیری مبادی
و تاثیرینده تزیید پذیر اولور . بوسه بندر که وقت سحر میمنت اثرده
هر کرده که شروع و ابتکار اولنه سریعاً و اصل یسر و نجات و مصداق
(ارباب فی الصباح) اولور . کذلک ظلام مدید الظلمات نادیات اقبالنده که
سلطان عالم ثروز روزنه زمان ادباری و هوام هوا جس و او هامت روز
بازاریدر مواد مضرت زیاده و دروازۀ نحوست کشاده اولور . راه
غویت بی غیتده که اولان طراران (یراکم هو و قبیله من حیث
لا ترونهم) دزد و اهمه دور انداز اینه سهیم و انباز اولوب دشمن
و ادکان دیرینه به بسط ید تسلط و تهاویل و کبر و کینه اینه نصب حباله
خیال و تحبض ایدر لر . خصوصاً اضلال خرد سالک که تأثر و انفعالدری
سریع و هربری پای لغز سواد سوداده صریح اولوب غیب شب پرغینده
اجل سوادین اولمق داب معتاددری و مس جانندن سرعت قلق و هیجان
مقتضای خلقت و نهاددری در (حیاة الحیوان) ده شرح و بیان اولنشددر که
جنس جن اجسام هوا میهن بر کرده عجیب اماهی در که فعل مختار اندری

مصدر غرائب آثار و قدرت بچون تشکلات کونا کونه اقدار ایلمشدر .
 ذانلریخی اثباته کتاب وسنت شاهدین عادنین ورقرزده کلک ثقاة اولان
 نقول و حکایات خارج دائره ریب و مینسدر (ع) ولم اعد عن حکمی
 کتاب وسنة . بویابده تردد و عناد سوء اعتقاده دلیل بین واستبعاد اولنان
 نوادر مواد قدرت مهیمین بی علتله نسبت امر سهل وهین اولوب کتاب
 آکام المرجان فی احکام الجانده شولد کلو اعاجیب قصص و اخبار مرقوم
 خمه غرائب بار اولمشدر که من المطالع الی المقاطع مطالع اولان منصف
 حق شناس لباس شبهه والتباسدن عاری و بی اختیار زبان حکمت نثارینه
 (ع) بیهوده سخن بدین درازی نبود . کلامی جاری اولور . رابعا
 قبل النوم اطفاء نار مقتضای حزم بیداردر و صیغه تصغیر ایله ادا و تعبیر
 اولنان فویسقه دن مراد موش دزدنهادر که کنیتی ام الخراب و مأوی
 و مئوسای مکامن نقوب و اخبار اولوب حل و حرمدده جبل حرمتی
 مقضوع و علی کل حال قتل و نسکلی مباح و مشر و عدر . کتاب حیاة الحیوانده
 بناء حسن بیان تأسیس و سبب تسمیه ده وجود ثلثه ترتیب و تأسیص
 اولمشدر . اولافسق لغتده شاهراد سداد و انتباهدن خروج و نافقاء نفاق
 و شقایه و لوج اولوب موش مضرت کوشده بومعنی موجود و ظاهر
 و من کل الوجوه موزی وضائر اوسغیدر . نالیا آدم نانی فرمان ربانی ایله
 ﴿ اصنع الفلک باعیننا ﴾ خدمتی نصب العین وغب آتماه المرام امثال امر
 ﴿ احمل فیها من کل زوجین اثنين ﴾ ایدوب اصناف ددودام حکمنه رام
 اولمشدر ایکن موش بد سیرت مقتضای خبث سریرتی اوزره نقب فلک
 فلک سان و قطع جبال و ارسان ایتدیکیدر . ثالثا امام طحاوی که علم حدیثی
 حاویدر کتاب احکام القرآنده افاده و بیان ایتمشدر که کبار تابعیندن
 بر مرد کزین ابو سعید خدری ید رضی الله تعالی عنه توجه و اقبال و سبب

اطلاق فویسقه دن شخص وسؤال ایلدی . اول صحابی روشن سریرت
مشکاة ضیا بخش نبوتدن اقتباس نور ومحاذاة بصیرتدن غشاوذهبته دور
ایدوب دیدی که برشام راحت انجامده که :

(نظم)

کواکب چشم روشن باز کرده ملائک بزم وحدت ساز کرده
جهانرا در شکر بکرفت مهتاب زهرجانب جهانی درشکر خواب

مرشد خانقاه (ادبی ربی) بیدار دل معتکف (ولاینام قلبی)
شمع شبستان (قم اللیل) سلطان ملائک خیل حضرتاری پستر آسایش
و آرامشده استنامت و (ان لعینک علیک حقا) رخصتنه رغبت بیور-
مشار ایکن ناکاه خواب راحت پناهندن مستیقظ و بیدار ونوم عارضی
ومستعاردن منته و متعار اولوب کوردیلر که برموش پرحیاه جرفتیاه
ایدوب قصد احراق بین و خانه ملائک آشیانه بی آلوده زیت ایلمش :

(نظم)


آن صدرنشین هردو عالم محراب زمین وآسمان هم
دارنده حجت الهی داننده راز صبحگاهی

فی الحال فراش عرش مثالدن نهوض و مسارعت و اول مودى بالطبعک
قتل و اقلاتنه بالذات شروع و مباشرت ایدوب محرم و حلاله قتانی احلال
و اول ثیان کار بی سودک و جودینی طعمه کربه اهدار و اطلال بیوردیلر
اعلم ناس اولان ابن عباس روایتده اول کشتی مباح القتل که جرفتیاه
شدیده القتل ایتش ایدی کنیزک ناهید نهاد قصد زجر و ابعاد ایتدکه
حلم نبوی مراسم نهی انها و تقریر و قصد موش ظلمت پرست ایدن
پرستاری منع و تاخیر ایلدی . فاره بدکاره مقابله احسانده اساءت واضرار
و دخول مدخل مکر و دخلده اصرار ایدوب عجله و شتاب ایله اول ذبالة

نیم تابی حضرت ختمیت منابک سجادۀ عرش همتالری اوزرینه طرح
 و التما ایلدی . اول خمرۀ پاك تأثیر جمرۀ تابناك ایلد شمراره کیرودر هم سکه دار
 مقداری احتراق پذیر اولمغین شفقه للامه اطفاء نیرانه حکم قدر توانلری
 اجرا و بومقوله امور اغراء غرور ایلد محتمل الظهور اولدیغنی افهام
 وادرا بیوردیلر . امام نووی که شمس عالمتاب معرفتک پرتوی و سرچشمه
 منبع حقیقتدن مرتویدر ﴿ لا تتركوا النار فی بیوتکم حین تنامون ﴾ حدیث
 حکمت نمونک شرحنده بوجهمله تنقیح مناط و رکیه طینت زکیه سندن
 استنباط ایلد مشلردر که بومغنی برامر عام و شامل و تحتندۀ اطفاء سرچ
 و مشاعل داخلدر . اما بیوت رصینة البناده معلق و دروا اولان قنادیل
 پر نور که محذور مذکور آندۀ ناموجود و احتمال شر شرر مفقود اوله
 عند الرقاد ترك اطفاء و احمادی لابس و آنلردن حشرات ارضک بهره
 و نصیلاری حرمان و یأسدر . زیرا علت اطفاء انلردۀ انتفا بولدیغنی معلوم
 ارباب عقول و انتفاء علت مستلزم انتفاء معلولدر .

(قطعه)

عاقب آنست که در تجربه نفع و ضرر زحرفان دکر بهره خود بردارد
 هرچه دانست کزان نفع رسد بستاند و آنچه از وی ضرری فهم کند بگذارد



الحديث الخامس والثلاثون

رفق اهلی نه جانبۀ ایدرسه حرکه باغ امله تخم سعادت برا که
 رفق ایلد رفیق اول بو حدیثی فکرایت الرفق به الزیادة والبرکه

(تمام الحديث)

الرِّفْقُ بِه الزَّيَادَةُ وَالْبِرَّةُ وَمَنْ يَحْرُمِ الرِّفْقَ يَحْرُمِ الْخَيْرَ

صدر حدیث منشعبات بحر هزج اخربدن (مفعول مفاعیلن مفاعیل فعل) وزننه مطابقدرکه میان شعراء صاحب شعورده رباعی بحری دیمکه مشهوردر. طبرانی مسند کبیرنده حضرت جریردن رضی الله تعالی عنه بوعبارت ایله روایت ایتدیکي جمع الجوامعده اشارت اولمشدر. رفق بر حکیم بردبار و حلیم خویشتن دارددرکه آنک امرینه مطیع و رام اولان طالب ناکام (الرفق خیر کله) مصداق اوزره سعادت دارینه نائل و (انما بعثتم میسرین و لم تبعثوا معسرین) حدیث صحت قرینی اوزره عملینک ارفق و اوقفنه راغب و مائل اولور.

(قطعه)

خذ الرفق و امر بعرف کما امرت و اعرض عن الجاهلین
ولن فی الکلام لكل الانام فستحسن من ذوی الجاه لین

وبر فیلسوف صاحب وقوفندرکه خراب آباد علم کون و فساد تعاقب فتنه و آشوب ایله مشوب اولسه مزاج حسن فعالی تغیر و انفعال بونماز و هرکار صعب و دشوارکه تقلب ادوار و تنوع غرائب اطوار سببی ایله کتم عدمدن فضای نزهت فزای عامه کله سکینت و تدبیر ایله کشایش پذیر اولوب حلم و فروتنی یه معنی اولان اهل رشد و هدا رفیق توفیق خدادن مهجور و جدا اولماز.

(نظم)

چو بر رشته کاری افتدکره شکیبایی از جهد بیهوده به
همه کارها از فروبستی کشاید ولیکن با هستی

حلم که رفق ولین ایله همراه و قرین و کخ دینده صدیق و خدیندر عنداحکما مایح مائده اخلاق. بایکه منح بارقه فیض خلاق اولوب مزیت بی مریتنه (فما رحمة من اللدانت لهم) نفس لطیف کافی و سمور

تبت بی ریبتنه (ان الله رفيق يحب الرفق ويعطي عليه مالا يعطي على -
الغنف) حدیث شریفی و افیدر .

(نظم)

حلم سرمایه کمال بود سبب عزت و جلال بود
حلم شادی فزای هر خجلیست مومیا همه شکسته دلیست

رفق حروف فقری محتوی اولمق دلیل قویدر که خاصه لازمه
اهل فقر و نیاز و راه حقه رفقا اولان فقرایه مابه الامتياز اولوب
هر درویش ستوده کیش فقر تحمل فقرده طالب برد بردباری و ایس
ریا و تالیسدن مجرد و عاری کرکدر .

(نظم)

بی آدم شعار از خاک دارد اگر خاکی نباشد آدمی نیست

رفقك جمله مرافقنددر که هر کیم که حلیم و رفیق و فریق انات
و ثبات ایله رفیق اوله (الرفق رأس الحکمه) حدیث صحت اساسی
اوزره عندالله والناس مودود و محب و (ما كان الرفق فی شیء الا زانه ولا
نزع من شیء الا شانه) خبر حکمت نشانه سی اوزره صنوف بر
واحسانه سبب اولوب کلزار خزان رسیده قلوب احبایه موجب سر
سبزی و نداوت و سینه صاف اولمیان اعداء بی انصافه دخی باعث تقایل
عداوت اولور .

(نظم)

ورعدو باشد هم این احسان نکوست که باحسان بس عدو کشتست دوست
ورنکرده دوست کینش کم شود زانکه احسان کینه را مرهم شود

رفق و رافقك شرف و فضیلتنه بو کفایت ایدر که اثر سبق رحمت
و مخبر لازم التصدیقك تحقیقی اوزره باعث نمو و برکتدر . حکماء متألهین

و علماء حكمت رهن فضيلت رفق ورقت اوزره اجماع وبطون رسائل
ومتونده على وجه الاسباغ تفصيل واشباع ايتدكارندن ماعدا تجربيات كه
اقسام سته يقينياتدن برقم مستقل وهر حكيم ذو فنون آنكه غرائب
كونا كونه مستدلدر بومدعايه شاهد وهر اهل نظر مشاهددر كه تارك
حلم و لين اولان صاحب عنف و كين لكدكوب سوء القضا و مبتلاى
شمايت اعدا اولوب تيغ انتقام و حين ايله طرفه العينده قتل و كرام
و كور بى نوري دخى مطرح كناسه ملام اولور .

(نظم)

ان الرياح اذا اشتدت عواصفها فليس ترمى سوى العالى من الشجر
اما خوكرده حلم و ملاينت اولان اهل رفق و ملايمت ارباب
بطش و نخوته نسبت فتن زمندن سالم و امين و كنف حمايت سلم و سلامته
آسوده و مربع نشين اولوب مامن خلد آساده آسایش و شش جهات
كاشانه فؤادىنى نقش تمثال يوسف مراد ايله آرايش ايدر .

(نظم)

تيغ بهر اوست كورا كرد نيست سايه كافكننده ست بروى زخم نيست
هرچه او هموار باشد بازمين تير هارا كي هدف كردد بسين

اكثرا اصحاب جاه و مكنت استعمال عنف و شدت ايله عمللريني
احباط وزير دستان و عبيدك زجر و تهديدنده (ع) لا تشتري العبد الا
والعصامه . ملاحظه سي ايله غلو و افراط ايدر لر . دل هوسنا كلرى بو
دكلو فهم و ادراك ايتمز كه (من كرم الرجل سوء ادب غلما نه) مقتضاسى
اوزره مسامحه تقصير خدم دليل شرف و كرم و (التغافل من فعل
الكرام) كلامى عند الحكماء مقبول و مسامدر . اگرچه فرط حلم
و ملايمت دخى غائله و مضرتى معلوم و صاحبي شمشير اهانت و ازدرا

ایله بین الوری مجروح و مکلومدر اما سبق رحمت بی انتها ایجاب و اقتضا
ایدرکه ﴿ لا توزین نمله فن غایة القیم کما نالتک نالتها ﴾ خواستی اوزره
طبع انسانه رأفت و حنان غالب و فضائل ادبیه نزعات غضبیه بی دافع
و سالب اولاه. مادام که مالیک و خدامک وضع و حرکتلری مخالف منہج
شریعت اونیاه ترک مؤاخذه و نفرین سیرت سلف صالحین اولوب امر
دنیا ده تعمق و استقصا شوم و عادت نودولتان غشومدر.

(نظم)

در تمامی کارها چندین مکوش جزبکاری که بود در دین مکوش
خصوصا که ﴿ الصلوة و ماملکت ایمانکم ﴾ خبر صحت قرینی ایله که
وصیت آخریندر سپارش کرده جناب رسالت اولان بستان سلسله
عبودیتہ خفض جناح و تقصیر یسیرلرندن تجاوز ورنع جناح امر اهم
و ﴿ هم اخوانکم جعلهم الله تحت ایدیکم ﴾ اشارتی ایله اوجب و الزمدر.
(ع) عسی ان یکون الرفق فی الامر ارشدا . حضرت ابن مسعود
بر غلام کنوده سلسله تأدیبی تحریک و تقصیر و مساها له مقابله سنده ضرب
و تعریک ایدرکن صاحب خاق عظیم علیه الصلوة و التسلیم حضرتلری
مصادف و بوحاله مضاع و واقف اولدقلرنده ﴿ والله اقدر بک منک علیه ﴾
وعیدی ایله زجر و تبعید بیوردقلری کتب احادیثده مشروح و بومدعا یه
شاهد غیر مجروحدر. اختراع معانی یه تعانی ایدن سحره شعرا دن برشاعر
پاکیزه ادا حلم و آزر می ترجیح رارباب حیا د شرمی بو وجهله تنشیط
و تحیح ایلمشدر :

(نظم)

حلم می ورزم بیکسومی منهم و سواس را کرسرب نرمست اما بشکند الناس را

الحديث السادس والثلاثون

مؤمن اکا دیرلرکه ایدوب احسانی سمی ایلیه یامغه دل ویرانی
بانی شریعتک حدیثی در بو المؤمن المؤمن کالبنیان

(تمام الحديث)

المؤمن للمؤمن کالبنیان یشد بعضه بعضاً

صحیحینده وسنن ترمذی ونسائی ده حضرت ابو موسیٰ اشعریدن
رضی الله تعالی عنه بوعبارت ایله روایت اولمشدر . حضرت خلاق
علی الاطلاق بو حکمت خانه سبع طباقی حسن انتظام واتساق اوزده
خلق وابداع وهر فرد آفریده ده انواع حکم فریده درج وایداع ایدوب
مسافران رباط خاك بروجها ارتبساط واشتباك بولمشدرکه بار یاقنکان
استار اسراردن بعض اختیار بی اختیار ﴿لیس فی الامکان ابداع ماکان﴾
ایله زمزمه سازو برعارف دور بین دخی بونظم حکمت قرین ایله طراوت
بخش کلشن راز اولمشدر :

(نظم)

اکر یک قطره را دل برشکافی برون آید از وصد بحر صافی
اکر یک ذره را برگیری از جای خلل یابد همه عالم سراپای
اگرچه صدف کونده هر ذره بر ذره لامعه وهر نقطه بی اعتبار
حقیقه روزگارد بر نسخه جامعه در :

(نظم)

تأمل سطور الکائنات فانها من الملك الاعلی الیک رسائل

لكن نوع بشر كه خلاصه شئون قضا و قدر در اسماء متقابله مظهر تام و قصیده مصنوعة موجوداته حسن الحتام اولمغین بنی آدم بدن عالمه مثابه اعضا و اعضاءه اولوب هر بری محرز قصب السبق استعداد و بوجه بدن سبب تناسب و الفتاری مضاعف و مزداد در. مظاهر ﴿ان الله خزائن تحت العرش مفاتيحها السنة الشعرا﴾ دن بر مبدع سحر ادا زمره اناسی طرف ایلاف و ایناسه ترغیب و حض و اول سر لازم الکتتمک ختمی بو وجهه فک و فض ایلمشدر :

(نظم)

بنی آدم اعضای یکدیگرند که در آفرینش زیك جوهرند
چو عضوی بدرد آورد روزگار دگر عضوهارا نماند قرار

و اول زمره جلیله الشاندر اهل ایمان که انسان العین اعیاندر مظهر رش نور و عین عنایت ازلیه ایله منظور اولمغه قربت صوریه لرینه قرابت معنویه منظم و سمط لحت روحانیه لرینه فرأند اخوت ایمانیه منظم اولوب ﴿ان الذين آمنوا وعملوا الصالحات سيجعل لهم الرحمن ودا﴾ خطابي ایله تخصیص و خلفاً عن سلف بر حسب ﴿لاخیر فیمن لا یألف ولا یؤلف﴾ احکاء او اخي اخیه تحضیض اولمشلدر .

(نظم)

آدمی از ره صورت متساوی صفتند متفاوت همه از طاعت و عصیان کردد

بوسیدندر که گرفتار دام تکلیف اولان وضع و شریف ترك قطیعت و بغضا ایله مأمور و صفح و اغضا ایله مشاب و ماجور اولوب ﴿لا یحل لمسلم ان یمجر اخاه فوق ثلاث﴾ حدیث الفت احدائی اوزره ترك مداراة ایدن بی ثبات ملوم و معذول و شحنة شحنا و عداوت تسلط ولایت محبتدن مرفوع و معزولدر .

(نظم)

جمعه شرطست و جماعت در نماز امر معروف و زمنکر احتراز
رنج بدخویان کشیدن زیر صبر منفعت دادن بخلقان همجو ابر

بعض کتب معتبره مرئی و بوخبر حکمت اثر منقول و مرویدر که
(المؤمنون کنفس واحدة اذا اشتكى عضو واحد تداعى سائر الجسد بالحمى والسهر) حدیث مرقومدن مستفاد و مفهوم اولان معنای جمعیت
و اتفاق که سبب استظام انفس و آفاقدر بر خصلت سدیده و کردار خوب
و پسندیده در که کتب منزله معجز نما بالای بام سعادتن بومصلحت ایچون
انزال و جمله انبیا و مرسلین صلوات الله تعالی علی نبینا وعلیهم اجمعین
بو خدمت ایچون بعث و ارسال اولمشلردر .

(نظم)

هر نبیی اندرین راه درست معجزه بخود و همراهان بجست
در میان امت مرحوم باش سنت احمد مهمل محکوم باش

طلاق که خیر مایه قطیعت و افتراقدر اول سبیدن اردء خلال
و عندالله سببجانه ابغض حاللدر . رشتۀ توافق و اجتماع آنکه انصرام
و انقطاع بولور و مرا وجدال که کدورت رسان مشرب اعتدالدر اول
جهتدن منهی عنه و مذموم و صاحبی معیب و ملومدر که آسودکان مظله
جمعیت و التئامه مشیر ماده نزاع و خصام اولور .

(نظم)

تأبی الفداح اذا اجتمعن تکسراً واذا افتقرن تکسرت افرادا

فته و فساد که نتیجه مقدمۀ تنازع و تضاددر باعث شق عصا و محرک
عرق مخالفت و استعصا اولمغین (الفتنة اشد من القتل) و صمتی موصوم
(الله لا يحب الفساد) سمتی ایله مکوی و موسومدر و تفرد و استبداد سنک

انداز جمعیت و سداد اولمغه ترك سنت و جماعت اهل رشد و طاعته سبب
توی و نیت رهبانیت ممنوع و ناروادر .

(نظم)

هست سنت ره جماعت - ون رفیق بی ره بی . یار افقی در مضیق
از ترهب نهی کردست آن رسول بدعتی چون در کرفتی ای فضول

ایجاد شکل اتحادده اولمق ماده اشارتی تحریک و اثارت ایدر که
ترتیب کار خانه وجوددن غایت بغیت و مقصود حسن ائتلاف و انساق
واقامت بازار ملک و ملتدن غرض و علت ترویج سابعه اجماع و انفاق
اوله . اگر خبث طینتی اسرار ، بلکه اعلان و اشرار ایدن اشرارک
اطوار ناقبولارندن مشمئز و ملول اولورسه ادب طریقت و مقتضای حق
معرفت بودر که حقوق عرض فحوت ایله آب روی جوهر فتوت ریخته
و مقراض اعراض و قطعیت ایله رابطه اختلاط و الفت کسیخته اولمیوب
لقمه کلو کیر صبری ابتلاع و انتقام و عقبت حمیده تحملی تدبر و تأمل ایله
ترك مؤاخذنه و انتقام ایده .

(رباعی)

کردردلت از کی شکایت باشد ورد در دولت از و بغنایت باشد
زمنهار به انتقام مشغول مشو بدرا بدی خویش کفایت باشد

اغلب حالده ترتیب مقدمات خصومت و جدال طلب روزی
ننهاده دن ناشی و هر حریص کر نظر قسمت عادلّه قضا و قدری ناسی
اولور . عند العقلا دنیا ایسه اول متاع دکلدر که شایسته نزاع و سزاوار
منافسه و دفاع اولوب فکر بود و نابود و اندیشه زیان و سودی ایله عمر کر -
انمایه تلف و اضاعه و از دراء عبادالله ایله خجای حدیث ﴿ بحسب امرء
من الشر ان یحقر اخاه ﴾ اشاعه و اذاعه اولنه .

(رباعی)

اندر ره حق تصرف آغاز مکن چشم بدخود و بعیب کس باز مکن
سر دل هر بنده خدا می داند خود را تودرین میانه انباز مکن

الحديث السابع والثلاثون

اولاً تواضع ايله کرم کبی وضع خوب جویای عن و رفعت اولان عبد مخلصه
اهل تواضعی دیدی مدح ایوب رسول طوبی من تواضع قی غیر منقصه

(تمام الحديث)

طُوبَى لِمَنْ تَوَاضَعَ فِي غَيْرِ مَنَقَصَةٍ وَذَلَّ فِي نَفْسِهِ فِي غَيْرِ مَسْكَنَةٍ
وَانْفَقَ مِنْ مَالٍ جَمْعُهُ فِي غَيْرِ مَعْصِيَةٍ وَخَالَطَ أَهْلَ الْفَقْهِ وَالْحِكْمَةِ
وَرَحِمَ أَهْلَ الذَّلِّ وَالْمَسْكَنَةِ طُوبَى لِمَنْ ذَلَّ نَفْسَهُ وَطَابَ كَسْبُهُ
وَحَسُنَتْ سِرِّيَّتُهُ وَكُرِمَتْ عَلَانِيَتُهُ وَعُزِّلَ عَنِ النَّاسِ شَرُّهُ طُوبَى
لِمَنْ عَمِلَ بِعِلْمِهِ وَانْفَقَ الْفَضْلَ مِنْ مَالِهِ وَأَمْسَكَ الْفَضْلَ مِنْ قَوْلِهِ

تاریخ بخاریده ركب مصریدن رضی الله تعالی عنه بو عبارت ايله
روایت اولندیغی جمع الجوامع و جامع الصغیره اشارت اولمشدر. راوی
حدیث اولان ركب مصری صحابه کزین یاخود عداد تابعیندن اولدیغی
لغت قاموسده علی وجه الترید ایراد اولمشدر. لیکن جامعین مذکورینده
حدیث مسطور ارسال اولمیوب اسناد اولمشدر. بو تقدیرجه سلك اصحاب
عظامده انتظامی معین واصطلاح محدثین اوزره زمره تابعیندن اولمادیغی

واضح و روشن اولور. صدر حدیث بحر مضارع مشمک من احفاتندن
(مفعول فاعلات مفاعیل فاعلان) وزننه موازیدر. بو حدیث فوائد اشمال
طالبان مکارم خصال و محاسن خالاله بدرقه طریق سوی و اصول اخلاق
حمیده دن نیجه خصلت کزیده بی مشتمل و محتویدر. اولاً تواضع و استکا-
نت که رونق فزای اصحاب جاه و مکانتدر بر خوی نیکو در که اکا معتاد
اولان اهل فلاح و رشاد محبوب قلوب انام و بین الاودا و الانداد ستوده
و نیکنام اولوب سلم شرفه صعود ایتدجکه رفعت و سعودی زیاده و سیئه
کبر و نخوتی حسنه تواضع و مسکنه تبدیل ایله روی دل علینه رتاج
ریاح کشاده اولور.

(قطعه)

اذا ازداد مابین البرایا کرامه قریب جنی الجدوی یزید تواضعاً
کذا الشجر العالی البعید فروعه اذا ازداد حملاً کان اقرب مقطعا

(نظم)

زخاک افردت خداوند پاک پس ای بنده افتادکی لن چو خاک
فروتن بود هوشمند کزین نه د شاخ پر میوه سر بر زمین

اما تواضع دخی سائر مکارم خصال کبی حاق وسط اعتدالده
اولد قدده صفات کمالدن معدوددر و الا جانب افراطی که خیلاء و جلال
و طرف تفریطی که تبصص و ابتذالدر عندالحکما مذموم و مردوددر.
فاصله حدیثده ((فی غیر منقصه)) قیدی تفریطدن احتراز ورشته تجویز
مداهنه بی بالکلیه قطع و احتراز ایچوندر. ((والذی فلق الفلق ایس
من سجیه المؤمن الملق)) (ع) تواضع بهترست اما نه چندین کلزار
وقائع و آثاری عین بصیرت و اعتبار ایله کما شاء سیر و تماشا ایدن اهل
خبرت و دیده مکشوف و بدید اوله که اهل غنا و تجیره استغنا و تکبر

مستلزم حسنه وبرّ، بلکه عند بعض العرفا تواضعك تعریفی ﴿ هو المتکبر
 علی المتکبر ﴾ در. هر شیئک ضدی ایله تینی شائع ومستفیض واغیاو کردن
 کشانه ترفع فقراء بی نام ونشانه تواضع ایله طرفی نقیض اولغله متکبر
 کردن فرازه تکبر واعتزاز جمله صدقاتدن محسوب وخودیین مغرور دن
 اعراض ونفور ﴿ ته علی التائه حتی ینتهی التائه من تیهه ﴾ فرمان
 متحتم الادعائی اوزره مرخص ومندوبدر.

(رباعی)

نفسا زخاستت سلامت بادا وز طاعت ناکسان ملامت بادا
 وان لقمه که از خوان اکابر خوری کیرم که حلالست حرمت بادا

خلال مرقومه نك بری دخی مخالطة علماء دانشورو مجالسه حکماء
 هنر پرورددر. مقارنت اشراف وکمل بر مجد مؤلدر که اکا موفق ومهتدی
 اولان سالک مبتدی نه دکلوم بضاعت وبسیار اضاعت ایسه مجرد علم
 وفضیلته میل ومحبت ایله مظهر فضل حق وبرحسب ﴿ المرء مع من
 احب ﴾ زمره علمایه ملاحق اولوب مجلس علم وحکمته که روضه جنت
 اولدینی زبان زده خاتمه خلافتدر دخول واقتحام ایله مجمع قثم لثامدن
 دور وبعید ومصدق خبر ﴿ یسعد الرجل بمصاحبة السعيد ﴾ اولور .
 (ع) المرء یصلحه الجلیس الصالح . اما میان اهل اصطفاده ادب
 استفاده بودر که کلستان کسب عرفانده سوسن ده زبان کبی طویل
 اللسان اولیوب ورد ناز پرورد کبی سرتاپا کوش وضبط نوادر حکمت
 نیتنه دائما ساکت وخاموش اوله .

(نظم)

از سخن کوی مجوید ارتفاع منتظرا به ز گفتن استماع
 انصورا کوش کن خاموش باش چون زبان حق نکشتی کوش بش

اگر اقتدایه صالح و سزاوار بر عالم پرهیز کار بولنورسه فیها
 ونعمت عظیم نعمتدر والا گرفتار مصائد شیطان اولان مدعیان آخر
 زمانک اظوار پریشانندن صنف علمایه سی الظن واشرف طوائفه
 طغه زن اولیوب ملازمت بیوت ایله اختیار عزلت و سکوت ایدن
 اشراف اسلافه اقتفا و تأسی نی ناسی و مغارم مکارم آدانی استصعاب ایله
 مطعن ناوک (ع) واقعد فانک انت الطاعم الکاسی . اولیه . صفات
 مذکورہنک بری دخی مرحمت و ارفق و مکرمت و اشفاقدر کہ بی ریب
 و اختلاق اشرف محاسن اخلاقدر . رحمت برکزیده خصلتدر کہ اسم
 ذاتدن صکره ایراد و اثبات اولنان صفتین کریمتینه مادۀ اشتقاق و تقدم
 و سابقیتی جہتی ایله دافع سورت شقا و شقاق اولمشدر و بر زیبا منقبتدر کہ
 عرصہ کشا کش چار اضداد اولان فریب آباد دور بی بنیادک اسباب
 انتظام و اتلافی آنکله تلافی بولمشدر . مادران مہربانک اطفال خرده
 واحداث و شبانک شیوخ ساخورده ایتدکلی تعطف و تحب و کمال
 ادب و ووقر ایله اظهار ایتدکلی مقدمات تحن و تحب جملہ آثار رحمت
 و ثمرہ نخل راقتدنددر . مساعده دول سریعة الحول ایله فرمان روای
 خدم و خول اولان احباب جاہ و تفاخره لائق و فراخور بودر کہ ﴿ان
 الله يحب من عباده الرحماء﴾ ی نقش نکین جنان و اقمضای فرمان ﴿ارحموا
 من فی الارض یرحمکم من فی السماء﴾ ی مستجلب مواد حنون و حسان
 ایدوب ہنکام ثوران خشم و زمان معاتبہ حشمدہ دثار معنای ﴿ارحم
 من دونک یرحمک من فوقک﴾ ایله تزل و تدر و ﴿لاتنزع الرحمة الا
 من قلب شقی﴾ خبر نذارت اثرینی اندیشه و تدبر ایدہ .

(قطعه)

ان من یرحم اهل الارض قد آن ان یرحمہ من فی السماء
 فارحم الخلق جمیعاً انما یرحم الرحمن منا الرحما

اخلاق مزبورہ نك بری دخی کسب حلال و نفس بدسیرتی دار مقامه
کفاف و قناعتده اسکان و احلالدر. لقمه پاك عباد و نسا که اصل اصول
و حظیره خطیره لذت عبادته و سیاه ادراك و وصول اولوب مجاهد
نفس مرید ایدن سالک مریده سبب ترقی و مزید و بضافت و عا باعث
اجابت دعا اولغله آنا فنا مستجاب فیض قشيب و فضل جدیددر .

(نظم)

لقمه کان نور افزود و کمال آن بود آورده از کسب حلال
چون ز لقمه توجسدینی و دام جهل و غفلت زاید آنرا دان حرام

(کلو من الطیبات و اعملوا صالحا) آیت حکمت نماسنده اکل
طیبات سائر اعمال صالحاتدن تقدیم اولندیغی دلیل قوی و قویمدر که
لقمه حلال جمایه فواضل اعمالدن اقدام و اسبق و طعام حرام ایله اقامت
اولنان و طائف عبادت بی صفا و رونقدر .

(نظم)

شکم بسان صراحی مدام پر ز حرام سجود میکنم وزان سجود بزارم
چون مخالف دین مجرمه چو ساغر و چنک چه سود کربیه خونین و ناله زارم

کسب حلال که مستدعی رضای ملک ذی الجلالدر جمایه مرافق تامه
و منافع حامیه سندندر که (الحلال یقصر و الحرام یسبل) مثل بی مثیلی
اوزره هر حالده طالب حلال غمّه باعثه انعمه ایله اکتفا و فضول عیش
ناصوابان توقی و اجتناب ایله تجارتکده دهر پر نزاعده سرمایه کفاف
واقعاقتنا ایلمر .

(نظم)

لاخیر فی طمع یدنی الی طبع و غمّه من قوام العیش یکفینی
اگرچه عرض غرضدن سانه اولان علم قننده حلال و حرام

ظاهر و بیندر اما بینهما اولان امور متشابهه نك فرق و تمیزی غیره یندره
 بو خرق ظاهر الاتساعه علاج برء الساعه بودر که اولاً مقتضای حدیث
 ﴿کل لحم نبت من الحرام فالتار اولی به﴾ ایله حرام صرف غیر متشابهدن
 بالکلیه تحرز و تحرس و مصاف نفس بد فرماده سپر ورع و تقوی ایله
 تترس ایدوب ثانیاً شب شبهاتک هنکام ظلامنده :

(نظم)

شریعت را نخستین قره العین رفیق مصطفی و ثانی اثنین
 مخلف را بکو برخوان و بشناس استدعون الی قوم اولی باس

صبر اتقی و اظهر یعنی حضرت صدیق اکبر رضی الله تعالی عنه
 ﴿کناندع سبعین باباً من الاحلال مخافة ان تقع فی باب من الحرام﴾ کلامنی
 عمده مرام و عالم علم و عملک زاهد نیکو طوری یعنی سفیان ثورینک
 ﴿ما رأیت اسهل من الورع ماحاک فی نفسی ترکته﴾ مقالنی اسوء حال ایلیه.
 عوت مکتوبه غیر مکتومه نك بری دخی موافقت سر و علانیتدر که
 ارباب طریقت قنده صدق و استقامتدن عبارتدر .

(نظم)

یا ربم ملک استقامت ده کاستقامت ز صد کرامت به

صدقک علو مرتبتی ضد لازم الصدی اولان کذبک سفول منزله
 نتندن معلوم و دروغ ایسه جمیع ادیان و ملل و مذاهب بی علمده حرام
 و مذمومدر .

(نظم)

ز کج کوی سخن را قدر کم کشت چو سر واز راستی برزد علم را
 کسی کوراست کوشد محتشم کشت ندید اندر جهان تاراج غم را

صدق بر اسم اعظمدر که نه مقوله امر معضل و مبهمده استعمال

وصفاء بال ایله مواظبت و اشتغال اولنسه وسیلهٔ فوز و نجات و عندالله
سبحانه ذریعهٔ رفع درجات اولور .

(نظم)

براه راست توانی رسید در مطلوب تورا ست باش که هر دولتی که هست تراست .
تو چوب راست ز آتش دریغ میداری کجا بآتش دوزخ برند مردم راست

و بر سلطان معزز و مکرمدر که سائر اخلاق و شیم ا کا رعیت و لشکر
و بحر و برده ، بلکه هر یرده اول داور سعادت رهبر امداد تأیید خدا
داد ایله منصور و مظفر در .

(نظم)

کجا ترا ره نباشد در میانه که تیر راست آید بر نشانه
به از زلف کج آمد قامت راست بی هر کس بقدر است بر پاست

صدق و استقامتک شرف و فضیلتی مکامن قلوبده جایگیر و متمکن .
واقوالده اولدینی کبی احوالده دخی رعایی متیسر و ممکندر . اما صدق
حالی نوع خفادن خالی اولیوب داستان آتی الیاندن باب درک و اذعانی منفتح
و مظاهر ﴿ نزعنا ما فی صدورهم من غل ﴾ اولان اهل دلك صدور صفا
ظهور لری منشرح و منفسح اولور .

(نظم)

دهقان حقیقهٔ حکایت بورسم ایله ایلمش روایت

که سکنهٔ بلدهٔ حرامدن بر سالک عذری الغرام وار ایدی که طبع آتشیینه
وجد و تلوین غالب و هجوم عشق جهانسوز ضابطهٔ عقل صواب اندوزینی
سالب اولوب مهامه تهمامده عویل طویل ایله تک و پوی و کرمای
حجازده صیحهٔ صبر کداز ایله مجذوبانه های وهوی ایدردی .

(نظم)

هرچه غیرشورش و دیوانگیست اندرین ره دوری و بیگانگیست

برکون حرم مسجد حرامه دخول ونادی مشایخ کرامده مشول
ایدوب لباس تقواسنی دنس سمعه وریادن قصد تطهیر وانقا وخرقه
یشمینه سنی اخراج و القا ایدی . حاضر اولان فرقه نزع خرقه بی
استنکار و سبب تنزل و ادباردن فحوص و استخبار ایتدکارنده اول طالب
یقین و صادق راست بین دیدی که الی هذا الآن روزنه کاشانه جنانه
هر طرفدن جمال مطلق نابان و دل بی قرار عالم انواره منجذب شتابان اولوب
همای همت باند پرواز تارک نازک آشیان مجاز و بالای سدره المنتها
حقیقتده بوربائی بلاغت طراز ایله زمزمه ساز ایدی :

(رباعی)

ای باعش شوق و طلم خوبی تو بهر طلب منست مطلوبی تو
کمر آینه محیی من نشود ظاهر نشود جمال محبوبی تو

حالا بر عرفه فلك منظر دن بر طراز ناز پرور کوردم که مشاطه صنع
بدائع نکار صفحه ورق رخسارینه کلاب لطافت و کاکونه صباحت
ایله آب و تاب ویرمش و آوازده حسن دهر آشوبی کوش ملاء کزو
بی یه کیرمش :

(نظم)

شیرین سخنی که هوش می برد رونق زشکر فروش می برد
نازی و هزار فتنه در دهر چشمی و هزار کشته در شهر

کرشمه دیده و نگاه دزدیده ایله بنگاه عقل و حواسمی ناراج و بی تیر
دلوز دغدغه و وسواسه نشانه و آماج ایدوب چشم آلوده نظر شعشه
جمال ملک پیکرندن شیفته و دنک و کنبد آسمان سربی سامانه بر کلاه

تنك اولدی (ع) کسی کجاست که او دامنی نیالوده - شمشیر قضا
ناکهان کیر بر آن و خونریز و حالا عشق شور انگیز غرض آمیز اولوب
بعدالیوم شوق حادثه باعث اول فتان فتانک و بو سبب ایله دل پر شغب
نفاق قعلیدن خائف وینا کدر .

(نظم)

انی امرؤ مولع بالحسن اتبعه لاحظ فی فیہ الالذة النظر

فضل خدای متعال ایله تصحیح حال میسر و دل بی رفاهیه مظهریت
حدیث (تمام البران تعمل فی السر عمل العلانیة) ایله مبشر اولورسه
(ع) بسر خرقه خود آیم باز - والالوث نفاق و روٹ ریا و شقاقدن
باطن و ظاهره نظیف و طاهر اولوق دخی دولت عظمی و شرف شکر ف
و کمال نعمادر .

(نظم)

نکو سیرق بی تکلف برون به از پارسای خراب اندرون

اول سرکشته بی دلیل زمان یسیر و قلیادن صکره اصناف باطنه
باطله دن خلاص و برکت صدق راسخ و دستگیری همت مشائخ ایله نائل
حقیقت اخلاص اولوب شیوخ هدایت سنو حدن خرقه و دیعت کرده بی
استرداد و ازایه مخازی عشق مجازی ایله تکمیل جوهر استعداد ایلدی .

(نظم)

کرچه حالش کشته بد اول تباه بعد ازان شد واصل ثم اجتهاد

مخائل سالفة نک بری دخی عمل صالح و حسن حال واقمت
مراسم طاعت و عبادته غدو و اصلده اشتغالدر .

(نظم)

ولا طاعت کن و مکدر ز طاعت بقدر انکه داری استطاعت

رحمت نامۀ آسمانیده که منبع منیع امان و امانیدر عمل صالح
مقدمۀ ایمانه تالی و روز بازار قبول و رضاده ثمن قدر و بهاسی غالی
اولمشدر . بدن ایمان لباس تقوی و ایقانمز عریان و سر اسلام افسر
طاعت و استسلاممز بی سامان اولوب درخت کردار بی خلل کلزار
بدیع الآثار (بركة العمر فی حسن العمل) ده نابت و نامی و دنیا و عقباده
مثمر ثمرات مبرات و نیکنامیدر .

(قطعه)

الناس همهم الحیوة ولااری طول الحیوة یزید غیر خیال
واذا افتقرت الی الذخائر لم تجد ذخراً یکون کصالح الاعمال

شرف صلاح و دیانتہ بوکفایت ایدر که جمله انبیا و مرسلین و عصابه
صحابه کزین هدا و صلاح ایلہ منعوتلر و طرف خلافلرنده اولان بی انصافلر
ضلال و طلاح ایلہ ممقوتلردر .

(نظم)

چند پرسی که بندگی چه بود بندگی جز فکندگی چه بود
بی هدی آدمی کم ازدده ایست هر که اوبی هدیت یهوده ایست

(من تشبه بقوم فهو منهم) قول غیر مبهمی اوزره اول حضرات
عالیاته تشبه و اهل کفران و عقوقه لحوقدن تنزه ایلین سیاق سباقده
معدود و نائل شرف نامحدود اولور (ع) احب الصالحین و لست منهم .
اگر چه عمل صالحک تعریفی (ما ارید به وجه الله) و شعب و اقسامی
خارج حوزه استیعاب و اکتهاذر اما اتباع سنت نفس بدسیرته جمله دن
اشق و احمز ، بلکه مقابل موت احمر اولمغلداجرده قربات اخردن اجزل
ورضای ربه اقرب اولدینی اجلدن سائر وجوه بردن اعز و اجلدر .

(نظم)

حقا که بی متابعت سید رسل کس را به پیشگاه هدایت گذار نیست
سمط حدیث مرقومده مسموط و منظوم اولان جمله خالان که
فضول مالی بذل و افضال و فضول قیل و قالده اقلادر ﴿ و لم یعد عنها
الی البدعة ﴾ حدیثده سبق و دیر خامه کوه ربار خلاصه اقوال و اخباری
اول محله کتب و نبق ایتمکین :

(نظم)

مکرر کرچه سحر آمیز باشد طبیعت را ملال انکیز باشد
فجواسی اوزره کانون دل پریشانده جوشان اولان قدور کلمات مکرره
اکتفا و خالال مقاله مسوق اولان کلام مسبوق ایله اکتفا اولندی .
من برون کردم ز کردن دام نصیح جز سعادت کی بود انجام نصیح
کرچه ناصح را بود صد داعیه پندرا اذنی ببايد داعیه



الحديث الثامن والثلاثون

ألف قدك أولور چون عاقبت لام تفكر ایده کور تحت ترابی
بیورمشدر رسول صادق الوعد لدوا للموت وابنوا للخراب

(متن الحديث)

بو حدیث محکم بی بیش و کم بحر هنرج مسدسک مزاحفاتندن
(مفاعیلن مفاعیلن فعولن) وزننه موافقدر. بیهقی شعب ایمانده حضرت
زبیر و ابو هریره دن رضی الله تعالی عنهما بو عبارت ایله روایت ایلمشدر.
(للموت و للخراب) کله لرنده اولان لام جاره لام صیروت و عند بعض

النحاة نامی لام مأل ولام عاقبتدر. ابن هشامك تحقیق واعلامی اوزرد
 ﴿فالتقطه آل فرعون ليكون لهم عدواً وحزناً﴾ آیت معجز نظامنده.
 اولان لام بولامدر ومخدرات شواهد مغانی اولان ابیات معانیدن :

(نظم)

فالموت تغذوا الوالدات سخاها كالخراب الدار ثنی المساكن

نظمنده دخی بومغایه اولدینی مالا کلامدر. کتاب عرائسده عرائش
 کلمات دلفریبه بوکونه آرایش وزیب ویرلمشدر که سلطان جهان کرد
 سبک سیر محرم اسرار ﴿علمنا منطق الطیر﴾ حضرت تلرینک مصداق
 مضمونی ﴿فهم یوزعون﴾ اولان بارگاه حشر نمودار لرینه اوابد وحوش
 واطیار اجتماع واحتفال ومجموع انس وجان صمیم دل وجاندن اطاعت
 خاتم فرماننه مسارعت واحتفاد ایدوب سطوت ضابطه سیاستندن آسود
 و آرام مأمن آسود کیده آرام وهر برینی دام عدل و داد ایله رام ایتش ایدی .

(نظم)

جمله مرغان هریکی اسرار خود ازهنر وزدانش واز کار خود
 باسلیمان یک یک وای نمود از برای عرضه خود رای ستود

ناکھان مرغان خوش الحاندن ورشان که نرینه قناری وصداء
 غمکساری نغمه چکاوک وسار کبی مؤثر وساریدر تغرید راحت زا ایله
 نشید طرب فزا ایدی. صاحب قران ﴿رخاء حیث اصاب﴾ مطلق العنان
 ﴿فامنن او امسك بغير حساب﴾ خلصان نادى والا جنابه اسماع خطبه
 خطاب ایدوب دیدی که بومرغ شیرین زبانك مدلول نغمات والحانی
 سرك آینه عقل منیر کرده انعکاس پذیر میدر ؟

(نظم)

توجه دانی زبان مرغان را که نه دیدی شبی سلیمان را

سكنة بارگاه سايانی پردۀ عجز و ناتوانيده (ع) اين منطق خيرست
 سايان داند ترانه سحر آغاز و مقام استسلامده (الله اعلم و رسوله)
 كلامی ايله عرض خواهش و نیاز ايتد کلرنده اول سلطان عديم امثيل
 و مطاع الامر (يعملون له ما يشاء من محاريب و تماثيل) دیدی که بومرغ
 کم مقدارک کاری اهل غفلت و جهل ايله جدال و حراب و قول به هولی
 (لدوا للموت و ابنوا للخراب) در.

(نظم)

لا طيب للعيش مادامت منغصة اوقاته باد کار الموت و الهرم
 شاهد هزار آشنای دنیا که هر آن براهل هوان و هوانک خانه
 خانه نماسنه ذاهب و جائی بر هر جایدر کیمه عشوه سازلق ایتدی که عاقبة
 الامر ففاء غدر و جفایه کیتمدی و کیمکه عشق بازلق ایتدی که آخر کار
 مغاک فایه القا ایتدی.

(نظم)

کیمدر که جهانده فانی اولماز دور فلکک امانی اولماز
 ارباب زمانیه و یروب پسند بوشعری نه خوش دیمش خردمند

(قطعه)

مضى الاوائل والباقون يتبعها كما تنثر درات من السلك
 لو كان تبقى ملوك او ممالك فليس تفضى الينا توبة الملك

میان میدان حسن بیانده فارس و شرف یافته (لناله رجال من
 فارس) اولان پاکیزه کویان عجمدن بر شاعر ساحر دم بو اسلوب مرغوب
 اوزرد ترجمه مدلول (تلك الايام نداولها بين الناس) و بو معنائک
 قامت با استقامته پرنیان بیان عجمیانه بی بو گونه کسو و الباس ایلمش که:

(نظم)

چه حوش گفت دیوانه در عجم بکسری که رشد وارث ملک جم
اگر ملک بر جم بماندی و بخت ترا کی میسر شدی تاج و تخت

آسمان خلافت کبراده شید اولان هارون الرشید که خلیفه عباسی
و بنیان تمیز و رجحانی راسخ و راسی ایدی اقلید تحقیق بی تقلید ایله فتح
صندوق راز و چابک دستی حذق و مهارت ایله سر حقه حکمتی باز
ایدوب دیش که اگر زبان زمانده قدرت انطلاق و جریان و کند و عیب
و عوارینی کشف و اظهاره رخصت بیان اولسه ابو نواسک بو نظم
دلنوازدن اصدق بر کلام حق ایله تبیین حال مُتَمَتِع و محالدر :

(نظم)

اذا امتحن الدنيا لیب تکشف له عن عدو فی ثیاب صدیق

نانی ائنین آل عبا کو یای (انا نقطه تحت الباء) شمس طارم خلافت
چارم صاحب منقبت غدیر خم خیر خیر فکن حضرت ابو الحسن
رضی الله تعالی عنهما :

(رباعی)

مایم محب خاندان اولی اولاد رسول را رمی و مولی
بشنوده بکوش هوش از منهی قل لا اسألكم علیه اجرأ الا

تشنگان کرمای غفلتی زلال موعظه و نصیحت ایله ریان و اکثر احایینده
بو نظم عبرت آیینی ورد زبان ایدر لر ایدی که :

(نظم)

ومن صلب الدنيا یکن مثل قانس علی الماء خاتمه فروج الاصابع

دنیا بر طلسم نیست هست نما در که نمایش افسون سحر افزونند
فیلسوفان ذوقون بسته چار میخ عجز و قوتون و شعب شعبه و نیر نکندن
حکماء بافره نیک سر کشته و زبوندر .

(نظم)

جهان چون خیالست کاینه بست که بنماید اما نیاید بدست
 مشرب عذب مسرتی عذبه عذاب معرت ایله آغشته و مشوب
 وشهد فائق نحلی شرنک قاتل بخل ایله مخلوط و مخشوب اولوب نه دكلو
 ارخاء عنان مهلت ایاسه اسب مستعار دولتی عاقبت استرداد و تدبیر فنك
 و تدمیرده تفرد و استبداد ایدر .

(نظم)

دار ماآئها تبقی ولتھا تفنی الاقبحت هاتیک من دار
 شغل دیر یابی مایه غفلت و بدمستی و عزل سریع الایابی مائه ماده
 تنزل و پستی اولوب اقبال زود گذارینه سرعت ادبار امر لازم ولدت
 عسلنه زخم دمل ضربه لازیدر .

(نظم)

الا انما الدنيا على المرء فتنة على كل حال اقبلت ام تولت
 دیدۀ بصیرتی کحل الجواهر عبرت ایله روشن وقریر اولان ناقد
 بصیره شایسته وجدیر و خلیق وجهیر بودرکه :

(نظم)

دنیاچو شاهدیست کناری کزین ازو کز شاهدان خلاصه بغیر از کنار نیست
 فحواسی اوزره برکوشۀ اندک توشده مهما ممکن مؤنات اهل
 وسکنی تقلیل و نفس کودک مزاج دشوار علاجی قدر حاجت و مقدار
 بلغه و کفایت ایله فریب و تعلیل ایدوب (ع) وکل الذی فوق التراب
 تراب معناسنی نقش نکیں بال و صومعه عزتده ازوا و قناعت ایله
 ترک فضول اشغال ایده .

(رباعی)

هر کس که رده و رسم جهان نیک شناخت از بهر اقامت اندر و خنه بساخت
این کهنه رباط را عمارت چه کنی آخر چو بدیکریش باید پرداخت
و اقتضای غدر رر ز کار ایله مفتریات حساد و اشراردن مغلوب هوا جس
نفس آماره و آبکینه دل بی کینه سی شکسته آینه کبی پاره پاره اولور سه
(ع) ولاتری للثام الناس حسادا ملاحظه سی ایله لثام ناسدن
اولمدیغنه تقدیم حمد و سپاس و کنج تنهایده عز عزلت و شکیبایی ایله
تعود استیناس ایده .

(نظم)

این جفای خلق باتو در جهان کر بدانی کنج زر آمد نهان
خلق را باتو چنین بدخو کنند باترا ناچار رو آن سو کنند



الحديث التاسع والثلاثون

اندوه حسابی ایلسون فکر هر کیم که ایده جمع مالی مسلك
سلطان رسل کلای در بو من نوقش فی الحساب یهلك

(تمام الحديث)

عَنْ عَائِشَةَ رَضِيَ اللَّهُ تَعَالَى عَنْهَا أَنَّ رَسُولَ اللَّهِ صَلَّى اللَّهُ تَعَالَى عَلَيْهِ وَسَلَّمَ
قَالَ لَيْسَ أَحَدٌ يُحَاسِبُ يَوْمَ الْقِيَمَةِ إِلَّا هَلَكَ قُلْتُ أَوْ لَيْسَ يَقُولُ اللَّهُ
فَسَوْفَ يُحَاسِبُ حَسَابًا يَسِيرًا فَقَالَ أَمَّا ذَلِكَ الْعَرَضُ وَلَكِنْ مِنْ نَوْقِشٍ
فِي الْحِسَابِ يَهْلِكُ

محی السنه امام بغوی علیہ رحمۃ الملک القوی کہ ترتیب کتاب مصابح
ایلم شد در اول کتاب صحت انتسابده بو عبارت ایله روایت و تصریح

ایلمشدر. اگرچه اکثر روایانده فی حرفی مطویدر اما کتاب مذکورده
حرف ظرف ایله مرویدر. بو تقدیر اوزره مزاحمتات هزج مسدسدن
(مفعولان مفاعیلن فعولان) وزننه بی که وکاست موافق وراست کلور.
اساس البلاغده (ناقشه الحساب و فی الحساب) عبارتق ایله وجهینه
اشارت قصد و ترویز ولفظ (فی) ایله استعمالی تسویم و تجویز اولمشدر.
عائق اللغده (یقل ناقشه الحساب اذا عسره فیه واستقصی فلم یتک
عایلاً ولا کثیراً) ایله معنای لغویسی تبیین و افهام و (اصل المناقشة
من نقش الشوكة وهو استخراجها كلها ومنه انتقشت منه جميع حق)
قولی ایله وجه اشتقاقدن رفع برقع ابراه اولمشدر. مزید تحقیق واستبصاره
رغبت و تشوق و مطالعة رقائق اسرار و اطلاع و تشوف ایدن اهل دانش
و شعوره مستراب و مستور دکلدر که بشر من حیث انه بشر آلوده و ضر
شر و ضر و دست خوش امتحانات قضا و قدردر.

(نظم)

تأیس تست هرچه ز انواع نعمتست تنبیه تست هرچه ز اقسام ابتلاست
کونین از برای تو و تو برای او این منصب چنین که تو داری دگر گراست

کبریای خاتمه لائق عبادت و عبودیته غیر قادر و دست عملری
سرا پرده عالم پاکه وصول وادرا کدن قصر او مغله حقاء باریک بین
آسیب صدمه (کفی بنا حاسین) ایله افتاده حفره خفر و فریق و روز
شمارده اوله جق هتک استار اسراردن غرق دماء عرق او مشلردر.
(ع) خوش تماشگاه ایدی محشر حسانی اولسه. محرمان بزم خاص
اخلاص دور پاش (وبدالهم من الله ما لم یكونوا یحتسبون) ایله سرزیر
وزبون و هول فزع اکبر ایله جگرلری خون اولوب فریفته زخارف
دنیا اولان اهل هوا سیاستگاه سوء الجزاده متبور و مشبور و تلال عمل
مجازیلری تندباد استغنا و بی نیازی ایله هباء منبث و منشوردر.

(نظم)

حق همی گوید چه آوردی مرا اندرین مهلت که دادم من ترا
عمر خود را در چه پایان برده فوت و فوت در چه فانی کرده
کوهر دیده کجا فرسوده پنچ حس را در کجا پالوده

اگرچه راه ابتهاذه ترك تعنی ایدن اهل تمنی كشافت حجب غفلت
ایله یوم حسرتك شدتی تسهیل و تهوین و مفتون بازیچه (انما الدنيا
لهو و لعب) اولان طفل دل مرتعی انواع اکاذیب کودك فریب ایله
تعلیل و تهیدین ایدر لر اما اوده کی حساب بازار یوم عقابده راست گلز
وهر گرفتار شرك شر و اشر فزع محشری کاینغی بلمز .

(نظم)

بیرون ز کفایت حسابی دکرست در کوچه غیب احتسابی دکرست
مکر اول عارف صائب نظر و کامل صاحب خبر که :

(نظم)

بخل من لله عطا لله وبس آن اللهم نیم من آن کس
فجوا ی دخواهی اوزره بارگاه فضل الّهدن اخذ وجود حقانی
و تبدیل وجود فانی ایتمه که خارستان جهانندن دامن چیده و حارث محاسبی
کبی حرکات و سکناتی (حاسبوا قبل ان تحاسبوا) میزاننده سنجیده
اولوب مزید مناسبت و الف ایله سبعین الفه لاحق و بلا حساب نعیم
حسن الما به لائق اوله .

(نظم)

قطب زمن و پناه ایمان سر حلقه جمله کریمان
ساغر کش ولدینا مزید یعنی حضرت یازید :

(نظم)

نیک می دانست چون سر ره او قدس الله تعالی سره

سرخوان حسن بیاندن کشف غطا وره نشینان صومعه طریقه فضاله
نواله معرفتی بذل و عطا ایدوب بیورمشدر که هر کس بیم باز خواست
و عتاب ایله تنکا تنک موقف سؤال وجوابدن خائف و کریان و چشم
خونبار لرندن سرشک مدرار ریزاندر. اما عنان اختیار بنم کف اقتدارمه
سپرده و صحیفه کار و بارمدن رقم اضطرار سترده اولسه نفس پرتابی
شرف دنو واقتراب ایچون (لولو لعتاب) اعداد و ترشیح و حضور مهیم
متعاند محاسبه دفتر اعمالی اختیار و ترجیح ایدر دم. شاید که شرف مکالمه
ملک صمد ایله واصل منتهای ارب و خلال سؤالده جنب کریمه ذی -
الجلال دن یا عبدی خطابی ایله مخاطب اولم :

(نظم)

لاتدعی الایاعبدیه فانه اشرف اسمائی

شویله که : افاضه شرف اضافته مظهر اولمق میسر اوله صدهزار بنم
کبی بی سر و کارک حال پریشانی منتظم و متسق و قراضه کردار بی سامانی
سیاب عفو و غفران ایله ملتئم و متسق اولوب سیئاتی حسناته مبدل
و شاهد عمل نازوایی دار القضاء قبول و رضاده مزکی و معدل اولور .

(نظم)

آنرا که سفید روی و پاکست از ننگ محاسبه چه پاکست

— — — — —

الحديث الرابعون

دین اسلام اولوب سلامته
خیر امت ایچون بیوردی رسول
حشره دك مستزاد اولور هر کون
امتی امة مبارکة

(تمام الحديث)

امتی امة مبارکة لایدری اولها خیر او آخرها

ابن عساکر عمرو بن عثمان بن رضی الله تعالی عنهما مرسلاً
روایت استدیکی جامع الصغیرده تصریح اولمشدر . بوحدیثده ضعیفاءمه
عجب بشارت و کرفتار کشاکش افتتان اولان ابناء آخر زمانه حسن
اشارت واردر . شول جهتدن که شمس آفاق کیر بعثدن بعید اولان
ذرات نابیدک وجود وعدمی علی السوا و شرف افاضته نازوا ایکن
فیض بی علت آنلری مخاوف یأس و نقمتدن تبعید و ادحاق و امانل قدما
و اوائله ضم و الحاق اینمشدر و بو معنائک وضوح و انجلاسی تدویر دائرہ
مخصوص و روش پرکار پرکارده مشاهد و محسوسدر . شول حیثیت ایله که
کردش دائرہده سائر اولان نقطه آخرین پیشگاه نقطه اولیندن رانده
و ظاهر اصف نعال تأخر و تحسردد پس مانده ایکن منتہاء عود و رجعیده
نقطه اولی و غایت قرب و زلفایه متصل و بو محله (النہایه رجوع الی
البداية) کلام مشهورینه اطلاع و عثور متحصل اولور .

(نظم)

کر تو درکاره صنع بنظاره شوی	از عجائب دهن فکر تو خندان کردد
زانکه بنیاد فاک دائره کردار افتاد	پای هر چیز بانجام سر آن کردد
آن نه بینی که نبائی که بریزاند تخم	تخم او باز نبائی هم ازان سان کردد

غریب حکمتدر که بوامت نکو سیرتک فضیلت مسفوره دن قسط
اوقالری و مورد منقبت مذکوره دن شرب اصفالری واردر . زیرا
مدعاة دعوتہ اجابت ایدن امت باسرهم (نحن الآخرون السابقون)
مضمونی اوزره صفوف اصحاب قدمه منکب اضخم ایله مزاحم و قصب
السبق امتیازی احرازده مشارک و مساهم اولدقلری کبی محرومان آخر
زمان دخی (فی کل قرن من امتی سابقون) حدیث بشارت نمونی
اوزره نصیبه خیردن بانصاب و فضاله فضل متقدمدن حصه مند و بهر دیاب
اولمشدر .

(نظم)

چونکه واکر دید که از ورود پس فتد آن بز که پیش آهنگ بود
پیش افتد آن بز که پسین اضحک الرجعی وجوه العابین

خواجه محمد یارسا که اهداب بساط تحقیقنه دست فکر دقیق نارسادر
کتاب مستطاب فصل الخطابده طالبان لبان رشد وصوابه اتخاف هدیة
هدایت و بو حدیث شریفی حضرت ابوالدردادن رضی الله تعالی عنه روایت
ایتمشدر که (خیر امتی اولها و آخرها و فی وسطها الکدر) وینه کتاب
مزبورده مکتوب و مبروزدر که زید بن حارثه ایله رضی الله تعالی عنه سفر
شهادتده هم طریق اولان مردان خدایه یعنی غزوه موتده ده جئه منیه و موتده
غریق اولان شهیدایه آل و اصحابک جزع و اضطراباری مشدد و خوف
انصرام و استیصال ایله زمان اندوه و ملال متمد اولدقدده :

(نظم)

خاتم انبیا دلیل هدا صاحب جبرئیل امین خدا
قطب اقطاب آخر و اول اولین خلق و آخرین مهسل

حضرتلری جواهر نوازش و تساییتی کشیده سمط تقریر و (لیدر کن
المسیح بن مریم من هذه الامة اقوام انهم مثلكم او خیر منكم) کلام
معجز نظامنی اوچ دفعه اعاده و تکریر بیوروب بعده حقیقت معنای
خیریتی مستعدان مجلس افادته تفهیم و (لن یخزی الله امة انا اولها
وانسیح آخرها) ایله فائده بیانی تتمیم بیوردیلر. بو حدیث صحت مداردن
ظاهر و بدیدار اولور که وارد غیبی مز و مزیت دینجور قرب قیامتده
طارق و شمس عالمگیر خیریت و رجحان مغرب زمین آخر زمانده طالع
و شارق اولدیغی حضرت عیسانک وسط سموات علادن نازل و آنک
کبی رسول صاحب شریعت حوزه عداد امته داخل اولدیغنددر .
خصوصاً که فتنه انداز نسا و رجال اولان دجالک آشوب و اختلالی

خلالنده نجم ثبات ارادتلری منکدر و مشرب حسن عقیدتلی متکدر
اولیوب اطاعت نهی وامرده کالقباض علی الجمر نفس پرشورده زور
ایدن سربازان جهاد اکبر واعوان مهدی هدایت رهبر ﴿من تمسک
بسنتی عند فساد امتی فله اجر مائة شهید﴾ نویدی ایله صف صفه عز
وشرفه تقدیم و ترفیع اولنسلر بعید و بدیع دکلدر. اگرچه بواحادیث
صحت مأثر بحسب الظاهر بین الاوائل والاواخر فضیلت و برتریده
اقتضای مساواة و برابری ایدر اما شرح مشکانده اباضیل شبهات ازهاق
و حق تحقیق بو طریق ایله احتماق اولنمشدرکه امت خیر مدارک باران
منفعت باره تمثیل و تشبیهنده وجه شبه علم و هدا و بومعنی نفسنده کامل
و غیره مکمل اولان علماء نیکو شمائل حقنده واضح و هویدادر. بو
تفسیر اصابت پذیر اوزره خیردن مقصود ایصال نفع و سود اولمغه
﴿خیر القرون﴾ ایله دور اخیر کثیر الفتون بیننده احتمال توازن و تقابل
و مزیت و افضایتده تردد تساوی و تعادل قالیوب ﴿خیر القرون قرنی﴾
حدیث صحت لزومندن مفهوم اولان خیریت مطلقه مخصوص قرن اول
و بوخبر مصدوقک منطوقی خیریت مقیده ایله موجه و ماول اولور.
اگر بو حدیث دخی خیر مطلقه محمول و ظاهرندن نامعدول اولورسه
حدیثدن مفاد و خیردن مراد امت اجابتک باجمعهم بنیان مرصوص
الارکان کبی ملتحم و بی مبالغه کحاقه المفرغه طرفینی ملتئم اولدیغی
تبیین و توصیف و سابق و لاحقنی قاطبة مدح و تعریف ایله تکریم
و تشریف اولور. نته کیم برشاعر ماهرک بو قول حکمت مظاهری اول
معنایه لمح و ایما ایدر :

(نظم)

ان الخیار من القبائل واحد و بنو حنیفة کلهم اخیار

نقاوده کلام بودرکه امت خیر آغاز نیک انجامک بر مرتبه ده حسن

انتظام واشتباك و مزید التام واشترا كرى وارد ركه هر طبقه سائرند
من وجه اندى . بلكه هر فرد معتبره امعان نظر اولنسه تفاریق عصادن
اجدى كورینور ﴿كانهم فى سریان سر الخیارية یصدق علیهم قول الا
نمارية﴾ اگرچه فی نفس الامر بعضیى بعضندن افضل واعز و قرب
عهد رسالت جهتندن ارجح وامزدر لكن هر برنده نیجه سر خفی
مودوع وماینلرنده جلباب فرق واریاب مرفوع اولمغه كانه امر تفاوت
ورجحان مبهم و مشكل و وجه تمایز و فرقان متشابه و متشاكل اولمشدر .

(نظم)

این دویی اوصاف دید احوست ورنه اول آخر آخر اولست
بوترز بدیع فن بیانندن برنوع دافریب و ﴿سوق المعلوم مساق
غیره﴾ بابنه قریبدر مروان بن حفصه نك قول باصوای بوبابده ایراد
و اثبات اولنان شواهد ایباندندر :

(نظم)

فما نحن ندري ای یومیه افضل ایوم نداه الغرام یوم یأسه
زیرا بومعنانك فهمی برامر ضروری ، بلكه علمى علم وجدانى
و حضوریدر كه بأس و نكال هر حالده اشد و امر ویوم ندی یوم بأس
و ردادن هر وجهله اشرف وامزدر . لكن :

(نظم)

ولاخير فى حم اذا لم يكن له بوادر تخمى صفوه ان يكدر
فخواسی اوزره طعم نداء اندوه زدانك چاشنى و حلاوتی حموضت بأس
و صلابت ایله اولمغین تحبیر ادا و تعبیرده تسامح و تساهل . بلكه عارفانه
تجاهل اولمشدر . مطر و امتده دخی بو حالت عند اهل النظر مرعى
و معتبر اولور و بالجملة صف نعال آخر زمانده مانده اولان ضعفاء ناشادك

تقدم واستسعاد لری نه وجهله استبعاد اولنور که (ع) مبتدا کاه اولور مؤخر اولور . امام محی السنه کتاب مصابیحی که حسن خاتمه ایله مسکی الحتام و ﴿ مثل امتی کمثل المطر لایدری اوله خیر ام آخره ﴾ حدیثی اختتام ایلمشدر علامه بیضاوی شرحنده بو وجهله اظهار ید بیضا وایض ر حیق تحقیقی انتضا ایلمشدر که نوب مطردن هر نوبت برکت اثرک تربیت اطفال باغ وراغده فائده عامه سی ونور سیدکان کهوارده خاکک نشو وادرا کنده منفعت خاصه و حامه سی اولدینی کبی طبقات امت نیک نهاددن هر طبقه پاک اعتقادک دخی نیجه مکارم و مخائلی ، بایکه اصحاب نهی والبابی تحجیر و اعجاب ایده جک بی حد خصائص و فضائلی واردر . اکر چه سابقون اولون مشاهده معجزات کونا کون ایله ﴿ الفضل للمتقدم ﴾ نعیم دائمه شایان و کثر طاعت و قلت لم وزلت ایله داخل خلد طمانینه ورضوان اولمشدر اما کرفتار شرکه شر القرون اولان آخرونک دخی عند فساد الزمان وجوه اطاعت وایقانلری باسره وصفقت بیعت واذعانلری خاسره اولیوب هنگام فشو منکرات وشیوع بدعده احیاء موات موات سنت وورع ایتمکه هربری مکتب فضل وادبده اهل سبق ایله هم سبق ورایت جامعیتی حامل اولان هر فرد کاملنه بوییت حکمت فزانک مغزاسی ماصدق اولمشدر :

(نظم)

سبقت ولکن الی الفضل والحجی فانت اخیر فی زمانک اول
بالانشین عهد پیشین اولانلر تأسیس و تمهیدده جد جدید ایتدکلری
کبی رده نشین دورینی اولانلر دخی تلخیص و تجریدده کد اکید ایدوب
بوسبب ایله سعلیری مشکور وهربری نام جمیل و خیر جزیل ایله متعارف
بومذکور در .

(نظم)

صغیرهم ککبیر فی اقتناء علّاً من تلق منهم فقد لاقیت سیدهم

تتمیم الذکر لاهل الفکر

بوغریب شهر بلاغت و مسافر دیار براعت که نیجه مدت اودیّه
عالم بی نهایتده تسیار بسیار، بعده تأیید فیاض بی علت ایله مأنس دار
الملک شهادتده آرام و قرار ایلمشدر خصائص ثلاثه ایله مخصوص و بنیان
تفرد و رجحانی مرصون و مرصوصدر .

خاصهٔ اولی — میان مهرهٔ منشیانده رسم سخن کزاری بووجهله
جاریدر که اوائل کتب و رسائله رعایت اسجاع و فواصله فی الجمله
رغبت و میل و مضمار عبارت آراییده بر مقدار رکض اخیل ایدوب
بعده ترک مشقت تکلف و تنسیق الفاظ منشیانده دن تخلف ایدر لر . بوخزف
ریزهٔ بی اعتبار که نظر ناقدان اولی الابصارده کم قیمت و پستدر هر نه
دکلو عیب و عواری وار ایسه کریبان مطلعدن دامن مقطعه وار نیجه
هموار و یکدستدر .

(نظم)

اگر عیبی بود کو عیب پوشی چو تحسین نکندم باری خوشی

خاصهٔ ثانیه — شاهد بلاغت بر صورت ایله ایکی دفعه متجلی و بر
زیور ایله مکرر متجلی اولمیوب اقتضاء ناگزیر ایله اعاده و تکریر اولنان
عبارات پر عبر لباس آخر ایله آرایش و تقیین و رعوبهٔ بلاغت مر غوبیه
سجاف سجع متوازیده متواری اولدقد مخازن سجع متوازندن اخراج
زیور تبیین اولنوب عبارت واداده تفنن و بی تکلف تصامع نوع تصرف

ایله تغییر اسلوب سخن اولنمشدر. (ع) احسان چو نمی شود کم از تحسینی .
 خاصهٔ ثالثه — نامحرمان اجانب عوامدن ستر واکتتام ایچون
 سمت انشاده بر طرز نادر دلکشا اغراز و افراد و مسلت سبعة معلقه
 اوزره بعض الفاظ معقدهٔ معلقه که ایراد اولنمشدر هر لفظ صعب المثال
 مرادف مأنوس الاستعمالی ایله شفع وهر حرف وحشی حوشینک
 سرپوشی بوحیه ایله ازاله و رفع اولنغله کتب لغته مراجعت اولنمادن
 مدلول مقاله انتقال اکثر مواضع و محالده آسان و یسیر وصنعت جراثقال
 کبی عقدۂ صعوبت و اشکال انفکاک پذیر اولور .

(نظم)

چون خجلیم از سخن خام خویش هم تو بیا مرز بانعام خویش
 وصمت حسد و عصیتدن مصون وبری اولان موشکافان دقائق
 سخنورینک بارگاه نصفت و انصافلرندن دریوزه و استعطاف اولنور که بوباغ
 بلاغت بلاغدن عین رضا ایله کذر و عیبهٔ عیبه نظر ایتمکدن حذر ایدوب
 همزانوی ملوک کلام نبوت بیان اولان فقراء مقدرات پریشانه سنک انداز
 وره نشین عتبهٔ عتی اولان کدای مترصد التدایه تعرض و اعتدا ایله ستم
 پرداز اولیه لر .

(نظم)

و خیر خصال المرء ستر معائب و افضل اخلاق الرجال التسامح
 بلکه افواه طلبهٔ معرفت شعاردن داخل مسامع کبار اولدقدده لسان
 تکریم و استحسان ایله :

(نظم)

جزاك الله عن ذا السمی خيراً ولكن جئت في الزمن الاخير
 نظمنی انشاد و بونیازمند مجروحك روحنی فائحه فاتحه ایله مسرور

وشاد ایدوب هفوات یسیره سنی حمل علی الصلاح وزلات کیره سنی
و قزده خامه اصلاح ایده لر .

(نظم)

نویسنده این خجسته سواد زپیشینه دفتر چنین کردیاد
که برسائل جری حکیم انوری به که انکشت نمای قلمرو سخنوریدر
ایراد سؤال و نطع منافسه مناقشه به التاء قرعه قیل وقال ایدوب دیدی که
ای معدل موازین اقسام اشعار سن اول استاد بلند اقتدار سین که هر کلام
بدیع النظامک مشیمه شیمه فسونده سحر نیرنک نمون ایله توأم و شقیق
بلکه قصائد حکمت طراز که اطلاق لفظ اعجاز شایسته و حقیق در اما حیف
و دریغ که زبان تیغ کلام بلیغ عروض رخنه غموض ایله عرضه کلال
و لسان بیانک عقدۀ تعقید صعوبت نشان ایله بسته و لال اولغین اکثر
ناقدان فضل و هنر ادراک شعر معجز اثر کدن محروم و نا امید و بیکنده
بر طالب دشوار پسند حکم سودمنددن بهره یاب و مستفید اولور . اول حکیم
بی قرینه و مانند و واسطه العقد (ع) در شعر سه کس پیمیرانده
مسلك تفرد و تمکینده کندو استعداد طرز آفرینه اقفا و لا تصل علی
صولاً فکم من عائب قولاً کلامی ایله اکتفا ایدوب دپدی که (ع)
من نیز برای آن یکی می گویم . بوفقیر نا کامک دخی کلمات بی انتظامنده
جارجا اغلاق و تعقید ظاهر و بدید اولدقده (واحد کالالف) رتبه سه
صاعد ، بلکه هر عصرده (واحد بعد واحد) اولان مخاطب یکانه نک نفحات
الطاف بی بهانه سه تعرض و عرصه ضراعت و استکاننده تبوء و تعرض
اولور که بومقدمه مهمه بی خاطر نشان و بو فقیر مستهدف مستهامی
سهم الغیب رضاء تامه عرضه و نشان ایدوب جرمنه اعتراف ایدن
مسکین سینه صافه سبب نکوهش و تعییر و اغراء نفس ناموس شکن ایله

اسلوب حسن ظن تغییر اولئمه (ع) فان بحثوا عنی ففیهم مباحث
 بلکه بودار الحدیث دانش و هنر دین زمره ادبا ﴿فما لهؤلاء
 القوم لا یکادون یفقهون حدیثا﴾ خواسته مظهریتدن توقی و نهایت بر
 و رافقارندن (ع) با آنکه سراسر همه عیب اقتادست جائزه حسن
 قبول ایله تلقی ایدوب ید انصاف ایله ذیل الطافه تعلق و عفو تقصیر
 کناهنده خلق الله ایله تخلق ایده لر .

(مؤلفه)

ایلر رشاشه قلم مرده دلارہ . تفسیر آیت ومن الماء کل شی
 دل معدندن ایتدی قوافی نوظهور هر کا وطبع فهم ایده مرسته و ماعلی

بومقدمات مقصوده بالعرضدن نتیجه و غرض پابین مصنفینده جایگیر
 و ممکن وصف نعال اهل کالده اقامت کنزین اولمغله احیانا جزئیات
 نتف و مزایا ایله اجمام نفس و احماض و مشاین زیردستان خود فروشدن
 عین عیب پوشلرینی اغضا و اغماض ایدن بزرگان و ارباب قلوبدن طلب
 دعاء اجابت قرین و جناب ستار العیوبدن در یوزه بهره ﴿واجعل لی
 لسان صدق فی الآخِرین﴾ در :

(رباعی)

من معترفم که کار من جمله خطاست معذورم از آنکه بر بشر سهو رواست
 ای منصف اگر توان در اصلاح بکوش در عیب نظر میکن که بی عیب خداست

حرره العبد الفقیر الی الله الغنی القدیر طاهر بن عتابی الشہیر
 بعلمی القاضی بأچہ قزانلق فی الیوم الرابع من رجب
 المرجب لسنه خمس وثلثین و الف

انتهی

کتابخانہ اقدام

عدد ۵
Ion Kemal, d. 1535

آثار اسلافدن

Divan

کمال پاشا زاده

ناظمی

کمال پاشا زاده

طابع و ناشری

طابع و ناشری

اقدام غزته سی صاحب امتیاز و باش محرری

احمد جودت

معارف نظارت جلیله سنک رخصتیه طبع اولمشدر

درسعادت — اقدام مطبعه سی

۱۳۱۳

بِسْمِ اللَّهِ الرَّحْمَنِ الرَّحِيمِ

قصیده لر

وشدی دالر کل یوزکده زلف پرتاب اوسته
وشدی ماهیلر صناسک صوده قلاب اوسته
چشم پراشک اوزردتاب اورسه رخک عکسی نوله
رسمدر قنیدیده آتش ینار آب اوسته
خطکه طولاشسه دل حسنک کتابنده نوله
اکثریا بحث تفسیر اولور اعراب اوسته
عارضکن خط چیقوب طوتدی سواد زلفکی
رومدن لشکر وارویدر صانکه اعراب اوسته
خط یاقوت اوزره کیمسه نقطه قویمادی مکر
بکاربکیم دوشدی اول لعل شکر ناب اوسته
صفحه خدکده دل ایلر خیال خط وخال
کورنیجه دیوانه در کیم نقش ایدر آب اوسته
حقه یاقوتدر چشم طولودر وکهر
لبلرک عکسی دوشدن اشک خوناب اوسته
دوندورر مردم سرشکم چشمی دولاب وار
کوزه پرآبدر چشم اودولاب اوسته

کوزم اسطرلابدر حسن ارتفاعن آلمغه
عنکبوتی پرده مژگان اول سطرلاب اوستنه

اشک خونین ایچره چشممده خیال خال دوز
سان مکسدر دوشدی جام باده ناب اوست

*

**

ایلدی موسی صفت زلفی عصاسن اژدها
صالدی خطک خضروش سجاده سن آب اوستنه

خانه دلدہ صاچک کیم غیره اولمشدر حج
پردہ مشکینه بکزر کاصیلیر باب اوست

کوکله عشقک دوشوب تاراجه کیتدی عقل وصبر
لاجرم یغما اولور اود دوشسه اثواب اوستنه

مرهم چشم آیرماز لبرکدن خال و
جان ویریر مسکین مکس کوردجکه جلاب اوست

لبرک شوقیه قان دوکسه نوله بوکوزلرم
قان دوکک شمدیمی اولدی می ناب اوستنه

جنک غمده ضرب ناخسله رک جانم
لرزه ایلر چنک تاری کیبی مضراب اوست

ایتلریکی قویوب اغیاریکه میل ایتز کوکل
کیمسه اعداسینی تقدیم ایتز احباب اوستنه

عاشقه دابر { ایتم } دیدجکه شادیدن اولور
کیمدرر عالمده جان ویرمن خوش القاب اوست

عارضی آینه سنده عکس رخسارم بنم
کوییا برک خزاندر کیم دوشر آب اوستنه

خوشدور افسانه‌ی زلفکده تطویل ایتسه‌لر
 کرچه کیم دیمشدر املا اولور اطاب اوستنه
 آب کوثرله یور آغزین لبلرکدن سوز آچوب
 دل قاچان مدح اوقوسه شاه ظفریاب اوستنه

*

سن سین اول علامهٔ عالم که دورکده سنک
 ظاهر اولدی فضل روم اعجام واعراب اوستنه
 کورمدی ذات شریفک کیبی قطب معرفت
 بونجه ییالاردور دوتر بو چرخ اقطاب اوستنه
 آدیکی منبرده چونکیم یاد ایدر که که خطیب
 منبر آنکه تقدیم ایتدی محراب اوستنه
 چرخ اطلس اوستنه که چتر هایوندر کآنک
 شمسهٔ زریندر شمس جهان تاب اوستنه
 کون یوزکدن اسی یوز کوریدی برکون پیر چرخ
 کرم اولوب کیمزدی ققم کورک سنجاب اوستنه
 عکس رخسارکله کیم تاب اوره تیغک برق وار
 آبه بکزرکیم دوشر خورشیددن تاب اوستنه
 قوردی دولاب زبرجد سبزه زارکده فلک
 اولدی زرین کوزه کوکبلر اودولاب اوستنه
 درکه عالیده دربان اولماسه هر کون سحر
 زر عصایله دیکلمزدی کلوب باب اوستنه
 کاسهٔ چینیده آلتون حل ایدر هر کون کوانش
 زرنشان نقش ایتکه قصرکده ابواب اوستنه

خاص اولوب شانکده شاهه فضل بی پایان حق
قصر لطفک عام اوله اعدا واجباب اوسته

دائم وقائم طوته حق دولتک اوتادینی
نیچه کیم چرخ فلک دور ایده اقطاب اوسته



عدوی سنک دل ایچنده دلدی کان خنجر
جهانه لعل نثار ایتدی خون فشان خنجر

های قنحدر آغزینه استخوان آلمش
نه خوش ایدیندی عدو قابن آشیان خنجر

منور ایتکه دیجور رزمی شمع کبی
ایدیندی نیچه سیمینی شمعدان خنجر

عدونک ایتدی باشی بوشلغینی ظاهر کور
ایچی چوروکلکینی ایلدی عیان خنجر

زبان حال ایله خون عدویه تشنه لکن
دیلانی طشره چیقارمش ایدر بیان خنجر

بررسی کشفده غالب بریسی دقده
سنان ایله نیچه کز اولدی امتحان خنجر

عجیبی قوپسه یالنچق قلیچ نیامندن
چودوزدی معرکه کی حشردن نشان خنجر

نیچه کزه ایل اراسنده شوپله عریان تیغ
نیچه یوده یوریوب خلق ایچنده قان خنجر

نیچه صونه الی نهب وروبچون شمشیر
نیچه اوزاده دل آزار اولوب زبان خنجر

بانی کندویه چکسون قلیچ برا زمدت
 دیلی کندوده طوتسون براز زمان خنجر
 جهانده قالمادی قهر اولمادق عدو آرق
 کرک که باغلامیه قتل ایچون میان خنجر
 چون اولدی عهد شهنشاهده جهان خوش حال
 آلماسون اله سیف و سنان کمان خنجر

*

* *

کورن صانیر که دکزدن آتدی برماهی
 قاچان که برق اوره کفکده نا کهان خنجر
 دکزده ماهی یه بکزدی کوکده ماه بوه
 النده سن شهک اولیدی کر روان خنجر
 قپوکده قوللریکه ایتهمسیدی کر تقلید
 طاقمازایدی مه نودن آسمان خنجر
 شهاب وتیر وکمان و سنانکی کوتوروب
 یوروب اوککجه چکه شاه خاوران خنجر
 کونش یوزکدن اولور ایدی فرق ذره قدر
 النده سن شهک اولسیدی هر زمان خنجر
 اوککده کون کی چینی سپر اوله چون چرخ
 کورونور اول آردهده ماه آسمان خنجر
 خطاب قهریکی فهم ایتزایدی قلب عدو
 کر اولماسیدی ارایرده ترجمان خنجر

دیلنه قصه سین آلمادی پیر دستانک
 سنک اوککده اوقویالی داستان خنجر

نبرد ایچنده اولور دست برد که قائل
عدوکل آغزبنه آتی صوقار زبان خنجر

نشان زردر اول دست زرفشانکده
کورنر آتی صائر اولدی زر نشان خنجر

اوککده شعله شمع ظفر طورر ایکلر
نسیم نصرتک اسدجه ناکهان خنجر

نشان اوککده باش اوینادی سر فراز اولدی
نشار فیلدی کوروب آتی باش وجان خنجر
چکوب یانیکه ایدینسهک مقرب آتی نوله
اوککده باشنی چون ایتدی درمیان خنجر

ایدرر قلیجک پهلوان معرکه نک
دیایلدرر اول الک کیم ایدر بیان خنجر
ییلان قوشاتدیغکی جنکده بیان ایلر
لسان افعی ایله زهر جان ستان خنجر

قلیجک آبنه دبسوز لافی نیچون دیرلر
دلی دکلیندر اول صو کبی روان خنجر
عدوکی اورمیچون یومروغن دوکر کوره رک
صوچنی سورمیچون اوزادر زبان خنجر

عدوکل ایلدی چون نقد عمرینی غارت
نه کیردیه انه ایتدی درمیان خنجر
کورنجه آقادی هان آغزی صوی شمشیرک
چون ایچدی دشمنک قاتی روان خنجر

نه سوزکه قلبکه لایح اولور مدیحکده
 دیلی ایچنده در آنی کسر هان خنجبر
 حسود اولماسه قاتل بودل فریب سوزه
 دیلینی کسسون ا کا ویرمه سون امان خنجبر
 کوزینی خضمک ایدوب تیغ چشمه خونین
 سراسر ایده یوزین چشم خون فشان خنجبر
 کوزنده هر مژده سی دشمنک اولوب خنجبر
 تننده اوله عدوکک هر استخوان خنجبر

غزلار

حروف الالف

ایها الساقی لنا دع ما کدر خدما صفا
 قویزه غم دردینی نوش ایله سن جام صفا
 صو بولانمادین طورلمازدل مکدر اولمادن
 محنت هجران ایله سورمز وصال کدن صفا
 صبح اقبالیه چکدی شام محنت پرده سین
 زلفی یوزنده کی کافور اوزره اولدی مسک سا
 زلف و غمزده فکرله صحرای عشق کورونور
 هر گیاهی اوق ییلانی مراغاجی ازدها
 سینه سنده کیزله دیکی داغ عشقی دل بوکیم
 خرقه سی ایچنده صاقلار درهمی اولسه کدا

قدیکه ایرمکدر اول فکری عشق ایجره دك
طفل مکتب کبی کیم ایلر الفدن ابتدا
هیچ دل خالی دکل قدك هواسندن سنك
یوقدرر عالمده بریر کاویمیه آنده هوا



دیدى دلبر شمع کبی یانه سویلرسین بکا
چون دل اوچندن ینارسین یانه سویلرسین بکا
یوز ویروب اغیاره کستاخ ایلك دیدم دیدى
ییلیوب سوزك نه کستاخانه سویلرسین بکا
بلرینه جام وصلکدن بنی مست ایت دیدم
خشم ایدوب چشمی دیدى مستانه سویلرسین بکا
زلفك افسونیه کوکدن آیی ایندیرمش دیدم
اویقویه واروب دیدى افسانه سویلرسین بکا
سویلهسهك شاهانه وار دیدم دیدى خشم ایلیوب
برکداسین سن نیچون شاهانه سویلرسین بکا



جسممی چون داغ حسرت قیلدی سرتاسر قارا
اولدی سودایه سواد اعظم آنده هر قارا
شوق رخسارك کوریجك تیره اولورسه کوکل
طك دکل کیم شعله قالماسه اولور اخگر قارا
آیری دوشلدن یکاغك بکلرکدن ایلدى
داغ حسرتاه یورکك لاله احرر قارا

صاچلارك هندوسى مشك چيندن اولمش صنم
فرق اولماسه نوله بريرينه بكرر قارا

دود آهمدن قاراردى صانمه كيم زلفى كې
قىلدى كوكله خانمان اول پرى پىكر قارا
سن كونسدن آريلغه بركيجه قاتلانمىوب
طاشلارايله كوكسنى دوكونب قمر ايلر قارا
اى كوزى آهو پلنك كوه عشق ايتدك بنى
داغ حسرتله ايدلن جسمى يرير قارا



كلشنه سروكدن ايلتمش خبر پيك صبا
ال اوزاتمش كيم چنار ايدى آنكله مرجبا

لاله رخسارك كې بركلده يوقدر رنك وبو
مئلى يوغىدى جهانده ورسه كر بوى وفا
زلفك اوجنه ايرن آلير لېكدن كام دل
قدرد اوغرايان كشينك حاجتى اولور روا
نازله كلشنده مستانه صاندى شاخ كل
مست صاندى غنجهنك آغزىن قوقار باد صبا
توتيان خاطرندى چشمك وازدر غبار
يوزينه باقماز دخی كر خاك پايكى بولا

دل كرك صافى كه عشقك پرتوندن حظ آله
چون مجلا اوليه آينه كسب ايتمز صفا

نوعروس مصر طوتدی یوزینه نیلی نقاب
زلفک شامنده ظاهر اوله لی حسن و بهلا



آکغه طویماز یوزی دل ویرمک ایستر جان آکا
نه دیایله برکشی جانان اوکنده جان آکا

خط قازیتق ویردی خوش صورت نکین لعلک

کوردی خاتم قالدی پارمق ایصیروب حیران آکا

بر بلالی بابلاک در باغ عشقکده کوکل

کیم جکرده تازه داغیدر گل خندان آکا

چشمه حیوانه لعلک قنغی حیوان بکره دیر

کورسه ایدی جان ویریدی چشمه حیوان آکا

تاب عشقک یاقدی جانی کوز یاشندن نفع یوق

اسی چالمشدر یورده کن نیلسون یازان آکا

صاقینوب خامه دیلندن آدینی اول دلبرک

نامه شوقیمی یازدم یازمادم عنوان آکا

تاب عشقکده صولاردی سبزه زاری عمرمک

دمبندم صو سیمه سه بودیده کریان آکا



زلفک اوچندن کوکل دوشدی بلا زنجیرینه

هپ بلا باشی سنکده آشنالقدر بکا

بولماسه باغ وصالکدن نوله برک و نوا

کوی عشقکده غرض چون بی نوالقدر بکا

بر نفس کویک یقاسن قوماسه مالدن نوله
کیم جهانده خوش کلن آنجق بورالقدر بکا

اول قدی بالا بلاسندن نیجه اوله م خلاص
چون نصیب اولان ازله مبتلاقدر بکا



جام لعلیه کوکل عیش مدام اولسون سکا
اول شرابی بنسز ایچرسه ک حرام اولسون سکا

ییلر اولدی بر سلام ایله بزی یاد ایتهدک

بی وفالر چوقدرر اما سلام اولسون سکا

سرووسون قد و خطکه قول اولسون قوکتا

نه قدر آزادلر وارسه غلام اولسون سکا

سایه کیبی خاک اول یولنده برسروقدک

کر ذیلرسه ک روضه رضوان مقام اولسون سکا

بی ریا طاعت کرکسه کل طریق عشقه کیر

مطربی واعظ ایدن ساقی امام اولسون سکا

برقارش کسمک کرک قدک اوزوندی ای رقیب

کردیلرسه ک خلعت عشقی تمام اولسون سکا

ییدیکک خون جکر در ایچدییکک کوز یاشلری

بوصفا اسبابی ای دل مستدام اولسون سکا



اولدی سودازده زلفک غمیه مشک خطا

کور نیجه باغرینی خون ایتدی آنک بوسودا

زلفك هر قیانی بادل النده کوروبن
 کیمن اولدی عجباً هند ایلنده یغما
 چین زلفیکه سنک نیجه دییه مشکین دل
 زلفك برقیانبه دکزیکن چین و خطا
 کیجه اویقوده کورر دلکه قوجار ایجه بلاک
 دوشده موکوردی ینه چکسه کرک رنج و بلا
 هیچ یارک نظر اول ایجه بلندن سیچمن
 موی کیس-ولرینی کولدی سکا دام بلا



طاشلره کار قیلار ایتمز اثر آه سکا
 نه دمیردن یورک ایتمش بکم الله سکا
 غصه زلف سیاهک کی یوق جوریکه حد
 قاچان انصاف ویریر بیاحزم الله سکا
 سرو قدیکی کناره کتیر نیجه باشم
 اره یرده یورولور وارده کله آه سکا
 باشن اکیکی بودر قاشیکه ای کعبه حسن
 کوریک کون یوزیکی سجده ایدر ماه سکا
 کوک اطرافنی طوتدی دکره دوندی یاشم
 آجیدیم بوکه قالمادی کذرکاه سکا
 کیزلیر قارشى بزه ناز ایدر اولدی سایهک
 خویک اوکرندی شها اولهلی همراه سکا

نزد عشقده کوکل گاه یوتار که یوتولور
عالمک حالی بودر گاه بکا گاه سکا



بیقلسه دل هوای رخکله بولور صفا
بوزلسه او طولار ایچنه لاجرم ضیا
صافی کوکلده ظاهر اولور عشق پرتوی
صورت کورونمز آینهده اولماسه صفا

عشق اولماینجه باشد قاجان جوش ایدر کوکل
دریا تموج ایله من اولما ییجق هوا
اوردم کوکل خرابه سینه غم کلنکنی
چیقدی خیال زلفکله کافری بنا

باقدجه کلشنه آچیاور کوکلی غنجه نک
اولور بهار ایرشسه چمن سیری دلکشا
بلبل نیازه باشلادی سن ناز قیل دیه
کلشنده کل بوداغنی تحریک ایدر صبا

کلسه رقیب خاطرکه زلفنه یاش
دیمشدر اولور ایتی آک حاضر ایت عضا



عشقه اویدک نیلهدک کورسهک بکا
دیمدیمیدی بو حالی بن سکا

جان صفاسینی سورردک ای کوکل
مانع اولماسه هوای تن سکا

کلدی چون اول ماه طلعت بزمکه
 شمع کبی قارشوسنده یان سکا
 نور اولورسک نار عشقیله یانوب
 ککشن وصل اوله هر کلخن سکا
 وقت کلدرد باغه کل ای لاله رخ
 سرو وعرعر اوزدنور چوقدن سکا
 صبحدم آچوب کل وئرکس کوزین
 کوز قولاق طومش طورر کاشن سکا
 کوردی کلدیگ سنک ای کلعدار
 اورو طوردی سرو بیرندن سکا



عشقه نه انتها بوله بیلدک نه ابتدا
 جان ویرمکیله کیمدر آکا بوله انتها
 یانمازایدی فراقله دل عشقه دوشمده
 اولمازایدی جهنم اودی اولسه هوا
 نیجه ییقیله کلبه احزانی کوکلمک
 زلفک خیالی اوردی آکا کافری بنا
 خونی کوزی یوزومه قیا باقسه وجهی وار
 کیم زعفرانه میل ایدر آغوی چین خطا
 رومنده حسنک واریجق شام زلفکه
 چیندن دم اوردی مشک خطا ایلیدی خطا
 صونک ایچنده یاتمق ایله مار اولوردی فیصل
 زلفک یوزکده یوزم کلوب کورینه صبا

ایزک توزی عیرینی صاتش یبائلره
یوقدر یوزیکه یوزه کلوب کورینه صبا



دوشمش هوای زلفکه ای سیم بر صبا
آوازه اولدی که اکلمیوب کزر صبا

لیلی صاچک هواسنه مجنون وقت اولوب
دیوانه اولدی طاغلره دوشوب یلر صبا
واردجه کلستانه چیچکلر عروسنه
ایزک توزین عبیر دییه خوش صاتار صبا

اوفورسه لر چراغی سونرکن سبب نه در
اوفورمه کیله لاله چراغن یاقار صبا
بکزرکه کوردی کویکه بویکه اوغرا دی

کیم دوشدی یوله آردینه باقاز قاچار صبا
باغک یولنده ترکسک آردندن ایریشوب
اورر کوزینه توز وکلاهن قاپار صبا

شبنم کوزی یاشیله کیجه کویکی صولر
قاپوک اوکینه کلوب سوپوره چین سحر صبا



جان گوشنه زلفک طاقه لی حلقه سودا
دل حلقه زلفک کیدر بی سرو بی پا

بردمده قیلار بیک دل و جان مرده سن احیا
لعلنده ظهور ایتدی مکر سر مسیحا

موسا کیدروب خط سیاهینی یوزندن
کوستردی عذارنده نکارک ید بیضا

کل رخلری یاننده کورن لبلرینی دیر
کیم کوردیکی وار کل بوداغنده یته خرما
نار رخک آهم توتون کوکه چیقاردی
اود دوشدی کوکل شهرینه کل ایله تماشا

صحرای فراقکده صوسز باغری قاراردی
جان آتدی لبک چشمه سنه لاله حمرا
صافی دل ایسهک ایت لبک ذکرینی صوفی
کل کور نه صفا بخش اولور جام مصفا



کلشندهکه دوشدی صویه برک کل رعنا
معشوق ایله عاشق یوزیدر کور کوده کویا
اویکنمیه طغراسنه سن خسرو حسنک
منشور فلکده کورون غره غرا
خط لبی نقشيله نکارک قاشی رسمی
منشور جماله بری مهر و بری طغرا
استاد چمن چونکه طوقور سبزه حریرن
برک کل حمردان اورر باد آکا تمغا
یازدقده یوزک مصحفی کاتب تقدیر
شانمده بنم ایلدی عشق آیتن املا

زلفك غمی كوكلومی بلك فكرینه صالدى
كورکیم نیجه حاله براقوبدر آنى سودا

جاهل نه بیلیر اصلنى ایمان ایله کفرک
آقندن قارینی فرق ایده منز دیدۀ اعما

حرف الباء

عارض اولدی کوکله یوزک کور یجک اضطراب
عکس مر آتکدن اول صواووزره کویا دوشدی تاب

کل یوزکده در دیزلمش قطرۀ شبنم کبی
ظاهر اولمش چشمۀ مهر ایجره انجمدن حباب

صورت یارن خیالان باغرینه باصمش یاتار
کرچک ایمش عاشق دیدارد در یرلردی آب

مانع اولدی قانلی یاشم کل یوزیکی کورمکه
کون یوزیکه صان شفقندن طوتدی کلنار نقاب

ایستدی دل دزدی چیقماغه خیالک قصریکه
فکر زلفکدن بلینه باغلادی مشکین طناب

کویکه واران سحر باشن ایشککده بولور
سایهوش افتاده در سن سرو قدۀ آفتاب

طاق کردوندن یاغار خلق اوستنه کرد فنا
اسکیجک سقف خانه دوکولور آندن تراب

چرخ کرد و ندن بیلیر سین اکسک اولماز هیچ حجاب
بکله یارک ایشیکین کیم برکون اوله فتح باب

هر نه درده کیم دوا سورسه لبک امسه بولور
کورمدم دنیاده بن انک کبی حاضر جواب

لبز کدن آلسه اوچ بوسه اولور قائم حلال
کیم مثلث اولیجق دیزلر حرام اولماز شراب

کوشه زلف کدر هر کیجه ماهک منزلی
هر سحر کل رخت کدر جلوه کاه آفتاب

آیاغیکه چوق دو کر کوز یاشنی عاشق لک
حسنک بنیادین اول آب ایدیسر آخر خراب

صفحه خدکده یریر نقصه مشکین قوش
حسنک دیوانی ایسترکه ایده انتخاب

جان و یریر آکا که جاناندن مجرد اوله دل
اهل تجریدک طریقه ده اولور برقیل حجاب

سویاسون ایل دیکه سن بیلدیک ایله سویله مه
سویلدم بن بیلدیکم والله اعلم بالصواب



ای بت چین چون یوزک آین تماشا ایتدی آب
دوشدی اندامینه لرزه کنديسندن کیتدی آب

سروه اولاشدیغی ایچون کلستاندن سور دیلر
طورمدی تک یوزی صوین یوللره آقیتدی آب

عاشق دیدار اولوبدر کوری یاشن بیکه من
کندوی شمدنکری جمع ایده من طاعتدی آب

کوکلی بولاندى هوايه اويدى چکرندى باشى
 چکديلر زنجيره آخر کنديسنه نيتدى آب
 باشن آلدی چيقدی شهرایچنده هرکز طورمادی
 باغدن سروی سورک دیدکلرین ایشیتدی آب
 سروی کوردی دلبرک قدینه بکزر سین ديه
 آياغينه يوز سوروب شوریده لکلر ایتدی آب



کا کلی اوچنده رخسارن کورن يارک صانیر
 ایدینیر زلفن کوکه چیقماغه معراج آفتاب
 رخلریله آلتنه يارک کونشدر دیرایدم
 اولسه ایدی کر کوکک یوزنده برقاج آفتاب
 پنبه ابرایله طولدرماغه چرخک بسترین
 یای ایدوب قوس قزحدن اولدی حلاج آفتاب
 کاسه ایله کویکی دور ایله مزدی هر سحر
 خوان حسنیکه سنک اولماسه محتاج آفتاب



دهر باغی آره سنده آره مه برک طرب
 کیم کلی شعله غم غنجه سیدر خار تعب
 الی ایرمديکنه کیشینک آرتار هوسی
 دله آرتارسه هوای قد دلیر نه عجب

روزوشب فکروخ وزلفک انیسم اولدی
 هر زمان قدرایله عید اولدی بکا روزایله شب

دیمه نه وجه ایله چیقدی سر زلفی یوزینه
عجمك اوسته ظاهر می دکل فضل عرب
قسمت اولمایانی بولماز طلب ایتمکه کیشی
یوق یره آغزی ایچون ایتمه دلا سعی طلب



زلفی غمینه اویدك اولور سین کوکل خراب
ویرانه در یرك چون اولور رهبرك غراب
یوزن \equiv کورنجه زلفی غمن اونودر کوکل
قالماز کیجه قرا کوسی طوغدقدہ آفتاب
سیلاب اشکم اوزره کورن چشمی دیدی
آقار صو اوزره نیجه طورور خیمه حباب
چرخ اوردی شاد اولوب کوزمك یاشنه کوکل
دیوانه در که سیل صوینه قوردی آسیاب
فراش باد صحن کلستانی قیلدی پاک
اولدی عروس غنجهنك آینه داری آب
تردن یوزی کوزلارک اولور کهر فروش
شوقکله چونکه کرم اوله بازار آفتاب
باغلامه ای کوکل غمه آلدانه شادی
یلدك بونی که لازم ایمش چرخه انقلاب



پر اولدی وادی دل کوز یاشی ایله سیلاب
کناره چیقمنه قانی سفینه می ناب

دم بهارله دارالسرور در کلشن
نه کوردی ایکلیوبن کوز یاشن دوکر دولاب
دوشندی صحن کلستانه فرش استبرق
آچیلدی باغ جهان بهشتن بر باب

بزدی کلشن و طوناندی سرو اولدی نظیر
بهشت طوبی یه «طوبی لهم و حسن و مآب»
عروس غنجه یه اولوب زلال آینه دار
صاچار یوزینه بهار ابر شبنمیه کلاب

نسیم صبح یاقوب لاله مجمرنده بخور
پر اولدی ژاله ایله جامی ترکسک جلاب
چو دوشدی جام ایچنه یوزی عکی ساقینک
عجیبی لاله کی اولسه لاله رنک شراب

مصاحب اولدی دل و جان غمکه عشقکدن
موافق اوله جغز خوشدر نیجه احباب
رفیقمن غم یار و طریقمن ره عشق
زهی رفیق موافق زهی طریق صواب



یوسه اومارسه دل دکل ای سیم بر غریب
اومار قاجان که خوان کوره حق نظر غریب
بولدم کمال عشق ایله عالمده اعتبار
اهل کمال اولنجه اولور معتبر غریب

کورمن کوزم قپوکدن ایراغ اولهلی سنی
بیلام یقین که اولورایش بی بصر غریب

قپوکی بولیوبن شهری طولانیر مه تام
یتورسه منزینی کیدر دربدر غریب

هجریکی کورمین نه بیلیر حامی بنم
غربت چکن بیایر نه بالار چکر غریب

حرف التاء

دور حسنکده یناغکدن که زلفک تاب الیر
آسمانک صان طوتار اطرافنی رنگین بولوت

خال کندم کونی مکرن با که خوش کوردی رقیب
آدمه ابلیس ویردیکی اوکوتدر بو اوکوت

کوستروب کل یوزیکی اکلہ دل بی صبرمی
باقدیروب آینه یه بر لحظه اول طفلی آوت

برنفسده دیرکورور لعلک کوزک اولدردیکن
آنی قاتل بونی جان بخش ایتدی حی لایموت

کندیکی برک ایت دخی همت اتکن برک طوت
تریته کورنیجه اطلس اولور چون برک طوت

فکر موت ایله کچیر ای دل حیاتک هر دمن
اکسیک اولماسون دلکدن ذکر حی لایموت

کاخن غم گوشه سنده بر نفس کادی تم
دل دکل ایچمه یانان اول کل ایچره قالمش اوت
بر سوزیله کوکلز آچاز بزم اول غنجه لب
اوردی کویا آغزینه خال لی مهر سکوت



ظاهر یوز کده کون کی اسرار کائنات
کنج دهانک ایچره مهان چشمه حیات
صبر وقراری خوشجه خیال کدر طوتان
اول ذات اولماسه نیجه طوروردی یوصفات
عشق چکوب بایمی نیچون ایلدی ضعیف
قوت بولوردی خود اولیجق رشته ایکی قات

نوروز آلینی عید یوزی زلف ایله خطی
اول بیری قدر کیجه سی بولیله برات
صحرای سینهم ایچره اوچوب قونمغه کوکل
غم قوشلریله غمزده اوقن ایدینیر قات

قالدیرمه باش حباب کی آب باده دن
آب اوزره در حباب کی قبه حیات



سروک بیونی یوجه درر یوزی قاتی سخت
سایه دوشوب آشانغی عجمیدر اولسه تحت
قاچار قیچین قیچین کونشه قارشنی طورده من
آلچی آلاجه اولدیغیچون سایه درخت

سن شاه حسن اوله لی جهان اولدی پر حضور
تاج اولدی سرفراز و مربع اوتوردی تخت

حرف الجیم

تاب هجرانکه در جانمده چون سوء مزاج
وصلک دار الشفا سندن بویور آکا علاج
ویرر استغنا کونشدن کوندوزین فکر رخ
کیجه لر آهم شعاعی شمعہ قویماز احتیاج
زلفک ایتدی کوکلی شیدا آنکچون آغلارم
دفع سودایه آقار صودن یک اولمایه علاج
قانی نورانی قیلار جام مصفا کوکلی
نیتہ کیم کون نورینه قوت ویرر صافی زجاج
نه کرامتدر که ویرمش رنک آتش تاب ایله
لعل سیرابک سنک اودایله صویه امتزاج
ویرمه جانانه جان نقدین رقیب اولماز عجب
پیرکافر کسبه قادر اولماسه ویرمن خراج



خالی آلدی مشک چیندن مشک واج
هند ایلندن زلفی جمع ایتدی خراج
کوردی یوزن کیتدی سوزی کوکلمک
طوغدی کون قالمادی شمعہ احتیاج

دل نه قاتلانسون رقيبك جورينه
 طاشه طويماز شيشه نازك مزاج
 تختگاه ايديندى كوكلم شهريني
 عشق شاهي باشه چون اوروئدى تاج
 مهر يكه عالم اولالدى مشترى
 قالمادى بازارينه ماهك رواج



ضبايه ايغينوب غنج اولدى درپيچ
 كنه يازلدى اما كيچدن كيچ
 دها نيچون كوكلم چوق شهبه لندى
 تأمل ايتدى كوزدى اصلى يوق هيچ
 كتاب حسنه خطى حاشيه در
 كنار عارضندن خطى تخرىج
 آياغينه ديكن باتمش قاقيمه
 قيوكه طفل غنجه كلديسه كيچ
 غم عشقى جهانده يك ديمش دل
 ايدر مر كيشى اسباينى تروىج

حرف الحاء

خيل غمدن طولدى دل سحر اسنه كيرو ترح
 دمدرر غمزدك اوقدن ياغسه باران فرح

یوزمنز برک خزان کیبی صاراردی غصه دن
لاله کیبی آل اولالم صون بری لعلین قدح

یازدی حجت قتلنه عاشقارک خط نکار
قاشاری امضا ایدوب اول حکمه زلفی دیدی صح

ای صنم بختانه عشقه کده اغیارک سنک
صورت بی جانمی یابستان وصلکده شب

خار غمده غنجه کیبی نیچه بر قان یودلم
لاله کیبی صون قدح کل کیبی اولالم فرح

حرف الخاء

چون اولور آحمدن اول زلف مغنبر شاخ شاخ
چین اولور باد سحر دن سنبل تر شاخ شاخ

سرو یولنده طوتوب کوکسن هوا شمشیرینه
قامتک دردی ایله کندوی ایلر شاخ شاخ

سروی بکزد کلری چون نازنینلر قدینه
تیغ رشک ایله ایدر باغیرین صنوبر شاخ شاخ

عمرمک نخلینی غیرت تیغی طوغرار لخت لخت
شانه ایله سنبلن ایتدکجه دلبر شاخ شاخ

کل بوداغی بکزد منز قدیکه آلچقدر قتی
سرو بکرتسم اولوردی اولماسه کر شاخ شاخ

صاچلریکه شانه ال اوردیغنی کورسه ایدر
 یخه رشک ایله کوکسن سنبل تر شاخ شاخ
 نازنین دلبرلرک قدی هواسیله کوکل
 برکستاندر یتیرمش تازه کللر شاخ شاخ


حرف الدال

باش اکمز اولدی بیزه اول طره نجعد
 اقلیم حسن ایچنده اولالی شاه سرمد
 قدینی زلفکک دل زنجیره بکزه دیرسه
 مجنوندر سوزینه اوله آنک مقید
 خدیکه لاله دیردم لاله اولیدی کل بو
 قدیکه سرو دیردم سرو اولسه ارغوان خند
 زلفکک دوننده کیزی اسرارنار موسی
 یوزک کوننده ظاهر آثار نور احمد
 بر وجه ایله ویریر نور آینه جمالک
 کیم یوزینی کورن دیر « صل علی محمد »

حرف الذاء

دور رخکده اولسه توله لعل تر لذید
 اولور کونشده طور مغیله کل شکر لذید

قانی یاشیمی کوز قاغندن چکر کوکل
آجی شرابی شوق لیکن ایچر لذیذ
اشک ایله روی زرد ویریر عاشقه خطک
دنیا پرست اولانه اولور سیم وزر لذیذ
برجام صوندی جانمه عشقک حریفی کیم
دنیا ده کورمدم دخی بن اول قدر لذیذ
غناپ لعلنه چو دوشه بیک صفا ویریر
ترفده ایریشجه اولور میودلر لذیذ



حرف الراء

عاشق اولمادیسه قاشک آینه شاها اکر
بوینی قارشوکه نیچون غره غرا اکر
کیجه نیچون یومادی کرپیکلی کوزین تا سحر
کوزیکه عاشق دکسه ترکس شهلا اکر
جوی حسنکدن چیقان خطیکه غبر دیرایدم
طاتی صو ایچره بولسه غبر سارا اکر
لاله دیردم سینم ایچنده خیال خدیسه
یر ایچنده یکن آچلسه لاله حمرا اکر
نیچون آجی اولدی ای شیرین دهن یاشم کی
ابر چشممدن دکسه مایه دریا اکر
دمبدم قورمیدی اول بت آیاغنده باشنی
بت پرست اولماسه اول کیسوی غبرسا اکر

نیجه نفی ایدردی خاطر ددن کوزلر فکری
زلف و قدك نقش دله اولماسیدی لاا کر



هر قاچان باد سحر سنبل صاچینی شانلر
پارلر کندوی تیغ حسرت ایله شانلر
دیشلر یچون هجری آجیسن چکوب یاش دوک کوکل
چون بیایرسین آجی صوده بولور در دانهلر
ایاغینه دوشدیکن عاشق لک عیب ایتمه کیم
دوکولور شمع ایاغینه یانجق پروانهلر
تن خراب اولدیغی ایستر بوسودانی کوکل
خاطرینه خوش کلیر دیوانه نک ویرانهلر
سنی باغیرینه باصار برکون نه وار مهر ایتسه
کیم آتاکیبی دکدر مشفق اولور آنهلر



آقیدان سیلاب اشکم قامت دولاییدر
دوندورن دولاب چرخ اشکم سیلاییدر
نورمز کیم اولدی ظاهر عارضنده دلبرک
اول پری یوزنده کوکل کونشینک تابیدر
بزم غمدر جازودل اوتارینه زخم اورمغه
مطرب عشقک خیال غمزده سی مضراییدر
قاپوسنده اول شهک زرین عصایله کونش
دیکلیلر هر صبحدم کورن صایر بوییدر

عشق مصرینه واران کیمسه تجارت اتمکه
غصه کین آلسون متاعن کاول دیارک بایدر
ایت حذر چاه زنخدانندن ای غیاص دل
کیم بو دریای جمالک قورقولو کردایدر
قاشلرک طاقین یوزکده کورن ایدر ای صنم
اول کلیسا جامعک بو کافری محرابیدر



ساقی حسنک النذن آغزی طولو جامدر
لبلری اول جام ایچنده بادک کلغامدر
لبلیله چشم خشم آلودینی صوردم دیدی
پسته شیرین درر اول بو اجی بادامدر
اول الف قامتلی میم آغزلی راقاشلی نکار
هرنه امر ایلرسه عاشق جان و دلدن رامدر
حسن بغدادینه آنکچون دینیر دارالسلام
کآنده دندانکله زلفک نقش سین و لامدر
خرمن افلاک قونمش بر کبوتردر هلال
کهکشان ایله ثریا دانه ایله دامدر
ایکی یوزدن حسنک دورن قیالدن شام زلف
ظاهر اولدی بوکه اول شام آخر شامدر



طلعتک جنت دوداغک سلسبیل ایرماغیدر
عارضکده رخلرک صو ایچره کل یپراغیدر

یوز صوین کویکده ایستر دوکه قاره یوللره
 کوکلی آنده چکن یا صوینی یا طوپراغیدر
 عشق اودینه جان ویرر عاشق قچار زاهد ولی
 دوزخی زاهدلرک عاشقلرک اوچاغیدر
 آقدیغنججه اشک چشم دلدہ آرتار نارعشق
 کوزلریمک یاشی کویا اول چراغک یاغیدر
 سرو قدیک خیالی عشق خیلندہ علم
 آغم اودی شعلہ سی اول سنجاغک بایراغیدر



ناج وصلک اصلی چونکیم چار عنصر ترکدر
 واصل اولماز اول که دنیاہ تعلق برکدر
 عاشق اولان کودوش ثابت قدم اولمق کرک
 یا آفاق باصمه بویوله یا باصارسهک برک دور
 حسنه میل ایتدیکیدر زلفن پریشان ایلین
 اصلی هر جمعیتک بیلدم که دنیا ترکدر
 ناشکفته زنبق سیمین اوکنده لعل یار
 نوشکفته غنجه درکیم خط سبزی برکدر
 اونیدوب کوکومی اول مہپارہ آتار پازدیہ
 بکزر اول طفله که اوینار اشق سرکدر



رخلیدر لطف یوزی غمزه سیدر عین قهر
شوق لعلی قصه زلفیه در تریاق زهر

سن مهك مهري هواسيله سفر ایدوب هلال
کزدی افاقك ایچن منزل بمنزل شهر شهر

اول كلك وصایه خوش کور وقتك ای دل بلبل
خار حجریه بیلورسین طویطولودر باغ دهر
سودیکندن کچمین کیشی بوله ماز سودیکن
آلدی دل مبهرك عروسن ویردی جان نقدینی مهر

سوزنه در نیسان قدرتدن یاغان صافی زلال
لیك یار آغزنده در اولور رقیب آغزنده زهر



اشك چشم کوه محنتدن اینر سیلابدر
چشم اول سیلابك اوستنده دوزر دولابدر

چرخ الندن دونه دونه ایکلرم دولاب وار
کوزلرم دولاب اوزره کوزه پرآبدر
قاشلارك طاق کوزم قبله نما سندن اکر
اکری کورونسه عجمی کافری محرابدر

کوزلرم یاشندن ای جان کلشنی ایخمنه کیم
سبزه زار حسنك اول باران ایله سیرابدر

آغزی برسیمین صد قدر که کوزلر کورمه مش
دیشلرینک هربری بر کوهر نایابدر

کورمه سم بر دم یوزك قالماز حیاتمدن اثر
کرچك ایش اصلی دیرلر کیم حیاتك آبدز

که خیال یار ایله که خواب غمله ای کوکل
خوش کچیر وقتیکی کیم عالم خیال خوابدر



قو درلسون بوسهك شفتالیسی اولمشدرز
صون ایچلسون جام لعلك نیجه برطولمشدرز
کوزلرمدن اکیك اولمازاشك خونین دأما
جام جم کچی شراب ناب ایله طولمشدرز
عارضك دورنده ای مه زلفکه یوقدر زوال
یاته یاته صو ایچنده آنوس اولمش درر
ماتمنده حسنك خطك سیه پوش اوله لی
یوزینی یرتوب سمن سنبل صاچن یولمشدرز
ایتلرکه قویدی دل باشن اشیکک طاشنه
کیم که کوردیسه دیدی یرین نه خوش بولمشدرز
ایتلریکک قنغیسینه سورسه لر بن بی دلی
دیر بیایر ز اول بزمه بونده چوق اولمشدرز



آلکه نه کیم یازلدی باشکه بربر کلور
صامه سن سعی ایتسهك شری کایر خیری قالور
گردش دولابه بکزر چرخ کردون جنبشی
کوزدلردر خلق ایچنده که طولار که بوشالور
آدم ایتسهك ایلک ایت آدیکی آکدر خیر ایله
چون بیایر سین دنیه ده آدم کیدر خیری قالور

یاب کوکل ویرانه سن ییقلمادن بنیاد عمر
آمان دوران آیاغک کل بری خیره ال اور



کل یوز کده ظاهر اولسه خط مشکینک سنک
طک دکل کیم دود در البته آنشدن چیقار
وعدۀ مهر ایتسه چشمی ای دل آلدانه صاقین
اعتبار ایتمزلر اول سوزده که سرخوشدن چیقار
کوکلنه یارک کیروب آل بوسه جان بخشی
عشق یولنده ارایسه رزقکی طاشدن چیقار
مهرک اغیارایله عشاق آردسنده کیزلیدر
بولمق ایسترسه رقیبی کل هله باشند چیقار



هرقاچان اول سروقد دستاری اوچن چین ایدر
صانکه سرو اوستنده اولچین صورتندن سین ایدر
سروقدک فکری طبع راستم موزون قیلار
لعل نابک ذکر موزون سوزلرم شیرین ایدر
مه جینک منزلن صورتدجه کوکده مشتری
قوس برجن تیر پارماغی ایله تعیین ایدر
غمزدک اوقلرینی آتسه سوزدل بولور سکون
یاغیجق باران هوا کرمیتین تسکین ایدر
صیخدم بلبل او قور آغلار کاک مجموعه سن
کوزیاشن شویله دوکر کاوراقتی رنگین ایدر

منبر شاخ اوزره کل شاهینه بلب خطبه‌ی
چون دعا او قور چنار ال قالدیروب آمین ایدر

یار بو نظم روان ایچون آقر صو در دیمش
ایشیدن سوزینی لطف طبعی تحسین ایدر



کورون اول آق بدن اوزره قاره صاحلمیدر
یوقسه کنج حسنی اوستنده یاتار اژدره‌میدر

چشمک آهوی خطا و مشک چیندر صاحبک
یوقسه اول بحر لطافتدن حقیقتان غنیمیدر

لاله همراهه شبنمی دوشوبدر چین سحر
یوقسه کل یوزنده یارک قطره قطره ترمیدر

سوز که آغزکدن چیتار جلاب ترطادن ویرر
یوقسه اول لعلین قدحده لبرک سکر میدر

کوزلرکدر ایکی عین و قاشلرکدر ایکی را
سنی آنکچون کورن دیر شول طوران عرعره‌میدر



نخل قدک چشم کریانمده اولدی جلوه کر
غم دکل صو اوزره سرو اولمازسه آیرق جلوه کر

کزدی کوردی کاشن حسنک بزمنش کرم اولوب
آچدی بال و پر اولوب طاؤس زلفک جلوه کر

خط سبز یاره کوکان ویرمسون دیک عاشقه
کیم آچار اول کوز کویه قارشی بو طوطی بال و پر

نیچون ایرسون کوشنه اول ماهک آهمدن خبر
 زلفی داودی زرهدر ایتمز اوق آندن اثر
 زلفنک هر دارنه بر دل آصلمشدر کورک
 شاخ کل کیبی ییتیرمش سنبل تر غنجه لر



زلف مشکینی اوجن آهم ویرا تحریک ایدر
 شاخ سنبل کیبی کیم آنی هوا تحریک ایدر
 خشم ایله آئینی چین ایدر که بن ایتسه م نگاه
 موج اورر صو هر قاچان بادهوا تحریک ایدر
 نه بیایردی سروقدیکه هوادار اوله یی
 یو بلایه آنی اول باد صبا تحریک ایدر
 آقسه یاشم بر برینه طولاشیر کریکلرم
 بکزر اول خاروخسه کیم آنی ما تحریک ایدر



باقیوب جان بلبلینه اول کل کلزار حسن
 طک دکل ناز ایلسه کیم حسنه مغروردر
 قصه عشاق آکلدی بودل مجنون غمن
 بن آکنجه دیدیلر اول قصه مشهور دور
 نسخه لوح ازلدو خط مشکینک سنک
 نه کلایسر باشه بربر آنده هپ مسطوردر
 لعل شیرینی صفاتن خسرو دورانه دل
 شرح ایدر بروجه ایله کورن صانیر شاوردر

سایه سرو کده خوش چمک دیلر مسکین کوکل
دیمز آنده سایه نیلر کیم مصور نوردر



شوق خدک نارینه هر جانکه یانسه نوردر
عشق دردیه خراب اولان کوکل معموردر

زلفکه چوق دل طولاشدی کیمسه باشه وارمادی

عشق دارینه چیقانلر صائمه هپ منصوردر

آله آغز کدن لبک دیرسهک طویلماسون بوراز

سرکه آغز دن چیقہ عالمله مشهوردر

ییرینوب دل تنک اولور کورر آیاغنده دیکن

غنجه حسینه قاچان طائوس وش مغروردر

غنجه صیغماسه سرورندن دریه طک دکل

کیسه سی پرزر اولانک خاطری مسروردر

هرذیلله دی مشاور اولماسون شیرین لبک

خسروا صائمه جهانده هرکشی شاوردر



رخلرک چان کلشنده کللر آچمش خوب وتر

سبزه زار حسنک اول کللرله اولمش خوب تر

کوردکجه لیلری اوسبتنده مشکین خالی

صانیرم کیم رومه کلش هندودر خرما صا تر

خاک پابندن صبا عطاری صاندقجه عبیر

تہمت ایدرلر آکا کیم در ایچنه توز قتر

نجه ماهر در صاچك صیادی کیم دل مرغنه
هرنه یردن عشق شهبازین صاله ایرریت

زاغ زلفك بی قرار اولوب اوچوب کیتمك دیلر
تیر غمزده کله کان ابرولرك چون باش چقر
غمزه سی کوکالینه اغیارك نه تأثیر ایلسون
سنك خارادر آکا اول نازك اوق نجه یت



دست قدرت کیم لبك اوستده خط نحریر ایدر
آیت {یحی العظام} ی کشف ایدوب تفسیر ایدر

جامع حسنکده دل خوشخوانی خطك آیتن
شونله اوقور کایشیدن ایدر نه خوش تخریر ایدر
خط نورسته ال اورماسون رخك اوراقنه
ویرمه حسنك مصحفن اطفال الینه کیر ایدر

ای بت چین کورنجه اوستاد در آینه کیم
صورتك نقشن هان کوردیکی دم تصویر ایدر
کرچه کیم مودر بلی اول کوه سیمینی چکر
کوزلری آهودر اما شیرلر نخجیر ایدر



ایچه لی سن غیر ایله جانا شراب نابلر
یاش یرینه آقیدر بو کوزلرم خو نابلر

دال ایمش دام بلای زلفکه دوشمکه
کوردیکم هرکیجه ای مه شو پریشان خوابلر

تازه تازه داغلرله اولدی بلك يادينيه
قوللارم زرین کمر پارمقلرم قلابلر
فرض اولوبدر سجدۀ شکر ایتک ای قبلهم بکا
اوله لی چشمک امام ابرولرک محرابلر
تن بناسن ییقماز ایدی موج طوفان اجل
اومسیدی وادی غمدن کلن سیلابلر



تغییل کوکم که آنی فکر خط یاخدا آچار
بکزر اول طار غنجه یه کیم کوچ ایله اطفال آچار
ایاغنده جان ودل زاری قیلورلر زنک وار
عشق شهبازی قاجان کیم صیده پروبال آچار
سورۀ نور رخندن غیری کلز دلبرک
مصحف حسنده کوکم هر قاجان کیم قال آچار
تنک دل بولدقچه کلشنده صیبا ترغنجه یی
دلبرک وصفینی سویلر خاطرن درحال آچار
تیتہ کیم اعراب ونقطه کشف ایدر مشکل سوزی
حسنی اسرارینی یازک فکر خط وخال آچار



کعبۀ حسنده مشکین پرده زلف تابدار
خال غنبر باری برهنیدودر اولمش پرده دار
خال رخسار کیمی یاخود کوزنرم هندوسنک
عکسیدر آینه حسنده اولمش آشکار

كوزلرمده يرايدرسه مردم چشم نوله
بنلرنده پرتورويك قالوبدر يادكار
يادكار خال مشكينك ديه صاقلار كوكل
خسرت اودلاري ايله هر داغ كيم سینه مده وار
طفل هندو كيبي گلش بنلری سير ایتمه
ینه برعاشق یاقار بکزر رخی نارنده یار



خون دم باد بهار ايله آچیلدی باغلی
دمدرر کیم آچيله غمکین کولدن باغلی
دوستم کل کبی مغرور اوله حسنک چاغنه
چون بیلیر سین صوکی طورماز کچر اول چاغلی
آتش شوق رخکله نوبهار عشقده
تازدندی لالهوش باغرمده اسکی داغلی
شام زلفک شوق دل مرغینه دام اولسه نه طک
کیشینک حب وطن لابد آیاغن باغلی
کلندی خطک صولدی خدک کسیدی افغانی کوکل
کچدی چون کل وقتی بابل کوچدی قوندی زاغلی



اول پری بوینیه زلفندن سلاسل باغلانیر
حسنه کوزدکسون ديه حایل باغلانیر
فکر هجرانکله دل دمنسته قالسه طک دکل
قورقولو اندیشه لردن طبع عاقل باغلانیر

کوکم آچلماز قاچان اول غنجه بدن آریایر
 جان وداع ایتدکده تندن لاجرم دل باغلائییر
 دیده پرمده عکس خال وخط قیلماز قرار
 چون ورق نمناک اوله نقش آنده مشکل باغلائییر
 دفتر حسنکده دیدم لبارک خطی نه در
 دیدیکیم آنده حساب جووره حاصل باغلائییر



سبزه ده برک خزانی باد ایدر چون بیقرار
 صان زمرده فرشک اوستینه ایدرلر زر نثار
 یرده کیم برک خزان اولور سیه دل زرد رو
 عاشق بیماره بکزر کیم ایچنده داغ وار
 روی زردم کیم اولدر کوزلرم یاشینه غرق
 برخزان یاراغیدر کایچنده یریر سرخی وار
 بربت رعنایه بکزر جامه زرین کیر
 هر قاچان کیم زین اولور برک خزان ایله چنار



غمزه کک خنجرلری زخمن دهانم صاندیلر
 شعله چیقدی آتش دلدن زبانم صاندیلر
 غمزه کک اوقی زخمنک قانی آقارکن کوردیلر
 کل یوزیکه قارشی چشم خون فشانم صاندیلر
 یخسود اولدم یار کیتدیکنده کوز مردملری
 اوستمه آغلاشدیلر کیم چیقدی جانم صاندیلر

باد آهمن چون اولدی موی زلفک بی قرار
 صالینیر بوینکده جان نانوانم صاندیلر
 جویباری کوردیلر آقار کنار سروده
 آياغیکه یوز سورر اشک روانم صاندیلر



کل آچیلماسون کرکز اول رخی زیبا یتر
 یتمسون نرکس بزه اول کوزلری شهلا یتر
 قاتنیز قورتدیسه غناب لعلی غم دکل
 چون مزاج عاشقی حفظ اتمک سودا یتر
 لبارک مهر سلیماندر رقیب دیودن
 صاقلامق ایچون آنی اول ایکی اژدرهایتر
 بزم ایچنده قدساقی شاخ کل یرین طوتاز
 کر قزل کل یوق ایسه برباده همرا یتر
 تک کنار یار اولسون باده کلسون اریت
 اولسه کاشن یاقاسی دامن صحرا بتر



عید حسنکده سنک چرخ حمل قربانیدر
 کورونن گاگون شفق آلتده قربان قانیدر
 کل کبی نیچون آچیق قلدی دهانی باده نک
 ساقی مه رو جمالینک مکر حیرانیدر
 ماه رولر مهری طوتمشدنر ایچینی سینینک
 طوپ طولو مرآت ایله آینه جی دکانیدر

عشق باغینک کلیدر تازه داغی سینه مک
 دود آهم سبزه زار محنتک ریجانیدر
 طولاشیر کلزار حسن زلف عنبربار یار
 رومه گمش سیر ایچون سیاح هندستانیدر
 قشارک رفعتده همسر اولمش آنک یاینه
 شاه دورانک مکر کیم گوشه دورانیدر
 ای قمر اولمه معارض عارض دلداره کیم
 سن کچیردک دوریکی شمدی آنک دورانیدر



هرشکن کیم دلبرک زلف پریشاننده در
 شول صفتاردرکه عشاقیله ییساننده در
 کلستانده سروی طکمی ایتدیشه شوریده حال
 اویله ناز وشیوه کاول قدخراماننده در
 کوکاره آغسه عجمی مهر وماهک طوی کیم
 اول ملک یوزلی نکارک زلفی چوکاننده در
 بکزه مزمی خارده کیم صاقلر نهال تازدی
 اول رقیب روسیه کیم دلبرک یاننده در
 کرچه کیم حسن ولطافت هرپری شاننده در
 آیت خلق ولطافت شول پری شاننده در



لطف رخساری اولور خطن قازتغیج آشکار
 ملک حسنی ضرب تیغیله آچار اول

قدری یوق اغیار یاننده لب جان بخشک
 طاش ایچندن چقمینجه لعل بولماز اعتبار
 کل کل اولدی کوزلرم یاشی ایله صحرای عشق
 اولدی غم کهساری باغرم قانی ایله لاله زار
 کل یوزیکه قارشى آه ایتسم آقار کوزم یاشی
 صاحپایر ییره شکوفه چون اسه باد بهار
 دود آهمدر اسر یل بر نفس ایتمز سکون
 اشک چشمدر آقار صو ایلمز بر دم قرار



تاب رخسارک زلف نیم تاب اوستنده در
 پرتو خرشیده بکرر کیم سحاب اوستنده در
 ای یوزک آینه سنده عکس رخسارم بنم
 لوحه زرینه بکرر کیم کتاب اوستنده در
 هندوی خالک رخک اوستنده اولسه وجهی وار
 چونکه کیوانک مقامی آفتاب اوستنده در
 خط یاقوت محقق نسخ ایدوبدر دوستم
 خط ریحانک کیم اول یاقوت تاب اوستنده در



صبح دولتمی بویا تاب رخ جانانمیدر
 شکل جانانمی کورینن یامصور جانمیدر
 چرخ کردون کیجه وکوندوز نیچون ایتمز قرار
 بنجلین بر مهک مهریله سرکردانمیدر

فكر رخساريني يارك باكه ترك ايت دير رقيب
قصدايمان ايلر اول كافر عجب شيطانميدر

غنيجه لر ده بيه ميدر نچون آچماز آغزيني
كل نه دن يومماز دهانن يوزكه حيرانميدر

حضر در خطك لبك كلش كاچمه آب حيات
زلفك آنكچون قونلمش عمر بي پايانميدر



كل يوزكده خط بايرسه كوزلرم كريان اولور
هاله كورنسه كنار ماهده باران اولور

لعلك اچون كوزلرك بربرينه خنجر چكر
اول ايكي مست آردسند قورقارم كيم قن اولور

كل بوداغی كيي كلشنده صالنهك نازاياله
قرشيكه باشن صالوب سرو روان حيران اولور

زلفك آلتنده كورمش كوشه ابروسني
ابر اچنده اول سييدن ماه نو پنهان اولور

نيجه درج ايدم صفات حسني بن دفتره
كل يوزي وصفنده شعرم بشقه برديوان اولور



سرو قدنيك يولنده هر نه جانكم طوغرودر
غمزده سي اوقيني جانان آكه قارشى طوغرودر

اكرليك ايتديسه اي دل ياكي كثر راقاشي
غمزده سي اوقى الف كيي يولنده طوغرودر

راست اول قدی یولنده اویمه زلفی مکرینه
اکریلاک ایدنلر ایتسون سن اگله طوغرودر

رخلری یاننده ایدر چشم و ابروسن کورن

تُر کاندِر آتسه قارشى کائن طوغرودر

کیسه سندن غنجه نك طکمی نسیم آلدیسه زر
سورمه اوغرولر کسک کوزندن اول براوغرودر



دزدجه یوق بیزه میلی وارایسه اغیاردر

بابله یوز ویرمز اول کل یوزلو میلی خاردر

دیر یوزنده تاب رخسارن کورن صاحب نظر

قادرک کور قدرتن آب ایچره آتش یاردر

کوکسومک داغیله کوزمدن آقان بوقره صو

دود آهمدن قارارمش ثابت وسیاردر

زلفی باش اکزایدی نقد اولسه آب روان

آلدانیرمی قوری سوزه هی نه یوزی قاردر

غمزه سی اوقینی آتماز قاشلر قی یاین قورار

اول قارا کوزک بزمله جنکی یوق سیاردر

اوردی زلفک صاغشجه جانه غمزه یاردر

مصحف حسنک حقیچون کیم تنم سی پازدر

زلفی برپازه اکدم دیرسه اغیار ای کوکل

سوزینه آلدانمه اول یوزی قارانک باردر



اوردی زلفك صاغشنيجه جانه غمزدك ياردلر
 يوق بتون ير تيغ هجران آني نيجه ياردلر
 غمزدك اوقينك فراق آجيسنه طومبوب
 ياش يرينه كوزلرندن آقيدر در ياردلر
 صفحه رخساري اوزره خطك ياننده خال
 طفدركيم مكتب حسن ايجرد مشقن قاردلر
 غمزدك اوق اوسته جنك ايتديكنجه جان وتن
 تيغ هجران اورتهلارينه كيروبن آردلر
 زلفي ايتدي ماتم حسننده كندويي هلاك
 صاچلرني كسدي سنبل كيدي نافه قاردلر
 زلفكه آشفته باد وحسنكه شوریده آب
 چوقدرر خجراي عشقه كده سنك آواردلر



اول پري رخ كه كوكل زلفك آواره سيدر
 كلدر اما نيدهلم يري ديكن آرد سيدر
 طاغه دوشسه نوله ديوانه كي باد صبا
 اول دخي بخلين زلفكك آواره سيدر
 رخك آينه سنه باقدي يوزي قاره رقيب
 خط دكلدر كورونن كيم يوزينك قارديدر
 دل ييماري زبون ايتدي رقيب طعني
 دردی اوكلار آنك آغولو اوق يارديدر

شیمدی آهم کبی سرکشک ایدرسه زلفک
یوز اوروب پایکه یاشم کبی یالواره سیدر



کلشن کوپکی بردخی کورم کبی کلیر
وصلک کلرینی ینه درم کبی کلیر
سایه وش قالدیم آیاقده قد بالا که سنک
دولت ال ویریر ايسه ینه ارم کبی کلیر
طوغری باقادیغم آینه حسنیکه بوکیم
کوریک یوزکی کندم یتیم کبی کلیر
کیریک بردخی مجموعه حسنک الیه
آرهدن دفتر و دیوانی درم کبی کلیر
چون یوزک کعبه و خالک حجرالأسود ایش
صبح وصلکده یوزم آ که سورم کبی کلیر



کوزلرک کورکله هر لحظه بیداد قیلار
ای یازی نه ايسه ییزی هله یاد قیلار
آجیدر کوکلی زلفک غمی کلدجه دله
آخر البته کشی چون یاد قیلار
لب شیرینی ایله جانمی شوریده قیلوب
کوه غمده دل مسکینمی فرهاد قیلار

رخم ایدوب کوزلری صیاد چوزر زلفی باغن
جویریر باشنه دل مرغنی آزاد قیلار



کل آياغ اوستنه کلدی که ایده عزم سفر
آل آياغی اله ای لاله که کل وقتی کچر

دیرلر ایش سنی اغیار سور یار سور
کیمی یا کلش کیمی کرچک چوق اولور ایلده خبر

یار اوقی سینده اکنمیوبن کچدیسه
سن اکا قلمه کوکل اول دخی قالماز کچر

بخش غایب کوزه در غنچه دهانکدن باد
کوزدیکوب کل یوز که نرکس اومار حق نظر

مردم چشم آياغی توزی ایردکده دیدی
هانکی یل اسدی کتیردی سنی ای نور بصر

قویدی هجر کده قاره بیره جکر گوشه لرین
مردم چشم آکا ماتم ایدوب قاره کیر

مار زلفیکی خطک چکسه چاویرسه نوله کیم
نیجه کندی قدرین زور ایدیجک مور چکر



کوکل اول قد ایله بوزلف چمندن نه بیتر
بونده شفتالومی اولور بکا آندن نه بیتر

صائم ای سرو قویوب قدنی سا که اویه وز
یوری ای کولکه سی کولجک هله سندن نه بیتر

اودورنك يوزلو رقيبك نه كولرسك يوزينه

آچل ای کل سکا اول قوری دیکندن نه بتر

خط مشکینی یوزنده کورنلر دیدیلر

باغ حسن ایجره کورک برک سمندن نه بتر

سایه قدنه ایرکیم اوله سک آزاده

نه طورورسک سکا ای سرو چندن نه بتر

چین زلفی کبی یروار ایکن ای آهوی چین

نه اومارسک سکا صحرای ختدن نه بتر



بنی آغلاتمغه اغیار ایله اوینار کولر

بن نیجه آغلامهیم حالمه اغیار کولر

آغلا هر دمده کوزم کوله کوکل بر لحظه

سنک آغلادیغکه اول یوزی کلزار کولر

آغلاماز حالی دل کولسون اغیار دییه

باقه یك آغلامدیغینه که ناچار کولر

بنم آغلادیغمه کل کبی کولسه نوله کیم

ابر باران اولیجق کاشن وکلزار کولر

نیجه بابل کبی بن آغلامهیم کاول یوزی کل

بنی آغلاتمغه اغیار ایله اوینار کولر



غنیچه وش اول یوزی کل کیچ کولر تیز آچایر

کولیجک نازایله صان غنیچه نوخیز آچایر

ییلده برکز کورونور آنده دخی اکلنمز
عجب اول غنچه دهن بویله نچون تیز آچایلر
می کی قائمی ایچدیکنه مستانه کوزی
کل کی شاد اولور اول غمزده سی خونریز آچایلر
هر قاجان طوتسه خیال لی کوکلمده
شهر ایچنیده یکی دکان شکر ریز آچایلر
آی طوغار کی یولندن کورینور عارض یار
یل اسوب هر قاجان اول زلف دلاویز آچایلر



سر زلفک یری اول چاه زنخدان یاراشیر
بویله طرار اولانک منزلی زندان یاراشیر
خوش کایر ترله ییجک رخلری کیم تازه کلاک
ترله ییجک یوزینه قطره باران یاراشیر
کلشن حسنده طاؤس جناندر زلفک
که آچوب بال و پرین ایلده جولان یاراشیر
بزم لعلکده کوروب باده نابی دیدی دل
سکا بان یوتمق آکا ناله و افغان یاراشیر
آلدی سنبل صاچک خرقه سن اکنینه دیدی
هر نه کیسه کسکا ای سرو خرامان یاراشیر



یارک وصالی موسمیدر نو بهار عمر
رخساری شوقی ایله آچایلر لاله زار عمر

عید وصاله ایره مدی کجدی آه کیم
 زلف ورخک غمی ایله لیل ونهار عمر
 یوممه کوزیکی یار جمالینی کوزله طور
 کیم کوز یوموب آخنبه کچر روزگار عمر
 دوج لبده صاقلیدر چشمه حیات
 باغلی کمند زلفه یارین شکار عمر
 سورمز زمانه حظی بردم قرار ایدوب
 ییچون یلر زیانسه دائم سوار عمر



زلفکده اویان کوکل مقتنون اولور
 عاشق اولان لیلیه مجنون اولور
 زلف شبذیزیکه هرکیم باش قوشه
 کوزی یاشندن جهان کلکون اولور
 خون دل شوی لبلکه جوش ایدوب
 یاشمک جیحونی جوی خون اولور
 دل کاید حلوای لعلک آرزو
 آسیاب غمده باغری اون اولور
 قارشیمه طوغمازسه آی یوزک سنک
 کوز یاشینک کوکی دوشکون اولور
 زلف مشکینه هوادار اولانک
 نافه کیبی یورکی پرخون اولور

دیدى باقايون يوزوم آلتوننه
میل ایدن دنيايه غایت دون اولور



عالمده غم کشی یه دمام کلیر کیدر
آدمی وارکه عالمه خرم کلیر کیدر

هرکشی یه بلا یوکنی چکدیریر فلک
کیمدرکه بوجهانه مسلم کلیر کیدر

نرکس مکرکه بیلدی وفاسزدرر جهان
باغک یولنده کوزلری پرتم کلیر کیدر

کوز یوم جهاندن آچ کوزکی کندی حالکه
سن کوز یوموب آچنجه بو عالم کلیر کیدر

کوزم اوینه خیل خیالکدرر کان
کیم وار آندن اوزکه دخی نم کلیر کیدر

حجرکله خسته کوشه محتده زارایکن
تنها قوماز غمک بی مردم کلیر کیدر

جهد ایت که خیرایله آگه لر خلق آدکی
عالمده آیدر قالان آدم کلیر کیدر



بزه یارک یناغی لاله یتیر
بتمسون کلستانده لاله تر

کوزلرم ایچمه که جکر قانی
نرکس لعل لبک پیاله یتیر

دیر کورن ال ایاغنک آلن
هیچ ال اولیه بوآله یتر

چوق سوزلر ایشتم اما یوق
لی وصفده بومقاله یتر
سینهده ا کلهمه خیالی کوکل
سکا ا کلنجه آم وناله یتر



اول سرو کلذارکه عشاقه ناز ایدر
اولدی کناهمز که بزه نازن آزایدر
بنم جهانده پایۀ قدرمی وارایدی
قدک هواسیدر که بنی سر فراز ایدر
جانیکی آلازم دیرایمش سا که اول نکار
اولما کوکل ملول آکا کیم سا که ناز ایدر
کعبه قوکل صفاسنه دل کچدی رومدن
دوشندی هوای زلفکه عزم حجاز ایدر
ای سرونازی صاقین آهندن عاشقک
شوق رخکله چونکه سحرده نیاز ایدر



سکا قوشلسه سروطوغرو اولور
راست دیرلر طبیعت اوغرو اولور
کوی ایتینه قوللق ایت که کشی
اولویه خدمتیه اولو اولور

قو آياغكده بن يوزى قاره يى
كه چراغلا، دې قارا كو اولور
نركسك صبح دكلو كل يوزكه
انتظاريله يوركي صو اولور
كنج حسن اچره بنارك نيلر
حبشيلر بيليرسك اوغرو اولورلر



سروى چنارى قدكه حيران صبا ايدر
تيغ وتبرله اولماز اول ايش كيم هوا ايدر
قامت كيتردى قدى صالماغه ناز ايله
سرو وچنار صف طوتوبن اقتدا ايدر
كويك مسافريدى صبا كلدى كلشنه
سرو وچنار ال اوزره طوتوب مرجبا ايدر
نركسلىكى خسته ايشتمش چنار وسرو
بوال كوتورمش اول باشن آچمش دعا ايدر
كويكدن ايرسه پيك صبا خشم ايله سحر
سرو وچنار بربرينه التجا ايدر
سرو وچنار سايه قدكده خوش كچر
نركس ايزك توزن كوزينه توتيا ايدر



اي ماه سرو قامت وي سرو كلمعاز
كل رخلريكي لاله كوروب اولدى شرمسار

كلزاره آچيلير صانه سڭ بردريچه در
چشم اچي كه عكس رخكه اولدى لاله زار

قيل زلفكي رخكه برابر يوزكده كيم
نوروزده برابر اولور ليل ايله نهيار

آغزك نشانن آلسه ليكدن عجمي دل
راز نهاني باده ناب ايلر آشكار

بختميدر كوزك كه اويانمادي اويقودن

رختميدر صاچك كه اوله بويله تار مار

بوزلف پرشكنمي ياخود نافه ختن

اول مسك چينمي ويافته تاتار

عاشق كي خروشه كلير رعد ايدر فغان

معشوق كي خنده قيلار برق تابدار

ابرهار دردايله افغان ايدر مكر

نم كي باشنده آنكده هواي وار

آهמידر كه ابر طوتار بويله كوك يوزين

باران ياشميدر كاقدير يرده جويبار



طويدق اوپجه باده ابن كيم دهاني وار

بيلك كمر قوجنجه بان كيم ميان وار

ميل ايتدي قانلي ياشمه اول شهسوار حسن

طويدى مكر كه اول يوره ده لعل كاني

نه آغزی وارکه لبلرکی آکه غنجه نك
قدیكه قارشى كلمكه سروك نه جانی وار
حسنی براتنه چكه لی قاشلری نشان
باقان یوزینه دیدی كه بلك نشانى وار
كل رخلرنده سنبل زلفن کورن دیدی
یارب نه نوردر بوکه مشکین دهانی
آغزینی یوق صانیرایدی اول پری رخك
كل کیی کلدی دیدی کورنلر دهانی وار
ایدر طریق عشقده بکزم صاری کورن
تاجردرکه مصره کیدر زعفرانی وار



جام لبك كوزومی طولو قانلی یاش ایدر
بوجام باده سیریمی درد اكه فاش ایدر
ای لاله لعل کیی لب یاره کرم اولوب
اویکنمه یوقسه تکرری سنی داخی طاش ایدر
دشمن کی قلیجلاه کلوب غمزده اوسته
ای دوست کورن آنی صانیرکه صواش ایدر
باقچه کون یوزوکه دوکر کوزلرم یاشی
دیرلردی باقیجق کونشه کوزی یاش ایدر
قدیمی خاتم ایتدی لبك شوقی چشمه
خون جگرله رنگ ویروب آکا فاش ایدر



مهر رخیه اولدی نكارك سحر قمر
کوينده دور ايدر كيجه لر تا سحر قمر

اول سروق دوتوغه عيدنده حسنكك
مهر اولدی تاج زر آکا زرین کمر قمر
سنسز فلکده اکلنه من کون یره اینر
مثانی یرده بولمادی کوکه چیقار قمر

مهر رخکه باشنی قومیشدر اورته یه
غمزهك اوقینه سینه سن ایلر سپر قمر
معذور طوت قیوک یاتار ویدر غریبدر
شهره دوشوب کزرسه نوله دزیدر قمر



مهر رخکه اودلره دوشوب یانار سحر
آهی اودیه کلخن دهری یاقار سحر

طونندی قارشیکه باشنه تاج زر اوروب
طوردی قوشاندی بیله لعلین کمر سحر
قانه بویاندی کوزی یاشندن اتکلری
شوق لبکه کورکه نه قانلر یوتار سحر

مهرکدن اوردی صدق ایله دم یوزی آغ اوله
عشقک یولنده چکسه علم وجهی وار سحر
ییرتوب یقاسنی نه ایچون قانلی یاش دوکر
سن ماه رویه عاشق اولوبدر مکر سحر

عاشق کرککه جان ویره سرن طویورمه
بردمده مهرنی نه ایچون فاش ایدر سحر

هر کون یاقاسنی کل ترکیبی چاک ایدر
مهر رخکله کورکه نه حالت چکر سحر



سر زلفیکی دپرتدجه باد صبح جان تتر
قاچان آرام ایدیسر مرغ هرکه کاشیان تتر
تب هجر کرده هرکه کیم طوته جان ودلی لرزه
فغان و آه وناله مدن زمین و آسمان تتر
نوله کر تتره سهم غمزده اوقی چیقده سینه مدن
چیقچق جان بدن لابد یرندن بر زمان تتر
مکر جانی قورقوت مشدر هر کون دوکه نیجه
صبای قارشیدن کوردوکی دم سرو روان تتر
سر کویکده آه ایدوب قاچان دل بی قرار اولسه
کلستانده صاناسک یل اسوب برک خزان تتر



جان ودلی بیندکمی که جانا نه لر کدر
شمع رخکله یانچی پروانه لر کدر
جان ایله دلی یاقغه کلدی غم عشق
نهم وار بنم اولان دخی جانانه لر کدر
که کوزده مقام ایله وکه دلده مقیم اول
چونکه ایکیسی داخی سنک خانه لر کدر
سودازده در جان و کوکل زلفک اوجندن
زنخیره چک آنلاری که دیوانه لر کدر

کوکله کوزم کیم طولودر خون جکردن
مخت طاشنه چالغه پیمانه کدر



ای باد صبا کل بزه جانان خبرین ویر
جان بلبله اول کل خندان خبرین ویر

بی دللره کل رخلری اوصافی سویله
بلبلره اول تازه کلستان خبرین ویر
طوغری کلشک یار اشیکنمیدر ای دل
دیکن براز اوتور بزه دیوان خبرین ویر

واعظ بزه دیدار صفاسینی بیان ایت
زاهدلره وار روضه رضوان خبرین ویر
دل تشنه سی زلفک ظلماتنده یول آزدی
حاضر اول ایرش چشمه حیوان خبرین ویر

ای دل یولک اوعزادی ایسه مضر جماله
قوللاری ایله نیلیدی سلطان خبرین ویر
خوش لفظ ایله شیرین لی اوصافی سویله
جان طوطینه اول شکرستان خبرین ویر




ای لعل لب نه دکلو کاوله آبداردر
آندن سوزک کهرلری چوق آبداردر

قانی یاشمله کیرپک اوجی اولدی لاله زار
کل سیر لاله زار ایدلم کیم بهار در

ای آید نلغینه قارش یوزک مصحفینی دل
 اوقور روان اگرچه که خط غباردر
 طوطی قفسده زاغ قیلار سیر سبزه زار
 کل خار ایچنده زار عجب روزگاردر
 بر اعتباره قالسه جهان خلقی طک دکل
 عالم حقیقه باقیقق اعتباردر



یوزک کیم کورسه ای ماه منور
 سانیر کیم نوردر اولش مصور
 آکوب قدک ینه قامت کتیردم
 یوزک کوردم دیدم الله اکبر
 بیکنک قندی ذکر اولدینی یرده
 نکر آکله سوز اوله مکرر
 سیه رو زلفکه یوز و یردیکچون
 باشیکه چیقدی اولدی ساکه همسر
 کورنلر یوزومی یاشم ایچنده
 مو ایچنده خزان یاپراغی دیرلر



حرف الزاء

سکا میل ایتدی جانم اوزکه جانان ایسته من
 د عشقک جانمه خوش کلدی درمان ایسته من

کوکله کلسه خیال خطی رشك ایلر رقیب
 اوده قرآن اولدیغن بیلدم که شیطان ایسته من
 سن کیدرکن ناله عشاقدن اینجندی دل
 خسته مسکین جان ویریرکن آه وافغان ایسته من
 لباریکه هر کورن میل ایله سه اینجمنه کیم
 کیمسه اولیا جهان اینجده کیم جان ایسته من
 باشمی غلطان کوروب میدان عشقده دیدی
 بونه طوب اولور که اوینار کندی چوکان ایسته من



خیلی کوندر چکینیر سرو چندن چیقماز
 دکه بر زحمت ایله کیشی یرندن چیقماز
 طفل غنچه یالن آیاق یوکوروردی قپوکه
 اکنوب کلدیکی بوکه دیکندن چیقماز
 دل که طویدی لبت فکرینه حیران اولدی
 بر مکسدر که دوشوب قالدی لبدن چیقماز
 برجیلر کیمی ییقلدی بدنی عشاق
 قصر حسنیکه دل اول برج بدن چیقماز
 سوزده کیردکده قیلی قرق یارارسه نوله کیم
 چون سوز آچلمیه اول غنچه دهندن چیقماز



عاشقک قدی چون کان اولماز
 غمزدک اوقلارینه نشان اولماز

فاش اولورسه عجمی راز غمک
 کیم بو عشق ایشیدر نهان اولماز
 یاش یرینه کوزم پکارندن
 دمی واردر که قان روان اولماز
 لعاکک شوقی ایله کلشنده
 لالامی وار که باغری قان اولماز
 کوزلری ساکه رحم ایده صامه
 کوزل ایکنده مهربان اولماز



سنسز دل جهانده اکلنمز
 باککه باغ جهانده اکلنمز
 کورمه کل یوزیکی باد صبا
 بر نفس کلستانده اکلنمز
 عشقدر اکلهین قپوکنده بی
 کیمسه ایشسز جهانده اکلنمز
 آلدی صونک قرارینی شوقک
 که بر آن هیچ مکانده اکلنمز
 کویکی او کرن ککول مرغی
 کوشه کلستانده اکلنمز



جمالک لالهزاری بویه قالمز
 بوکلزارک کناری بویه قالمز

کلم جور ایله مه بلبلار یکه
 کوزلک نو بهاری بویله قالماز
 جمالک کلشنه اولمه مغرور
 کچر حسنک بهاری بویله قالماز

حرف السین

بنده یوق کل آرزوسی ایتمز سروه هوس
 دهر باغدن بکا بر سروکل رخسار بس
 نخل قدک شوپله عالیدرکه خرما ی لبک
 ویرمه ویرسه ک اجازت ایرمه یوق دسترس
 کاربان عشق ایله سیر ایله محنت دشتی
 کیم ندای مژده وصل ایلر آنده هر جرس
 ایلسون بزدن تقدم یار ایشیکنده رقیب
 صویه نه نقصان کلیر اوستینه کسه خار و خس




یاقدی دل پروانه سن اول شمع رخساره هوس
 یاقینجه قورمی آخر آدمی ناره هوس
 اول بت سیمین کوزینی سوزدی زلفندن یکا
 طفل ترسادر نوله ایلر سه زناره هوس
 پاره پاره ایتدی باغرم غنچه وش تیغ هوا
 اول کله ا کسلمدی کوکلمده برپاره هوس

صافه دلبر میل وار کوکده تاج و خرقيه
بی سروپا لایق اولماز گوش و دستاره هوس



غنچه محبوبی صید ایله مک ایستر نرکس
قارشوسینه کچوب اغزنده طوتارزر نرکس
سحر او یقوده بولوب لبلرن ایصیردی نسیم
طویمادی صبح کیجه دن مستایدی بکزر نرکس
نوله کل شاهنه باش اگمزایسه کلشنده
تاج زوله باشنی زینت ایدر هر نرکس
تخت کاوس کل وچتر فریدون لاله
بزم جمشید چمن جام سکندر نرکس
برکک فرقتی داغ اوردی مکریم ایچنه
باغری یاشلی کوزی یاشلی یورور اکثر نرکس
شوق لعلکله کوزم بحری لبالب کوهر
یاد چشمکله کوکل باغی سراسر نرکس
بولق ایسترکه لب جویه کلوبن صوینور
برکشد پیرهن نازکش از سر نرکس



حرف الشین

سروقدک حسن کلزارینه زینت ویردی خوش
بوهوایی کوکلم اولقدی اوزره سردی خوش

قالدی غم قوشلارینک ایچنده کوکلم کوییا
عشق صحراسنده مجنون باشنه اوشدی وحوش
کلسه کوکلومه خیالک فکری اغیارک کیدر
طوره ماز شیطان قاچار چونکیم نزول ایلر سروش
شول قدر وار تازه تازه جسمم اوزره پنبه لر
کیم تن عریانم اولدی پنبه لرله کهنه پوش
باده مهرین چون سپهر خنده پنهان ایلدک
دوریدر ساغر هلالینک کتیر ای می فروش
یینه سن اکارسن ای دل طوقونورسک کوکله
کیم طوقسه طاشه آقار صو ایدر لابد خروش
نوش اولورسه آله اغیارک التدن زهر اولور
زهر اولورسه یار التدن ایت لی یادینه نوش



سرو آزادی بولوب باد صبا چوق اکمش
کیم چیچک کوستردی یاپراق آچدی وویردی یمش
سینه م اوستنده کورن تیغله اوقلارن دیدی
بو صو اطرافنده قاچان یتدی بودکلو قامش
عشقک بستانه ایل رغبت ایتدیکی بوکیم
اشک چشممدن صوبی آقار ایچنده یازوقیش
صیغماز اولدی دریسنه غنچه شادیدن سحر
سنگ اغز کدن صبا کیم بیایر آکا نه دیمش



صبرم چون شیر چرخه آوردی زین زر کونش
 دیکدی میدانده لوای ازدها پیکر کونش
 شویله نورانی اولوبدرکیم یوزندن نور آقار
 خاک درکاهیه تا کیم بولدی زیب و فرکونش
 چرخ میداننده سیمین حلقه سینی ماهنک
 نیرّه زرین ایله قاپدی شه خاور کونش
 شرقی غربی سر ایدوب فتح ایتدی تیغ و تبرایله
 کیردی ظلماته واروب مانند اسکندر کونش
 سن بت چینگ جمالی قصرینی نقش اتمکه
 کاسه چینیده آلتون حل ایدر بکزر کونش
 کلشن حسنکده برجوض زبرجددر فلك
 کاسه زریندر اول حوض ایچره دورایلر کونش
 شوق رخسارک یاقوبدر یوره کنی شویله کیم
 قانده برصو کورسه اوستینه دوشر تتر کونش



کوکلی کچدی یارک اغیارک کوروب کوزمده یاش
 عالمی اول سیل بوزدی قلمادی طاش اوزره طاش
 لبرکن اوزکه محرم یوق دهانک رازنه
 بوایکدن کیم تجاوز ایتدی بوسر اولدی فاش
 سروی قارشو سنده ایکلر دمدم باد سیجر
 صونک اول دردیه دائم کوزی یاشدر باغری تاش

بولمادی مخلص کوکل غمزهك اوقندن اولدی خون
مطلع ایوان حسن آلتنده کی پیوسته قاش



روضه حسینی دلبر شویله تزیین ایلمش
کیم کوزوب جتنده رضوان آتی تحسین ایلمش

باغبان حسن قویمش کلرین آچلمش
طاغیدوب فلفلرین سنبلرین چین ایلمش
بزمه کرما کرم ایکن کش رقیب ترش رو
سرکه دوکش اوسته اول اودی تسکین ایلمش

دل لبك وصف ایلمش کورسهك نه شیرین سویلمش
رخلرک مدخنده شعرین نیجه رنکین ایلمش



لبلرک وصفن صراحی جامدن گوش ایلمش
باغرینک قانن ایچنده قایناتوب جوش ایلمش

کوکلک بتخانه سنده زلفک اوچنده لبک
صانکه مریمدر مسیحایی در آغوش ایلمش
آیاق اوزره طوره ماز زلفک صالینیر هر یکا
بزم حسنکده لبک جامن مکر نوش ایلمش

فته و سحر و فسونیله کوزک زلفک لبک
کوکای مفتون عقلی واله جانی مدهوش ایلمش
یکی یاریله اوله لدن آشنا اول بی وفا
بیزم ایله اسکی عهدینی فراموش ایلمش

آتلرایله همنشین ایدوب دل آواردی
خاطرینی اوغرایوب افتاده نك خوش ایلمش



کویک کداسی اوله لی دل پرصفا ایمش
بیلم صفا سورن بوجهانده کدا ایمش

طاؤس زلف ایدندی بویک سدره سن مقام
ایرن دیدی که نیجه یرک متها ایمش

عشقک بلاسیدر بنی حجر اودینه آتان
بیلم جهنم اودونی یاقان هوا ایمش

کوزم یاشینی سیم ویوزومی زر ایلدی
اکسیر مهریار عجب کیمیا ایمش

اورتالینه سوز براقیر قدیکی آکوب
طولاشدیرن چنارایله سروی صبا ایمش

کویک طرفلرین طولاشیر دایما صبا
مسکین بلای زلفک ایله مبتلا ایمش

یالواردق اورتیه براقوب غمزدک اوقی
قاشک اکلدی نه قتی باشلی یا ایمش



نرکس کوزوک خسته سیدر بکزی صارارمش
لاله لبکک تشنه سیدر باغری قارارمش

سزهش که لبک جامی ایله باشلری خوشدر
کاشنده صبا غنچه لرك اغزین آرارمش

خطك غمياه جان ويرنك مقبره سنده

اوتلر كه بتر هر برى بردرده يارارمش

لعليكه نه كيفيت ايله ايرديكنى مى

شيشه ايله اغز اغزه ويروب جامه صورارمش

چشمك هوسى نركسك اويقوسنى آتش

يوللره باقوب قالمغيه كوزى قارارمش



لانه رخكك شوقى اوروب جانم آتش

قيلى دلى سنبىل صاحكك فكرى مشوش

لعليكى كوروب دل نيجه آه ايلسون اى ماه

كندى الى ايله كيم اورور جانم آتش

زلفى غمى ايله قودى جان عودنى اوده

اقشام ايريشوب كيتدى ديدى كيجهك اوله خوش

زلفنده نه خوش حالدر اول هندوى خالى

بالين ايدنير سنبىل وبرك كل مفرش

چشم اوزه نوب جامه زيباسنه يارك

تن خرقه سنى قانلى ياشى ايتدى منقش



حرف الصاد

چون خاتمى جمال لب لعلى دوزدى فص

دعواى حسنه قارشى كوزى ظاهر ايتدى نص

دلار شکارینه نه کمند و کان کرک
 زلفک کرهاری چوزمه قاشیک یایی یص
 پیکان تیری سینئه سوزانده ای رقیب
 برپاره اود در آل آنی داخی کوزوکه بص

حرف الضاد

ییلده برکز کورونورکن دنیا ده خرم ریاض
 عاشقه وصلک بهاری کویستر مردم ریاض
 ای کوکل دائم ایرم صانمه کوزلار وصلنه
 بوجهان باغده چون کیرمز الله مردم ریاض
 اول یکاده عنف اغیار و بویوزده لطف یار
 برطرفده قیش قیامت برطرف خرم ریاض
 ترلدجه رخلرک بولور لطافت باغ حسن
 تازه اولور شبنم ایله اولیجق پرنم ریاض

حرف الطاء

صفحه حسینه صورت ویردی یارک خال و خط
 خط مصحف خوب اولور قوندقه اعراب و نقط
 حسن ایلندن زلفک بدعتلرین رفع ایتمه
 حاکم قدرت عذاریکه ویرودر دست خط

شام زلفکده قمر صاندمسه رخسارک نه غم
 کم قارا کو کیجده حس بصر ایلر غلط
 بیر حسنک مصرینه نیل اولدی اشکم جوینک
 اول بریسی عشق بغدادی اوکنده اولدی شط
 آیاق اوزره طوره ماز سایه یانکجه سورینور
 سروقدکن دوشوبدر بکزر اولمشدر سقط
 عشق میداننده چوق مردانه لر باش اوینادی
 اول کمنده سن گرفتار اولمادک ای دل فقط



لبك فكرينه جان آتمش کلیر خط
 کیجیه کوزینه قاتمیش کلیر خط
 ینه نه فتنه لر اظهار ایدیسر
 سر زلفکله باش چاتمیش کلیر خط
 کمرسه ک باشن اکسلمز یانندن
 لیکک شربتین طاتمیش کلیر خط
 عذارک خالن اوغری دییه طوتدی
 بکا مشکین اوغرلاشمیش کلیر خط
 کونه قارشى او یودی ترلیوبدر
 که یوزنده صویه باتمیش کلیر خط

حرف الظاء

حیوان کبی تن بسلیجی جانندن ایدر حظ
 جان پرور اولانلر لب جانانندن ایدر حظ

جان طوطیسی اول لعل شکر باره هوسدر
 دل بلبلی اول یوزی کلساندن ایدر حظ
 چشمم لبکه میل ایدرایسه عجب اولماز
 صرافدر لر لعل بدخشانندن ایدر حظ
 غم سبزدهنی صولاسه یاشم سوینپردک
 بکزر شول اکنجی یه که باراندن ایدر حظ
 مهمان غمه خوان جگر ویر ایصیجقله
 آچدم بیلیم آنی او برینندن ایدر حظ



حرف العین

وصفکی بلبدن ایتش استماع
 اول صفاذن سرو اورور طورماز سماع
 غم قماشین عشق شهرینه ایلت
 اول دیارک یاپیدر اشبو متاع
 چون غم عشق ایله ایتدک مرجبا
 دی قرار و صبره ای دل الوداع
 واقف اولدی خط دهانک رازنه
 حضر بولدی سرغیه اطلاع
 ایسلرکدن کچمدیکی جان بوکیم
 اکل سر جاوز الائنین شعاع
 رخلرک نورندن آماز حظ رقیب
 دیده اعمایه نفع ایتمز شعاع

باصدی وصلک شربتین حجر آجیسی
افتراقه دکمز ایمش اجتماع



شوق رخکاه اودلره دوشوب یانار شمع
اولسه عجمی دردایله زار و زار شمع
تحریکنه نسیم سحرگاهک اویماسه
اوزاتمازایدی دل سکا ای کلغزار شمع
باشینه اود یاقوب ینه طوروردی قارشکه
راه هواده کورمسه کوچ ای نکار شمع
باشن هوا یولنده قوماییدی اورتهیه
بولمازدی تخت سیمه کچوب اعتبار شمع
کوز کیجه دن آصلوب قارشکه طورور
کیجه صباح اولنجه اوککده یانار شمع
جانینه کچدی عشقک اودی وجهی وار اکر
یانوب یاقلسه هرکشییه زار زار شمع
یانمازدی اوده اللر ایچنده دل اوزادوب
شوق جمالک ایلمسه آشکار شمع

حرف الغین

زلفک اوچنده یاناغک شب چراغ
کون یوزکده کیم یاقار هرشب چراغ

یارک ایله روضه در صحرای عشق
 یاری ایله کیشی یه طاع اوستی باغ
 عشک دامینه دوشدی مرغ جان
 قاره زلفک چون یوزکده قوردی آغ
 سینهم ایچنده یاقوب عشق اودین
 حسرت خالک قودی باغرمده داغ
 لاله نك باغرنده خالک داغ اوروب
 سنبلک بوینیه زلفک طاقدی آغ



شوق رخکله باشند آیاهه یانار چراغ
 راه هواده ایتدی مکر ترک سر چراغ
 برداغ قویدی باغرینه خال زخک غمی
 کیم آجیسنندن اوویه ماز کیجه لر چراغ
 براود براقدی جاننه عشق که کیجه لر
 یومماز کوزینی صبحه دک اولور سحر چراغ
 آهم شعا غنی که کورور روزمندن ایل
 صائیرکه صبحه دک اوکمزده یانار چراغ
 یاقدیغنی قورتماز ایش عشق آتشی
 بولور اود ایچره آنک ایچون اشک تر چراغ
 شوقکله جانمی یاقوب آه ایتدیرر بکا
 دیوانه درکه کل ایله قارشى طوتار چراغ

کورسه جمال یاری بولور سوز دل سکون
عادتر در سیونر اولنجه سحر چراغ

حرف الفاء

اوله لی قدك خیالی دلدہ جانا معتكف
قلبی عشقیكه قابل ایلمشدر اول الف
آتش عشقه دوشنده یوز صوینی نیار کوکل
بر محل هیچ ایکی ضدايله اولور می متصف
هر طرفدن دلدی باغرم ناوك دلدوزیار
عشق یولنده بکا کوستردی یوللر مختلف



کل موسمی و آب کناری هوا لطیف
نوش ایله باده کاولدی می دلکشا لطیف
کرم اولدی نار رخلر که بکزه دیکنه
اویکندی عارضیكه سنك اولدی مالطیف
سیر ایتمین کشی یولکنز لطفی یوقدر
برسرو قدیانجه کرک اوله تا لطیف
جمع اولسه جام باده لبکه لطیف اولور
بریره کلسه لر اولور اهل صفا لطیف
صوندجه لبلرک نه عجب حظ ایدرسه دل
شیرین کورونور آجی سوز اوزره ادا لطیف

عكس رخكه دوندی كلستانه هرطرف
 بولدی بهار حسنك ايله یر یوزی شرف
 میدان غمده صف صف اولوب طوردی کیرپکم
 قانلر دوکلدی یره طوقشدی اول ایکی صف
 پروین دیشیکه دزلرینی نیجه بکزه دیر
 نه قاتی برک یوزلو حیا سز اولور صدف
 دل آکدی مشک چینی کوروب زلف و خالکی
 تشویش ویردی کوکلنه بوفکر نا خلف
 بزمینکه کندی بردریه صاریلوب کلیر
 مطربله ویریر نه کیرسه الینه دف

حرف القاف

كلستان ایچنده باقدم کوردم اول کل یوزلو یوق
 غنچه پیکان اولدی کوزومه نهال سرو اوق
 آغزک اویمک آرزوسنده کوکل خیر ایتدی
 نه قدر آصی ایده چون اورته ده سرمایه یوق
 یاشمک سیما بنه اولدی کوزم زر ناودان
 اوله لی عشق کداسی حاصلم آلتون اولوق
 آه سردیمی کوروب زلفی طولاشیر رخلرین
 خوش کلیر آتش کناری چون هوا اوله صوق
 رخلرک دورنده چوغالسسه کوزم یاشی نوله
 کیم اولور البته صولر نوبهار ایردکده چوق

خوشه زلفینی کوزلر باغ حسنده رقیب
یار نازکدر صدرمن کوزینه آنک قوروق
شویله طولدی دامن کلزار سیم وزرله کیم
نرکس ایله غنچه نك کوکلی وکوزی اولدی توق



کلشن جنتدرر یوزی ایچنده خار یوق
زلفی نیلر آنده چون جنتده دیرلر مار یوق
کیمدر اول کیم آغز نه غنچه دییه قدینه سرو
سروده رفتار اولماز غنچه ده کفتار یوق
کورینور کورنمز آغزی کون یوزنده ذره وار
خط وهمیدر بلی کیمسه دییه مز وار یوق
دیر کورن اغیار دم سردک قارا کو کوکلی
کلخنی بردوده بکزر کیم ایچنده نار یوق
مل دیمک اولماز لینه ملده چون اولور خمار
کل دیمک اولماز یوزینه کلده شکر بار یوق
مجلسه درلر نثار ایلر آچینجق آغزی
چوق صدف واردر ولیکن بویله اولور یاریوق
دیشلرک وصفده سوزچوق ایلرک اغز کده لیمک
بیك صدفده بونجیلین بردر شهوار یوق



کوکلی عشقک غمیله بیقرار ایتدی فراق
بنلرک کبی قرارم تارمار ایتدی فراق

اول یوزی غل شوقایله بابل کی زار ایلوب
قانی یاشمدن کنارم لاله زار ایتدی فراق

غنچه وش باغیریمی خار غمله پر خون ایلوب
کل یوزک دردیه بابل کی زار ایتدی فراق
غصه زلفکله اویقو کورمز اولدی کیجه لر
ای یوزی کل کیرپکم کوزمده خار ایتدی فراق

بیقرار اوله غم زلفکله ای لاله عذار
طک دکل کیم ییرومی شوقکله نار ایتدی فراق
مدعینک طغنی اوقندن نه غم شیمدن کری
چورده یانم سنک حسرتله حصار ایتدی فراق



آچیلیری بوکوکل وصل نکار اولمیجق
غنچه قاچان آچیلیر فصل بهار اولمیجق
شمع جان اویانه می دوشمیجک عشقه کوکل
نورمی ظاهر اولور ناره یانار اولمیجق
نی آغزده یاراشیر چنک در آغوش کرک
صحتک دادمی اولور بوس و کنار اولمیجق
خط غبارینی یوزکده قومه کیم خوب اولور
کل رخک مصحفنک خطی غبار اولمیجق
اول که نازک دل اوله لاله کی کلشنده
جامی آماز الله تازه بهار اولمیجق

کیم باقار باده‌یه چون اولیه کل رخ ساقی
لاله زاری نیده لم لاله عذار اولمیجق

صبحه دك چنك چالار هرکیجه قاپو کده رقیب
نه‌ی اولورسه ایدر کیشیده عار اولمیجق



کل دفترین سحر یلی آچدی ورق ورق
بایل صفات حسنك اوقودی سبق سبق

جام لبك قوقوسی ایه مست اولوب صبا
کل غنچه سینك آغزینه صوندی ورق ورق
آمش رقیبی اورته یره قاپوك ایتلری
آدم یرینه کچمش اول ایته به باق به باق

قان یاغی اولدی لعلکی چون لاله باده‌یه
بولسه ایچردی قانی آنک چنق چنق

زنباق بوکون اوموزینه سجاده سن آلیر
دون کلشنه شراب طاشیردی قبق قبق



شوق لبکه برنیجه دم یوتدی قان شفق
مهر رخوکی ایلدی آخر عیان شفق

بکزرردی ایشککده آقان قانلی یاشلره
کوکلر یوزنده طورسه ایدی هر زمان شفق

قانلی یاشم ایچنده رخی عکسی دلبرک
خورشیددرکه اولمش آکا سایبان شفق

یامازدی تاب شوقك ايله اودلره دوشوب
 مهر رخسكه چكمه سه سوز نهان شفق
 قانلی یاشیمی قویسهك ایشیکده آقغه
 باشند باشه اولوردی تمام آسمان شفق



بنم کبی بریوزی کله اولدی عاشق
 کیم حسرتیه باغینه داغ اوردی شقایق
 عشقده ایدر آی کبی یوز آقغی حاصل
 مهرکده سنك صبح کبی کیم اوله صادق
 مست اولدی لبك فکرایله دل دور رخکده
 کل موسمیدر عارف اولان اولیه آق
 اول غنچه لبك بدن ایشیت سر میانن
 دکه کشینك ایشی دکل حل دقایق
 باتدی صویه نیلوفر تر اولدی یوزی زرد
 غرق اولدی کوزی یاشنه صان چهره عاشق
 چون رخایدر مشرق انوار الهی
 وار وجهی دیسه م خطنه کر شرح مشارق



اول مهر ماه رویه بوسروقامت آنجق
 یوق یوق نه قامت اولسون بو برقیامت آنجق
 غمزه کله کوزلریکه هر کیم نظر قیله دیر
 اول قتنه جهانده بوجان نه آفت آنجق

جان اولدی خط لعلک تفسیری ایچره عاجز
 سر نهانی واردر برمشکل آیت آنجق
 آب عذارک ایچره سجاده صالدی زلفک
 ایصالنامدی آغی خیلی کرامت آنجق
 سینهمده غمزده اوقی سهم سعادت اولدی
 جانیه خشم چشمک عین عنایت آنجق



جگرین لاله زارک صولدورر عشق
 کوکل کلزارینه کل طولدورر عشق
 بوسودن نیجه لر ال یودی جانندن
 کیرن چیقماز نه دیپسز کولدورر عشق
 بویولک منزلیدر محنت آباد
 کیدن کلز نه مشکل یولدورر عشق
 صارارتیر تاب محنتله یوزینی
 کوکل میودسنی چون اولدورر عشق
 نه غم کیم جان یاقاسن ایلیه چن
 آتارکن قومه الدن اولدورر عشق



اکر اولدکسه اول مه رویه عاشق
 کوکل اول صبح وش مهرنده صادق
 کورینور سینه سنده تازه داغی
 کیمه اولدی که لاله ینه عاشق

قارشیر ایتارک ایشینه اغیار
 کاکیم دیدی کل ایت کتخدالق
 آندن بیره قومادی اباغی
 بهار ایریشدی لاله اولماز آیق
 سوکی جوانکیم وصات آریقتدر
 تولیدی اویسیدی آشنای

حرف الکاف

دردک ایله کوهسار اورمشدر کوکسینه سنک
 قنلی یاشدن لاله زارک اولدی یوزی لعل رنک
 یاره لر درر نجوم آندن افق قاندر شفق
 سینئه چرخه شو دکلو اوردی آهمدن خدنک
 زم غمده یاره اولدی خون دل باغرم کباب
 قاتم چنک اولدی کوزم یشری اوت چنک
 دوکسنه کوزم یاشن کلزدی خط عارضی
 حسنک آینه سی نم کورمه طومازدی ژنک
 کیم خیال زهد قالسه عشق بی باک اوسته
 بکر اول بی عقله کیم برباده لعل اوزره بنک



طاغیدوب سنبالارک کوکیم پریشان ایلک
 کوستروب ریحان خطک عقلی حیران ایلک

قاشلریکی چاتدک آتدک جانہ غمزہک اوقلرین
یاغرا ایلہ قومادیک تیر وباران ایلدک

نقد عمرم غنچه وش آغزک خیالی قیلدی کیم
خردۀ عشقیکی کوکلم ایچره پنہان ایلدک
کوزجی قویدک رخلرک اوستینه جانا غمزہکی
حسن کنجینه اول اوغری یی نکمہبان ایلدک



قالمازم جان نقدینه باکہ لب جانان کرک
بن جہانی نیلرم اول کیشی یہ جان کرک
بلرینه میل ایدرسک کوزلرندن کی صاقین
احتراز ایلہ بلادن چونکہ ساکہ جان کرک
عقل وصبر و جان ودل طورماز خیالک اولسه
لشکری ضبط ایتمکہ ایچنڈہ برسلطان کرک
جانده یر ایتمکہ قدی ایستر آغزندن مدد
شاخ کلدن اوقدر ا کا غنچه دن پیکان کرک
زاننہ طولاشدی دل آروق نیجه اولان خلاص
مشکل ایشہ اوغرا دی قورتامیہ آسان کرک



سینہ می چاک ایتسه تیغ زهر پردردی آنک
قومکز مرهم کہ اولدرسون بنی دردی آنک
عشق یولنده آنی کیم چشمنک بلاسی خاک ایدر
توتیا اولور محبت اهلنه کردی آنک

گوستیر شادی بهارین عاشقه کلکون یوزک
 غم خزان عرض ایدر سا که دخی زردی آنک
 غمزده اوقلارینی آت جانہ دیمزسه باقشی
 باشنی اکمش قولاغینه نه سویلردی آنک
 برنہال تازہ سک وارمه رقیبک یانہ
 کیم زیان ایلر سنکا تا که دم سردی آنک



حقہ اعلیکده مشکین دانه لردر بنلرک
 شویله بکزر نقطه شیر شکر در بنلرک
 کوزده در کنجینه حسنکده لعلک حقہ سی
 هندودر کیم خازن درج کهردر بنلرک
 کورممشدی روم ایلنده کسه فلفل بتدیکن
 اول سبیدن رخلرکده معتبردر بنلرک
 قالدی چشم یاشی نیلینی تماشا اتمکه
 سیریرین خوش بیایر صاحب نظردر بنلرک
 بزم جانده رخلرک شمع جهان افروزدر
 دوشوب اول شمعہ یانان پروانه لردر بنلرک



کل یوزک دورنده کورن خط ریخسانک
 ایدر ای مه فتنه سیله طولدی دورانک سنک
 شرح ایدوب سوزدلی صاحبزادی آغزم نارلر
 دل صوقوب سویاتمسہ آغزیمی پیکانک

بر نهال سرودر کیم نقش اولور آینه ده
باغ جانده سایه قد خرامانک سنک

نقد اشک ایله طولو برکیسه در چشمم بنم
کیم باصوبدر مهر آکا لعل در افشانک سنک
خط یازیلیر چونکه نمناک اوله نیچون خوب اولور
کل یوزکده ترلدکجه خط ریحانک سنک

کوردی اشعاره ده حسنی وصفی دلبر دیدی
روضه رضواندن آلمش نسخ دیوانک سنک



کرچه که که آچیلیر سوزدن دهانی غنچه نک
آغز که او یکنمکه یوقدر دهانی غنچه نک

ویرمیلدن باغ حسنکدن خبر باد سحر
نه کولر یوزی نه آچیلیر دهانی غنچه نک

چون صبا دیوانه سن همراه ایدندی کندی یه
قاش اولیسر ایلاره راز نهانی غنچه نک

حسنک چاغن کچیردی غیر ایله اول کلهزار
خار ایچنده کیدی حیف کیم زمانی غنچه نک

لعل یاره او یکنیرسک دیه خشم ایدوب صبا
باشنه طار ایلمشدر کلهستانی غنچه نک



دیدی کیم زلفم یوزومه تار مار ایتسم کرک
عالمک روشن کونن دون کبی تار ایتسم کرک

ت چون اویدی دله دیده که نیرنگ دیدی
 اول قدیمی عهد اساسن استوار ایتسهم کرک
 کل کبی شوق رخکله کرم اولوب ای غنچه اب
 باش آچوب سر نهانم آشکار ایتسهم کرک
 نوبه از وصل ایرنجبه یاش یرینه قان دوکوب
 کلشن حسنک کنسارین لاله زار ایتسهم کرک
 اختیاری عادتک بر خرقه در برکوشه در
 بنده زلفک کبی آنی اختیار ایتسهم کرک



قامی ایچمک دیلر اول چشم خوانخوارک سنک
 جامی آلق دیلر لعل شکر بارک سنک
 سرو قدک سایه سنده غصه دن آزاد ایدم
 باشمه اولدی بلا زلف سیه کارک سنک
 بیگ کز آرتق وعده مهر آلدی آغز کدن کوکل
 وای نوایدی ذرجه اوایدی اقرارک سنک
 زلفکه او یوب بیله کتمشدی دل کلدی ینه
 سحر یله باشن چو یردی چشم سحارک سنک
 سوزلره انما ایدر سر سوز که آغز کدن چیمار
 سوزلره اشعار ایدر ای دل بواشعارک سنک



یارسز ایشمی بتر ایش بتر یر یار کرک
 کشی یه یار کرک یارده غمخوار کرک

عشق کوینه قدم باصمادی آدین صاققان
کیمنه یار کړک کیمنه عار کړک
نیجه بر ایشیده لم آجی سوزین اغیارک
طاتلی دیلی بزه بر لعل شکر بار کړک
کل کور آراده طولی کلار آرایجی خار
عالم اغیارله طولدی بزه بر یار کړک
کوکلی زلفکه آصام دیسه عهد ایتش ایدک
کل طور انرارکه کیم کیشیده اقرار کړک



سایه سروده جام ومی کلفام کړک
اولیجق بوایکی بر سرو کل اندام کړک
پایمال ایتدی غم دهر بزی ای ساقی
دستگیر اولغه دمدر برایاق جام کړک
خام صانمه بزی کیم پخته ایله آلدانیرز
زاهد پخته سکا بیزه می خام کړک
کلشنک سرو وکلندن نه بیتز ساکه کوکل
حسن باغنده کی اول سرو کل اندام کړک
رام اول امرینه اول سرو کل اندامک که
کیشی جانیه دلارامه دلارام کړک



ای صبا باشلادی سرد اولغه مشکین نفسک
زلفی شوقندن آنک یکدی مکرکیم هوسک

نوله عكس لې دوشديسه كوزم كوشه سنه
صانكه شيرين ايله زين اولدى كنارى ارسك
نالاه قيلماز كوكل اولماسه غمك پيكاني
لابد افغان ايدمهز كيتسه زباني جرسك
دويمبوب آجيسنى شهد لبك فرقتك
ايكليوب باشنى دوكمكدر ايشى هر مكسك
كل رخك يادى ايله دوشدى غمه بلبل دل
خوش نفس اولديغيچون چكدى بلاسن قفسك



غم سوداي سر زلفك ايله كسدى سنك
مادر دهر مكر نافى مشك ختك
الى ايرشمدى زلف سبهك خرقه سنه
پوست پوش اولدى چيقوب تركنى اوردى وطنك
ياقدى اود كيبي رخك پرتوى جان خرمنى
آقدى صوكيبي كوكل كوردهلى چاه ذقنك
شوق رخسارك ايله ياشم آقارسه يارده شير
كه اولور آب روان زينتى صحن چنك
بولدى بيان كمرك موى ميانك فكرى
چك قىلدى يقاسن شوقك الى بير هنك



قوس قزح كې بويم ايدوب كان فلك
تير شهاب اهمه ايتدى نشان فلك

دوز کون ایشی بزمه ایکی یوزلو لکدر
طور ماسه برقراره نوله هر زمان فلک

شوق رخکله برق کیمی اودی چاقیلور
چون رعد کیمی ایتدیره باکه فغان فلک
زلفک غمیه قیلدی سیه دل بولوت کبی
باران کبی کوزم یاشن ایتدی روان فلک



زلفک غمیه کوی آواره ایلک
غمزدک اوقیه یورکی یاره ایلک
یاره ایلک یورکی تیغ فراقله
اغیاره ایدجک ایشی سن یاره ایلک
باغیریمی یاره یاره قیلوب تیغ حجرايه
هر یارده سن دونوب ینه بیک یاره ایلک

دردیچه چاره ایسته مه کیم چاره اولمادی
کورکیم بنی نه وجه ايله بی چاره ایلک
زلفک هواسی ايله شکسته دل ایلوب
باد صبا کبی بنی آواره ایلک



کلکون ایدر لبک چو یناغن بنفشه نك
کورن قوماز الندن ایغن بنفشه نك
داغلاندى لاله نك یورده کی نار رشک ايله
باغ رخکده کوردی طوراغن بنفشه نك

ایستدی دل اوزاتدیغنی زلفکه سنک
 بوردی صبا چنده قولاغن بنفشه نك
 دویمز سحر صغوغه ناز کدرر یوزی.
 اوشوتدی باد صبح یناغن بنفشه نك
 ال صوندیسه عنانه کلکون حسنک
 بر سورچک ایله کسمه ایغن بنفشه نك
 تر کلری یتیشدی کلستان حسنک.
 کیمسنه آماز اولدی بر پوله باغن بنفشه نك.
 قرّاش باده دیک اله کیزمرسه شمع کل
 یاقسون چراغ لاله ده یاغن بنفشه نك
 سرمست کوردی ترکی حد اورمق ایستدی.
 آلدی صبا الینه چوماغن بنفشه نك.
 صووارمغه صویه چنک تشنه لبرین
 طولیدردی شبنم ایله صوماغن بنفشه نك



اولدیم ساکه یار نولسه کرک
 قیاییم آه وزار نولسه کرک
 زلفکی چون قرارمی طایندوب
 اولدیم بی قرار نولسه کرک
 دله دیدم که وارمه عشق یولن
 دیدی هی یوری وار نولسه کرک
 نه کایرسبه باشیمه عشق کدن
 ایلدم اختیار نولسه کرک

باش آچوب عشقه قدم باصدم
سنک ای کلهزار نولسه کرک



یارک اوقینه چونکه جکردن سپر کرک
میدان عشقه کیرمه اول جکر کرک
دل خون وسینه یاره جکر پاره جان فکار
کورکیم بلای عشق چکنده نه لر کرک
سیم وزرایله طوب طولودر قوینی غنچه نک
آجیدی کوکانی آنک اول سیم وزر کرک
کولدیرمکه بنی نوله آه ایاسه کوکل
کل غنچه سی آچیلغه باد سحر کرک
عشق کرک که سنک ایله باشه واره وز
آیاقدہ قالمغه کیشیده برهنر کرک



دیرلر کیشی یه جان کرک آندن جهان کرک
جانان که اولیا نه جهان ونه جان کرک
کوزم یاشی آياغنه یوز اوردیغی بوکیم
سرو سهی کنارینه آب روان کرک
شوق لبکه قانه قاپان بویانیر رقیب
اول طاشی لعل قیلغه خیلی زمان کرک
دور زخمکده قامی ایچسه لبک نوله
کل موسمی ایرشدی می ارغوان کرک

راز دهاتی نه بیلیر دکه خرده بین
 سر نهانی طویغنه کیم نکتهدان کرک
 عشقله، هواسی ایله کوکل خوشدم اولمغه
 زلفک غمیه نافه کبی باغری قان کرک
 شوق جمال یاری نه دیر شرح ایدوب کوکل
 کون کبی اول عیاندیر آکا نه بیان کرک



دل صاحی دیوانه سی برکیمسه نک
 جان رخی پروانه سی برکیمسه نک
 کنج وصالینه مکان اولهم دییه
 اولشم ویرانه سی برکیمسه نک
 سرمن مستور ایکن فاش ایلدی
 کوزلری مستانه سی برکیمسه نک
 یولنه جان ویرمک اولوردی اکر
 اولسه جانانه سی برکیمسه نک
 ایلدم خالی سراین قلبمک
 کاوله خلونخانه سی برکیمسه نک



کل یوزکه باصار آیاق کاکلک سنک
 هی نه قارا کوکلودر اول سنبلک سنک
 سن کل کبی چمنده کزرن روامیدر
 خار غم ایچره ناله قیله بلبلک سنک

کیمدر یوزوکی روضه رضوانه بکزه دن
جنت چنارینه دکر برکاک سنک

دل مرغنه که قوردی قارا زلفک آغنی
بیك مرغ جانہ دانہ صاچار قلقلک سنک
بابل کی فغانمی کوروب اول کل کولوب دیدی
آفاق ایچنی طوتدی ینہ غلغلک سنک

حرف اللام

حسرت لعلکله طولدی غنچه کیبی قان کوکل
یوزک کوسترکه اوله کل کی خندان کوکل

طوب اوله لدن زلفی چوکانینه اول کل یوزلونک
مهرومه کیبی دون وکون اولدی سر کردان کوکل
شمع سوزانه صو دکسه ناله وزاری قیلور
نوله پیکانک اوچندن ایکلسه سوزان کوکل

گیلیدن کاربان کوی دلبردن خبر
دوشدی یوللره جرس کیبی ایدر افغان کوکل
کاستان اولمشدی حسنک عکسی ایله برزمان
فکر اغیارایله شیمدی اولدی خارستان کوکل



جوهر جان اوله می شول در شهواره بدل
کآب حیواندن چیقاردی آنی غواص ازل

بحر عشقك عمقنه ايرمك زهى فكر محال
 غصه زلفيكي عرض ايتك زهى طول امل
 اول نه كوه دركه جان ملكى خراجى تيمه
 عقل صرافى قياس ايتسه بهاسن فى المثل
 يازمغه قصر جمالنده نكارك شمسهر
 يوزومك آلتوتى نقاش اشكم قيلدى حل
 بار هجران آنك حمال كردونه اكر
 اورسهر يردن قيملدايق دكلدر محتمل
 دلدۀ عشقك ديدهده چشم ودهان وزلفكك
 نقشى خوشدركه ياراشير علم ايله اولمق عمل
 غنچه كيبي نيجه دمبسته اولاسك كل كيبي
 آغزك آچ طوت سوزم آغزك طوت مدين دست اجل



وار آياغنده او سروك سايه وش طوپراق اول
 كل برى قاچ سرسرى حلقه عشاق اول
 قاتى سنكين دلدر اول سرو سمنبر چون كوكل
 س آياغينه يوزك سور صوكيبي مشتاق اول
 لاله كيبي رنك صاتمۀ بوى وير غنبر كيبي
 سرو كيبي يوكسك اوله كل كيبي آلقاق اول
 عشق تاجينه اورورسك چار عنصر تركنى
 خرقة زلفن كيوب سر حلقه عشاق اول

زرق صاتمہ رزق ایچون کل ریادن صافی اول
زاهد زراق اولہ عابد زراق اول

چکمه یم غم دیر سهك اولہ اول عروس دهره چفت
بوفلك ایوانك آلتده ای دل طاق اول



دمی واردر کیم غم عشقکه کوزم نم دکل
ایدرک شوقیه قان دوکمزسه کوزم نم دکل
نیجه کوندر آلامش غنچه دهانکدن خبر
اول سبیدن کوکلی آچلماز یوزی خرم دکل
یوزومی دوندرمزم یوزیل یوزوکی کومسه
یاردن یوز یسلده یوزن دوندورن آدم دکل

جان ودل یایماغه سعی ایت قو جهان بنیادی
چون بیلیرسك که بنای آب وکل محکم دکل
یوزوکی کورمدیکم کون کون دکلدر کیجه در
دم که لعلک یادی ایله کچمیه اول دم دکل
غم چکر سهك باری چک بوزلف غنیر ساغمن
چون جهان محنت اویدر هیچ دل بی غم دکل
کلز ایش شادی اول یرده کاوله عشق غمی
جای عشق کدر کوکل کلز سه شادی غم دکل



نیلکون یاشمله حسنک مصری ای وجنی جیل
شویله صورت طوتدی کیم رشک ایلا آکا مصر نیل

ایچه بیلکه دهانک نکته سینی آ کدی دل
 اهل دلر مجلسنده اولدی خیل وقال قیل
 اوقودم کوردم دیزلمش جام لعلک اوستنه
 قیل قلمله { هذه عين تسمى سلسيل {
 وجهی وار آهم کوروب میل ایلسه اول غنچه لب
 کیم کلسانده اکیلیر کل بوداغی اسسه ییل
 کویکه عزم ایلسه اشکم صولار یوللاری
 اهل خیر اولان طریق حجه صو ایلر سیل



غمزه اوقلاری کوز آچدرماز کورلدن سنی دل
 ایره لی وصلک بهاری یاغدی یاغور متصل
 زلفنک تاری که رخسارنده اولمش ییج ییج
 مار اوله می لاله زار اوستنده یانار اوزره قیل
 اول ایکی زلف وایکی خددن ایراق اوله لی دل
 ای یوزی کل رحم قیل کاولمش ایکی آی وایکی ییل
 قاله لی کوزده خیالی سرو کل رخسارمک
 کلشن دوران کورینور کوزومه یشیل قیزل
 سینه ده خوناب دل کانه آقار بوقانلو یاش
 بحر درکیم اولمش آندن ایکی ایرمق متصل
 خنده خجلتله ایستر کایده دفع انفعال
 غنچه کلشنده کوروب کل یوزک اولمش منفعل

صوکی قلیکی صافی ایله ای صوفی دونوب
ایچکی اول صو ایله کرد ریادن پاک قیل



خوار باقه عاشقک کوکلینه ای صاحب جمال
بولور سزمادیکک ویرانه لرده کنج مال

کدی هر کز دلدن قاشکه کچ رودیتک
طوغریلر یولنده اولماز دوستم اگری خیال
اول مسیحا دم تکلف چکمدی قان ایتمه
اولدینغیچون باده ایچمک دین عیساده حلال

کوکلم اومارکیم دییه سک بوسه می ایسترسک آل
کرچه اولماز خاطر دیوانه ده فکر و مال
کاتب دیوان کریدن قاشلرک طغراسنی
وصف ایدرکن ماه نودن کوستیرکه که مثال

مربع

جان ویریر کورمه اول زلف سمن سایی کوکل
صاتین آلیر پشنه فته وغوغایی کوکل
یاقدی یاندردی بی آه بوسودای کوکل
کوکل ایوای کوکل وای کوکل وای کوکل
قیدی شوریده ینه زلف سمن سایی بی
نمی ایستردم ایدم عالمه رسوای بی

دله اویدیم چیوندر بو بکا وای بنی
 کوکل ایوای کوکل وای کوکل وای کوکل
 اولدی حیران لبکه دل بله هجرانده یاتار
 زلفک اوجندن اینر چاه زخندانده یاتار
 کیجه هر قنده اولور ایسه غریب آنده یاتار
 کوکل ایوای کوکل وای کوکل وای کوکل
 غم هجر کده کوکل جان ایله انباز طورور
 بزم عشق کده سنک درد ایله دمباز طورور
 دله اویدیم ایچون باکه بوده آز طورور
 کوکل ایوای کوکل وای کوکل وای کوکل
 بو کوکل عشق ایشنی کندوزینه کار ایدینیر
 بر جفاکاری بولور قنده ایسه یار ایدینیر
 کل آنی سومه دیچک بزی اغیار ایدینیر
 کوکل ایوای کوکل وای کوکل وای کوکل
 بن دیزدم ویرم اول زلف سمنسایه کوکل
 سوزمی اسلمدی کیتدی بو بیچاره کوکل
 کوکل ایتدی بنی بو وجه ایله آواره کوکل
 کوکل ایوای کوکل وای کوکل وای کوکل
 بزی دردو غم ایله یاد ایدر اول یارد دریغ
 بزم یار ایتدی کنی ایله من اغیار دریغ
 دلدر ایدن بزی بو وجه ایله غمخوار دریغ
 کوکل ایوای کوکل وای کوکل وای کوکل

بن بنی عشقه اویوب درده دوشم صانمازایدم
یو بلایی بکا دیرلردی بن اینانماز ایدم

کوکل اولماسه ینه عشقه آلدانمازایدم
کوکل ایوای کوکل وای کوکل وای کوکل

کوکل اول سرو روان آاغنه آقدی ینه
بنی بو حسرت و درد اوتلرینه یاقدی ینه

کندوزین تک طورور ایکن دله بیراقدی ینه
کوکل ایوای کوکل وای کوکل وای کوکل



اولدی تن نحیفم زلفی اوجنده بر قیل
جانم کوزنده اول قیل جانان یوزنده مایل

کوکلم شراردسی کر میل ایتسه عشق اودینه
اولماز عجب که اولور هر جزء کله مایل

تن پرده سنده مستور اولورمی پرتو عشق
کون یوزینه نه ممکن کیم کولکه اوله حایل

عکس جمالی یارک چون اولدی کوزده ظاهر
کویا که برج آبی خورشیده اولدی منزل

نه دکلو دوکسه کوز یاش باغرم قتی بویالماز
کیم لاله رنکی اولماز یاغمور صویله زایل

شبم دکل یوزینه باد سحر صوسپدی
کوردکده کل یناغن چون اولدی عقل زایل

کل یوزی برق اورنجہ باشینی بوردی غنجه
بلبل دیدی کورنجہ { یا ایها المزمّل ! }



کوکل طولاشسه زلف نکاره عجب دکل
غرق اولدی ال صونارایسه ماره عجب دکل
باد صباکه سائک راه هوا دور
کر ال اورورسه سرو و چناره عجب دکل
زلفک اوجندن اولدی خطک فته سی عیان
یانکده اولدیه یوزی قاره عجب دکل
قالدی ایچمنده چیقما دی پیکان غمزده سی
او کماسه جکرده کی یازده عجب دکل
تزویر خط کتیردیکچون اولدی آشکار
یازمق طولانسه زلف نکاره عجب دکل



جان صفحه سنده یازمق خط غبار لعل
یا قوت خطک ایلدی نسخ ای نکار لعل
شوق لبکه باده نیچون قان یوتار دیه
بر پاره اود اولبدرر ای کلعدار لعل
شوق رخکه تاب وتب عشقه دوشمه سه
کونده نه ایچون اود کی بویله ینار لعل
پار پار یانار دیدکلرینه لبلرک ایچون
یوزی قیزاردی اولدی قاتی شرمسار لعل

شوق لبکه باغری حكاك غم دلوب
بویاندی باغری قانی ایله لاله وار لعل



عشق بلاسنه اوله لی مبتلا کوکل
درد و غم ایله اولدی مصور بلا کوکل

ایستر که خاکپاینه یوز سوره سن شهك
مشکل بودر که حالی بیلمز کدا کوکل

عشق هواسنه دوشوب اولدقده مبتلا
بیلمز دی نیدیکن دها عشق وهوا کوکل

قدك هواسنه دوشه لیدن کوکل بی
بیلدم بونی که باشه آلیرمش بلا کوکل

برکون بلای عشق آکوب ناله قیلیمه
بیك ییل چکرسه هجرک الندن جفا کوکل



قاشك خیالی ایله کیدر کیجه لو هلاک
شامنده زلفک کلوبن کیجه لر هلال

دوشمشدر ایجه بیلکی قوجق هواسنه
اول آرزویه کندویی ایدر کمر هلال

عشق یولنده نیک اولوبدر یلر فلک
بیلنده مهر زنک والنده تبر هلال

حسنک کوکنده بدر اوله لی آلتک ای کونش
دردیکه دوشدی ایچینوب اولدی قمر هلال

سن پادشاه کشور عشقه طپو قیلار
باشن اکر قاچان که او ککدن کچر هلال



زلفینی ایدوب آی یوزی دورنده تأمل
بیلم بونی کیم لازم ایمش دور وتسلسل

شیرین کورونور خال لبك جانمه زیرا
طاتی اولور آغزده شکرلنسه قرنفل


کل برپاره اود اولدی کوروب خاری یاننده
اول اودایله بلبل یانوب اولدی بر آوچ کل

دل بابلی دردیه فغان ایتسه عجیبی
آچلدی جکر قانیله چون کوزده قیزل کل

غنچه کبی قان یوتسون آرا یرده رقیق
بابل کبی بن آغلیه بن کل کبی سن کل

غنچه فرخندن صیغماز اولدی دری یه
بکزدیکیچون لعلکه یوزینه کولوب کل

سودی کلی بلبل نه عجب حاله صااشدی
نه فرقه دو یار نه ایدر وصله تحمل



حرف المیم

صافه کلکون اولدی جام قانی یاشمدن بنم
داده عشق شعله می کوروندی طاشمدن بنم

روی زردم سو ایچنده قالدی نیلوفر کبی
 بحر عشق موجی کلدی آشدی باشمدن بنم
 منزله وارمغه زورق ایدندی ماه نو
 كوك كنارندن کچیلمز قانی یاشمدن بنم
 قان روان اولدی طوقشدی کیرپکیمک صفلی
 غم چریسی هیبت آلدی بوصواشمدن بنم
 کونده بیك کزقانی یاشم موجی باشمدن آشار
 کور نه لر چدی بو عشق ایچنده باشمدن بنم



کوزلریمک یاشی سرم فاش ایدر دیردم بنم
 درد عشقیکه دوشه لدن بوایدی دردم بنم
 قصه غصه اوزوندن کل کل دلبر کبی
 نازنینار نازی کبی چوقدر دردم بنم
 یاغسون اشکم یاغموری جسمیمی خاک ایتدکده غم
 تا که کویندن نکارک چقمیه کردم بنم
 بند زلفکدن دله قالمادی امید کشاد
 ششدر محنتده قالدی آه کیم نردم بنم
 حسن میداننده زلف و خطی برجنک ایتدی کیم
 قالدی کرد ایچنده اول مهر جهان کردم بنم



بن نه ممکن کیم وفا یوزنی جاناندن کوردم
 کیم وفا کوردی نکارندن که بن آندن کوردم

قائلی یاشم طوتدی چشم منظرین یر قویمادی
باقغه دنیا یه یوزك بلمزم قانندن کوردم

قورقارم بیهوش اولم ناکه کورنجه یوزنی.
ایسترم کیم لیلرین اول اویم آندن کوردم.
سیرایدر اغیار ایله کورور بزی کورمز لیر
بن دیمزدم بو ایشی اول چشم فتانندن کوردم

هجر اودی پرسوز قیلدی بزمنز او ماره میدم
کیم بودکلو ایسی یوزین نار هجرانندن کوردم



ایکلتیر دولاب چرخنی چشم کریانم بنم
چینلاتیر کوکله قولاغن آه وافغانم بنم

کون یوز کدن آریلالی ای مه برج جمال
هر کیجه کوکب صایار چشم در افشانم بنم
دست غم چنك ایده لیدن قامتیمی زهره دنك
کوکده آهنگن یاکلتیر آه وافغانم بنم
کل یوزك وصفنده یتر شعرمک رنگینلکی
نوله رنگین اولسه اوراق دیوانم بنم

ناله واشکمدرر بزمنده باده یله شراب
شعله آهمدرر شمع شبستانم بنم
طویدیلر شمعک یانوب یاقلدیغیچون سوزمی
قالدی مجمر کیبی جانده سوز پنهانم بنم

کورده لی هر خار النده کل کبی دامانکی
غنچه وش چاک اولدی غیرتدن کریمانم بنم



ای خطی مشکین مرکب پارمنی سیمین قلم
پارمنک بان قائمه کیم خوشدر رنکین قلم

تیغ ایله تیرایله دوکسه ک باشنی یارسه کینه
امرکی باش اوزره طوتار نیلسون مسکین قلم
عاشق اولدیغن سر زلفوکه طویدرمازایدی
کوزلری یاشین ایده من نیلسون تسکین

زلفک اوچندن سنک شو دکلو قان اغلادی کیم
ایله مشدر جامه سینی قان ایله رنکین قلم
نوعروس معنی به صورت ویریر مشاطه وار
زلف مشکینک یوزنده ایلیوب پرچین قلم



کورمیلدن کون یوزک چشم جهان بینم بنم
لاله زار ایتدی جهانی اشک خونیم بنم

باغ وصالک حسرتندن لاله صحرا کبی
بستم خاک سیه سنک اولدی بالیم بنم
دیده جان بین کرک کورما که شیرین لبرک
قنده کورسون آتی بو چشم جهان بینم بنم

نیجه خوش زینت ویروبدر آسمان عشقه
آی یوزک عکسیله کوزده اشک پرویم بنم

دفتر ایتش کلرک اوزاقی باد سحر
یازمغه وصف رخکده شعر رنگینم بنم



کرچه شاه ملک عشقم دود آهملر علم
برکدایم کوی دلبرده یوزم خاک قدم
حاضر ایتدم فکر زلفکده دل پردود دن
ساکه حسرت نامه یازماغه دوات ایله قلم
بر نفس صبح وصاله ایریشوب دیکلنمدم
شمع وش فرقت دوننده نیجه یانهم یاقیلهم
ایردی یول هجرک بیاباننده بر وادی یه کیم
هر طاشی برکوه غم هر خاری بر تیغ الم
زلف و ابروسی دهیانی شاد ایلر کوکلی
کوکلی شاد اولور کدانک کوزلوی کورسه درم



قاشلرک ایوان کسیریدن نشاندر دوستم
حسن ایوانینه زلفک نردباندر دوستم
وارایسه باغ ارمدر کل یوزووک کلشنی
اول سبیدن کوزلریتمزدن نهاندر دوستم
حسرت خالکله باغری لاله نك پر داغدر
غیچه نك شوق لبکله باغری قاندر دوستم
زلفکک یاننده قویمه خط غبر بارکی
خوش قوقولر عمره دیرلر کیم زیاندر دوستم

بی ستون عشقه نیجه دوشدیکن فرهاد دل
شوق ایله دیکه که شیرین داستندر دوستم

تازه بیتمش سبزه در دل گلستانده خطک
باغ جانده قامتک سرو رواندر دوستم



وجهی وار کل یوزکه شمع شب افروز دیسه
یاراشیر سنبلکه شام جگر سوز دیسه

قاره کو دونلرمی کون کبی چون روشن ایدر
غم دکل کل یوزکه ماه شب افروز دیسه
سویاشیرسک وازوب اغیار ایله آغز آغزه
با که اینجینمه کوکلک سکا برسوز دیسه

رخ وزلفنده برابر کورینور چون شب وروز
وجهی وار حسن دلفروزینه نوروز دیسه
تیغ حجر ایله یارلشدی کوکل دکدی مژده
نه عجب ککر آکا بن ناوک دلدوز دیسه



عشق موج اوردی عجبمی یاشه غرق اولسه کوزم
نیجه زورق باتیریر جوشه کلنجه قلزم

جانمک چشم نهان بینی اولوبدر وطنک
ای کوزم نوری آنکچون کوره مز سنی کوزم
غصه خال سیاهکه قاراردیسه کوکل
عجب اولماز اوزومه کوره قاراریر چو اوزم

کله سورنسه بولور آینه‌نک یوزی جلا
 قو سورده‌یم رخ کلنار که منع ایتمه یوزم
 عاشق حقه هر نه دیر ایسه سا که رقیب
 سوزینی قویمه قولاغیکه بودر سا که سوزم



قارشو کده صبح اوانجه یانوب یاقیلان به
 شوق رخکله شمع کبی نیجه بر یانام
 عجری دوننده شمع کبی هایاقار بی
 گلز سحر یلی کبی بردم که دکه نم
 چون درد عشق ایده بی پیر و ناتوان
 زلفک عصاسنه وار ایدم که طایانم
 اینان بوکره سا که وفا ایدیم دیدک
 کل شویله ایت که بردخی سوزیکه اینانم
 کیم بکزه در بویونی آنک کل بوداغنه
 اول قد سرو اولانلری بکزه ده سویله نم



یاقدی عشق جهانی بن بیایرم
 کیمسه نه بیاسون آنی بن بیایرم
 درد دل قصه سینی کل بکا صور
 نه در اول داستانی بن بیایرم
 یاقدی دل کشورین یر ایتدی غمک
 کیمسه بیلمزسه آنی بن بیایرم

مدعی عشق دعواسن بکا سن
 سویلمه اول یالانی بن بیایرم
 ایشیدنجه بوشعری یار دیمش
 کیم بونظم روانی بن بیایرم



کرچه تیغ حسرتیله پاره پاره یاریم
 قانی طالع کیم بویاردیله اویاره یاریم
 یوز بیک اولورسه غم سپی دوتنمزم یوزم
 میدان عشق ایچنده بوکون یک سواریم
 زلفک سحابی کون یوزکه مانع اولدی آه
 طوغمادی بختم آیی نیجه بی ستاریم
 چون زلفکه خطا ایدوبن مشک چین دیدم
 عفو ایت کنهامی بیلیم یوزی قاریم
 غم کاختنده آتش حسرتله هایاقار
 اول سخت دل صانیر بنی کیم سنک خاریم



نیجه غم سرزلف ونکاری آغلایهلم
 کل ای کوزم بودل بی قراری آغلایهلم
 نه قاره بخت ونیجه کولمک ستاره اولور
 بوبخت تیره وناشاد کاری آغلایهلم
 دم وصالی کوروب آه وزاری ایله یهلم
 بوفرقت ایله کچن روزکاری آغلایهلم

کول اولوین یاتالیم درد و حسرت اودینه

فغان ونوحه ایله زار وزاری آغلايهلم

وصالی کلری ایله چوکولمدين بر دم

فراق و حسرتی خاريله باری آغلايهلم



رخ دلدارى آبه بکز تدم

زلفن آب اوزره تابه بکز تدم

اشك چشمده عكس رخسارين

صو ايچنده آفتابه بکز تدم

يوزينه قارشى کوزلرم ياشن

کله قارشى کلابه بکز تدم

اهل دنيا کوزيني باغلامده

دولت و بختي خوابه بکز تدم

اشك چشمده جسم بی جانی

صو يوزنده حبابه بکز تدم



حالم قاچان اوزلف پريشانه سويلرم

ديوانه - صامه کيم اوپريشانه سويلرم

اينجنمه باکه صوردم ايسه سرين آغزيکت

مست ايلدي ليک بی مستانه سويلرم

دل طفلی بخود اولدی غم زلفک آکیجق
 صاندی اویوتغه آنی افسانه سویلرم
 کون کی شوق رویکی روشن بیان ایدوب
 سوزدلیمی یانیموب سکا پس یانه سویلرم
 سوز دلیمی یانه یانه سویلسم نوله
 حالیمی شمع کیی یانه یانه سویلرم



یوزک بهاردر ابر نوبهار کوزم
 عجبی یر یوزنی قیلسه لاله زار کوزم
 یوزیکی کوزلیه یوللرده قالدی ترکس وار
 یورکی صویه دونوب چکدی انتظار کوزم
 اسوب بهار یلی کویا چیچک دوکولور
 قاچان که آه ایدم اوله اشکبار کوزم
 طبق طبق درو لعل ایلمشدرر حاضر
 کلیجک آیانکه ایتکه نثار کوزم
 تبرک آلدی کوکل فکر زلف مقتولن
 خیال خال لبن بولدی یادکار کوزم



ساقیا صون راح روح افزای دلشاد اوله لم
 غصه سندن عالمک بر لحظه آزاد اوله لم
 چون بولور کنجینه معنی بیان صوت ایدن
 صورتا ویران اولوب مغنیده آباد اوله لم

چون کچر طورماز آقار صو اوزره ایام حیات
بزحباب آسانچون صو اوزره بر باد اوله لم
کلشن جانده سنکله آشنا ایدک ازل
دوشدک ایسه کاخن جسمه یچون یاد اوله لم
کاه لیلی زلفکک سوداسیله مجنون اولوب
کاه شیرین لبرک شوقیله فرهاد اوله لم



حرف النون

آی ایله کون ایتدی حسنک آساننده قران
ماه رولر ایچره سن اولدک بوکون صاحب قران
عشق طاغنده بنی مجنون صانانلر دیدیلر
نیجه بکزر ییری بیرینه بوایکی ناتوان
باغلایه لدن زلف کافر کیش دل دربندی
زهد و تقوی یولنه اوغرا ماز اولدی کاربان
صو قویجه اوستنه اودک چیقار آوازه سی
کوزلرم یاشی دوکلدجه کوکل ایلر فغان
اول مسیحا لب کلیرمش صورمغه بن خسته سن
جانک ایچون ای اجل جانیمه ویر بردم امان



دل امیدیه صویه دوندی خیالک اول صودن
ظاهر اولدی نیته کیم روشن جمالک کوز کودن

قالدی چشممده خیال خط مشکینک دیسم
دیر چیقاریر هرکشی کندی کلیمینی صودن

خسته یاتدی ضعف ایله دیدی آنکچون چشم یار
بوقارده بختم کبی آجاز کوزینی اویقودن
بو اوغورلامش مکرکیم سنبلیکن زلفکک
کیمسه یه کورنمز اولمشدر صبا اول قورقودن

یولک اورماسون صاقین ای عشق کیم بیر خرد
نه قدر آرسلان ایسه ک ایله حذر اول دلکودن



حسنکک کنجینه سینه دزد زلف اولمش یقین
کوشوارک کوهرین اوغورلاماسون کی صقین

زلفی دلار حقیدر اویوب خط تزویرینه
جان و یروب زحمت چکن مسکینلرک کسمش حقین
سوردو ککجه کل کبی کلکون یوزک آینه سن
بودل صافی سکا آینه یتر آل باقین

رونقی کلزارک آرتار ایریشنجه سبزه سی
خط سبزی نوله آرتیرسه جمالی رونقین

زلفی تاراج ایتدی عقلی جان اود صالیدی رخی
حسنکک یاغماجیسی دل ملکنه صالیدی آقین

عارضی آبنده چونکیم ظاهر اولدی موج تیغ
جویبار حسننه غرق ایتدی خطی زورقین

آتشین بایراق طاقوب دل نیزدینه آهک
غم سپاهینک اوکنجه چکدی عشقک سنجاقین



بردم اول عیسی نفسله چونکه دمساز اوله سک
سرغیه واقف اولوب روحه همراه اوله سک

نازینسک کل کبی میل ائمه هر خاروخسه
زاغیر صیدین نیدرسک سن که شهباز اوله سک
نازی آرتیردک کیدر کوندن کونه ای سروناز
قورقارم برکون که باشند آياغه ناز اوله سک

زلفنه باش قوشدک ای دل چیقدی الدن نقدجان
نه ایشک دورر سنک اول ایپده جانباز اوله سک
کنده ویرمه تعین برله زاهد امتیاز
جهد قیل ترک تعین برله ممتاز اوله سک

همدم ایکن عندلیب جان نیچون ای غنچه لب
کل کبی هر آغزی بایراق ایله همراه اوله سک
ته روا در کل کبی هر خارده باش ایندیردسک
سین که باغ حسنده سروسرافراز اوله سک



صورمه ای دل کیم نه در لعنه کی راز نهان
چون بیایرسک صورمقایله ظاهر اولماز سرجان

کر خیال قدنه بکزتمدیهسه دایرک
سایه سروی نیچون قوچوب یاناز سرو روان

سینه‌م ایچره رخلرک شوقی ایله سوزان کوکل
 شو اوده بکزرکه کول ایچنده اولمشدر نهان
 بر آیاغی کوز ایچنده جام النده نرکسک
 صالماسونمی باش تعجب ایلیوب سروروان
 سویله مزسک باکه دیدمدی تبسمله دیدی
 سوز نه حاجت بر اشارت عارفه بسدر همان



خالی اولمایوب حباب دل هوای جامدن
 چکدی چوق سرکشته لکدر کردش ایامدن
 ذکر و فکرین قویمه الدن آغزی ایله زلفنک
 کل یوزی دوزنده ای دل کچمه‌میم ولامدن
 اشیکنه سورمدین یوز کیمه وصلی خلعتن
 کل طواف ایت کعبه‌یی وارصره چیق احرامدن
 قویمه الدن جامی عقلک پخته‌سینه الدانوب
 سوز ایشیتمه پخته ایسه‌ک ای کوکل هر خامدن
 سوزده او یماز ناصحا دل کاچدی عقلک پرده‌سن
 دکه کز کیرمز اله اول قوش که چیقدی دامدن



اولکه عشقکدن خبردار اولدی یتوریر اوزین
 عالمی بیایر کشی اما که بلمز کندوزین
 خوان خابندن جهانک بهره اول ایاتدی کیم
 قیلدی احیا کیجه‌سن صائم کچیردی کوندوزین

باشمه قوپار قیامت کیتمه ایتسهك خرام
ای مه بی مهر رحم ایت دوکه یاشم ایلدوزین
نرکسك بختی اویاندی اویخودن کیم چین سحر
کوزونی آچدیغی دم کلشنده کوردی کوندوزین
علی ایچون یوتماك قان یوله خطی سبزه سن
نه بیایرسك خوان حسن سن که طاتماك طوزین



ماه دین آلکه بیلمز آنک ماهیتین
لعلکی شربت صانان طویماز مکر کیفیتین
حقه لعل ایچره یاقوت مفرحدر لبك
خط سبزك یازمش اوستنده آنک خاصیتین
سورمه یوزك صفاسن مانع اولدی زلف و خط
ایکی کوکلو کشی بولمازمش ایمان لذتین
ان اوزورسهك زلفکه دلر دوشر آیاغکه
کل طاغتمه دوستم مسکینلرک جمعیتین
عشق سوزی کوزلرم یاشیله تسکین اولمادی
بونه باراندرکه دفع ایتمز هوا کیفیتین



هر صدا کیم ظاهر اولور تیشه استاددن
بر اثردر بشره قالمش ناله فرهاددن
رخلری شمعیله جان یاققده ای پروانه سن
باکه شاگرد اول که دیرلر صنعتی استاددن

کورون شمدی یاشم نیلیله حسنک مصریدر
بر قورو اوددرکه قالمش دجله بغداددن
بیك رقیكدن کچرمش دل سک کویک بولوب
کیشی یه بر آشنا یکدر هزاران یاددن
نوعروس غنچه نامحرمدر اورتوب یوزنی
برک سبز ایچده کیزلر کیندوزنی باددن
نه بیته دیرسین کوکل قدندن اول سیمین برک
کیمسه بیمش ییمه مشدر سروایله شمشاددن
صاندیلر قویدی قیامت طاغیر قالدردی باش
دلبرک کوینده اولان ناله وفریاددن



شوق رخسارکدر کوزم یاشن آل ایلین
غصه زلفکدرر ییلم بوکوب دال ایلین
کوکل بازار عشقه زلفی قویدی ای رقیب
سن قاییرمه بوینه آلیز آنی دلال ایلین
اکلین زلفک خیالیدر کوکل آواره سن
باده شوق لبکدر جانی پامال ایلین
فکر زلفکدر طولاشدیران آیاغن کوکلک
جام لعلکدر دوشوروب جانی پامال ایلین
حسنکک شهبازی زلف آشیاندن سنک
ایستر اوچورماغه خطیکی پروبال ایلین



نورمدی عشقك صفاسن پاك دامان اولميان
غمدن آزاد اولمادی سن سروه حیران اولميان

سن كلک درديله بيلمز حالی بن بلبلك
خارغمده غنچه کيبي يورکی قان اولميان

حلقه زلفی صفاسن کل نسیم صبحه صور
قدري جمعیك بيلمز پریشان اولميان

ایرمدی شیرین لینه بادهوش قان یوتیمان
بزم عشقه کیرمدی نی کيبي نالان اولميان

خطنه ترسا دیمه چونکیم طولاشیر کل یوزین
کعبه بی قاچان طواف ایلر مسلمان اولميان

عشق بزمده نه در جانان صفاسن بيلمدی
باده شوق بلکه مست وحیران اولميان

هانکی بی دیندر صاچک کفرینی ایمان بيلمیان
هانکی بی دلدر قاشک یاینه قربان اولميان



علمی اغیاره ویرسون یاری ایله یار اولان
روضه رضوانی نیتسون طالب دیدار اولان

خار ایله همدم اولوب ترک ایله مز بلبلك کيبي
بی وفادر دیه یارین ترک ایدرمی یار اولان

کوشنه زلفکده چشمک کیتیمکه قویماز دلی
یاکیز اولماغی سومز کیجدهده بیمار اولان

دل یوزك نورین کورورکن زلفکه میل ایله من

سایه طوباده قالماز طالب دیدار اولان

نه بیلیر صوفی صفاسینی صورارسک عاشقک

نعره مستانه دن سورمن صفا هشیار اولان



کوستروب تاب چالک نار موسادن نشان

قاسارک طاقی ویریر ایوان کسریدن نشان

حضر خطکدر بولان سر چشمه حیوانه یول

لعل نابکدر ویرن سر مسیحادن نشان

لبسارکن آئینر اسرار احیادن خبر

رخارکده بولنور نور تجلادن نشان

کوشوارین اول مهک کورن عذارنده صانیر

صو ایچنده کورینور عقد ثریادن نشان

حقه اعلی نظردن غایب اولدی دلبرک

ویردی چشمم آخر اول لعل کهرزادن نشان



کزمکه جان کلشنن سرو روانمدر کن

سیر ایدوب کوکل آچار غنچه دهانمدر کن

لبلری دارالشفا سنندن آلوب جلاب تر

صورمغه دل خسته سن شیرین زیانمدر کن

باغلامش دلار شکارین زلفک فتراکنه

قارشودن کریکی ارق قاشی کانمدر کن

هر نه یردن کیم کتاب عشقکه فال آچسه لر
صفحه اولده بنم داستاندر کلن

غمزه سندن حسنی میداننده صفر باغلابوب

آچمه دل کشورین شاه جهاندر کلن

ایشیدوب دالر فغانندن جرس آوازی
دیدى کیم غم کشورندن کارباندر کلن

کیتمشیدی خشمایله صاندمدی جاندر کیدن

لطفایله دوشمنینه روح رواندر کلن



ایسترایسه لبری ویر صاقلامه جانک صاقین
نازیندر کوکلی قالیر ساکه جانانک صاقین

سیر ایچون هنکامه حسنن واریحق زلفنه

طره منی طراره بکزر ای کوکل جانک صاقین

دلده حبس ایتدم خیال غمزه سن دلبر دیدی

خنجر ایله دلسون اول اوغری زندانک صاقین

زلفنی همدم کوروب بادصبايه دیدی یار

اول یلر اوکازه اویمه آدک وسانک صاقین

چیقمه سیره بوینکه قولوم حمائل قیامادین

دکسون یاوز کوز اول سرو خرامانک صاقین

آماسونلر لبرک آدین دیله عشاقه دی

بویولار الماسدن لعل بد خشانک صاقین

البلرک شوقيله سوزم سوزناک اولدی قی

برکون اودلاره یانار اوراق دیوانک صاقین

جانور دییه رقییه آتمه غمزده اوقی

قارده طاشدر اول کورون کیتدی پیکانک صاقین

سرو کیی اولق ایسترسهک همیشه تازہ تر

کل کی خارک الینه ویرمه دامانک صاقین



کلشنک سرو روانی ساکه اویکنمک نه دن

اولدی ایسه نوله کرسنکین دل ونازک بدن

حسنکک مصرنده رومی جاریه آب روان

زلفکک شامنده هندی قولدرر مسک ختن

یلبلک آکدیغی کل یوزک صفاتی اولماسه

دل اوزاتماز سوزده سوسن غنچه لر آچاز دهن

سرو وکل دپرنسه کلزار ایچره دتر یوره کم

کوکلمه شویله کلیر کاول سرو کل رخدر کلن

کوهسار محتک هر لاله سی کیم آچیلیر

رنکی خون دلدن آلیر داغی سوز سینه دن



سبزہ زار دیده عکس خط مشک اندوددن

کریاشار دیسه نولا کیم کوز یاشاریر دوددن

اولدومکن صکره ظیراغیبی تنور ایتسه لر

حشره دک قیزمش طوره ایچمده یانان اوددن

زلفی آتش خانہ حسندہ مشکین دود در
 کورون یالک یوزیدر کایریلو بدر دوددن
 لاله رخسارک عرق ریز اولیجق ایدرکوزک
 کورمدک صوچیتدیغن دنیا یوزنده اوددن
 وارن ویوغن میانکه دهانک یولنه
 ویردی کوکلم واز کچدم بوددن نابوددن



یاش دوکوب آدایلیوب اول ماهی جست وجوده ین
 خدمتم اکسک دکل که اودده که صوده ین
 اول پری عشقنده بولنمادی برمحرم بکا
 کندی کندمله دلیلر کبی گفت وکوده ین
 اصلی واردیر بکا دیرلرسنه نهنگ نیل عشق
 کیم یتوب کوزم یاشیله کیجه کوندوز صوده ین
 عالمک کوردم زیانه دکنر ایمش ایصیس
 چکدم ال سود وزیاندن فارغ وآسوده ین
 کور میلدن یوزینی کچدم جهاندن کوز یوموب
 اویقو کورمز کوزلرم کورن صانیر اویقوده ین



کون یوزینه سنبل زلفن ایدنمش سایبان
 سایبان ایچره عجیدرکیم کونش اولمش نهان
 عقل و صبر و هوش کیتدی قالدی جانده داغ غم
 قالیر اودلاری یری کوچدکده لابد کاربان

خشم ایه کچسهك اولور هر یا کدن دلر خراب
 یقار اطرافن قاچان کیم تند آقه آب روان
 قانی کوکلکدن قیلار دل ناله کوز دوکدکجه یاش
 اوغرایه سنکین یره آب روان ایلر فغان
 جام لطفکدن سنک برجرعه در آب حیات
 باب خلقکدن سنک برنیمه درباغ جنان



اولدیغنجه اغز که بکزردی ای شیرین زبان
 اولمسیدی غنچه رغنه کربوی نهان

رخارک دورنده کلکون اولسه وجهی واردر
 کیم بهار ایامیدر رنگین آقار سیل روان
 بیلیمکه قدر شب زلفوکی چشم اشکبار
 شیشه ساعت کبی طوب طولودر ریک روان
 طفل هندودر دوشوب خارایچره خون آلود اولور
 مردم چشم کالور کیرپکرمندن خون فشان

سن قیام ایتسهك لبکدن مرده دل بولور حیات
 چون قیامت قوپه بیایر بخش اولور هر جسمه جان



نازینسك کل کبی کل باد آهمدن صاقین
 ژنك ایدر آینه کی دود سیاهمدن صاقین

زهر قهرکه اولور سهم آغولو اوتلر یتته
 قبرم اوستنده کلوب قوقه کیهمدن صاقین

خسرت زلف ورخکله یاقه جانم اودلره
ناله شیکیر و آه صبحکاهمدن صاقین

آسیاب غمده باغرم اون ایدرسهک ای فلك
طوقانیر چرخیکه برکون تیر آهمدن صاقین
خط بایرمش خلعت حسنک قارارمش وایی
ین دیمز میدم سکا دود سیاهمدن صاقین

یوزنی صاندم کوروب بدر آی ایتدم اشتباه
باکه کوکلک قالماسون اول اشتباهمدن صاقین
بکلهک قصد ایتدک ای ترکس اوروندک تاجزر
باشک آلیر اول شه زرین کلاهمدن صاقین



ظاهر اولدی کون یوزک آینه افلاکدن
کایندی اشکم سینه مه بودیده افلاکدن
شبنم اشکم کبی ییره دوشورمشدی فلك
ایردی مهرک پرتوی قالدردی بی خاکدن
سینه می شمشیر خسرت ایلدی چون چاکچاک
پرتو مهرک دوشوبدر کوکله هرچا کدن

زلفک بارانیدر سرسبز ایدن جان کلشن
نسبه یتمز خاکدن یاغما ییحق افلاکدن
اول شه حسنک یولنده جان فدا ایتدی کوکل
صاقینیر شیمدی فدای دیه اول بی باکدن



غصه اغیار اکسیلمز دل غمنا کدن
اول صونک یوزی آچلماز بوخس و خاشا کدن

کوه مختدر تتم سیلاب غمدن چاک چاک
چشمه چشم کبی خونا ب آقار هر چا کدن

صاقینر سه وجهی وار اول قدعر عروش اکر
کل یوزی آینه سین بودیده نمنا کدن

حقه لعلی یاننده زلفی قورلمش یاتار
مار مسکیندر که مست اولشدر اول تریا کدن

بر مسافر خانه در بو خلقی هپ اهل سقر
چیق قیامت قصدین ایت سن خیمه افلا کدن



ای فلک نیجه یه دک چشمی کریان ایده سین
مخت و درد اودینه باغری می بریان ایده سین

بر نفس کل کبی کولدر میوبن نیجه یه دک
خار غمده یوره کیم غنچه کبی قان ایده سین

جور الیه بوره سین کوشمی طنبور کبی
بزم غمده نیجه برنی کبی نالان ایده سین

نیجه برخاطر آواره می جمع ایله میوب
زلف دلبر کبی کولکیمی پریشان ایده سین

مخت اوقلارینه ای دل قیلوبن بی نشان
غنچه وش باغری می طولو نیجه برقان ایده سین

کیمسه اغیارک الندن آلهماز یار اتکن
قوسه اولمازنیده ین تازہ کلک خار اتکن

کوزلرم خانه سنه کلدی جکر کوشه لری
طوتدی قانلی دیه بودیده خونبار اتکن
خط دکلدر کورون مسک صاچلمش یوزینه

سیلکیجک باد صبا زلف سیہکار اتکن
دامن کلی صانیرسک نہدر ای باد صبا
نہ الک وارکہ چنده آچہ سک یار اتکن
دوشیریر دامنن کیم صویہ اوغرایہ کشی
چکسہ یوز کرہ نولہ زلف سیہکار اتکن

بی وفالر غمی چاک ایلہلی دل یقاسن
بیلدی قدرینی قوماز یار وفادار اتکن



یتدیکن غمزہک اوقی جانہ جکردن صورہ سین
جکرم قانلرینی دیدہ تردن صورہ سین

واریحق زلف پریشانکہ ای مجمع حسن
کوکل آوارہ لکن باد سحرردن صورہ سین

قندہ بولدی لبتک لذتی قند و نبات
اولماسون کیم لبی دادینی شکردن صورہ سین

ای کوزم یاشی اوسروآیاغنه یوز اوریحق
نہ صوچ ایتدک کہبزی صالیدی نظرردن صورہ سین

جگر م نیدیکنی قوری خبردن بيله سین
اشک چشم خبرین دیدۀ تردن صوره سین



آلودۀ می اول کچ آلا یش ریادن
کیم رند صافی دل یک صوفی بی صفادن

کوستردی وجه روشن سر مسیح لعلک

زلفک کتیردی نسخه معراج مصطفادن

طوطیٰ حسنۀ زلفی اولشدی آشیانه

زاغ خطی کلادن اوچشدر اول یووادن

نه یرده سوز آجلسه ذکرکده یز سنک یز

زاهد نه وار یزی سن آکازایسهک دعادن

زلفک هوا سیایله دوشدی عصایه کوکم

پیر اولدی کرچه مسکین کچمز دخی هوادن



قدک هوا سیدر دلی آواره ایلین

عشق بلا سیدر بنی بی چاره ایلین

سن کل رخک فراقیدرر بویله غنچه وش

تیغ غم ایله باغرمی صد پاره ایلین

آی یوزی مهریدر یاشمک ایلدیزین بنم

محنت کوکنده هر کیجه سیاره ایلین

کورنجه غمزه کی جگر م خون اولوز بنم

تیر نظر درر یوره کم پاره ایلین

تیش فراقه امسم آرام بولنادی
اولورسه نوش اعلی اولور چاره ایلین



جان قدنه قیای محبت ایچلمدین
غم مجلسنده باده محنت ایچلمدین

چیقمشدی لالهوش باشمه عشق بادهسی
کلشن ایچنده باده محنت ایچلمدین
اولمشدی خون دله لبالب کوزم یاشی
غنچه کناری برک کلیله قوچلمدین
غنچه لبک فراقی ایله دل یوتاردی قان
باغ زمانه ده دخی برکل آچلمدین
شیدیز زلفک آلمشایدی حسن اوکدولن
کلکون صبح صحن سماده سیچلمدین



کثیریر زلفک صبا قوخوسین
آنک ایچون ویریر صفا قوخوسین
زلفکه اوغرادجه باد سحر
کوستیر تافه خدا قوخوسین
ایتلیک کادی قوخولادی بزى
آلدیلر بزدن آشنا قوخوسین
آردم کوشه کوشه سنباکی
یا یوله م کندوی ویا قوخوسین

عالم ایچره کزرسه پیک صبا
بولماز اول زلف مسکسا قوخوسین



دیمشار کیم بولور یارین بوکون کیم کچه کامندن
بوسوزدر خوش کان زاهد بکا دنیا کلامندن

کورنبه آغزی وزانی عقم کیتدی یغمایه
که مل کیفیتی فهم اولدی آنک میم ولامندن
بوی سروین کنار ایدوب کنار باغ حسنده
شراب وصل نوش ایتسه م نکارک اعلی جامندن

کوکل زانی خیانت قویدی دوشدی قدی فکرینه
هویاه اوچدی اول قوش چیقدی تاصیاد دامندن
بولور جان چین زلفنده حیات جاودان یوزین
آلیر جان لذت کوکلم آنک شیرین کلامندن



کوکل صورت پرست اولمه خبردار اول بومه غیادن
که معنی اولماسه حاصل نه لذت نقش مانیدن

قاچانلر صحبت تنیدن ایررلر لذت جان
بولورلر معنی باقی کچانلر نقش فانیدن
آلیرسه لیلرک دادین دل آکاز کوثرک آدین
صالارسه سایه سن زلفک کوروکمز کولکه طوبیدن

قی مجنون کی عاقل که قربت ایلیمه حاصل
کمال صنع مولایه جمال حسن لیلیدن

کوز کدن کوچ کوریجک دل یاپشسه نوله زلفیکه
که اولور عدل زنجیری اصلمش طاق کسیریدن

لبك دشنامی ایله دل حیات جاودان بولدی
نه دن برلظه در دیرلر دیرلك نفخ عیسادن

کوکل مرغی گرفتار اولماز ایدی بند صورتده
اگر کورمه سه ایدی آنده آب ودانه معیندن

نیدر طرہك اوجن کوکلم جمالک صالماسه پرتو
تجلی اولماسه حاصل نه اولسون طور موسیدن

بوصورت جامی صیما دین ایچلماز بادۀ معنی
بوسر آچلماز الا کیم جواب ان ترانیدن



سر زلفیکی چین ایله کوکل مرغینه دام اولسون
صاچک چینینی چیز کیم خلعت حسنک تمام اولسون

کوزللك کلستاننده اگرچه سروقدلر چوق
کوزللك ایچرمن کل یوزلودلداره سلام اولسون

دیمش دلبر حلال ایتزسه قانن چشم مستیمه
لبم یادینه ایچدیکی شراب آکا حرام اولسون

رخندن کورمدک شادی یوزین زلفی غمن خوش کور
کیچ آندن دوش بوسودایه که ممر اولماز سه شام اولسون

کل اعراض ایت رقیبکدن یرین اول کافراک نارایت
یوزک عرض ایله عشاقه جهان دارالسلام اولسون



سودا ردیم زلف پریشانک اوچندن
شوریده‌یم اول قد خرامانک اوچندن
ال دن قوما سہم زلفک اوچینی نہ عجب کیم
نہ چکدی کمی بن بیلیم آنک اوچندن
دل جان ویر یجک آیاغک اویمک هوسنده
دیر لرکے کفن حله سی دامانک اوچندن
دل بللی جان کلشنی ایچنده چکر مش
بیگ خار غمن بر کل خندانک اوچندن
بر دلی قودی دلدک اول غمزہ لر یلہ
بیقلدی جهان اول ایکی فتانک اوچندن



سزدمدی لبک مرده دلہ جان اولہ جاغن
بیلدمدی آنک دردینه درمان اولہ جاغن
دل همدم اولہ لدن لب لعاینہ بیلیردم
باغری دنلوب نی کبی تالان اولہ جاغن
طوغدینی کون آنک یوزی آینی کورنلر
بیلمشلر ایدی آفت دوران اولہ جاغن
زلفک بولوطندن یکاغک برق اوروشندن
طویدمدی کوزم یاشنی باران اولہ جاغن
صلاردی کوکل بابانی غم قفسنده
بیلهیدی آنک بویله خوش الحان اولہ جاغن



کل ایستردم یرم خار ایتدی دوران
 بنی بابل کی زار ایتدی دوران
 قیلوب غنچه کی دمبسته دلتک
 باشیمه عالمی طار ایتدی دوران
 بوبازار ایچره جان نقدین قیلوب صرف
 جهانده بنی بی زار ایتدی دوران
 بلا پروانه سی باشیمه اوشدی
 یریمی شمع وش نار ایتدی دوران
 حبیب ایسترکن اوغرادم رقیه
 کل ایستردم یرم خار ایتدی دوران

حرف الواو

کل نوله قیزارسه او یوزی مهوشه قارشو
 لابد قیزاریر یوزکه طوره آتسه قارشو
 صو کی آقارسه کوکل اول سروه عجمی
 کیم طوته بیلیر کندوی اول دلکسه قارشو
 کوزلر مژمه سی کوزلری اغیارنی کوزلر
 اوقینی صاقماز کی آتار طاشه قارشو
 کیم طوره بیلیر غمزه ک آتیلش اوقینه
 یا کیم وارده بیلیر اوچاتیلش قاشه قارشو

اغیار آکوب خوان وصالک که ایدر آه
بکزر شول ایتہ کیم طوروب اسرآشه قارشو



رقیبہ چشم خشم ایلر عجب بو
ایتہ کیم کوردی غالب اولہ آہو

طورلدن عارضی اوستندہ زلفی
بیلندی بوکہ باتماز صویہ جادو

دیلمز سنسز اولہ بر نفس دل
کیم ایستر کیم اولہ جانندن آرو

یاوز خو آدمی باشندن چیقاریر
یاوز دشمنندن آرتیقدر یاوز خو

طولاشدی شانہیہ چیقدی باشندن
نیجہ بد خو ایمش اول زلف هندو



صفا سوردی کوروب دیداریکی صو
آنکچون شکر ایدوب یزہ اورور رو


رخک تابن کوزن زلفک اوچندن
صانیر آغزنندن اود یاغذیردی جادو

کنار سرودن آیرلیدیغنه

کزوب طاشلرله کوکسینی دوکر صو

کلہ بکزدی اولسه سرو قد کل
دیرایدم سرودر سرو اولسه کل بو

پزینک یوزی یوق خلقه کورینه
سکا اویکندیکچون ای پری رو
باشیکه عالمی طار ایتدیسه عشق
عجب اولماز کوکل عالمدرر بو
صولادی یوللرک سقای اشکم
کلوب فراش چشم اوردی جارو



حرف الهاء

قاره بنلر کیم اولاشمش زلف عنبر بارنه
حاجیلر در کیم یاپشمش کعبه نك استارنه
نالاه زاری ایله نیچون طولانیر کلشنی
صو اکر عاشق دکلدر اول کلک دیدارنه
بنجلین یوزینه کوزین دیکوب حیران قاله
صورتتم نقش ایتسه لردی قصرینک دیوارنه
خال صانمهک مصحف حسننده آیتلردرر
نقطه لر کالتون ورقدن قوندی کل رخسارنه
ایردی کوک یوزینه دود عنبرینی زلفنک
عود خالن قویدی دلبر چون یکاغی نارنه
وعده فردا ایله کوکلینی زاهد اکلهدی
عارف اولان قویمادی بوکونکی ایشی یارینه

کوزلرندن صافینیر صانمه لب لعلن کونل
جان یدیریردی الندن کلسه اول ییمارنه



یوزکه ایدن نظر باقاز کوزلار یوزنه
کون یوزینه باقنک دنیا کورنمز کوزنه

اویکونه لدن اول ملک سیمايه صورتده پری
یوزی قالمادی کلوب کورنمکه ایل یوزنه
شوق لعلک جاننه اودلر یاقوبدر بادهنک
یوزینک زاجی علامتدر ایچینک سوزنه

یاقدی پروبالئی جان بلبلی پروانه وار
دوشه لی کل یوزینک شمع جهان افروزنه
خالنه قصد ایتدیکمچون سوردی کویندن بی
کیمسه ایتمز آدمک ایتدیکنی کندوزینه



غمزه سی قان ایتدی باغرم تیغ هجرانیایله
یاشمی آل ایتدی لعلی باغرمک قانیایله

یار نیلر سه ایلسون سن چیق آرادن ای رقیب
کیمسه کیرمن آره سینه آدمک جانیایله

صو اوغرلادی وازدی تیغ هجران یارده سی
صو قویالدن اوقلرک کوکله پیکانیایله

کچدی زلف و خالی ایچون آه ایله عورم کونی
واردی اول دانه هوايه خرمن جانیایله

دونت بقی عروس ایتمت ایسترسه کتار
برطرف قیل ایشکی و عالمی فانی ایله



ایکی زلفی قارشو قارشو صفحه رخسارده
صان ایکی طاؤسدر جولان ایدر کلزارده

صویه کل یپراغیمی دوشدی اسوب باد صبا
یوقسه تاب مللی اظهار اولدی خط یارده
خوب رولر صورتک نقشینه حیران اولدیلر
سا که نسبت خوب رولر نقشدر دیوارده
لاله بیتک طاش آراسنده عجب اولماز نوله
یر ایدرسه مهر رخسارک دل اغیارده

کیجه کوندوز کوزله یوبن زلف ریحانک یوزین
کوزلرم ترکس کی قالمشدر یوللارده



طره سی باش قوشماسون اول زلف مسک افشاننه
بر حرامیدر باش آچیق نیلر آلوب یاننه
یاننه دوشمش رقیب اول سروقدک سیر ایدر
وارسون اوکونسون اگر قالیرسه اول ایش یاننه
بلرک صورتدیغ ایچون زلفکه آصمه دلی
وق یره کیرمه کرم قیل اول غریبک قاننه

مل دیما که دلی واریر اول لب جان بخشنه
کل دیما که یوزمی طویار اول رخ خنداننه

قاشلارك فكريله كوكلده خيالى چشمك
بكر اول تركه كه ايكي ياقومش قربانسه



جسمى هجر اودى ياقدى نوله ايلر ايسهم آه
دود ظاهر اولورالت اوده دوشدكه كياه

زاهدك زهدى يتوبدر نوله ميل ايتسه سا
كيم ريالى سجدده دن بوينده وار بار كن
بوكدى بيلم بار محنت آجدى آغزن ياره لر
اولديلر ايرلديغنه خنجر كدن عذر خواه

عاشقى در كردى بر جرعيله طفل مى فروش
حورو كوثر حسرتيله اولدى پير خانق
خانقاه عشقه دوشمشدر كوكل درویش اولوب
پاره پاره جسمى خرقه دود آهيدر كلاه



اودى چون و صلك دمينه طوتدى جاني دم ديه
خوش كوره لم بودى كل كيم ايرشمزدم دمه

شوق رخساركه دل قيلسه ترنم دير كورن
مغچه در ايلر آتش خانه ايچره زمزمه
چاه زمزمدر زنجندانك آنك ايچنده خال
طفل هندودر كه ناكه دوشدى چاه زمزمه

دمبدم خونى كوزك مردملرى قان ايچمه كه
رغبت ايلرسه نوله محتاجدر آدم آدمه

آدم اولدرکیم باصوبدر عالم عشقه قدم
عالم عشقه قدم باصایانه آدم دیمه



چشم مهرکدن ای دوران بنی زار ایلهمه
مهری یوق مهرولزه جانم گرفتار ایلهمه
وارایسه میلک بنی اولدرمکه جانم فدا
تک بکا میل ایتدیگک اغیاره اظهار ایلهمه
حلقه کفره چکوب زنار زلفک بندایله
خال رخسارک کبی یرم بنم نار ایلهمه
طالعک باغلانسه یوز کوسترمهسه اول غنجه لب
آچیلیر کل کبی برکون کوکلکی طار ایلهمه
اولولاره خدمتایله چون بولور عزت کشی
ایتلرینه خدمت ایتمکدن کوکل عار ایلهمه



اشیدن سوزم بنم وصف رخ جانانه ده
بیلدی کیم دیوانه صیغماز سوز اولور دیوانه ده
طوله شالدن زلفکه کوکلک که دوشدی دللره
بکزه دی شول مویه کیم ایلیشدی قالدی شانده
جوشن ایتدکسه تعجب باده نوش ایدنلرک
دیگه کل جوش و خروشن باده نک خمخانه ده
واعظ سردک ایصماز مجلسینه برنفس
اول که کوردی عاشقک کرمتن میخانه ده

رخلریکه قارشو جان اولسه عجیمی بی قرار
شمع کوردکده نه ممکن صبر اوله پروانده



جان یرین طوتاردی لعلک تنده کرجان اولماسه
جانی نیلردم امید وصل جانان اولماسه

اول بته خط چلیپاسن کوروب کافر دیمهک
زلفی زنارین کسرمیدی مسلمان اولماسه
ال یومق اولوردی زاهد باده پیمانه دن
لبلریله ایتدی کمز عهد و پیمان اولسه
بویله گلزدی خطک عاشقارک آغلاتماسهک
ککستانک سبزه سی بیتمزدی باران اولماسه
جمع ایدردم کل کبی دیوان جمالک یادنه
زلفک فکری ایله کوکم پریشان اولماسه



چیقدی ای ماه آسمان حسنکه دود سیاه
قلمازیمش یرده اول عاشقارک ایتدیکی آه
دولتکده باشمزرده دود آه ا کسک دکل
باش صاغ اولسه جهانده بولنور آکه کلاه
زلفک اوجندنذرر بکزم صاراری ییلمزم
یوزی آغارماز کشینک اولیجق بختی سیاه
سایه صالحهک طورانم اوستنده ای سروروان
ساکه بندن عرض شوق ایده دل اولوب هرکیاه

جذبۀ زلفکله دل سودی سنی کوردی یوزک
سالك مجذوبه بیلدم کیم حجاب اولماز کنه



آقدی کوکم صو کبی برسرورعنا قدنه
لاله کبی یاندی جانم دوشدی نار خدنه
واردیلر زلفیکه دللر کویکی ابدوب طواف
حاجیلردر روم حسنک کلدیله سر حدنه
کیمدرر سوکه دین اغیاره سن بدن ایشیت
سوک بووجه ایله چیقنجه اول لعینک جدنه
سد اولوبدر خطکک یاچوجنه زلفک شها
بکچی اولسونلر دل وجانی قو زلفک سدینه
آیاغنده صو کبی قانی یاشین ایتدی روان
سروی بکرتدی کوزم برنازینک قدنه



آیت حسنک یازلدی صفحه سیم اوستنه
دوشدی اعرای خطک کیم آلتنه کیم اوستنه
لام تعریف اولدی زلفک رخلرک تقسیم حسن
رسمدر تقدیم اولور تعریف تقسیم اوستنه
قاشنی کوردجه دل زلف ودهانی اوزره دیر
مد مشکیندر چکلمش صانکه جیم میم اوستنه
قاشلرک رادر دهانک میم حسنک شهری ریم
واردی خطک رومدن لشکر چکوب ریم اوستنه

سن صویه کیردجه تقرر اوستکه آب روان
سائل اولان ترهسه اولماز عجب سیم
جام جم‌دیر لعلکه زلف ودهانیکی کورن
جم اولور میمک قاچانکیم یازله جیم اوسته
حلقه میم دهان لب‌لرک قیلمش دونم
نقطه در مسکین کبی قونمشدر اول میم اوسته



هیچ سرو اول کل کبی بویله سر افراز اولیه
هیچ بلبل ناله‌ده باکه هم آواز اولیه
هیچ زلف وخط سیه‌کار اولیه بختم کبی
هیچ غمزه اشک چشم کبی غماز اولیه
راست اول نطع محبته رخک کبی شها
زلف کج ینک کبی ایکنده کج باز اولیه
یوقدرر سن کل کبی نازک بدن ای سروناز
تازه چوق اولسه‌ده باشند آیاغه ناز اولیه
حالی بردلله سویلر کاهل حال آنلر آنی
عشق حالینه ینه نی کبی همراز اولیه



شام هجرکده کوکل ایلدی چون درد ایله آه
فلکک شعی سیوندی وجهان اولدی سیاه
عقلی باشنده اولان تاجنه باقاز فلکک
نیجه باشند کری قالمشدرر اول کهنه کلاه

ماه نوکاسه ایله کویکی دور ایتمز ایدی
خوان حسنکدن اکر ایلمسه شی الله

سن جوانی یتورلدن بری بوپیر فلک
ایکی طاش ایله دوکوب ایلدی کوکسینی سیاه

طوغریلوب چشمه لعلینه کیدرکن ذقن
هر کورن دیرکه یول اوستنده کورمزدی بوجاه



کیمسه باشه چیقهماز طره طرار کله
کیمسه سوز سویلیه من لعل شکر بار کله

غندلیب دلی کوردجه آچیلیر کوله رک
وار بلیشک اثری اول رخ کنار کله

آشنا اولغنه سعی ایت سن کویله کوکل
ایل نه دیرسه دییه سن یار اوله کور یار کله

مدعی زلفنه زنار دیک اول صنمک
هی نه کافر سک آصیدی سنی زنار کله



عاشق قمرک دعاسی ایردی مکر سایه
کاول خط مشک آسا صالیدی نقاب آیه

آینه جماله زلفی خیالی دوشه
صانمه اوکنده خط وار کاوملاز کونشده سایه

کورسه یوزیکی عاشق باقماز کوزی یاشینه
یلدیزه طاکی قالماز آنک که ایره آیه
واردچه کوی یاره آرتیرمه آهک ای دل
کیم نازیندر اول کل دویماز قتی هوایه
برحظه یوق قراری ایشی فغان وزاری
صو عاشق اولدی بکزر اول سرومهلقایه



چون چکدی غم دیازینه عشق شهی سپاه
صف صف یانم دیزلدی علم چکدی دود آه
بیلمز نه یوزدن ایده سنکله مصاحبت
کلدی قپوکه هرکیجه برصورت ایله آه
کوکلومه ذکر شام صاچک فکریدر سنک
ورد رخک مداحیدر ورد صبحگاه
کیرسم کنشاهه نوله سوب سن پری بی بن
چونکیم قدیمی رسمدرر آدمه کنه
زلفک هواسی ایله بی خاک ایدرسه عشق
مهرک قوقوسنی ویره قبرمه هرکیاه



کیمسه مصاحب اولمادی دنیاده حورایله
بز نیجه صحبت ایدموز اول یوزی نورایله
باغ ارمده کویکه نسبت قصور چوق
قصریکه قنده بکزه به بونجه قصورایله

کچم سریر عشقه چکوب هجرک آجین
ته دولت اولسون اولکه کچه شر وشورایه
قالماز کوکل قراری چوغالدجه بئلرک
زیرا مکس چوق اولسه یاتلماز حضورایه
سلا اوزوب دوشوردی صبا یلی طوبراغه
غنجه کلاهن آلدینی ایچون غرورایه



بیلمز کوکل نه سویلنور اول مهلتا ایله
دیوانه اولسه نه سوزی واریدی ایله
زلفک خیالی ایله واریر کویکه کوکل
پیر ایتدی دردک آنی که یورور عصا ایله
که دله هجر وکی انتظار وصال
هر قنده ایسه خوش کچیریر بر بلا ایله
سن سوکمک ایله مرده دله جان باغشلا دک
عسی اولوی زنده قیلاردی دعا ایله
باغرم دلیدی فی کبی چنک اولدی قامت
کل بزم غمده عیش ایدم چنک ونا ایله



کرم اولدی لبلرک مینک دل صفاسنه
کل کبی ویردی وارینی عشقک هواسنه
جانینی آلدی آتش عشقن ووروب نکار
صوردی اوجوزمیدر دیدی دل بهاسنه

اویکندی مشک چین صاحک یوز قاراسنی
مسکین قازاندی صکره دوشندی خطاسنه

بولوب کوکلده غصه غم ازدهالرین
معجز دگی یوتدوره زلفی عسانه
کلاکون اولور شفق کی اول کل یناغکاک
کون پرتوی دوشه چونکیم یقاسنه
عشق مقامه تیج باصه قدم کوکل
سرچه نه باشایله وارده شاهین یواسنه
سدره بویک صناسنه یلاردردر یلر
راد هواده دل ایرد مز منتهاسنه



مشکل دگی کیشی که یاریندن آریله
برکون کله که بوسه دیارندن آریله
نافه صاحیکه اویدیسه خون اتمه باغری
مسکینه بویترکه دیارندن آریله
زلفکدن آریلالی کوکل بی قراردر
مشکل دگی کیشی قرارندن آریله
اول یار بی قراری کوکل یار ایدینیدی
اغیاری سوزینه اویه یارندن آریله
یاریندن آریلق کشی یه کوچ بلایکن
کل بونی کورکه یاری دیارندن آریله



عکس رخکله بولدی چو زیب و فرآینه
 کون یوزک آینه نیجه بکزر آینه
 کوستردی مهر صورتی عارضک بزه
 نه اولسه کشیده آنی عرض ایلر آینه
 اهل صفا صانیر کورن آنی عبا ايله
 صاقین که صورت اوغروسنه بکزر آینه
 نه کورسه بر نظرده آلیر خاطرینه چست
 حسنک کتاین ایتسه نه وار ازبر آینه
 لعلین لبک هواسنه ایدندی جام جم
 دوزدی رخک خیاليله اسکندر آینه
 سیل ترله دجه خطکی قویمه یوزکده کیم
 دیرلر که ژنک اولور طوروجاغز تر آینه
 هرکیشی خاطرین کوزه دیر یوز ویریر اکا
 مغرور اولورسه حسنه وجهی وار آینه
 او یکندروب چو کندوزنی خوب رولره
 قاتی کوکلو اولسه نولا کرهر آینه
 نه قاتی یوزلودر که اوتانماز کسنه دن
 نه عجب کیم کوره یوزه یوز سویلر آینه



کیم بکزمدر بویونی آنک کل بوداغنه
 بر خارکش دکی کل اول حسن باغنه
 کوردم قراری یوق غم خالکله لالانک
 ییلدیمکه کسه طویماز ایش عشق داغنه

شوق لیله صاورمه نه قانلر یوتاز کوکل
برکز اونجه جانی ایریسر طوداغنه
ای سرو طاغده بوایدی دیرکن صنوبری
یانمقده غالب اولدی سکا عشق اوجاغنه
شهباز جانی آولامهده کورنه آل ایدر
بک قور رقیب زاغ قاره زلفی آغنه



ایتم دیار غمده اقامت نه فایده
خون ایلدی یوره کومی غربت نه فایده
زلفی الیمی ایدی بن دوشدم ایاغنه
چون باشده دولت اولیه همت نه فایده
قدک قیامه کلدی ایشیدن فغانی
چالندی صور قوپدی قیامت نه فایده
سن سودیکجه آنی او آرتیردی جورینی
بر بی وفایه بونجه محبت نه فایده
بازار غمده دوشردی دایاغنه
بر کهرایدی بولمادی قیمت نه فایده



حسرتده قالدی جان و دل اول سرو قامته
قورقوم بودرکه قاله یو حسرت قیامته
فارغ یوروریدی عشق بلاسنه دوشدی دل
بر بی نوا ایدی آنسزین اوغرادی دولته

زاده هواده چونکه طبیعتده لطف اولاه
 صوکی کولکن آقیدر اول سرو قامته
 زلفک یوزکده ماردردر کنج بکجیسی
 خطک لبکده موردردر اوشدی شربته
 آهم دخانی ایله جهان اولدی دود رنگ
 دیرلرکه برنشانه توتوندی قیامته



غم طاشلارینی دل اوینه نیجه طاشیده
 کوکل دیرلرکه عشق بناسنی طاش ایده
 طاشدن چیقنجه لعل لب یاره اویکنیر
 دیمزکه تکرری اوره بنی ینه طاش ایده
 آهم یلی توزوتمیه خطک غبارینی
 چشمیمه دی که صحن جمالیکی یاش ایده
 همدم ایدمه باده بی ای غنچه لب صاقین
 کرم اوله خلقه سر دهانیکی فاش ایده
 دللر ولایتینی خراب ایدیسر اگر
 غم لشکرینه زلف سیاهیکی باش ایده



متاع غمدرر عشق خریدار اولسون کیمسه
 بلا دامیدردر زلفک کرفتار اولسون کیمسه
 بنی دیوانه قیلمشدر حاجک زنجیر سوداسی
 سنک افکار عشقکه دل فکار اولسون کیمسه

سنگ اول بند زلفیکه گرفتار اولسون بر دل
بنم بوقاره بختمدن سیهکار اولسون کیمسه

بنی قدك هواسی سایه کیبی قاره یراندی
الی ایرمادیکی یرره هوادار اولسون کیمسه
سنی جاندن سون یاری قویوب اغیاره یار اولدك
سنگ کیبی وفاسز یار ایله یار اولسون کیمسه

کورلدن عشق دردینی دیله کیم حقدن اولدر کیم
دوشوب کوکای بلاسینه گرفتار اولسون کیمسه

فغان و آدونالهمدن او یوماز مرغ ایله ماهی
یاشم کیبی غم عشقه دوشوب زار اولسون کیمسه



دل اوچندن بلا چکمك سکامی قالدی عالمده
بودردی دائماً چکمك سکامی قالدی عالمده

نیجه اود کوزه دوشمك کوکل اول کوزلر اوچندن
کوزلردن جفا چکمك سکامی قالدی عالمده
جفا وجور ایله جانك نیجه بر یاقه سن اوده
اولنجه تا جزا چکمك سکامی قالدی عالمده

دوشوب کوکل بلاسینه یتر چك عشق دردینی
دل اوچندن بلا چکمك سکامی قالدی عالمده
صفا و ذوق عشرتده سورر هر کیشی دور آن
همین درد و بلا چکمك سکامی قالدی عالمده



یر ایدلی اول زلف سیاه قام ککوکلده
یوق بنده کوکل نته که آرام کوکلده

کلدی که قوره زلف ککره کیری خیالی
غم قوشلرینی اولامغه دام کوکلده

کوکلده هوس قالمدی سرووکلده آیرق
یر ایتدی چون اول سروکل اندام کوکلده

سورمادی سرانجام سوزین جام جهانده
کیم جام قوماز فکر سرانجام ککوکلده

صوفیه دییه صافی می ایچ اهل صفا اول
بو پخته سوز ایتمز اثر اول خام کوکلده



ای غمزده اوقینه دل عشاق نشانه
قاشک هوسی قدومی دوندردی کانه

افسون دل افسانه عشق درر آنجق
باقی نه که واردر قورو افسون فسانه

که معتکف دیرم کاه ساکن مسجد
یعنی که سنی استرم اوش خانه بخانه

نقش دوجهان اولدی عیان کون کی جانا
عشقکه جلا ویردی آینه جانه

وصلکدرر ای دوست مرادم دوجهانده
مقصود آرده سنسک و آروغی بهانه

ترک ایلا ائیسهم عشقه جان عجب اولماز
 جانانی یولنده کشی قالماز دل و جان
 هر کیشیده بردل وار آنکله سنی سور
 عاشقده سرودمی ومطر بده ترانه



لعلک شو قدر دو کدی کهرلر کوزم اوزره
 صیغمادی دو کلدی اتکندن یوزم اوزره
 شعرمه کوزم دیشلرک اوصافی کوردی
 تحسینلر ایدوب صاحبدی کهرلر سوزم اوزره
 غمزدک اوقی اوتورمغیچون صدر کوزتسه
 کلسون برو یر ایدیم ایکی کوزم اوزره
 یانار دل اوراق جکر سوز سوزمندن
 کورن صانیراود دوشدی دلمدن سوزم اوزره
 سوز قومامشم سویله مدک وصف لبکده
 کیمدرکه کله سوز قویه بیله سوزم اوزره



کلشنده کورلدن رخ کلناری بنفشه
 مشکین خطک اولدی هوا داری بنفشه
 شرح ایده ابدی نیتدیکنی کولکه زلفک
 کر بولسه ایدی قدرت کفتاری بنفشه
 سنبل صاحبی اوصافی سویلر دل اوزاتمش
 بیلسهم نرهدن طویدی بو اسراری بنفشه

سخن چنه سایه صالیدی سر زلفک
 اولوردی بیتن سبز سرک واری بنفشه
 اول زلف وریخایله قدو بالا کی کورن دیر
 بر سرودر برکی کل وباری بنفشه
 خطی لبکک نرکس ویمارکه شربت
 پیشوردی قنوب بیلدی شکر باری بنفشه
 صاندم رخک آردنده کوروب طره کی ای دوست
 سلطان کلک اولدی قفاداری بنفشه
 زلفک کبی بر لحظه کسیامزدی یانکدن
 کر بولسه ایدی قدرت رفتاری بنفشه
 نه سحر قیلار کوزلری جادوسنی بیلسهم
 کیم موری چمن کوستیر وماری بنفشه
 زلفی کبی کیم کوردیکی وار طوطی مشکین
 برک کل اوله بالی ومنتقاری بنفشه
 طوطی شکر خاکبی حسنی چمنده
 منقاره آلیز لعل شکر باری بنفشه

حرف اللام الالف

دل شاد اولور قاچان که دم وصل یار اولا
 غنچه کولر چمنده چو فصل بهار اولا
 آچلمانا دیسه کل کبی غنچه عجب دکل
 کولمز یوزی قاچان کشینک کوکلی طار اولا


شیرین لبکی غنچه ایشیدوب آغزی باغلانه
کل رخلریکی لاله کوروب شرمسار اولا

کیم کیردی ایسه کوکله غصه دن آزاد اولور
نه درد آکا که پیری دمیردن حصار اولا

شبدیز زلفنی یدک ایدوب یدر صبا
کلکون حسنه رخلری چونکیم سوار اولا

طوطی که کوکسی آل اوله ایکی قنادی سبز
لعل لب نکار کی قنده وار اولا

غنچه لبک هواسی ایله قان یودانلرک
بلبل کی ایشی دون وکون آه وزار اولا



حرف الیاء

اولکه عشقکده صارامشدر یوزی ایوا کی
اوینادیر بوکنبد مینایی برالما کی

کلسه کوزم چشمه سارینه خیال چشم یار
مردم چشممدن اورکر آهوی صحرا کی

چوق کتیردی بوجهان آرایه مهرور ولی
تکلیه برداخی اول مهر جهان آرا کی

زلف وقاشی فکریله عین جنون اولدی کوکل
کلدی دنیا یه مجنون بولد شیدا کی

یدی دریاده بولماز کوزلرندن عاشق
دیشلری شوقیه آقان لؤلؤ لالا کی



برقدحله ییزی ساقی غمندن آزاد ایلدی
شاد اولسون کوکلی آنک کوکلر شاد ایلدی
بنده ایدی بونجه ییلر قدینه سرو روان
طوغرولقله قولاق ایتدیکچون آزاد ایلدی
اودایله قورقوتمه واعظ ییزی کیم لغل نکار
جانمز بیزم اوده یانمغه معتاد ایلدی
ایستر ایسه ملک حسن آباد اولادایله کیم
پادشهر دادایله ماکینی آباد ایلدی
آلدا یوب آلدی دهانی یوق بهایه جانمی
صورتا بر بوسه یه آلم دییه آد ایلدی



طوتدی یری کوکی ای مه حسنک آوازده سی
طولدی اول آوازه ایله جان و دل دروازده سی
برک کلدن ایلدی دیوان حسن اوراقی
یاراشیر جان رشته سندن اوله کر شیرازده سی
قو خیال عارضک کوکلده یاتسون برزمان
کیم قوقو ویرمز ایکن کل یاراغینک تازده سی
با که ناصح چیمه دیر اندازده دن ییلمز آتی
کیم ایشینه عاشق کیرمز خرد اندازده سی



رخاری دورنده درلرمی دیزوبدر اول پری
یوقسه شبنمه یوزمی یودی کلبرك طری
زلفی زین ایلمش آلتون ورقلره مکر
جلوه ایلر زانی طاؤسی آچوب بال وپری
یا تماشا ایتمه کلشدرر خیلی نجوم
جلوه ایلر حسن میداننده مهر خاوری

باش صالوب خشم ایتسه عشاقه دك بروجده ایله
هر طرفدن یوز اوروب زاریك ایلر زیوری
كل یوزینك شبنمی بحر ملاحه درلری
نیایکون خالی لطافت جویینك نیلوفری



هیچ کوز کورمش دکل دیرلردی دیدارینی
یار دیدارنده کوردم بن هله آثارینی

اوغرامز اولدی دیله خیلی خیال دلبرك
کوزلریمك یاشی بکزر باغلا دی یوللارینی
قنده برکل یوزلی وار ایسه خار النده دامنی
خار سزکل بولدم کزدم جهان کلزارینی

خال کافر کیشك اولسیدی مسلمان ای صنم
مصحف اوستنده قومزدی زلفک زنارینی

آغزیکی کویا مدار حسن قیلمش صنع حق
حسن وجهیه چکرکن صورتك پرکارینی

مهریکه جانندن خریدار ایلین دلدر بنی
مشتیرینك کرم ایدن دلادر بازارینی

سروہ قونمش قمری یه بکزردی اول قداوزره دل
طوق ایدنسه بویتنه اول زلف غنبر بارینی



نیشه بکزر غمزه سی ونوشه بکزر بوسه سی
لباری پالوده تر یا شکر سن بوسه سی
آرتق اولور لذتی شکر مکرر اولیـجق
قانی خوش کلدیکی اولدورر مکرر بوسه سی
زانی مشکین خوشه در رخساری لعل سیدر
تازه خرما لبلی شفتالوی تر بوسه سی
رایکندر نقد جانہ ویرسه دلبر لبـلرین
کیم حیات جاوداندرر آنک بر بوسه سی
اغزینی براویمکه بیک جان ویریرسه دل نوله
کیمدرر جان ویرمیه کیرسه انه بر بوسه سی



دور ایده دوران اکر یوز ییل جمالکدن بی
هرنه ممکن کآیره بردم خیالکدن بی
یکی آیه دونمشم باشم کنارنده شفق
تا که آیردی فاک مشکین هالالکدن بی
ذکر وفکرم بیلک واغزک خیالیدر سنک
شوق بردم غافل ایتمز قیل وقالکدن بی
آفتاب حسنکه اولدی رقیب ابرو سیاه
قاره بنجتم کبی آیردی جمالکدن بی

اولشم جانا پریشان خاطر وشوریده حال
آیرلدن قاره بختم زلف وخالکدن بنی



کل کل ای آرام جانکیم چوقدن اوزلر جان سنی
آج یوزک کیم کورمک ایستر دیده کریان سنی

سکا صورار دیشلری وصفی ای کوز جان و دل

در آرار غواصلر در صاندیلر عمان سنی

بر نفس دکنمک ای دل نسیم وصل ایله

شمع وش یاقدی آرتدی شعله هجران سنی

دیدم ای مه حسن دورنده قیلوب صاحب قران

اول که بو وجهیله ایتدی آفت دوران سنی

کل یوزینه قارشو حیران اولدیغ کوردی نکار

دیددی کیمدرر ایدن بو وجهله حیران سنی



سیل باده در یاقان غم قصرینک بنیادی

میل ساقیدر یاپان کوکلم خراب آبادی

بوی آلانلر سنبلکدن بولدی عمرندن وفا

چاشنی کورن لبکدن بولدی آغزی دادینی

کارگاه عشقه هرکیم باقسه فرهادی آکار

آکدوررمش صنعتیله مرد کامل آدینی

کورسه زرین بت ایدر میل اکه اول سیمین صنم

یومشادان اود در انک کوکنده کی پولادینی

شیوۀ فرهادی کورن سا که تحسین ایلدی
لاجرم شا کرد مقبل آ کدیریر اوستادینی

نیجه آقاسون کوزومک قانلی یاشی دجله وار
کلدی غم تاتاری یاقدی کولمک بغدادینی
حوض کوثردن صوویرمش روضه رضوان آکا
باغبان صنع دیکدکده بویک شمشادینی



عشق شاهینک خیال قامتکدر سنجاجی
آهم اودی شعله سی اول سنجاغک دال یپراغی

شویله حیران اولدی اول نقشینه رنگین لعلکک
کیم قالوبدر خاتمک آغزنده حیرت پارماغی
مار زلفک غصه سیله آغولانمشدر رقیب
صاچیلیر زهر آچسه آغزینی اول آغو بارداغی

کلخن محتده آهم دودیدر چیقمش کوه
سیلدر کهسار غمدن اینمش اشکم ایرماغی
خط نورسته آراسنده یکاغک تاب اورور
برک سبز ایچنده کویا کورینوز کل یپراغی



اول الف قد حسرتندن جسم اولدی موکی
ماوراءالنهره دوشدی یاش دوکوب آهو کی

کولکه دوشسه هوای عارضک ای سرو قد
موج اورور هر جانبه طبع روانم صو کی

ایشیدیردك مدح ایدنلر كاشن جنت كلن
يکزه من بوكلاره دیرلردی اول كل بو کبی

چارسوی حسنده هنکامه طوتدی زلف یاز
چشم اول هنکامه ده تیغ اوینادیر هندو کبی
عالمك ایچن کزوب کوزدن کچیردی سربسر
کورمدی مهر فلک برداخی اول مهر و کبی



كل یوزینك شبنمی بحر ملاحه دُرلری
نیلکون خالی لطافت بوینك نیلوفری

یریوزینی طوتدی ظلمت چون سُویندردی کیجه
چرخ فانوسنده مه شمعی آهم صر صری
جان و دل میخانه سیدر لعلك ای کافر بچه
دیک سر زلفکدن اول میخانه اوزره چنبری

آچشیکن دفترین کل نقد وقتی قیل حساب
سن کوزك آچنجه یومار باد صبح اول دفتری
نیچون آچلاماز دهانك غنجه سی کوکلم کبی
آچیلوبدر هپ جمالک کلشنینك کللری



شوق لعلك اشك چشم رنگینی آل ایلدی
خامه زلفك خیالی جسمی نال ایلدی

قدیمی بارغم زلفیه اول مه ایتدی دال
آیاغینه مرغ عشقک صکره خلخال ایلدی

قارشولادیلر خیال یاری عقل و جان دل
 شهرتینه شهر خلقی چیقدی اقبال ایلدی
 بی وفالر ایچره برآد ایدین دیدی مکر
 اول الف قد آنک ایچون قدیمی دال ایلدی
 خسته ایشدی دلی لطفندن اول دلبر کلوب
 صوردی حالن نازایله مسکینی بی حال ایلدی



کلی واردر کلهستانده اول رخ احمر کبی
 سرومی واردر چنده اول قد عرعر کبی
 دل اوچندن شوق خدکه طوتشدم شمع وار
 حسرت اودلاریله یاقدم سینه می عجمر کبی
 شویله طوتدی روی زردیمی کوزومک یاشی کیم
 صو ایچنده غرق اولوبدر برک نیلوفر کبی
 یازمغه حسنک صفاتنده اولان اشعاریمی
 کلرک اوراقنی دورمش صبا دفتر کبی
 یوزک ای حوری فرشته کورسه کردیوانه اولور
 کورمدم بن نسل آدم سن پری پیکر کبی



آی وکون شمع جمالک نورینک پروانه سی
 زلفکک زنجیرینک باد صبا دیوانه سی
 شوق اعلکله ایرشدی کوکله جوش و خروش
 نعره عشاق تولدی عشقکک میخانه سی

تیغ غمزده کله کوکل یوز یرده یاردی سینه سن
زلف غنبر بارکک ایسترکه اوله شانہ سی

لاله وش جام لبک یادینه جانا کوکلمک
کوز کبی خون جکرله طولودر پیمانه سی



چکین عشقک غمن عالمده دلشاد اولمادی
بنده اولمایان بویک سروینه آزاد اولمادی

باش اولهم دیرسهک بویولده عشق باغنده قوطاش

خدمت ایتمین کشی استاده استاد اولمادی

دمی واردر لعلکی یاد ایایوب قان یوتمیم

سنی کورمز اولدق ایسه کوکلز یاد اولمادی

طویمادی صورت یوزکدن آینه یوز بولمادین

سرو قوللق ایتمدین قدیکه آزاد اولمادی

یققلی تاتار غم سیواس دل یاتور خراب

روم حسنک سر بر سر معمر اول آباد اولمادی



جویه مایل کوردم اول سروک قد دلجویی

کوبی ایچنده آقیتدم قانلی یاشم جویی

کون یوزی مهریله سرکردان دکلسه ماه نو

کیجه لر تا صبحه دک نیچون طولاشور کوبی

شیشه ناموس و عارم آه کیم اول سنک دل

طاشلره دوکدی وچالدی یره یوزم صوینی

جانمی جمای فرقتدن خلاص ایلردی کر
یونجه مقتول ایدهیدی زلف عنبر بویی
ترکیکی اورماغیله دل سندن ایراغ اولمادی
آریلیرمش کیشی جانندن کسمزایمش خوینی



یزه طوغرولمادی قالدی اوقاشی یانیسه کی
آتماز اولدی دله غمزه اوقن آیانیسه کی
کوکل اوچاغنه کوزم یاشی صو قویمشیکن
ینه یاقار یوره کم آتش سودا نیسه کی
زلفنک سوزینه اویدی بزی صالیدی آیانه
باقماز اولدی بزه اول ترکس شهلا نیسه کی
آغزینی صورمق ایله تدی قیامت قوپاریر
یوق یره باشمزه ینه بوغوغا نیسه کی
اورمشیکن لب جان بخشی دله مهر امان
چشم و ابروسی کیرو ایلدی یغما نیسه کی



بکا اغیار ایشنی ایلدی اول یار دخی
کورسه حالیمی بنم رحم ایده اغیار دخی
غم بکا درکه بکا کیمسه سنک کیبی دگل
سکا نه غم نیجه بنم کیملر وار دخی
یاش دوکوب خامه کی حالی شرح ایله ییجک
چویریر اولدی یوزین دفتر و طومار دخی

ای کوکل زلفی اوچنده نیجه بر غم چکه سین
 کورمدم سنجاین بردل غمخوار دخی
 باغ حسنکده کورده لدن بری کل رخلریکی
 کوزیمه کیرمن اولوبدر کل کلزار دخی



نیجه طوینجه کوردم سن کل نازک یدنی
 کندی کیرپیکم اولوبدر بکا کوزم دیکنی
 چیقماسون آهم اودی آغزیمی آچدرمه بنم
 یاقاسون سوز درونم سنی سویلتمه بنی
 کی کبی باغزیمی دلدک قومادک ناله قیلام
 نه ایمشک نیه اوغرامشم ایوای بنی
 بنی سایهک کبی ای سروقد آیاقده قومه
 بویله خاک ایتمه ایکنده یولکه جان ویرنی

زلف مقتولی قاچان بوینه قولون طولایه
 غیرتندن یاقاسین چاک قیلار پیرهنی
 نقطه مسک کیدر لبنک خالی مکر
 شبهه در کیمسه یه کشف اولمادی سر دهنی

جان ویریر بلبل دل کورمن ایشه کل یوزیکی
 طویه ماز هجریکه جانم سون اولسونمی سنی



غصه زلف نکار ایتدی سیپکار بنی
 قاره بختم دخی نه کونلره صاقلار بنی

خار هجريله ايدوب غنجه کي باغريني قان
قيلدی بلبل کي زار اول يوزی کلزار بني

عقل وفکر م طاعيدوب زلف سیهکار کي
قيلدی افکار غم عشقي دلفکار بني

يار بيلدم سني بن عالمي اغيار ايدوبن
دوستم سن نه ايجون بلميه سين يار بني

دامن وصلکه بيليردم ال ايرمايجکن
سرو بالا که کوکل ايتدی هوادار بني



دود آهيمه نيجه بر بويام شمع کي
آتش هجرايه يانوب توکنم شمع کي

دردك ايله اوليجك دل باشم اوجنده ياتوب
دود آهمله قارايه بويانم شمع کي

نيجه برسینه می جمر کي پرسوز قيلوب
دل اوجندن اوده يانوب کوينم شمع کي

اويله ياقادی بني شوق رخك اودلره کيم
کيجه لر يانوبن ايرته سيونم شمع کي

کيجه لر ايرتهيه دکلو ديکيلوب قارشوکه
طوتوشوب شوق رخك برله يانام شمع کي



ياقادی ياندردی بني يار وديار آيريلغي
نيجه مشکل ايش ايش سوکلی يار آيريلغي

بیلیم بن نه چکر کوکلی زلفکدن ایراق
 اولسون کیمسه لره صبر وقرار آیریلغی
 کوردی کل یوزینی دل بلبلی اونوتدی غمن
 اونودیرمش کشی وصلتده هزار آیریلغی
 بلبک کل یوزینی کور یجکز بخیلین
 آغلادیغی بو کار آخر کار آیریلغی
 سکا نه دل سر کویکدن ایراغ اولدیه
 کلستانه نه ویریر بلبل زار آیریلغی



باغ جانده آچیلان غنجه خندانیدی
 کلشن دلده بیتن سرو خرامانیدی
 زاهدک یوق لبک قاره سینه میلی دیدم
 کولدی دیدی انسه کیرسه ایدی جانیدی
 اول یوزی کل ایشیدوب آهمی کوینده دیدی
 بزى او یوتیمان اول بلبک افغانیدی
 یاغدییرکن صاحی ابری یاشمک یاغمورئی
 برق وش یالديره یان لعل در افشانیدی



عکس جمالی روشن ایدر دل اوتاغی
 زلفی خیالی خوش دم ایدر جان دماغی
 نیتکه شمع کیجه ده کوندن یاقار چراغ
 هر صبح کون یوزکدن اویاریر چراغی

قان یوتارم اوڭجه لېن دیر کوکل بکا
 بکزکه قانادیر اوپر ایکن طوداغنی
 پیر اولدی کرچه کیم دل شوریده هجر ایله
 لېکن کچیرمدی دخی بو عشق چاغنی
 زلفک بنک غمینی آلیر نه دیبه کوکل
 بوینی باغنی سویله یا باغری داغنی



لبزکه غنجه نك وار چوق سوزی
 یوزه یوز سویلشمکه طویماز یوزی
 جانم آل بر بوسه ویر دیدم دیدی
 سویلمه ایشتمه سونلر بوسوزی
 نار عشقیله کول اولدم دیر رقیب
 دونسون اوجاق طاشنه قاره یوزی
 دوشه لی زلف ورخک فکرینه دل
 قدر وعید اولدی کیجه سی کوندوزی



دیدیلر یوزی آفتاب اولدی
 بن باقجه کوزم پر آب اولدی
 بن اومارم که آی اوله آلنک
 بزى یاقاغه آفتاب اولدی

رخلرك تابی چیقدی كوك یوزینه
 کیجه مه کوندوز آفتاب اولدی
 اوچار ایکن هواده دل مرغی
 دوشدی شوق اودینه کباب اولدی
 خط مشکینه حسنك اوراق
 خوب خطیاه برکتاب اولدی



اقلیم حسن اولهلی زلفك سرآمدی
 دور رخکده کسهیه باشینی اکمدی
 زنارینی رقیب کیسه کا کاک کبی
 آلیکه چونکه برق اوره نور محمدی
 صو کیبی خرج ایدرسه نولا اشکنی کوکل
 چوقدر دیمکده غمزهك اوقندن در آمدی
 بوزدی برات خطی کلوب لعلی مهرینی
 شرع مسیحی نیته کیم احکام احمدی
 راز لینی قنده دویه هرغی آنک
 دیرلرکه سر روحی بنی داخی بیلمدی



بر نفس غمندن اولمازز خالی
 نه عجیدر بو عالمك خالی
 دنیاده حالی بیلیر کیشی یوق
 عجب ایش بو دنیا احوالی

طور میوب بر قراره چرخ دوز
 بویه دورر بو دنیا طورالی
 جان اوده آتار دیلر دون کون
 صویه طور اغه خرج ایدر مالی
 اشبو دار غروره نهك صیغماز
 نه که یتمز بو قبه عالی



بلبل اول دکلو شو خلق قیلدی
 که کولوب غنجه کوکلی آچیلدی
 ییل اوغزلادی نرکسک تاجن
 کورمدین کیمسه آره دن ییلدی
 دزهم ایتشدی غنجه یه آغزک
 که کولوب غنجه کوکلی آچیلدی
 کیندوزینی طاغیتدی کل بکزر
 کل یوزک کوردی عقلی باییلدی
 کیجه دن صبح دکلو قارشوکه شمع
 کوز یاشن دوکدی یاندی یاقیلدی



کوزومک چشمه سارنده کسلمز یازو قیشریاشی
 سزرسم اول پیکارک بن جکر داغنده در باشی
 فلک کون یوزکه عاشقدر ای ماه جهان آرا
 کیجه لر طویمایوب هجریکه باصا باغرینه طاشی

سرمودر دهانی کیم زبان خامه‌یه صیغماز
جمالی صورتن یازد قدده یارک صنع نقاشی

کیجه یوق کیم کوکل شهرنده جانا اولر آچلماز
سر زلفیکی طوتسونلر کیم اولدر اوغرولر باشی
می صافیه هر جان کیم صفا کسب ایلیه چون جام
بر اولور کوکلی و کوزی پر اولور ایچی وطاشی



کوزومک قانلویاشی کورمکه یاری حجاب اولدی
شفقدن کون یوزینه صانکه کلناری نقاب اولدی

صو آرتار چشمه لرده نوبهار ایردجه آنیکچون
سنگ حسنک بهارنده بنم چشمم پر آب اولدی
جمالک آسمانینه چیقوب عاشق لک آهی
بلا سیلابی یاغدیرمغه مشکین سیحاب اولدی

قاشک سیمین ستون اوستنده مشکین سایبان قوردی
ایکی باشنده زلفک آکا غبردن طناب اولدی
کوزمدن یاش دکل آقان خیالی کللری یارک
یانوب سوز درونمدن عرق دوکدی کلاب اولدی



کوکل اول طرّه شبکیره دوشدی
کور اول دیوانه بی زنجیره دوشدی

کوره لدن قاشلرکله کرپیکینی
جهان خلقی کمان وتیره دوشدی

رخنوکه اویکنیر دید کلریجون
اوتاندی لاله یوزی بیره دوشدی
صاچک چینده صورت طوتدی خطک
آنکچون اهل چین تصویره دوشدی
طوتالین خطکک تزویری صورت

ابن کمالک دیواننده بولمائیوب بعض مجامع ادبیه ده
منظور من اولان آتاز منظومه سی

خراباتده کوریلنلر :

سزه بندن نصیحت اولسون کیم
غم ایرشدکجه ایتیمک قریاد

ایکی درلو ضرر مقرر در

دیدي بوايش ایچنده براستاد

اولا بوکه دوست غمدن اولور
ثانیا بوکه دشمن اولور شاد



معرفت کرچه که بکزاده لره لازمدر
اهل علم اولماز ایسه یینه بک اوغلی بکدر

اهل علم اوغلی اولوب مدرسه عالمده
جاهل اولمقدن ایسه طوغمادن اولمک یکدر



منصبده بر اولسه دخی کر عالم وجاهل
ظاهرده مساویسه حقیقتده بر اولماز

آلتون ایله فرضاکه برابر چکیله سنک
وزن ایچره بر اولمق ایله قیمتده بر اولماز



محبت قصدی هر بر آدم ایله
دکدر عاقله حسن ادبدن

محبت قصدین ایتدکده کرکدر
طارلدوب - صینایه سین برسیدن

تحمل ایتمز ایسه ترک ایده سین
محبت زائل اولور چون غضبدن

وکرنه صبر ایدرسه قیمت اولماز
آکا یوز بیک ثمن سیم وذهبدن



محو اولوب کیتمز مرور دهر ایله باقی قالیر
خامه ایله صفحه اوراقده مزبور اولان
صفحه عالم نه آلق کاغد اولور آلتنه
برنفسده نشفایدربپ اوسته مسطور اولان



ال ویرمدی مکاره دنیا دینه ای دل
اوازه اولوب ایلمه اظهار تلاشی
جمع ایلماش مجلس عالم قورولادن
عرفان ایله بریرده خدا عقل معاشی



بر سرو بسلام نیجه ییل باغبان اولوب
سرکشک ایتدی اول دخی دامنکشان اولوب




اولدی غنچه یوزیکه زلفک نقاب
سان نهان اولدی بولوتده آفتاب



قوای دل چوق سوزی زلف پریشانندن دلدارک
پریشان سوزلری جمع ایله دفتر باغله دیوان ایت



عیش ونوش ایله بوکون آکمه غم فردای
سکا اصهار لادیلرمی بویالان دنیایی



سلطان سلیم اول حقنده کی مرثیه مشهوره سی :

عجزده	توجوان	وحزمدہ	پیر
صاحب	السیف	صائب	التدیر
هم	صف	آرا	ایدی هم
نه	وزیر	ایسیر	ایدی نه ده
مشیر	ای	ایدی	دیلی
نزه	ایدی	قولی	وپارمنی
			تیر

آ از مدتده چوق ایش ایتش ایدی
 سایه می اریش ایدی عالم کیر
 شمس عصر ایدی عصرده شمسک
 ظلی مدود اولور زمانی قصیر
 تاج وتخت ایله فخر ایدر بکار
 فخر آنکه ایدردی تاج وسریر
 کوکلی اول سورده بولوردی سرور
 که چالا چاغریدی تیغ ونفیر
 رزم ایشنده و بزم عیشنده
 کورمدی پیر چرخ آ که نظیر
 کیرسه میدان رزمه شیر دلیر
 چیتسه ایوان بزمه مهر منیر
 اولیـهـجق دار وکیر اول شیری
 آکسون وقانلر آغلاسون شمشیر
 حیف سلطان سایمه حیف ودریغ
 هم قلم آغلاسون آکا هم تیغ

ال یازیسيله محرر بعض مجموعه لرده کوروان آثاری :

تیز اولمه تأمل قیل هر حاله تحمل قیل
 اللهه توکل قیل تدیری بوزار تقدیر
 جهل ایله فساد ائمه یاکاش سوزی یاد ائمه
 حق سوزده عناد ائمه تدیری بوزار تقدیر

بویند معظمدر مکتوب مکرمدر
قانون مقدمدر تدبیری بوزار تقدیر
قول فضلا حقدر اینانیمان احمقدر
والله محققدر تدبیری بوزار تقدیر
قیلدم بوسوزی تحریر دیکله ایدیم تقریر
بودر ازلی تعبیر تدبیری بوزار تقدیر
دیکله سوزیمی مؤمن دیمه هر ایشه ممکن
حق ویرمیجک مسکین تدبیری بوزار تقدیر
شک ایتمه صاقین یاھو بی شبهه محلدرد بو
چوقدنکه مشلدرد بوتدبیری بوزار تقدیر
صانمه بونهان سوزدر کون کیی عیان سوزدر
محبوب جهان سوزدر تدبیری بوزار تقدیر
سوز دیمه فلاںکدر حکمت چو خدانکدر
قدرت یارادانکدر تدبیری بوزار تقدیر



آدم اولدرکه صدف سینه ودریا دل اوله
در پیچیده بحر سخنه واصل اوله
سپهانک سخن پرفتن ایتمه کوش
ایده منکوش آنی کیم ناقلی برعقل اوله
چونکه قلب آقچه بکزر سخن اهل نفاق
لاجرم قلب اولور اول دل کیم آکا مائل اوله
خصمی برمور ایسه ده کندی سلیمان زمان
آکا جور ابامیه حق نه ایسه قائل اوله

نه قدر قدری بلند اولسه ده خورشید صفت

ینه ذرات جهانہ نظری شامل اوله

اوله یا عالم و یا خود متعلم یا خود

علما و فضلا مجلسنه داخل اوله

اولسه علم ایله علم کرچه مسلم اما

هنر اولدر چالشوب علمی ایله عامل اوله

ید اخلاص ایله بذل ایلیه بزر عثمان

صکره تا سنبل صد دانه لری حاصل اوله

بور و امیدر اولوب جرعه کش بزم غرور

عقل دراک می غفلت ایله زائل اوله

خواب غفلتدن اویانوب کوره فردا غمی

هله انصاف دکل عاقل اولان غافل اوله



مرض عشقی کور شفا یرینه

آلی کور دردنی دوا یرینه

یوزومه باقه دن کچوب کیمه

سوک بکم باری مرجبا یرینه

سینه مک سری فاش اولور یوقسه

چاک ایدردم تی قبا یرینه

بکا سودای زلفک آخر کار

قاره چول کیدیریر عبا یرینه

مفت مسکن صانور جهانی کشی
نقد عمرین ویریر کرا یرینه

چیتا-اردیم کوزیمی کورمن ایسه
خاکپاییکی توتیا یرینه



طلب ایدن ایرر بردمده حقه
یقیندر مطلبك کیمه اوزاغه

مرام نفس دنیا جیفه سیدر
سنی مردار ایدر اویمه اوزاغه



صورتن دوزمك ايله کیشی مسلمان اولماز
خاتم اورنمغله دیو سلیمان اولماز

جهانده هرکیم عورتدن حقیقت اوماراحمقدر
ینار اوده آقار صویه یله قارشو طیانمقدر

وفاسندن کایر زندن حقیقت کز ای عاقل
همان اولاسی آئردن کشی عرضین صاقنمقدر



کشی کیم جاهل اولور سه نه بیاسون کیم نه در مذهب
کالی کیمدن اوکرنسون کشی کیم بلمیه مکتب

تواضع ایتمه جاهیه کور رسهك آنی جاه ایله
اشك آلتون قبا ایله یوریرسه آیدر مرکب



که صفا بولدی کوکل آینه سی گاه کدر
عالمك حالی بودر بویله کلیر بویله کیدر
کر دیلر سهك که ایده صورت حق سنده ظهور
صاف قیل آینه قای کدر قویمه کیدر



قیلدی اسناد ولد خالقه نیچه ابتر
حضرت احمده ساحر دیدی نیچه غافل
چونکه الله ایله اولمادی رسولی سالم
غم یم کر بنی ذم ایلسه برقاج جاهل



بلکه ایام حیاتی دوکلی شرده یتمه
بو ایکی پندمی هر کیمکه بنم طوماز ایسه
دختر قیصر ایسه باقمایه عورت یوزینه
بورج ایدنیه اکر وعده سی محشرده ایسه



یوق یره نعمتکی خالقه صاقین بذل ایتمه
دنیا ده نان ونمك حقنی کوزلر یوقدر

مسکته اوزکی خاکه برابر قیسه
کشی یی ایلک ایله یاد ایدر اوزلر یوقدر



عالمک فضلی دکلدر جاه ایله
جاه ایله کلز فضیلت جاهله

جاهل اولان پیر نابالغ اولور
جهل کیمز جهل ایله پنجاهله



مطبخ دهر ایچنده آج اولسهک
کیسه نک نعمتینه ایتمه حسد

رزق ایچون فی الحقیقه غم یه کیم
«ضمن الله رزق کل احد»



کن غنی القب واقع بالقلیل
مت ولاتطاب معاشاً من لئیم

لاتکن للعیش مجروح الفؤاد
«انما الرزق علی الله الکریم»



بی ذم ایتهدن حسوده چه سود
کندینک زشت خوی ظاهر اولور

ذم اولنددجه نثر اولور هنرم
ازسه لر مشکی بوی ظاهر اولور



عالمک یوق چو بر دمنه بقا
عقل اولان بونک نه سینه بقا

آدم بولور بقا اثریه
بقا اثر لرینه خیرک اهل



الصدق فی اقوالنا اقوی لنا
والکذب فی افعالنا افعی لنا



عشق اولینجه سرده خروش ایله من کوکل
دریا تموج ایلیه من اومسه هوا



بی بقادر بومنزل ای احباب
فاتقوا الله یا اولی الالباب



یار سرکش سینه پر آتش کوکل سودا پرست
بخت ناهموار و ظالع سرنکون خاطر شکست [*]

[*] بوغزل رجال مولویه دن درویش چلی یه ده اسناد اولنور .

شهر غم آباد بهجت خانه ویران و خراب
رتبهٔ اہمال عالی پایۂ اقبال پست

بادۂ حیرت مهیا کیسۂ آلام پر
بزم ہجران کرم و ہم ہشیار عالم جملہ مست

کیسۂ امید خالی دست استغنا تہی
منزل فرصت بعید و پای استغنا شکست

ظاہر محنت ہویدا صبح ہمت ناپدید
نیک و بد بر مقتضای قسمت روز الست



سفید و سرخ ایہ اولماز خراب قصر حسن آباد
قاچان اصلاح ایدہ عطار آنی کیم دہرایدہ افساد

صولادی صوقاقلاری سقای ابر
سوپوردی رہ شاہی فراش باد

فرحندن دوکوب یاش سمانک کوزی
جہانک یوزی کولدی واولدی شاد



ہیچ بیلدکی بواموات قبردہ نیلر
ہر کیاهی دیل اولوب ساکہ نصیحت ایلر

استخوان سرنی کاسہ ایدوب یوللردہ
ہر کچندن ال آچوب یعنی دعاچر ایلر

عالمک احوالہ یوقدر ثبات
آدمی کہ آغلانیر کہ کلدردر

کلستاندن جهانک هر کسه
که دیکندر صونیان که کلدور



کوکل ییتمق خراب ایتک کیدر یت معموری
ولی یایمق هزاران کعبه بنیاد ایتهدن یکدر

قول ایتک لطف واحسان ایله دنیا ده بر آزادی
افندی ! نیجه یوز بیک قولى آزاد ایتهدن یکدر



که صفا بولدی کوکل آینه سی کاه کدر
عالمک حالى بودر بویله کلیر بویله کیدر

هر قچن قونجه نك بالی بتر
اولور اول بیچاره نك حالى بتر

ای دل منبسط قتی کوله
خنده ضمتده کویه منضمدر
منقلبدر جهان بو قلمتون
انبساطی غمیله مدغمدر



دنیا که کاربان حوادث قوناغیدر
میل ایتلی دکادر اراذل یتاغیدر

دنیا به نسبت ایله هله سن اینان بوکا
قبرم حضور گوشه سی وحدت بوجاغیدر



قونوغک کندی رزقیدر یدیکی
اجیق طوت قاپوکی برکون قاپارلر

یدیکک ساکه قالیر، صاقلادیغک
نهدکلو باغرکه باصسهک قاپارلر



شریعت کیم سرای کبریا در
حقیقت ماکیدر محکم بنادر

آنک طاشینی هرکیم قوپاریرسه
یرینه باشنی قویق روادر



قلم صنع حده سهو اولمز
هپ خطایین اولانلر اجمقدر

شول قدر وارکه مقتضای قدر
کاه مبرم کهی معلقدر



قاچان اویره دولت برکشی به
عدوسی داخی آکا عزت ایلر

خدا : کوستمسون یوز دوندورورسه
اجاسی دخی هپ نفرت ایلر



بجر معناده دل اولوب غواص
صدف اولمشدرر زبان سوزدر
کرم ایدر سردی نرم ایدر سختی
سحر وافسون دیدکلی سوزدر



معرفت کرچه که بکنزاده لره لازمدر
اوقویوب یازماز ایسه یینه بک اوغلی بکدر
اهل علم اوغلی اولوب خانقه دنیاده.
جاهل اولمقدن ایسه طوغمه دن اولمک یکدر



ذنوبی کوچ البحر بل هو اکثر
فاغرها کاطود بل هو اکبر
ولکنه عند الکرام اذا عفی
کعضو الذباب بل هو اصغر



آیاغیکه دوشدیکک عاشقارک عیب ایلمه
پای شمععه دوکولور هپ یانجیق پروانه ار

کوزلرم یاشی امید وصل ووهم هجرله
بکزر اول بارانه کیم بر آن دیکر بر آن یاغار .



کوزیوم جهانندن آج کوزکی غفلت ایلمه
سن کوز یوموب آچنجه بو عالم کلیر کچر

بیلمدیکک بیلمدیکک شخصه مقارن اوله
هم نشینی کشینک شوپله بیل ای اقبل ناس
معرفت معدنی اولمازسه سخا کافی کرک
بونلر اولمازسه هله باری کرک قدر شناس

تاریخندن :

اگر برج سعادتدن غروب ایتدیه براختر
جهانه فر ویرن خورشید دولت تابدار اولسون
اگر درج مکارمده شکست اولدیه برکوه
پر اصداف لائی در بودریا برقرار اولسون
اگر سنک حوادثدن خراب اولدیه بربرجی
حصار استوار عمر اسبازی پایدار اولسون
کلستان سعادتدن-اگر اوچدیه بربلبل
همیشه کلار آچسون قونان بلبل هزار اولسون

ایدوب فرعن رفیع اصل اصیاین حق طوتار باقی
بواصل فرعک آثاری جهان طور دجه وار اولسون

اولو العزمده چون اوله حزم و رای
کلور طوتدینی صرپ ایشلر قولای


قیون چون ایرد عمرینک صوکنه
آیاغیله کلور قصاب اوینه

آدمک بوجهان فانیده
ذکر باقیسی عمر ثانیدر
خیر ایله آکدیره کور آدیکی کیم
ذکر باقی وعمر فانیدر

جاهل اولان کیمسه مفرط اولور
مفرط اولمیجق مفرط اولور

صوکنی فکر ایتین کشی اوکنده
انی دیشه اورر ایشک صوکنده

یومک اولماز وقتی وارد هر ایشک
نفی اولماز دفعی اولان جنبشک



کتابخانه اقدام

عدد ۶

Jamal al-Din Bey 1849-1914

آثار معاصریندن

Osmānî tārîh ve müverrihleri

عُثمَانِی تَارِیخ وَ مُوَرِّیْهِ

بواثر عثمانی تاریخ‌نویسان و مورخین عثمانیه ایله
وقعه نویسلرک تراجمی حاوی اولوب اصل اسمی «آینه طرقا» در.

مؤلفی

جمال الدین

چاپخانه

طابع و ناشری

اقدام غزته‌سی صاحب امتیاز و باش محرری

احمد جودت

معارف نظارت جلیله‌سنگ رخصتیه طبع اولمشدر

در سعادت — اقدام مطبعه‌سی

۱۳۱۴

اخطار

مؤلف مرحوم بالطبع زمانه قدر يازمش اولان تاريخلر ايله مورخلرينك تراجم احوالي يازديغندن اوزمان ايله كتابك بودفعه طبعي تاريخي آراسنده كي زمان ايچنده كان مورخ ووقعه نويسلر ايله تأليف اولنان تاريخلرك تعريف ماهيات ومندرجاتي ده بزم طرفزدن ذيلاً علاوه اولمشدر .

§

بواثر طبع ايدملك اوزره محبان علوم و معارفدن (توحيد) بك نامنده برذات طرفندن مطبعة عاجزانه مزه اعاره اولمش ايدى . مير موسى اليهه — لزومى متحقق اولان شو اثر ك طبعنه سبب اولدقلى ايچون — معارف عثمانيه نامنه عرض تشكر ايلرز . «الذال على الخير كفاعله» كلام كزى ايشته بركي افعال خيريه نك حصوله يازديم ايدنلر حقنده وارد در .

اَسْمُ اللّٰهِ الْمَلِكِ الْعَلَامِ
اَعْلَا وَاهُمْ لَصَدْرُ الْكَلَامِ

والحمد على الاله اتم المهمام • لعموم كرمه على الكرام والعوام • احمده
حمد الصالحاء • حمداً ماله عد ولا احصاء • واعلى على محمد اكرم الرسل
الكرام • واعلم اولاد ادم على روحه اكل السلام •

جواهر زواهر محدوشای بی انتها وشکر لایعد ولا یحصى خدای
بی همتا عز شانه وتعالی وعم احسانه وتوالی حضر تلرینک درگاه مقدس
ربانیسنه احق واحرار در که بارگاه فلک تمکین دولت علیه عثمانیه دامت
محفوظة بالحفظة الصمدانیه بی الی یوم الدین زیب وزیر روی زمین
وسایه بسطتوا یه شوکت وعدالت بی غایتن جهان وجهانیانه شهر آیین
ابد رهین ایلدی — نحمد الله على نعمائه — ومشکات مزیر صلاة وسلام
اول واسطه ایجاد سنین وشهور وایام ونبی مدوح ومحمود مقام صلی الله علیه
وعلى اله الكرام اقدیمز حضر تلرینک درگاه رسالت عامه سنده نور پاش
احترام اولمغه شایسته وسزادر که دودمان جایل الشان عثمانیانی طراز
خلافت سنیه سیله تزین ایلدی •

یاد از ما بر رسواش صد صلوة و صد سلام هم باصحاب کرام وی همه صبح و مسا

وتحف ترضیه تسایم آل فیضه آل واصحاب شرف اشتمالرینه لایق

ورود در که هر بری راه هدایت به رهبر اوله رق انسان اعلان دین
مین ایلدی .

دائم از حق سلام و رضوانش باد بر اهل بیت و یارانش

بعد ذا علو شان و شوکت دولت عایه و عظمت عنوان و جلال
سلطنت عثمانیه نك متصف اولدیغی مأثر حمیده و مناخر جهان رسیده سی
قرنا بعد قرن پیرایه مؤرخین اولوب انحق تواریخ بر کزیده ال عثمان
حضر اتنه لسان سلاست رسان ترکیده وضع خامه ابتدا و دولت ابد
پیوند عثمانیه ده و قایغنی سلاک خدمت معتبره سیله کسب امتیاز ایلین
و خدمت مذکوریه مأموریتی اولیه رق خود بخود تواریخ دولت علیه
ایله طرازنده خامه تألیف اولان ذواتک ترجمه احوال لری و تواریخ
مضبوطه نك اجمال کیفیتاری بو آن سعد اقترانه دکن تدوین و تبیین
اولیه رق معارفندان و دانشوران عصر طرفلرندن بو وادیده ارخای
غان بیان اولنماش اولدیغندن فحماً اثم فحماً اثم حمدا حمدا حمدا حمدا
میامن مشحون شاهانه لرنده جنس معارف رو اجیافته فصل اعتبار و امتیاز
و ارباب هنر و دانش علی مقادیر هم سرفراز اولمش اولان سریر سلطنت
سینه یه زیب و زین و جمال خلافت زاهره یه قره عین پادشاه اسلامناه
و شه نشاد قائم بامر الله واضع قوانین معدلت و مالک ممالک نصفت، پیرایه
نسل ال عثمان، شهریار اسکندر عنوان، سلطان البرین و خاقان البحرین
خادم الحرمین الشریفین

شهریار عالم آرا داور کشور کشا حضرت عبدالعزیز خان عدالت اتقا

لا زالت مناقبه الجمیلة محررة فی تحایف اوراق الوقایع و انارده الجلیله مشتهرة
فی الافاق و الطوالع افندمز حضرت تلیزینک بر منوال محرر اشو خصوص

فوائد نصوحك انداخته طاقه ترك و اعمال اولمى روا داشته غيرت شاهانه و رضا داده حيت پادشاهانه لرى اولمىوب موجب بقاء ذكر دولت و مايه خلود ثنا و ستايش سلطنت اولان تواريخ عثمانيه به دائر لسان تركيده ضبط و تحرير اولنان مؤلفات عوائد غاياتك اجمال مأل لطافت اشمال و نامزد ضبط و تحرير لرى اولان ذوات معارفماتك ترجمه احوال لرى مستقلاً قلمه انهرق جمع و تافيق و عبارۀ سليسه ايله تحرير و تنميق اولمى تقويم و قايع مصححك ايله مباهى نائل احسان پادشاهى احقر دعا كويان (جمال الدين) قولارينه امر و فرمان بيورلدقده بو عبد فقير شكسته ضمير دخی فرمان جالات عنوان حضرت جهاندارى به بروجۀ مسارعت امثال و حسب القدره البشریه نكاشته يراۀۀ مؤرخين و وقايع نويسان اولان انار عبرت شعارى تبعه و اولو جهله انار مرقومه دن تمتعه اشتغال اوزره اولوب لكن طلوع كوكبه شوكت عثمانيه دن بو آن مسعدت نشانه دكين سبك تركيده تأليف اولمش اولان تواريخ ايله كتبخانه لى مشحون و تواريخ مرقومه دن مؤلفى خطيله همان بر نسخه اوله رق بر محل نامعلومده قلمش كتمش اولديغى دخی امر غير مضمون اولمغه جهلشنه تحصيل و قوف مدت مديديه موقوف اولديغدن صرف نظر اولنسه ينه جهلشنك عباراتى هر تقدر بر برينه مغاير ايسه ده مأل و مرجع لرى متحد بولنديغدن بشقه سوائف انار عثمانيه ي متكفل مجلدات كتب تواريخ بالفرض و التقدیر نظاره زيب تحقيق و تدقيق و يكديكړه نسبت و تطبيق اولنسه بيله اكثرى ناسزاى اعتماد و تعويل و مشوب سخائف اقوييل بولنه جنى دركار ايدو كندن ارتق مالا يدرك كله لا يترك كله يولنه ذهاب و ابادى ناسده متداول اولنلو انتخاب اولنوب هر برينك مشتمل اولديغى وقايعك زمانى و كيفيت بيانى و تأليفه موفق

اولان ادبای معارف آرانک ممکن اولدییی صورتده ترجمه حالی بحمدالله
 العلی الاعظم مددکاری حضرت امنیت بخش عالم ایله برطبق فرمان عالی
 بر مقدمه ایله اوچ باب اوزره ترتیب و «آینه ظرفا» نامیله تلقیب اولنه رق
 بعونه تعالی اول فوائد و عوائد مانند فراشد رشته سطوره نظم و تنسیق
 و شیرازده اختتامده جمع و تلفیق اولندقدده هزار هزار عجز و افتقار
 و انواع مسکنت و احتقار ایله سده سنیه ملوکانه یه تقدیمه جسارت و رکاکت
 تعبیرات و املا و وقوع یافته اولان سهو و خطاء عاجزانه عفوی بیورلمسی
 نیازینه مبادرت قانیدی . جناب رب الانام و فیاض مطلق علی الدوام
 خورشید اوج معدلت و نیر برج سلطنت پادشاه دارادربان و شهنشاه
 اسکندر نشان ولی نعمتمز افدیمز حضرتلرینک وجود کرامت نمود
 ملوکانه لرین تخت عالی بخت سلطنت سنیه لرنده مدی الدهور و الاعصار
 بای و پایدار و اعداء بدخواه لرین قرین قهر و دمار و عسا کر نصرت
 دأر جهان بنای لرین فوزدن فوزه مقارنتله شهرت شعار و میقات مستقیمه
 الحركات پادشاهانه لرین سلسله توفیق ایله دوار و امور دولت علیه لرنده
 افکار صائبه شهنشاهانه لرین راست رفتار بیورسون آمین بجاه سیدالابرار
 و سندا لایخار .

مقدمه

بعض فوائده مهمه و عوائد جهتی شاملدر

(باب اول) بین الناس متداول اولمش اولان کتب توارینک کافلی
 اولدییی و قایعک اولندن آخرینه دکی مضموط اولان قاچ سنده نک

حوادثدر وقنی سنه لرك حوادیدر انی بیان ایدر. (باب ثانی) طرف دولت علیه دن مأمور اولیه رق خود بخود حوادث واقعه یی ضبط ایدرک تألیف کتابه موفق اولمش و الیوم تألیف لری مشهود ارباب کمال بولنمش اولان ذوات کرام فضائل اتسامک ترجمه احوالی بیاننده در. (باب ثالث) دولت علیه ابد مدتده وقایع نویسلک خدمت بهیه سنه نائل و اولجه تله مغبوط الامثال اولان ادبای بنام و عرفای معارف اتسامک تراجم حاللری بیاننده در.

— مقدمه —

ارباب البابک معلومی اولدیغی اوزره فن جلیل توارنخ بر علمدرکه انبیاء عظام و اولیاء کرام و سلاطین کزین و ملوک نصفت آیین حضراتیله وزرا و علما و حکما و شعرا و سائریندن ککش کچمش اولان ذواتک حاللری و بلده لری و عادت لری و صنعت لری و حسب و نسب لری و ولادت لری و مدت حیات لری و احوال سائرده لری انکله معلوم اولور. و بوفدن تألیف اولنان کتابلری مطالعه ایامکدن فئده عئده احوال سابقه یه مطاع و واقف و حوادث ماضیه یه عارف اولوب عبرت آلمق و انکله متنصح اولقدرد.

معلوم اوله که کتب توارنخده مسطور اولان حکایات نکات غیایت سلفدن خلفه یادکار و هر بر امر معتنا بهک تدبیر و تصرف و تسویه سنه کلی مدار اولدیغندن کتب مرقومه نک اکثر نسخی طبع و تمثیل ایله توفیر اولنمشدر. وینه معلوم اوله که لسان ترکیده مناقب جلیله دولت علیه عثمانیه یی مشتمل اوله رق تألیف تاریخه وضع خمه ابتدا ایدن، ظن غالب کمال پاشا زاده اولمق کرکدر. زیرا بوآنه دکین

تألیف و تدوین اولمئس اولان کتب متوعه نك اکثری اسم و شهرت لریله
 بین الناس معلوم و منتشر و مؤاغلری دخی معروف و مشهر اولوب
 اسمی کتیده محرر و مسطور و رفته رفته استساخ اولنه رق نسخہ لری
 موفور ایسه ده بعض کتاب وارد رکہ تألیف اولنه لیدن برو کوشه طاق
 نسیانده اغشته بغبار و بلسکه اوراق خزان دیدہ کبی برهمزده و تارومار
 اولمئس اولغله هیچ کسه اکا واقف اوله مامئش و بعض کتاب دخی
 وارد رکہ مؤلفی کیم اولدینی بیانه ممئش و اولوجه لہ قفنی زمان تألیف
 اولدینی مبهم اولمئش اولدیغندن توارخ آل عثماندن ابتدا تألیف
 اولن ان کمال پاشا زاده نك تألیف کرده سی اولان تاریخدر دیو قطعاً
 حکم اولنه مز . جائز کہ برهنوال محرر آندن مقدم تاریخ تألیف
 اولمئس اولده بو آنه دکن برکسہ نك مشہودی اونیہ . الحاصل
 استقرارمز ناقصدر . ولسان نزا کت عنوان فارسیده توارخ آل عثماندن
 ابتدا تألیف اولان ادریس بدلیسینک (هشت بهشت) نامیہ بنام تاریخ
 لطافت اتسامیدر دیو اسمی کتیده یازلمئش و بویله جه بین الادبا مشہور
 اولمئش . لکن راقم الحروف (جمال) داعینک بیانه کوره هشت بهشت دخی
 تألیف اول اولمق ظن غالبدر . وینه معلوم اوله کہ تاریخک حقیقی
 حوادث کونیه دن بر حادثک زمان سابقده سرزده ظہور اولمئش اولان
 بر امر شایعک حدوئنه اسناد ایله وقتی تعیین ایتمکدن عبارتدر . مثلاً
 هبوط آدم علیہ السلام و طوفان و ختان ابراہیم علیہ السلام و هجرت
 نبویہ علیہ اکل التحیہ کبی و سائر مبدأ توارخ اولان امور واقعه کہ
 مثلاً بر ماتک و یا خود بردولتک ظہوری کبی کہ هر بری برامتک ضبط
 حوادثہ مبدأ اولمشدر . امت محمدیہ نك استعمال ایلدیکی هجرت نبویہ
 تاریخدر و امت عیسیہ نك میلاد عیسی علیہ السلام تاریخدر . نته کیم کاتب

چاپی مرحوم (تقویم التواریخ) مقدمه سنده تفصیلاً بیان ایش اوغنه
جمال بینوال بروجہ اجمال ثبت جریدہ سطور اتمکله اکتفا ایلمشدر .



باب اول

کتاب تواریخ متداوله نك شامل اولدینی وقایعك مشتمل اولدینی
زمانك مدتی میندر

معلوم اولدکه (کمال پاشا زاده تاریخ) نده ائیوز طقسان طقوز سنه سندن
یعنی آفتاب سلطنت عثمانیه سینت عن الانکشاف فی الحمایة الربانیة نك
طلوعندن سکیز یوز طقسان بش صفر اخیر اوائله دکین وقوعات
بیان اولمشدر .

(تاج التواریخ) بایله بنام اولمش اولان خواجه تاریخنده کذلک
ائیوز طقسان طقوز سنه سندن سلطان سلیم خان اول حضرت ترینک
اخر سلطنتلرینه دکین حوادث کونیه بیان قلمشدر .

تاریخ مرقومی سلطان محمد خان ثالث حضرت ترینک عهد سلطنتلرنده
مقام ریاسته شرفیرا اولان حسن بک زاده مرحوم اوسط ناس تفهیم
ایده جک صورته تلخیص و اختصار و اولوجه بایه نامنی نوشته جریدہ
احباب آثار ایلمشدر .

وینه ذکر اولان تاریخی بروسة الحروسه خاندان معارفندانندن
جزیه دار زاده بهاء الدین افندی بطریق التتسیح مجدداً قلمه الهرق انشا
و نکاشته سمط املا ایلمشدر .

(هشت بهشت) اسمیله موسوم اولمش اولان تاریخ فرسیده
ینه ظهور دولت عثمانیه دن سلطان بایزید خان ثانی حضرت ترینک عهد

شاهانه لرینه دکین وقوعبولش اولان حوادث یومیه کشیده سلاک سطور قلمشدر . ومؤلف هشت بهشت ادریس بدلیسینک فرزند ارجمندی دفتردار ابوالفضل محمد افندی تاریخ مرقومک ذیلنه همت ایتمکه سلطان سلیم خان ثانی حضر تلرینک اخر سلطنتلرینه دکین واقع اولان حوادث یومیه نك بیاننه مبادرت ایلمشدر .

(محمد محی الدین تاریخ) نده کذاک طلوع کوکبه سلطنت عثمانیه دن مؤرخ مومی الیهک زمانه دکین سرزده ظهور اولش اولان وقایع نکاشته صحیفه بیان قلمشدر .

(درجات الممات فی طبقات المسالك) تسمیه سیله مسمى جلال زاده نشانجی مصطفی بک تاریخنده عاشر آل عثمان سلطان سایان خان حضر تلرینک عهد سلطنتلرنده واقع اولان غزوات ووقایع زیب صحایف آثار قلمشدر .

(نشانجی تاریخی) دیمکه مشهور رمضان زاده محمد بک تاریخی بداعلمدن سلطان سلیم خان ثانی حضر تلرینک اوائل سلطنتلرینه دکین وقوعات کونیه وحوادث یومیه یازلش مفید و مختصر بر اثر معتبردر .

(مرآت کائنات) اسمیه معروف اولان تاریخ سکز قسمه منقسم اولوب اولکی قسمی بداعلمدن دور آدمه دکین ایجاد و بنیاد اولنان معظمات اموری مبین والتی بابه منقسم اولمشدر . اولکی باب اصول اشیانک خلقتی احوالی ، ایکنجی باب عوالم علویه احوالی . اوچنجی باب ملائکه کرام احوالی ، دردنجی باب کوه قاف و ماوراسی وعدد عوالم مخلوقه احوالی ، بشنجی باب عوالم سفلیه احوالی ، الشنجی باب خلق آدمدن اول اولان امم عالم احوالی واقسام ثمانیه دن ایکنجی قسم جناب آدمدن حضرت فخر عالمه قدر مبعوث بیوریلان انبیاء عظام صلوة الله

وسلامه علی نبینا وعلیهم فی الیالی والایام حضراتنک احوالنی ، اوچنجی قسم فخرکائنات علیه اکمل النحیات افندیمز حضرت تلی ایله آل واحباب کرام علیهم رضوان الله الملك العلام حضراتی احوال لرینی ، دردنجی قسم خلفاء حنفاء راشدین وحضرت حسن وحسین رضی عنهم رب المشرقین والمغربین حضراتی احوال لرینی ، التنجی قسم ملوک پسندیده سلوک آل عثمان خلعت خلافتهم الی اخر الزمان حضراتنک مناقب رفیعة المراتبی ، یدنجی قسم ابوالبشر ایله شفیع الحشر علی نبینا وعلیه صلوات الله البر حضرت لرینک ما بینلرنده کذران ایتمش اولان مشاهیر طبقات ملوک وحکام واصول طوائف وائم انام احوال لرینی ، سکنرنجی قسم باعث اختلاف السنه ولغات ومورث جلائل باقطار کائنات و ذکر اسامی وزمره بنی ادمدن ائم عالم احوالی مبین ومعلم مانند هشت بهشت بر تاریخ عنبر سرشت اولدیغی معلوم انامدر .

قره چای زاده عبدالعزیز افندینک تألیف ایتمش اولدیغی (روضة الابرار) اسمیله شهرت شعار اولان تاریخ درت فصل وایکی تکمله بی متضمن اولوب اولکی فصل پیغمبران ستوده خصال علی نبینا وعلیهم صلوات الله الملك المتعال حضراتنک مناقب محمودة العواقبی حاوی ، ایکنجی فصل فخر عالم صلی الله علیه وسلم افندیمز حضرت تلرینک سنین حیات قاض البرکاتلری سلکنه پیرایه بخش اولان فرائد بدایع وقایع کافل ، اوچنجی فصل عهد هایون اسلامده مسند عز و احتشامده فرمانفرما اولان خلفاء راشدین وسلاطین کزین مآثر واثارینی مشتمل وتکمله سی ظهور شعائر شرع محمدی وآین دین احمدیدن مقدم سریر سلطنته قدم نهاده اولان مشاهیر ملوک پسندیده سلوک اوضاع واطوارینی شامل ، دردنجی فصل طلوع کواکب رخشان

دولت ابد پیوند عثمانیاندن تا سلطان محمد خان رابع حضرت تلیرنیک جلوس سعادت مأنوسلرینه دکین سپهر جاه و جلال و مطامع انوار عز و اقبالده غیرت مہر و ماد اولان اہلہ اسمان ملک و دین اجلہ سلاطین نصفت آیین اناراللہ براہین اسلافہم و اطال اعمار اخلافہم حضرت اتک حرکات و سککات و معارک و غزوات و توجیہات و تصرف تلیرنی میندر . مؤرخ مشارالیہ بروسدہ دہ متقی فرش قالیچہ اقامت ایتمش اولدینغی وقتدہ تاریخ مرقومک تکمیانہ ہمت ایایوب سلطان محمدخان رابع حضرت تلیرنیک جلوسلرندن بالابتدا بیک الشمس سکز سنہ سنہ قدر اون سنہک وقایعی حاوی بر ذیل ترتیب ایتمش و ذیل مرقومدہ حوادث واقعہینی واقعہ علی طریق الاختصار افادہ و بیان لکن مقتضای طبعی اوزردہ سرکار دواندہ بولان ذواتہ رموزات غریبہ الہ خیالیجہ اطالہ لسان ایلمشدر . تجاوزاللہ عن سیئاتہ .

کاتب چلبی مرحومک اثری اولوب (تقویم التواریخ) نامیہ بنام اولان تاریخ ہبوط آدمدن مؤلفی مرحومک زمانہ کلنجہ جداولہ ربط اولنہرق بہر صحیفہ سندہ اونر سنہک حوادثی بروجہ اجمال حاوی اولمش و کذران ایدن ملوک پسندیدہ سلوکک و سلاطین آل عثمان حضرت اتک ابتداء ظہور لرندن برو قدر پادشاہ کش و مدت سلطنتلری قچ سنہ سورمش اولدینغی و وزرای دوات علیہ و مشایخ اسلام ساختن سنہدن کش کچمش ذوات کرام معالی اتسامی محتوی بولنمشدر کہ بعد زین الی اخر الایام فہرس وقایع اولہ حق بر اثر معتبردر .

بیک یوز قرق بش تاریخندہ عزم لاهوت ایلمش اولان امیر بخاری شیخی مرحوم شیخی افندی کندی زمانہ دکین تقویم التواریخک ذیلانہ ہمت ایلدیکی بعض قیوداتدہ مسطوردر .

ینہ کاتب چاہی مرحومک اثری اولان (فذلکۃ التوارخ) ده
بیك سنه سی محرمدن التمش بش سنه سی اوائلنه دکن وقوعبولان
حوادث یومیہ وواقعات کونیہ کشیدہ سمط بیان قانمشدر .

(پچھوی) ناریخندہ عاشر سلاطین آل عثمان غازی سلطان سایمان خان
علیہ رحمۃ الملائک المنان حضرت تلیرنک اوائل عہد سلطنتلرندن سلطان محمد
خان ثالث علیہ رحمۃ اللہ الوارث حضرت تلیرنک اواخر زمان سلطنتلرینہ
دکن وقوعبولان حوادث کونیہ رقمزدہ صحیف بیان قانمشدر .

(صولاق زاده تاریخ) ندہ دولت علیہ عثمانیہ نک ظہورندن
سلطان مراد خان ثالث حضرت تلیرنک اخر سلطنتلرینہ دکن سرزدہ
بروز اولان واقعات کونیہ نوشتہ صحیفہ لطیفہ بیان قانمشدر .

سلانیکی مصطفی افندی تاریخندہ سلطان سایمان خان اول حضرت تلیرنک
اوائل سلطنتلرندن یعنی طقوز یوز یتمش بر سنہ سندن سلطان محمد
خان ثالث حضرت تلیرنک اواسط سلطنتلرینہ قدر کہ بیك سکر سنہ سنہ
کلنجہ وقوعبولان حوادث کونیہ ثبت جریدہ انشا قانمشدر .

(کنہ الاخبار) نامیلہ شہرت شعار اولان عالی افندی تاریخی
ارکان اربعہ اوزرینہ تألیف اولتمش و بیك الی خلائندہ تبیض قانمشکہ
اولکی جلدندہ ابتداء افرینشدن حضرت یوسف علیہ السلام قصہ
پر حصہ لرینہ کلنجہ یہ دکن . ایکنجی جلدندہ وقایع جناب یوسف
علیہ السلام دن ولادت باہر السعاده حضرت فخر کائنات علیہا کمل الی حیاتہ
دکن . اوچنجی جلدندہ مصر و شام و حجازہ مستولی اولان حکام
ذوی الاحترام دن احمد بن طولون حکایہ سندن باشلا یوب ملوک ہنددن
سلطان ابراہیم بن اسکندرک امارتہ دکن . دردنجی جلدندہ ظہور
سلطنت عثمانیہ دن سلطان محمد خان ثالث حضرت تلیرنک زمان مسعدت

عنوانلرینه دکین ظهور ایدن وقوعات نوشته صحیفه بیان قلمشدر .
 محمود ندیم بکک منتخباتده سلطان سایم خان ثالث حضر تلرینک
 واسطه عهده سلطنتلرندن پادشاه زمان و شهنشاه دوران ولی نعمتمیز
 افندیمیز حضر تلرینک والد ماجد کثیرالمحمدلری جتتمکان خلد آشیان
 غازی سلطان محمود عدلی خان اسکنه الله تعالی فی غرف الجنان حضر تلرینک
 اوائل سلطنت سنه لرینه دکین وقوعبولان کلدسته حوادث متنوعه
 زیب سرشیشه صحایف انار قلمشدر .

وسلطان سایم خان ثالث حضر تلرینک عصر نده خدمه خاصه دن
 چراغ اولوب شهراماتی عهده سنده اولدیغی حالده فوت اولمش اولان
 جاوید احمد بکک منتخباتی اوله رق جمع وتانیق ایلدیکی مجموعه قافلی
 وقایعنامه سی اندرون هایون فیض مشحونده مشهود عاجزانم اولمشدر .
 وطبعخانه عامر ده طبع وتمثل ایله نسخهلری تکثیر اولمش اولان
 کتب توار یخدن وقعه نویس نعیا افندی تار یخنده بیک سنه سندن بیک
 یتمش سنه سی غایتنه دکین

و نعمانک ذیلی اولان وقعه نویس راشد افندی تار یخنده بیک
 یتمش بر سنه سندن بیک یوز اوتوز درت سنه سنه دکین

وراشدک ذیلی اولان وقعه نویس کوچک چابی زاده عاصم افندی
 تار یخنده بیک یوز اوتوز بش سنه سندن بیک یوز قرق بر سنه سنه دکین
 ووقعه نویس صبحی افندی تار یخنده بیک یوز قرق اوچ سنه سندن
 بیک یوز الی الی سنه سی غایتنه دکین

وصبحی تار یخنک ذیلی اولان وقعه نویس عزری افندی تار یخنده
 بیک یوز الی یدی سنه سندن بیک یوز التمش بش سنه سنه دکین
 ووقعه نویس واصف افندی تار یخنده بیک یوز التمش الی سنه سندن

بيک يوز سکان سکنر سنه سنه دکن مدتده کدزان ایدن سلاطين
آل عثماندن سلطان مرادخان ثالث عليه رحمة الله الملك الباعث حضر تلرينک
اواخر سلطنتلرندن شوکت مآب قدرت نصاب ابدت دولته الی يوم الحساب
افندیمز حضر تلرينک جد امجدلری فردوس آشیان علین مکان سلطان
عبد الحمید خان حضر تلرينک اوائل سلطنتلرينه کلنجه ظهور ایامش
اولان اثار خیریه و حوادث یومیه و وقوعات کونیه و توجیهات مناصب
دیوانیه و علمیه ثبت جریده صحایف قلمشدر .

ویک يوز قرقایکی سنه سی وقایعی قلمه انه مش اولغله اولوجهله
یرسنه لک حوادث نسیا منسیا حکمنده قلمش و صبحی افندی بیک يوز
قرق اوچ سنه سندن بدأ ایله وقایع نامه قلمه المشدر .

(کلشن معارف) بروسه ده دفين خاک عطرناک جناب امیر سلطان
قدس سره ائمان حضر تلرينک جامع شریفی خطیبی و محروسه مرقومه
محکمه سی کاتبی اولان فرائضی زاده السید محمد سعید افندی مرحومک
مالک اولدیغی ملکه استعداد و سرمایه علم و عرفان خداداد ثمره سی
اولمق اوزره هبوط آدم علیه السلامدن یکنه ال عثمان بهانه جوی غایت
واحسان پادشاهمز و ولی نعمتمنز افندمز حضر تلرينک جد امجدلری
مرحوم و مغفورله سلطان عبد الحمید خان غازی طاب ثراه حضر تلرينک
عصر باهر النصر لرینه قدر مدایح برکزیده انبیاء عظام و بالخصوص
سیر جلیله فخر الانام علیه و عایشهم الصلوٰة والسلام و مناقب جلیله خلفاء
راشدین ذوی الاحترام و محامد اولیاء کرام و احوال سنیه ملوک ماضیه
معالی التمام و وقایع بدیعه اسلاف بنامی اون سنه ظرفده حصر اوقات
ووقف زندگانی و حیات ایدرک جمع و ترتیب ایامش اولدیغی تاریخ بهین

حقایق رهنی عتبه علیه عرض و تقدیم امایه بیک اکیوز المی بر
سنه سی محرم الحرامنک اواخرنده مؤرخ مومی الیه درسماعده کیش
وفی حد ذاته تاریخ مرقوم عبارات سایه و تعییرات نفیسه الیه بر آورده
صحایف تألیف اولمش بر اثر جمیل و بو مثلو مؤلفات مقبوله نک ترتیب
و تلفیقنه مقتدر ذوات کرامک طرف اشرف ملوکانه دن نائل الطاف
بی پایان اوله کدکلی ثمره سی ایدوکی دخی وارسته قید دلیل اوله رق
مؤرخ مومی الیه واقعا فضل و کمال اصحابندن و ارباب حال و تصفیة دن
اوله رق تاریخ مز بورک طبع و تمییلندن بشقه بر کونه امی یوغیسه ده
بودرجه لیاقت اربابنک ازهرجهت تاطیفی اوتده دن برو شان مکارمنشان
پادشاهان مقتضاسندن اولدیغنه بناءً تألیف مز بور عتبه شاهانه یه تقدیم
اولندقه مؤلف مومی الیه ک قید مضایقه دن ازاده اوله سی چون برو سه
جزیه سی مالندن ماد بماء مأموری طرفندن المق اوزره بشریوزغروش
احسان و مومی الیه نیازی اوزره تاریخ مز بورک طبع و تمییل
خصوصه دخی اراده سنیه ارزان بیورلمش وراقم الحروف داعیلری
دخی حین طبعنده تصحیحه خدمت و دقت ایلمش و سنه مز بوره
خلالنده مؤلف مومی الیه کلشن عدنه رحلت ایلمشدر رحمة الله علیه .
وقعه نویس شفیق افندی شفیق نامه سنده بیک بوزاون بش سنه سی
خلالنده سرزده ظهور اولان ادرنه وقعه سنی الغاز و اولوجهله نامی
جریده معارف اراده سرفراز ایلمشدر .

اندرون هایون فیض مشحونده با امر پادشاهی مخصوصا وقعه نویس
نصب و تعیین بیورلمش اولان نشانجی عبدالرحمن پاشانک وقایع
نامه سنده سلطان محمد خان رابع حضر تارینک ولادتلی سال میمنت
فالاری اولان بیک المی سنه سی سابع شهر صیاءدن بیک طقه ان اوج

سنه سی رمضان پر فیضانک او چنجی کوننه د کین وقوعات کونیه و حوادث یومیه کشیده سلاک سطور قلمشدر .

سفیر ایران کسریه لی حاجی احمد پاشا معینته موقتا مکتوب خلیق و وقعه نویسلاک خدمتاریله تعیین بیورلش اولان قریمی رحمی افندینک قلمه امش اولدینی سفارتنامه لطافت علامه سی مشهود عاجزانم اولمشدر .
فی الحقیقه میان ادباده مقبول و معتبر بر اثر مختصر در .

وقعه نویس انوری افندینک دفعه اولاسنده بیک یوز سکان ایکی سنه سندن سکان سکر سنه سنه د کین ضبط ایلدیکی وقیعی واصف مؤخرأً تبدیل و تغییر ایدرک کندی تاریخنه جلد ثانی اعتبار ایامشدر و دفعه ثانی و ثانیه سی بیک یوز طقسان سنه سندن باشلامش و اول اثناده معزول اولوب بهجتی حسن افندی و شیشمان سلیمان افندی متعاقباً وقعه نویس اولمشدر ایسه ده مدت قلیله ده ینه مومی الیه خدمت سابقه سیله بکام اولدقده بتکرار تحریر ده بداء برله طقسان اوچ سنه سنه د کین ضبط ایلدیکی دخی بشته جه بر قطعه اولدقده سایحدار محمد پاشا صدارتله چراغ اولدینی زمان ینه ضبط وقایعه مبادرت ایلمش و هر بر قطعه سنه بشته بشته دیباجه لر یازمشدر . نسخه سی نادر اولدینندن همان بر محله مشهود داعیانم اولمشدر .

وقعه نویس ادیب افندی مرحومک بیک ایکوز سنه سندن بالابتدا ضبط ایلمش اولدینی اوچ بش جزیدن عبارت اولان وقایعنامه سی بعض محالده کورلشددر . مفید و مختصر بر اثر معتبر در .

وقعه نویس نوری بک بیک ایکوز طقوز سنه سندن بداء برله اون اوچ سنه سنه د کین واقع اولان حوادث کونیه یی نوشته حقیقه بیان

ایلمش وبر نسخہ سنی قان پدری شیخ الاسلام اسبق عاشر افندی
کتبخانہ سنبہ وضع قلمشدر .

وقعہ نویس واصفک بیک یوز التمش الی تاریخندن ایکوزیدی
تاریخنہ کلنجہ یعنی الی برسنہ دنبرو دولت علیہ دہ وقوعیاقته اولان حوادث
یومیہ وظہورات کونیہ نسق واحد اوزرہ چکیدہ قلم نادرہ رقی اولمش
اولان وقایعنامہ سندن ایکی جلد اعتباریلہ اولہرق بیک یوز التمش الی
سنہ سندن بیک یوز سکسان سکر تاریخنہ کلنجہ دکن تلفیق ایلدیکی تاریخ
طبعخانہ عامر دہ طبع وتمثیل اولمش ، اندن ماعداسی نہ محلہ قالدیغی
بیانہ تمش ایسہ دہ انحق ایکوز اوچ تاریخندن ایکوز طقوز سنہ سنہ قدر
الٹی سنہ لک وقایعی شامل مرحومک خط دستیلہ بر قطعہ ذیل تاریخی
مشہود کترانہم اولمشدر . ذیل مرحومک مقدمہ سندن ادیب افندی ایلہ
انوری افندی یہ خیالیدن خیلی تعریضات خفیہ یی شامل سوزسویلمش
ومومی الیہمانک ضبط ایلدکاری وقایعی مؤخرأً با امر ہایون مجدداً
قلمہ المشدر .

وایکوز یکرمی ایکی سنہ سی اردو سندن بلوکات اربعہ مناصیلہ
وقعہ نویس بولسوب بعدہ آمدجیلک عہدہ سندن اولہرق ادرنہ دہ
فوت اولان وقعہ نویس محمد پرتو افندیلہ خانی وقعہ نویس عامر بکک
ضبط ایلدکاری اوچ بش جزء دن عبارت اولان وقایعنامہ مومی الیہ
عامر بکک عزلیلہ یرینہ نصب اولنان وقعہ نویس عاصم افندی یہ تسلیم
اولنحق اوزرہ ادرنہ دن استانہ سعادتہ کوندرلشدر . مومی الیہ عاصم
افدینک وفاتندن صکرہ مجموعی خانی شانی زادہ عطاء اللہ افندی یہ
ویرلشدر . وقعہ نویس شانی زادہ حین نصبندن ایکوز او توزیدی
سنہ سنہ قدر ضبط ایلمش اولدیغی ایکی سنہ لک وقایع ایلہ سلفلرینک

وقایعنامه لرینی حالا وقعه نویس بولنان شیخزاده نقیب الاشراف سماحتلو
اسعد افندی به تسایم ایلمش اولدیغی تحقیق کرده فقیرانه اموشدر .

باب ثانی

ذوات علیه طرفندن مأمور اولیوب انحق عروق و اعصاب و عظامز نما یافته
برورش نعمتلی و اسایش و بقا و قیامز منوط دوام شوکت و سلطنتلی اولوب
جلال اثار خورشید اشتهارلرین قید مجله کائنات و مائر جمیله غنوا لیرین ثبت
کبابه نه طباق سموات قیلمق مقوله تشکر حقوق نعمتلرندن معدود و بلکه
التقام قند نباتدن اند و مورود اولدیغی کاشمس فی وسط النهار ظاهر و اشکاردر
دیه رک خود بخود تواریح ال عثمان ابدالله تعالی سلاتهم الی اخرالدوران
افندیلریمز حضراتی ضبط و تحریر ایله تألیف کتابة موفق اونس و ایوم
تألیفلی ایادی ناسده متداول بولنس اولان ذوات معارفستک ترجمه
حالی بیاندهدر

کمال پاشا زاده

مولانای مشارالیه رحمه الله علیه خلد آشیان سلیمان سلیم خان
اول حضرتلرینک عصری مشاهیر علماسندن احمد شمس الدین
افندیدرکه پدرلری کمال پاشا زاده سلیمان بکدر . مشارالیه کمال پاشا
مولانای مشارالیهک جد امجدلری ایسه ده جدینه نسبتله شهرت
بولمشدر . فضل مشارالیهک عامه علومده تعمقی و کافه فنونده تفوقی
انار جایله سندن معلوم و مجزومدر . برفن یوقدرکه انده مهارتی اولیه
وانواع تصرفات و اختراع اتمکه یول بولمیه . فذا لکه الکلام جمله تألیفاتی

سرآمد و ممتاز اولمش و مدون کتاب و یا رساله اولدوق یازم دینی فن
آز قالمشدر .

آمان علمده شهباز و فضل و عرفانده سر فراز ایدی . عنفوان
شبابنده تقدینه عمر عزیزینی تجارت علوم عالیہ و آلیہ صرف ایلیوب
بعده جد امجدلری امرای دولت عثمانیه اولمغله عهده لرینه تیمار وزعامت
توجیه و اولجه تله قدر و اعتباری تنویه اولمش ایکن تحصیل کلات
نیتله ترک زعامت و (ملا لطیف) دن تعلمه مبادرت ایتش و (ملا کستل)
و (ملا خطیب زاده) و غیردن دخی بعض علومی اخذ ایله شهرت بولش
اولدقده ادرنده سلطان بایزید مدرسه سنه مدرس . بعده سلطان سلیمان
خان اول حضر تارینک عهده قاضی عسکر لکدن منعزل و بعض حسودک
افتراسی سببیه التفات پادشاهیدن دور . بعده احوالی تحقیق اولدقده
عفوه مقارنتله ادرنده دارالحدیت . بعده ینه مدرسه سلطان بایزید .
بعده دارالخلافه ده مرحوم (علی چای) یرینه شیخ الاسلامق ایله
مسرور اولمش و طقوز یوز قرق سنه سنده ارتحال دار بقا ایلمشدر .
طائفه جن دخی استفتا ایلدکلری روایت اولندیگی ، بوامت مرحومه
علماسنه نظراً استبعاد اولماز . یکریمی جلد مقداری کتاب ویوزدن
زیاده جه رساله تصنیف و جغتای لسانی اوزره توارنخ آل عثمانی شامل
مفید و مختصر بر کتاب لطافت نصاب تألیف ایلمشدر .

خواجه سعدالدین

مولانای مشارالیه رحمه الله علیه (حسن جان ابن جمال)
تبریزینک مخدوم فضائل موسومی اولوب سلطان محمد خان ثالث علیه

رحمة الله الملك الباعث حضر تلرینه جلوسلرندن مقدم تعایم علوم نافعیه
مأمور و عهد سلطنتلرنده دخی پادشاه مشارالیهک خواجه لکیلیه
خدمت فتوایی جمعه مشهور اولان (قوجه خواجه) افندیدرکه مستشار
امور ملک و ملت و محرم اسرار مصالح سلطنت اولغله اول عصر باهر
النصرده متعین اولمش ایکن بیک سکنز سنه سی شهر ربیع الاولنک
اون ایکنجی پنجشنبه کونی دیدنه مستحسنه دولت علیه دن اولدینی اوزره
منقبتنامه ولادت نبویه علیه افضل الصلوة والتحیه قرائت اولمق اوزره
ایاصوفیه جامع شریفنده تصمیم قلمش اولان جمعیه عزیمت ایچون
تجدید وضوئه نیت ایتدکاری خالده فجئه دارالنعیمه ارتحال ایلدیلر.
نعش رحمتنقشی ابوالفتح سلطان محمد خان جامع انوار لامغه احضار
و خافلری اولان مفتی الانام (صنع الله) افندی امامته اختیار اولنوب
اولاد کرامی درت نفر علما که عماد دین و دنیا و فضل بی همتا ایدیلر
تابوتی بردوش ایدوب حضرت خالده جوارنده اعداد ایتدکاری
دارالقرا خطیره سنده دفن ایتدیلر رحمه الله تعالی .

حسن بکزاده

مشارالیه طقوز یوز طقسان اوچ خالنده خادم سایمان پاشایه
رئیس الکتاب اولان کوچک (حسن بک) ک فرزند معارف
ارجندی اولغله بو عنوان ایله شهرت شعار اولوب و الولد صنوابیه
طریقه سندن پدر پرهنری اثرنده رفتار و کتبه دیوان هایون زمره سنه
التحاقه میل و ابتدار ایتمکین بیک یدی سنه سنده وارات سفرینه مأمور

و آخر سنده قشایه مأذوناً استانیه قفول و ابراهیم پاشای مسند صدرارده بولوب تذکره جیلکاری خدمته موصول و اسرار دولت تحریری ایله معتبر و مقبول اولدقدنصکره صدر مشارالیه بیک طموز سنده سنده قنیره سفرینه متوجه و اول ائنده رئیس الکتاب حمزه افندی میخالک ایلچیسو دیموی استانیه ایصاله مأمور اولدقد میر مشارالیه مسند ریاسته شرفیرا اولوب قنیره فتحنامه سی مشارالیه انشاسیله کشیدد سالت تقریر و تحریر قلمش اولدیغندن تشریفات سنیه دن شمشر و خلعت ایله کامیاب و مشارالیه ابراهیم پاشانک ارتحاندنصکره صدراعظم یشی حسن پاشایه دخی رئیس الکتاب اولدینی تاریخندن مستفاد در . بیک اون سکر تاریخنده اناطولی دفتر داری بولوب جلالی مقتول یوسف پاشانک محلفاتی ضبط و تحریر مأمور اولدینی دخی بعض توارینده مسطور در . مشارالیه خواجه مرحومک تاریخی عبارات و فقراتی تسهیل صورتنده انتخاب و اختصار و وقایع سایمیه دن اشاعیسی کند و طرفندن تذیل و از بار ایدوب دیباجه سی سلطان مراد خان رابع حضر تارینک عنوان و دعائی و شیخ الاسلام یحیی اندینک مدایح و ثنائی ایله تجلیه و تزیین ایدرک وقایع سلطان احمد خان اولده ختم ایتدیکی مشهود و حوادث سلطنت مرادیدینی دخی بیان و اضافانه ایتک ماده سی تاریخنده موعود اولمقدن بیک اوتوز بش تاریخلرینه دکین معسر اولسی منفهم اولمشدر .

جزیه دار زاده بهاءالدین افندی

مومی ایه خندان اهالی بروسدن جزیه دار زاده الحاج حسین

اغا زاده محمود افندی مرحومك فرزند فروزنده سی احمد بهاء الدین افندی در كه بیك یوز المی درت سنه سی خلائنده محروسه بروسه ده زیب كهواره وجود اولوب سنی حد تمیزه بالغ اولدقده علوم عربیه یی بلده سی علماء بنامندن خواجه ابراهیم افندی تحصیل واغات فارسیه یی دخی محروسه مرقومه مدرسلرندن قالتاچی زاده افندی تعلیم وتكمیل ایلمش و بیك یوز یتش اوچ سنه سی جمادی الاولای غره سنده دارالخلافه العلیه مدرسلکی رؤسایله بارتبه خرج طریق علمیه یه داخل و بعد المدارس بیك ایکیوز اتی سنه یی شهر ربیع الاخری غره سنده حكومت حلب ایله مرادینه نائل وایکیوز سكر سنه یی شهر رمضان شریفی غره سنده رحمت حقه واصل اولمش و محروسه مزبورده مدنون پدری مومی ایله محمد اندینك جوارنده دین قلمشدر . مرحوم مومی ایلك اثری اولان (صالحیه) نام و فیاتنامه سنی اعم علماء اعلام وافضل فضلاء صدور عظامدن استاذ اکرم عینتانی السید محمد منیب افندی مرحوم مصالعه ایلدك رنده حد دن افزون تحسین و قلم بلاغت رقمایله بتقریض ترین بیوره شلردر . بیك یوز مكسان یدی سنه سی . خلائنده خواجه تاریخی تنقیح صورتنده مجدداً قلمه آله رق انشاء لطیف ایله تدوین ایلمش و نسخه سی بروسه ده واقع کتبخانه سنه وضع اولمغله آلوده غبار کنج نسیان اولمق درجه سنه وارمش ایکن ایکیوز اوتوزیش سنه سی ظرفنده حمده الادبا ، رئیس الاطبا بهجت اندی مرحومك استنساخ ایتدیرمش اولدینی نسخه نفیسه مشهود عاجزانه اولمشدر . حق بوکیم مؤلف مرحومك اشبو اثری دلیل فضل وهنری اولدینی کاشمس فی وسط النهار ظاهر واشکاردر .

ادریس ابن الشیخ حسام الدین بدلیسی

مولانای مومی الیه رحمة الله علیه شاهان عجم دیوانده موقع ایدی .
 شاه اسمعیل خروجنده مکّه مکرمه ید رحلت ، بعده دیار رومه موصلت
 ایلمش و سلطان بایزید خان ثانی حضرتلرینک مظهر غایتلری اولمش
 و طرف باهر الشرف ملوکانه دن مستوفی معاش احسان بیورلمشیدی .
 لسان تراکتیشان فارسیده ظهور دولت عثمانیه دن مشار الیه سلطان
 بایزید خان حضرتلرینک عهد سلطنتلرینه دکن تاریخ دلکشا انشا
 و تحریر و (هشت بهشت) نامیله تشهیر ایلمشدر . مومی الیه انشاسی
 سریع و نظم و نثرده ساحه اقتدارى وسیع و دیار عجمده دخی فضیلتله
 متعین و علوم شتاده زیاده سیله متفنن ایدی . عربی و فارسی مؤلفاتی
 لایعد و لایحصى قصائد عربیه و فارسیه سی خارج حد احصادر . سلطان
 سلیم خان اول حضرتلری دخی صحبت مسرت افزاسنه میل و رغبت
 و اول جهتله شایان رأفت و مکرمت بیورمشلردر . طقوز یوز یکر می
 الی سنه منی خلالنده ارتحال دار بقا ایلمشدر .

ابوالفضل محمد افندی

سالف الترجه ادریس بدلیسینک فرزند ارجمندیدر که طریق علمیه یه
 سالک و کمال فضل و بلاغتله اشتهاره مالک اولدقدنصکره سمندره
 ورودینک قاضیسی ایکن قرمان قضاسنی تحریره مأمور ، بعده باطولی
 دفتر دارانی منصب والاسی الیه مسرور اولوب ، بعده معزول اولمش

ایسه ده حقنده علو همت پادشاهی بیدریغ اولدیغندن باش دفتردارلق منصب جلیلی ایله نیجه مدت دولت علیه یه صادقانه خدمت و غیرت و طقوز یوز سکسان یدی تاریخنده دار بقایه رحلت ایلمشدر .

محمد محی الدین افندی

مولانای مومی الیه شیخ الاسلام زنبیلی علی جمال افندی سلاله سندن اولوب سلطان سلیم خان اول حضر تارینک زمان مسعدت نشانلرنده موجود علماء اعلامدن معدود بولوب اولا والد لارینک جدی حسام زاده افندیدن ، بعده پدر لری علاء الدین افندیدن ، بعده مؤید زاده افندیدن علوم عقلیه و نقلیه تحصیلی ایله تعین ایلدکده استانه علیه ده مراد پاشا مدرسه سی توجیه ، بعده مدارس سخن ثماندن بری ایله ترفیه . بعده ادرنه مولویتی ایله قدری تنویه و بعد العزل ینه سخن ثماندن بر مدرسه توجیه اولندقدنصکده یومی یوزاچقه ایله متقاعد اولمش و طقوز یوز الی انتی تاریخنده دار جنانه ارتحال ایلمشدر .

مومی الیه محب مشایخ و صالحا و امور ناسدن معرض و مأمون الغائله بر مرد دانا ، اصول فقهده اقراننه فائق و علوم سائر ده اعلم اهل العصر دینکه لایق فاضل فواضل شمائل ایدی . رحمه الله تعالی .

جلال زاده قوجه ناشنجی مصطفی بک

مشارائیه سلطان سلیمان خان اول حضر تارینک عصری علما سندن

ایکن کندی اختیار یله امور قضادن فارغ و متقاعد اولدیغی حالده طقوز یوز اوتوز بش سنه سی خالانده عازم دار جان اولمش اولان قاضی جلالک فرزند فروزنده اختریدر . اناطولیده واقع طوسییه قضاسنده بدیدار ونجابت و فطانتله شهرت شعار اولدرق عصری علماسندن تحصیل علم و عرفان و تکمیل نام و شان ایدوب خط دیوانیده حائز کمال رجحان اولمغین سلطان سایم اول حضر تلرینک دور یجورنده کتبه دیواندن معدود و سلطان سایان خان اول حضر تلرینک زمان سعد اقتراننده صدر اعظم ابراهیم پاشایه انتساب ایله بین الامثال مغبوط و محمود اولوب صدر مشارایه مصر والیسی خاآن احمد پاشا فتنه سندن ناشی طقوز یوز اوتوز تاریخنده مصره مأمور اولدقدن تذکره جیایکی خدمتیه کیدوب طقوز یوز اوتوز بر خالانده مصر دن عود تارنده رئیس الکتاب اولمش ایدی . طقوز یوز قرق بر سنه سی بغداد فتحنده موقع دیوانی اولان سیدی بک وفات ایتمکه آنک مقامنه نشانی و اوجاهله یکر می درت سنه معول علیه امور دیوانیه و مشکاکشای قوانین عثمانیه اولدرق اوچیوز بیک اچقه خاص و مزید التفات ملوکانه ایله کسب اختصاص ابتدا مشارایه میسر اولوب طقوز یوز التمش درت سنه سنده واردات معینه سییه نقاعد اختیار و متفرقه باشیاق ایله امرار لیل و نهار ایدرک طقوز یتمش درت ظرننده سکتوار سفر نده بتکرار طغراکش و طقوز یتمش بش شهر ربیع الاخر نده منشور عمری ظومار دست اجل سرکش اولمش و « النبی رحمت ایله مصطفایه » مصر اعی تاریخ وفقی اولمق اوزره سنک مزارینه یازمشد . مشارایه ابوانسکارم کنیه سیله معنون و نشانی مخلصیه ذات بی همتایی مزین و امور معظمه ده امین و مؤتمن و فقرا و ضعفایه شفیق و مأمور اولوب

(درجات الممالك فی طبقات المسالك) نام تاریخ و اسماء حسناتك شرحی متضمن اسلوب غریب و رفتار دلفریب اوزره (مواهب الخلاق فی مراتب الاخلاق) اسمیه موسوم مؤلف و لسان فرسیدن سبک ترکیه ترجمه قلمش اولدینی (معارج النبوه) و آثار سائر مشارالیه نظم و نثری عنوانات کلامده یکسان و علم و هنری مزینده توأمان اولدیغنه دلیل واضح اولهجنی بی اشتباهدر. ابو ایوب الانصاری رضی عنه الباری حضرت تارینک جوارنده جامع و حمام و خلوتیه ایچون خنقاء بنایا یاش و جمع مزبور ساحه سنده مدفون اولمش ایدوکی بعض تواریخده مشهور داعیانده اولمشدر. مشارالیه برادری موالی الخامدن (صالح افندی) شعر و انشاده برنامدار هنور و دادر دیکری (عطاءیه بك) عطائی مخاصیه زمره شعریه سر دفتر ایدی رحیم الله تعالی .

رمضان زاده نشانجی محمد بك

مشارالیه ایلدولیده مرزیفون قضا سنده بدیدار اولوب رمضان زاده دینکاره اشتیاق و ماء روزه کبی قدر و اعتبار بولمش ایدی . تحصیل علم و معارفه صرف تقدیم اوقات و قبل علم و صنعت کتابت اولدیغی اشبات ایلدکده مانند قلم ضریق کتابته سات و مثال سطور منظم کتاب دیوان سلطانی ساینکه منسلک اولمش ایدی . قطع درجات جه و جلال و سیر منازل عز و اقبال ایدرک ولایت حلبده دفتر دار مال و دفتر آمالی فائز عنوان سعادت مال اولمش ایدی . طقوز یوز التمش بش سنه سنده طغراکش دیوان سلطانی و مفتی مشککشای قانون عثمانی اولدی . طقوز یوز تمش

سنه سی ختامنده الی بیک اچہ زعامتہ منقاعد اولوب طقوز یوز یتیش
طقوز جمادی الاولاسنده دار بقایہ رحلت ایامشدر رحمہ اللہ .

مرآت کائنات مؤلفی محمد افندی

عاشر سلاطین آل عثمان سلطان سلیمان خان حضرت تریسک زمان
معدلت نشانلرنده نشانچیلق منصب جایی ایلہ مغبوط الاقران
وتألیفکرده سی بولسان (تاریخ مختصر) ی شهرتکیر جهان اولان
ترجمہ سی سبقت ایلیان رمضان زاده محمد بک افندینک فرزند ارجمندی
اولوب طقوز یوز التمش اوچ سنه سی جمادی الاولاسنده طریق فیض
رفیق علمایہ بارتبہ خارج داخل و طقوز یوز یتیش بر جمادی الاخرنده
مکہ مکرمہ مولویتنہ نائل و طوز یوز یتیش درت شهر ربیع الاخرنده
قضاء مصرہ و طقوز یوز سکسان الی سنہ سنده مدینہ منورہ مولویتنہ
واصل اولوب سنہ مزبورہ صفراخرینده شام شریفہ ایک، مرحلہ
قریب محلہ منزل وجوددن رحلت و محمل بند عالم اخرت اولدقده
جنازہ سی شام شریفہ بالثقل مقابر صالحینده مدفون و عالم و فاضل
ذی فنون صاحب الآثار عارف نامدار احمد افندینک پور پرنوری محمد
افندیدرکہ طقوز یوز التمش ایکی تاریخنده مرزیفونده زیب قاط شہود
و طقوز یوز یتیش بر سنہ سی والدینی ایلہ آستانہ شرفورود اولوب
نقد عمرینی صرف کالای علم و ادب ایدرک کنجینہ علم و عرفان اولوب
طقوز یوز طقسان تاریخنده طریق علمایہ داخل و بیک درت سنہ سی
جمادی الاولاسنده بغداد قضاسنہ نائل و بیک سکیز شهر ربیع الاولنده

یکشهر مولویته واون ایکی صفراخیرنده اسکدار قضا سنه واصل اولمش واون درت ذی الحجه سنده عهده سنه نانیا اسکدار مولوی تی توجیه و بیک یکر می شعباننده حلب قضا سنه ترفیه اولمش ایکن یکر می بر جمادی الاخره سنده بغداده نقل قلنمش ایدی . بیک یکر می بش شهر ربیع الاولنده نانیا حلب قضا سنه بکام و یکر می الی جمادی الاخره سنده مکه مکرمه مولوی تیه محسود الانام اولمشیدی . بیک اوتوز بر سنه سی شهید سلطان عثمان خان حضرت تری له سفردن کلورکن بابا اسکیمی منزلده مولانای مشارالیه ادرنه قضا سنی احسان بیوروب سنه مرقومه صفراخیرنده ضبط ایامک اوزره عازم اولمشیکن اثناء طریقده ارتحال دار بقا ایلمش و شهر ربیع الاول واسطنده جسدری امیر بخاری زاویه سی ساحه سنه بالنقل دفن قلنمشدر .

مرحوم مشارالیه رحمه الله علیه اثار جلیله سی حددن افزوندر . از جمله ابتداء بداء عالمدن اواخر دولت سلیمانیه به کلنجیه دکن جمع وتلفیق ایلمش اولدینی (مرآت الکائنات) نام کتاب فوائد اتسامی بین العلما مشهوردر . اسکنه الله فی الجنه .

قره چلی زاده عبدالعزیز افندی

مولانای مشارالیه خلد آشیان سلطان سلیمان خان اول حضرت ترینک شهزاده لری سلطان مصطفیانک خواجه سی اولوب طقوز یوز قرق بش خلانده دار بقایه رحلت ایلمش اولان قوچوی قره چلی زاده محی الدین افندیکن حمیدی شیخ حسام الدین افندیکن مخدومیدر .

اولاً ملازم و طریقی علمه عازم اولوب بعدالمدارس مکّه مکرّمه
 واستانبول قاضیسی اولوب سلطان مراد خان رابع حضرتلری ادرنده
 اطوار ناشایسته سین استماع ایلدکده قبریسه نفی ایتیشلر ایدی . بعده
 وکلای دولت رجاسیله اطلاق اولمغله استانه علیه کلش و بیک اللی
 نارنجده دیمتوقه قضاسی بروجه آرپهلق توجیه اولمش و بیک اللی
 سکز خالنده سلطان محمد خان رابع حضرتلرینک جلوسلری ائاسنده
 روم ایل قاضیعسکری اولوب تألیف ایلمش اولدینگی تاریخی عتبه علیه
 تقدیم ایلدکده شیخ الاسلامق پایه جلیلی ایل قدر و اعتباری ترفیع
 قلمش . بعده مفتی الانام بهائی افندی منعزل اولمغله مشارالیه شیخ
 الاسلام اولمش و بر مدتدن صکره بعض قیل و قاله بناءً عزل و ساقزه
 نفی اولنوب ، بعده منقاسی بروسه یه تحویل اولمغله بروسده اجدادندن
 منتقل منزله مقیم ایکن بیک التمش سکز سنه سی شهر ربیع الاول
 غره سنده وفات ایلمشدر .

متوفای مشارالیه زیاده سیله غضوب اولوب طعن و دخل ایله کسر
 خاطره مائل و معارف و هنرده اقرانه فائق بر فضل ایدی . درجه
 علمنه ائاری شهادت ایدر . از جمله (روضه الابرار) نام تاریخی تحریر
 ایتیش و مبدأ آمدن سلطان محمد خان رابع حضرتلرینک جلوسلرینه
 کنبجه علی طریق الاختصار تسطیر قیامشدر . بعده بروسده تکمیلانه
 همت ایایوب مبدأ جلوس مشارالهدن بیک التمش سکز سنه دیکن
 اون سنه ناک وقایعی حافل بر ذیل ترتیب ایلمش . لکن مشربی مقتضاسنبجه
 تعصب و ادیسین اختیار ایدوب ارباب دولتک جمله سنه حرف اندازلقده
 قصور بر اقامشدر رحمه الله .

کاتب چلبی


مصطفی بن عبدالله الشهیر (بحاجی خلیفه) کان کوهر عرقان
 و کوهر کان اکوان اولان استانه علیه دن نمایان اولمشدر . عسکری
 طائفه سندن بر مردك رسته رسته نسبی اولوب شمع نور افشان هدایت
 دلیل راه رشادی و مرشد خیر خواه توفیق پیشوای سمت سدادی
 اولمغین مقدمات علمی تفهم و صنعت کتباتی تعلم ایله کردن استیالی
 جواهر معارف ایله مزین و متاللی و جیب همتی نقل لطایف ایله
 معالی اولدقدده بر رسم معتاد زمره عسکریه یه دخول مراد ایلدکده
 بیک اوتوز ایکی تاریخنده اناطولی محاسبه سی قلمنه شا کرد اولوب
 اوتوز اوچده ترجان سفرینه روان و اوتوز بشده بغداد سفر ندر نصکره
 باش مقابله ده شا کردلک ایله شادان اولمشدر . بیک اوتوز یدیده
 ارضروم محاربه سنده بولنوب اوتوز سکزده عسکر اسلام ایله استانبوله
 داخل اولدقدن نصکره بسط خوان افاده برله صیت اشتیاری فوق العاده
 اولان رئیس المشایخ قاضی زاده افدینک درس و وعظی استماع ایلیوب
 هم شریف تحصیله ترغیه دائر و جهل و ضالان ترهیه متدائر کلمات
 جواهر سماعن منکوش کوش هوش ایدوب اول آن زمان اختیارین
 تحصیل سمتنه اماله برله مقدمات علوم آیهی شیخ مومی الیهدن اعاده یه
 اغاز و بر سنه ظرفنده تحصیل ملکه ترکیب و اعراب ایله بین الاقران
 ممتاز اولمشدر . بیک اوتوز طقوزده همدان و بغداد سفر لرنده بولنوب
 قرق برده ینه استانه یه وصول و شیخ مومی الیه حلقه افاده سنه
 دخول ایدوب ایکی سنه علی الدوام تفسیر قاضی و احیاء علوم و شرح

مواقف و درر و طریقت نسخه لرندن کورمشدر . بیک قرق اوچده
 مسند ارای دیوان وزارت اولان ارنبود محمد پاشا علی حسب الامر
 استرداد بغداد مهماتن تدارك و اعداد ایچون حلب قشله سنده قرار
 ایتدکده مومی الیه کاتب چاپی حج شریف و زیارت روضه نبویه علی
 صاحبها افضل التبحیه نیت خالصه سیله حلبدن چیقوب حجاز سفرینه
 عزیمت و بعد اداء الحج اردوی همایون دیار بکره قفول ایتزدن مقدم
 عسکر اسلامه عودت و اول سنه حلب قشله سنده اقامت و علماء حلب
 الیه مصاحبت و مباحثه علمیه یه میل و رغبت ایتمشدر . بیک قرق درت
 سنه سنده سلطان مراد خان رابع حضر تلیله روان تسخیرنه قیام
 و قرق بشده فتح و ظفر الیه خدمت مزبورده قرین التیام ایتدکنصکره
 تصحیح نیت و تصفیة عزیمت برله جهاد اصگردن جهاد اکبره رجوع
 اولا کوریلوب علم شریف تحصیلنه بقیة عمرین تعیین ایدوب رزق
 مقدری اسباب علمه صرف اولمق مقرر قیلوب اوچ سنه حرص
 عظیم الیه اشتغاله شروع ایلمش ایدی . عزیمت سابقه لرنده مستبید
 اولملریله بیک قرق سکزده سلطان مراد خان رابع حضر تلیله بغداد
 استخلاصنه روان اولیوب عصرنده فضل و عرفان الیه مشهور اعرج
 مصطفی افندیدن تعلم و تفسیر بیضاوی درسارین استماع و تفهم
 ایلمش ایدی . قرق طقوزده ایاصوفیه جامعنده احباب درساعمدن
 کرد عبدالله افندی و سلیمانیه ده کخی محمد افندی درسارینه حاضر
 اولور ایدی . سهرانی ولی افندی دن منطق و معانی و بیان قون
 جلیله سن اخذ ایلمش ایدی . الی ایکیده شیخ مرقومدن علم حدیث
 شریفی اتقان ایدوب بر مقتضای صدق همت اون سنه مقداری راه
 طالب و استفادده اساتذیه خدمت ایتدکنصکره اولمقدار زمان دخی

صندجۀ دل و جان و درج دهان پر عرفان میدان افاده ده کشارقیامغه
مبادرت ایدوب اولاً مقدمات فنون تعلیمنه شروع ایلمش ایدی . الی
بشده واقع کرید سفری تقریباً هیئت و هندسه و حساب تخصیصه زیاده
میلی اولمغه استاذ سابق مومی الیه اعرج مصطفی افندیدن هر برین
استفاده ایلمشیدی . اول اثاده مزاجلرینه انحراف طاری اولمغین
تعديل مزاج سبیلله فن طبه دخی انتساب ایلیوب منظومه احوالن
قرین التیام ایتشیدی . بیک التمش سکر سنه سنه کانیجه نقد عمر عزیزین
طلبة علوم ایله مدارسیه صرفله تییض اوراق نهار و تسوید صفحات
لیال اوزره ایکن التمش سکر حدودنده عمری تمام و دوده آفتاب
حیاتی فاصل نقطه انجم اولدی .

مرحوم مومی الیه فضائل جایلله و علم تواریخه بالا طرف انتساب
ایله مشهور و تکلفات عادیهدن معرض و مشاغل علمییه متمحض
« التناعة کنز لایفی » حدیث شریفی مصداقنجه پیغوله نشین کوشه
قناعت و تحصیل مراتب یولندن محتجب بر ذات ستوده صفات ایدی .
انار علمیهدن (کشف الظنون عن اسامی الکتاب و الفنون) اسمیه
موسوم بر اثری واردرکه ابتداء شغندن کرک استانه عالیله و کرک
واردینی بلاد اسلامیهدن ظفریاب اولدینی نیجه بیک مجدد کتانی
و موضوعات علوم کتابلرنده مسطور اولان اوچیوزدن متجاوز فنونی
حروف تهجی ترتیبیه جمع و تحریر ایتدکنصکره نیجه مباحث و مسائل
غریبه یازمشدر . الحق بر اثر لطیفدرکه جمیع علومه و کتبه علم اجمالی
حاصل اولور . و علم محاضرته (تحفة الاخبار فی الحکم و الامثال) نام
تألیفی و فن جغرافیاده (جهانما و اواع النور) اسمیه موسوم اطلس

مینور ترجمہ سی و (رونق السلطنہ) عنوانیہ معنون قسطنطنیہ تاریخی و بیک تاریخندن التمش بش سنہ سنہ ظہور ایتمش اولان البشیر وقعہ سنہ کانجہ ضبط اولمش اولان (دستور العمل) اسمیہ مسمی اولان فذلکسی و ہبوط آدمدن الی آخرالایام فہرس وقایع اولہرق (تقویم التوارخ) نامیہ بنام و متداول اثر معتبری و فوائد عوائدی شامل رسائل عدیدہ سی و خاتمہ تألیفاتی واقع اولان (میزان الحق فی اختیار الاحق) نامیہ شہرتکیر آفاق اولان اثر دلپذیری مرحومک جامع اشکات علوم و معارف اولدیغنه برہان بی کاندہ رحمہ اللہ تعالیٰ.



شیخ امیر بخاری محمد شیخی افندی

عزیز مومی الیہ کبار نقشیہ دن امیر بخاری قدس سرہ الباری حضرت تارینک استانہ علیہ لرنده واقع زاویہ لرنده پوست نشین ارشاد بر ذات صاحب رشد و سداد ایکن بیک یوز قرق بش سنہ سی عازم عالم لاهوت و واصل رحمت ذی الملک و الملکوت اولمشدر . مومی الیہ بین المشایخ علم و عرفان الیہ ممتاز و تقویم التوارخ الیہ شقایق ذیلی (عطائی) یی تذیل ایتمککہ میان ابدادہ سرفراز اولمشیدی . ذیل عطائی ذیلنک جلد اولی بیک قرق اوچدن بیک طقسان سکر سنہ سی غایتہ دکن و ایکنجی جلدی بیک طقسان طقوز سنہ سی ابتدا سندن بیک یوز اوتوز سنہ سی غایتہ وارنجہ جمع و تلفیق اولنوب بعدالتبیس سلطان احمد خان ثالث حضرت تارینک عتبہ لرینہ تقدیم قلمش اولان ایکی جلد ذیل الذیل ، سلطان عبد الحمید خان اول حضرت تارینک کتبخانہ بی بہانہ لرنده

موجود اولمغه مشهود کترانه اولمشدر . بعده عزیز مومی الیه مدت حیاتی منقضیه اوانجهیه قدر وقوعبولان و فیات اعیانی دخی ضبط وجریده سنه قید ایدوب لکن بیاضی مقدر اوله میوب پسمانده قلمش ایسه ده مرحوم مومی الیهک مخدوم معارفوسومی بیک یوزاوتوز بر محرمدن بیک یوز قرق اوچ سنه سی غایتنه دکن ظفریاب اولدینی مسوداتی تبیض ایدوب جلد ثالث اوله رق سلطان محمود خان اول حضر تارینک سده سنیه لرینه تقدیم ایلمش اولدینی ذیل الذیلک اوچنجی جلدی حالا ایاصوفیه جامعی دروننده واقع مشارالیه سلطان محمود خان حضر تارینک کتبخانه لرینه وضع اولمش اولمغه راقم الحروف جمال بی کمال مطالعه سیله متشرف اولمشدر رحمه الله تعالی .

مورخ پچوی

مومی الیه رومایی دیارنده بوسنه حدودنده واقع (پچه) قصبه سندن نشأت ایلمش اولان ابراهیم افندی درکه دولت علیه ده شق ثانی ، بعده شق اول دفتر داری اولمش و روم ایلنده الویه بدونده قوبان سنجانی والویه سائر ده میر میران نصب اولمش و بیک قرقاالی تاریخنده بوسنه دفتر داری تعیین قلمشدر . مومی الیه جود و سخا الیه موصوف و دیانت و استقامتله معروف بر دفتر دار نامدار ایدی رحمه الله .

مورخ صولاق زاده

مومی الیهک اسمی محمد و مخلصی همدی اولوب استانه علیه دن

ظهور ایتشدرکه مثالی صولاق زاده دینکده معروف و معارف و هنر
ایله موصوفدر . اوائل حائنده تحصیل کمالته صرف مقدرت ایتش
وفن موسیقیده دخی مهارتی مشتهر اولمشدر . هبوط آدمدن وفقی
ناریخته کنجهیه دکین ناریخ تدوین قیلمشدر و شعر و انشاده کالی
اولدیغندن توارنخ آل عثمانی بی نظم ایایوب (فہرست شاہان) نامیله
توسیم و عتبہ عالیہ تقدیم ایلدکده قات قات مظہر عنایات بی غایات
اولمش و بیک التمش سکز تاریخندہ دار بقایہ رحات ایلمشدر رحمہ اللہ

مورخ سلائیکی

مومی الیہ اسمی مصطفی اولدیغی مشہوردر . لیکن کندوسنک
ترجمہ احوالہ کسب و قوف ایدہ مدم . انجق طی و النغا اولنان دودمان
سپاہیان کتبہ سندندر دیو بعض توارنخ آشنا ذوات فضائلہ بدن مسموع
عاجزانہم اولمشدر رحمہ اللہ .

مورخ عالی

مومی الیہ کلیبولیدندر . نامی مصطفادر . ملاح وجود ملیحی سفینہ
تحصیلہ سوار اولوب لئی عرقانی عمان بی کران فضل و ایقاندن کنار
ایتمکہ قصد ایتدکده قرائت مختصراتی تمام و تحصیل علوم عالیہ اقدم
واہتمام ایدوب طریق علمیدہ دانشمند اولدرق نیجه مدت نامدار
افاضل روز کارک مجلس فیض اینسندہ شمع اولوب مشاعل فضائلدن


اقتباس ایله اناره معارف بی شمار و نیجه فضیلائی عالمقامت بزم لطافت
جزمنده صراحی مثال برپ و بردوام اولمقه اداره مدام کلام ایتش
ایکن شدائد متاعب طریق علمه تحمل ایتیوب نقل ذوق وصفایه
تنقل ایتک رجاسیه نحو علمدن تحویل ایتشیدی . اگرچه نیجه
مدت اول طریقده دخی مرانیه واصل اولیوب سهام املی پیوسته
هدف حصول اولماش ایدی لکن ظل ظلیل پادشاهیده متورف
و طقوز یوزیتش بر تار یخنده ارضرومده دفتردارلق منصبیه متصرف
اولش ایدی . طقوز یوزیتش ایکی طرفنده قبرییس فتحی مصطفی پاشا
کلیسولی یه امیرالامرا نصب اولندقدده عالی افندی خدمتنده مستخدم
اولمشدر . تحصیل معارف بی شمارده دانه وراسخ وقصرعالی قدر طبع
تابناکی مانند قهقهه افلاک عالی وشاخدر . (کنه الاخبار) و (زبدالتواریخ)
و (انیس القلوب) و (راحة النفوس) و بونلردن بشقه تألیفات و فارسی
وترکی دیوانلری وارد رحه الله .

مورخ ندیم بک

میر مومی الیه رحمه الله علمات اسم سایلری محمود و قد کشیده
سنباستان ستانبول بوجود معارف آلود اولوب پدرلری درگاه عالی
قپوجی باشیلردن کنج خلیل اغا اکیوزاویچ سنه سی خلائنده داربقایه
رحلت ایلدکده پرتو اشعه استعداد و آفتاب عالمتاب رشد و سداد
لازم نیجه طفل اندک سال و کودک زینده طرز فرخنده فل ایکن اول
سال سعادت اشتهاده خانه خزینه همایون خدامانی سالکته مسلمات

اولدقدہ او آن شبان اولمقام فیض ارتسامدہ امرار و تحصیل دستمایہ عرفانہ صرف نقدینہ افتدار برلہ مدت قلیہدہ جامع اشکات معارف و حائر انواع کمال و لطائف اولوب اول جہتلہ کاتب اسرار شہریاری یمالغنی خدمت بہیہ سیلہ ممتاز و رفته رفته میان دانشورانندہ شعروانشاسیلہ سرفراز اولمشیدی . سلطان سلیم خان ثالث حضرتلرینک اوآخر سلطنتلرندہ خواجہک رتبہ معتبرہ سیلہ اندرون ہمایوندن خروج ایدوب یکرمی ایکی خالاندہ جزیه محصلی و یکرمی درت ظرفندہ دخان کمرکی امینی اولوب : بعدہ مأموریتلہ نیش جانبہ عزیمت و بعدالعودہ مصرف شہریاری کتبائیلہ احراز مباحات و مسرت ایش . بعدہ بعض وزرای عظام قو کتخدانقلری عہدہ سنہ حالہ اولمش . بعدہ اناطولی محاسبہ جیاکی منصبیلہ کامکار ، بعدہ برقوقجہلی یوسف پاشا وفات ایتکہ مشارالیک مخلفاتی تحریرہ مأموراً اول صوبہ عازموایکی سنہ مقداری برقوقنجه و ایوراجہ قضالری اداریدہ حسن ہمت . اشقودرہ مصاحبتندہ دخی صادقانہ حرکت ایامش . بعدہ روسجق نزل امینی . بعدہ طرنوی تحریرینہ مأمور اولمش و ایکوزالمی بر سنہ سی قصاب باشیاق عنوانی طی اولنہرق مدیر اغناء تعبیریلہ اول منصب توجیہ قلنمش و الہی اوچ سنہ سی اوآخرندہ ارجعی امر سبحانینہ مذاوعت و درعقب غنودہ نشیمنکاہ جنت اولمشدر . مرحوم مومی الیہ کندی زمانندہ سرزدہ وقوع اولان حوادث یومیہ و توجیہات دیوانیہ و عوارض ملکیدن ضبط و تحریرہ شایان اولان وقایعی بالاختاب عبارات سلیسہ و تقریرات نفیسہ الیہ سر رشته تبیینہ چکش وفی حد ذاتہ بوجہتلہ دخی ارباب معارف طریقہ سنہ کیتمشدر . میر مومی الیہ مستمد جناب رب متعال محمد جانات احبای قدیمہ و اصدقای خلت

شیمه سندن اولمق ملا بسه سیله ترجمه احوالنده تحریر اولنان اوجساف
حمیده نك اکثری یقیناً معلوم عاجزانه مدر رحمه الله .



جاوید احمد بک

مومی الیه تیارلو سپاهیان سواری الای بک لرندن مصطفی بکک
فرزندى اولوب اکیوز ایکی تاریخنده خزینه هایون خدمه سی سلکنه
سالک و قابلیت ذاتیه سی لواح حالندن مستبان اولمغه مدت قلیله ده خنه
خاصیه نقل الیه وقع واعتبارده مانک اولدقدنصکرده اکیوز اون سکر
خلالنده خواجه نك رتبه سیله خروج ، بعده عهده سنه شهراماتی توجیه
اولمغه سلم مراتب علیه عروج ایلوب امانت مزبوره عهده سنده ایکن
سرای بقایه عازم اولمشدر . مرحوم مومی الیه اردوی هایوندن وارد
اولان مکاتیدن الدیغی وافواهدن مسموعی اولدیغی حوادث یومیه نك
منتخبلری جمع وتلفیق ایدرنک بر تاریخ تألیف ایامشدر . (منتخبات
جاوید بک) دیواندرون هایونده مشهوردر . وسرای هایون خدمه سی
میاننده (وقعه نویس اندرون) لقبیه معروف ایدی رحمه الله .

باب ثالث

طرف باهر اشرف دوات علیه دن وقعه نویسک خدمت معتبره سیله بکام و اوجهنه
مغبوط الانام اولش اولان ذوات کرام معارف اتسامک تراجم احوال
لطافت اشتهائی بیان ایدر

معلوم اوله که الیوم دولت علیه صانها الله تعالى عن کل آفته و بلیه ده

وقايح نويساڪ عنوان ايله معنون اولان ذوات بيڪ سنه سندن مقدمه
 شهنامه جيڪا اسميه موسوم ومشهور و بليڪه بيڪ سنه سندن صکره جه
 دخی ينه اول عنوان ايله منصوب اولمشاردرد . ازجمله (فتح الله افندي
 ولقمان افندي وتعليق زاده کاتب محمد افندي وحسن حکمي افندي) که
 مومي انيهم دولت عليه يه شهنامه جي اوله رق وقوعات دولت عثمانیه ي
 ضبط وتحریر ايلمشاردرد . کيدرك عنوان مزبور وقايغنويساڪه مبدل ،
 بعده بوعنوان ايله بعض معارف ارا مبجل اولمشدر .

شهنامه جي فتح الله افندي

ديار عجمدن استانه عليه کلوب علماء عصر دن اخذعلوم ومعارف
 ايدوب تعين ايلمش فضائي بي شمار وترکی و فارسي نظمہ صاحب
 اقتدار وعارفي مخلصي ايله شهرت شعار بر ذات ایدی . يومي التمش اچہ
 وظيفه ايله شهنامه جي اولمش و سلطان سايم خان اول حضر تلرينک
 غزاليني نظم سايس ايله کتاب نفيس يازوب التمش بيڪ بيت شهنامه ي
 عتبه عايله تقديم قيامش و طقوز يوز التمش سنه سي خلانده وفات
 ايلمشدر . رحمه الله تعالى

شهنامه جي حکمي افندي

مشاراليه کتبه ديوانيه ک صاحب امتياز وانشا پرداز لرندن اولديغنه
 بناءً بيک اون سنه سي جمادی الاخره سي اواخرنده شهنامه جي اولمش

و بیک یگر می خلائنده نشانجلیق ایله قدری ترفیع اولمش و بیک
 اوتوز سنه سنده دنیا مقام ریاسته افتاد قلمشدر . باب هایون ساحه سنده
 واقع خاص فرون قیوسی اوزرنده وایوبده سیایش پاشا تر به سنده
 یزمش اولان تواریخ مشارالیهک اثارنددر . (دستورالاشا) ده
 بعض منشآت باغانه سی مسطوردر . حاصل الکلام انشامی شعرندن
 رنگینتردر . مدت مدیده خدمات دیوانیه ده نام آور برذات معارفرو
 ایدی . مشارالیه شهنامه جیلک مأموریت معتبره سی توجیهی بابنده
 منشور علی تسطیر و مقام صدارتدن مشارالیه تسیر اولمش و صورت
 منشور عالی تبرکاً اشبو جریده عاجزانه مه تحریر قلمشدر :

صورت منشور عالی

چون مناشیر دیوان قدرت وابداع سر لوحه شهنامه سلطنت و اقبال
 روز افزونی رقوم معجز رسوم « انی جاءلت للناس اماماً » کریمه سیاه
 رشک کاستان فردوس برین و مصور تصاویر ایوان فطرت و اختراع
 دیباجه جریده خلافت و اجلال ابد مقرونی صور قدسی بیکر
 « حسنت مستقراً و مقاماً » مکرمه سیاه غیرت نکارستان چین و بطون
 صحایف اوراق روزگاری مآثر عظیمه المنایخ فتوحات مملکت و اقتدار
 ربیع مسکون ایله مزین و متون مصاحف اضباق لیل و نهاری مناقب
 جایله المراقب غزوات و معارک اعدای ضلالت مقرون ایله معنوی
 ایلدی فلاجرم قعدده اجداد امجاد عظام و قانون املاف اشرف کرام
 انارالله براعینهم و تقی یوم الحشر موازینهم موجب نه ايام سلطنت معدلت
 انجامده میسر اولان وقایع سنین و شهرت ثبت و تدوینی و زمان دوات

سعادت اقترانمده سنوح بولان حوادث حدود و ثغورك ضبط و تبیینی
 باینده سعی موفور و جهد نا محصور ایدن فصحای بلاغشعار و بلاغای
 فصاحت دثار علی الاستمرار عنایت علیہ شاهانهم ایله بهره دار و انظار
 رأفت سنیه ملوکانهم ایله قرین اعزاز و آثار مکرمت پادشاهانهم ایله ممتاز
 اولملری عادات حمیده شهر یاری وقاعده پسندیده تاجدار یدندر . بناءً
 علی ذلک سابقاً سده سعادت مده شهنامه کوی اولان (لقمان) کینار
 دفتر داری اولوب یرینه شهنامه جی اولان تعلیق زاده (کاتب محمد)
 دخی دیار اخره کیتمکه یرینه دیوان هایونم خدمت مده مداوم و حاضر
 و تحریر وقایع یومیه و ضبط قضایای دیوانیه قادر کیمسه نصب اولمق
 لازم و مهم اولدینی اجلدن حالا دیوان هایونم کاتبلرندن اولان اشبو
 رافع توقیع فر حنده فال و ناقل یرلیغ بلیغ خجسته مثال افتخار ارباب
 التحریر و القلم و مختار احزاب التقرير و الرقم المختص بعنایة الملك الاکبر
 (کاتب حسن حکمی) دام مجده نظم و نثر و املا و انشاده نادر الاقران
 و حسن خط و لطیف ادا دده مشار بالبنان اولمغه سابقاً شهنامه جی
 خدمت مده تعیین اولمسی یانه سریر اعلا یه عرض اولندقدده سابقاً شهنامه جی
 رعایتیه و یراسون دیو خدمت هایونمه معنون فرمان عالیشانم صادر
 اولمغین بونشان هایون مکرم تموی و یردم و بیورد مکه بعد الیوم
 سده سنیه سعادت مده شهنامه جی اولوب مرور دهور حدود و ثغور دده
 و ممالک نزدیک و دور ده مجدد اولان فتوحات و غزوات و معارک
 و محاربات و سایر قضایای دیوانیه و وقایع یومیه یی سابقاً شهنامه جی
 اولان تعلیق زاده کبی نظم و نثر خوب و ادا و انشاء مرغوب ایله ترتیب
 و تدوین و تذهیب و تزیین ایدوب رکاب هایونمه ایصال ایلیه و تألیف
 و تصنیف ایلدیکی وقایعی یازوب رکاب هایونمه و یردکده سابقاً اولان


شهنامه جی به نه وجهله رعایت اولنه ککش ایسه مشارالیه دخی اولوجهله رعایت اولنه . شهنامه خدمتنده اولان کاتبار ومصور ومذهببار شهنامه هایونمه متعلق اولان اموردده مشارالیه مراجعت و متابعت ایدوب مخالفتیه جواز کوس ترمیه لر . تحریراً فی اواخر جمادی الاخره لسنة عشرة والف .

بوندنصکره ضبط ایلدکلی توارخ مطبوعه نری مشهور و ایدیش ناسده بالتداول موجود اولان وقایع نویسانک ترجمه حاکمی ذکر اولنور

وقعه نویسی نعیمی

مومی الیهک اسمی مصطفی اولوب حلب الشهبان ظهور ایلمیش و اوائل حائنده استانبوله کوب تحصیل معارفه بالاشتغال تبر داران سرای عتیق زمره سنه ملحق و برمدت تعلم علومه موفق اونمش . بعده طشره خروج وقلایی احمد پاشایه اتساب ایدوب مشارالیهک دیوان کتابتیه بین الاقران رتبه قدر و اعتباره عروج ایایوب مشارالیه بیک یوز اون اتی جمادی الاول سنک یکر می سکرنجی کونی مهر هر یونه نائل اولدقدده مومی الیهک عهده سنه اناطولی محاسبه جیلکی بارتبه . خواجکانی توجیه . بعده بیک یوز یکر می بر سنه سی نعستی افندی یرینه تشریفاتیات ایله وقعه نویسانک خدمت مرغوبه سیاه وقع و اعتباری تنویه اونمش و بیک یوز یکر می بش رجبنده دفتر امامتی و یکر می اتی خلائنده باش محاسبه خواجه لکی و یکر می یدی صفرینک یکر می یدنجی کونی ساجدار

کتابتیلہ بکام اولوب شهر ربیع الاولده موردہ سفرینه عازم اولدقدہ بعدالفتح والظفر سنہ مرقومه اواخرندہ جزیرہ مزبورده سرعسکر یانندہ دفتر امانتی خدمتیلہ توقیف اولنوب اول خدمتله مشغول ایکن بیک یوز یکرمی سکیز سنہ سی بالیه بدر قضا سنده دارالنعمه رحلت ایلمش . اول محله مسلمین مقابرینه دفن اولمشدر . رحمہ اللہ تعالیٰ



وقعه نویس راشد

نامی محمد در . کابن شاداب وجودی گلستان ستانبولده نشوونما بولمشدر . موافق کرامدن اولوب بروسه قضا سندن معزولا فوت اولان ملاطی مصطفی افندینک خدمت فطانت موسومیدر . بیک یوز اون اش نارینخنده طریق فیض رفیق علمیه به با رتبہ خارج داخل اولمش و بیک یوز یکرمی الی خلائندہ وقعه نویس اوله رق موردہ سفرندہ بولمش وسفردن عودت ایلدکده بولندینی داخل رتبہ سندن رتبہ بخنه ترفیع قلمش . بعده وارادین سفرینه عزیمتندہ التمثلی رتبہ سیله فرحان . وبعده الصاح ایاصوفیه مدرسه سی مدرساکی ایله عسکری . قسامانی توجیه واحسان ویکرمی طقوز ماه قساملقدن صکره با رتبہ سایانیہ حرمین مفتشاکی ایله خندان و الی ماه متصرف اولمش ایکن بیک یوز او تونز اش خلائندہ با پایہ ادرنه حاب مولویتیلہ شادان قلمش واول ائنادہ وقعه نویساک عہد سندن صرف و تحویل اولنوب کوچک چلبی زاده عاصم افندی یه توجیه بیورلشددر .

مشارالیه راشد افندی بیک یوز قرق سنہ سی ذی الحجه سنک

يکرمی التنجی کونی مکہ مکرمه پایہ سیلہ بعد التبجیل اصفهان حاکمی اشرف شاه طرفہ دولت عالیہ عثمانیہ لازالت محفوظہ باحایہ الربانیہ طرف باهر الشرفدن تأکید سلم ومصافات ضمنندہ سفارت مخصوصہ معتبرہ ایلہ مأموریتندن ناشی موقتاً رتبہ وزارت سامیہ ایلہ رود ایلی بکیر بکلی پایہ جلیلی توجیہ اولنوب . بیک یوز قرق بر سنہ بی محرم الحرامک سکزنجی یوم اخیسندہ استانہ علیہ دن حرکت و صوب مأموریتہ عزیمت ایلمشدر . وبعد العودہ بیک یوز قرق بر ذی الحجه سنک طقوزنجی کونی دار الخلافۃ العلیہ قاضیسی اولمش ویوز قرق اوچ شهر ربیع الاخرندہ بعض حسادک فسادیلہ استانکوی جزیردسنہ نفی واجلا ودرعقب اطلاق و اخلا اولمش وینہ سنہ مرقومہ شوانک یکرمی برنجی کونی بتکرار بروسیہ نفی وتغریب واثناء راہدہ منافسی بالتبديل لمنی جزیردسنہ تسریب قلمش ویوز قرق اتی خلانسدہ سبیلی تخلیہ بیوریلوب . بیک یوز قرق یدی خلانسدہ اناطولی قضیہ سکرلکی مسند والاسنہ شرفیرا وقرق سکز صغرینک اون سکزنجی کونی عازہ دار بقا اولمشدر . رحمہ اللہ

وقعه نویس کوچک چلی زاده عاصم

مولانای مشارالیه رئیس الکتاب اسبق کوچک چلی محمد افدینک صابندن زیب قاط شهود وکیدرک کسب نمو وجود ایلوب بیک یوز یکرمی رجبنده شیخ الاسلام بولنان ابہ زاده عبداللہ افندی مرحوم مشارالیک استعداد وقابلیتہ نظر ورؤس هایون ایلہ قدرینی بالاتر

ایدوب و سابق مفتی الانام اسماعیل افندی به داماد و بوتقرب ایله کبار
اعماء اعلامه جهت قرابتله رابطه بند اعتضاد واکمل دوره معتاد ایله
یکشهر فنار قضاسنی تحصیل ایتشیدی . یوز الی بر تارینخده بروسه به
حاکم والی یدی سنه سی مولویتله مدینه منوره به عازم و التمش بر سنه سنده
استانبول قضاسیله خندان و یتش تارینخده اناتولی قاضی عسکرانکی
مسند جایی ایله شادان اولوب بعد العزل روم ایلی صدارتی پایه سیله
مبجل اولدق دن صکره یوز یتش ایکی ذی القعدة سنده مفتی الانام اولمش
و مشیختارینه « فاضل دوران » تاریخ دوشمشدر . سکر ماه قدر
رونق پیرای اریکه فتوی و یتش اوچ جمادی الاخره سنک یکر می
سکر نجی کیجه سی عازم دار بقا اولوب ملا کورانی جامعی جوارنده
مرقد مخصوص صرینه دفن قلمشدر . مشارالیه علوم جزئی و کلیه ده
ماهر اولدیغ دن بشقه السنه ثلاثه ده نظماً و نثراً کفاره قدرتی باهر
ایدی . رحمه الله تعالی

۱۱۴۵ سنه ۱۲۶۵ شریفیه

وقعه نویس سامی

مومی الیهک نامی مصطفی اولوب استانه علیه دن ظهور ایتشدر که
مدت مدیده ارپه امینی اولان خواجکان دیوان هایوندن عثمان افندینک
اوغلیدر . اوائل حالنده تحصیل معرفت و تکمیل فن کتابت ایتمه که
ارپه کاتبی اولوب ، بعده استعداد ذاتیسیله کوچک اوقاف محاسبه جیسی
وبعده شهر امینی ، بعده موقوفاتی و مناصب سائر ایله مغبوط الامثال
اولمش شعر و انشائی سلیس و تحریر و املاسی نفیس و فاضل معارف
انیس بر وقعه نویس ایدی . بیک یوز قرق الی سنه سی ظرفنده دار

بقاده سامی مکان و واصل رحمت رب مستعان اولمشدر . تحریر ایامش
اولدینی بر مقدار وقایعی صبحی افندی مرحوم کندی تاریخنه علاوه
ایلمشدر . رحمه الله

وقعه نویس شا کر بک

نام نامیلری حسیندر . استنبولدن بیدار اولمشدر . نیجه مدت
کمرک امینی اولوب ، بعده رتبه وزارتله ارتقا و بصره والیسی ایکن
ارتحال دار بقا ایتمش اولان حسین پاشانک فرزند ارجمندی اولوب
طریق علمیهده بالفعل ادرنه قاضیسی اولدقده خیام قیام منزلت اقبالاری
معروف انام مصطفی بک افدینک مخدوم هنرمندیدرکه طریق علمایه
ملازمتله شاد کام اولدقدن صکره سلطان احمد خان ثالث حضرتلرینک
صدر اعظم و داماد اکرماری ابراهیم پاشایه تقدیم ایلدیکی قصیده
یلغیهسی قرین قبول اولغله ابتداء خارج رتبه سیله طریق علمیهده
ادخال اولمش و بعد قطع المراتب بیک یوز الی بش سنهسی شعبان
المعظمندن ضبط ایتمک اوزره حلب قضاسی توجیه قلمش و یوم
خبطندن اون بش کون مرورنده ترک قضا و ارتحال دار بقا ایلمشدر .
مرحوم مومی الیه خط تعلیقده فائق الاقران و سخن سنجان عصردن
معدود بر شاعر نکته دان و شعر و انشاده طبعی نفیس بروقه نویس
ایدی . مومی الیهک ضبط و تحریر ایلدیکی وقایع صبحی تاریخنده
مندرجدر . رحمه الله .

وقعه نویسی صبحی

مومی الیه سلطان احمد خان ثالث حضر تارینک عهدنده بکاکجی دیوان هایون خایل فهمی اندینک مخدوم صباحت موسومی اولوب غنفوان شباننده مکتوبی صدرعالی خافسانه التحاق و برمدت وزرای عظام دیوان کاتبکی الیه مهر اعتبار معارفی تام الاشراق اولوب بعدہ استانه علیہ وارد و خواجہ لک رتبہ معتبرہ سنہ متساعد اولدوق بعض مناصب دیوانیہ الیه قدر و اعتباری تنویہ و یوز الی ایکی خلانده کوچک اوقاف محاسبہ جیلکی انضمامیہ وقایع نویسی لک توجیہ اولمش و بر قاچ سنہ دنبرو بالمأموریہ وقایع روزکاری ضبط و تحریر الیه حق بودر که کل صد برک صحایف اثار خوش لہجہ سی کابن طراز کاشن تحریر و بیان و بابل نغمسرای خامہ بلاغت علامہ سی چن صفہ سخن پردازیده فقرات دلپذیر الیه موفق اولدینی حسن تعبیر فصاحت سمیری مسلم ارباب علم و عرفان و بوجہ تله فن کتابتہ انوار استعدادی مانند صبح ثانی روشن و اثارندن مبرهن اولدیغندن دیوان هایون قلمنده بکاکجیلک کبی بر خدمت کثیر دامشغلایہ دخی یوز الی الی رجبینده مأمور اولمغه بکاکجیلک لازمه سی اولان امور مهمہ متکثره الوقوعک تحریرینه اشتغال و صرف اوقات ایام و لیال و وقعه نویسی لک خدمتہ تدارک وقت محال اولدیغندن ، اول اثناده لولہ زلال ریز قلم معارف رقی تقریب مذکور الیه سیراب ساز کاشن اخر اولمغه اهنک اقتضا ایتکه اول سبیدن یوز الی الی سنہ سی او اخرنده تحریر وقایعندن جف القلم تأخیر ایلدکار ندن ناشی یوز الی یدی محرری غرہ سنندن ضبط و تحریرہ ابتدار و بدأ صحایف اثار ایسک او زره وقعه نویسی لک

فن انشاده شیرین گفتار و بین الادبا مشهور و ناهدار سلیمان عزری
افندی به توجیه اولمشدر . مومی الیه صبحی افندی یوز المی سکنز
شوالنده واقع توجیهات معتادده بکلا کجیلکدن بالغزل مالیه تذکره جیسی
و یوز التمش بر ظرفنده ارپه امینی و یوز یتش جمادی الاولاسنده
ضر بخانه امینی و یوز یتش ایکی خلاننده قوم ملغاة کاتبی و یوز یتش
یش سنه سنده دفتر امینی و یوز یتش یدی ظرفنده ثانیاً ارپه امینی
و یوز سکسان تاریخنده باش محاسبه خواجه می اولوب یوز سکسان
اوچ سنه سنده بابا طاعی نام محله بولنه رق وفات و تسلیم و دیعه حیات
ایلمشدر . مرحومک نثری مقبول اصحاب انشا اولدینی کبی نظمی دخی
نظر اعتباره سزا و پسندیده کرده باغادر . « هر شامی قدر وعید اوله
صبحی محمدک » نقش مهری وزاده طبعیدر رحمه الله .

وقعه نویسن عزری

نام نامیلری سلیماندر . سلطان احمد خان ثالث حضر تلیزینک
دختر پاکیزه لری اولوب بیگ یوز اون سکنز شوالنده قدم نهاده کهنواره
دار فنا و سنه می ختامنده ارامساز سرای بقا اولان خدیجه سلطانک
تبر داران کتبخداغندن مخرج خلیل افانک صابندن تولد و سنی سواد
و بیاضی تمیزه بالغ اولدقده دیوان همیون کتبه سنه التحاق الیه تعین
و تفرد ایلدکده خدمات دولت عالییه کسب لیاقتله مشرف و یوز المی
اتی رجبنده ترجمه می سبقت ایتش اولان الحاج صبحی افندی به خلف

اولمش والی سکز توجیهاتنده کوچک اوقافدن منعزل اولمش ایسه ده
اللی طقوز شوالنده ثانیاً منصب مزبور ایله ینه ممتاز و التمش سنه سی
ذی القعدة سنده تشریفاتیلیق خدمت معتبره سیله سرفراز ، بعده
وقعه نویس و تشریفاتی ایکن مجتاز راه حجاز و التمش سکز جمادی الاول سنده
واصل رحمت خدای بی انباز اولمشدر . مومی الیه علوم جزئیهدن
خبردار و فن انشاده مکثار ایسه دخی ینه شیرین گفتار اولوب تاریخی
هنر و معرفته دال و نظم و اشعارده متوسط الحال اولغله دیوان مرتبی
متداول بین الناس و نثری نظمندن اعلا اولدینی معلوم ارباب قیاسدر .
چمنزار نقشبندیده سرو ازاده اولان شیخ مراد زاده مرحومدن انابه
و اخذید ایدوب نعمت استخلاف ایله نائل رفعت و قربنده دفن
اولمش چون قبل الوفاة وقوع اشارت روایتکرده احباب بصیرتدر .
رحمه الله تعالی .

وقعه نویس شفیق

نام سرامدی محمددر . استانبولده بدیدار اولمش مالک حسن ادا
وماهر فن شعر و انشا برزات بی همتا اولغله وزرای عظامه دیوان کاتبی
و مناصب دیوانیه نائل بعض مراتبی اولوب صدر اسبق رامی محمد
پاشانک قرین التفات و منظور عالییری اولدینی ائنده وقعه نویس اولدقده
شفیقنامه غرابتعالامه بی تألیفه مباشرت ایلمش ، بعده واردین سفرنده
دانه تفنک ایله شهد شهادتی نوش ایلوب نعش رحمتنقشی بلغراده نقل
برله سلطان سایان خان جامع انوار لامعی خطیره سنده دفن اولمش

اولان صدراسبق داماد شهید علی پاشایه وقعه نویسلک سبجی ایله انتساب
ایتمکله همت مشارالیه کوچک اوقاف محاسبه جیسی اولوب و بیک یوز
یکرمی یدی سالدده واصل رحمت رحمان و عازم دار جان اولمشدر .
مومی الیه اداسی محیل و بی بک و فکری رقیق و ذهن نقادی چالاک
بر ذات خجسته ادراک ایدی . درجه عرفانی (شفیقنامه) نام مجموعه سندن
عیان و حیثیت ذاتنه مجموعه مرقومه ده کشیده سلک سطور اولان
کفتاری دلیل و برهاندر . رحمه الله تعالی

وقعه نویس اندرون نشانجی عبدالرحمن پاشا

مشارالیهک نهال چمن زیب و جودی خلیج دارالسلطنه ده کوک صو
قربنده اناطولی حصاری نام محل دلفریبده نمایافته ظهور اولمشدر .
حان شباده اندرون هایونده پرورش و خدمات ملوکانده صرف اووان
کوشش ایدرک خانه خاصیه نقل ایله کامکار و عهد سینه پشکیر اغائی
انضمامیه کاتب اسرار اولوب بیک یتیمش درت خلاننده سلطان محمد
خان رابع حضرتلری ادرنده اقامتلی اثناسنده امر شفاهی ایله
تحریر وقایعه مأمور واول جهته اقرانی میاننده ممتاز و مسرور اولمش
ایدی . بیک سکسان تاریخنده خوانجه مکارم پادشاهیدن نانپاره ربای
احسان اولدقده منشور ذات رفیعنه عنوان وزارت زینت افرا واول
تاریخده وفات ایلمش اولان نشانجی جعفر پاشا یرینه خدمت توقیعی
جهانبانی ایله کامروا اولغله زیرقه اجلال هفت کردونی ماس جلوه گاه
ایدوب رفته رفته مستشار امور دیوانی و مشکاکشای قوانین عثمانی

اولوب نیجه مدت طغراکش پادشاهی ، بعده آستانه سعادته قائم مقام
 صدرتپناهی اولدقدنصره بیک طقسان اوچ رمضاننک اوچنجی کونی
 عهددلرینه بصره ایالتی توجیه بیوریلوب ایالت مزبورده اول وزیر
 عادلک صیت عدالتی رسیده سبع طباق والحق عدل و داد ورشد و سداد
 ایله معمور اولدینی شهرتکیر آفاق اولمشدر . بر وزیر فیخامتصیر
 ایدی که ذاتی زیور علم و فضالاه اراسته وزیب معارف و کلاله پیراسته
 اولوب شعرای عصردن برشاعرماهر ایدی . جمله آثارندن (وقایعنامه)
 اسمیله موسوم و (نشانجی عبدالرحمن پاشا تاریخی) دینمکه مشهور
 و معلوم ، طرزی خوب و انشاسی مرغوب ، ادای شیرین و تعبیرات دلنشین
 ایله مدون تاریخ تألیف ایتمشدر . و (دیوان عرفینک قصائدی) نی
 و (پند عطار) ی و (کعب بن زهیرک قصیده لامیه) سنی ترکی عباراتله
 شرح ایلمشدر . و مرتب دیوان بلاغت عنوانی واردر . بیک ایکوز
 حدودنده جزیره قندیه محافظی ایکن موکب نمای کذرگاه بقا اولمشدر
 رحمه الله تعالی .



مؤلف سفارتنامه وقعه نویس رحمی

مومی الیهک اسمی مصطفادر . فی الاصل قریمدن نشأت و تاتار
 رحمی عنوانیله نام آور شهرت اولوب لهجه پاکیزه یه مالک و لطافت
 تعبیر ایله وادی حسن ادایه سالک شاعر ماهر اولمغله عادت شعرای
 دوران اوزره مرتب دیوان اشعار بلاغت عنوان و بعض آثار عرفادن
 تحریرات فوائد نشانی اولمغله

شاعر اودرکیم بسمله سن طبع پاکنتک
ال اوزره طوته اهل بلاغت اوغل کني

اکثر یا زاده طبعی و اثر قلمی عندالخالان شایسته نظر و مقبول ارباب
هنردر . مومی الیه ترسانه عامر ده مخزن سرب کتبه سندن اولوب مائل
صلاح و عفت و هر کس الیه بلاغرض الفت و محبت ایدوب صاف خلقت
و پوینده وادی حقیقت بر ذات پاکیزه عقیدت ایکن بامر خدا بیک یوز
التمش درت سنه سی ظهور ایدن کثرت طاعون و وبادن کندویه خوف
و خشیت مستولی اولمقدن ناشی خدشه اندیشه درون الیه متوحش و متلاشی
اولوب ارتحالندن برقاج ماه مقدم وبا اصابت ایدن محلدن کذار ایتک
دکل ذکر ی ایراد اولنان مجلسدن فراری مقرر و بو وجهله متفر
و مضطر ایکن بتقدیره تعالی عاقبت خوف و کریزی مفید اولیوب
رمضان شریفک یکرمی یدنجی شب سعادت مشرب قدرک صباح
باهر الفلاحنده مطعونا شهید اولوب عزم کلشن سرای جاوید ایلدی .
مرحوم مومی الیه قریمی اولغله لطیفه کونه « قوناق کل بونده ایماسیله
رحمی چایدی فردوسه » مصراع برجسته سی وفاتنه تاریخ واقع اولمشدر .
مومی الیه بیک یوز التمش تاریخنده طرف دولت علیه دن نامه هایون
الیله سفیر ایران تعیین بیوریلان کسریه لی الحاج احمد پاشا معیتده
مکتوبجیلاق مأموریتله عزیمت اوزره ایکن مشارالیهک سفارتی براردو
اعتبار اولمش واردو قاضیسی و دفتر داری نصب و تعیین و بر مقدار
عسکر دخی تخصیص قلنمش اولغله مومی الیه دخی ذهاب و ایابده مشهود
و مسموعی اولان مواد و مصالحی و سفارت مرقومه یه دائر اموری قلمه
آلق و بعد ختام المصلحه جمع و ترتیب ایلماک اوزره موقتاً وقعه نویساک
خدمت مرغوبه سیچون باب عالیده خلعت مخصوصه الیه رهین مفتخرت

اولمشدر . سفارتنامه مرقومه مشهود عاجزانهم اولدقده فی حد ذاته
مرحومک معارف ارا و هنرور بی همتا اولدینی منظم اولمشدر .
رحمه الله تعالی .


وقعه نویس حاکم

مومی ایه خواجکن دیوانهایوندن السید محمدافندی بن خایلدی
شعر وانشاده ماهر و حیثیت ذاتیه سی عندالادبا ظاهر و باهر اولغاه
کوچک روزناهجه خواجکلی علاوہ سیاه عہدہ سنہ وقایع نویسانک
خدمت بیہمی توجیہ اولندیغندن (عزی تاریخی) تزییہ مباشرت
ایلمش ایدی . بیک یوز یتش ایک شواندہ توجیہات معادہده جبه جیتر
کچی و یوز یتش درت شواندہ سپاهیاری کچی و یوز سکسان درت
سنہ سندہ کلشن عدنه رحلت ایلمشدر . کلشنی طریقت علیہ سندن
منیب بروقعہ نویس لیب ایدی . ضبط ایلمش اولدینی وقایعی واصف
مرحومہ تاریخہ درج ایلمش و بعض منتخباتده مصراع برجستہ لری
کورلمشدر رحمه الله .

وقعه نویس چشمی زاده

مومی ایه بروسه مولویتندن معزولاً ارتحال دار بقا ایلمش اولان
چشمی زاده محمد سعید افندیکنک نجلنجی و محمدوماریبی مصطفی رشید
افندیدرکه بیک یوز الای بش خلاندهده طریق عامیہ ید داخل و یوز

سکسان اوچ ذی القعدة سی غره سنده بارؤس هایون دارالحديث سلیمانیه مدرسلکنه نائل و یوز سکسان درت رجب المرجبی او اخرنده رحمت حقّه واصل اولمشدر . مومی الیه مدت قابله وقعه نویس حاکم اقدی یه خائف اولمش اولمغله مضبوطی اولان وقایع جزئیّه سنی و اصف مرحوم بعد التقیح تاریخنه الصاق ایلمشدر رحمه الله .



وقعه نویس موسی زاده

مومی الیه مدت میدیده منجم ثانی : بعده رئیس المنجمین اولان الحاج محمد عبیدالله افندی درکد بیک یوز اوتوز تاریخنده وجود قرطاعتی شعشعه پاش کهواره شهود اولوب سنی حد تمیزه بالغ اولدقده دقیقّه فوت ایتیوب علوم شتانی اربابندن استفاده ایدرک درجه معارفده بی همتا واستعداد واستحقاق کالشمس فی وسط السما ظاهر وهویدا اولمغله یوز الشمس خلانده خریق قضایه دخول برله مرة بعد اخری سر لوحه یمین ویسار واول ائناده منجم باشیاق مأموریت مخصوصه سیله سر ابتهاجی واصل سپهر دوار اولمش ویوز طقسان اتی ذی القعدة سنک اون سکزنجی کونی حسیض دارفادن اوچ بقایه صعود دایامشدر . مرحومه مومی الیه بین القضاة صکی و تحریر اتنک سبکی مقبول علما وادبا اولمشدر . وقعه نویس چشمی زاده خانی واول جهته ارباب معارفک صاحب شرفی اولدیغندن بشقّه بعض خدمات شرعیّه دهخی مستخدم اولمش ایدی . مومی الیهک بر ایکی جزء دن عبارت اوله رق ضبط ایلمش اولدیغی وقعه نامه سی و اصف تاریخنده مندرجدر رحمه الله .

وقعه نویسی بهجتی

مومی الیهک اسمی حسندر . روم ایلی قضائی اشرافدن بر ذات معارف آرا اولوب یوز سکسان طقوز خالانده وقعه نویساک خدمتنه مأمور و برقاق ماه مرورنده باعزل مهجور اولمشدر . جمع ایلمش اولدینی وقایعی واصف مرحوم بالتبديل والتغیر تاریخنه درج ایلمشدر ورحمه الله تعالى .

وقعه نویسی سلیمان ملا

مومی الیه شیشمان ملا و چار گوشه ملا لقبلیله ملقب و میان علماده ناطقه پردازاق ایله مرغوب و منتخب حافظ سلیمان افندیدر که شیخ الاسلام اسبق دری زاده السید مصطفی افندینک مفتشی اخسقهلی عمر افندینک صلبندن تولد و یوز یتمش سکیز محرمنده طریق علمایه دخول ایله بین الاقران بفرد ایدوب ایکوز سکیز سنه سننده یکیشهر فنار قضاسیله کامکار وایکوز اون خالانده ادرنه پایه سیله قرین اعتبار وایکوز اون ایکی ظرفنده پایه مکه ، اون التی تاریخنده استانبول پایه سیله مبجل واون یدی سنه سی بالفعل دارالخلافه العلیه قاضیاغلیه نائل امل اولوب ایکوز یکرمی ایکی تاریخنده فندقلیده ساکن اولدینی خانه سننده ارتحال داربقا ایتشدر . مرحومک پدری عمر افندی دری زاده مصطفی افندینک بقتیش خدمتنده بولندینی کبی « الولد صنواییه » یولاندن مومی الیه دخی مشارالیه مصطفی افندینک نجل نجیبی

شیخ الاسلام اسبق السید محمد عارف افندی به نیجه مدت مغلش
اولمش ایدی. مومی الیه رحمه الله علیه وقعه نویس بهجتی حسن افندی به
خاف اولوب مدت قایله ده عزل اولمش وبرقاج ورقه دن عبارت
اولان وقایعنامه سی انوری مرحومک تاریخنه کیرمشدر .

وقعه نویس انوری

مومی الیهک نامی سعدالله و مستط رأسی طربزون اولوب سائق
تقدیر الیه درعلیهیه ورود و تحصیل علوم و معارفه سعی نامعدود
ایتدکدنصکره خواجهک رتبه سن احراز واول وجهله اقرانی میاننده
کسب امتیاز ایدوب یوز سکسان ایکی محرمنده محرر وقایع واصف
افندی مأموراً اردوی هایونه عازم اولدقده استانه سعادته وقوعبولان
حوادث یومیه نی ضبط ایلوب اردوی هایون عودتنده واصف مرحومک
اردوده ضبط ایلدیکی وقایعنامه یه الصاق اولنق اوزره تحریر وقایعه
مأمور اولمش ویوز سکسان درت ظرفنده عهده سنه تشریفاتحلیق توجیه
اولمش و سکسان سکز ذی القعدة سنک یدنجی کونی واقع اولان
توجیهاتده جبه جیار کتابتیه کامکار اولوب اول ائنده ترجمه سی سبقت
ایتمش اولان بهجتی حسن افندی وقعه نویس اولمش وچند ماه مرورنده
عزل اولنوب یرینه سلیمان ملا نصب اولمش ویوز طقسان سنه سی
مومی الیه سلیمان ملا دخی معزول و یرینه کافی السابق انوری افندی
موصول اولوب مستقلاً ضبط وقایعه مباشرت ایتمش و طقسان اوچ
سنه سنه دکین ضبط ایلدیکی دخی بشقه جه برقطعه اولمش ، بعده قره

ساحدار محمد پاشا حامل مهر هایون اولدینی زماندن بتکرار ضبط
و دایمه باشلامش و هر بر قطعه سنه بشقه بشقه دیاجه لر یامش اولدینی
باب اولده مفصلاً بیان اولنش ایدی . ایکوز ایکی خلانده اخراج
اولنان اردوی هایونده تذکره جیلک ایله وقعه نویسلک عهده سنده
بولنه رق عازم اولمش و ایکوز اتی ظرفنده اردوی هایوندن عودت
ایلمش و ایکوز سکر خلانده اناتولی محاسبه جیسی اولوب ایکوز
طقوز شهر ربیع الاخرینک اون اوچنجی پنجشنبه کونی ذکر اولنان
محاسبه جیلک ایله وقعه نویسلک عهده سنده اولدینی حالده ضی طومار
حیات بی ثبات و جریده وقعته زندکایسن تسایم دست هادم المذات
ایلدکده نائی پاشا حفیدی خلیل نوری بک مرحوم مومی الیه خاف
اولمشدر . سنی التمشه قریب ادیب و اریب علوم عربیه و فارسیه
اهلیتی ظاهر و تألیف کلامه قادر حسن سلوک ایله معروف زائریت الله
بر ذات اکاه ایدی رحمه الله تعالی .

وقعه نویسن ادیب

سالله مرکزیه دن اولوب مدت مدیده باب آصفیده تشریفاتی
جاهی ایله مستخدم و خیلی زمان بنای وجودینه علل تطرقیه قباطاشده
واقع خانه سنده نقل چین بزم عزالت و هرم اولمش و بیک ایکوز اون
اتی ساندده انتقال و فندقلی جوارنده کائن خاتونیه زاویه سنده خاموشانه
اتصال ایلمش و قرق سکر خلانده جاد ریاستدن معزولاً فوت اولان
انسید سایان نجیب افندی مرحومک پدری و سلطان سلیم خان ثالث

حضرتلرینک اوائل سلطنتلرنده سفری و حضری اوله رق ایکی دفعه خدمت و قایغنویسی دولت علیه ایله یازدیغی تاریخندن اوچ بش جزء مقداری اثرک مظهری صاحب دیوان السید محمد اغنیدر رحمه الله.

وقعه نویس نوری بک

میر مومی الیه یوزالتمش سکر شعباننده حامل مهرهایون و بعد العزل یتیم بر تاریخنده جده والیسی اولوب موسم حج حلول ایلدکده طواف بیت الله امایله جده دن برقاچ ساعت انفصالنده مزاجنه انحراف طاری اولغله بامر الله تعالی دار اخرته دامله بند سفر و خدیجه الکبری رضی الله عنهانک قبر شریفی جوارنده احضار اولنان محل نورانی فی مقر ایلمش اولان نائلی عبدالله پاشانک نجل نجیبی فیض الله شا کر بک افندینک ارشد اولادی و سلطان سلیم خان ثالث حضرتلرینک زمان سلطنتلرنده شیخ الاسلام بولنان مصطفی عاشر افندینک دامادی خلیل نوری بکدرکه اخلاعه اوتتدن محتنب و مستمرا ادب و کمالی مکتسب شعر و انشاده ممتاز و شیمه استقامتله سرفراز اولوب ایکیوز طقوز شهر ربیع الاخرینک اوچنجی خمس کونی مالیه تذکره جیایکی عهده سنده اولدیغی حالدده وقعه نویس اولمش و ایکیوز اون اوچ سنه می وقعه نویس بکده کوچک تذکره جیایک عهده سنده ایکن دار بقایه رحمت ایلمش و ایوبده فریدون پاشا تره بیسی جوارنده دفن اولنمشدر . رحمه الله

وقعه نویس واصف

مشارا ایپک اسمی احمد اولوب بغداددن ظهور اییبوب تحصیل

علوم و معارف آرزوسيله وان وقارص و حلب طرفلرنده کشت و کذار
و بندر سرعسکری ايکن فوت اولان کل احمد پاشا زاده علی پاشانک
کتابجلیق خدمتيله بهرمدار ، بعده ابازده محمد پاشايه بالانتساب يکی قلعه
استیلاسنده قید اسره گرفتار اولمش ایدی . قبل المصلحه بر وسیله ايله
خلاص اوله رق اردوی همایونه واندن استانه کیش واول وقت رکاب
همایونده رئیس الکتاب بولنان رائف اسماعیل پاشايه تردد ايله خلی
اعتبارینه مظهر اولمش ايکن بعض اسبابه بناءً استقال و مکتوبجلیق
ایله استانه کیش وینه اردوی همایونه عودت ایتک اوزره عزیمت
ایتمش اولان عبدالرزاق افندی معیتيله رفع وارسال اولنغله انده دخی
مومی ایه کسب تعلق و آمدی اوطه سنه مأموریت و سلک خواجکانییه
دخی دخول ايله امثاله تفوق و یوز سکسان التی رجبنده امر متارکه
ایچون روسیه فله مارشالنه کوندریلوب بعدالعوده مومی ایه عبدالرزاق
افندی مصلحه مأموراً بکرشه عزیمتده مناصب دیوانیه دن غرباء
یسار کتابتی عهده سنده بولنه رق مکمله کتابتيله رو براه اولمش ایدی .
بعده استانه کیش و برمدت ینه آمدی اوطه سنه مداومت ایتمش ایهده
حمیدخلیل پاشا صدارتده ايکن موقوفات منصبيله لاجل السفاره اسپانیا
طرفه عزیمت و ختام مأموریتله عودتنده کوچک روزنامه چه و قالیونلر
کتابتی مثللو بعض مناصب دیوانیه ايله شادان بعده اناطولی محاسبه جیلکی
ایله خندان اولمش وایکوزایکی اردوسنه مأمور قلنه رق ماچین جانبنده
ايکن روسیه مرخصلری ايله مذاکره اساس مصلحه یه تعیین و باش
محاسبه منصبيله دخی کامین قلنمش ايکن بعض اسبابه مبنی بلغرادده رفع
صورتيله تسیر بعده اعاده ايله تبشیر و استانه یه وصولنده بالدفعات
اناطولی محاسبه جیلکی ايله تحقیر و انوب خدمت ریاستده بولنان ذواتک

جمله سی عاينده اولدقلرندن بچاره ايدم جك قدر اولسون بر
 نمالو منصب ويرلمه رك چوق زمان اوقاتی فقر و ضرورتله هبا و وقعه
 نويسلك ايله ورقكردان صحايف صبح و مسا اولمشیدی. رئيس الكتاب
 راشد افدينك سبب عداوتی شويله دركه صدور عظامدن تاتارجق زاده
 عبدالله افدی ايله استانبول پايه لولرندن كيچه جي زاده صالح افدی
 و شهر امینی سيد محمد افدی و صاحب ترجمه و اصف افدی مشارايله
 عبدالله افدی ساحاخانه سنده اجتماع ايتمليله بونلر امور دولتی پيشهاد
 و بوسيله ايله وکلای دولت حقنده باب طغنی کشاد و اول وجهه
 ايقاع فتنه و فساد ايامش لر در ديه رك خاکپای هايونه افاده و دردی
 بردن نفی و اجلا اولمغه استحصل مساعدده ايتمكه بناءً عليه و اصف
 افدی مدلوليه نفی و اجلا و حرکته اوج بيك غروش خر جلق
 اعطا و منفايه و ارمق سزین بوغز داخنده سفینه ايله متوقف ايکن اطلاق
 امريخی اسرا ايتمش ایدی. عودتنده رئيس مشارايله زیارتنه واروب
 ماشاء الله براليك زده قالج و براليك زده مرهم بويله تربيه عقينده مروت
 و احسان اسلاف و اخلاف کزدن برينك الندن کلامشدر و کمز ديمشدر
 و الحاصل ينه اول توجيه ائده انا طولی محاسبه جيايکی توجيه اولمش ايکن
 حل و قوعيله باش محاسبه منصبنه منقول و سنه سی ختامنده وقعه نويسلك
 مناسبتيله سلطان سليم خان ثالث حضرتلر ينيك کاتب اسراری يايجی
 زاده احمد افدی يه چتوب آنک هميله بيوک روزنامه چه مناصبي ايله
 واصل اعز مأمول ایدی. ايکيوز يکرمی سنه سی اواسطنده محمود
 رائف افدينك يرينه دفعهً جاد جايل رياسته بر مراد و اول وجهه
 منشرح الفؤاد اولمشدر.

بيک ايکيوز يکرمی عهدنده و اصف احمد افدی اولدی. رئيس

بیت دلاراسنی خواجه منیب افندی وادبای موالیدن اسیری زاده رفیع افندی دخی « واصف افندی اولدی رئیس فلک دولته » مصراعنی وخواجکاندن صادق لید افندی « اهلا رئیس فضل » ترکیبی ریاست مشارالیه تاریخ اوله رق حساب ایلمشدر . ریاست توجیهندن ناشی وقعه نویسلک محمد پرتو افندی یه توجیه اولمشدر . مشارالیه برحق سنه مقداری مسند ریاستده قرارایدوب ایکوز یکرمی بر رجی اوانلنده سوء معددهن خسته لنوب سنی یتشی متجاوز اولمغله تداوی وعلاج کار کر تأثیر اومیه جنی تبین ایتش و ملازمت باب عالی یی ترکله یکرمی کون قدر مقام ریاست خالی قالمش اولدیغندن معزول ویرینه آمدی سید محمد سعید غالب افندی موصول وبش التی کون مرورنده مشارالیه دخی محل خاموشانه منقول اولمشدر . مشاهیر شعرادن سید عثمان سروری افندی مشارالیه ک ارتحالنه « واصف احمد شیم قیلدی وفات » مصراعنی تاریخ بوله رق حساب ایتشدر . مرحوم مشارالیه تربۀ خالد جوارنده مهر شاه والده سلطان مکتبی خطیره سنده مدفوندر . فی الواقع مشارالیه ک علوم عقلیه ونقلیه ده مهارتی وشعر وانشاده ملکه و حیثیتی (محاسن الاثار وحقایق الاخبار) نامیه متداول ایادی انام اولان تاریخ نزاکت ارتسامندن نمایان و حسن قریحه و جودت ناطقه ایله مشارالیه بالبنان اولمشدر . مشارالیه ک مکالمه کتابتیه مأموریتی و بر دفعه دخی نفی اولمنسی وبرقاج دفعه اردوده بولمنسی جهتیه اوچ بش دفعه وقعه نویس اولمغله انوری افندی یه کاه سلف وکاه خلف اولوب دفعۀ اخیرده سنده ریاست مناسبتیه عهده سندن صرف وتحویل اولنه رق مومی الیه پرتو افندی یه توجیه قلنمشدر رحمه الله .

وقعه نویسن پرتو

مومی الیهک اسمی محمد در . خلد آشیان سلطان احمد خان اول
 حضرت تارینک جامع انوار لامعی نزدنده واقع تربہ زقغندہ ساکن
 سلطان احمد موقتی چابی مرحومک مخدومی اولوب سنی حد تمیزہ
 بانغ اولدقدہ تحصیل معارف و ہنرہ صرف مکنت و عمت و اول اثنادہ
 اناطولی محاسبہ سی قلمنہ ہوس و رغبت ایلبوب مدت و فیرہ قلم مرقومہ
 مداومت ایتمش ایسہدہ قلم مزبور دہ ہر نقدر مستخدم اولسہ عاقبت الامر
 کیسہ دار و یا خلیفہ اولہ جنی بدیدار اولدیغندن اقلام فیض ارتسام باب
 عالیدن آمدی او طہ سندہ استخدام اولتمق امنیہ سیلہ بیک یوز طقسان
 سکر خالاندہ اناطولی قلمنی بالکلیہ ترکلہ نجمۂ ادبا و عمدۂ عرفا
 رئیس الکتاب اسبق عارف افندی مرحومک دارا معارف اولان خانہ سنہ
 مواصلت و حالت افندی مرحوم ایلہ اول دائرۂ فاخرہ دہ مشارکت ،
 بعدہ بیخان سلطان کتخداسی قریمی جدید احمد افندی قوناغنے نقل
 حرکت و برمدتن صکرہ بکلکچی عزت بک دائرہ سندہ فرش قالیچۂ
 اقامت ایدوب میر مومی الیہک اعانہ سیلہ آمدی او طہ سنہ بارتبۂ خواجکانی
 داخل و واصل افندی یرینہ وقعہ نویسلک خدمت مرغوبہ سنہ نائل
 اولوب ایکوز یکرمی ایکی سنہ سی اردوسنہ وقعہ نویسلک عہدہ سندہ
 اولدینی حالہ بلوکات اربعہ کنابتاری دردی بردن عہدہ سنہ حالہ ،
 بعدہ آمدجیلک توجیہ اولتہرق عازم و ادرنہ یہ وصولندن بش اون
 کون مرورندہ دار بقایہ ارتحال و سزانی حسن افندی حضرت تارینک
 جوار فیض مدارندہ خاموشانہ اتصال ایتشد در . مرحوم مومی الیہک
 اولاً مخلصی نوری اولوب صکرہ پرتو مخلصیہ تخلص ایتمش اولدیغندن

زاده طبعی و نقش مهری اولان اشبو « پرتو کدای لمعه نور محمد »
مصرع برجسته سنده مختص سابقه اشارت ایامشدر . خواجه نشأت
افندی مرحومك شاگردانی میاننده فائق الاقران و مشار بالبنان
وصاحب دیوان بر ذات ستوده صفاتدر زجه الله تعالی .

وقعه نویسن عامر بك

مومی الیه دفترخانه عامره کیسه داری همتی افندینك فرزندی
اولوب دفترخانه کتبه سی زمره سینه ملتحق و حیثیت ذاتیه سی سببیه
اقراننه متفوق اولدیغندن سلطان سایم خان ثالث حضرتلرینك عهد
سلطنتلرنده تنظیم اولسان نظام جدید مستحسن دفترداری معیتند
برمدت سواری یوقلمه سینه مأمور و نظام مذکور طی والغا اولندقد
میر مومی الیه مأموریت مز بوره دن دور و مهجور اولدقد بکاکچی
مومی الیه عزت بك اعانه سیله آمدی اوطه سینه ادخال اونوب واردوی
هایونده آمدی ووقعه نویسن پرتو افندی یرینه اصاله ووقعه نویسن
واصاله آمدی نصبه قدر ایکی ماه مدت بالوکاله آمدی اولمش و اوچ
بش ماه ظرفده ووقعه نویسن اگدن استعفا ایتمش و خدمت مرغوبه
مز بوره استانه علیه ده عینتابی احمد عاصم افندی یه توجیه اولتمشدر .
کرك پرتو افندی مرحومك و کرك میر مومی الیهك تحریر ایلدکاری
وقایع مضبطه سی عاصم افندی یه و یرمك اوزره ادرندن استانه علیه
کوندرلمشدر . انجق مضبطه مز بورده قائم مقام صدر عالی جانیکی
ظیار پاشا حقنده بعض ذمی مشعر فقره لری مومی الیه عزت بك

مرحوم محو و اثبات ایایوب مجدداً قلمه الهرق مضبطه مرقومیه درج قلمشدر . میر مومی الیه روز و شب عرقنوش و کیجه و کوندز سرخوش اولدیغدن مناصب دیوانیه دن برینه میل و رغبت ایتیموب میر میرانده منزل اتخاذ ایلدیکی کلبه احزانده پیغوله نشین عزت اولوب اکیوز اوتوز خلانده دار بقایه رحات ایلشدر . مرحوم خواجه نشأت افدینک شاگردانی بیننده هر وجهه ممتاز و شعر و انشاده بر وقعه نویس سرفراز ایدی رحمه الله .

وقعه نویس عاصم

فاضل مومی الیه رحمه الله علیه مرعش نواخیسندن بازار جق اوده سنده دفین خاک عطرناک اولان کبار اولیاء کرامدن الشیخ عثمان السمرقندی حضر تلرینک سلاله سندن (نظم الملال) نام منظومه سلاست اتسامک ناظمی الشیخ احمد افندی نسلندن عینتابده دودمان علم وادبدن شاعر حصولی افدینک فرزندى محکمه عینتاب باش کاتبی محمد جنانی افدینک صلبندن تولد و سنی حد تمیزه رسیده اولدقده صرف و محوی عمر زاده حافظ افدیدن و بعض مقدمات و نسخی حاجی حسن زاده افدیدن تحصیل و فنون سائرده شفاء شریف و شمائل شریف و دورا علی و مفاتیح الدریه و عرائس خادمی شارحی و (نظم نفیس) نامیه بنام منظومه لطافت انجمک ناظمی علوم متنوعه دن بعض متون و تعلیقات و حواشی راقی و عینتابده یکانه اصحاب درسعامدن ایکن مدینه منوره یه

عجرت و اول مقام مبارکده دارالنعمه رحلت ایلمش اولان الحاج
خواجه نجیب افدیدن تکمیل ایتش ، بعده شعر و انشائی پدرندن
اخذ ایله شاعر ماهر و منشی نادر اوله رق السنه ثلاثه ده نظم و نثره
لیاقتله مرزبومی اولان عینتابده تعین و تفرد ایدوب

قلمدن خاک مذلتده هان ای عاصم عازم سوی سماسای ستانبول اوله لیم
زمزمه سیله ایکوز درت سنه سی باب الحاجات اولان استانه دولت آشیانه یه
واصل و اون بر محرمنده ترجمه برهان قاطعی عرض ایلدکده طریق
علمیه حرکت خارج رتبه سیله داخل و بعدالمدارس ایکوز اوتوز
سنه سی سالنیک مولویته نائل اولوب یکریمی ایکی سنه سی بالاستعفا
معزول اولان عامر بکک یرینه وقعه نویس اولمش اولان احمد عاصم
افدیده رکه ایکوز اوتوز بش صفرنده سالنیکدن معزولا دار بقایه رحلت
و مسکنلر جوارنده کسب راحت ایتشدرد. مرحوم مومی الیهک (برهان
قاطع) ترجمه سی و (قاموس محیط) ترجمه سی و سیردن راغب پاشا
خواجه سی دیمکله شهرتیباب بلیغ و فقیه و محدث و متکلم و حکیم
بی اریباب ابراهیم حلبی مرحومک کندو ارجوزه سنه و امالی اعتقادیه
نظمه ترکی شرحی و منظومه لغویه عربیه سی و تحف سائره سی حق
بوکیم علوم شتاده کالنه دلیل واضح و رساله معارف قبالة فاضلانیه سی
شارحدر. مرحومک وفاتندن بر قاج سنه مرورنده عینتاب مفتیسی
عثمان صائب افندی عالم معناده الحاج السید احمد عاصم افندی مرحومی
البسه فاخره ایله ترین ایتش و حسن جمالی درجه کماله رسیده اولمش
اولدینی حالدّه مشاهده ایلدم و احوالندن سؤال ایلدیکمده

لولم یکن ما حزنه یقینی فغصیری یحجینی یوم الفیام


بیت دلاراسیله جواب ویردیلر دیو نقل بشارت اولی بعض فضلادن

مسموع دعا عیانہ اولمش ورؤیا ایلہ حکم ثابت اولمزایسہدہ رجل صالحک
رؤیاسی مبشرات الہیہ قیلندن اولغلہ وسیلہ رحمت اولمق امنیہ سیلہ
اشبو جریدہ عاجزانہ تحریری مناسب کورلمشدر. مرحوم مومی ایلہ
اون یدی تارینخندہ زائریت شریف اولدقدہ اول وقت مدینہ
منورہدہ مجاور مشارالہ خواجہ نجیب افندی قاموس ترجمہ سنہ
مرحومی ترغیب بیورمش اولدیغنی دیباجہ ترجمہدہ بعض رموزات
ایلہ افہام و بوجہتلہ خواجہ مشارالہات کرامتنی اعلام قیامشدر .
رحمہم اللہ رحمۃ واسعہ .

وقعہ نویس شانی زادہ

مولانای مومی ایلہ خدمت شریعت میانندہ صکی معتبر و مقبول
و یوز التمش طقوز شوالندہ طریق علمایہ موصول اولوب ایکوز
محرمندہ غلطہ قضاسیلہ وایکیوز ایکی شعبانندہ با پایہ مکہ اردوی ہایون
قاضیانخی ایلہ بکام وایکیوزالتی تارینخندہ مدینہ منورہ مولویتیلہ بین الموالی
بنام اولدقدن صکرہ معزولا دار بقایہ رحلت ایامش اولان شانی زادہ
صادق افندی مرحومک مخدوم معارفوسومی محمد عطاء اللہ افندی درکہ
ایکیوز محرمندہ طریق علمیہ یہ داخل وایکیوز اوتوز بر سنہ سی
جمادی الاخرہ سندہ خواص رفیعہ قضاسنہ نائل و اوتوز یدی سنہ سی
محرمندہ مکہ مکرمہ پایہ سیلہ محسود الامثال اولمش ایدی . اوتوزیش
سنہ سی وقعہ نویس عاصم افندی مرحومہ خلف واول اثنادہ نظارت
صدارتیناہیدہ آسودہ اولان اوقاف مفتشلیکی ایلہ مشرف اولمش

ایسده بعض حساد خباثت معتادك فسادیه ایکیوز قرق بر صفرندم
 وقعه نو یساکدن معزول و قرق ایکی سنه می وقعه سنده شاننه لایق
 ارنیه جق تهمت شرعیه ایله مدخول اوله رق ارپه نغی اولان تردقضا سنده
 نفی واجلا قلندقدده اول ذات پاك دامن معارف و هنری عندالعقلا
 مسلم و مبرهن اولوب بومقوله افترادن متألم و متأثر اولمغله منفا سنده
 براز مدت تعیش ایلیوب عاقبت الامر دار فضا مدار دنیادن نقل برله
 سیبانی تخایه ایلمشدر . مرحوم مومی ایله علوم شتاده ماهر و فنون
 بی همتاده حیثیتی باهر اولوب جامع علم ابدان و ادیان و فن موسیقیده
 فارابی زمان علم نجومده شهرتی کالشمس فی وسط النهار ظاهر و اشکار
 و شعر و انشاده صاحب اشتهار ایدی . لسان فرانسه ده ترجمان ترزبان
 و فرانسه زجه کتابتده مشار بالینان اولمش ایدی . علم طب بدن و علم تشریح بدن
 تأیقاتی بین الاطبا مقبول و معتبر و علم حساب و جزئیاتده بین المحاسبین
 سر دفتر ایدی . جمیع صنایعده استاد لرینی حقلا مش . قماش هنرنی دستکاد
 معارفده طرافلامش استادانه طبور چالار ، پك بی نظیر ساعت ییار ،
 مصور لکده بهزاد و غایت تیز دست صیاد ایدی . فذلکه الکلام مرحوم
 مومی ایله عارف و ظریف و نازك و متواضع نادر الاقران بر محرر و قایع
 ایدی رحمه الله تعالی .



حالا وقعه نویس دولت علیه

ترجمه سی سبقت ایش اولان شانی زاده افندی به خلف و سایه
 حضرت ملوکانه ده نقایت علیه عهده سنده بولندیفی حالدده روم ایلی

قاضيه عسكريا حتى جاءه جليل ايله مشرف اولان شيخ زاده سماحتو السيد محمد اسعد افندي حضر تاريدير . متعا الله تعالى بطول حياته وفي هذه المقام وقف القلم واتهي ما استقصاه الذهن وسعى في جمعه القدم من تراجم ذوى الرياسة الحقيقية والمنعوية وجامعي شتات المناقب الرفيعة السنية . وذلك بعد التحري في المطالعه وتبعية الكتب والافواء التي صحت رواياتها بالتحقيق متابعه . فجاء بحمد الله عمدا نظم للآلئ اولئك الكرام وزين به بخور الصحايف على مدى الايام فقديم الحمد ليسر كل عسير وتلازم الصلوة والسلام على النبي النبشير . ونرفع ايدي التضرع والابتهال بالغدو والاصال بالدعاء قائلين من هو جالس سرير السلطنة بالمجد والاقبال الحافظ للبلاد والناصر للعباد الا وهو السلطان ابن السلطان السلطان عبد المجيد خان ايد الله الملك المستعان . اللهم اجعل شمس شوكت سلطنتنا في مشرق الاقبال شارقة واقمار سلطنته في مصاليع الاجال بارقة واحفظة عن الاكدار والآلام وادمه في سرير الخلافة الى اخر الايام واطل عمره واعمار ذريته بالصحة والسلامة وافض علينا بره وانعامه ووفقه لكل خير في جميع الازمان والاحيان كما وفقته مثل هذا الاثر بعون الله المنان واجعله في حدائق الصفاء مكينا ويرحم الله عبدا قال امينا .

وقع الاختتام بعون الله الملك العلام في العشر الثالث من الشهر الذي هو السادس اخماس من النصف الثاني من السنة التي اذا اخذ حاصل ضرب الواحد في خمسة وجذر نصف خمسة اسداس سدس الدور وسدس سدسه وحاصل ضرب المجموع في نفسه ثم ثلث الحاصل ثم زيد خمسة اسداس سدس الدور على الحاصل من التمثيل ثم زيد جذر نصف خمس الدور ونصف ذلك الجذر فيساوي عدده لعدد تاريخ السنة المباركة

هكذا حسبه محمد جمال الدين بقاعدة الجبر والمقابلة عامه الله تعالى
باللطف والمجامة .

— o o o —

تقاریض

باسمه سبحانه ونسأله احسانه

حمد یحمد ومنیف اول خالق لطیفه شایاندرکه قلوب عباد مؤمنینی
جمع وتالیف ومنافع بنی نوعه صرف یارای دقت وهمت وبذل ماحصل
سعی وغیرت ایدن خیرخواهان امتک اجور جزیه لرین تضعیف
بیورمشدر . وثنای انسانی مخصوص باعث هستی عموم وخصوص اولان
حضرت پیغمبر مخبرالنصوصه الیقدرکه ذات رحمتها رسالتیناهیاری
خواجه کتاب جلیل ﴿ وما ارسلناک الا رحمة للعالمین ﴾ ودیباچه تاریخ
« کنت نبیاً وادم بین الماء والطين » در . و آل و احباب و کافه انساب معالی
انتسابه دخی احراردرکه هربری وقایع نویسی شاه رسالت وشهنامه خوان
شهنشاه اقایم نبوتدر . (بعد ذا) آینه عبرتشعار روز کارده بیدار
اولان باجمله صور حوادث صحیحه ومعکوسه و امثال اسرار اخبار
عادیه ونفیسه جلای تقید صافی مورخین و خیای تبیض مسودات
مؤلفین ایله جلوه نمای ضبط واعتبار وصورت پذیر ثبات وقراراوله جفی
اشکار و بوقضیه بدیهه نک صورت مدلول انکشاف شمولی نصب
عین اولوالابصار اولدیغنه و سایه معارنوايه ملوکانه ده اشبو کتاب
صفوت نصابک جمع وتافیقنه موثق ومعارف وافضالده امثال واقراننه
مفوق اولان فضلاى موالى عظامدن تقویم وقایع مصححی فضیلتلو
جمال الدین افندی حضر تلی دخی دقیقه مذکوریه واقف وتعبیرات

فصیحہ و تفہیمات صحیحہ عارف بولنش ایدوکنہ بناءً بوآند قدر
صورت جمع و تانیفی کیمسہ نک آینہ خطرندہ چہرہ نمای جمال او ماش
اولان وقایع و یسان و مورخین دولت علیہ عثمانیہ ایدھا اللہ تعالیٰ الی
یوم الآخر دینی صور تراجم احوال و سیر و مناقب کیفیات و اقوال البریہ
کتاب نفیس مذکور دہ کو سترمش اولمغلہ حق بوکیم ذکر اولان
کتاب معتبر مانند آینہ اسکندر اسرار امثال و قوف و معلوماتہ معکس
و مظهر بولنش و سراپا فقرات و عباراتی لطیف بر اثر ظریف اولہ ورق
مثال روض اریقی شایان ستایش و تقریض اولمش و مؤلف مشارالہ
مرأت طبع تابناکی شعاع فیض معارف ایہ مصیقل و محلی و صدر جمیل
ذاتیسی جواهر فضائل و علوم ایہ مزین و محلی اولدیغہ کتاب مذکور
دخی دلیل واضح کور نمشدہ . ہمن جناب معارف بخشنده نوع انسان
روح اندام جہان و عین حیات علم و عیان اولان السلطان بن السلطان
ابن السلطان السلطان عبدالحمید خن ابن السلطان الغازی محمود خن
ابن السلطان الغازی عبدالحمید خن افندہ مرز حضرتلرینی الی آخر الدوران
سر لوحہ شاہان زمان و صحائف ایام عمر و عاقبت و اقبال و شوکت و سلطنت
و اجلال ملوکاندلرینی سطور مسائل مرحمت و معونات ایہ مانند نجوم
آسمن بحد و پایان و کفہ مفارق بندکن و داعیانہ مضلہ امن و راحت
و مطلع نور سرور عاطفت و عنایت اولان مہر منیر شوکت مصیر شہر یارانہ
ثمرہ فیض بہرہ سنہ مظهر یتہ مؤلف مشارالہی دخی مشار بالبنان
بیورسون امین .

نقہ المحتاج الی اللطف والمعانی حافظ احمد

الحقی عن خاندان مکتوبی صدر علی

و به نستعین فی کل وقت و حین

حمد یجد و ثنای مخصوص لایحضا و لایعد خالق نون و انام و منشی
حقیقی کافه علم و حکم حضرت لرینه واجب و احرا در که امت مرحومه
محمدیه حکمت غمیضه عبرت و قاطبه ملت بیضای احمدیه ذریعه بدیع
انتباه و بصیرت اولمق اوزره احوال سوابق ام و عباد آیات بینات الهیه
واحکام سالفه دقایق اعتیاد کلمات اعجاز طراز سبحانیه سیله تفهیم و ایراد
بیورلمشدر و اعظم صلوة و سلام دیباجه کتب نبوت و فہرست رسائل
رسالت افندمن حضرت لرینه شایان و سزادرکه القاب مستطاب حقیقه
نبوتی ﴿ و ما ارسلناک الا رحمةً للعالمین ﴾ ایلہ توقیر و تبیین و تاج و ہاج
رسالتی زیبایش کوہر کرانبہای ﴿ انا ارسلناک شہداً و مبشراً و نذیراً ﴾
و پیرایش الماس پاردہ ﴿ و لکن رسول اللہ و خاتم النبیین ﴾ برلہ ترین
بیورلمشدر و انواع ترضیہ رضیہ و اثنیہ جلیلہ مرضیہ آل و اصحاب و انساب
کرام حضراتنہ جدیر و لایقدر کہ اول فرقه ناجیہ حائز قصب السبق
مضمار ﴿ السابقون السابقون ﴾ و فائض رتبہ علیہ ﴿ اولئک المقربون ﴾
اولوب کمال ہمت بلند مزیتاریلہ سیر پرعر خاتم المرسلین نویسنندگان
وقایع زمانہ یادکار و غزوات نصرت آیات خیر الاولین و الآخرین
مورخین جہانہ تحفہ ایام و اعصار اولمق اوزره ثبت تحایف روزگار
و بو جہتلہ دخی ابقای نام محاسن شعار ایتشلردر . (بعد ذل) بعض
متبعان اصحاب ہمت و دقت اثر اثار مشارالہم حضراتنہ بالافتقا اکثر
صور حوادث یومیہ و وقایع کونیہی جمع و املا و بوصورتلہ حال
حاضر دین و دولت احوال سابقہیہ تطبیقاً و امور مستقبلیہ ملک و ملت

مقیاس قیاس احکام سالفیه توفیقاً تنسیق واجرا قلنمق بابنده تاریخ‌نویسنده
 نیجه دقایق حکم وروامیز و اشارات و کنایات حیرت انگیز درج وایما
 ایدرک انجق بدایت مدت دولت علیه سرمدی‌القراردن بو آنه کنجیه
 دکن وقوعه نویسان دولت و مورخین سلطنت بولنان ذوات کرام معارف
 عنوانک حال و شان و ترجمه احوالترین الی یومنا هذا بر کسسه قلمه
 آلمامش اولدیغندن که ترک الاول للآخر و قفنجیه موالی عظامدن
 فضلالی عصرنه ارجندی تقویم و قایع مصححی فضیلتلو جمال افندی
 حضر تلی سایه موفقیتوایه حضرت ملوکانه ده شان و حال و ترجمه
 احوال و مقال مشارالیهی خلاصه و جهله بیان ضمننده عبارات مفیده
 و نسیسه و فقرات مستفیده و سلیسه ایله اشبو کتاب بلاغت نصابی انشا
 و تسمیم و (آینه ظرفاً) اسمیه تلخیص و توسیم ایشدر . الحق اشبو
 رساله فصاحت اساله تواریخ انشا بولنان ذوات دقیق یینه و راجله
 خواهشکر تحقیق و تدقیق اولان کرده محققین و مدققینه مانند آینه
 اسکندر عرض دیدار مراد و ارائه شکل و نمائل دقیق انجام ایده چی
 کالشمس فی وسط السما و ادیح و هویدا « کتاب نوان المیل یرمی مثله
 اقلت یدی عن حجر تیه ذکاء » مؤداسیه مدح و ثنایه شایان و سزا
 بولندیغنه مبنی من غیر حد تقریض و بوبده واقع اولان قصه و
 و عثور بندگانه مک عفو و اصلاحی ارباب معارفک عهده لطف
 و مروتلرینه احاله و تقویض قلنمش اولسیله همان جناب خلق ذات
 تزهت ذاته عن تطرق تکرر الصبح و انسا عصر باهر انصر شاهانه سی
 ملجاء عرفا و ادبا و زمان معدلت اقتران پدشاهیه سی ملتجای اهل کمال
 و علما اولان پادشاه دارا منقبت و شهنشاه ولی سیرت ولی نعمتیز ولی

نعمت عالمیان السلطان ابن السلطان عبدالمجید خان ابن السلطان
الغازی محمود خان ابن السلطان الغازی عبدالحمید خان اقدمز حضر تبارینک
شاهد مراد خیریت اعتیاد خسروانہ سن مرآت توفیق دائمی سنده حسن
صورته نمودار وایام عمر و اقبال و شان و شوکت و اجلال تاجدارانہ سین
مانند عدد انجم تابدار یجد ویشمر و مؤلف مومی الہی دخی آفتاب
التفات ہایون جہاندارانہ سنہ مضہریتلہ دیدہ امنیہ امل بندکانہ سین
ہر حالدہ لبریز انوار مسار وقریر العین افتخار بیورسون آمین .
حرره الفقیر الی الطاف ربہ القدیر
راشد عن خلفاء مکتوبی صدرعالی

یافیاض

زہی شاہ جہانیان حضرت عبدالمجید خانک
فروغ مہر لطفی مایہ بخش اہل عرفاندر
معارف پیشہ خیراندیشہ دراول شاہ ذیشانکیم
زمان شوکت شاہانہ سی مغبوط ازماندر
ہنر پرور شہنشاہ معظمدر کہ عصرندہ
کالات و معارف اہلی یجد و فراواندر
کہ از جلہ جمال الدین افندی ہنر پیرا
موالی عظامدن فائق امثال و اقراندر
ہووالا نسخہ فی تالیف ایدوب عہد ہایونندہ
نہرتبہ وصف اولنسہ اولقدر تحسینہ شایاندر
نہ حاجت جستجوی آب حیوان ایتمکہ شمدی
ہوثرک شہہ مز ہر لفظی عین ماء حیواندہ

جمال فضله کویا خالدر بالجمله آثاری
که صدق مدعایه ایشه بو تألیف برهاند

معارف اهل (فهمی) سایه شاهانه ده ممنون

بو داعی هنور جمله دن احسانه چساندر

اوله رونق طراز تخت نصرت تا ابد زیر

سپر شوکته اولشاه ذیشان مهر تاباندر

یافیاض

حضرت عبدالمجید خان مکارم پرورک

غبطه ایتسون عصرینه جمله سلاطین عظام

اوله سلطان معارف پیشه درکیم نوبنو

اوله ده عصر هابوننده هرکس شاد کام

صد عصر محاسن حصر شوکتدر بوکیم

هرکس ایلر معرفت اظهارینه اقدام تام

ایلدی یعنی جمال الدین افندی طوغریسی

اشته بو تألیف ايله از هر جهت ابقای نام

اوله بر تألیف زیبادر که هر بر مبحثی

خاص و عامه ایتده کشف مزایای مرام

(خضر یا) بنده تتبع ایلوب بو نسخه نیک

ایلدم تقریضنه من غیر حد اهتمام

سایه شاهانه ده اولسون اوزات پر هنر

التفات و مکرمته چوق زمان شاد و بکام

یاستار

شه عالیسر عبدالمجید خان کرم معتاد

قلوب اهل تصنیف ایدر تألیف ايله آباد

کوریدی ذاتی جنتمکان مرحوم فردوسی
ایدردی کوثر و صفنده چوق شهنامه لایراد

فلک کورمش دکلدر هیچ بر تاریخده مثلن
اودر نور دوعین علم و عرفان و فخر اجداد

خدیدو خیر خواه دیندر اولدقلرین استر
زمان دولبتنده محترم ارباب استعداد

جمال الدین افندیء جمیل الشیمه از جمله
سزای لطف و تحسین ایتدی زیبا بر کتاب انشاد

یازوب وقعه نویس آل عثمانی بر کوردی
سلاطین کزینک ایلدی ارواحنی دلشاد

موالیء فخامک فخریدر باصمه قالب صائمه
دکر تقویم مدحن اهل طبع ایلر ایسه اوراد

کوروشه ابن اکتم کتم ایدردی شرم ایدوب کندین
معارف آشنانک قسطلانیسیدر اول استاد

المهی زیدو عمروه شفقت ایتسون ذات والاسی
صنوف مرحمت و ألوف فتوادن اولوب تعداد

اوشاهک بیک مؤلف نامه دیباجه لر یاپسون
ایده حق صفحهء تاریخ عمرین اولقدر مرزاد

یازای (صفوت) محلد رطوغریسی تقریض و تاریخه
جمال الدین اعلم قلدی نوایجاد اثر ایجاد

یاقتاح

بو اثر ایله جمال الدین افندی الدی شان
استمز تفصیل مدح ایلدی جمله نکه دان

طوطیء طبعه شکرمی کیم بو الفاظ لذیند
کفتکویه دوشدی نیجه اهل دالر ناکهان

تسخه سی نادر اولوب بو اثر نادره نك
كورميش صورت امثالنى مرأت زمان
ياور همتيدر بالى افنديك كيم
حق ميسر ايتدى تحريرين بوجه اسان
ايلدى خاطر مكسوريمى لطنى معمور
كونبكون قدرينى بالاترايده اول يزدان
جيش غمدن قلم دتره يرك بولدى ظفر
هله برقاج نسخين يازدى بوعبد نالان
هپ كرامات شهنشاه جهان شاه
بويله نأليفه مماثل دها چوقدر برهان
(فتحي) تقيض و تاريخه مجالك يوقدر
سكا لازم دعادر ايلمه غفلت بران
عدل وشوكتله سرير سلطنتده دائم
ايله عبدالمجيد خانى مقرر سبحان
حره الفقير الحقير المحتاج الى رحمة القدير السيد خليل فتحي سيواسى
غفر ذنوبه ولوالديه ولجميع المؤمنين آمين





مؤلف اصل کتاب زمانه قدرینی یازمش . حتی وقعه نویس اسعد افندی کتابك تالیفی نهایت بولدیغی وقت بر حیات و وقعه نویس اولدیغندن آنك ترجمه حالی ده بالطبع اکمال اولنه مامشدر .
 بو تالیف کزینک او آندن شمیدی به دکین کچن مدت ظرفنده کی وقعه نویسار ایله مورخینی دخی احتوا ایتسی مکملیتنی تأمین و استفاده یی تمیم ایده جکی دوشونلدی ده رجال مشار الیهک تراجم احوالی ایشته بزم طرفزدن علاوه اولندی .

اداره اقدام

رجال مشار الیهم بروجه زیردر :

وقعه نویسار — اسعد افندی مرحوم ، رجائی افندی مرحوم ، عاکف پاشا زاده نائل بك مرحوم . احمد جودت پاشا مرحوم ، الآن وقعه نویس سماحتلو لطفی افندی حضرتلری .

مورخین سائر — کندی نامنه منسوب تاریخك مؤلفی خیرالله افندی مرحوم ، فذلکه مصنفی احمد و فیک پاشا مرحوم ، نتایج الوقوعات مؤلفی مصطفی پاشا مرحوم ، خبر صحیح صاحبی فوزی افندی مرحوم ، الیوم صحیه نظارت جلیه بی رئیس ثانیه سی عطوفقلو احمد مدحت افندی حضرتلری ، مکتب سلطانی مدیر لاحق عطوفقلو عبدالرحمن شرف افندی حضرتلری .



وقعه نویس اسعد افندی

اسعد افندی سلطان محمود و سلطان عبد المجید دورری رجال علمیه سندنذر . صحافر شیخی زاده دینکله معروفدر .

اسعد افدینک پدری مکه مناسی اوله رق عائله سیله برلکده اوجانبه کیدر ایکن راکب اولدقلری سفینه شاب دگزنده قضایه اوغرامش . بونلردن یالکز اسعد افندی ساحل سلامتہ چقہ یلمشدر .

اورادن استانبوله عودتندہ باب فتوایہ ملازمت ایدرک صرہ سیله وقیع کاتبی اولمشدر . ۴۱ تاریخندہ وقعہ خیریہ یهده ، یکچریلرک لغویہ دائر برتو پشا قلمیله صادر اولان طویل الذیل بر فرمانی سلطان احمد جامع شریفندہ علی ملا الناس اسعد افندی اوقومش . ۴۳ تاریخندہ روسیہ سفری آچیلدیغندہ اردو قاضیغیله رومایلی یه عزیمت و آنک یرینه چرکشی محمد افندی اردو قضیسی نصب اولندیغدن در سعادتہ عودت ایامشدر .

۴۷ تاریخندہ در سعادتہ ایالک دفعہ اوله رق ترجه تقویم وقیع غزته سنک ابتدای تأسسندہ او تاریخه قدر اسکدار جهتندہ بولتان مضبعتہ عامرہ استانبولده باب سر عسکرینک ارقہ جهتندہ قبودان باشی حامی نامیله متروک اولان محله نقل ایدلمش وجوارندہ کی گوشہ باشندہ کائن قوجی باشی موسی اغانک قوناغی - که مؤخرأ مصرلی فضل مصطفی پشا مرحومه انتقال ایدن والیوم عرصہ اوله رق موجود اولان قوناقدیر - مدت مدیدہ تقویم خانہ اتخاذ اولنوب مجدداً تشکیل ایدیلاں مضبعتہ عامرہ نظارتی تقویم نظارتی دیه توسیم ایدیله رک اسعد افندی اورایہ تعیین ایدلمشدر .

شوراسنی استطراد قیلمندن اوله رق ذکر ایدم که تقویم و قایمات
عریجه و دیگر برنامده فرانسه جه ، روجه و ارمنیجه نسخه لری دخی
باصیلوردی . روجه ایله ارمنیجه سی دولتک نظارتی التمه اوله رق
یطریقخانه لرده طبع اولنیوردی . فرانسه جه سنک محرری التمی
دائرة بلدیه مدیریتده و بکرش سفارتلرنده بولمش اولان متوفا بلایک
پدری موسیو بلایک ایدی که مومی الیه اولجه ازمیرده چیقاردیغی برغزته ده
اوزمان تحداث ایتش اولان مسائل مصریه ده سلطنت سنیه نک نفعنه
بر چوق نشریاتده بولندیغی ایچون سلطان محمود خان حضرتلرینک
توجه هایونلرینی قزانهرق در سعاده جلب اولمش و رسمی فرانسه جه
غزته اندن طولانی موسیو بلایک عهدۀ اقتدارینه تودیع اولمش ایدی .
۱۲۵۴ سنه سنده تأسیس ایدمش اولان قرانته اصولنه اوزمان
خلق پک یانچی اولدیغندن نظر عمومده بدجه کوریلان بویکی شی
حقنده سوء ظنه محل قالماق اوزره رجال علمیه دن اولان صاحب الترجمه
اسعد افندی ایله صدوردن عبدالحق منلا قرانته مجلسنه اعضا انتخاب
ایدملش لدر .

۱۲۶۰ سنه سنده شاه ایرانک وفاتی مناسبتیه اسعد افندی استانبول
پایه سی احسانیه و سفارت موقته ایله شاه جدیدک تبریک جلوسی ایچون
کوندلش و معینه فارسی ترجمانی اولمق اوزره مؤخرأ کمال پاشا اولان کمال
افندی مرحوم و سرکتابته ده او وقتک شعرا سنندن ایشلی ولی افندی
مأمور ایدملش لدر . استانبوله عودتنده مالیه ناظری نافذ پاشا ایله
برودتلرینه منی تقویم نظارتندن عزل اولمشدر .

وفاتی ۱۲۶۴ سنه سنده مجلس معارف عمومیه رئیس ایکن
وقوع بولمشدر .

یہ بتانده بناسنه موفق اولدینی کتبخانه نك خطایر سنده دفین خك
غفراندر . فطین ، ذکی ، جریزہ نطقیه صاحبی ، دائماً مصالعات ایله
مشغول بر ذات اولوب کتبخانه می هپ آثار نادره ایله ملو بر خزینہ
کرا بهادر .

اسعد افندی ۱۲۳۷ تاریخندن اعتباراً قرق سنه سی نهایته قدر دوت
سنه ک یکچری وقعه سی مین اولان (اس ظفر) ی قائمه آلدینی کبی
شانی زاده تاریخنی ده قرق بر تاریخنه قدر ذیل ایتشدر که بوتاریخ کندی
کتبخانه سنده محفوظ ومع التأسف غیر مطبوعدر . مستظرفی ترجمه ایدن
دخی اسعد افندیدر . (شواهد المورخین) نامیله غیر مطبوع بر اثری دها
وارد که تاریخ کولرک توار یخ منظومه لرندن بعض پارچه لری انتخاب ایتش
وصاحبار ینک دخی تراجم احوالی قصه جه یازمشدر . بونک یالکز
بر ایکی نسخه سی بولتمقده در که بردانه سی شورای دولت بدایت محکمه سی
رئیس سعادتلو سعید بک افندی حضر تلرینک پدر لری مرحوم کمال پاشاده
کورمشدر . مشارالیه ک ترجمه و شرح یوللو اخلاق و سیاسیاتدن بر اثر
نامامی دها منظور من اولمشدر که بونک یالکز بر نسخه سی موجوددر .
کتبخانه سنه وضع ایدنک اوزره وقعه نویس سماحتلو لطفی افندی
حضر تلری طرفدن تجلید ایتدیرلمکدهدر .

بوندن ماعدا کتبخانه سنده موجود اولان کتابلرک — مبالغه اولمسون
اما — همان دپسنده اسعد افدینک تعلیقاتی واردر . بویاسه کندینک
فضانه دلالت ایدر . مشارالیه تسوید ایتدیکی صحیفک باشلرینه (هوانعین)
جمله سی تحریر ایتک اعتیادنده ایتش .

تاریخ (لطفی) ده دینایورک :

« مبدأ نظامات عسکریه اولان اشکنج، نقراتی تحریری ماده سندن
 بدأ ایلدوقه خیرییه مین « اس ظفر » نامیه وقعه نویس اسعد افندیك
 یازدیغی تاریخ حضور پادشاهی به بالتقدیم طبع و تمثیل و محررینك حین وقعه ده
 مشهود اولان خدمتیه مكافاة و ذاتاً احتساب هنر و ایستادن اولدیغنه
 حرمةً طریقیجه تسریری حقنده عرض اولنان تقریریه صادر اولان خط
 هایونده وزیر مفتشالیکه برابر مولویت توجیهی و تاریخك طبعنده سهو
 اوماق ایچون تصحیحینه کندوسنك باقسی اراده بیوردی. مشارالیهك
 مؤخرأ مضبغة عامره و تقویمخانه نظارتنه اشبو تصحیح مأموریتی
 مقدمه اولمشدر . »

نظامات عسکریهك لزوم اجرایی یکچری رؤساندن بعض
 ذواته اکلایلوب بولزومی آنلرده ادراك ایتلریله واقع اولان عهد
 ومیثاقلری قبل شرعدن ثبت ایدلک اوزره ۱۳۴۱ شوالنک اون سکنرنجی
 یخشنبه کونی مجاسده ایشه قرار ویرلمسی سویلشیلرک بوبابده کی تعهد
 حجتك تسویدی اول زمان استانبول محکمه سنده وقایع کاتبی اولان
 صاحب الترجه اسعد افندی به نهانی اکلاتلنسندن اکلاشیلورک اسعد
 افندی معتمد، مستقیم الاطوار و نزداووال العزمد مظهر توجه برذات ایش .
 ایشته تاریخ لطفینك مشهود اولان خدمتی دیه خبر ویردیکی خدماتندن
 بری ده مرحومك حجت مذکورده کی کمال سرعتله ایفاء ایتمیسدر .

شانی زاده ، وقعه نویسلك مأموریتنه طرف شاهانه دن کنیدیسی
 مناسب کوریلوبده بوکا عائد معاملیه رسمیهك اجرایی ضمننده
 شیخ الاسلام خلیل افندیك حضورینه حقیقیغی انشاده شیخ الاسلام
 مشارالیهك استغفاراً اتیان ایلدیکی طرز افاده دن بحث ایتدیکی صروده

.... مکتوبیاری (خلیل افندینک) یمانی اولوب حدائق سننه کوره
فی نفس الامر فن انشاده بعض استعدادی اولان مدرسیندن مخافیر
شیخی زاده اسعد مالانی سوق ایدوب دیدیکمه باقیلور ایسه اسعد
افندی ۱۲۳۵ سنه سننده شیخ الاسلام خلیل افندینک حسن توجهی
سایه سننده وقعه نویس اوله جق ایش ایسه ده شانی زاده حضور همایونه
اوله تقدیم ایش اولدینی ایکی اوچ اثر یاه نزد شاهان ده کندیسینی
ظانمش اولدیغندن اسعد افندینک وقعه نویسکی اوزمان تأخر ایشدر.

اس ظفرک ختمه سنده « احسان حضرت پادشاه بنده نواز بحرر فقیر شکر سز »
عنوانی سننده سبط محمودخان حضرت نرسن کوردیکی عوامط ختمده وقعه نویسکی
صورت تعییننه دائر صاحب الترجمة نک یازدینی سطر لر ترجمه حالت شین دقت
نقطه لری اولغاه بروجه زیر عیناً اقتباس ایدیورز :

(لئن شکرتم لازید نکم) نص شریفنجه شکر سنجی شکر نعمت
واجبه ذمت ومستتبع منحت اولوب لکن بو عبد بی استعدادی از سر
نواستعداد ایدن الطاف واسعه الاطرافت بیکده برینی تعداد و بیان نهال
خشک وتر اشجار خامه وصفحات طبقات افلاک نامه اولسه دخی غیر
مقدور عهدۀ زباندرد. « من شکر الطافه الافهام قد عجزت ، فكيف
يأتى به نطقی وتحریری » زیرا بو فقیر نانوان کناره کیر زاویه نسیان
ایکن شاهی وویسی کبی جهابذۀ فن انشا وعطای ونرکی آسا اسانذۀ
صنعت املانک مطمح انظار لری اولوب ادريس بدلیسی مثلاً ونحریرک
وعارف معارف سبع المثانی خواجه سعدالدین ثانی مانندی صاحب
تحریرک زیب سرنامه افتخار لری اولان شهنامه خوانی یعنی وقایع
نویسی دولت علیه لری خدمتکارلغنه قریحه صبیحه کرامت صریح لرندن

تعیین ایله بین الاتراب قدر پست اعتبار می همسر آسمان نه قباب
 بیوردقلرندن فضله سلفمندن قلمه حوادث گذشته دن قطعہ اولی
 اولق اوزره برسنه لك وقایع مسوده سنی بوندن اقدام شرمساری
 هزار ایله بزم معارف جزم هایونلرینه طرف باعرا الشرف وکالتیناهیدن
 تقدیمه اجتسار ایلدیکمندن چند روز مرورنده (الفرج بعدالشدہ)
 دہف الامانندن وقعه خیریہ انہزام اشقیا پرده بر انداز ظهور ورخنه
 کردین ودولت اولان خونه بالکلیه مقهور اولوب تنظیم واجاده سی
 اقتضا ایدن امور مهمه داخلیه ومصالح مدلهمه خارجیه یه اشتغال
 خلالی تقدیم قلنان اجزا قرین مطالعه هایونلری اوله رق نام ناچیزانه می
 یاد ومشمول شمله قبول شاهانه لری اولمغله دلشاد بیوردقلری
 سعادتدن وعتراتی سترده کزک صفح جمیل بیوردقلری دولتدن ماعدا
 اسلاف کرامدن مورخ راشداقدی مرحومک خاتمہ تاریخده مرسوم
 خامه مانی رنک تشکری اولدینی عطیه نک اضعا ف ودرد فقهیه
 دواء براء الساعه شافی اولان بیست دانه بدره بدر اشراق یعنی یکر می
 عدد کیسه نفیسه یه معادل ثمرات جنات کبی حاضر وناضر زر سرور
 آور ناظری احسان بیوروب نیم الواسطه کف صدارتیناهی ایله آل
 حقه کده ظهور ایدوب رساله ثروت وسامانکه براعة الاستیلال اولان
 عطیه شاهانه یی کلامیله اعطا قلنه رق مظهر مسار اولدیغمندن بشقه
 مدرسه می سخن نماندن حرکت التمثلی رتبه سنه تحریک وعقدہ مدغمه
 عیش آلمی تفکیک بیوروب رؤس هایونی دست سماحت پیوست
 فنونپناهیدن الدیغمده حقه کده اولین پایه التفات پادشاهانه در خطابنه
 سزاوار اولدیغمندن غیری صدف صلب اصالت شهریارانه لرندن در
 عالمهای فرید یعنی شهزاده سلیمان عبدالحمید عمرالله تعالی مع ابیه

بجاء النبی النبیہ زیور بخش سلك شہود وزیب آغوش قبلہ وجود
اولدقدہ باب عالیدن تقدیم ایلدیکم امر مرسوم تاریخ کہ (اقلیمی پر نور
ایلدی شہزادہ من عبدالحمید) مصرعیدر مرئی لحاظہ تحسین
خسروانہلری اولوب بیک عدد ربیعہ احسانیلہ نائل انواع رفاه ورفغ
وعلى الخصوص (اس ظفر) ایلہ مسمی اولان اشبو قبالہ نک قبیل ختامی
انساندہ مدرسہ می رتبہ خامسہ یہ تحریک وقرنداشمی [۱] سلك مدرسینہ
تسلیم ایلہ چراغ اندر چراغ بیوردیلر وقتاکہ قبالہ مقبولہ المقالہ
مرقومہ نک حسب الطاقہ مسودہ سی ترقیم ومقام صدارت عظامدن
عن حضور شوکت نشورلرینہ بانلخیص عرض وتقدیم اولدقدہ نککاء
فیض اکتناہلریلہ منظور وطبعیلہ نشر واشاعہ سی بابندہ خط ہایون
عنایتقرون خلافتپناہیلری بالازیب صدور اولدرق عمر ثانی وحات
جاودانیدن عبارت اولان تذکیر نام کترانہملہ مستغرق بحور حبور
بیوردقلرینک اوزرینہ موقتا اسکدار مخرجی احسانیلہ مبتہج ومسرور
ونظارت بانضارت صدارتپناہیدہ آسودہ اوقاف شریفہ تفتیشی خدمت
متمینہ سنہ مأمور بیوردیلر . »

(لغت جغرافیایا وتاریخ) مؤلف فضائل نہادی رفعت افندی مرحومک
نقیب الاشرفلرک تراجم احوالی حاوی اوراق اوزرہ (۸۳) تاریخندہ جمع
وترتیب ابتدکی (دوحة النقاء) نامندہ کی مجموعہ معتبرہ دہ صاحب الترجمة حقندہ
ایضاحات آتیہ ویرلشدہ :

مولانای مشارالیہ عہد سلیم خان ثالث علیہ رحمۃ الملک اباعث

[۱] اسعدافندیکن برادری اصحاب جیتدن فضل پاشادر. قدیم روسیہ بخارہ سندہ
وارندہ یرارانی کورلش ووقعہ خیریدہ مدرسہ ایکن تبدیل مسلك ایلہ نظام
جدیدہ کیروب پک چوق ولاکتلر صاوشدیرمشدیر. طوخنخانہ دخی خدماتی
کورلش ومیرلوالق رتبہ سنہ قدر ارتقا ایتشدہ .

علامه اسندن موقتاً مدینه منوره قاضیسی اولوب اثنای طریقده غریقاً
ارتحال دار بقا ایدن صحافیر شیخی الحاج احمد افندی مرحومک
صلبندن بیک ایکوز بر خلالتده زیب مهبد وجود اولمشدر. سن تمیزه
رسیده اولدقده والدی مرحوم مشارالیهدن و بعضی علما دن مقدمات
علوم عربیهیه شروع ایدوب اول خلالتده یعنی ایکوز اون اوچ تاریخنده
والدی قدس شریف قاضیسی اولدقده بر سنه دیار مقدسهده اقامت
وتکمیل مدته در سعادتده عودتندن ایکی اوچ سنه مرورنده مصر
قاضیسی اولوب ینه استصحاب و بر سنه مدتی ختامده مدینه منوره
قضاسی توجیه اولغین جانب حجاز مغفرت طرازه عزم ایکن بحر
سویشته را کب اولدقلری سفینه تلف اوله رق ایچنده بولتان نفوسدن
صاحب ترجمه ایله برادر زاده سی و همسنی دیوان همیون قلمی کتبه
معارف مندانندن اولوب بوندن اوتوز سنه مقدم بوغز ایچنده استینه
نام محله غریقاً وفات ایدن واستینه مقبره سنده مدفون اولان
عبدالرحمن افندی نام ادیب بیم جانله برستونه یاشوب حفظ ملاک متعال
ایله بر کیجه دریاده قالدقلرندن صکره ساحل سلامته چیمه شارد. عربان
کریان بر قریهیه وصولارنده اتفاقاً اول طریقده مصرده والی و الاشان
وزیر دلیر صدر اسبق خورشید پاشا مرحومک دائره سی اتباعندن
بر مرد غیور خضر اسما ظهور ایدوب اول ایکی نهال باغ فضیاتی
اکسا وارکاب ایله استصحاب و والی مشارالیه حضورینه کتوردکده
حققلرنده اکرام و حرمت و سمت وظلرینه معززا اعاده وارساله همت
ایلمشدر. فقدان والدایله بی ثروت و سامان در سعادتده وصولارنده صاحب
ترجمه رؤس تدریس و معیشت مدرسینه نائل و سمت تحصیل معارفه
حصر اوقات ایله مائل اولوب مشهور خواجه امین افندینک مدت

وفیره حلقه بزم افادہ سنده حاضر و ہر فی معرفتہ مجد غیر قاصر
 اولوب فرط زکا و کوشش بی ہمتا ایلہ سبق اقران ایلمشیدی . لیکن
 اتفاق عیال ضمنندہ اکتساب معاش ایلہ اشتغالی نشر علومہ مانع
 اولوب روم ایلی وانا طولیدہ بعض قضائرہ نیابت و در سعادندہ خدمات
 شرعیہ دہ استخدا م و قابیلی مشہود خاص و عام اولدق اوتوز طقوز
 خلائندہ وقعہ نویس شانی زادہ مرحومک حسب القدر انفصالندہ
 وقعہ نویس دولت و کوکب اقبالی نظر شہریاری ایلہ رخسندہ مطاع
 سعادت اولمشیدی . چوق کچمدن وقعہ خیرہ نتیجہ حسن ظہور و مدار
 اقبال و سرور اولدقدہ موقتاً اسکدار مولویتلہ شادان واردوی ہیون
 قضیانی توجیہ و احسان بیوریلوب چوق کچمدن در سعادتہ جلب
 بیورلمغین منصبی اولان اسکدار قضاسنی بالفعل ضبط و تکمیلندہ مکہ
 مکرمہ پایہ سیلہ مجبول و برسنہ مرورندہ صوفیہ و شہر کونی ظرفلرینہ
 تحریر نفوسہ مأمور و عودتندہ تقویم وقایع ایجادندہ نظارتی عہدہ سنہ
 توجیہ و دار الطباعہ نظارتی دخی علاوہ مأموریتی بیوریلوب قرق سکر
 خلائندہ استانبول پایہ سی و بعد برہتہ من الزمان بالفعل استانبول
 قضیانی توجیہ و الی یدی ماہ مرورندہ نظارت مذکورہ عہدہ سنده
 اولدغی خالدہ پایہ اناطولی سفارت سنہ ایلہ جانب ایرانہ روان و برسنہ دن
 صکرہ تکمیل مأموریتلہ در سعادتہ وصول و التفات شاہانہیہ موصول
 اولوب توقیر قدر و شان ایلمشیدی . بعد الوصول امتداد انحراف مزاج ایلہ
 نظارت مذکورہ دن معزول ایکن قرنتہ نظارتندہ بر مدت استخدا م
 و بعدہ بالعزل روم ایلی پایہ سیلہ اکرام اولمشیدی . بدایت تنظیبات خیرہ دہ
 مجلس احکام عدلیہ اعضا لغیہ ایکی سنہ قدر ایفای مأموریت و کسب شان
 و منفخرت ایدوب بعدہ مجلس مذکور دن معزول اولدغی انسادہ

اللی یدی سنه سی جمادی الاخره سنده نقیب الاشرف السید عبدالرحیم
افدینک ارتخاندده خدمت جلیله نقابت [۱] والتمش ناز میخنده بالفعل
روم ایلی صدارتیله مبیجل اولوب اون یدی ماه صدارت مذکورده
اجرای احکام شرع منیفه دقت و بعد الانفصال مجلس موقتہ مأمور اولدی .
التمش ایکی اواخرنده مکاتب عمومیه نظارتی عہدہ سنه توجبه و قدر و شانی
تنویه بیورلدی . نحافت وجود و امتداد انحراف مزاج سببیلہ مکاتب
عمومیه نظارتی التمش درت صفرینک ابتدا سنده مجالس معارف عمومیه
نظارتنه تبدیل اولوب لکن بوکرہ انحراف مزاج قابل دوا اولماغله
شهر مذکورک اوچنچی صالی کیجه سی ساعت سکز یحق راندہ لرندہ
مرغ روح : تو فتوحی قفس جسمندن عالم عقبایہ پرواز ایتمکله ایرتسی
کونی سلمان احمد خان جامع شریفی مصلا سنده نمازی جماعت کثیردایله
حاضرین اولان علما و صلحا و سیما مفتی زمان و صدور و بعض مشیران
وارکان سلطنت بالادا کتبخانه سی خطیر سنده اعداد ایله یکی خدمت مغرتہ
نهادہ اولندی . رحمة الله علیه مولانای مشارالیه علم و فضل ایله اراسته
و شعروانشا ایله پیراسته اولمغله مشاہیر آثارندن (ترجمہ مستطرف)
(اس ظفر) و (زیبای تواریخ) و (بانچہ صفا اندوز) و رسائل کثیرہ
و مرتب دیوان اشعاری و مدون منشآت نامداری و سائر آثاری سرمشق
ادبا و کتبخانه سنده موجود و مہیادر .

[۱] (نقیب الاشرف) آل پیغمبرینک دفترنی طوتان و آنلرک احوالی
ضبط و ربطہ ، مور اولان ذاترکہ دولت علیہ عثمانیہده ابتدا بو عنوانہ مستحق
کورلن ، سلطان بایزید ثنی حضرت تارینک عصری رجال علمیه سندن بادشہ
مشارالیهک خواجه سی عبدالله افدینک مخدومی سید محمود افندیدر . طنوز یوز
بر تاریخندہ یومی یکرمی بش اچہ وظیفہ ایله منصب نقابتہ تعیین اولنہرق
ساداتک تصحیح انسابنه مأمور اولش ایدی .

مجلس معارف اعضا شدند ثریا بك افندینك همیتیه نشر ایدلشدده بولسان
(سجل عثمانی) ده مشارالیه دائر ایضاحات آتیہ ویریلور :

اسعد محمد افندی موالیدن احمد افندی مخدومیدر . مدرس اولوب
حالت افندی به منسوبیت پیدا ایلدی . ۱۲۴۱ محرمنده وقعه نویس
اولدی . بعده منلا اولوب ۴۴ محرمنده اردوی هایون قضیسی اوله رق
اوسنه عزل ایدلمشدر ۴۷ ده تقویم وقیع غزته رسمیسلی اشرنده
باش محرر لکیله تقویم خانه ناخیری اولدی ۴۸ ده استانبول پاییه سی
ویرلدی ۱۲۵۰ جمادی الاولی غره سنده استانبول قضیسی اولوب
جمادی الاخری اواسطنده اناطولی پاییه سیله ایران سفارتنه مأمور قلندی .
بعد العوده نظارتده دائم اولدی ۵۳ ده عزل ایلدی ۵۴ ده روم ایللی
پاییه سی آلدی ۵۵ رمضانده مجلس والا اعضاسی اولوب ۵۷ ده
نقیب الاشراف و ۶۰ جمادی الاولاسنده صدر روم ایللی اولدی .
بعد الانجل ۶۳ محرمنده بدایت تشککنده معارف عمومیه ناخیری اولدی که
ابتدا معارف ناخیری عنوانی آلان بوذاتدر ۶۴ اوائلنده نظارتدن
عزل ایله مجلس معارف رئیسلی اولدی و نظارت عنوانی مکتب
مدیریتته تحویل ایلدی ۱۲۶۴ ربیع الاولاسنده ارتحل ایللمشدر .
عالم . کامل ، کاتب ، شاعر ایلدی . حتی عارف حکمت بك شیخ الاسلام
اولقد برقصه تأثر سویلمشدر : « بنم حتم ایکن جای مشیخت ، خدا ناک
حکمتی عارف بك اولدی » یتیم اوئلندر . دیوان اشعاری و بعض رسائی
و « اس خضر » نامیله وقعه خیریه تاریخی واردور . یرده باندده انشائیله یکی
کتابخانه سنده مدفوندر . اوغلی مدرس و صکرده تبدیل طریقنه نالیه
اولان (احمد ضیاء الدین افندی) کندینه چکمیوب بعض کتبی ضایع

ایتدی . بوده ۱۲۷۱ ده یکر می درت یاشنده وفاته یانته دفن ایدلشدر .
کریملرندن بریسی بر حیاتدر .

وقعه نویس رجائی محمد افندی

قضاتدن محمد طاهر افندینک حفیدی وعصر سابقده بابدفترییه
مربوط معدن قلمنک سر خایفه سی الحاج احمد نورالدین افندینک
نجل نجیبی اولان محمد شا کر رجائی افندی پدرینک سودلیجهده کائن
خانه سنده عجزتک بیک ایکی یوز اوز سکزنجی سنه سی ماه ذی الحجه سنده
دنیا یه کلدی .

منظور اولدینی ذکای فوق العاده سیله برابر عنفوان طفولیتده
تعم وتحصیلدن روکردان ایکن طقوزاون یاشلرینه کیردیکی کبی بر میلان
جدی ایله او قویوب یازمغه باشلادی و برایکی سنه ظرفده تلاوت
قرآنده کسب مهارت وثاث ونسخ خطلرنده تحصیل مایکه ایدرک ده
اون اوچ یاشنده ایکن خط نسخ ایله تبرکاً یازمش اولدینی سورده منیفه
« عم یتسائلون » کتبه سیله خواجه سی فایله محمد افندی طرفدن
خطاطلغه مأذون ورجائی شخصیه معروف ایدلدی . وبواننده قرائت
سبعه اصولی اوزره حفظه چالشوب اله کتیردی ایساده بریوم معینده
مخصوصاً منعقد اولان جمعیت حفاظ کرام حضورنده اثبات وجود
ایتمک مانع بر عارضه بدنیه حدوثنه بنساء حفظی دیکلتمک احراز
موفقیت ایددمدی .

معلوم اولدینی اوزره بوندن ایکی ثلث عمر اولارده کتنجه یه قدر

علوم متداوله جامعلرده تدرس اولنور و اصول انشا ایسه قلملرده اوکره نیلوردی . بناءً علیه رجائی افندی دخی اون التیجی سال حیاته واصل اولنججه پدرینک سرخلیفه سی بولندیغی قلمه چراع اوله رق اوزمانلر محامه اقامتلی بولان جراح پاشا سمتدن هر صباح قلقار سلطان بایزید جامعنه کیدر وزمانجه پک مشهور اولوب اسمی تخطر اولنه میان بر عالمک حاقه تدریسنده ساعتلرجه اثبات وجود ایدر آندن صکره قلمنه کیدرک اورادده فن کتابت تحصیلمه اوغراشیردی . برمدت کفیه بوصورتله دوام واقدام سایه سنده علوم الیه عربیه یی ویشقه جه لسان فارسی یی تحصیل ایتدکن و اصول کتابت و انشائی دخی ابتدا بروجه محرر معدن قلمنه وبعده دفتر دار مکتوبی قلمیه دیوان هایون قلمنه دوام ایدرک لایقلمه اوکرندکن صکره ایلات مأموریت اولمق اوزره قصاب باشی شا کر افندینک جزیه محصله غنده خدمت کتابته کیردی . بو ائاده ایدی که بش سنه قدر دیرلک ایتدیکی حرمله ایکی اولادی بری برینی متعاقب وفات ایتدیکندن ثانیاً - تاریخ عثمانجه ذوات معروفه دن اولان تیمور طاش پاشانک سلاله سندن - سیف الله بکک کریمه سی رابعه عدویه خانمه عقد ازدواج ایلدی .

جزیه محصله یی کتابتنده ایکن یازدیغی رسمی و غیر رسمی شیلر قدرت قلمیه و حسن سلیقه منشیانه سنه بادی اشتهار اولدیغندن داماد پادشاهی خلیل رفعت پاشانک طو پخانه عامره مشیریتنده دیوان کتابته ابتدا معیه و صکره اصالة النوب بر ایکی سنه ایفای خدمتله شهرته موافق صورتده ابراز آثار لیاقت ایتمکه پاشانک دفعه اولی سر عسکر لکی هنکامنده - که بیک ایکی یوز الی اوچ سنه هجریه سنده - دلالت قدر دانسیله مسالک ملکیجه اول مراتب واقصای مطالب اولان خواجکانلغه

نائل و پاشای مشارالیه یک دفعه ثنیه سر عسکر لکنده دیوان کتباتی ینه عهد مننده بولمق اوزره امدی او طه سنه مأمور اولدی. دیوان کتباتنده بولندی قدر خلیل رفعت پاشا دن مشاهده ایتدیکی تله یمنات قدر شناسی و عنایات بنده پروری یه برشکرانه مناسبه ایله مقابله آرزو سنه دوشدی و بونک ایچون هنرینه مراجعتدن بشقه چاره بوله مدیغندن اوچ آی قدر ترک خواب و حضور ایله غایه الغایه رقیق برخط نفیس ایله بر ایله بر یحق پارمق عرض و طول منده بر مصحف شریف یازمه رق و بالذات تذهیب و تجلید ایدرک مشارالیه برگذار ایتدی.

بيك ايكي يوز المي التي سنده داماد خليل رفعت پاشانك
سر عسكر لكدن وقوع انفصالي اوزرينه رجائي افندي ديوان كيتابتدن
منعزل او مغليه ارتقي امدى او طه سنده حصر دوام ايدرك براز وقت
سكره - كه ماخر بكه خلف اولان ممتاز افنديك امد جيلكي هككمانده
تقويم وقايح محرر اكنه نعين وعهد سنده رتبه ثانيه متميزي توجيه
اوله رفق قلعه جه مظهر تاليف و امتياز اولدى . و بوانالرده وقعه نويس
اسعد افنديك ارتحالنه ميني وقعه نويسلك مأموريت مهسه سي بيك
ايكي يوز التمش درتده رجائي افندي يه توجيه و بوجهرده رتبه سي
اولى صنف نائيسنه ترفيع قلندى .

ممتاز افندی یه خلفاً امدجی اولان فواد پاشانک مأموریت فوق العاده ایله مملکتینه عزیمتده رجائی افندی امدجی وکالتنه کچهرک باب عالیجه ترید قدر و اعتبار ایلدی . آنجق وظیفه منضمه سی بونان وقعه نویسانک مأموریت معتاب پاشنی لایق اولدینی درجده اهمیت وجدیتله بانشقی ارزوی مخصوصی وجهله بواشاک عهد سندن کاه بیلمک اوزره باب عالی یه تقدیم ایتدیکی لایحه سنده مندرج بعض تکلیفات

و مستدعیاتی قرین اسعاف بیورمندیغندن اعتذار واستغفاسی اوزرینه
مأموریت مذکوره عهده‌سندن صرف ایدلی .

امدجی وکالتده اون آی قدر ایفای خدمتدن صکره تقویمخانه
ناظری سعید بکک ارتحالی اوزرینه بیک ایکی یوز اتش بش تاریخده
رتبه اولی صنف اولی ایله تقویم نظارتنه نصب ایدیلوب ایفای وظائف
مأموریتسه مقدمانه بذل مقدرت ایتمکه ایکن بیک ایکی یوز اتش
طقوزده بعض اغراض شخصییه هدف اوله رق نظارت مذکوره دن
منفصل وایکی سنه امتداد ایدن بو معزولیت و منکوییتی هنکامنده اک
شدید بر خیق معاش ایچنده بیله قلعانه و شکر گذارانه بر صورتده
مطالعه کتب و ممارسه خطوط ایله متوغل اولدی .

بوایکی سنه مدتک صوکارنده — که بیک ایکی یوز یتش بر تاریخده —
رشید پاشا تکرار مقام صدارته کیمکه ده امدی اوضه سنددایکن مزیتی
تقدیر ایتدیکی رجائی افندی نی ابتدا مجلس معارف اعضالغنه و برار
صکره ناظر تقویم بولتان نائل بکک و فتنه مبنی دفعه ثانیه اوله رق
تقویم نظارتنه نصب وایکی سنه صکره مجلس والای احکام عدلیه
اعضاسندن لیب افندی ایله بجایشارینی اجرا ایتدیردی . فقط بیک
ایکی یوز یتش اوچده رشید پاشا ارتحال ایتمکه رجائی افندی حامیسز
قاندیغندن یتش بش تاریخده مجلس والا اعضاسنک تنقیجی صر دسده
اعضالقدن عفو و فقط بودفعه کندیسنه اون بیک غروش معزولیت
معاشی تخصیص اولندی .

رجائی افندی جاه و منصب و مال و منال کبی عارضی شیلره اهمیت
ویرمیدیکی کبی آزاده مشرباکی حسیه — هر فصل ایسه آزچوق تکلفاتی
مستلزم اولان — اختلاطی دخی سومدیکندن بودفعه کی معزولیتنی

جانه منت بيه درك كوچك ياشندنبري كنديسنه يارجان ونديم وجدان
 اتخاذ ايتديكي مطالعهيه حصر اوقات ايتدى . وبر آراق ديات اسلاميه
 علمبنده و « مفتاح الاسرار » نامنده اوله رق نظر مطالعهسنة واصل
 اولان فرسى العبارة بررساله محتوياتنك اظهار و اعلان بطلانى مقصديه
 بر مجله تحريرينه باشلايوب بر قسم مهمنى ميدانه كتيرمش ايكن بيك
 ايكي يوزيتشيدى تاريخنده قافقاسيا مهاجرلرينه متعلق امور ومصالحك
 مذاكره و تمشيتى وظيفهسيلاه شيخ الحرم اسبق حافظ پاشانك تحت
 رياستنده تشكىل ايدن قوميسيونه وقوع مأموريتي مجله مذكور دنك
 نا تمام قالمسنة سبب اولدى .

ايشته بوقوميسيونه اوچ سنده قدر دوام ايتد كدن صكره بيك ايكي يوز
 سكسان تاريخنده ولايات قپوكتخدالتارى تشكىل اولنمسيلاه مشاراليه
 صوك مأموريت اوله رق بوسنه واشقودره ولايتارى قپوكتخدالغنه
 تعيين اولدى . بومأموريت حد ذاتنده دغدغهلى برايش اولمدينى كي
 رجائى افنديده تقدم سن ايله كوشه استراحته چكيلوب كندى علمنده
 دمكدار اولمق ميل طبعيسى زياده لشد يكدن قوميسيونه هفته ده ياكوز
 ايكي كون كيدرك قصور وقتى — ياز وقيش اقامت ايچون ترجيح
 ايتديكي — وانى كوينده كي ساحلخانه سنده كتاب او قومق .. جلى
 وتعليق يازمق و خصوصا طاعات بارىيه مبالاة وموالاة كوسترمك
 صورتيله بر خوشجه امراره باشلامش و حال وحياتندن ممنون بولمىش
 ايكن خواجه پاشا حريق كيرنده چنبرلى طاشده كائن شتائيه سنك كافه
 مفروشات واشيا تجملاتندن ماعدا اكثريسى يازمه و نادرالنسخ اولمق
 اوزره قرق سنه لك بر همت سايه سنده طوپلايه بيلديكي بيكرجه جلد
 كتب نفيسه ايله وحتى كنديسنك برچوق آثار قلميه سيلاه برابر بر قاج

ساعت ظرفنده یا نوب خاکستره منتقاب اولیو یرمسی رجائی افندی به
 او قدر تأثیر اتمیوب فقط بومصیبتی متعاقب بیك ایکی یوز سکسان ایکی
 تاریخده خاتمه اولادی مظهر ضیاء الدینك قضاء بالار تحال ایله آرد سندن
 ناکهانی غیبوتی مشار الیهك قلب رقیقنده اونولمز بر جریحه حسرتك
 آچلمسینه سبب اولدی ونور دیدمسنك کتابه سنك مزارینی بالذات
 ترسیم وترقیم ایتام کی بروطفه الیهی ایضاً ایچون هفته رجه اوغراشمقدن
 چکنمدی . ام وانکساری اودرجه شده وارمش ایدی که بوشدتك
 ایلرجه دوام ایدن دوره اولیسندن تسی یاب اوله بیلیمك ایچون
 کوندزلی حجرة تنهایسندن ساکن ساکن مطالعه ایله مشغول ومستغرق
 ایکن بر اراق بلند آواز ایله « مظهر ! . مظهر ! . اوغم نورعینم ! .
 نردیه کیتدک ؟ . نرلرده قالدک ؟ . » دهرک نوحات مأیوسانه به باشلار . .
 اقشاملری ایسه نصف الیله طوغری مرکس خوابکا هنسه چکدکدن
 صکره برلحن غریب کریه آمیز ایله :

کز مکه کوندردم بر صباح ایرکن
 کیجه لر کچدی ده کلمدی حالا
 دونمزمی اوینه کز مکه کیدن
 نرده قالدی نور دیدم مظهرم ایا
 محو اولدی ییللرجه ویوردیکم امک
 کلشن عیشمک بهاری صولدی
 ارتق شو برزخدن قورتلسم کرک
 عمرم پایان بولدی چله ده طولدی

منظومه طبعیه سنی ساعتلرجه ترنم وتکرار ایدرک خراب ویی تاب
 اولدینی حالد صباحی ایدردی .

ارتق بوتاریخدن صکره کریبان بخت بی قرار ی پنجه سختگیرای ادباره
کرفتار و امر معیشتده مضایقه دن مضایقه یه دوچار اوله رقی بارکران
حیاتی سورو کله مکده رهین عجز واضطرار ایکن نهایت ایکی یوز
طقسان بر سنه سی محرمنده اوتوزبش سنه لک حرمی رابعه عدویه نك
عالم عقبایه انتقالی و مخدوم و کریمه لرینک بالتاهل ذاتا یانندن ایرمش
بولملری رجائی افندی یی حزین برتنه بالغه التا و حال پیریده بربری
متعاقب اوغرا دینی الام واکدار وجود ناتواننده کی رمق حیاتی افنا
ایلدیکندن براقشام بعد الطمام قارنده حاصل اولان صانحینک قرق
سکز ساعت امتداد ایدن شدت اضطرار بنه تاب آور مقاومت اوله میهرق
سنه مرقومه ماه شوالنک اون اوچنجه بازار کونی علی السحر نتیجه
حاله انتقال ایله مشغول تلاوت قرآن اولدینی حائده قابض ارواحه
تسایم و دیعه رحمن ایلدی و حضرت خالد تر به سی جوارنده عمارتک
قارشیسنده کی خطیرده پدري احمد نورالدین افندینک مقبره سنده دفین
خاک غفران اولدی . رحمة الله علیه رحمة واسعة .

مرحوم مشار الیه اورتہ بویلی قرمرزی یوزلی مقوس و قالین قاشلی
ایری الا کوزلو بیوجک برونک اوجی اشاغی یه مائل جبهه سی غایت
کنیش باشک اکسه جهتی جسته لی و محذب ایدی .

وفاتنه دائر قیو کتخدالرندن و متوفانک اعزّه احباسندن غنیتمانی
راشد افندی مرحوم شونشیده تاریخیه یی نظم ایتشیدی :

رجال دولتك پك منتخب اهل کمالی

هنرمند یکانه ذات والای رجایی

نظیری آز کاور بر ذات ایدی بزم جهانیه

خمار هجری سرسام ایتدی حیف اصدقایی

قویوب دار فزایی ایلدی رحلت
دریغا یاقدی نار فرقتی اهل وفایی
مزارای روضه جنت یری فردوس اوله هم
جمال حور ایله دائم بوله ذوق وصفایی
رجای مغفرتله ایلدم تاریخن املا
امید رحمت رحمن ایدوب کوچدی رجایی

سنه ۱۲۹۱

ناظم تاریخ راشد افندی مرحوم که علمای ادب دن ایدی (رجائی)
مخاضی ایکی (یا) ایله یازوب مصراع تاریخی او صورتله املا ایتدیکی
عند الحساب اکلایلیور. صاحب ترجمه حال ایسه امضا سنده برنجی (یا) به
بدل همزه استعمال ایدردی. مع مافیه هدایی - بهایی - صفایی کبی
(رجائی) نك ده (یا) ایله املا سنده باخصوص بر حساب تاریخی نی
طولایرمق ایچون بئس اولماق لازم کلور. درلت علیه نك اسلاف
رجالنده کلمات ذاتیه و مزیات فطریه جه نادر الاقران اولان مشاهیردن
برایی ده رجائی افندی در. مزیات مکسوبه سندن باشایجه بی علوم
عالیه اسلامیة و ادبیات شرقیه جه اولان وقوف کایسیدر. مبدأ
شبابندن سن کالنه قدر اون بش سنه لك مدت حیاتی کاملاً تلمذه
حصر و فوق العاده اقدام ایله اوزمانك ترتیب تحصیل حکمنجه تکمیل
نسخ اتمش و اندن صکره دخی فراش موته اوز اتجهیه قدر هیچ بروقت
مطالعه دن و دائره معلوماتی توسیع ایتکدن خالی قالمشدر. ایشته
بو تحصیل جدی سایه سنده درکه عربی و فارسی نك کافه غوامض و دقائقه

واقف و بناءً عليه بويكي لسانده نظم و انشايه قادر ایدی . وسعت قريحه، جودت فکر، ظرافت طبع، متانت حافظه کي اجتماعي نادر اولان خصايصه مالک اولديغی جهتله آثار قلميه سی طرز عتيقک خواص پسند اولان تکلفات و تصنیعات لفظیه سیله ضروری شائبه دار اولمغه برابر دائماً برچوق نکات ظرافتی برچوق مزیات معنویه یی حائزدر . طرز مزاحده یازمش اولديغی بعض مقالاتنک سداجت و سهولت اسلوبنه باقلانجه جدیاده مألوف اولديغی تکلف پردازلق یولنه کیتمی اصول ادبیات عصریه نک حکم حا کانه سنه تبعیتدن نشأت ایتش بر ضرورت اولديغنه شونکله ده استدلال اولنورکه بر مسوده رسمیه سنک کنارینه رشید پاشا مرحوم طرفندن یازیلان : « ممتاز افندی کاری تصویب و تهریب سجع لری برلشديرمک ایچون مصلحت افاده صحیحه و سلیسه یولندن چیقارلمقدن و عبارله لر تعقید اولنمقدن ایسه ساده جه تعبیرات و حسن افادات طریق التزام بیورلسه دهها مناسب اوله جنی » اخطار مساعده فرمائی الدقدن صکره کی آثار قلمیه سننده تکلفات لفظیه فی الجملة کورنمز اولمشدر .

علوم عربیه و معارف ادبیه جه حائز کالات اولان رجائی افندینک مزیات مکسوبه و موهوبه سنه انضمام ایدن چالشقانلغندن بر خیل تألیفات نافعه یه موفقیتی مأمول ایکن یتش اوچ سنه لک مدت عمری محصولنک اتمام اولنماش بر ایکی رساله و مقاله ایله خصوصی بعض منشأندن و تقویم وقایع ایچون برر انموذج فصاحت و بلاغت اولمق اوزره یازوب مسوده لرینی اضاعه ایتش اولديغی جهتله بوکون الده ایدلمسی قابل اوله میان بند مخصوصلردن و برده یکر می اوتوز پارچه قدر غریلیات و توارینخ ایله بعض قطعات و ایساتدن عبارت اولسی و اوایله بردوحه

بلند عرفانك قدريله متناسب بر قچ ثمره بر اقمسزین دوریلوب کیتیمی
بحق سزاوار تأسفدر .

شوقدرکه دفعتین اوله رق تقویم نصارتنده بولندیغی اتی سنه مدت
خرفنده قاموسدر روضة الاحبابدر ترجمه شقایقدر کی معضماث مؤلفات
نافعه دن بر چوغنک ترتیب تصحیح حارینه قدر بالذات کنیدیسی باقی
صورتیه کسود پذیر انطباع اولسنه بذل همت ایدرک بالفعل مطبوعه
وبواسطه انتشار معارفه خلی خدمتار ایتدی . واوزمانه قدر متفرق
برحانده بولانان قوانین و نظامات دولت علیه نی بر مجله ده جمع ایله ایلک
دفعه اوله رق باصدیرمغه دخی موفق اولدی .

مرحوم شعر ایله متوغل بولندیغی و تعبیر صحیحیه کنیدیسی شاعر
اولندیغی حانده علم قوتیه اقسام نظمک معمایه وارنجه یه قدر هر نوعنده
اثر اقتدار کوسترمش وهله غزلیاتنده ایجه کوزل مضمونلر، حکمت
آمیز نکته لر صرف ایتکه موفق اولمشدر .

صنایع نفیسه شرقیه دن اولان خطا طلقده کی مهارتی فوق العاده
ایدی . خطوط اسلامیه نک هر نوعنه و خصوصیه خط جلی یه مراقی
بردوجه ده ایدی که جامع و چشمه و عمارت مثللو مبانی و مؤسسات
عتیقه در و دیوارلرنده بر کوزل یازی مصادف نظری اولنجه اشکال
و نقوشنی صحیفه خیالنه عکس ایتدیرمکه چالیشیر کی بردقته بونلری
اوزون اوزون تماشا ایتدکجه کچوب کیتمزدی .

من تقدیم نلک و نسخ و جلی خطلرینی کماله اله کتیردیکی صدرلرده
تعلیق ایله ده اوغراشمش ایسه ده کوکنک ارزو ایتدیکی رادیه ایصال
ایتمکسزین ترک ایدرک فقط سنین عمری التمه واردقدن صکره تعلیق
نویسلاک هوسنی تجدید و مصرانه اقداماتیه بونده ده احراز کمال ایلدی .

حتی مؤخرأ میدانہ کتیردیکی برطاقم تعلیق مرقماتی یالی قوہ شولرندن
بولان خطاط مشہور سکدن بائی مرحوم فلاح افندی یہ عرض
وارائہ ایتدیکی زمان مشار الیہک : « اراق سکا کتبہ ویرہ جکم »
دیہرک لطیفہ پردازانہ بیان تقدیراتده بولندیغنی — خطاطاق بحی
درمیان اولندجہ — مقام شکر ومبہاتده ایراد ایدرک اظہار تواضع
ایدردی .

معلوم اولدیغی اوزره خطاطاتده وخصوصیہ خط جابیددی
مہارت مقطعات و مرکبات حروفک اشکائی قاعدہ خطہ کورہ
کلشی کوزل رسم ایدیورمکله حاصل اولیوب بولرک — سہولت
قرائتی اشکال ایتیهجک وتناسب هندسی وجدانیہ خلل ویرمیهجک
بر نظام آلتندہ اولدرق حسن ترتیب وترکیب واطف تلفیق وتلفیفہ
رہبری ذوق سلیم ایله احراز موفقیتہ محتاجدرکہ ذاتاً صنعت خطک
صنایع نفیسہدن معدودیتی اقتضا ایدن حسن واطافت ده بونکله
حاصلدر . ایشته رجائی افندیکن خطاطاتدهکی معرفت وکمالی اصل
بوجهتده متجلی ایدی . نسخ .. ثاث .. جلی .. تعلیق وحتی رقعہ
اولدرق زیور بیض قرطاس اولان ہر نقش کاک بدیعہ نکاری نظر
نواز وجدان ابتسامات ایچندہ ناصیہنمای تاطف اولق خاصہ جابیلہسنہ
مالک ایدی .

ثانی مخادیمی محمود اکرم بک افندی حضرتلرندن مرویدرکہ
وانی کویندہکی ساحایخانده اکثریا بابا اوغل برلشوب دوستانہ وتکلف
براندازانہ ساعتارجہ ہر نوع مصاحبہ قویولدقلری کبی مرحومک
وفاتندن اوچیش سنہاول ینہ برکون ملاقی اولمشبار . اکرم بک افندی

بقدر الكد تكسب المعالي

فمن طلب العلا سهر الليالي

بيت مشهورينك خط جلی ایله ترسیمنی پدرندن رجا ایتمش مشار ایله
دخی بو التماسی حسن قبول و یازییه اخذ ایتدیریلدیسه له جاك اوضاع
واشكال عدیده دن بریسنه برانکده قرار و یرمك اوزره قلم و قرطاس
تجربه نی در حال دردست ایدرك یکر می دقیقه ظرفنده بری برندن کوزل
برقچ صورت تنظیم و ترسیمی کاغذ اوزرنده نقشینر ایتمکده موفق
اولمش . مشار ایله بر مهارت و سرعت فوق العاده ایله بونلری ترسیم
ایتدیکی قدر اکرم بك ده قائماً تماشایلر مش . نهایت اکرم بك حیرانی
اولدیغی بو قدرت رسامانه نی تقدیر ایتک ایستیه رك : « بارک الله !
صنعت خط خمه چالا ککزه اودرجه مطیع و منقاد کورینیور که
لسان حال ایله هر بر حرکتک بکا امر واجب الانفاذدر . هر حرکتک
بی ارزو ایتدیگک رسم و شکله افراغ ایچون کافیدر دیور » دیش .
مرحومه جواباً : « ای اوغل ! از می امک و یردم . بونکده برابر
کمال مرتبه سنه یتشه مدم . هله شمدی یازدیغ شیارک قصورنی کوزم
کورییور . اصلاحنه المده قدرت یوق . سنک اختیار اولدیغک
واری : « دهرک کتبه الیغی اثنالرده پرنج دانلری اوزرینه (قل هو الله)
یازوب یازوبده یوتدیغنی تحف قیلندن اولدرق نقل ایتمش .

بعض دوائر رسمیه و خصوصیه ده کی انواع معتبره سندن ماعدا
احباب و اقربا نزدنده بر خیلی نسخ و ثلث و جلی و تعایق یازیلری
موجوددر . فقط خطه دائر آناری ایچنده داماد خلیل رفعت پاشا
ایچون یازدیغی مصحف شریف ایله تقویم ناظری بولندیغی اثناده
« شفاعتی لاهل الکبائر من امتی » حدیث شریفنی حاوی اولدرق تنظیم

ایدوب بعضیسی لعل و بعض دیکری لاجورد زمین اوزرینه اتون
یالیزیله لیطوغرافیا دستکاهنده طبع و تمثیل ایتدیردیکی طغرای غرا
لوحه سی نفایس نادره دندر .

علم موسیقی به وسائر برطاق فنون شتایه دخی آشنا اولان رجائی
افدینک دیکلنه جک درجه ده فی و کان چالمق و ارباب صنعی حیرته
دوشوره جک صورته کعبه اورتیسی طوقومق و مهر حک ایتک
معرفت و صنعتلری جمله مکسوبات هنر مندانه سندن ایدی .

امردینده خالص الاعتقاد سالم الفؤاد اولوب سمعه وریادن اجتناب
اوزره بولندیغندن سرأ عبادتی ترجیح ایدردی . من القدیم کیجه لری
کچ وقته قدر مطالعه کتب و ممارسه خطوط ایله متوغل اولوب اندن
صکره اقامه صلاته قیام ایله اوده بیتجه سجاده اوزرنده جهراً تلاوت
قرآن ایله کریان اولمق معتادی ایدی .

نظر اعتبارنده مزیت صحیحه لیاقت و فضیلت ذاتیه دن عبارت
اولغله رتبه و منصب کبی حیثیات عارضیه و آلایش و دبده به اهمیت
ویرمز و بوقیلدن هوسات و امائی دنیویه نك موجب اوله جنی تکلفات
و مراسم ایله مقید اولمق ایستمزدی .

خلقاً غایت متواضع .. سخی .. کریم .. فقرا پرور مهماننواز
طبعاً غایت ظریف .. بذله کو .. لایالی .. میال مزاح .. نکته دان
نادره پرداز اولوب فقط دائره الفت و اختلاطی اوداسنه منحصر
بولندیرردی .

سیر نبویه دن .. تاریخنن .. مثنوی شریفدن و سائر کتب ادبیه
اخلاقیه دن پک چوق منقبه لر فقره لر مثالر و لطائف و ظرائف دأر
عربی فارسی و ترکیه بیکلرجه بیتلر مصراعلر مضبوط حافظه بی نفادی

اوغله مناسبست مقام ايله بونلری ایراد وانشاد ایدرک مجالس الفتی
پر فیض و نشاط ایدردی .

مشرب لاقیدانه سنجه مال و منال بتون بتون بی مال ایدی . پاره
خصوصنده ایسه « تداوله مخصوص اولان نقودی حبس ایتک اساس
وضعنه مغایر بر حرکت و عین قباحتر . نقود حبس وادخار اولنه جغنه
صرف اولنق لازمدر که حق تداولنه تجاوز و وقوع بولسون » دیر
وکندی سفسطه سنه کنیدیسی ده بی اختیار کوله رک الله کچن نقودی
اولاد واقرباسنه وکنندن زیاده محتاج کوردیکی هرکسه بذل ایدردی .
انک ایچون ایام حیاتنده چوق و قتلر شدتلی ضرورتلره اوغرادی .
وفتنده ایسه ایکی سیم مجیدیه ايله بر باقر اوز پاره لقدن باشقه براقچه
براقادی .

مشار الیهک اخلاق و افعالنده بر قصور کوریلور که اوده ایلاک
تقویم نظارتندن انفصالی اوزرینه ایکی سنه امتداد ایدن معزولیتی
هنکامنده نصابه عشرتله پیدا ایتدیکي ائتلافی بعضاً انهمک درجه سنه
واردیرمش اولسیدر . عشرتی زمان زمان اونودیرینه اعاده ایدر
ینه براقیردی . اون سنه قدر بوحالده کیدرک نهایت کلیاً و قطعياً
ترک ابتلا ده بیوک بر عزم و قدرت کوسترمکه موفق اولدی . اوزمانلرده
مخدومی اکرم بک افندی ايله ینه بر کون محاسبه نفس یولنده کی بر
حسب حالنده دیمش که : « عشرت بنی طریق صلاح و تقوادن وقت بوقت
انحراف ایتدیردی . بونی اعتراف ايله متالم اولماق المدن کیز . فی الحقیقه
بو ابتلا بکا هیچ یاقشمزدی . اه ! اوغلم نفس لوامه ایچون — ایشه
سکا بونی ده اعتراف ایدیورم — پک نادر فقط ندرتی قدر شدید
اولان حالاتی بشقه درلو کچشدیره مزدوم . بدن اختیار لامغه باشلا نیجه

حالات نفسانیه ده قوتدن دوشدی . هله او عشرت بلیه سنی اوزرمدن
آتم . بونلری سکا نیچون سویله دیکمی البته اکلار سین . عشرتک
هرنه فناغی اولدیسسه نفسمه راجعدر . اللهه قارشى بلکه لایعد
اولان عصیانمک بارکرانی آلتنده ایکی قات اوله رق دیوان محشرده قائم
اولدجغمی دوشوندجکه روحه رعشه لر کایر . فقط نجاته اخرویدن
ینه قطع امید ایتیمورم . چونکه جزامی ویره جک اللهایسه « لاتقنطوا
من رحمة الله » بیوران ده اودر . رجائی زاده لرک اکبری نامداران
شعرا دن محمد جلال بک دخی بوندن اون بش سنه مقدم وفات ایتدیکندن
یا لکنز ادبیاتمز ایچون باعث مباهات اولان دهات ادبادن اکرم بک
افندی بر حیات قلمش ومیر مشارالیه پدرینک مکمل ترجمه حالئی تحریر
وبرطایه آثار قلمیه سنی جمع وترتیب وتدوین ایتش ایسه ده طبع ونشرینه
موفق اوله مامشدر .

رجائی افندی مرحومک بر آنا نندن :

اشک روانم اوزره خیال عذارکی
صاندی کورنکه ریخته در جوبیاره کل
تخیلیه بر مجاز ارایور عارضک کوروب
شبنمدن ایتدی لطف مزاج استعاره کل
مد داله فیض پیرایله دائم رجائی
کلنخل کلمک ترده بیتر اشکاره کل

تا اورتبه غم واندوه ایله اولدم مأنوس
باقنسه م آینه یه انجق کدرمدر محسوس

زیر شهبال هما ظلمت اد باریدر
کشینک کوکبه بجتی اولنجه منحوس
درس استاد تهی مغزه نه کار ایلمه جک
چاکچاک ایلر نه قدر ضرب اولنورسه ناقوس

وقعه نویسلک مأموریتنه تعیینی متعاقب تقدیم ایش اولدیغی آنف
الذکر لایحه سی دولت عثمانیه نك ازمنه متأخره سی تاریخلرینک تکمیل
تسلسله دائر بعض معلومات و مضامعات مفیده فی حاوی اولدیغندن
فقرات لازمه سنك بورایه درجی مناسب کورلدی :

لایحه

سایه مکرمه وایه حضرت ملوکنه ده وقعه نویسلک خدت مورث
المنفخرتی من غیر لیاقة عهدۀ عییدانه مه احاله و تفویض بیورلش
اولدیغندن بو خدمت جلیلهیه متفرع بعض مضامعات بندکانه مک عرض
وافده سی لازمه مأموریت جا کرانه کورنمکه بروجیه آتی ذکر
وبیان اولنور .

رهین عم عالیاری بیورلدیغی اوزره ضبط وقایعدن مراد اصلی
بدایت افرینشدن ختام عالم شهوده دکن بر مقتضای حکمت رب قدیر
بوتنکنای بی بقاده بونجه صور اشیا و حوادث عبرتیا جلوه کر حین
ظهور اوله کندیکی واعمار طبیعیه آدمی قاطبه وقوعات ادواری
ادرا کدن قاصر وفی اجمله حوادث عالمه وقوف تتبع تواریخ معتبره
اسلافه مفتقر بوندیغی جهته سالفدن خلفه یادکار و مابه الانتفاع
والاعتبار اولق قضیه سندن عبارتدر . بنابرین اوتیه دئیری دولت
عایه ابدیه ایدت بالضاف الازلیه ضبط و تحریر و قیوع روز مره

خصوصه اعتنا و هروقتده بو خدمت بهیه ایله بندگان و داعیاندن مجرب
الاطوار لر بعض کیمسه لرك قدر و مزیتی اعلا بیورلمش اولدیغی مثلاً
مقدماسلف چاکری اسعد افندی مرحوم دخی بو خدمت پرمفخرته
مأمور بیوریه رق سلفی شانی زاده مرحومك تحریرینه موفق اوله .
مدیغی درت سنه لك یعنی اوتوز یدی سالندن (۱۲۳۷) قرق تاریخی
اواخرینه دکین رونمای مرآت وقوع اولان حوادث پسمانده دولت
علیه نی بر آورده صحایف ضبط و ترقیم و جلد اول اولق اوزره ربط
شیرازده تقیم برله عتبه عالییه تقدیم ایلدکن صکره قرق سالی بدایتندن
نهایتنه قدر برسنه لك وقوعات دخی کشیده رشته سطور و جلد ثانی
عنوانیه پر مجله ترتیب ایدرك بونی ده تقدیم سده شو کتموفور ایتش
اولدیغی مرحوم مشار الیهك طرف چاکرانه مه دور اولسان مسودات
اوراقدن اکلا شلمش وایلرو سنه لرك ضبط و قایعنه دائر اوراقه
دسترس اولنه مدیغنه کوره قرق ایکی سالی اوائلندن شمدی یه قدر
یکرمی ایکی سنه لك وقوعات داخلیه و خارجیه سلطنت سنیه نك که
اکثری وقایع جسیمه و مهمه در ضبط و تحریری گرفته دوشاخه اهل
اولدیغی منفهم اولوب حال بوکه بونلرك جمله سنك علی و تیره النصحه
ثبت صحایف بیان قلنمیسی دولت علیه جه الزم و اعم واکرچه وقایع
مذکوره اجمالاتی براز مدتدنبری تقویم وقایعه کچمکده ایسه ده
خالقك صحت وقوعات اوزرینه اعتماد و اعتقادی تاریخ سبکنده بولنه جنی
بدیهی و مسلم بولنمشدر . قالدی که وقعه نویس اسبق و اصف افندی
مرحومك بیک یوز التمش انتی تاریخندن سکسان اوچ سالنه قدر
جمع و تدوین ایلمش اولدیغی وقایع روزکار دستیاری طبع و تمثیل
ایله اخلاقه یادکار اولمش ایسه ده سکسان اوچدن اواخر دور سلیم

خانی به واوزماندن شمدی به قدر انك وسائر وقعه نویسانك آثارى
الحالة هذه طبع ونشر اولخامش اولدیغنه وریمز تعالی حضرت تلمری
ناشر مناشیر فنون وحکمت وناظم منظم ملک ودولت اولان شهریار
معالی خصلت وتاجدار عوالی منقبت افندمز حضرت تلمری ماتعاقب
الادوار سریر خلافتسمیر شاهانه لرنده مستقر وپایدار بیورسون .
جامع المحسنات اولان عصر همایون حضرت ملوکانه ده هر نوع علوم
وفنون لازمه نك نشر وترویجی التزام وتریت تبعه ماده نافعنه سنه
کالیله اعتنا واهتمام بیورمقده اولوب فن مرغوب تاریخک دخی
موضوع وغایتنه نظراً امر تعلم وتعلیمی درجه وجوبه متقارب وبنابرین
بوقدر وقوعات دولت معظمه عثمانیه نك متواری مضموره خمول
وذهول اومسی نامناسب بولندیغنه وبونلرک لسان وقت وحاله
ومناسبات سیاسیه حاضره به توفیقاً اصلاح وسبک وتعیرات وکلتی
ایضاح اولنه رق طبع ونسری هم فوائد عمومیه ی وهم ده بوبر
با کوره محصول اوله رق هرکس اشتراسنه رغبت ایده جگ، جهتله
منافع خزینه یی مستلزم ایه ده یالکز متوفای مشارالیه اسعد افدینک
تحریرندن خامه کش استغنا اولدینی وقوعات یکرمی ایکی یکرمی
اوج سنه به منسوب اوله رق برطرفدن بونلری ثبت وتحریر ودیکر
طرفدن دخی تداخلدن قورنارمق اوزره وقوعات آتیه یی ضبط
وتزیر نفس واحده نك دائره مکت ووقتندن بعید الابعاد اولدینی
وارسته قید ایراد ایدوکنه بناء بونلرک استحصال وسائل لازمه سی
خصوصنده رأى رزین اصابتقرین فخیانه لرینه مراجعت اولنور .
عبد ملوکلمری سایه لطفاویه حضرت شاهانه ده خصوصات
مأموره بندکانه مک حسن ایفاسنی بحق وبالاتخار التزام ایدمش

بندكان رقيت عنوان ساطت سنيه دن بولنديغمدن ومع هذا ازهر
 جهت مفقود البضاعه ومعدوم الاستطاعه اولديغ حالده وقعه نويستك
 مأمورتي كبي ختام صحايف اعوام و ايامه قدر ابقای نامه وسيله مالا
 كلام اولان برخدمت پرمفخرته نائتم نه بيوك برسعدت ونعمت
 اولديغی من غير حد تقدير ایده بيلديكمدن بونعمت جالياله عزيز
 المالك « وبالشكر تدوم النعم » مفهومجه ايفاي امر شكر ومحمدتی
 ضمننده كيجه ني كوندوزه قاتهرق بروفق مطلوب عالي چالشه جغ
 دركار وبوندن بشقه ديكر خدمت ومشغوليت ايله امر استكمالي پك
 چوق وقتار تهيز كللك اقدامه منوط اولان بويله برخدمت معضله نك
 آز وقتده ايصال سرمنزل اكمل اولنسيچون سوده كوپال تضيق
 واستعجال بيورميه جعم دخي شيمه مرحمت وانصفت سنيه اقتضاي
 عاليه سنجه آشكاردر . فقط يوقاروده عرض اولنديغی اوزره توارنج
 سالفه وقوعاتنك شو ائناده برحسن قابله افرایله طبع ونشر اولنسي
 وجوهله محسناتی موجب ومثلاً ابتدا چيقاريله جق بر جلدك مقدمه .
 سنده دولت عاليه عثمانيه صنوف تبعه صادقه نك هر نوع نعم علوم
 وفنوندن بحق متبع ومستفيد اولماريني جداً ارزو بيورديغنه بناء هنوز
 باصيلوب بازار انتشاره چيقيمامش اولان توارنجك وحتى دورساختان
 مصطفى خايدن صكره ضبط وترقيم اولنوب وراي جدار خفاده
 طوتلمقدمه بولنان مجلدات وقايع سالفه نك هر كسه معلومات حاصل
 اونق ايچون ضبع وتمثيانی اراده بيورمشدر . « يوللو شيلار يازيلدرق
 ابتدا واصف افندي وصكره انوري سعادالله افندي وبعده ينه
 واصف افدينك وسائر وقايع نويستانك وقايع نوشته لرينك مرتباً
 ومتوالياً چيقارلسي مناسب كبي لايح خاطر بندكانه ام اولمش ايسده

بوماده فنون و معارفه دائر شى اولديغندن ايجاباتي بالاظراف تذکر
اولمق اوزره مجلس معارف عموميه حواله سى رأى واراده جناب
آصفانه لرینه تعاليق اولنور .

وقوعات سالفه نك برمنوال محرر طبع و اخراجى رأى عاليارینه
توافق ايلديكى حالد بوكا بر اصول و ميعاد وضع و تعيينى لازمه مصاحبت
اولغله ابتدای امرده توارىخ سالفه غير مطبوعه دن اولوب سگسان
ايكى سالندن طقسان التى به قدر وقوعات معتبره و عبارات عابره يى
جامع و طبع و نشرى فوائد عامه يى مستتب اولان انورى افندى
تاريخنك تنقيح و اصلاحى نه قدر وقته متوقف و بعده و اصف
افندى مرحومك بوكا ذيل اولمق اوزره يازديغى بر قسم و اواخر
دور سليمخانى به قدر تحرير ايتديكى ديكر قسم وقايعك مدوناتي
بر صكره لرى عاصم افندى و شانى زاده افندى و اسعد افنديت مجلداتي
بولنه ورق قياس و تخمين ايله عباراتك لسان وقت و حاله توفيق
و تحويرى نه مقدار زمانى مستطرف اوله جغى اكلاشيلوب و اسعد
افنديدن كيرو قلان مدت معلومه وقايعك كيت و اهميتى بيانوب
بونلرك واحداً بعد واحد تقرير و تحديد اولنه جق ميعاد ايله برر
ويا ايكيشر سنه ليكى برر جلد اوله ورق تنقيح و تصحيح و توضيح
و تفصيح اولمق و ختامنده بر مقتضى مأموريت عبد مفقود البضاعه
لرى دخى كورمك و ائناى تحريرنده بعضاً چا كر ليله مذاكره ايلمك
اوزره موقتاً بو خدمتك مجرب و منتخب بر بنده لرینه حاله سيمى
مناسب كوريلور يوقسه معيت بى مزيت بندكانه مه برايكى منشى و مبيض
افندى تعيين و باب عالیده و حسب مأموريه خزينه اوراق دائره سنده
بر او طه تخصيص بيوريلوب چا كر لرى ينه كا كان امدى او طه سنه

مداومت و اراق اراق اورا یه ده نظارت ایامک اوزره تنقیح
و تصحیح اولنان و مجدداً قلمه آلمان وقوعات سالفه یی ایجابنه کوره
اولیای امور حضراته اراشله بعده تبییضه مبادرت اولنق صورتی
ترجیح بیوریلور شقیندن قنغیسی رأی عالی دستور یارینه توافق
ایدرسه همان ایجابی اجرا بیوریلورق عبدناچیزلری دخی بر مقدمه
مناسبه ایله بدایت جلوس میمنت مأنوس هایون شاهانه دن بسمله
خوان ابتدا وعصر شاهانه ده جلوه کرساحه ظهور و وقوع اولمش
اولان آثار برکزیده و بوندن بویله میدان کله جک مأثر حمید نك
تعریف تفصیلی و توصیف تجلیسی ایله نکارنده صفاح شکر و ثنا
اولمقاغم خصوصی دخی مساعده علیه داوریلرینه منوطدر . و برده
اوتنه دبرو دولت علیه ده وقایع نویسانک یازمش اولدق لری توارینخده
اکثریا توجیهات علمیه و تبدلات مناصب دیوانیه ایله بعض وقوعات
عادیة داخلیه قید و تزیر و دولت عثمانیه ایله دول اجنبیه میانه لرنده
آچیلان اسفارک چکونکی کیفیاتی یعنی اومقوله محارباتده سلطنت
سنیه طرفندن احراز بیوریلان غالبیت نه کونه اسبابه تشبیه حاصل
اولدینی تحقیقات و استطلاعات داخلیه مستنداً ثبت و تحریر اولنوب
بوصورت لفظ تاریخک من حیث اللغة و التعریف معنای حقیقیسنه
مطابق اولسه دخی دیگر طرفدن محارب اولان دولت اجنبیه نك
مغلوبیتی نه دن نشأت ایتمش واسباب تفصیلیه سی نه ایمش واول وقتلرده
سلطنت سنیه حق عالینده انظار دول نه مرکزده و قوه عسکریه
و مالیه لری نه راده لرده و یکدیگر یله معاملات و مناسباتلری نه صورتده
بولمش بورالری مسکوت عنه کچوب حال بوکه اعتبار اخلاقی موجب
اولان اشبو حقایق خفایای اجنبیه نك دخی قید و بیانی اهم و توارینخ


سیاسیہ دول بومقوله قیود و محاکماتی احاطہ ایله اتم اولدیغندن ترتیب و تنظیم و املا و ترقیمی اتم عجز رقہ چا کرانه مه حواله بیورمش اولان و قیغنامه عصر حاضر پر مفاخرک انفالتعریف نقصانی دخی مستکمل اولمق اوزره اومقوله خیایى امور واحوال اجنبیه دائر رسائل و اوراقی بالترجمه بندلرینه و یرمک اوزره بو ایشک مقتدر بر مترجمه حاله سی و رفاقت عاجزانه مه عنداللزوم تسویده دخی مقتدر اولمق اوزره برمیضک مأمور بیورمسی چا کر کینه لرجه لازمه حل و مصلحت کور نمکده ایسه ده رد و یقبولی رأى روشن ذات فلاطون ساتلرینه وابسته بولمشدور .

عاکف پاشا زاده نائل بک

مشارالیه (تبصره) صاحبی داخلیه و خارجیه نظارتلریله مشهور و معارف اولان (بوزاق) لی عاکف پاشا مرحومک نجل نجیبدر . مشارالیه صغر سننده پدری مسلکینه سلوک ایله برمدت دیوان قلمنده کسب تربیت ایلدکن صکره آمدی اوطه سننه مأمور و اوزاده مدت مدیده کذارنده ایام و شهر اولوب جتتمکان فردوس آشیان سلطان عبدالحجیدخان مرحومک اوائل سلطنتلرنده تقویم ناظری و اورادن باش کتابتله برابر مجلس والا اعضالغنه و مؤخرأ تقویم ناظری و وقعه نویس رجائی افندینک انفصائنده نانیا ینه تقویم ناظری و وقعه نویس نصب اولمش ایدی . وقعه نویسک خدمتنه و قنی اوله مامسی بیانیله اولوقت فن انشا و بیانده کسب شهرت ایتمش اولان جووت افندییه (جووت پاشا

مرحوم) ترا ایلیوب نظارت مذکورده بولندیغی حالده ارتحال داربقا ایلمشدر. وقعه نویسدکه دائر بر اثری یوقدر. زمان ارتحالنده الی ایله التمش آراسنده وارایدی. ایوبده قرده غولخانه قارشوسنده مدفوندر. مشارالیهک کتابه سنک مزاری شویله محرردر :

« خارجیه ناظری اسبق عاکف پاشا مرحومک مخدومی تقویمخانه عامره ناظری محمد نائل بکک روحیچون فاتحه »
فی ۲۳ جا سنه ۱۲۷۱



مورخ و وقعه نویس احمد جودت پاشا

(اقدام) غزته سنک ۴ ذی الحجه سنه ۱۳۱۲ و ۱۶ مایس سنه ۱۳۱۱
تاریخی نسخه سنده مشارالیهک وفاقی بروجیه زیر درج صحیفه تأثر قلندمشدر :

ضیاع ابدیسی ارباب عرفان ایچون مانع تذکار اوله جق صورتده موجب تأثرات اولان وزیرای سلطنت سنیه دن احمد جودت پاشا برقچ کوندنبرو دوچار اولدیغی خسته لقدن رهایاب اولدمیه رق اولکی کیجه عالم فانییه وداع ایتمشدر. رحمةاه علیه رحمة واسعه

مرحوم مشارالیهک جنارده سی تخصیص قلنان استمبوظله بیکده کائن ساحلخانه سندن کمال حرمت واحتراف ایله قالدیریلوب طوغریجه اون قپانی اسکله سنه کتورلمش و اورادن قرده چیقاریلوب اوکده برطاقم اصحاب اخلاص تهلیل خوان و پولیس و ژاندارمه و بلدییه چاوشلری ایکی صره صفبسته تعظیم وتکریم اولدقلری حالده جنتمکان فاتح سلطان محمد خان حضر تلرینک تربته شریفه سی خطیره سنده تهیه قلنان مقبره مخصوصده و دیعه رحمت الهیه قلندمشدر.

مغفور له وظائف حیاتیہ سنی منتظماً ایفا ایدرک متمصف اولدینی
فنائل اخلاق سایہ سنده آخر عمرینہ قدر کمال تندرستی و متانت
ایچنده یشامش ایدی .

جودت پاشا مشغولیت مغویہ قسمنه داخل اولان مطالعہ کیجہ
کوندوز حصر وجود ایتیش برذات اولدینی حالدہ حیات فاضلانہ
سایہ سنده قوای مغویہ سی کورکوسیلہ متناسباً تزايد ایتیش وکمالی آرتہ
آرتہ علما و رجال شرقیہ نیک سرآمدانی صرہ سنہ چہرک ثقتہ ارباب
علم و معرفتک سرنامہ مباهاتی اولمشدر .

جودت پاشا ہم عالم ، ہم سیاسی ، ہمده اهل قلم ایدی . بواوچ
مزیتک آثاری الیوم مشاهد باصرہ مباهاتدرکہ اشاعیدہ کندی قلمیہ
محرر اولمق اوزرہ دسترس اولدیغمز ترجمہ حالی غایتلہ محویتکارانہ
یازلمش ایکن تشریح شخصیت نادرہ سنہ دلیل کافیدر . ہلہ پاشانک عالم
علم وادبدہ احراز ایتیش اولدینی قدرت یتیشلمیہ جک درجہ دہ در
دینسہ مبالغہ ایدلماش اولور . زیرا او قدرت قلمیہ مزیت علمیہ دہ
منضم اولدیغندن یازدقلمی یالکز سانحاتہ تبعاً دکل محاکمہ علمیہ سیلہ
تدقیق ایدرک یازار ایدی . اسلوب افادہ و شیوہ کتابتدہ مرحوم
ہر وادیدہ سوق خامہ مزیت ایلین ارباب اقتداردن ایدی . ایستر
ایسہ ویسیلر قدر مصنع وطمطراقلی جملہ لری ترکیب ایتک ، ایسترایسہ
بالجملہ عوامک اکلاہیہ بیلاہ جکی اسلوبدہ سوق خامہ ایلیمک کنیدی
ایچون برخصلت ایدی . قصص انیاسنہ سہل متنع دیمک کفایت
ایتمز . آنی او قویانلر ہان قلمی اللرینہ آلوب او یولده اجالہ ایدیورہ
جککیرینہ ذاہب اولورلر . فقط او تألیفدہ مثلاً قس بن ساعدہ نیک

خطابه دیندارانه‌نی او سلاستده . او فصاحتده ، او ایجازده ، او اعجازده لسان ترکی یه نقل ایتک مستحیل اوله جغنی اعتراف ایتکی بر مزیت اعتقاد ایتیه جک کیمسه می تصور اولور ؟ کافه علوم کنیسنده جمع ایدرک «نحریر» صفت عالیه سنه حقیقی بر موصوف اولق اوزره بحق مشهوردر . لسان عرب و فرسده کی اقتداری حددن افزون اولوب ده اونا الی ، اون یدی یاشارنده بعض کتب عربیه یه تعلیقات نفیسه یازمشدر که هیچ برکله سنده قاعده و مقتضای حاله اصلا مغایرت کورلمز . مثنوی شرحی مناسبیه عابدین پاشا حضر تلرینه یازمش اولدینی مکتوب بدیع فارسی لساننده کی مکتوباتک شاهدیدر . لسانمزدده واضع قواعدیدر . فؤاد پاشا مرحومه برانکده قواعد عثمانیه یی تألیف ایتیشلرایدی . یازدقلرنده خطا بولماز . اسلوبی زمانه توفیق ایتیش و طرز تحریری بش الی کره دیکشدرمشدر . اک کوچک خطاره کنیدیسی دقت ایتدیک کی بشقه مؤلفارده کوردیکی خطیاتی ده اخطارایله خیرخواه لغنی ابراز ایدرایدی . ادبامزدن بری بر مجموعه ده جودت پاشایه (یوقسه) یرینه (یوخسه) ، هانکی یرینه (قننی) یازدیغندن طولای تعریض ایتیش ایدی . حالبوکه پاشایه بوکی شیرله درس و یریه مز ایدی . زیرا خواجه کنیدیسی ایدی . شعرلری علم قوتیه سویلمشدر . اگر شعرله اشتغالی مشاغل سائره سنه ترجیح ایتسه ایدی منشوراتی قدرده منظوماتی بولنوردی . شعری آزدرد و بسیطدر . ذاتاً نظیره لرندن و تخمیس لرندن اکلاشلدینی اوزره شعری محض اسوق طبیعتله دکل مسامره و مصاحبه قیلندن اوله رق انشاد ایتمشدر . اصل قدرتی تاریخ نویسلکده کورلمشدر . حکمت تاریخنده علامه ذوقون ابن خلدونه خیر الخلف اولش بر متبحردر . مورخین اجنبیه دن

روسیه‌لی (قارامزین) کبی تاریخده بالاطراف تصویر وقوعاته اعتنا ایدرک اندن چیقہ حق حکمی بعضاً قارئک سـلامت فیکرینه تودیع ایلمشدر .

تاریخنده استطراد مصاحبه قیلقلی باشلی باشنه برخیلی مقالاتی دخی واردر. انسان مطالعه‌سیله هم متلذذ اولور، همده نیجه غوامضه کسب وقوف ایدر .

پاشانک تدریس و تدرسه انهماکی مخدوم عالیبری سعادتلو علی سداد بک افندی حضرتلریله کریمه عفت و سیمه‌لری فاطمه‌لیه خاتم افندیده آنارینی کوسترر . حتی اوچنجی کریمه‌لری دخی دوس و شوق تحصیل ایله آراسته‌درلر .

ایشته پاشای مرحومک بو و بو کبی صالحات باقیات تعبیرینه سزا آناری مستقر اولمغله کندیسینی مغفرتله یاد ایدر وارکان عائله کرامنک مظهر اجر جزیل اولملرینی الطاف حقدن تمنی ایلرز .

ترجمه‌حالی

احمد جودت پاشا بن الحاج اسماعیل اغا بن الحاج علی افندی بن احمد اغا بن اسماعیل افندی المفتی بمدينة لوفجه بن احمد اغا سرکرده . سرکرده احمد اغا فی الاصل قرق کلیسا قضاسی اهالیسندن اولوب بالطه‌جی وزیر ایله (پروت) محاربه‌سنده بولمیش و اول عصرده لوفجه ده توطن ایتمشدر . یولار قیران احمد اغا دیه معروف اولمغله اولاد واحفادینه یولار قیران اوغللری لقبی موروث اولمش و حاجی علی افندی‌یه قدر اعقابنده بو لقب قالمشدر .

جودت پاشا ۱۲۳۸ سنه هجریه‌سنده لوفجه قصبه‌سنده تولد ایتمشدر .

لوفجده مفتی و مدرّس افندیلردن علوم عربیه و منطق و فنون و تفسیر
او قویوب مفتی افندی یاننده برمدت مسودلک دخی ایتدکدن صکره
سلطان محمود عدلی حضر تارینک اواخر سلطنتلرنده یعنی ۱۲۵۵ سنه
هجریه سنده درسعادت کلوب علوم عربیه و علم فقه ، اصول حدیث ،
تفسیر ، منطق ، آداب ، علم کلام ، حکمت طبعیه و آلهیه ، هندسه ،
حساب ، جبر و مساحه ، هیئت و جغرافیا او قومش و مراد منلا
تکیه سی شیخندن و شاعر مشهور فهیم افندی دن فارسی تحصیل ایلمشدر .
خواجه شا کر افندی دن اجازت اذنی المشددر .

عربی و فارسی تکلم و کتابت ایدر ایدی . فرانسه و بلغار
لسانلرینه آشنادر . شافیه ابن حاجب و مطول و نتائج الافکار و بناء
وامثله مختلفه اوزرینه تعلیقاتی و قواعد عثمانیه و مدخل قواعد و قواعد
ترکیه و بیان العنوان و معلومات نافع و تقویم الادوار ، معیار سداد ،
اداب سداد ، تاریخ جودت و سیر انبیا نام تألیقاتی و دیوان صائب
شرحنک تمهسی و مقدمه ابن خلدون ترجمه سنک تکمله سی آثار
مشهوره سندن اولوب دیگر بعض رسائل و آثاری دخی موجوددر .

۱۲۵۹ سنه سنده ۲۱ یاشنده ایکن یکی جامع مدرسه سی امتحاننه
دخول ایله بر او طه نك مخصوص اولان معاش و تعیناتنه نائل اولمشدر .
۱۲۶۰ سنه سنده طریق قضایه دخول و روم ایلی قلمننده چنات
رتبه سنده پرمدی قضاسنی ضبط ایله موقتاً مخصوص اولان شهری بشیوز
کسور غروش معاشنی المقده ایکن (۶۱) سنه سنده استانبول مدرسلکی
رؤس هایوتی آله رق شهری یوز الی غروش معاشه نائل اولمش
و بوندن بشقه باب عالیجه عطیه ترتیبندن دخی سنوی ۲۴۰۰ غروش
تخصیص بیورلمشدر .

دیوان صائب شرحنک تہ سنہ مکافۃ (۶۵ و ۶۶) سنہ سندھ
عہدہ سنہ مجلس معارف عمومیہ اعضا غلیہ دارالمعلمین مدیر لکی توجیہ
اولنمش ایدی .

مجلس معارف اعضا غلہ تعیین بیورلدینی زمان رتبہ ومأموریتلرہ
مخصوص اولمق اوزرہ کندوسنہ رتبہ ثالئہ دن بر قطعہ مرصع نشان
ہایونی ویرلش ایدی . صدر اسبق فوآد پاشا بکر شدہ ایکن او دخی
بکرشہ کیتمشدر . فوآد پاشا درسعادتہ عودتدہ قاپلیجہلرہ کیرمک
اوزرہ بروسیہ کیتدکدہ او دخی برابر کیدرک انکلہ بالاشترک قواعد
عثمانیہ ایلہ حالاً بوغاز ایچندہ ایشلمکدہ اولان شرکت خیریہ واپورلرینک
لایحہ سنی قلمہ آلوب درسعادتہ کتیرمشلردر . متعاقباً فوآد پاشاہاموریت
مخصوصہ ایلہ مصرہ کیتدکدہ معیتلہ کیدوب کلدی وانجمن دانش
اعضا غلہ انتخاب اولندی . قواعد عثمانیہ حضور ہایونہ لدی العرض
شر فسانح اولان ارادہ سنیہ موجنبجہ صاحب ترجمہ نک رتبہ سی حرکت
التمشاغہ ترفیع ایلہ کبار مدرسین صرہ سنہ کچورلدی . تاریخ جودتک
اوچ جلدینی تہیم وتقدیم ایتمککہ سایمانیہ رادہ سنہ ترفیع ایلہ مولویتہ
تقرب ایتمشدر و (۷۱) دہ وقعہ نویس اولمشدر . (۷۲) دہ غلطہ
مناسی اولوب قبل الانفصال (۷۳) دہ مکہ مکرمہ پایہ سی واوچنجی
رتبہ دن مجیدیہ نشانی آلمشدر . علم فقہک معاملات قسمنی حاوی
(متن متین) نامیلہ بر کتاب تألیف ایتمک اوزرہ مجلس عالی تنظیمات
دائرہ سندہ تشکیل اولان جمعیت علمیہ اعضا غلہ دخی تعیین اولندی .
(۷۳) دہ مجلس عالی تنظیمات اعضا غلہ توجیہ قلمشدر و اراضی سنیہ
قومیسونی ریاستی دخی علاوہ ایدلمشدر . دستوردہ مندرج اراضی
قانوننامہ ہایونی و طاپو نظامنامہ سی و تعایات موقنہ و تعریفنامہ سی بو

قومیسوئنده تنظیم اولمشدر. قوانین و نظاماتی جمع و ترتیب ایدن دخی اودر . (۷۵) ده بروجه ارپهلق ایزورنیق قضا سنه ترفیع ایلمشدر. صدر اعظم قبر یسلی محمد پاشا مرحوم روم ایلی تفتیشنه چیق دینی وقت معیته مأمور اولمش ایدی .

متعاقباً (۷۷) ده استانبول پایه سی احسان بیور یلدرق ایکنجی رتبه دن مجیدی نشانی ویرلشد. (۷۸) ده مجلس والای احکام عدلیه اعضائی توجیه وارپه لنی یوزغاد قضا سنه تحویل ایدلدی . اول وقت مأموریت فوق العاده ایله اشقودره یه کوندرلدی . ایکی آی ظرفنده اکمال مأموریت ایدرک در سعادت عودت ایلمشدر . ینه اول ائناده روم ایلی یه وانا طولی یه چیقاریلان مفتش لارک انهارلینی در حال اجرا ایتدیرمک اوزره تشکیل اولنان قومیسون ریاستنه تعیین ایدلدی . متعاقباً بوسنه ایالتک تفتیشنه مأمور اولدی . (۸۰) ده صدارت انا طولی پایه سی و برنجی رتبه دن مجیدی ویرلشد .

بر بچق سنه هر سگ و بوسنه قطعه لرینی دور و تفتیش ایدرک اصلاحات لازمه یی ایفا ایتدی . در سعادت عودتنده ایکنجی رتبه دن عثمانی یه نائل اولمشدر . (۸۱) ده میخالیج قضاسی توجیه ایدلشد. اول ائناده مأموریت مخصوصه ایله قوزانه کوندریلوب اصلاحات لازمه نک اکمالدن صکره در سعادت کلمشدر . اول وقت در سعادتده ایکن ارپه لنی اون ایکی بیگ راده سنده ایکن شهری اوتوز بیگ غروش معاش ایله مجلس عالی خزان اعضا لخنه مأمور اولدی . قاضی عسکرلک رتبه سی وزارت تحویل بیورلشد. حلب ، آطنه ایالتلریله قوزان ، مرعش ، اورفه ، زور سنجاقلری برلشدریلرک بر جسیم ولایت تشکیل ایدلش

ایدی . ایکی سنه حلب ولایتده تشکیلات و اصلاحات ایله مشغول اولمشدر .

(۸۴) ده دیوان احکام عدلیه ریاستی بالتوجیه در سعاده کتور لمشدر . سالف الذکر (متن متین) یرینه (مجله احکام عدلیه) نامه له معاملات فقهه دائر بر کتاب یامق اوزره باب عالیده تشکیل اولنان جمعیت علمیه ریاستی دخی اکا احاله اولمش ایدی . بعده دیوان عدلیه ریاستی عنوانی نظارته تبدیل قلندی . ایکی سنه ظرفنده محاکم نظامیه اعلاملرینک اصول صک و سبکنی تأسیس و جمعیت علمیه اعضای کرامیه بر محله مجله نک درت کتابی اتمام ایله طبع و نشر ایتدیر مشدر .

(۸۷) سنه سنده خداوندکار والیسی اولمشدر . بالاخره معزول اوله رق استانبوله عودت ایلمشدر . مجله جمعیتی باب فتوایه نقل اوله رق اوراده دخی بشنجی و التنجی کتابلری قلمه الهه رق طبع و اعلان ایدمشدر . (۸۸) ده شورای دولت اعضائی توجیه و مجله جمعیتی ریاستی ینه اکا توجیه ایدلدی . (۸۹) ده یدنجی کتاب نشر اولندی . سکزنجی کتاب اتمام ایدلدیکی صرده ده پاشایه مرعش والیلکی توجیه ایدلمشدر . اون سکز کون اوراده قالدقدن صکره دیوان احکام عدلیه اعضائیه در سعاده کتور لمشدر . اول وقت سکزنجی و طقوزنجی کتاب طبع اولمشدر . سنه مرقومه ده شورای دولت اعضائی و بعده اوقاف همایون نظارتی ، (۹۰) ده معارف عمومیه نظارتی توجیه ایدلمشدر . اول وقت معارف عمومیه نظارتی دائره سنده معارف نظارتی مأمورین کرامندن بعضاریه مکتب خواجه لرندن منتخب بر قومیسون تشکیل ایدرک صبیانندن مکتب عالییه قدر درس جدوللری ترتیب ایتدیردی . قومیسونجه مجدداً انباشت جزئی باصیر مشدر . نور عثمانیه

جامع شریفنده اصول جدیدہ اوزرہ بر ابتدائہ مکتبی آچدی
 وصاحب ترجمہ نك حصہ سنہ افراز اولنان قواعد ترکیہ و معیار سداد
 و آداب سداد نام رسالہ لری تألیف ایله سیر انیا و تواریخ خلفانک اوچ
 جزئی اتمام ایله طبع ایتدی . (۹۱) ده شورای دولت ریاستی
 معاونلکی توجیه بیوریلہرق بو ائنادہ مجلہ نك اونجی کتابی طبع و نشر
 ایتدی . بعدہ اون برنجی و اون ایکنجی کتابلری اتمام ایدلدی .
 سنہ مذکورہ ظرفندہ یانیہ والیسی اولمشدر و (۹۲) ده معارف ناظری
 اولہرق درسعادته کلشدر . بعدہ عدلیہ نظارتنه تحویل ایدلدی . (۹۳) ده
 روم ایلی تفتیشنه مأمور اولہرق ادرنہ و فابہ طریقہ صوفیہ قدر
 کیدوب کلشدر . او ائنادہ سوریه والیسی اولوب مہئی حرکت ایکن
 معارف عمومیہ ناظری اولہرق درسعادته قلمش و مؤخرأ عدلیہ نظارتنه
 تعیین ایدلشد . ایستہ او ائنادہ مجلہ نك اون اوچنجی ، اون دردنجی ،
 اون بشنجی ، اون التنجی کتابلری طبع و نشر ایتدی . (۹۴) ده
 داخلہ ناظری اولہرق نظارت دائرہ سنده برسجل اخلاق دفتری وضع
 ایدلدی . مالکیہ مأمورلرینک ترجمہ حاللری اجمالاً قید ایتدیرمکہ
 باشلادی . سنہ مرقومہ ذی الحجہ سنک اوچندہ مأموریتی اوقاف ہایونہ
 تحویل ایدلدی . (۹۵) سنہ سنده سوریه ولایتی توجیه اولمغلاہ شام شریفہ
 کیتمشد . متعاقباً تجارت نظارتی توجیه اولنہرق درسعادته کلشدر . مقدا
 ایران شاہی طرفندن برنجی رتبہ دن شیر و خورشید نشانی ویرلمش ایدی .



وقعہ نویس احمد لطفی افندی

صدور عظامدن و شورای دولت اعضاسندن وقعہ نویس سماحتلو

حافظ احمد لطفی افندی حضرتلری بیک ایکی یوز اوتوز ایکی تاریخنده
درسعادته تولد ایتشد .

درسعادته آلاجه حمام مکتبنده حفظ قرآن کریم واولوقت یکی
جامع شریف موقتی بولنان مشاهیر قرادن حاجی افندی نامنده کی
مرد صالحدن تعلم فرقان مبین ایلدکن صوکره ۴۴ تاریخنده هندسه
خانه میری یه دوام و ۴۵ تاریخنده ترک ایله درسعادته سراجخانه
قارشوسنده عمجه زاده حسین پاشا مدرسه سنده حجره نشین اولمش
و ۵۳ تاریخنده قدر مشاهیر علمای عصردن علوم عربیه ، علم حدیث
وتفسیر وفقه ولسان فارسی تحصیل ایتشد .

۴۷ تاریخنده ملازمتله طریق علمی یه واللی تاریخنده بالامتجان
طریق قضایه داخل واللی ایکی تاریخنده بالانتخاب استانبول مدرسلکی
رؤسنه نائل اولوب ۵۳ تاریخنده یدی یوز اللی غروش معاشله
تقویمخانه مقابله جیلکنه وحضور هایون درسارینه مأمور اولمش و ۵۵
تاریخنده معاشی بیک ایکوز اللی غروشه ابلاغ وینه اوتاریخنده طریق
علمی یه مخصوص مجوهر نشان احسان بیورلمش و ۵۷ تاریخنده مأمور
ریت اصلیه سی عهده سنده اولدینی حالد معاشی ایکی بیک غروشه
املا ورتبه رابعه وخواجه لک توجیهی ایله موقتاً مکتوبی صدارت
عظما اوطه سنه چراغ بیوریلوب ۵۹ تاریخنده تقویمخانه مقابله جیلکندن
بالاستعفا ینه بیک غروش معاش ایله ایکی سنه قدر مکتوبی صدارت
عظما قلمی میزلیکی وفارسی مترجمکی مأموریتلرنده بولندقدن صکره
التمش برسنه سی ربیع الاخرنده اوچ بیک یدی یوز اللی غروش معاش
ایله ودین ونیش طرفلرینک اعمار مجاس سیاری کتباتنه مأمور
اولوب برسنه یه قریب کشت وکذار وبعده اعمار مجاسلرینک لغوی

حسبیه در سعادت عودت ایله اسکی بیک غروش معاشیه ینه مکتوبی صدر عالی او طه سنه دوام و ۶۲ تاریخنده ترفیعاً ثالثه رتبه و نشانی احراز ایش و ینه التمش ایکی تاریخنده معاش و مأموریت اصلیه سی عهده سنده اولدینی حالد تحصیل بقایا مأموریتی ایله قلبه ینه بالاعزام طقوز آی قدر خدمت تحصیلیه ده بولنوب در سعادت بالعوده ینه تقویمخانه ینه دوام ایله ۶۶ تاریخنده معاشی اوچ بیک غروش راده سنه بالغ اولمش و بوندن بشقه شهری معاشنه اوچ بیک یدی یوزاللی غروش ضمیمه الی بیک یدی یوزاللی غروش معاشله ایکی سنه مدت اناطولی تفتیش کتابتبی اداره و عقباً هیأت تفتیشیه نك لغوی اوزرینه در سعادت عودت ایله ۶۹ تاریخنده اوچ بیک یدی یوزاللی غروش معاشله تقویمخانه مصححانکی مأموریتنه و ۷۳ تاریخنده رتبه سی ثانیه صنف متمایزینه بالترفیع ۸۸ تاریخنده مذکور ۳۷۵۰ غروش تقویمخانه معا شندن بشقه مأموریت اصلیه سی عهده سنده اولدینی حالد ۱۲۵۰ غروش بشقه جه معاشله و طبیه مجاسی اعضائی انضمامیه مکتب طبیه نك منشآت ترکیه معلمکنه و مؤخرأ دردنجی رتبه دن برقطعه مجیدی نشان دیشانی احسانیه ۸۱ تاریخنده یدی بیک بشیوز غروش معاش ورتبه اولی صنف ثانسی و مجلس معارف اعضائی و تقویم وقایعک امور تحریریه سی انضمامی ایله مجدداً تشکیل اولنان مطبوعات نظارتنه و اون ماه صکره نظارت مذکوره لغو اولمسیله ۸۱ سنه سی ذی الحجه سی غره سندن اعتبارأ با اراده سنیه اوچ بیک غروش معاشله تقاعد ایدیه رک ایکی ماه صکره الی بیک غروش معاشله ثانیاً مجلس معارف اعضا لفته مأمور اولمش و ۸۱ سنه سی اواخرنده معاشی یدی بیک غروشه ابلاغ ایله وقعه نویسلک مأموریتی دخی علاوه عهده سنه توجیه

بیورلش و ۸۶ تاریخنده وقعه نویسلک مأموریتی عهده سنده بالابقا بارات عالیشان قید حیات ایله بروجہ تقاعد بش بیک ایکی یوز یتیش یدی غروش معاشی تخصیص قلوب طقسان تاریخنده رتبه سی اولی صنف اولنه ترفیع وعموم صره سنده معاشی بش بیک اون غروشه وطقسان یدی تاریخنه قدر اوچ بیک درتیوز غروشه تنزل ایتیش وبعد بااراده سنیه مقدار اصلینه بالابلاغ ۹۳ تاریخنده رتبه سی استانبول قاضیلکی پایه رفیعنه تحویل وحائز اولدینی نشان مجیدی ایکنجی رتبه یه تبدیل اولنه رق ۹۴ تاریخنده معاش حالسیله الیوم بولندینی شورای دولت اعضالغنه تعین قلمش و ۹۷ سنه سی محرمنده رتبه سی اناطولی قاضیعسکرلیکی پایه سنه ترفیع ایله تبدیلاً برنجی رتبه دن برقطعه مجیدی نشان عالیسی احسان بیورلشدن .

مشارالیه غایتله مستقیم برذات عالیقدر اولملریله مدت مدیده دن بری خدمت ایتدکری حالده شمدی یه قدر بولندینی مأموریتلرندن نقل وترقی صورتیله انفکاک ایدرک یالکز ایکی آی مدت بلا خدمت حال تقاعده قالمشدر .

مرحوم عارفی پاشانک شورای دولت ریاستی هنکامنده طرفلرندن درج ایدیلان ملاحظه افندی مشارالیهک درجه فضل وکالی ونشر معارف یولنده اولان همت بیهمالی آثار وموافاتی ایله معلوم ومثبت اولدینی کوسترلشدن .

لطفی افندی حضرتلرینک عهده سنه ۹۹ سنه سی محرمنک اون برنده روم ایلی قاضیعسکرلیکی پایه سی توجیه اولنشدن . ۳۱۴ سنه سی محرمنک اون برینه مصادف ۳۱۲ سنه سی ایلونک یکرمی سکزنده بشقهجه اون بیک غروش معاش واوچ یوز ایرا خر جراه وآمدی

دیوان هایون معاون اولی عطوقلو مفید بک افندی حضرتلری ایله
برابر حجازده بعض تحقیقات اجراسنه مأمور بیورلمشیر ایدی .

افندی مشارالیه حضرت تهرینه ۱۳۰۴ سنه سی محرمک اون طقوزنده
امتیاز نشان فروع افشاننک کوش مدالیه سی احسان بیوریلدرق ۱۳۰۵
سنه سی جمادی الاولاسی غردسنده روم ایلی قاضی عسکر اکنه نقل
و ۱۳۰۶ سنه سی شهر شعبان المعظمی غردسنده قاضی عسکر اکنه
بالانفصال شورای دولت اعضا الغنه ارجاع و ۱۳۰۱ سنه سنده برنجی عثمانی
نشان هایونیه تلمطیف بیورلمشدر .

تفهيم المعلم ناميله تعليم المتعلم ترجمه سى ويديسى مطبوع ودرت عددى
غير مطبوع اون بر جلد دولت عليه تاريخلى و مرتب و مطبوع ديوانى
ودفعاتله طبع اولنمش و مكاتب ملل غير مسلمه ده تدريس اولنمقده
بولنمش اولان روبنسون ترجمه سى واللى اوج بيك لغتى حاوى (لغات
قاموس) نام اثر كبير و ۱۲۸۱ سنه سى وقايعنى جامع تاريخچه ودرت
سنه لك تقويم خلاصه لرندن مركب ديكر تاريخچه كنديسنگ مؤلفايتدر.
افندى مشاراليه حضرتلى فضل وكمالى نسبتده خلوق ومتواضع
اولوب ارباب سعى وغيرته هر كيم اولور ايسه اولسون بذل التفات
ايدر لر . تاريخلى غايت ساده وسهل الفهم اوله رق يازلمش وتبعات
تاريخيه ده كوستردكلرى مجاهده جمهينى استحسانه مجبور ايتمىدر . پدرى
لعلينجى اصنافدن بر آدم اولمغله برابر علم شريفك قدرينى پك اى تقدير
ايدر متيقظ برابر مشفق اولدينى جهته مخدومك زمانى هيچ بروقت
بوشنه كچير تماشمىدر . حالالطفى افندى حضرتلرندن منقولدر كه صباوتنده
بركون اكنمك ايچون پدرينك كسرىنى آلوب بر آغاچ يونتمق تشبثده
بولنور . باباسى كسرى لندن آلوب « اوغلم سن شمدى يازى مشق

ایدیورسین. سن الکه کسر آله جق آدم دکاسین. بونلرک ایکسی بریرده جمع اولمز» دیه منع ایتشدرد. لطفی افندی حضر تلرینک فضلنه باقاندلر (یحی الحی من المیت) کریمه سنی تحطردن کندیلرینی آله مزلر. افندی حضر تلری غایت ساده ترکیه یازمغی التزام ایتمش اولدقلرندن مصطلاح عبارتته اثرلرنده تصادف اولمز دینه بیلور. وقعه نویسمکه تعینلری مرحوم احمد جودت پاشادن صکره و آنک حیاتنده در.

مورخ خیرالله افندی

صدور عظامدن رئیس العلما و رئیس مجلس معارف و رئیس الاطبا مشهور عبدالحق افندی مرحومک مخدومیدر. مدرس ایکن مکتب طیبده تحصیل طب ایتدکن صوکره مکتب مذکور درس ناظر لغده بولندی.

بیک ایکی یوز الی سکز تاریخنده از میر منلاسی اوله رق برسنه صوکره مکّه پاهسی آلدی، ۶۵ رجبنده طریقی تبدیلاً اولی صنف اولی اولوب مجلس معارفه اعضا وانجمن دانشه رئیس ثانی وزراعت مجلس اعضاسی، ۶۸ شوالنده مجلس والا اعضاسی، ۷۰ مکتب عمومیه ناظری. ۷۳ ده معارف نظارتی تشککنده مستشار، ۷۳ ذی القعدده سنده ناظر وکیلی، ۷۵ ذی القعدده سنده طیبه و اندرون هایون جناب ملوکانه درس ناظری، ۷۸ رجبنده التنجی دائره رئیس، ۸۱ صفرنده تکرار مجلس والا اعضاسی، شعبانک یکر می اوچنده طهران سفیری اولوب ۱۲۸۳ شعباننده طهرانده فجأة ارتحال داربقا ایلدی.

رحمة الله علیه رحمه واسعة

کندی نامه منسوب اولان اونالتي جلددن عبارت تاريخي ترديد شهرته بادی اوله جق آثار دندر . تاريخ مذکوری ساده وسهل عباره ايله يازمش و کتب متعدد تاريخيه ده بسط و تمهيد اولنان وقایع جمع و تلخیص ايله قارئینک سعنی تسهیل ایتشدز . اشبو اثرندن بشقه يینه اوچ جلد اوزرينه اول زمان تاريخي ، بر جلد اوزرينه وقایع مصريه ، علم طب بدن بر جلد مطبوع مقالات طبيه وایکي جلد غير مطبوع مفردات طبيه ، برر جلدن بل صغوقلنی و قولرا و آشی رساله لری ، فن فلاحتدن مطبوع بر جلد بیت دهقانی ، جغرافیا دن اوروپا و اسيا و افريقا رسائی ، حکمت طبيعیه دن بر جلد اوزرينه مطبوع مسائل حکمت ، بر جلد اوزرينه اوروپا سياحتنامه سی مشارالیه ک آثار مفیده سندنذر . بیروت والیسی عبدالخالق نصوحی و ادبای عثمانیه دن لاهی سفیری عبدالحق حامد بك افنديلر خيرالله افندی مرحومك نجل نجيبايريدر .



مورخ احمد وفیق پاشا [۱]

احمد وفیق پاشا « ۱۲۳۸ » سنه هجریه سی شوالنک یکر می اوچنجی کونی درسعادته تولد ایلمشدر .

مشار الیه « ۱۲۴۷ » تاریخنده مهندسخانه بری هایونه دخول واکمال تحصیل ایتمکسزین « ۱۲۵۰ » تاریخنده بالخروج پدرینک رفاقیله رشید پاشا مرحومك معیتده اوله رق پارسه عزیمت ایدوب (سن لوتی)

[۱] پاشای مرحومك شو ترجمه حالی حفیده لری فاضله النساء عصمتلونه النساء خاتم افندی طرفندن تحریر واهدا بیولمشدر .

نیزه سنده اکمال تحصیل ایله مش، « ۱۲۵۳ » سنه سنده باب عالی ترجمه اوطه سنه بالقید عهده سنه خواجکان رتبه سی توجیه بیورلمشدر .

۵۶ تاریخنده رتبه سی رابعیه بالترفیع سفارت کتاتبه لوندردیه اعزام اولمش، ۸۵ تاریخنده مأموریت مخصوصه ایله صربستانه کوندرمش . عودتنده ۱۵۰۰ غروش معاش ایله ترجمه اوطه سی برنجی صنف خلف الغیله یولجی پساپورطری معاینه سنه مدیر تعیین اولمش، ۵۹ تاریخنده تفریق تابعیت ودها سائر خصوصاته مأموراً از میره کوندرمشدر . ۶۱ سنه سی اواخرنده بالمعاوده عهده سنه رتبه ثلثه توجیهله و ۲۰۰۰ غروش معاشله مذکور اوطه میز لکنه تعیین اولمشدر .

۶۴ تاریخنده آیدین احوالک تفتیشنه مأموراً تکرار اورایه اعزام اولمش، عودتنده رتبه ثانیه و ۴۰۰۰ غروش معاش ایله مترجم اولولمشدر .

۶۵ تاریخنده ۲۵۰۰۰ غروش معاش ایله بحارستان ملتجیلری مسئله سنه مأمور وبعده ۳۵۰۰۰ غروش ایله مملکتین فوق العاده قومیسر لکنه تعیین اولمشدر . ۶۷ سنه سی شوالنده طهران بیوک ایلیچیلکنه بالتعین عهده سنه رتبه اولی صنف ثانسی توجیه، ۴۵۰۰۰ غروش معاش و ۱۰۰۰۰۰ غروش سالیه تخصیص اولمشدر .

۷۱ سنه سنده بغداد وکردستان حدودینک تفتیشنه مأمور اولمش و سنه مذکوره ربیع الاخری اواخرنده رتبه اولی صنف اولنه نائلتله و ۲۲۰۰۰ غروش معاش ایله مجلس والای احکام عدلیه اعضالغنه تعیین وخدمات حسنه سنه مکافأة مجدداً تأسیس اولنان مجیدی نشان ذیشاننک ایکنجی رتبه سی احسان بیورلمش وانجمن دانش اعضالغنه انتخاب اولمشدر .

سنه مذكوره ظرفنده مجلس مذكورك محاكات دائره سی ریاسته
 و جزا قانوننامه سنك و محاكات قانونك تسویدینه مأمور ایدلمشدر .
 ۸۳ سنه سی شعبانی اوائلنده عهده سنه رتبه بالاتوجیه و مأموریتی ۲۵۰۰۰
 غروش معاشله دعاوی نظارتنه تحویل ایدلمشدر . ۷۴ تاریخنده ۱۵۰۰۰
 غروش معاش ایله مجلس مذكوره عودت ایللمشدر . ۷۷ سنه سننده
 ۱۵۰۰۰ فرانق معاش ایله پارس سفارت سنیه سنه مأمور ایدلمش ،
 برسنه صکره پارسده منعقد مکالمه مجلسی مرخصلغنه تعیین اولمشدر .
 ۷۸ سنه سننده تکرار مجلس والایه اعضا اولمش ، سنه مذكوره
 جمادی الاولاسنده ۳۰۰۰۰ غروش معاشله اوقاف هایون نظارتنه و سنه
 مرقومه ذی الحجه سننده ینه اولمقدار معاشله دیوان محاسبات ریاسته تعیین
 اولمش ، او ائناده ایکنجی رتبه دن عثمانی نشان دیشاننه نائل اولمشدر .
 ۷۹ سنه سی رمضاننده مجلس والایه اعضا و معاش باقی اولدیغی
 حالده ۳۵۰۰۰ غروش فضله معاشله اناطولی صاغ قول جهتی تفتیشنه
 مأمور اولوب ۸۱ سنه سننده عزل ایدلمش و بشبیک غروش معزولیت
 معاشی تخصیص اولمشدر . ۸۸ سنه سی رجبك اون ایکنجی کونی
 ۴۰۰۰۰ غروش معاشله رسومات امانتنه بالتعین برنجی رتبه دن مجیدی
 نشانی احسان بیورلمش و سنه مذكوره ذی القعدة سنك اون دردنچی
 کونی اولمقدار معاشله صدارت مستشارلغنه و ۸۹ سنه سی شعبانك
 اون دردنچی کونی ۳۰۰۰۰ غروش معاشله معارف نظارتنه و مذکور
 سنه شوالك اون برنجی کونی شورای دولت اعضا لغنه تعیین اولمش ،
 ۹۲ سنه سننده پترسبورغ جمعیت علمیه سنه مأموراً کوندرلمشدر .
 ۹۴ سنه سی ربیع الاولك اون اکیسنده رتبه سامیه وزارت احسان
 بیورلمشدر . متعاقباً ۳۰۰۰۰ غروش معاش ایله ادرنه ولایتی والیلکنه

۹۴ سنهسی ذی الحجه سنك يكرمی دردنجی كونی هیئت اعیان اعضا لغه،
 ۹۵ سنهسی محرم سنك یدنجی كونی تکرار ۳۰۰۰۰ غروش معاشه معارف
 نظارتیه رسیده ۵۰۰۰۰ غروش معاش و برنجی رتبه دن عثمانی نشانی
 اعطاسیله مقام صدارته و برقاج آی صکره استعفا ایلمسنه مبنی
 ۹۶ صفرینك اون ایکیسنده ۲۵۰۰۰ غروش معاش ایله خداوندکار
 والیدکنه ، ۹۹ سنهسی اوایلینده کذا مقام صدارته تعیین و مرصع نشان
 عالی عثمانی ایله تظیف بیوریش ، درحال انفصال ایدرک ۱۲۸۰۰
 غروش معاشه هیئت اعیان اعضا لغه تعیین اولمشدر .

مشار الیه روم ایلی حصارنده کائن خانه سنده اوقاتکذار ایکن
 مبتلا اولدینی ضیق صدر علتندن ۱۳۰۸ سنهسی شعباننك يكرمی ایکنجی
 چهارشنبه کونی ارتحال داربقا ایلمش ، وصیتی موجبجه روم ایلی
 حصارنده واقع قیالر قبرستانه دفن اولمشدر .

*

* *

ترجه حالی بروجه بالا بیان ایلديکمز مورخ احمد وفیق پاشا ،
 اسلامدن ایلك دفعه دیوان هایون ترجمانی نصب اولنان مهتدی یحیی
 ناجی افندینك حفیدی وپارس سفارتی مصلحتکذارلغده بولمش اولان
 روح الدین افندینك مخدومیدر .

بیوک پدرینك اهتداسی فصل برتبع عامی نتیجه سنده مظهر
 اولدینی هدایت ربانیه اثری ایسه کرك اوغلی روح الدین افندینك ، کرك
 حفیدی احمد وفیق پاشانك صلابت وحیت دینه لری دخی اویله دیانت
 اسلامیه نك غوامضه وقوفلرینه مبنی ایدی .

عرب، فرس، فرانسز، لاتین و ایتالیان لسانلرینی مکمللاً او قویوب یازار و شیوۀ تلفظه فوق العاده مراقی اولدینی جهتله بونلردن هر هانکیسنی تلفظ ایتسه سامعینه بولسانک کندی لسان مادر زادی اولدینی ظنی القا ایدر، روس، المان، انکلیز و لسان عتیق یونانی بی مکمللاً او قویوب اکلار ایدی. السنۀ عتیقه دن لسان ترکیه ارتباطی حسبیه جغتایحه ده تتبع تام صاحبی اولدینی کبی لسان عبرانی یه دخی وقوفی واریدی. «انسانک اضاعه ایدیله جک بردقیقه سی یوقدر» دین و فیک پاشانک مطالعه و تحریردن بر آن خالی قالدیغنی کورن اولماش، هر زرده بولنسه حتی طعامده، اویقوده النده کتاب طوتدیغنی حالده بولندیغنی کورلمشدر.

جسته جسته برچوق اچقه صرفیه قرق بش، الی سنه ک محصول مساعیسی اوله رق وجوده کتیردیکی اون بشییک جلدی حاوی کتبخانه سنده موجود کتابلرک اکثریسنده احمد و فیک پاشانک شرح و تنقیدی، یاسهو مرتب تصحیحی کوزه چارپار.

ایلاک دفعه اوله رق ملکم زده سالنامه احداث ایتش، مولیه رک قوم دیالری عیناً، فقط قارئلرینه تألیف ایدلمش ظن ایتدیرد جک صورتده ترجمه ایلیه رک بروسه والیلکی هنکامنده بالذات انشا ایتدیردیکی تیاتروده صحنۀ تماشایه وضع ایتدیرمش و پرووالرنده حاضر بولنمشدر. تاریخ عثمانی، لهجۀ عثمانی و تلماق، ژیل بلاس ترجمه لری جماعۀ آثارنددر. و فیک پاشا فرانسه نک ادیبلرینی، انکلتیره نک سیاسیوننی کندینه جلب ایتمشدر. انکلیزلر عندنده پک بیوک بر نفوذ قزانمش و بالخاصه لورد سستانلایک محب خاص الخاصی اولمش ایدی. برحاله که

لورد نەوقت استانبولە کلسە تکلیف سزجه مشارالیهک خانە سەندە اختیار
اقامت ایدر ایدی .

پارس سفارتندە بولندیغی مدتیجە باریه دومینار ، الکساندر
دومافیس ، ژول فاور ، تیهەر کی مشاهیر ادبا و سیاسیونک مظهر حرمت
واعتمادی اولمش و سفارتخانەدە ذوات مشار الیهمه هفته دە برکون
تخصیص ایدیش ایدی که مجلس مصاحبتلری سیاستدن ماعدای کافه علوم
و فنون مدونەیه دائر ایمش .

اوچنجی ناپولیون وفیق پاشانک شخصه حرمت و محبتە برابر
کندیسنک سفارتدن عزانی آرزو ایدر ایمش . و داغنامە سنی حین
تقدیمندە « سزک کی بر ذاتی و کلام میانندە دخی کورمک ایستردم » دیو
بیان تأسف و کنیدی مارقە سنی حاوی اولدوق فرانسەنک سەوور
فابریقە سی معمولاتندن مکمل برسفرە طاقی اوزرندە پاشای مشارالیهک
اسمی محکوک بر توالط طاقی هدیه ایامشدر .

وفیق پاشا ، پارس سفارتندە بولندیغی زمان بر محفل ادبیدە :
« عشرت اوروپانک استقبال معنویسنی تهدید ایدیور » یوللو اداره
لسان ایتمش ، باحیقا جرائد طیه سندن بری اخیراً یازدیغی بر مقالەدە
بوسوزی تلمیحاً « وفیق پاشانک سویلدیکی استقبال ایچندە بولنیورز »
دیشدر . بویله اهمیت سزجه سویلدیکی برسوزک اوتوز ایکی سەنە
صکرە غزەلردە کورلسندن مرحوم مشار الیهک نەقدر حائز اعتماد
واهمیت اولدیغی اکلاشلدیغی کی در سعادته کلان کافه مشاهیر اجانبک
کندیسنی زیارته شتاب ایتلری دخی اوروپاچە نائل اولدیغی شہرتە
دایلدر .

پترسبورغدن عودتی متعاقب روسیه چاری طرفندن ، زوجه سنه هدیة ، غایت کرانها مرصع برتاج ارسال اولمشدر .

طهران سفارتنده برچوق مناقشات ومجادلات سیاسیة ایله سفارتخانه یه عثمانی بیراغنی کشاد ایلمش ، مسئله نك اهمیت فوق العاده سنه مبنی شو صورتله موفقیتی طهرانده کی انکلیز وروس سفیرلرینی حیرتده براقشدر . طهرانه صورت مواصلتی پاشای مشارالیه شو صورتله یازمشدر :

« سایة توفیق توائیه حضرت شهنشاهیده جملة اعضای سفارت کمال تحت اوزره اوله رق ماه شوالک بشنچ ، کونی بایزیدن سرحدایرانده اوده جغه کچیلوب اون یدنجی کونی تبریزه و ذی القعدة نك اون التنجی کونی طهرانه مبالغه لوجه دبدبیلو الایه داخل اولمش ومدت سفر تمام یتمش اتی کون سورمش ایسده طریزون وارضروم وبایزید وتبریز وقزوین شهرلرنده اوچرکونی اقامتله کچمشدر . ممالک محروسه شاهانندن چیقادیفی آنده شهادکان ایران اعظامندن صاحب اختیار ایالت اذر بایجان اولان حشمة الدوله حمزه میرزا طرفندن برحرمتلو تبریک قدوم مکتوب ومهماندارلق خدمتی ایله قاپاریه دن مشهور آصف الدوله نك حفیدی جعفرقلی خان مقرب الخاقان یوزقدر دأر هسی خالقیه ظهور ایدوب ایران تعبیری اوزره دولت عالیة عثمانیه سفیر کبر مختار ووزیر صاحب اختیاری حقنده شمیدی یه دکن هیچ بر ایاجی یه اولمقد رعایت واحتراماتك اجرایی فخامتلو شاه حضرتلاری طرفندن امر اولندیغنی تبلیغ یتمش وواقعا افاده سننده مبالغه سی اولیه رق هر قوناق محله برر جسمیم اوبه واوونیش قدر سائر چادر

قوریلوب برر بلوک سرباز پیاده‌سی و متشخصیندن برر مسافرجی خان
و مقدار کلی سورات تعبیریه حدوددن دار حکومته قدر معیت سفیرده
کملک اوزره بر بلوک سرباز و بر بلوک عساکر مختصه شاه‌ی سوارسی اعطا
اولدینی و یولک صاغ وصولنده اولان و حتی قاچاریه دن دخی بولنان
حاکم و مأمورلر اون بشر یکر میشر ساعتک محال دن استقباله کلوب
و بیوک قصبه لره ایکی اوچیک سوار ی ایله کیریلوب کیجه لری مهتر خانه
و آتش بازلق شنلک لری اولدقدن بشقه وزیر اذربایجان و وزیر دول خارجه
و بکلر بکی تبریز دیدکلری رؤسا تبریزده بالذات استقباله چیقوب یکر می
برپاره طوپ انداختی و موزیقه والی طابور عسکر اخراجیه رسم
تعظیم ایفا و هله بوراسی بتون بتون مغایر اصول اولدینی حالده
شهنزاده مشار الیه حین ملاقاتده هم قیام ایدوب همد اوطه سنک همان
قوسنه قدر استقبال و تشییع ایلدیکی درجه نهایه تعجابه مشهود
چاکری و مبالغه واقعه تعظیماته نسبتله مبالغه شفاهی ده مهماندار سفارتک
الزام بیان اتده بولندینی مجزوم کتری اولمشدر. انجق بنده کینه لری دخی
اولا سلطنت سنیه بیوک ایلچی ارسالیله تأیید مناسبات آمال خیره سنی ابراز
بیورمش اولسنی حکومت ایرانیه تقدیر ایدرک حقمنده مزید التفات
کوسترمسی مأموریت عاجزانه مک حسن انجامنه آماره اوله بیلمسی
حسیله ممنونیت عیدانه می موجب ایسه ده مثلاً ایران امناسنک اک
بیوکی نزد سلطنت سنیه کوندر لسه اکرام ضمنتده کندیسنه اصول
دولت ابد مدت موجبنه بشقه وادیده تالطیف و رعایت اولنه جنی
و اصول موضوعه دن خارجه حقیقه میه جنی هرا حجاب ایدن لره تفهیم
ایتدم. ثانیاً ضیافت اکرامی یالکز سر حده برکون قبول اولنوب

چادر و تعینات خصوصاً کلیاً رد و حالا معیتده بولمان یولو عسکرک
 وبتون مأمورلرک سورساتیه امرلری اللرندن اچقه ایله آلتوب صکره ینه
 تعین ویملری عیناً دخی ویریلرک بوایشه یومیه درت بش یوز غروش
 صرف اولنوب فقرايه ویریلان اچقه دنماعداللی بشبیک غروش قدر
 بخشیش و یوزک و مجوهر قوطی و ظرف و ساعت و آتوفسکی و چوقه خلعت
 و شال خلعت مثللو اوچر بیک غروشدن یوز الیشرد قدر ینه بر اللی
 بشبیک غروشاق هدیه ویرلمش حالبوکه مصارفات ضروریه و معاشار
 مستثنا اوله رق تماماً اللی بیک غروشه بیله بالغ اولمامشدر . فقط سفارت
 سنیه نك خدمتنده بولنمش اولان ایکی بیک التیوز قدر بیوک کوچک
 اشخاصک سایه مراحموایه حضرت جهانبانیده جمله سی متشکر اولمش
 وحتی اون اتی اون یدی آیدنبری معاش آلماش اولان سرباز
 کروهنه وقت و محل مناسبنده اچقه داغیدلمسی و ضابطلرینه هم خلعت
 ویریلوب هم نصیحت یوللو بعض لقردیله سسویانمسی فائده دن خالی
 اولمامشدر . حاصلی تبریزده طرف شاهیدن مجدداً مهماندارلق ایچون
 ایکنجی اشیک اغاسی محمد حسن خان و طهرانه مواصات کونی رئیس
 مستقبلین نامیله کبرای ایرانیه نك باش وکیلده نصکره پایهلوسی اولان
 سپهدار علی قلی خان و خارجیه مستشاری عبدالوهاب خان کلوب
 میراخور باشی مؤخرأ طاقیله اون اوچ بیک غروشه تخمین ایتدیرلمش
 بردیک باشی آت کتیروب طرف شاهیدن بر رسم معتاد پیشکش ایتش
 و بالمقابله برقاق کون صکره دائره مختصه دن بوالایده بولمانلره نقداً
 و خلعت اوله رق اون ایکی بیک بو قدر غروش اولاشدیرلمشدر و بنده

شهر پیشگاهنده بش اون کون مهمانوازلق ایچون حاضر نمش اولان
هشت بهشت باغی قبول ایتیوب طوغری شهرده تدارک اولمش اولان
سفارتخانهیه کادیکمده شاه حضر تلری دخی اوچنجی کونی یا یلاقدن
شهره عودت و کمال التفات اولق اوزره عودتیک اوچنجی یعنی
ذی القعدةک یکرمی برنجی کونی ملاقاته دعوت ایتدکده اسحاب جرزددن
معدود اولان مأمورین ایله یدی سکر ساعت انلر مباحثه وقوللری
اولانامه هایون میمنت مقرون شهنشاهینک شمعی ده دین عادت اولدیغی
اوزره کندولری طرفدن بر انتون تپسییه وضعیله شاهه حرمتکارانه
عرض اولمشی و دائره بیرونده قوماندایله ایاق قابی چیتمشی و ثانیا
مأمورین سفارتک اصل دیوانخانه شاهییه ایلیچی ایله برابر کیره میوب
قیویاننده قلمشی و باش وکیل ایله ملاقاتدنصکره سائر اکابرده دخی رسماً
کیدمشی عادتلرینک رفعی و ثانیاً صندالی مادهسی ذاتاً چاکر لرینه رعیت
کی اولوب سفرای لاحتمیه حق اولماق لقر دیسی لغو و رفع قندقدده
ملاقاته کیدیلوب دیوانخانه شاهی اوکنده ایستکمز ایله قوشلر ترن
و حضوره مهموزلی چزمه لر ایله دخول اولوب نامه هایون جناب
پادشاهی نی یرینه بلا واسطه تسایم برله هر خصوصده طوغریسی رعیت
کامله کورلمشدر . »

فی ۲۵ ذی القعدة سنه ۶۸

*

**

پدرندن ارنا منتقل استانبولده کائن قوناغی مشرف خراب اوئیجه
مقدمایا لکزمه موسم صیفده ساکن اولوب پک سودیکی روم ایلی حصارینه
یلدرک موسم شتاده ساحلدن براز کیروده بولسان یالیسندده اسکان

ایدر، موسم صیفده بوغاز کسن قلعه سی اتصالنده کی گوشه وحدتنده مطالعه کتب ایله اشتغال ایلر، تنفس و قتلرینی ده باغچه سنه، چیچکلرینه، اغاچلرینه حصر ایدر ایدی، او اغاچار، چیچکلر که هر بریسی کندیسنجه بز لر یعنی اولاد واحفادی قدر قیمتی ایدی.

مشارالیه یالکیز ایکی شیئه نصب نظر اهتمام ایلر ایدی: کتاب، نبات. طبایع بشریه دن ده یالکیز ایکی خصاتی نظر اهمیتده طوتار ایدی: استقامت، سعی و غیرت.

مشارالیه «حرکاتی کورنلر بکا جسور دیرلر. حالبوکه بنده کی جسارت دکل، توکلدر» دیر ایدی. مشارالیه قدر آزاده سر یشایان انسان پک اندردر دیه بیلورم. هیچ برشیئده تقید وانتظامی سومز، الایش دنیوییه اصلاً اهمیت ویرمز ایدی. مسکنی بیله داخلأ خارجأ بروزیر قوناغنه جسیان صورتده مزین ومنتظم اولمقدن پک بعید اولوب طبع لاقیدانه و فکر سادکیسینک بر نشانه مجسمه سی اطلاقه شایان برحاله ایدی. اک بیوک مأموریتده ایکن بیله خانه سی اطاسلر، قدیفه لر، اندام آینه لری و تزینات متنوعه سائرده بدل مهاجرلره توزیع اولنق ایچون ییغینلرله امریقان بزى وسائر البسه لك قاشلر ایله مملو بولنیور، کریمه لرینک پارمقلرنده پر لافظه یوزوکلریرینه محتاجین ایچون کوماک وسائر یچمک سبیلله کثرتله مقراض استعمالندن متحصل ناصورلر، شیشلر مشهود اولیور ایدی.

بیامم که نصل اکلاتهیم؟ نفائیسیندک طبعنده بتون بتون مفقود ایدی دیهم. زیرا تاریخ فرش و اعماللری همان اولادینک تاریخ ولادتلیله مساوی دنیله جک درجده قدیم اولان عادى مفروشات اراسنده،

نظر فريب ، قيمتدار برخالی يا خود برشاله مصادف اولمقن خالی قلنز ، محضا ترك معمولاتی اولدينی ایچون بالخاصه تدارك واشترا ایلدیکی کوتاهیہ متاعندن قباصبا طوپراق دستی ، لکن ، ابریک و سائرہ میانندہ ، سہور ، ساقسون فابریقہ لری معمولاتندن ، اسکی معدن یا خود چین و ژاپون مصنوعاتندن اوائی نظر ربا و کرانہا نظرہ تعلق ایدر ، فقط جملہ سی ارانہ ایلدینجہ کور یلہ میہ جک بر صورت غیر منتظمہ دہ بولنور ایدی .

مقصدی ، ترک قومی ، لسانی ، ادبیاتی ، قیافتی ، صنعت و حرفتہ مستقل بر قوم اولمق اوزرہ احیا ایلماک اولدینی لہجہ عثمانی وجودہ کتیرمک ایچون صرف ایلدیکی مساعی کثیرہ دن ، ائارندہ اتحاد ایلدیکی شیوہ غریبہ ترکیہ دن و ضروب امثال ترکیہ نی بیلہ جمع و تلفیق ایلمسندن استدلال اولدینی کی معمولات داخلہ یہ مراق درجہ سندہ کوستردیکی رغبتدن ، عثمانی اولدقدنصرکہ ہرہانکی صنعت ار بابندن اولور ایسہ اولسون محصولات صناعیہ سنی ہیچ برکونہ حائز مہارت و جالب دقت اولسہ دخی لاجل التشویق دکرینک فوقندہ مبالغ کثیرہ ایلہ مبايعہ ایلمسندن اکلاشیلور . حتی مادام الحیاء عالمہ سنہ قیافت ملیہ مزی محافظہ ایتدیرمش ، الان بیوکلر مرز اوامرہ اقتفا ایلماکدہ بولنمشدر .

موسم صیفدہ طربزونک کتان ، موسم شتادہ چینی پموق ایلکنندن منسوج بزدن یا پلمش کوکسنہ ، قولارینہ ، یاقہ سنہ اوچ پارمق اکلیلکدہ بیاض کتان چوریلمش کوملک اوزرندہ موسمنہ کورہ معمولات داخلہ دن بولنان ایلماک الاجہ سندن یا خود کتاندن معمول غایت بول بر انتاری ، بلندہ بردکرمی آبانی برقاچ دفعہ قاتلمقن متحصل بر

قوشاق ، اوزرنده یازین (کزی) دنیلان قماشدن ایجه برجه ،
 قیشین قالینجه برکوروک ، باشنده غایت ایجه صیق دیکیشلی برتاکیه
 اوزرنده مائی پوسکولای بیوک برفس — اکثریا یالکیز تاکیه ایه
 اوطورر ایدی — عادی سیاه عبادن معمول آرقه لری باصق ترلیکلر ،
 ایجه سیاه بر بومکه مربوط اوله رق بیوننه تعلیق ایلدیکی تک برکوزلک
 ایشته قیافت [۱] داخلیه سی بویله ایدی که صوک زمانلرنده یرلیدن ، اجانبندن
 زیارتنه کلنلری مرعی الحاطر ذواتدن اولسه لرده ینه بوقیافتده قبول
 ایدر ایدی .

مشارالیه بروسه ده کائن یشیل جامع شریفک داخلًا و سطنده
 کائن شادروانی محل مذکوری حفر ایتدیروب میدانه چیقاردیغی زمان
 ینه بروسه ده برینک خانه سنده کوردیکی فسقیه طاشنک مطلقاً بوجامع
 شریفک اشبو شادرواننه عائد اوله جغنی حساب ایله کتیرتوب یرلورینه
 وضع ایتدرمش و مطابقت تامه دنناشی بو طاشنک فی الحقیقه اوشادروانک
 اقسامندن اولدیغی تحقیق ایتشدرد . بووقعه شایع اولنجه بعض صافدروانلر
 کشف مذکوری تک کوزلکک کرامتنه حمل ایتشلر ، حتی بر اختیار
 قادینجغز برکون مشار الیه مراجعتله ایکی سنه اول غائب اولان ساعتی
 اوهرشیئی کوروب بیلدیکی تک کوزلکیله باقوب بولسنی رجا ایتش ،
 مشارالیه دن « ساعتک غائب اولدی چوق وقت اولمش . ارتق بولمز ،
 بوده انک خدمتی کورر » جوابیله برابر برده ساعت آله رق سوینه
 سوینه چیقوب کیتمشدر .

[۱] یادکار اوله رق نزدنده محفوظ اولان بوتک کوزلک ایچون شویله
 برقرره مریدرکه غرابتنه مبنی نقل ایدیورم .

صباحین اوچ ییحق، اقسام ساعت اونبرده اولمق اوزره معین زمانلرده طعام ایدر، یمک وقلری مواسمه کوره یارمشر ساعت تخلف ایلر ایدی. اوائل حالنده اوچ درلودن زیاده اولیان اطعمه معدوده سندن پک آز یمکله اکتفا ایدر ایکن حال شیخوختده بالعکس متنوع طعاملردن اشتها ییجه اکل و تناول ایلر ایدی. سفردده علی الاکثر یانکیز بولنور، نادراً اولاد واحفادنن بر یاخود ایکسیله برابر طعام ایدر ایدی. بزه اثنای طعامده آزاده فکر اولمغی، حتی یمکدن صکره بر ساعت قدر کتاپ او قوماغی توصیه ایلدیکی حالده کندیلی طعامده بیاه مطالعه ایلر مشغول اولور ایدی.

بعد الطعام براز او یور، کیجه او یقوسی غایت آز و غیر مضر. اولوب بر ساعتک نصفی او یقو ایلر کچیریرسه دیگر نصفی بهمه حال مطالعه ایلر امرار ایدر ایدی. وقت سحرده او یانه رق کونش کرکی کبی یو کسلنجیه قدر او یومز، قیشین یمک و قتنه قدر یتاغندن چقمز ایدی. یارمشر ساعت، بر چار یکن عبارت کسک کسک او یقولری حساب ایدلر کیجه ده انجق برقاق ساعت نائم بولندیگی اکلا شیلور. قیشین یتاق او طه سنده منغل، صوبه کبی آلات تسخینه دن برشی بولنر مز، آرامگاه نهاریسنی عادی بر صوبه تسخین ایلر ایدی.

مکیفات و مسکراتدن، معتدل صورتده، قهوه و توتوندن ماعدا برشی استعمال ایتمز، استعمالی اعتیاد ایدن دیکی کار قدیم اوزون چبوغنک دوماتی، اکثر توتون اچنلرده کورلیدیکی وجهله. تادرونه واصل اوله جق درجه ده چکمز ایدی.

هر حالنده نمایان اولان عدم انتظام باغچه سنده دخی جاری ایدی. تخم لری اوروپادن جلب ایلر یتشدریدیکی متنوع چیچکلر، منتظم

طر حار ، صاقسیلر دروننده يك نظرده مشهود اوله میوب عادی چیچکلمیانه ، مشجره آرالرنده ، دیوار دیبلرنده مدق نظرلرک معطوفی اولور ، کندی بیوتدیکی اوتوز ، قرق سنهك جسیم ، متنوع چاملر ، آقاسیا ، پالونیا وآت کستانهسی مثللو اشجارك آراسنده چیقمش بولنور ، يك لطیف چیچکلی کوچك اغاچار ، عادی یبانی اشجارك شاخ وبرکی آراسنده مستور قالور ایدی . بناءً علیه باغچه یه ایلك دفعه داخل اولان کسه کنديسینی اشجار وازهارى خدای نابت ، طبیعی بر اورمانده ظن ایدیهیلور ایدی . زیرا صاحبك ساده لکه اولدینی قدر طبعیله که دخی مراقی وار ایدی . اواخر عمرنده سمین وجودینی اغریلر ، صیزیلر استیلا ایدرك بر ایکی کشینك معاونتیه کمال زحمتله یرندن حرکت ایلدیکی حالد یه هر کون باغچه یه چیقمقدن فارغ اولمز ، وجودینی بودرجه اتعاب ایتماسی حقنده واقع اولان اخطاراته کنديسینی بیلنلرجه مجهول اولمیان تبسم لطیفی ایله کولهرك : « سرك تکراراً چوجق اولدیغکز وارمی چوجقلر : بن یکدن چوجق اولدم ، نه قدر زحمت چکسه م ، هوا سرنجه دخی اولسه ینه باغچه مدن وازچکم » دیه جواب ویرر ، اکثریا باغچه سنده کائن بوغاز ایچنه ناظر سد اوزرنده يك سودیکی ارغوان اغاچلرینك سایه سنده اوطورر ایدی . [۱]

[۱] غرائب تصادفیه دندر که مشار الیهك قبری قیالر قبرستانده بر سد اوزرنده بر ارغوان اغاچی سایه سنده واقع اولدیغندن حال حیاتنده کندی اوزرینه دوکیلان ازهار ارغوان شمدی ده قبرینه دوکیلیور . مشار الیهك قبرینه وصیتی موجبنه عادی برسنگ ضرار رکز اولمش ، اوزرنده محکوك اولان کتابه ، میلان سادکیسنه توافقی ایتمك اوزره کچنلرده طرف عاجزانه مدن « اعظم علمای اسلامیه دن ، افخم وزرای سلطنت سنیه دن احمد وفیق پاشانك قبریدر . الفاتحه » صورته قلب وتبدیل ایدلشدر .

وفیق پاشا ، پدرندن پک صیق و مزعج بر تربیه آتش . هنوز
یکرمی یاشنده ایکن تأله مجبور ایدلشددر . کیمسه سرفرو ایتک
شانندن اولیان مشارالیه والدینه قارشو پک مطیع ، پک ملایم ایش .
صکره کنديسنکده عائله سنه قارشو اولان معامله سی پک غریب ایدی .
هم غایت شدت پرورانه ، تضییق کارانه ، همدۀ فوق العادۀ شفقت کارانه ،
التفات کسترانه . بوسیلۀ اولادینک کنديسنه قارشو اولان معاملات
و حرکاتی هم فوق الحد خائفانه و تعظیم کارانه ، همدۀ پک زیاده محبت کارانه
ولا بالیه ایدی . نصل تعریف ایدیم ؟ فوق العادۀ مظهر التفات
و نوازش اولدیغمز ، یوز بولدیغمز حالده شیارد مز ایدک دیسه بیلمم
بومعاملات متقابلۀ و متضادۀ نک طرز جریانی سزه اکلامش اولور مییم ؟
حتی نقل ایدر لرکۀ مثلاً بر ساعت اول یازیخانه سنک اوسته چیقارده رق ،
کورکنک ایچنۀ صاقلیه رق ، حتی اوموزینه اوطورته رق انواع نوازش
و تلطیفاته غرق ایتدیکی چوجغنی بر ساعت صکره تأدیب و تعزیر
لازمکدیمی آلت تأدیبی بالذات کنديسنه کتیرتیر ایشده اوچوجق
کتیرمامک ، قاجق ، طورمامق جرأتی ، هیچ بر وجهله عدم اطاعت
جسارتی کنندۀ بوله ماز ایش . بیسودکاری زمانکی معاملات حقندۀ
دنجی بوحالۀ قیاساً بر فکر حاصل ایدیله بیلور .

اولادینی ظاهراً سیان طوته رق صحبتده یکدیگرینه ترجیح ایتیز
ایدی . فقط بز یعنی احتیادی دائماً فرط نوازش و التفاتنه مظهر
اوله رق همان هیچ شدت تعزیر کارانه سنه هدف اولمز ایدک .
افراد عائله سنک حرمت و رعایتنک یالکیز کندينه مختص اولمیوب

يکديکری حقنیده دخی جاری اولمی جمله مقاصدندن بولنور ،
اجرا ایلمکده موفق اولورایدی .

طبخنه ، اعتدالی محافظه ایلمه مدیک، ایکی قوت وارایدی : حدت
و غضب ، اطعام و احسان .

ایشته بو احوالده دائماً درجه افراطه کیدر ایدی که بر یسیله پک
چوق دشمن پیدا ایلمش ، دیگر یلده دیون کثیریه گرفتار اولمش
ایدی . زمان غضبنده سراپا بر آتش شراره فشان حالده بولنوب
مخاطبنی مهابت و مخافتیه لرزان ایلیان و فیک پاشا حال طبعیسنده درون
چشمانه قدر سیاسنی احاطه ایدن بر حلاوت و بشاشته بزم مصاحبتده
بولنالنری هم ملتذ ، هم مستفیدایلر ایدی . مصاحبه شطارت انکیزانه سی
اثناسنده قهقهه لریمزه نهایت اولمز ، پک مبذول اولان لطیفه لر یله
کوزلریمزدن یاش کلنجه یه قدر کولدی کمز پک چوق واقع اولور ایدی .
آه ! او مزاح ایچنده بز نه بیوک حکمتلر ، موعظه لر او کرنور ایدک ،
استفاده مز یالکز معنوی ، اخلاق دکل ایدی . ماده دخی مستفید
اولور ایدک . حتی هیچ اونوتمم ، وفاته قریب بر زمانده ، ضیق صدردن
مضطرب بولنلدیغنی حالده دست رعشه دار یله طوتدیغنی قلم ایله کاغذ
اوزرنده صویک محال مرتفعه یه صعودی نصل اولدیغنی کسیک کسیک
نفسلر ایله بو محرره عاجزه یه تعریف ایتدی ایدی .

مشار الیهک مصائب دهره تحمل و مقاومتی فوق العاده اولوب
هان مدت عمرنده تأثر و تأسف دنیلان حسیات هیچ بر سببله قلبنده
جایکیر اولمامش ، مثلاً مقدا ساکن اولدیغنی ینه جصاصده کائن دیگر

برياليسى محترق اولدوق كافه اموال واشيماي ضايع اولمىنى كويا بو
حريق ذاته عائد دكش ، دهاطوغريسي هيىچ برشىء وقوع بولماش كى
كال لاقيدى ايله تالق ايلمشسده اواخر عمرنده حدتنه مغلوباً پك
سوديكي بيوك اوغلى رفيق بكدن افتراقى ، متعاقباً مرحوم مومى اليهك
فراق ابديسى قلبنده ناقابل النيام بر جريحه حاصل ايتمش ،
مجبور اولديغى متانت قلبيه ايجاباتندن اولدوق ظاهراً اخنا ايله بيلديكى
او عظيم كدر ، او عميق ياره حسب الشيوخوخه ذاتاً پيرامش وجودي
بتون بتون دوچار انحطاط ايله رك مرحوم مومى اليهك وقتندن صكره
يانكز قالباً ايكي سنه دها معمر اولدوق نهايت ترك دغدغه حيات
ايلمشدر .

حريض مال ومنال اولديغى چيقله حين وفتمده كتابلرى ، ساكن
اولديغى خاندلر و برقاچ پارچه آتقته دن بشقه برشىء ترك ايتامش . جميع
ديونك يكونى ايسه ايجه مهم برمبلغه رسیده اولمشدر .

رحمة الله عليه رحمة واسعة

مورخ مصطفى پاشا

ازميرلیدر . منصورى زاده محمد امين افدينك مخدوميدر .
۱۲۳۸ ده تولد ايلمشدر . در سعادتده مكتوبىء خارجيه چراغ اولدى
اوزمان مكتوبىء خارجيه سعيد افدينك همشيردسنى تزوج ايله تنظيمات

مجلسی کشادنده اورایه سرخلیفه اولدی . ۲۷۵ شعباننده تنظیمات باش کاتبی ، ۷۷ محرمنده مجلس والا باش کاتبی ، ربیع الاولنده محاکمات دائرہ سی باش کاتبی ، ۷۹ رجبک اون برنده مابین هایون باش کاتبی ، ۸۰ ربیع الاولک اون بشنده بکلیکچی ، رجبنده دعاوی ناظری و ۸۱ صفرنده مجلس والا اعضاسی ، ۸۵ محرمنده دیوان محاکمہ مالیہ رئیس ، ۸۶ محرمنده بالا ایله دیوان محاسبات رئیس ، ۸۸ رجبنده عزل ایله ۸۹ رجبک ساخنده احکام حقوق رئیس ، ۸۹ رمضانک یدیسنده صدارت مستشاری اولوب ۹۰ ربیع الاولنده عزل ایدلمشدر . ۹۲ ذی الحجه سنده احکام مفتشی ، ۹۳ دهویر کوامینی ، ۹۹ جمادی الاخراسنک طقوزنده وزارت ویرلدی . اوسنه اوآخرنده معارف ناظری . ۳۰۲ ذی الحجه سنده انفصال ایله ۳۰۳ ربیع الاخر اواسطنده اوقاف ناظری اولدی . ۳۰۷ جمادی الاولاسنک یکر می یدنجی جمعه کونی فجأةً ارتحال دارنعم ایلدی . سلیمانیه ده مدفوندر .

کریم الطبع ، غایتله مستقیم ، صمیمی ، خیرخواه . فقرا پرور برذات ایدی .

رحمة الله عليه رحمةً واسعة

« نتایج الوقوعات » نامیله اوچ جلددن مرکب اولان تاریخی دولت علیه نك تأسيسات قدیمه سنه و اصول اداره سنه دائر مایخص ، مفید ، قیمتمدار معلوماتی حاوی بر مجله نفیسه در . مطالعه بی توصیه اولنور .



مورخ محمد فوزی افندی

خبر صحیح مؤلفی مرحوم محمد فوزی افندی مرعشک قیصه کورک زاده لر دیمکه معروف بر خاندانه منسوب مفتی زاده صادق افندینک صابندن بیک ایکی یوز قرق طقوز سنه عجریه سنده در سعادتده مهد آرای وجود اولمش و طقوز یاشنده ایکن پدری وفات ایتیمسیله عیجه می ثابت افندی مرحومک همت و دلالتیه رشدیه مکتبده تدریسات ابتدائیه ایله متوغل بولندقدن صکره مکتب عرفانیده اکتساب عرفان و کمال ایتمش و اون سکرز یاشنده مرحوم حاجی حمید پاشانک بر زرین دفترداران زندهنده مشارالیهک معیتده بولوب محاسبه و ولایت قلمنه دوام ایله اوچیوز غروش معاشه نائل اولمشدر .

بیک ایکی یوز یتیش ایکی سنه سنده مشارالیهک اضنه ولایتی دفتردارلغنه تحویل مأموریتده دخی ینه معیتده کلهرک و ولایت مذکوردهده بشیوز غروش معاشه نائل اولدی . مؤخرأً مشارالیهک دامادی اولوب یتیش اتی سنه سنده مشارالیهک برابر دیار بکره کیتدی . اوراده اوچبیک غروش معاشه مدیاط قائم مقاملغنه ترفیع ایدلمشدر . ایکی سنه صکره بیروت مجلسی باش کتابتیه تحویل مأموریت ایتدی . یدی سنه صکره شام دفتردار معاونلکینه تعیین اولنهرق قدری اعلا ایدلدی . سوریه ولایتده اون سنه سنه متجاوز خدمات متنوعده و انص صکره جبل لبنان مسئله می مناسبتیه بیروتده آجیلان مجلس فوق العاده باش کتابتده و سوریه مکتوب بجاغنده ابراز اهلیت ایامش و ولایات اصولنک تعیمنده سیواس دفتردارلغنه مأمور اولمشدر .

سیواسدن انقره واورادن قونیه دفتردارلغنه مأمور اولدینی کی
قونیه دن انفصالنده اعشار تحقیقاتی مأموریتله سالانیکه کوندرلش
وعودتنده برنجی دفعه اوله رق از میر دفتردارلغنه تعیین قلمشدر .

بش آی صکره بحریه و برمدت صکره مالیه وایکی سنه صکره ضبطیه
مکتوبجیاغنه نقل مأموریت ایدرک برسنه مقدمی دخی ایکنجی دفعه
اوله رق آیدین دفتردارلغنه مأمور اولمشیدی .

مشارالیه از میر دفترداری ایکن تیغردن اون ایکی کون اسیرفراس
اولدقن صکره ۱۲۹۵ سنه می حمادی الاخرانک طقوزنجی بازار کونی
ارتحال ایدرک از میرده شیخ سید مکرم الدین حضرتلرینک تکیه سنده
مرحوم اسعد پاشانک مدفون بولندیغی مقبره ده دفن ایدلمشدر .

درایت وعفت ذاتیه سنی فضیلت و معرفت ایله ترین ایلش بر ذات
اولوب مالیه مأموریتلرنده کوستردیکی صداقت خزینة جلیله جه معاوم
اولدینی کی قدرت قامیه سی کندینی بیانلر و « خبر صحیح » ی اوقویانلر
تزدنده میلندر .

« خبر صحیح » ک مقدمه سنده بیان اولندیغی وجهله اسمآمزده
یازیلان تاریخلرک برطاقی الفاظ منشیانه ایله یازلش شیار اوله رق
برطاقی ده حمزه نامه وادیسنده تردات بیغنی و تعیرات تعصبیه ایله مملو
اولوب نه بریکی ، نه اوتدی افاده خبر مقصدینه تمامله کفل اولمندیغی
حاله مرحومک بدایت ظهور عثمانیاندن مرحوم جودت پاشانک
ضبط وقایعنه مأمور اولدینی تاریخه کلنجه ۴۹۰ سنه لک وقایعی مشتمل
اولق اوزره ترتیبه ابتدار ایلش وسلاحان سایم ثانی زمانه قدر اولان
وقایع دولتی حاوی اوله رق بش جلدینی نشر ایتش اولدینی اشبو

تاریخ آداب عصره موافق و مختصر و مفید اولقبه برابر محاکمتنده کی
دقت و اصابت بشقهجه شایان تقدیر در .

بناء علیه خزینة صداقتی بر مأمور و ادبیات عثمانیه بر مورخ غائب
ایتدی دیمکدر .

احمد مدحت افندی

تخمیناً ۱۲۶۰ سنه سنده استانبولده طوپخانه جوارنده تولد ایلمشدر .
پدری « بزجی حاجی سلیمان آغا » اولوب بش التی یاشارنده ایکن پدری
وفات ایتمکله دیگر بر برادر و برهمشیره سیله برابر اداره سی اوزمانلار
ودین ایاتی داخننده (مؤخرأ عدلیه قضاسی دنیان) صحرا قضاسی
مدیر لکنده بولنار برادری حافظ ابراهیم آغایه قلمشدر . قریم
محاربه سنندن صکره آغای مومی الیه والد و همشیره و برادر لرینی
ودینه جلب ایدرک برقاچ سنه اوراده امرار ایام و محله مکتبنه دوام
ایلمش اولدینی کی بعده ینه والد و برادر و همشیره سیله استانبولده عودتله
طوپخانه ده خبره جی یقوشننده کائن صبیان مکتبنه دوامه باشلامش
و برقاچ سنه اوراده قرآن کریم و تجوید و علم حال و انشا قرائتی و نث
و نسخ خطاری تعلم ایتمشدر . ۱۲۷۶ اوائلنده ایکنجی دفعه اولدرق
برادری مومی الیه حافظ آغا طرفدن فامایاسی خاقیه برابر و دینه
جلب اولنوب بودفته مکتب رشیدییه قید و ادخال اولمش و برسنه
صکره برادرینک نیشه تحویل مأموریتی اوزرینه اودخی نیشه
کیدرک اوراده کی رشیدی مکتبنده صرف و نحو و منطق و فارسی و حساب

و بر از تاریخ عثمانی و جغرافیا تحصیلیه بین الشریکا برنجی شهادتنامه‌سنى
المشدر . ینه بورشدیه دواى اثناسنده خصوصى برعامدن فرانسز
لساننى تحصیلیه باشلادینى کبى برادرینک کتب تاریخیه و ادبیه مراقى
حسیله هر سنه کندیسنه قارئک وظیفه‌سنى ایضا ایلدیکندن سیردن
روضة الاحباب و تاریخدن جودت پاشا تاریخى (اوزمانلر بشنجى جلد
قدر مطبوع ایش) و الف لیله ترجمه‌سنى و برچوق ترکی دیوانلری
بووسیله ایه قرائت ایدرک توسیع فکر و نظر ایدر ایش . اصول
ولایتک دردست شکل بولمى حسیله ۱۲۷۹ سنه‌سنى اواخرنده
مع عائله نیشدن روسجغه نقل ایدرک ۱۲۸۰ سنه‌سنى مارتى ابتداسندن
اعتباراً یوز غروش معاشله طونه ولایتى مکتوبى قلمنه چراغ ایدلش
ایسهده بوماء ورتله تحصیلیه ختام ویرمش اولمیوب بالعکس اصل
بوتاریخدن اعتباراً تحصیلیه باشلامشدر . زیرا مدرسیندن حاجى صالح
افندى و مفتى بلده حافظ نوری افندى مرحوملردن عربى و فارسى
تدرس ایچون برقاج کنجلىر ایلده عقد رفاقت ایلدیکى کبى روسجقده
کائن بلشار کلیسه‌سنى خواجه لرندن دخى برصورت خصوصیهده
فرانسز لسانى و علوم ریاضیه و طبیعیه تحصیلنه باشلایه‌رق ینه بوسرهده
غالب مرحومه بعض اشعارینى تصحیح ایتدیرمک صورتیه شعر
ایله دخى اشتغال ایدر ایش . باخصوص ولایتده تأسیس اولنان
طونه غزته‌سنى اوفق تفک شیلر ترجمه و تحریرى صورتیه محررلکه
دخى باشلامسنى بوانئاده وقوعه کشدر . ۱۲۸۳ سنه‌سنى صوفیهده
براصلاحخانه (مکتب صنایع) ایله بعض فابریقه‌لر انشاسنه مأمور
اولان برادری حافظ اغایه هم خصوصى کاتبک ایتک هم ده بوانشا
آته مأمور اولان پروسیالی مهندس پرده‌نچ ایله برادری آردسنده

ترجمانلق وظیفه‌سنی ایفا ایلمک اوزره صوفیه کیتمش واوراده لوا
تحریرات او طه‌سند برمسودلک وظیفه‌سنی دخی کندیسنه علاوه
مأموریت قلم‌شدی . ۱۲۸۴ تاریخنده تأهلی دخی صوفیه‌ده وقوعه
کلوب فقط براز صکره تکرار روس‌جغه تحویل مأموریت ایدرک
طونه غزته‌سی باش محررلکی واداره نهریه‌صندق امینلکی کبی خدمتلرده
بولمشدرکه کرک بوصرده وکرک بوندن صکره‌کی دفعقلری ائناسنده
اوزمان ارکان حربیه‌قول اغاسی بولنان دولتلو شاکرپاشا حضر تلرندن
پک بیوک استفادۀ علمیه وفکریده بولمشدر . ۱۲۸۵ اوائلنده بغداد
ولایتک تشکیله اورایه تحویل مأموریت ایدرک اوچ بیک غروش
معاشله مکتوبی قلمی مسودلکنه مأمور ایدلش ایدیسنده بومأموریت
صفت رسمیه‌سی اولوب اصل خدمتی زورا غزته‌سی باش محررلکیله
مطبعه واصلاحخانه مدیرتی ایدی . هیچ برزمان تدرس وتعلمدن
خالی قلامق طبیعتی مقتضاسندن اولسیله بغدادده دخی عربی وفارسی
تدرسندۀ دوام ایتش ازجمله جان معطر لقیله ومحمد باقر اسمیله‌سیما
اولان برفاضل ایرانیدن قرآن کریمک مختصر آتفسیرندن عبارت برصورت
تلمذایله‌کلی استفاده‌ایلمشدر . برصورت جدیدده تألیفه‌دخی بغدادده
باشلایه‌رق « لطائف روایات » سرلوحه‌سیله مؤخرآ استانبولده نشر
ایلدیکی حکایات مختصره‌نک ایلمک دوت بش دانه‌سنی بغدادده یازدیخی کبی
مشهور « خواجه اول » نام کتابنک دخی ایلمک طبعنه بغدادده موفق
اوله‌رق ایکنجی طبعنی استانبولده نشر ایتشدر . ایلمک دفعه اولمق
اوزره رتبه ثانییه بوخدمتلرینه مکافأة بغدادده نائل اولمشدر .
۱۲۸۸ تاریخنده استانبوله عودت ایدرک جریده عسکریه باش
محررلکنه تعیین ورتبه‌سی ثانییه ترفیع اولوب ینه اوصرده‌کندینه

مخصوص مطبعه‌ی کشاد ایلیمش و تألیفات کیرشمشدر که ترجمه‌ی حناک
 بوندن صکرده‌سی ده ارتق بتون جهانک نظر مشاهدده‌سی اوکنده
 جریان ایتشدر .

کتابخانه‌لرده ، ایدیء تداولده بولنان برچوق اثرلرله‌ده اکلاشیدینی
 اوزره ابقای نامه مدار اوله‌جق محسول ذکالری بر ویاخود برقاج
 دانه‌دن عبارت دکادر . شایان دقت برقاج جهت وارد که محررانه
 باشادقلری زماندنبری استراحتیه یک آز زمانلری فدا ایدرک سعی واهتمام
 سایه‌سنده یک چوق مؤلفات وجوده کتیرمه‌لری ، ایکنجیسی او قدر
 کثرتله برابر ساحه‌آرای انتشار اولان آثار موجوده لرینک جمله‌سنده
 کرک طرز تحریر و کرک انتخاب زمین نقطه نظرندن حقیقهٔ موفقیت
 ابراز ایتجاری و بونارک جمله‌سندن اهم اولمق اوزره برمزیت ده‌اوارسه
 لسانزده مقلد دکل . موجود اولمایدور. از جمله رعائله‌نک ، بر شخصک
 تاریخچهٔ عمرندن عبارت اولوب افرادبشر ایچون عبرت وانتباه‌امرنده
 بر آینهٔ امثال ، بر لوح‌الادب عنوانه بحق سزا اولان رومان تحریرینی
 بزده‌اولا کندیلری احداث ایتشدر. رومانلری ایسه کرک خیالی ، کرک
 تاریخی ، کرک سیاحتیه متعلق هر نه اولورسه اولسون روماندن منتظر
 اولان نتیجه‌ی کرچکدن تأمین ایدر .

مشارایهٔ حضرتارینه دائر بحث آچیلیمشکن برقاج سوز سویلمک
 ده‌ا ارزو اولموردی. کندیلرینک میدان انتشاره چیقان اثرلری نظر
 اعتباره آلینیرسه کویایکمنظرده کللرد ، بلبلارده سویله‌تلمش صنعی غزلار ،
 چمنلره ، سطح آبلره اوزاد یلمش حزین سطرلر کورلمز ایش !
 کندیلرینک اساساً التزام ایتدکلری مسلك بهار کی برذوق موقته

خدمتدن عبارت اولمدینی ایچون اوساده اثرلرده آلاش بهار کی
موده سی کچمک نقصانندن آزاده در . روش افاده لرنده ، صورت
تحریرلرنده بر درجه متانت وارد که نسبت اولنق لازم کلسه زینت الفاظ
ایله مزین بر مقاله چام تخته سی ایله یاپللمش بغدادی صیواسی اوزرینه
النسون ، مرجان ، یاقوت و سائر ایله ایشلنمش موقت برجداره
بکزرسه اوجدارک یاننده ذراع معماری مکعبی جسمانتمده کسمه مرمرلره
یاپللمش زینتمدن آزاده بر مبنای پایدار در .

هله تاریخ یازمه قدده هر کسدن بشقه بر یول طوتمش لردها طوغریسی تاریخ
دنیلان خزانن ماضیه دن استفاده ماضینک کهن برویرا نه ده دفن ایتدیکی
خزینهی یالکز حکایه قیلندن دیککه مک اولموب یدتمکه کچرمکله ممکن
اوله جفنه نظراً بوجهت تأملدن تاریخ یازمق ایچون اک طوغری طریق
هانکیسی ایسه انی تعقیب و کشاد ایتمش لرد . لسان عذب البیانمز اوزرده یازیلوب
کتبخانه لر مزده مضبوط اولان بونجه تواریخ مختلفه نظر اعتبارده النسون
ایچلرنده اثر کوریلور که محردی حین تصویرنده قارئینی غشی ایتمکدن
بشقه برشی در شوغامش و بحق موفق اولمش در .

تصویر شخص و مزیتده بر قدرت اظهار ایدر لره قلملرینک
مخصوصاتنه جلوه گاه اولان صحینه کویا صحیفه لکدن چیقارمق مصورینک
تمثالی حاوی بر مرآت ماهیتما اولور .

تعیین حقایق و تدقیق وقایعه بر درجه ایلری به کیتمش لردره
ولو غایت اهمیتسز بیله اولسه بروقهه ایچون مسموعلری اولان بیک
درلو حوادثی آیری ، آیری یازمقدن وانلرک جمله سی ایچون قیاسلر
یایه رق حقیقتی کورمشجه سنه بولوب چیقارمقدن اوشنما مشلردر .
قلمده کی قوته کوکنوبده خیاله حقیقت رنکی ویردرک موحودی

مفقود ، حق باطل ، ظالمی عادل کو ستر مکہ ، یعنی تاریخ دینیلن علم جدی صحائفی برر مقاله ادبیه حاله قومغه چالشما مشردر .

فقط بوقدر مزایا ایله برابر تواریخ مذکورده ذاتاً زمانلرینه کوره برقاچ یوز سنه لک دوره ایچنده بولنان سلطنت عثمانیه نك الحق برقسم وقایعنی حاوی اولدینی ایچون نقصان بولندیکی کبی بونلرک اکثری مزیت تاریخیه نقطه نظرندنده ناقصدر .

چونکه زمانک حکمنجه مورخک مساعیسی صرف دائره عثمانیه حدودی ایچنده قلمش ، واوزمان عی الاکثر سلطنت سنیه ایله مناسباتی منقطع اولمیان ایران حکومتک وقوعندن بحث ایتدیکی حالده انده بیله لزومی کوریان تفصیلات خصوصیه کیریشما مشدر .

مثلا خسرو پاشاتک همدان سفرندنه کی احوالی تصویر ایدرکن یولده اوغرا دیغی قصر خسرو دینیلن بنانک دیوارلرنده کی نقوش و تزئیناته ، الیاس پاشانک دارالامان انخاذا ایتدیکی برغمه قلعه سنک قلعه غرور نامیله اولان خرافات اشتهارندن اعتباراً سطح آدن اولان بعد ارتفاعنه کوچک احمد پاشانک معن اوغلانی دودست ایدرکن مدخل غارده یاقدیغی صمانک مقدارینه قدر تصویر اولاندیغی حالده دولته کیه مهم وقایعدن پک چوققلری مسکوت عنه بر اقلیم مشدر .

ایشته احمد مدحت افندی حضر تلرینک مفصللری بودرلو نواقصک جمله سندن بری اولدقدن بشقه ایکی مهم جهت دها واردرکه بزده تاریخ عالمه دکل حتی تاریخ عثمانیه تمامیه واقف اولمق ایچون برچوق کتابه مراجعت مجبوری و ارکن تاریخ عثمانی ایله برابر بتون تاریخ عالمی مفصلاً تصویره یالکز باشنه کفایت ایدر برائر بهتریندر .

ثانیا تاریخ یازانلر ایچون لزومی قدر بیطرفاق مکر اوله میه جغندن :

انصاف اولنجه بزده رقیق رقیبی یز

منظوقنجه بزم توارینخمزده کورلدیکی اوزره السنه سائرده یازیلیمش تاریخلرده بزدن بحث اولندقجه زبندراز تجاوز اولق زمینده برچوق اسنادات غرضکارانده بولوندیغی حالده شمدی یه قدر بونلرک اکثری مدافعه سز بر اقلیمش ایکن مفصلده لزومی کورلدکجه او یله کوزل مدافعه لر درج اولنمشدوکه انسان ایچون حیرتده قالماق ممکن اولمز .

بوندن بشقه (کائنات) نامیله عموم روی ارضده بولنان دولتلرک صورت تأسسی واحوال تاریخیه لریاه حال حاضرندن باحث بر کلیات یازمشلر در .

عبدالرحمن شرف بک

عبدالرحمن شرف الدین بک طوپخانه عامره محاسبه قلمی میزلرندن متوفی حسن افندینک مخدومی اولوب بیک اکیوز التمش طقوز سنه هجریه سنده در سعادته تولد ایدرک صبیان مکتبندمه مقدمات علوم ابتدائیه یی وبعده ایوب سلطانده واقع حضرت خالد مکتب رشیدیسنده مرتب درس لری تحصیل ومؤخرأ مکتب سلطانیده ترکیه ، فرانسیزجه مقنن درس لری ا کمال ایله بیک ایکی یوز طقسان سنه سی جمادی الاولاسنک اون طقوزنده علی الاعلی درجه دن بر قطعه شهادتنامه اخذیله سنه مرقومه جمادی الاخراسنک یکرمی یدیسنده یکرمی بر یاشنده بولندیغی حالده بش یوز غروش معاشله مخرج اقلام شاهانه تاریخ عمومی معلمکنه

بالتعین بیک ایکیموز طقسان ایکی سنه سی ربیع الاخرینک یدیسندہ علاوہ
 دأموریت سوریا و بشقہ جہ اوچیوز غروش معاشلہ مکتب سلطانی
 قواعد و املا معاشلہ مکتب مرقومہ رمضانک اون اوچندہ مکتب
 مذکور قواعد و املا معاشلہ مکتب معاشی بش یوز غروشہ ابلاغ و طقسان
 بش سنه سی صغریٰک اونندہ بش یوز یتش غروش معاشلہ دارالمعلمین
 تاریخ عمومی معاشلہ کی دخی علاوہ ایدلیدیکی خالدہ سنه مرقومہ ربیع
 الاخرینک اونندہ ایکی بیلا بش یوز غروش معاشلہ مکتب مالکیہ شاہانہ
 مدیریہ تعین قلمسی حسابیہ مکتب سلطانی قواعد و املا معاشلہ کنندن
 کفید ایدوب رمضان شریفی ساخذہ بشقہ جہ بیک بش یوز غروش
 معاشلہ مکتب مالکیہ شاہانہ جغرافیای عمومی درسی علاوہ ایدلیدیکنندن
 مخرج اقلام شاہانہ و دارالمعلمین تاریخ عمومی معاشلہ کنندن انفکاک
 یتش و طقسان یدی سنه سی ربیع الاخری غرومہ کی تسمیقائیدہ
 مدیریت معاشی ایکی بیک غروشہ و معاشلہ مکتب بیک ایکی یوز غروشہ
 نزیل اولنہرق طقسان سکز سنه سی ربیع الاخرینک بشندہ بشقہ جہ
 آتی یوز غروش معاشلہ مکتب سلطانی تاریخ عثمانی و تاریخ اسلام
 معاشلہ کی علاوہ اولنش و بیک اوچیوز سنه سی ذی القعدہ سنک اون
 دوردنہ مدیریت معاشی اوچ بیک غروشہ سنه مرقومہ ذی الحجہ سنک
 یکر می بشندہ مکتب مالکیہ شاہانہ جغرافیای عمومی معاشلہ کی معاشی
 بیک درت یوز غروشہ ابلاغ و سنه مرقومہ شهر ذی القعدہ سنک
 یکر می اوچندہ مکتب سلطانی تاریخ عثمانی و تاریخ اسلام معاشلہ کننہ
 مخصوص معاشی یدی یوز غروشہ ابلاغ و برنجی صنفہ اوقوتدینی جغرافیا
 درسنی ترک ایتسندن طولانی مکتب مالکیہ شاہانہ جغرافیای عمومی

معلملكنه مخصوص معاش بيك اوچيوز ايكي سنهسى ربيع الاولك
يكرمى التيسنده بيك ايكي يوز غروشه تيزيل واوچيوز دوت سنهسى
ذى الحجه سنك بشنده مكتب سلطاني تاريخ عثمانى وتاريخ اسلام معلملكى
معاشى سكزيوز غروشه واوچيوز يدي سنهسى جمادى الاول سنك
يكرمى دردنده مديريت معاشى دوت بيك غروشه ابلاغ ايدنش وبيك
اوچيوز اون سنهسى صفرينك يكرميسنده علم اخلاق درسك علاوه سياه
مكتب ملكيه دهكى معلمك معاشى بيك بش يوز غروشه وسنه مرقومه
جمادى الاسى غروشه مديريت معاشى دوت بيك بشيوز غروشه
وبيك اوچيوز اون ايكي سنهسى صفرينك يكرمى برنده مديريت
معاشى التى بيك غروشه بالا بلاغ سنه مرقومه شهر شعبانك اون سكزنده
معاش حالي سياه ومعلملكارى عهد سنده قالمق اوزره مكتب سلطاني
مديريته نقل بيورلمشدر .

مشاراليه حضرتلى ترجمه وفرانسزجه تكلم وكتابت ايلديكى كى
فذلكه تاريخ دول اسلاميه وفذلكه تاريخ دولت عثمانيه نامرلي بهر جلد
وتاريخ دولت عثمانيه وجغرافياى عمومى نامرلي بهر جلد مضبوط
آثارى واردر . طقسان التى سنهسى رمضانك يكرمى طقوزنده رتبه
ثانيه وطقسان سكز سنهسى صفرينك اوچنده ترفيعاً ثانيه وسنه
مرقومه شوالك اون اوچنده ترفيعاً اولى صنف ثانيه وسنه واوچيوز بر
سنهسى ذى القعدة سنك دردنده ترفيعاً اولى صنف اولى، بيك اوچ يوز
اون سنهسى صفرينك سكزنده مشهود اولان مساعى رويتمدا سنه
مكافاة رتبه بالا توجه بيورلمش وطقسان سكز سنهسى صفرينك اوچنده
دردنجى واوچ يوز بر سنهسى شوالك اون برنده تبديلاً ايكنجى مجيدى

نشان ذی شانه و اوچ یوز اوچ سنه سی جمادی الاول سنک یکر می التیسنده
 اوچنجی و اوچ یوز یدی سنه سی رمضانک یکر می برنده تبدیلاً
 ایکنجی رتبه دن نشان عالی عثمانی و اوچ یوز اون سنه سی جمادی الاخر سنک
 بشنده التون لیاقت مدالیه سیله سینۀ صداقت دینه می ترین قلنم شدرد .
 عبدالرحمن بك مكتب ملكيهك تعالى وترقيسنه اك زياده صرف
 مساعي ايتمش ذواتندركه بو خدمتلىر هيج بر زمان اونوديله مز .
 دست تربيه لرنده وجوديله افتخار اولنور برخيل ده ذوات يتشم شدرد .
 تهذيب ارباب شهابى مقدس بروظيفه بيان عبدالرحمن بك مكتب مذ كورده
 هم ميريت ، هم ده تعليم ايله حقيقه بيوك خدمتارده بولمىش ، مثلاً
 ايستاتستيق كې بزده اربابى نادر بولان برفى تدريس ايله جبرمافاته
 چالشم شدرد . تاريخ عثمانيسى مختصر در . آنجق اسلوب افاده سى
 و اوكتابدن تعلم ابد جكلره طريق تعميقى ارأه سى شايان استحساندر .
 كتاب منقح ايسه ده تواريخ سائرده صحيفه لر اوقونق صورتيله اطلاع
 پيدا ايديله جك نقاط اساسيه يى بروضوح ، برايجاز ايله نظر دفته عرض
 ايتكى فوت ايتمز وقارئى تعميقه دعوت ايدر . ايشته بوجهتدن ده
 تأمين استفاده ايدر .

صواك

